

~~1308~~

~~1083~~

BIBL. NAZ.  
Vitt. Emanuele III

*Rac.*  
*de Maximis*

714

NAPOLI

Rec'd De Mairis 5/7/4





106

ALBERICI  
G E N T I L I S

JURISCONSULTI & PROFESSORIS

R E G I I

O P E R A O M N I A.



**A L B E R I C I  
G E N T I L I S**

**J. C. PROFESSORIS**

**R E G I I,**

**OPERA JURIDICA SELECTIONORA**

**IN DUOS TOMOS DISTRIBUTA.**

**TOMUS SECUNDUS.**




**N E A P O L I**

**Ex Typographia JOANNIS GRAVIER.**



**MDCCLXX.**

**SUPERIORUM FACULTATE.**



# I N D E X

## LEGUM ET PARAGRAPHORUM,

### IN TIT. DE VERB. SIGNIFIC.

#### A

L. CXCI.	<b>A</b> BSENTEM.	P. 453
	§. I. Absesse.	ibid.
L. XXXIV.	Alienis.	120
L. CVII.	Adsignare.	302
L. CXXXIX.	Edificia.	355
	§. I. Perfecisse adificium.	ibid.
L. XXVII.	Ager.	36
	§. I. Sspendium.	98
L. XXVIII.	Alienationis.	400
	§. I. Oratio.	104
L. LXVII.	Alienatum.	209
	§. I. Donationis.	211
L. LXXI.	Aliud est capere.	222
	§. I. Haec verba, bis rebus ralle.	213
L. CXXXI.	Aliud fraus est.	341
	§. I. Inter multam.	342
L. CLXXIV.	Aliud est promittere.	400
L. CXXXII.	Annulus amittitur.	345
	§. I. Falsum est.	346
L. CXXXIV.	Annulus non statim.	348
L. LI.	Appellatione parentis.	106
L. LXXII.	Appellatione rei.	224
L. CCXLVI.	Apud Laborem.	549
L. XL.	Armerum.	140

#### B

L. XV.	<b>B</b> ona civitatis.	P. 56
L. CIX.	Bona fidei emptor.	305
		L. XLIX.

# I N D E X.

L. XLIX.	Bonorum appellatio, aut naturalis	160
L. CCVIII.	Bonorum appellatio, sicut	469
L. LXXXIX.	Boves.	259
	§. I. Hoc sermone	261
	§. II. Inter edere.	262

## C

L. CLXVII.	Arbanum.	p. 399
L. CCXIII.	Cedere diem.	476
	§. I. Aes alienum.	477
	§. II. Lata culpa.	478
L. LXI.	Censere.	309
L. CXL.	Cepisse.	356
L. CLX.	Ceterarum.	384
L. LVI.	Cognoscere.	178
	§. I. Liberatorum.	180
L. CLXXIII.	Collegarum.	405
	§. I. Qui extra continentia.	406
L. CLXXXVI.	Commendare.	425
L. LIV.	Conditionales.	175
L. XXIX.	Conjunctionem.	106
L. CCIX.	Coram Titia.	470
L. LV.	Creditor.	177
L. X.	Creditorum.	36
L. XI.	Creditorum.	40
L. LVIII.	Cui precipua.	181
	§. I. Persequi.	184
L. XCVIII.	Cum bis sextum.	285
L. CCII.	Cum in testamento.	458
L. LXXXI.	Cum pretor.	241
L. CCXL.	Cum querebatur.	539
L. XCVII.	Cum stipulamur.	284

## D

L. CVIII.	Debitor.	p. 304
L. LXXVI.	Dedisse.	229
	L. CLI.	

LEGUM ET PARAGR.

7

L. CLI.	<i>Delata hereditas.</i>	373
L. CII.	<i>Derogatur legi.</i>	297
L. XL.	<i>Detestatio.</i>	137
	§. I. <i>Servi appellatio.</i>	<i>ibid.</i>
	§. II. <i>Familia appellatio.</i>	138
	§. III. <i>Unicus servus.</i>	139
L. CVI.	<i>Dimissoria.</i>	301
L. CCXXXVII.	<i>Duobus negativis.</i>	325

E

L. XLIV.	<b>E</b> <i>cetera.</i>	149
L. CLIX.	<i>Etiā aureos.</i>	383
L. CXLI.	<i>Etiā ea mulier.</i>	357
L. XVI.	<i>Eum, qui vestigal.</i>	58
L. CCXXVII.	<i>Ex illa parte.</i>	502

F

L. CLXXIX.	<b>F</b> <i>Acere oportere.</i>	430
L. CLXXV.	<i>Faciendi verbo.</i>	408
L. CXCVI.	<i>Familia appellatio.</i>	448
	§. I. <i>Fœminarum.</i>	<i>ibid.</i>
L. CCXXXV.	<i>Ferri proprie.</i>	320
	§. I. <i>Fabros.</i>	221
L. LXXXIV.	<i>Filii.</i>	244 & seq.
L. LXXXVII.	<i>Frugem.</i>	230 & seq.
L. CCXXV.	<i>Fugitivus.</i>	497
L. CCXI.	<i>Fundi.</i>	473

G

L. CXXXVI.	<b>G</b> <i>Generi appellatio.</i>	p. 352
------------	------------------------------------	--------

H

L. CLXXXVIII.	<b>H</b> <i>Abere.</i>	p. 417
	§. I. <i>Cantum.</i>	428
	L. CXCH.	

L. CXCH.	<i>Hec adjectio.</i>	434
L. CCXXXII.	<i>Hec enunciatio.</i>	511
L. CC.	<i>Hec stipulatio.</i>	454
L. LXIX.	<i>Hec verba, cui.</i>	217
L. CXXIV.	<i>Hec verba, ille.</i>	327
L. LXXIII.	<i>Hec verba, in stipulatione.</i>	225
L. CXCH.	<i>Hec verba, quanti.</i>	436
L. LXV.	<i>Heredis appellatio.</i>	205
L. CLXX.	<i>Heredis appellatio.</i>	402
L. CXIX.	<i>Hereditatis appellatio.</i>	317
L. CXXXVIII.	<i>Hereditatis appellatio.</i>	354
L. CLII.	<i>Hominis appellatio.</i>	374
L. CXVIII.	<i>Hofles.</i>	317

## I

L. CXLIII.	<b>I</b> <i>D apud se.</i>	363
L. LXVIII.	<i>Illa verba arbitramur.</i>	225
L. CLXIII.	<i>Illa verba Optimus.</i>	390
	§ I. Pueri.	ibid.
L. LXXXIX.	<i>Impensa.</i>	236
L. CCXIX.	<i>In conventionibus.</i>	486
L. CLXXXIV.	<i>Inde tabernacula.</i>	422
L. LXXX.	<i>In generali.</i>	240
L. LCXCVII.	<i>Indicasse.</i>	449
L. III.	<i>In itinere.</i>	10
	§ I. Ejus, qui.	15
L. CCH.	<i>In lege.</i>	460
L. CCXLI.	<i>In rusis.</i>	540
L. CLVIII.	<i>In usu juris.</i>	382
L. CLXII.	<i>In vulgari.</i>	387
	§ I. Si quis ira.	388
L. XLV.	<i>In stratum.</i>	151
L. CLXXXV.	<i>Instructam.</i>	422
L. CLIII.	<i>Intelligendus.</i>	376
L. CXCI.	<i>Inter divortium.</i>	433
L. CXCI.	<i>Inter donum.</i>	438
	L. LXXXVIII.	



L. LXXVIII.	<i>Interdum.</i>	234
L. CLXXIX.	<i>Inter hac verba.</i>	415
L. CCXVII.	<i>Inter illam.</i>	482
	§. I. <i>Inter data.</i>	483
L. XVII.	<i>Inter publica.</i>	61
	§. I. <i>Publica vestigalia.</i>	62
L. CI.	<i>Inter stuprum.</i>	292
	§. I. <i>Divortium.</i>	293
	§. II. <i>Verum est.</i>	294
	§. III. <i>Servis legatis.</i>	296
L. LXIV.	<i>Intestatus.</i>	202
L. CCX.	<i>Is, qui natus.</i>	472
L. CCI.	<i>Iusta.</i>	455

L

L. XIV.	<b>L</b> <i>Abeo &amp; Sabinus.</i>	49
	§. I. <i>Item si dominus.</i>	54
	§. II. <i>Rem amisisse.</i>	55
L. XIX.	<i>Labeo libro primo.</i>	69
L. CCXXXIII.	<i>Lata culpa.</i>	494
	§. I. <i>Amicos.</i>	495
L. CXXX.	<i>Lege obvenire.</i>	340
L. XLVII.	<i>Liberationis.</i>	157
L. CCXX.	<i>Liberorum.</i>	487
L. CLXXII.	<i>Liberti.</i>	404
L. CXLIV.	<i>Libro.</i>	364
L. CIII.	<i>Licet capitalis.</i>	298
L. LVIII.	<i>Licet inter gesta.</i>	186
	§. I. <i>Paternos.</i>	187
L. XXXVI.	<i>Litis nomen.</i>	124
L. XCVI.	<i>Litus est.</i>	281
	§. I. <i>Pradia dicimus.</i>	282
L. CXII.	<i>Litus publicum.</i>	310
L. LX.	<i>Locus est.</i>	191

## M

L. CCXXVI.  
L. CLVI.  
L. CCXLII.

L. IX.  
L. XCI.  
L. LXVI.  
L. CCVII.  
L. CLIV.  
L. XXXII.  
L. CV.  
L. CXIII.  
L. XCIII.  
L. XIII.

L. CCXXXVIII.  
L. CCXIV.  
L. XVIII.

**M** *Agna negligentia.*  
*Majore parte.*  
*Malum.*  
§. I. *Inter projectum.*  
§. II. *Plumbum.*  
§. III. *Viduam.*  
§. IV. *Straturam.*

*Marcellus.*  
*Mecorum.*

*Mercis appellatio.*  
*Mercis appellatione.*

*Mille passus.*  
*Minus solutum.*

*Modestinus.*

*Morbis.*  
*Morventium.*

*Mulieris.*  
§. I. *Res abesse.*  
§. II. *Definere autem.*  
§. III. *Adest & ea res.*

*Municipes.*  
*Munus proprie est.*  
*Munus tribus.*

P. 500

379

541

542

543

ibid.

544

34

271

207

467

307

117

300

311

277

44

46

48

49

504

479

66

## N

L. CXLIX.  
L. CLXXXVII.  
L. CXXV.  
L. LXXXV.  
L. XXIV.  
L. CLXIV.

L. IV.

**N** *Am quem sine liberis.*  
*Natura cavillationis.*  
*Nepos.*

*Neratius.*

*Nihil aliud.*

*Nomen filiarum.*

§. I. *Partitionis.*

§. II. *Habere.*

*Nominis appellatione.*

P. 369

410

330

252

79

391

393

394

16

L. VI.

LEGUM ET PARAGR.

II

L. VI.	<i>Nominis &amp; rei appellatio.</i>	20
	§. I. <i>Verbum ex legibus.</i>	22
L. CLXI.	<i>Non est pupillus.</i>	386
L. CXLVIII.	<i>Non est sine liberis.</i>	367
L. CXVII.	<i>Non potest.</i>	318
L. CLXIX.	<i>Non tantum.</i>	401
L. XCIX.	<i>Notionem.</i>	287
	§. I. <i>Continentes.</i>	288
	§. II. <i>Instrumentorum.</i>	289
L. L.	<i>Nurus.</i>	165

Q

L. XXXVIII.	<i>Stentum.</i>	p. 128
-------------	-----------------	--------

P

L. XXXIII.	<i>Alam.</i>	p. 119
L. CLXVII.	<i>Pati.</i>	401
L. CLVII.	<i>Paries.</i>	380
L. XXVI.	<i>Partum.</i>	90
L. CLXXXII.	<i>Paterf. liber.</i>	419
L. LII.	<i>Patroni.</i>	168
L. CCXXI.	<i>Paulus.</i>	491
L. CCXXII.	<i>Pecunie nomine.</i>	492
L. CLXXXVIII.	<i>Pecunie verbum.</i>	412
	§. I. <i>Hereditas.</i>	ibid.
	§. II. <i>Actionis.</i>	413
	§. III. <i>Hoc verbum.</i>	414
L. LXIII.	<i>Penes te.</i>	200
L. CLXXI.	<i>Pervenisse.</i>	404
L. CCXXXVIII.	<i>Plebs.</i>	527
	§. I. <i>Detestatum.</i>	528
	§. II. <i>Pignus.</i>	ibid.
	§. III. <i>Noxie.</i>	529
L. XXII.	<i>Plus est.</i>	76
L. LIX.	<i>Portus.</i>	189
L. XCV.	<i>Potest reliquorum.</i>	280

b 2

L. CCXV.

L. CCXV.	<u>Potestatis.</u>	480
L. CCXII.	<u>Prævaricatores.</u>	474
L. XXXI.	<u>Pratum.</u>	115
L. XXI.	<u>Princeps.</u>	74
L. XLII.	<u>Probrum.</u>	143
L. XLVI.	<u>Pronunciatum.</u>	154
	§. I. Matremf.	155
L. CXCV.	<u>Pronuntiatio.</u>	439
	§. I. Familiæ.	440
L. LXXXIII.	<u>Proprie bona.</u>	244
L. CXC.	<u>Provinciales.</u>	431
L. XCII.	<u>Proximus.</u>	272
L. CLV.	<u>Proximi appellatione.</u>	378
L. CCIV.	<u>Pueri.</u>	463
L. CCXXXIX.	<u>Pupillus.</u>	529
	§. I. Servorum.	531
	§. II. Incola.	ibid.
	§. III. Munus.	532
	§. IV. Advena.	533
	§. V. Decuriones.	534
	§. VI. Urbs.	535
	§. VII. Oppidum.	ibid.
	§. VIII. Territorium.	536
	§. IX. Verbum suum.	537

## Q

L. CXXXV.	Q Uæres.	p. 350
L. CXV.	Q uæstio.	313
L. CCV.	Q ui fundum.	465
L. CXLVII.	Q ui in continentibus.	367
L. CXXIX.	Q ui mortui.	339
L. CCXXXVI.	Q ui venenum.	522
	§. I. Glandis.	524
L. XC.	Q ui uti.	269
L. LXXXVI.	Q uid aliud.	254
L. CXVI.	Q uisquis.	315

L. CCXXXIV.

LEGUM ET PARAGR.

13

L. CCXXXIV.	Quos nos.	516
	§. I. Locuples.	517
	§. II. Verbum vivere.	518
L. CCXXXI.	Quod dicimus.	509

R

L. XXV.	R Ecce dicimus.	p. 84
	§. I. Q. Mutius.	89
L. V.	Rei appellatio.	17
	§. I. Opere legato.	19
L. XXIII.	Rei appellatione.	78
L. XXXV.	Restituere autem.	122
L. LXXV.	Restituere is videtur.	228

S

L. LIII.	S Aepe.	p. 169
L. LXI.	S Satisfactionis.	195
L. CCXLIII.	S Scavola.	545
L. LXX.	Sciendum.	218
	§. I. Verba hac, si ad quem.	220
L. CX.	Sequester.	308
L. CXXII.	Servius ait.	323
L. CCXXXIII.	Si calvitur.	512
	§. I. Post calendas.	ibid.
	§. II. Telum.	513
L. CL.	Si te ita stipulatus fuero.	327
L. XII.	Si cui ex empto.	40
	§. I. Minus solvit.	42
L. CXXVI.	Si cum fundum.	335
L. LXXIV.	Signatorius.	227
L. XXX.	Silva cadua.	107
	§. I. Stipula.	109
	§. II. Novalis.	110
	§. III. Glans caduca.	112
	§. IV. Pascua Silva.	114
L. CCXLIV.	Si qua poena.	546
L. CXXXIII.	Si quis dixerit, ut intra diem.	347
L. CXLVI.	Soceri.	366
L. CXIV.	Solvendo.	312

L. CLXXVI.

L. CLXXVI.	<i>Solutionis verbo.</i>	409
L. XLVIII.	<i>Solutum.</i>	159
L. CXXVIII.	<i>Spadonum.</i>	337
L. C.	<i>Speciosas.</i>	291
L. VII.	<i>Sponsio.</i>	25
L. CCXLV.	<i>Statuae adfixae.</i>	548
L. XXXIX.	<i>Subsignatum.</i>	130
	§. I. Bona.	131
	§. II. Detestari.	133
	§. III. Inscritus possessor.	136
T		
L. CLXXXIII.	<i>T Abernae.</i>	420
L. LXXXVIII.	<i>Tantum.</i>	257
L. CXXXVII.	<i>Ter enixa.</i>	353
L. LXII.	<i>Tigni.</i>	159
L. CCXXIX.	<i>Transacta.</i>	506
L. CXLII.	<i>Triplici.</i>	358
L. CLXXX.	<i>Tugurii.</i>	416
L. CIV.	<i>TQN Tεχων.</i>	299
V		
L. CLXV.	<i>V Enisse ad beredem.</i>	396
L. LXXXII.	<i>Verbum amplius.</i>	242
L. CXXIII.	<i>Verbum erit.</i>	325
L. CLXXXVII.	<i>Verbum exactae.</i>	426
L. CCXVIII.	<i>Verbum facere.</i>	484
L. I.	<i>Verbum hoc si quis.</i>	4
L. CLXXXI.	<i>Verbum illud pertinere.</i>	417
L. VIII.	<i>Verbum oportebit.</i>	28
	§. I. Actionis verbo.	33
L. XCIV.	<i>Verbum reddendi.</i>	279
L. XLIII.	<i>Verbo victus.</i>	148
L. XX.	<i>Verba contraxerunt.</i>	73
L. CXX.	<i>Verbis legis.</i>	319
L. CCXVI.	<i>Verum est.</i>	482
L. CXXVII.	<i>Vestis appellatione.</i>	333
L. CCVI.	<i>Vinaria vasa.</i>	466
L. CCXXIV.	<i>Vinculorum.</i>	496
	L. CXLV.	

L. CXLV.	<i>Vivilis.</i>	365
L. CLXVI.	<i>Urbana familia.</i>	397
	§. I. <i>Pernoscitare.</i>	398
L. CXCVIII.	<i>Urbana pradia.</i>	451
L. II.	<i>Urbis appellatio.</i>	6
	§. I. <i>Cujusque diei.</i>	8
L. CXXI.	<i>Usura.</i>	322
L. LXXXVII.	<i>Ut Alfenus.</i>	256
L. CCXXX.	<i>Ut sunt iudicio.</i>	507

## NOMINA ICTORUM,

*Quorum leges, aut nomina ab aliis relata.*

**A** Elius Gallus de verborum, quæ ad jus pertinent, significatione.

Alfenus Varus. Digestorum.

Africanus. questionum.

Cajus. ad Edictum provinciale. *ad Edictum prætoris urbani. ad legem Juliam & Papiam. ad legem duodecim tabularum. De verborum obligationibus.*

Callistratus. De cognitionibus. *Questionum.*

Celsus. Digestorum.

Florentinus. Institutionum.

Hermogenianus. Juris epitomarum.

Javolenus. ex Plautio. ex Cassio. ex posterioribus Labeonis. *Epistolarum.*

Julianus. Digestorum. ex Minicio.

Labeo. Pithanon a Paulo epitomatorum.

Licinnius Rusticus. Regularum.

Macer. ad legem vicelimam.

Marcellus. Digestorum.

Marcianus. Institutionum. *Publicorum, judiciorum.*

Modestinus. Differentiarum. *regularum. excusationum. responsorum.*

*rum. De Prescriptionibus. Pandectarum.*

Papinianus. *quæstionum. responsum.*

Paulus. *ad Edictum. ad edictum ædilium curulium. brevis edicti. ad legem Juliam & Papiam. ad legem Fuliam Caniniam. ad S. C. Orficianum. ad S. C. Tertyllianum. ad Plautium. ad Vitellium. Epitomarum Alfeni. Sententiarum. Manualium. Responsum. de cognitionibus. de tacitis fideicommissis. fideicommissorum. Imperialium sententiarum.*

Pomponius. *ad Sabinum. ad Q. Mutium. Enchiridii. Epistolarum.*

Proculus. *Epistolarum.*

Qu. Mutius Scævola. *Opus.*

Scævola. *Digestorum.*

Terentius Clemens. *ad legem Juliam & Papiam.*

Triphoninus. *Disputationum.*

Venuleius. *Stipulationum.*

Ulpianus. *ad Edictum. ad legem Juliam & Papiam. ad legem Æliam Sentiam. ad Sabinum. regularum. de officio consulis. de omnibus tribunalibus. de adulteriis.*

## C I T A N T U R.

Gato. Cassius. Cascellius. Granius. Flaccus. Ofilius. Pedius.  
Neratius. Priscus. Servius. Sabinus. Labeo Prætoris Urbani.



# ALBERICI GENTILIS

## JURISCONSULTI

*Ad Titulum D. de Verborum significatione*

COMMENTARIUS.



ÆLIUS Gallus, *De verborum, quæ ad jus pertinent, significatione*, opus suum inscripsit, ut epigraphæ indicat l. 157. aut uno etiam addito verbo, *De verborum, quæ ad jus civile, &c.* Si is esset, quem Cæcilium Gallum dicit Gellius lib. 16. c. 5. & Macrobius lib. 6. c. penult. Dubitaveris de hoc scilicet: quoniam duarum

familiarum, Æliæ, & Cæciliz, unum hominem nomina ferre, insolens olim fuit. Aut corruptum nomen in alterutro auctore dicis? In eodem porro argumento alii etiam scripserunt, atque Bassi cujusdam liber *De significatione verborum* nominatur Macrobio lib. 3. c. 18. & Caji de origine vocabulorum libri Gellia appellantur lib. 11. n. 17. Varro, doctissimus Latinorum, ut judicat divus Augustinus, item alii plures, Grammatici quidem, sed nec juris incientissimi operam & dignam, & diligentem in hoc opere posuerunt, atque in Verrii, sive Festi; quæ supersunt, fragmentis multa Ælii Galli, nostra fragmenta ad hanc interpretationem pertinentia colligimus. Neque sane est dubitandum, quin Jurisprudentes valde in hac verborum cognitione fuerint. Et Antistius Labeo celebris hoc nomine extitit non mediocriter, ut narrat Gellius lib. 13. cap. 11. Ut nihil de no-

Tom. II.

A

lib.

Arorum industria dicam, qui volumina rei huic dicarunt, Albericus ex antiquioribus, & minus politis Interpretibus, Brissolanus, Hotomanus, alii politiores Interpretes recentiores. Item illi, Budæus, Alciatus, Cujacius, cæteri excelluerunt hic, ubi & lauream captarunt: & eam partem, in qua Accursius, & priores Glossographi. parum videre per temporum infelicitatem potuerunt, isti nobis perfecerunt fere omnem, sive Latina interpretati sunt, sive Græca: sive de nostra, sive de aliorum disciplina haurire habuerunt: & criticam ipsam traxerunt studiosissime, quæ omnia ad partem hanc interpretationis verborum pertinere, certum est: & ego expono in meo Jurisconsulto. Constat ars nostra non solum æqui, & iniqui disceptatione, sed tamquam ex parte altera, verborum quoque interpretatione perficere, quod & Quintilianus adnotavit *lib. ult. cap. 2.* Nec enim invidimus nos Grammaticis, ut contra Philosophos loquitur Seneca *Epist. 89.* qui ad syllabarum distinctiones, & conjunctionum, ac præpositionum proprietates descenderunt: ac vocabula artis nostræ explicamus nos, quod faciunt artifices alii omnes in arte sua, & necessitas quidem: ne ad alium, qui imperitus sit artis, confugere pro his artifex & turpiter, & frustra debeat. Contractus, Creditor, Debitor, Cedere diem, Venire diem, Actio, Hereditas, Legatum, Bonorum possessio, Intestatus, Jurisdictio, Territorium, Lis, Apostoli, Satisfactio, Transactio, Prævaricator, Poena, Multa, & id generis plurima, quæ hoc titulo explicantur, vocabula artis sunt nostræ. Et alia multa, quæ magis sunt communia, non communiter tamen, aut grammaticè explicantur a nostris, sed ad sensum legislatoris, testatoris, contrahentis, aliud quid gerentis, agentis, qui istis vocabulis usi sint: explicantur virgula adhibita æqui, bonique, quæ propria nostra est, *l. 1. de justis. & jur.* Sic, verbo *Si quis tam masculos, quam feminas complecti docent l. 1. ejusque diei* partem majorem esse horarum septem primarum, non supremarum, *l. 2.* Sic reliqua fere omnia, ut videbimus, aliter exposita, atque fieret a communi verborum expositore, Grammatico. Nunc verba nos tituli nostri cognoscamus.

*De Verborum.* Verborum appellatione non illa hic sola venit pars orationis, quam significativam actionis, & passionis grammatici nuncuparunt, Platoque in *Soph.* sed generaliter adsumi,

fumitur pro omni parte, & pro ipsa tota oratione, nomina enim explicantur, verba, adverbia, conjunctiones, prepositiones, orationes. Atque illam sane esse vocabuli potestatem, necne ambigit: & notantur hinc interpretes: Et docuit Quintilianus *lib. 1. c. 5.* Priscianus in *princip. lib. 8.* Donatus in *Eunuch. act. 1. scen. 2.* In libris olim ante Florentinorum editionem sequebatur, *Et rerum*, & potuit ferri, quia orationem in verba dividi, & res, ait Seneca *Epist. 90.* aut in verbis, aut in rebus positam, Quintilianus *lib. 6. cap. 4.* Nonnulli non modo verbis, sed etiam signis res indicantur. Signis, ut Aegyptii &c. apud Clem. Alexand. *Strom. 5.* quo & illis reserz in *quest. 2. de orig. jur.* pertinent. Verba significant, res significantur. Sed & res significant, ac docent sepe, quomodo capi verba oporteat: quæ scilicet rebus aptare oportet, non res verbis. Sic, verbum *Si quis* in edicto prætoris de negotiis gestis quomodo capi oporteat, res significat, quod videlicet res, & negotia geri etiam a feminis soleant, facit hæc res, ut eo verbo etiam feminæ in illo edicto significantur: res ipsa significat feminas. Sic res, de qua agitur, significat diei partem majorem septem primarum horarum diei, non supremarum, ut postea notabimus. Sic alia plura. Et sic est munus Jurisconsulti proprium, ex verbis rebusque simul junctis significationem æquam, bonam educere. Et sic voluit Baldus *ad rubric. C. de V. S.* significationem sumi quandoque a re disposita: & ita illic inscribi, *Or rerum significatione*. Sic igitur adde, quod reprehendi vocabulum *rerum* nequit hic, quin etiam reprehendatur in titulo Codicis eodem. Est ille quidem non rejectus in postremam Codicis partem, sed in medio, adjectusque titulo de legatis, quare voluit in Paratitulis, De rebus dub. Cujacius, respondere illum fere titulo Digestorum *De rebus dubiis*, qui tractatui item de legatis subjectus est. Attamen de significatione rerum non aliter in eo titulo agitur, & notatur, atque in nostro fiat.

*Significatio.* ] Neque hoc verbum stricte accipies pro intellectu proprio, qui dicitur suus verbi sensus: at latius omnino pro omni significatione, sive propria, sive impropria, sive ex usu, sive ex interpretatione, nam & nulla harum significatio est, quæ isto titulo non notetur, quæ autem illæ, & quales sint, Alciatus hic docet, & in libris suis de verborum si-

gnificatione. Sed & alii, & nos alibi. Translata verba interdum magis proprie & expresse rem significant, quam ipsa verba propria. Demetrius Phalereus in elegantissimo libro de Elocutione: *Εἷνα μὴ τοῖς μεταφορῶς λέγεται καὶ κυρίως, ὅτι ἐν αὐτοῖς τοῖς κυρίως.*

### I. ULPIANUS Libro primo ad Edictum.

*Verbum hoc SI QUIS tam masculos quam feminas complectitur.*

### ALBERICUS.

Et quidem proprie, ut interpretes frequenti assensu docent, quod testatur, & probat Decius *conf. 339*. Et adserere documentum videntur leges, quæ eo utuntur verbo frequentissime, dum sexum utrumque intelligunt. Plautus etiam frequentissime sic usus verbo est, & Varro, & alii veteres, ut hanc fuisse illorum consuetudinem, Grammatici tradunt in Adelph. & Nonius ait, *Quis generi feminino attribui posse Veterum auctoritas voluit*, de indif. gen. vetustissimos appellat Priscianus *lib. 13*. Et vero non ita locuti postea sunt, nec dixerunt, quod Plautus, *Quis est? quis itio*, &c. sed solæcismi speciem in his notarunt, ut apud Diomedem *lib. 2*. legimus. Sed neque ex proprietate (quicquid doceant interpretes) esse istam significationem cognosces, quod verbum hoc SI QUIS idem est, quod SI ALIQUIS, Prisciano auctore *lib. 5. & 6.* & Decio *conf. 107*. QUIS facit virilis generis ille, ut QUI in *lib. de declin. nom.* Sic ergo neque ex usu hodie est hæc significatio, neque ex proprietate. Et id nostri aliqui etiam tenent, ut Fulgosius in *l. quicunque*. ( *de serv. fug. Aliatus in l. hominis J. Donellus lib. 1. comm. jur. civ. C. 14. & Breubaus hic*. At ex interpretatione est. Neque enim qui loquitur, velit morose dicere. Si qui, vel Si qua: quod tamen sæpius a scriptoribus sæculi barbari, adeoque nostris ipsis Imperatoribus Legislatoribus non est vitatum: Sed quod loquitur, si id aptum sæminis sit, virisque, non dubitat, & ita acceptum iri ab aliis, qui non syllabas aucupantur, sed sectantur sententias. Ergo Ulpianus etiam in *l. 3. de neg. gest.* non urget proprietatem, aut usum,

sum, sed rei aptitudinem, dum ait, *Hæc verba si quis sic sunt accipienda sive quæ nam & mulieres negotiorum gestorum ager, posse, & conveniri, non dubitatur: & idem de articulo QUI quod magis est, in l. 1. §. ait prætor. ff. de pecu. const. QUI si accipiendum est, QUÆVE, nam & mulieres de constituta tenentur. Inquit lex nostra, tam masculos, quam feminas, & videtur de feminis magis affirmare: ut natura est horum articulorum TAM, QUAM. Cæterum securi nostri, & alii magni auctores sunt minutæ istius diligentiz, & observationis, & sic de his ipsis articulis notat hic Fornerius, & Bellonus lib. 2. Supp. c. 12. Inquit lex, completitur, & itaque definitionem istam esse a proprietate, contendunt, quasi verba hæc completitur, continentur, proprietatem expriment, ut hic per Rebuffum. At futilia hæc fuerunt commenta Interpretum, ab uno aliquo verbulo sic definitiones conficere, ut præclare Æmilius Ferretus ad l. 1. de V. O. & nos alibi. Quanquam & eorum unus Jason vanitatem vidit hujus commenti, & refutavit late in l. Gallus, §. institutus de liber. & postum. Nunc igitur, si ex proprietate non est ista definitio, non ubique recipietur illico, sed tunc solum, quum ratio interpretationis poscet, ut Decius etiam adnotavit in dist. conf. 339. alioqui propria significatio ubique, & personis omnibus, & causis omnibus est communis. Bald. in fin. C. de ind. vñ sol. & post alios Cravetta ad rubr. de leg. 1. num. 135. De aliis porro verbis, quæ ab omni ævo generis sunt masculini, dubitandum minus est, quin ad feminas per variam interpretationem ducantur, quod quando fiat, tradunt quidem interpretes hic: ac proprius locus est in l. pronuntiatio. infr. De verbo QUIS QUAM bene hic quæras, & Grammatici conveniunt, nam Donatus, proprie hoc de utroque sexu capi, tradit in Eunuchis: quia absurdum sit, dicere QUÆQUAM, ac Diomedes facit masculinum lib. 1. Ego de hoc non statuo aliter atque de nostro si quis. Illa vero de hoc nostro est quæstio dignior, an completatur etiam corpus, corpus, quod ex distantibus constare dicitur uni nomini subjectum, l. 30. de usurp. Et negatur magno assensu, ad Panormitanum in tract. de concil. Basil. & Dec. conf. 277. & consil. 486. & Rebuffum hic.*

## IL PAULUS Libro primo ad Edictum.

*Urbis appellatio muris, Roma autem continentibus edificiis finitur quod latius patet.*

## ALBERICUS.

Urbis appellatione Roma ex quadam excellentia significatur, proprie tamen & alia quolibet edificiorum collatio multorum, mœnibusque cincta urbs dicitur. Nam *urbs ab urbe appellata est, & urbem est aratro definire, & urbem curvatura aratri, quod in urbs condenda adhiberi solet.* l. 239. infr. ubi plenius ista explicato, Quoniam itaque intra sulcum aratro ductum urbs clauditur, & muri ei sulco inædificabantur, sit merito, ut urbis appellatio muris finiat. Romæ autem continentibus edificiis, idest suburbijs, finitur appellatio, quæ non ex aratri definitione notatur, sed conjunctione tectorum, continentia ædificiorum. Romana autem suburbia adeo conjuncta urbi erant, ut vix discerni potuerit, ubinam urbs inciperet, vel desineret: & sic nexu urbanis suburbana coherebant perpetuo, ut urbem facile totam dixisses, ut hæc scribit Dionysius lib. 4. *antig.* Quid ergo si nexu hic abest, & aliquid medium jacet? modicum spatium non impediet. l. 99. §. 1. *infr.* nam verbum hoc *continentium* & contingere, & prope esse significat, ut observatum a Strabone est libro primo, & faciunt quæ de servitutibus traduntur, ne istæ impediatur, etsi media loca sint vel publica, vel privata inter dominantem & servantem fundum, l. 8. *de nov. oper. nunc. cum alijs notatis ab Illustri Præceptore meo Theobio Nonio ad prin. tit. Instit. de oblig.* Quod porro illud modicum intervallum dicatur, iudex arbitrabitur, ut in hac ipsa questione statuit probe Memochius lib. 2. *de arb. cens.* 2. *cas.* 155. Atque hæc cum ita sint, non tamen & continentia continentium paris definitionis erunt, nec enim socius socii mei socius meus est l. 47. *titul. sequens.* Sed quod de Roma dicitur, an idem de Neapoli, Florentia, Perugia, alijs dixeris? an de Londino, cujus suburbia urbi non minus conjuncta videmus, quam sua fuerint Romæ? & utique dicet idem, ut per Bartolum hic bene, aut si id non sensit ille, docuit utique male, quoniam ratio nulla diversitatis dici potest

Ro-

Romæ, & Londini, & similium. Urbis appellatio muris finitur, non tamen omnium urbium, quid enim de his erit, quæ muros non habent? Politici quidam (Plato) sic sane sine muris urbem esse decreverunt: contra quos disputat Aristoteles *lib. 7. Politicorum*. Sparta muris carebat. Xenophon *lib. 6. rerum Græc.* & itaque immunitam Spartam dicit Ovidius *lib. 10. Metamorphos.* Syracusæ mœnibus non claudebantur: quorum tamen dum meminit Cicero *Verr. 8.* de extremis ædificiis intelligit appellatione murorum, ut illic a Freigio notatum est. Venetiæ muris hodie carent. Et id igitur est, quod idem auctor legis nostræ Paulus in *l. 4. §. 3. de pe. leg. urbes fore omnes muro tenet finiri, fore omnes*. Secundum originem quidem vocabuli, quæ sine muris sunt, urbes non dicentur: eas tamen usus urbes appellat, atque in his differentiis non cernitur, quam Jurisconsultus hic notat: at idem est, quum de Venetiis loqueris, sive dixeris urbem, sive Venetiæ. Eadem porro differentia legis nostræ stabili oppidis atque castris, quæ itidem muro cincta sunt ædificia plura conjuncta, ut audies *ad l. 239.* Oppidi appellatio muris, Oxoniæ autem continentibus ædificiis finitur. De Cantabrigia dum loqueris, idem est, sive oppidum dicis, sive Cantabrigiam nominaveris, quia muros non habet. Magnæ autem utilitatis cognitio hujus differentię est, quod hic alii ostendunt, & exemplum unum nobis sit *de dist. l. 4. §. 3. de pe. leg.* Unde notes ad rem aliud, quod & appellatio urbis Romæ æque continentibus finitur, & nomen Romæ prævalet. Cur? ineptè Bartolus, quod urbis nomine Roma satis significabatur: itaque adjectum quod est, non sit demonstrandi, sed augendæ rei causæ. Et ergo non idem sit in aliis urbibus, at videndum in his sit, quod præcedat, quod sequatur nomen: ut ex sequenti fiat postea interpretatio; adeoque si dicitur urbs Londinium, Oppidum Oxonium de continentibus ædificiis intelligatur, at vero si sic, Londinium urbs, Oxonium oppidum, non intelligatur de continentibus. Quid? Si dicitur Roma urbs, intelligatur de continentibus? Ratio nulla est, quæ istam distinctionem adfirmet. Sed nec ipse Bartolus expresse exprimit. Videndum igitur semper quod nomen sequitur *argum. l. si communis 37. de stipul. servorum*. Reliqua ad argumentum hujus legis, sunt *ad dist. l. 239. ad l. 87. 139. 147. 154. 173. 199.* Sequitur in nostra §.

Ca.

*Cujusque diei major pars est horarum septem primarum diei, non supremarum.*

Diei species plures notant Interpretes *ad l. more Romano de feriis*. Sed ego duas tantum dicam hic, civilem, & naturalem. Civilis est, quem sibi quæque civitas constituit; civile sic dicitur jus, & sic civilis Romanus exponitur *in dict. l. more*. de quibus & sic docere potuissent nostri Interpretes sine Plinio, Gellio, Censorino, Macrobio, de quibus sic docent recentiores. Quia illud est principium, & ille finis diei Romani, dies civilis Romanus est. Sed qua est horarum quatuor & viginti, est naturalis, quod docent, & passim Astronomi dicunt, quodque dum Cotta, Cujacius non vident, & ipsi non semper bene negotium istud explicarunt. *Cot. in Memor. vers. Dies*. Cujac. *libr. 15. obser. c. 32*. Si enim veteres interpretes, quos isti novitii rident, naturalem dixerunt diem quatuor & viginti horarum, nequidquam intuiti definitionem *l. more*, recte dixerunt. Et quidem Accursius de Philosophis istam recitat appellationem. Norandus est Cujacius, qui Aldum norat, & iste non nisi ineptissime dixisset civilem hunc diem horarum quatuor & viginti: cum astronomice loquatur in Scholiis suis ad Palladium. Cujacius mala fide locum Aldi non indicat. Alius dies naturalis dicitur, & (quod ait Censorinus) verus, qui est a luce ad tenebras: vel a sole oriente, ad occidentem solem. Et de die satis, plura noto *libr. 1. de legitim. temp.* Horarum quoque appellatio varia est, ut ibidem explico. Hic de æqualibus, & inæqualibus solum moneo, Romanis veteribus distribuentibus semper dies in horas totidem eveniebat, ut non cuiusque diei horæ essent æquales horis alterius diei, dies enim die longior est, æstivi longiores, hiberni breviores, brumæ dies brevissimus, solstitii longissimus, & ille tamen tot habuit horas, quot iste habuit, ut necesse fuerit, æstivas longiores extitisse. Quæ & de nocturnis vera sunt. Atque notes, quod etsi dies civilis continebat in se diem naturalem, noctemque: tamen in duodecim horas naturalis ipse distinguebatur, & nox in duodecim erat. Ex quo maxima inæqualitas horarum diurnarum, & nocturnarum, atque nocturnæ hibernæ erant diurnis prolixiores: æstivæ contra. Porro autem cum hæc ita sint, quid est, quod

Pau-



Paulus hic facere diem videtur horarum quatuordecim? Sed sic cape, Cujusque diei major pars est horarum septem primarum diei, nam reliquæ quinque sunt: sed septem supremarum non est tamen pars major diei, etsi sint reliquæ itidem quinque, neque enim solus major numerus horarum facere debet majorem partem diei. Et nec numerus personarum major, sed modus debiti facit majorem partem creditorum *l. 8. ff. de pass.* In primis autem horis major pars diei constituitur merito, quæ sunt rebus agendis accommodatiores: ut hic Alciatus, & alii explicarunt. Quod tamen si sequimur, etiam de sex, & de quinque primis promptum est adfirmare. Ego addo, pauca hæc, quod cum pateat vulgo sic, ut septem horæ in horis duodecim diei sint pars major diei, temperet id Paulus, & dicat, verum id quidem esse de septem primis, non autem de septem postremis; nam etsi de postremis quinque septem verissimum sit simpliciter, & per se: quia tamen Jurisconsulti ad homines, & hominum negotia dirigunt jus; ex negotiis sic major pars in postremis imo non sit. Videre tamen oportet, ne aliquando imo sit pars sic major & in postremis. Quid enim si res sit, de qua queritur, quæ commodius, aut æque commode in postremis tractari, expediri possit. Definitio Pauli sic est inflectenda, ut ratio suadet. Etiam de sex horis, etiam de quinque, etiam de paucioribus horis verum esse potest, ut major diei pars in illis sit. Jurisconsultus hæc non persequitur, sed in viam eorum nos inducit. Inducit nos & ad horas has, quibus utimur hodie: quæ plures sunt, paucioresque pro longitudine diei, aut brevitate. Et hoc sane, vel tu naturalem, vel etiam civilem diem consideres, quare ita concludere, *Cujusque diei, æstivi, hiberni, naturalis, civilis major pars est horarum plurimum primarum, quam supremarum: nisi aliquando subjuncta rei natura aliud velle.* De nocte quid dicemus? num cujusque noctis major pars est horarum septem primarum noctis, non supremarum? Fingamus, de re agi, quæ noctis sit, puta de vigiliis: partitos vigilias ita duos, ut unus majori noctis parte, alter minori excubias agat. Certe sic diei pars porior illic est, ubi munia diei exercentur magis: uniusque porior & noctis pars erit ibi, ubi munia noctis exercentur magis. Dispicendum igitur est, quæ sint noctis munia. Sunt autem, ut ego puto, quies, somnulusque, quæ nec prima

nocte, nec postrema sunt: magis tamen prima, nam postrema vix ullam continet quietis horam, si nox intempesta principium actionum habet. In nocte civili, si qua hodie esset ullibi, pariter concludendum foret. Germani, & Galli noctem olim civilem habuisse videntur, qui noctem, non, ut alii, diem, appellabant spatium horarum quatuor & viginti, singulari ratione, quoniam a Dite patre prognatos se adferebant, ut explicat Cæsar libro 6. Videndum hic est, unde principium ejus noctis ducatur: & qua de re agatur. Si enim de noctis naturalis muneribus agitur, & principium noctis hujus civilis a principio noctis naturalis sumitur; utique obtinebit & in civili nocte definitio legis nostræ: postremæ enim horæ sunt lucis omnes; & contra igitur, si de diei naturalis muneribus, actum est. Ita & ad alios dies civiles, Babylonicum, Atheniensem, Umbricum progredieris, ratione ob oculos posita, totoque, quod geritur, negotio.

### III. ULPIANUS Libro secundo ad Edictum.

*In itinere faciendo viginti millia passuum in dies singulos peragenda, sic sunt accipienda, ut si post hanc dinumerationem minus quam viginti millia supersint, integrum diem occupent, veluti viginti unum millia sunt passus: biduum eis attribuetur, quæ dinumeratio ita demum facienda erit, si de die non conveniat.*

### ALBERICUS.

Viginti millia passuum in dies singulos iter facienti peragenda ex Edicto, alia qua lege sunt l. 1. si quis caus. l. 38. ex quib. caus. major. l. 13. de excusat. l. 2. §. si præsens quis or. in bon. poss. for. l. 6. C. Theod. de re app. Paul. sens. lib. 4. titul. 6. lib. 5. tit. 33. Quid si viginti sint passuum millia in itinere universo, & præterea aliquid? integer dies & excurrenti huic spatio adtribuitur. At dies integer viginti millibus passuum adtribuitur. Sane si vulgum consules, aut arithmeticum, spatio illi itineris tribuet spatiumque diei, momentumque diei. Sed jus nostrum non ad momenta tibi numerat dies, quod audiet in l. 134. Cæptus dies

dies pro completo sic nostris est, ut ibidem explico. Et igitur spatiolum diei diem totum habet. Sic verbi significatio hic exponitur, quicquid contra existimet Rebuffus *ad rubr. in fine*. Atque est interpretatio legis nostra, & ex æquo, bonoque, quam notemus, ut onas minuamus interpretatione potius, & etiam multum, atque multum, quam ut vel tantillum adaugeamus. Adeoque pro millibus in universum passuum largiemur diem integrum, quod & verba legis probant: quæ pro viginti diem dat, & pro uno itidem diem. Et notes, quod & ad verisimile aptata hæc ratio videtur; itaque conventus ad centum, quæ Ferrariz acceperit mutuo, & ad totidem, quæ acceperit Bononiz eodem die: recte negat omnia, quamvis instrumentis perscripta: quia verisimile non sit, etsi sit possibile, facta hæc ab eisdem, coram iisdem testibus, eodem die, locis disjunctis ad triginta millia passuum, adi Alex. *consil. 190. lib. & notes*, quod de iisdem testibus sit, & notario, nam si hi diversi forent, aliud docet, nihil obstante hac lege. Et quod si iidem & hi non sint, si tamen loci sint intra viginti millia, stabit instrumentorum assertio. Ait lex, *quæ dinumeratio* &c. Hæc prima cautio est, quæ & ipsa indiget cautione: ut de possibili tamen die conventum sit, nisi velimus ad legitimam hanc dinumerationem recurrere *l. ult. §. 3. ff. de V. O.* At secunda cautio est ab locorum ingeniis, quid enim si impeditissima via est? Tertia a tempore, neque enim rigida hiems tantum exigit *l. 4. de hered. institut. l. continuus de V. O.* Ubi & quarta ratio habetur a conditione personæ, eaque sive ætatis, sive valetudinis. Adde & quintam in multitudine, præsertim impedita, quod de exercitu hic notat Fornerius, & tu exemplum Jacobi habes, se ita excusantis, quominus pergere iter cum Esau fratre posset. Sed quid si iter mari conficiendum sit? Exigit Bartolus millia quinquaginta. Alciatus, nihil certum propter ventorum, & aquarum incertum constitui posse, censet. Ego scio, dilaciones certas & his tributas, qui navigare habent *l. 1. C. de dilat.* Certe millia plura ab his exigam: quoniam multo citius confici hoc iter soleat, atque si venti, undæque adversabuntur, ratio hujus habebitur, ut cæterorum, quæ casu contingunt *l. 38. ex quibus caus. majores*. Item quero, si milliaria breviora alicubi sint, utrum ibi milliaria in diem plura sint exigenda? quid si prolixiora multæ

sint, adhuc milliaria in dies singulos exiges viginti? Immo hæc erit cautio septima, ut ita definitionem istam Ulpiani temperemus semper, ne majus, minusve constituamus hodie, quam in viginti illis passuum millibus fuerit olim. Neque enim hic ea quaestio cadit, quam de solidis alibi interpretes habent: ut ejusdem juris censeatur & nostrates debeant, cujus erant veteres: quia his jam utamur scilicet, nam rogatione fertur moneta: ut Aristoteles ait *lib. 5. Esbicorum*, & Galenus *lib. 2. de puls. diff.* In itinere faciendo lex nihil valet, nisi modum possibilem constituerit. Succedit alia quaestio, si via non una est, quam oporteat intueri in ratione ista ineunda? Et consuetam intueri oportet *l. 1. §. 1. de his, qui de pec. & not. ad l. 1. si quis eant.* At quid in varia consuetudine? Faciliorem & tutiorem viam tenebimus, breviori relicta, ut alii, & Alcibiades tradunt, *per l. ult. §. cum enim C. de jur. delib.* Et illa quidem consueta credetur, quam ejus conditionis homines tenere solent, cujus is est, de cujus itinere agitur, ut notatur ab interpretibus recte *ad Gurgulius Instit. de act.* Et aliam aliquando solent effedarii, aliam equites, aliam pedites tenere viam. Coguntur effedarii regiam, & mediam adire viam: in qua saepius est multum moræ. Ea hinc fit, quod quemadmodum pedes equiti cedere de via debet, quia pediti id sit facilius facere: ita & eques curru decedere habet, ut ista de aliis docet, & plenius explicat Chass. *in catalog. p. ult. confid. 98.* At ex his suboritur quaestio nunc mihi, si mensura legis nostræ stat pedibus, equitibus, curru vestis. Et si de solis pedibus non est, utique de omnibus est: quoniam rhedis, effedis, cistis, id genus aliis curribus vehi magis solebant olim, etiam & lecticis, quæ servorum humeris per itinera longissima ferebantur, non tantum in urbe. Atque cum non distinguat lex, imo rationem his omnibus commodam ineat, utique generaliter nos de omnibus dicere legem respondebimus, de omnibus, inquam, qui iter faciunt soli, non ducunt carros, his enim in dies singulos non plura millibus passuum decem, opinor, definientur, quæ definitio a proportionem videretur, & ab itinere militari exercitus. Item nascitur ex supra dictis quaestio altera: si brevior, & faciliior una via est, altera longior, & difficilior, sed tutior, nec dubium tamen interpretibus est, quid tutior ineunda sit; nam quo contendendi pedibus potest, mari il-

luc

luc ire non oportet l. 2. §. penult. si quis eant. & notum de eo Caronis dictum. Nunc videamus, si ita locorum, & itineris mensura per directum quasi aera explicari debeat: quod Bartolus tradidit in *trakt. de test. vers. vicina*. Sed hoc admitti non potest: quia de itineris ratione ad homines, non ad aves disceptamus, atque de consueta via diximus esse definitionem, atque sic alii, & Alexander *consil. 22. lib. 4.* Si tamen in argumento apto versaremur, nec de itinere agimus, animadversio Bartoli inepta non est, & communiter probatur ad l. 1. si quis eant. ubi exemplum de iudice non adsumendo, qui absit milliaribus decem. Sed ego expeditius adfero ex *Novell. 63. de novo op. munc.* ubi de maris aspectu non impediendo ad aliquot passus per aedificia nova; nam per aera modus passuum certe inibitur, in opere novo tam soli quam cali mensura facienda est l. 21. ff. quod vi, aut clam. Ecquid si lex ad auditumve respexerit, ut in S. C. Syllaniano facit? etiam per aera, vocis iter, mensura notata a lege distantiae capietur. Causa consideranda est, propter quam de distantia queritur. Si molendinum aedificari ad tantum spatium prope aliud molendinum non liceat; mensura praestabitur ad cursum aquae, ut haec habet itidem Alexander *dist. consil. 22.* ubi aitque, iudicis versari arbitrium hic. Ego crederem, de aere sumendam rationem & quum de venatione, aucupio, piscatione agitur. Tu cogita. Habent interpretes exempla alia, verum ego abunde legem istam exposui.

Non tamen omitto quaestionem, quam Alciatus movet, an dies praeterea unus dandus sit singulis septimanis plane liber, atque ex Felyno recitat, dandum: & cum dominicum esse, ipse tamen non probat: & ait, scire se, nec iure probari, nec lectum usquam, prohiberi eo die iter facere. Ergo duz imo hic quaestiones, prior, an dandus dies sit, posterior, num dominico liceat iter facere. Et in utraque Alciatus male, cui imprudenter adstipulatur Menochius *libr. 2. de arb. cas. 2.* Atque ad primam quod attinet, continuationem itineris non aliam exigi, quam diligens teneret, satilque esse, si delictum non indulgemus, ait Venulejus in d. l. continens, delictum vero quis dixerit, qui die septimo quieret ab itinere, continuato per dies sex, quare? mox daturus se rursus labori eidem? Etiam nobis quieret, & alio indulgeri sic voluit Deus. Et hoc mihi  
de

de jure verius videtur, nam contra significat pro Alciato Ausonius epistola ad Theonem.

*Millia bis nonaginta jubet demensio legum*

*Adnumerata reos per tot obire dies.*

ut hæc ita legit P. Pirhæ. *libr. 1. adu. subs. cap. 13.* ait Ausonius de diebus nonaginta, per quot sine Theone fuerit. Et itaque diem nullum vacuum relinquit. In altera definitione itidem sentio cum Felyno, etenim festis diebus non licuisse iter facere, Suetonius indicat perspicue in *Cæs. cap. 65.* & Herodianus *libro tertio*, ubi de Severi impigra contra Albinum expeditione agit, & Livius, quum de diebus loquitur, quibus ancilia movebantur, *libro 37.* Et de hoc ipso die septimo num non est lex *Exodi cap. 23.* ? quam & Josephus recitat *antiq. libro 13. & libro 14.* & de qua notatur ad primum Actorum, ubi Hieronymus, alique tradunt, nec mille illos passus datos a lege, sed indulgentia sacerdotum largitos, contumaciaque Judæorum extortos. Etiam Ovid. sic monet *lib. 1. de remed. amor.*

*— nec te peregrina morantur*

*Sabbata, nec damnis Allia nota suis.*

Extat & Leonis Novella, per quam diei septimi cultus nobis commendatur magis, quam fuerit Judæis, & ruri quoque ea imponitur lex: quod priores leges non fecerunt, *l. 3. C. de feri. adi Leonis Novell. 54.* ait de rusticis tene illud Virgilii *Georg. 1. de quo & Macrobi. lib. 3. c. 3.*

*Sæpe etiam festis quadam amercere diebus, &c.*

& sic rogatus, quid facere festis liceret, quod omisissum noceres respondit Scævola. *Macrobi. lib. 1. Sat. c. 16.* De his tamen hæstodius, nam si questio ad hos dies de cultu divino, audiemus Theologos, ad id vero, quod querimus de questionibus inter homines, sic concludo, ut dandus sit dies quietis facienti iter, etenim voluisse quidem cultum sui Deum ea lege adserere, sed & infirmitati tamen hominum, imo etiam & pecudum consuluisset, putem. *Genesi. c. 1. c. 9. Exod. c. 23. Deuteron. c. 25.* neque hoc negat Paulus, qui, Deo non fuisse de bobus curam, significare videtur. Significat enim, de ministris ecclesiasticis fuisse illi curam magis, non negat de bobus abicisse. *Obedientiam vobis, non sacrificium*, hoc est, volo obedientiam magis. Sic Hebraismus est, ut ibi negatio ponitur ad alterum duorum bonorum

rum

rum, exponatur per comparationem. Cum Felyno alii sunt, & Rebuffus hic, qui eos laudat. Sequitur §.

*Ejus, qui apud hostes decessit, dici hereditas non possit, qui servus decessit.*

Recte qui servus, omnes enim, qui apud hostes decedunt, servi non decedunt, *l. ultim. de legatis, l. 15. de intel.* & ego alicubi disputo de eo, qui conceptus matre libera, natus serva apud hostes est, nec captus ab hostibus, sed deliquerit, ne servus judicari debeat. Et hodie inter Christianos etiam cessat jus istud servitutis. Itaque de eo, qui decesserit hodie Anglus apud Hispanos hostes, definitio hujus paragraphi non capietur. De eo, qui captus a Turcis, cum quibus & jus servitutis manet Christianis, definitio hæc manet, nisi quid aliter lege, aut consuetudine cautum est. Ecce enim jus faciendi testamentum tribuit caperevis Leo Novell. 50. contra quam statutum jure Justiniano *l. 8. qui testam. facere poss. §. ult. Instit. cod.* Et potentes sane sunt rationes Leonis, quæ adversus rigorem juris Justiniani obtineant. Servus successoris habere non potest, *l. 4. C. comm. de success.* ubi gl. notat casus, in quibus potest, *l. penult. ad Syllan. l. apud de su. & leg. l. si his de leg. her. l. ult. ad Ophit. omnes in Cod. item l. 1. prin. & §. quari. ff. de suis & leg. l. 1. prin. & §. interdum ad Tertull.* At vero sunt etiam ex jure isto difficultates quædam ad hanc definitionem, quid enim non sit hujus hereditas, cujus bonorum possessionem admitti posse, nulla dubitatio est? *l. 3. de bon. poss.* Item lege Cornelia hujus imo dicitur hereditas, *l. lex Cornelia 28. de vulg. & hic omnes notant.* At plerique omnes huic difficultati respondent, veritatem considerari in paragrapho nostro: quia vero dici hereditas ejus non possit, qui nullus est jure civili, *l. 32. de reg. jur.*, at æqua & bona fuerit fectio Corneliæ legis, quæ sic hereditatem constituit, ac si mortuus is esset momento ante captivitatem. Nec ab his longe Alciatus ait, decedentis negari hereditatem hic, lege Cornelia non affirmari decedentis, sed capi, quæ argutio, laetetur etiam legum verba. Lege Cornelia captivorum omnia sic constituuntur, non solum hereditates, *l. 22. de capt.* Et ex eadem lege Cornelia fignre Edictum de bonorum possessionibus,

bus; ajo. Atque ita nulla hic superest difficultas. Verum ego facti speciem pono, qua res tota illustretur. Capitur ab hostibus Titius: atque tum ipsi Cajus sobrino propior erat: postea nascitur eidem patruelis Sejus: atque hujus mox moritur pater: tum demum captivus Titius decedit apud hostes. Cujus erit hereditas Titii? Si decedentis hereditas dicitur, ea erit Seji, qui tum gradu uno proximior Titio est. Sed hereditas decedentis apud hostes neque per legem hanc nostram, neque per Corneliam est. De tempore igitur captivitatis statuendum est, & illo tempore Sejus non erat. Ergo Cajus succeder. Videtis hujus definitionis utilitatem. Neque vero Sejus petet, admitti se ex persona patris debere, hæc enim successio non est extra lineam descendentem, & casum illum unum, quum ad patruum hereditatem filius fratris una cum patruo venit, quod Decius *conf.* 1. Sed neque contendet Sejus per jus aliquod transmissum sibi a patre, omnia enim Titii in pendenti erant vivo patre Seji, & Titii hereditas retrahitur quidem ad tempus captivitatis, & ad ejus temporis personas, sed quæ extent nunc tamen. Cogita.

PAULUS Libro primo ad Edictum.

*Nominis appellatione rem significari, Proculus ait.*

#### ALBERICUS.

Rem cape, quæ nomine continetur. Si qui nomen legat, rem legat, quæ nomine continetur, l. *servum* 44. §. *cum de leg.* 1. l. *qui chirographum* 59. de leg. 3. Heres tamen cedendo actiones liberatur, d. §. *cum*. Neque vero quidquam aliud in legato est, si res non est. Compendiosa autem ista oratio est legendi nominis, qua id significetur, quod pluribus sic exprimitur, *Quod ille mihi debet, lego*, l. 34. de leg. 3. Nomina debitorum notari scilicet consueta, & inde nomina pro ipsis debitis accepta, & debitoribus ipsis, l. *a Divo Pio de re ind.* l. 2. de *prom.* cum id generis pluribus. *Adi & Ravardum lib. 3. varior. c. 1.* Nunquam magis nomina facio, quam quum dono: ait Seneca de vi. be. *Nuncupata pecunia, nomina certa, nominibus propriis promunciat:* ait Cincius (recitante Festo) *libr. 2. de offic. Jurisc.* Ve.



Verum attende , quod etsi chirographi , & nominis appellatio ejusdem juris videtur in supradictis legibus : de instrumentis emptionum tamen dubitat , & ad factum se refert Scævola in *l. penult. §. idem quasit de leg. 3.* illa tamen lex nihil hic facit ex emendaris libris. Aut sic statuas sane, Scævolam more suo fuisse, sustulisseque omnem facti disceputationem, & de jure tantum respondisse, utrum instrumentis legatis emptiones quædam, quæ instrumentis continebantur, legato cederent, ut ait, jus non repugnare, quominus hoc fiat, sed videndum tamen esse, an hoc facere legator voluerit. Et hoc est, quod nostrique interpretes quærant ad definitionem, *l. 2. §. 1. de pact.* nam, ut ait Bartolus, fieri potest, ut per illam instrumenti redditionem non videatur conventum de non petendo, ut ipse sic exemplum adfert. Atque de instrumento, cautione, chirographo quicquid sit: de quo videris interpretes etiam recentiores ad dictam *l. 2. Or Jas. ad dict. l. si tibi homo de leg. 1. Dyn. ad cap. 1. de regul. juris in §. de nomine* utique id est, quod hic traditum a Jurisconsultis, & a nobis est.

Idem libro secundo ad Edictum.

*Rei appellatio latior est, quam pecunia, qua etiam ea, quæ extra computationem patrimonii nostri sunt, continet: cum pecunia appellatio ad ea referatur, quæ in patrimonio sunt.*

ALBERICUS.

*Qua etiam, idest, quatenus, vel, quia, l. 3. §. 3. de honor. possess. contra tabul. l. si servum §1. in princip. de verborum obligat. cum sexcentis aliis.* Et itaque Justinianus sic res partitur in eas, quæ in nostro patrimonio sunt, & eas, quæ extra patrimonium nostrum habentur. Atque latissima sane est appellatio rei.

*Continet, qua nostri patrimonii sunt, idest, quæ sunt commercii, & quæri nobis possunt, ut exponitur in princip. sit. Instit. de re. div. Sed & quæ extra patrimonium sunt: ut sunt res sacræ, publicæ, communes. Ndm quod aliquando sacra res, aut publica fiat in patrimonio nostro: hoc est, quoniam sacra esse desierit prius, & publica, l. inter stipulantem §. sacram. de Tom. II.*

¶ O. Sed & cum sacre res sunt, atque publicæ appellatione rei continentur, appellatione pecuniæ non continentur. Et si enim pecunia etiam dicitur publica, & sacra, ut dicitur res publica, & sacra: res tamen talis in commercio non est, pecunia est, & itaque in patrimonio eaque pecunia est: & pecunia recte appellatur. Similiter Aristoteles *libr. quarto Ethicorum cap. 1.* χρήματα δὲ λέγομεν πάντα ὅτων ἡ ἀξία νομισματι μετρεῖται. Alciatus in formis dicendi figuratis oberrat. Sed cum sint aliqua, quæ nec in patrimonio, nec extra patrimonium sunt, ut de servitutibus dicitur, *l. 1. de usufruct. legat. ea an rei, an pecuniæ tribuamus?* etiam pecuniæ, quia non dicuntur in bonis non esse, quod non sint in commercio: sed quoniam quod bonis debetur, non potest in bonis proprie videri, *not. ad §. 1. Instit. de act. & infr. ad l. 178. §. 1.* Ex bonis hæc magis dicuntur, & ex patrimonio, *§. ultim. Instit. vi bonorum vaps. l. 2. §. in hac eodem sit.* At de significatione pecuniæ dicam *ad legem 178. & legem 222.* De re hic absolvo. Latissima ejus vocabuli est significatio, & pecuniam quoque complectitur, quare legans res omnes in cistis existentes, etiam pecunias intelligit: Sicut & qui bona legat, vel mobilia, nam & horum appellatione venit pecunia, *l. si chorus §. 1. l. Julianus de legat. 3.* Sed & aliquando nec latior, quam pecuniæ, *l. 3. §. 2. de bonor. possess. l. 14. l. 16. ad Trebellianum.* Ergo sic dictum in lege nostra, *qua*, id est, quatenus in latiori sua significatione verbum rei accipies, non in alia minus lata. Rei nomine etiam personæ continentur, *l. omnia §. 2. de legat. 2.* itaque rebus in publicum redactis, etiam vasalli publicati censebuntur, & immunitate rebus Titii data, vasalli ejus quoque immunes erunt, quæ ab aliis aliis accepta refert, & probat Jalon in *l. servi electione, §. Labeo num. 8. de legat. 1.* quæque capias tu, si id patitur, de quo agitur, neque enim liberi homines venirent in legato, de quo in *l. omnia*, qui venirent tamen, si de commendatione ageretur: ut positum ab Alciato exemplum est. Quibus mulieribus datum fuit de oppido obfesso exire cum suis rebus omnibus, quas ferre possent; ex viros, parentes, filios, fratres, alios caros suo corpore, humeris, ulnis, tergo avexerunt: ut dico *lib. 3. de juri. bell.* Sequitur §.

*Opere locato, conducto, his verbis Labeo significari ait id opus, quod Græci ἀποτέλεσμα vocant, non ἔργον, idest, ex opere factu corpus aliquod perfectum.*

*Quod Græci.* ] Potuisset Paulus, sive Labeo dicere Latine, & significanter, *His verbis Labeo significari ait opus confectum, non adfectum*, nam confectum proprie consummatum, adfectum non item est, Gell. lib. 3. c. 16. propria operis forma, consummatio, l. si is 80. ff. ad l. Falc. Etiam effectum dixisse potuit, quod consummatum est, ut ita ἀποτέλεσμα effectiones quidam reddunt, & ut est in lege operum. *Primeis dieb. pægun, pars. dimidia. dabitur. ubi. prædia. fævis. subsignata. erunt. altera. pars. dimidia. solvetur. opera. effecto. probatogue.* Adi Aldum juniorem in Ortograph. ver. Arena. Τῶν πλεγματιν. Nov. 73. interpretatur Cujacius completionem; quod prius soleant tabelliones contratum scribere in schedula, deinde complere in mundo; ἔργον opus non completum est; ἐν ἔργῳ, l. quod ait lex de adult. in ipso opere, adi. fratris Scipionis l. 2. parerg. c. 23. & Lucianum in dialog. Apoll. & Mercur. & in Eunuch. & in Pseudolog. Quid vero si non his vocabulis operis locati, conducti, at aliis usi sunt contrahentes? domum fieri, locatum, conductum est. Et idem proculdubio est, nam isti opus conducunt, locant, domus perfecta danda est, & quodvis aliud. Perfectum vero quid, & quomodo censetur, dicitur ad l. 139. §. 1. Qui quid stipulatur, aliter vult, quid fieri, is non conatum, sive factiorem, sive operam exigit, sed effectum, rem factam, opus. Hæc videlicet est differentia inter Opus, & Operam, quod opera est ipsa factio operis, opus est ex opera factum. Sicut dicamus, eum locare opus, qui conducit operam; & eum locare operam, qui conducit opus, ut per. Zasium ad §. actionum Institut. de act. Alciat. lib. 5. Parerg. c. 15. Cujac. lib. 2. Obser. c. 28. etsi aliquando differentia hæc non observetur tamen, quod observavit idem frater meus lib. 1. Parergorum c. 30. Sed & qui operam debet, eam præstare integram debet, l. 3. de oper. lib. factio enim dividi quidem potest, at debita non dividetur. Per contrarium venit operis nomine imperfectum, vix, cœptum, si singularis ratio sic exposcit, l. stipulatio §. opus de nov. oper. nunc. cum enim & ex parte operis lædij vicinus possit, atque id fieri non debeat, utri-

que perfectum opus expectare non habet: quando & durior sibi esset causa, si de edificio ageretur, propter edificiorum favorem. Rursus nec obtinet definitio legis nostrae in delictis, hæc enim vel cæpta impunita esse non debent. Sed de hoc *ad l. fugitivus*. Item venit appellatione operis etiam cæptum in *l. cum aurum*, §. *quid ergo de aur. & argent. leg.* quod cur illic fiat, varie disceptant Interpretes, adeoque pugnantem quasi illam constituunt cum lege nostra, ut solutiones quinque hic notat Bartholomæus Cæpola. At neque ea lex admodum hic facit; dico tamen, quod ubi res, de qua quaeritur, adjungenda alteri extremorum est, ut ut illic agitur de facto, & infecto argento, restius factæ adjungetur, quæ cæpta est fieri, principium enim plus dimidio est, ut inquit Plato *lib. 6. de legib.* Et rapta de infectis omnino videtur destinatione domini, qua & ad facta rapitur.

ULPIANUS Libro tertio ad Edictum.

*Nominis & rei appellatio ad omnem contractum, & obligationem pertinet.*

### ALBERICUS.

Idest, nominis appellatio, qua obligationem significat, non uni certæ obligationis speciei propria manet, sed omnes obligationes & contractus complectitur, quod exemplis allatis Fornerius ostendit. At tamen ad creditam tantum pecuniam vocabulum pertinuisse, nam tum nomina a nummulariis scribebantur eorum tantum, qui pecuniam sumebant mutuo. Sic quod dictum est lege quarta, rem debitam hoc nominis vocabulo significari: id hic explicatur, ut verum sit, ex quacunque demum causa debeatur, quia scilicet usus late produxit istam appellationem. Nomen debitoris dicitur ipsa actio, quam habeo contra debitorem, vel ipsum jus glos. in *l. nomine C. de her. vel act. vend.* Ejusdem vero significationis est verbum *rei*: et si privata quadam significatione eo notentur contractus illi, qui re contrahi dicuntur, mutuum, depositum, reliqui de quibus *Inst. qui mo. re. contr. oblig.* sed rei nomen generalius est tamen, & latius, *l. 1. de re. cre. & l. pron.* Porro in nomine veniunt etiam usurae, *l. 34.*

l. 34. de leg. 3. & pignorum persecutiones, l. 6. de ber. vel act. vend. l. 6. l. 7. C. de oblig. & act. & qui filiusfamilias nomina vendidit, is actiones etiam, quas cum patre haber, præstare debet, l. 14. de ber. vel act. vend. & ea appellatione in summa venit universa nominis obligatio, d. l. 34. Et rei ( Assentior Alciato cogitanti, de reo hic exprimi, non de re, de personis notari utroque vocabulo, non de rebus. Alii ante Alciatum dixere, ut refert hic Albericus. Neque mihi Fornerius, qui Alciato adversatur, Græcos interpretes obrudat, quoniam si de lectione sit questio, tribuere interpretibus illis possumus sane multum: quibus exemplaria emendatiora sine dubio obtigerunt, & si de interpretatione quaritur, vix tribuimus Græcis quidquam, quod alibi disputavi. Ut igitur nomen, ita etiam reus de omni obligato dicitur. *ad omnem contractum & obligationem*) obligationis vocabulum multo patet latius, quam contractus, neque enim verbum contractus pertinet ad testamenta, ad delicta, ad sententias, alia, ex quibus obligationes sunt, non solum ex contractibus. Et quidem reus quoque dicitur in his omnibus, quoniam reus ut ut dicatur vulgo, & sæpius, qui causam dicit, tamen omnis reus appellatur, qui quid debet, a re scilicet, de qua est obnoxius, ut per Isidorum lib. 10. etymol. & Festum in reus, atque ita debitor est, qui ex quacunque causa debet. Quare si quis leget, donec, vendat nomina suorum debitorum, debitores ex quacunque causa vel obligatione comprehenduntur, ut pluribus exemplis Accursius hic docet: igitur si venditor nominis post compenset cum debitore vel naturaliter, vel exigit, restituet emptori, l. venditor actionis §. 1. ff. de ber. vel act. vend. Si tamen lego res meas, non intelligitur de debitis mihi ex contractu. Facit id pronomen Meas, l. quintus §. argento ff. de aur. arg. legat. l. Quintus Mutius scribit in pr. eo. c. hic, qui & de forma libelli emptoris agentis contra debitores; sed & reus, cui debetur a re sua, de qua agitur, aut de qua ipse agit in iudicio, ut noster Ælius Gallus docuit lib. 2. sing. ver. que ad jus pert. & Festus retulit. Sed & Cicero, de quo Alciatus notat. Reus stipulandi, Reus promittendi, l. 1. de duob. re. At vero utrum nominis appellatio lata adeo sit, dubito; & si extra contractus porrigatur. Itaque obligationis vocabulum hic sumerem in strictiori quadam significatione, qua illæ tantum notantur, quæ ex

con-

contractu descendunt, *l. 1. de oblig. & act.* & est significatio sane quam propria ab ligando, & ligatione, quam uterque reus in contrahendo faciunt, ut de hoc dico *ad l. 19.* Nunc ad seq.

*Verbum ex legibus sic accipiendum est, tam ex legum sententia, quam ex verbis.*

Legem a legendo dictam, aliqui volunt, & itaque promulgari, aut proscriptam proponi in trinundinum, sive tu dixeris, trinis nundinarum diebus, cum & rustici in urbem conveniebant, itaque proscriptam legere possent, & de ejus latione deliberare. Et sic multi putarunt, leges eas tantum dici, quæ scriptæ sunt, ad aliud quidem propositum, sic putarunt, at neque inepte ad nostrum nos istud ducimus. Cæterum & adversus hos docet Aristoteles *lib. 1. Retb.* & legem absque scriptura constare, definitivè quoque Rora Romana *decis. 1. de constit. in nov.* Adi & Felynum *ad rubr. de constit.* Druidarum leges, & leges Lycurgi pleræque omnes, & multæ etiam Romuli sine scripto constabant, ut de Romuleis notat Dionysius *lib. 2. antiq.* etsi aliæ post latæ, & illæ duodecim tabularum, & senatusconsulta æreque incidi solita: & Solonis legislatio tabulis ligneis incisa antea fuerit, ut de Romanis habes passim, & de Solonianis apud Plutarchum, ad cujus leges respexit ille Philosophus, qui potestatem maximam esse ligni, respondit, quod Laertius alicubi memoravit. De eboreis tabulis illis duodecim dixit Pomponius *in l. 2. de orig. jur.* quem omnes reprehendunt: quod Historici omnes de æreis contestantur. Sed quid si in historia juris credes magis juris Professori? Eboreæ bibliothecæ, & codicum eboreorum mentio est *in l. librorum 52. de leg. 3.* & librorum elephantinorum *in Tacito Vopisci.* Quod si roboreas legas apud Pomponium, juvabit & quod de Solonianis retuli, & quod in tabulis quernis sic incisas leges ætate, quæ decemviros præcessit, notas de Dionys. *lib. 3.* At hæc jam plura. Legem Græci a suum cuique tribuendo appellatam putant: Latini a legendo, a delictu, Latino nomine, ut exponit Cicero *lib. 1. & lib. 2. de leg.* vel quod legenda proponeretur, ut dixi, & ad Ciceronem de aliis scribit Turnebus, quorum si sententiam reciperes, dices, & dubitandi occasionem contra hanc paragraphi nostri sententiam fuisse, quod legi non posse dicatur, nisi quod verbis expressis  
exa-

exaratum fit l. 1. §. 1. *de his; quæ in test. del.* Sed & alias qui dixeris, verbum ex legibus esse, quod vox legis non sonat? Contrarium ait J. C. nam lex est ratio, *l. cum ratio de bon. dam.* & in fraudem legis &c. l. *contra. de legi.* & una ratio, atque mens, & sententia legis attenditur, verbis insuper habitis, quod eleganter l. 4. *qui per. tut. l. 13. de excons. tut. l. 32. §. si sponsus de don. int. vi. & ux. l. 20. §. 2. de bo. po. co. tab.* Possum ego dicere, Hoc dicit lex, cum ex sententia colligitur, ut Jacob. de Arena; Albericus; alii. Itaque debuisset Jurisconsultus potius scripsisse, *tam ex verbis, quam ex legum sententia*: Si legum sententia posterior est, ut de his articulis notavi, ad l. 1. Sed & illic dixi, & hic dico, hysterologias hujusmodi occurrere sæpe in oratione Jurisconsultorum, & aliorum summorum auctorum: de quibus, & notat Balduinus ad l. 7. *de pat.* Atque hæc est una interpretatio ad hunc paragraphum, ut disjunctive capiamus eos articulos TAM, QUAM, PROSIVE, & hoc fiat, vel de verbis minus, vel minus de sententia dubitari indicetur. Altera interpretatio est, quam didici de Alexandri *conf. 129. vol. 1.* ut isti articuli imo conjunctive capiantur: & id traditum sit, verbum ex legibus accipiendum, quod & legum sententiz, & legum verbis consonet. Et est elegans expositio, & definitio tutissima, imo etiam indubitata, quoniam, si mens non accedit verbis, verba esse verbificantis, vix censueris: & contra, si verba menti non accedunt; pari ratione, *qui aliud dicit, quam vult, neque id dicit quod vox significat, quia non vult, neque id, quod vult, quia id non loquitur*, l. 3. *de reb. dub.* Et hinc illæ sunt gravissimæ, & solemnes Rhetorum disceptationes de scripto, & sententia: quarum & hic meminit Alciatus. Est & tertia interpretatio mihi, ut hic Jurisconsultus verbum nnum *ex legibus* explicet, non autem utrumque *Verbum ex legibus*, atque sic etiam tutum, & certum est, *ex legibus* asserere tam quod est ex sententia, quam quod est ex verbis legum, ex legibus esse tam quod tacite habes per sententiam, quam quod habes expresse per verba. Tria quippe sunt, quæ operantur unum & idem, *verbum, ratio, & mens*, nam talis quisque in mente præsumitur, qualem dispositio ostendit. Et ita etiam directum est, quod per rationem est, ut hæc ait Bald. *conf. 2. lib. 1.* nec aliud de aliis recitat, & probat per hunc nostrum paragraphum Alex. *conf. 89. lib. 6.* ubi & dist.

re.

rectam actionem concedit: & presentem definitionem adprobat & in statuto, quod, solempni statutorum more, interpretationem ad literam poscit. De quo tamen ultimo mox. Sed illud, quod de ratione, & directis actionibus tradunt, ut Baldus item docet *ad l. libertus §. senatus de rit. nupt.* infirmat melius idem Alexander, certe extricat melius *ad l. curatoris C. de neg. gest.* & mentem, voluntatem, sententiam aliud esse a ratione legis, docet, quod quæ ex mente sunt, verbis expressa censeantur, per alia, & hunc §. non item quæ ex ratione, & itaque directa sit actio ad id, quod ex mente est, non nisi utilis ad id, quod est ex ratione, nisi ratio forte prorsus eadem sit, & has communes contestatur opiniones. Ergo, si eadem prorsus ratio non sit, ista cum supradictis non conveniunt, de identitate ait tamen Baldus, & sic promiscue loquitur de mente, & ratione *in d. §. senatus*, & Alexand. *d. consil.* 89. At in questione verborum semper verum manet, non idem esse, rationem, & mentem, sive voluntatem, sive sententiam. Quod & Alciarius hic observat. Et verba in eo etiam differunt a mente, quod verba sunt stricti juris: & itaque contractus verborum stricti juris, nam est impossibile, ut unum verbum sit plura, mens autem latior est. Stricti juris non est, quæ Bal. *ad l. 3. C. de adulter.* Atque hæc ad textum, quem illustremus, & ornemus adduc pauculia definitionibus. Litera dicitur & quod est ex eadem ratione, eodem numero: ut loquitur Alex. *d. conf.* 89. & litera dicitur tamen legitima, vel litura, de qua re Scaliger *lib. 1. de causis LL.* sed & scriptum dicitur, quod tantum ex mente statuti est, quod alii, ut idem Alex. *conf.* 144. *lib. 6.* Nominatim, & singillatim expressum verbis, alii, & idem *conf.* 126. *lib. 6.* hic tamen habet illam cautionem si ex verbis tamen necessario comprehenditur, quod & *conf.* 80. *lib. 1.* & ego verissimum puto per ea, quæ de consensu expresso tradidi *ad l. 7. §. 1. de spons.* & per id, quod aliique docuerunt, & Decius *conf.* 15. & *conf.* 407. expressum, & scriptum censeretur, quod sequitur ex scripto, & expresso. Tenorem instrumenti censeretur, quod vi instrumenti colligitur, quod alii, & Alex. *conf.* 126. *lib. 7.* ad quem aliosque & se, & judicia contra repugnantes aggregat Molinæus ibi. Habes in eo Alexandri consilio alias plures definitiones hic aptas: etiam de iurejurando pares, quod strictique juris est: & de sen-

acn-



tentis: & de aliis. Etiam illud, intelligi l. 1. de his, quæ in test. del. cum defectus mentis colligi potest ex non scriptis. Ergo notes, definitionem §. nostri esse & de aliis dispositionibus, non solum de legibus. Sed advertas tamen, ne questio sit de verbis, nam sententia tum non est idem, quod verba, ut ego copiosius id tradidi ad l. 7. in prin. de spons. Dixi, verbis antestare sententiam: & verum est. Quod semper & Rhetores concludunt in illo tractatu ambigui sententiæ & scripi. Adde illa, *Sæpe prædonum causa melior foret, si non sententiam, at verba teneremus* l. 36. de pet. hered. & illa, quod verba se habent, ut superficies: ut corpus ad animam, sic illa ad mentem, itaque mens prævaleat. *Panorm. conf. 1. lib. 1.* Expressum dicitur & quod ex mente & sententia legum descendit, ut per hanc legem Rainaldus subscribens Eugenio in consil. 33. Et paria sunt, secundum verba & sententiam, & secundum sententiam tantum. Sic facit secundum leges, qui facit secundum sententiam, licet non secundum verba. Item facit contra legem, qui contra sententiam tantum facit, & contra faciunt fraudem legi, qui secundum verba faciunt contra sententiam. Mens legis est ipsa lex, & anima legis. Sic dicimus vulgo quod si Legislator fuisset interrogatus, utique sic respondisset. Quod ex mente dicitur, non dicitur interpretatio, sed ipsa lex, ut per Bartolum hic, & Angelum. Expressum imo dicitur & evidens, quod est ex conjecturis & præsumptionibus, de quo alibi dictum.

#### PAULUS Libro secundo ad Edictum.

*Sponsio appellatur non solum quæ per Sponsus interrogationem fit, sed omnis stipulatio, promissioque.*

#### ALBERICUS.

Ait lex, non solum, quæ per Sponsus interrogationem, alii libri habent sponsi: Sed ego non discedo a Florentinis, & est hæc inflexio ad supini formam solemnibus Jurisconsultis: ex stipulatu, mandatu, refectiu, delegatu, responsu l. 8. de re jud. l. 4. §. qua in tutore l. ult. de do. ex l. 1. §. 2. l. 5. de oblig. l. Lucius §. heredum ad Treb. alibi, & ipsa etiam ex sponsu (sic inflexerim Tom. II.

D

liben-

libentius ) actio: de qua Fornerius hic, & Hopperus *lib. 3. de jur. ar.* Notavit Contius de hoc supinorum usu pro nominibus verbalibus *ad princ. tit. Inst. de V. O.* Inflexio est quartæ, quibus nominibus utitur Tertullianus libenter, & Tacitus, & aliquando etiam Livius & Ovidius *a contemplatu*, Ovid. *lib. 5. Trist. eleg. 7. positus eleg. 9. lib. 1. de Pont. & eleg. 7. lib. 4. de situ urbis utrobique. Percussu eleg. 7. lib. 2. positu contra Hispaniam*, Tacitus de Silaris in Agric. *Sponsus* igitur hic est *Sponsio*, Gell. *lib. 4. c. 4.* Sed est ipse actus spondendi, ipsum spondere, ut nomina verbalia sic sunt significativa actionis, quemadmodum verba ipsa sunt: quemadmodum, *mandatio l. 37. prin. de adq. rer. dom. putatio l. 18. de injur. territio l. 27. §. quæstionem de injur. geritio l. 14. §. plerique de relig. exercitio l. 4. de exercit. usio l. 27. de aur. & arg. leg. cum id genus pluribus in libris nostris. Rectionem* dixit Cicero: cujus exemplo *doctionem* dicere, licitum sibi facit Scaliger *lib. 1. poet. c. 2.* His nominibus multis utitur Cicero Tuscul. 4. *Visionis* vocabulum habes quater usurpatum ab Ulpiano, & a Paulo: semel in *l. cum de indebito de prob.* At legem illam non esse Pauli, sed Triboniani: a cujus & manu esse vocabulum *visionis*, ait Gajacius *lib. 21. obs. c. 26.* qua de re nos in nostro Jurisconsulto, & de vocabuli hujus sensu Ant. Aug. *lib. 2. em. c. 2.* *Actio* pro ipso actu, & tractatu in *l. pe. de usucap.* ubi Contius notar. Sed jam satis grammaticari sumus; non cum Grammaticis tamen. Potest & *sponsi* retineri eadem significatione, non tamen habeo, unde vocabulum adfirmem: ut de *Sponsus* feci. *Sponsus interrogationem*, malim *rogationem*: nam sic Varro *lib. 5. de LL. qua pecunia inter se contra sponsum rogata erat, dicta sponsio*, idest, sponsio dicta est ea pecunia, quæ rogata erat contra sponsum, & hoc est, cum quis spondebat pecuniam, si quid per se non fieret, & rogabat sponsum, rogabat, ut sibi sponderetur, tantundem ex altera parte, ea pecunia sic sponsa dicebatur sponsio. Et sic sacramentum pecunia, qua posita contendebant, & dicebantur, sacramento contendere: de quo Pythæus *lib. 1. subsec. c. 18.* Sponsiones propter certamina ponere, dixisse sic videtur vetus Commentarius in Juvenalem. Et facere sponsiones in certaminibus J. C. *l. 3. de a. leat.* ad quas anulo utique soliti quasi pro firmamento, & arrha sponsionum. Plin. *lib. 33. c. 1. & l. 17. §. ult. de presc. ver. contra*  
*spon*

*sponsum rogare*, itidem scripsit Varro *lib. 6.* Item displicet sic verbum *interrogante* in definitionibus legis, & plebisciti Justinianæ. Vaconio *jur.civ. declar. 91.* & Hotomanno *Instis. de jur. nat. §. lex.* At vero interrogare utrobique est rogare, quo quidem simplici verbo antiquitas delectata magis est, ut de aliis vocabulis vere sic notat Contius *ad tit. Inst. quibus mo. re contr. obli.*, ut hoc nihili sit. Non modo igitur sponsio appellatur, quæ habet sponsonem utrinque, & in qua spondens rogat, sibi contræ sponderi, sed *omnis stipulatio*. Stipulatio habet sponsonem ex una tantum parte promittentis, non ex altera interrogantis: itaque ex dimidio est sponsio. Verum & stipulationis nomen stat, quod tamen non est nisi ex parte altera, sive interrogantis, sive respondentis. Ab interrogante volunt alii, quia stipulari sit interrogare, cum id genus aliis rationibus, de quib. *Ale. lib. 2. Parerg. c. 17.* Ego, a respondente, defenderem: quia is est, qui facit stipulum actum, firmum; unde nomen stipulationis est. *Inst. de V.O. in prin.* is est omnino, qui dicit, ut per Platonem in *Alcib. 1.* Nunc quidem semper fere dicimus stipulari pro interrogare; sed & pro interrogari dictum est: ut notat Præstianus *lib. 8. Or. lib. ult.* & pro promittere: ut notat Contius *ad tit. Inst. de inut. stip.* atque sic Isidorus, *stipulatio quasi promissio, vel sponsio inde stipulatores promissores lib. 5.* etymolog. Sic in contrariam significationem sui originis versa vocabula quædam sunt, quod indicabo *ad l. quos nos hostes*. Sustinetur ergo vocabuli etymologia, si ex altera parte verum sit. Nec dubites sic sentire: nam propterea definitum est, nomen imponendum a parte posteriori, quod Hotom. *ad tit. Inst. de don.* est vero prior spondentis in stipulatione: ut ego teneo, ergo sponsonis nomen stipulationi aptetur recte. Sed & omni promissioni. Ait lex, *omnis stipulatio, promissioque*, & de omni stipulatione ait, non tantum, quia formulæ stipulationis sunt infinitæ, auctore Cicerone in *Topic.* quantum, quia omnis stipulatio non habet sponsonem utrinque: ut dixi. De promissione fuerit adhuc dubitandum magis: quod in verbo spondendi plus esse videatur, quam in promittendi, quod minus est solemne, atque hinc Seneca, *jura non promittunt, sed spondent ep. 19.* Cæterum *spondere* nihil est aliud, quam dicere, ut docet Varro 5. de *LL.* & Festus, unde & faciunt *respondere*, itaque sponsonis verbum promissio.

missionique conveniat ; omni promissioni , non solum ei , quæ sit ad præcedentem interrogationem , sed omni , ut sic exponunt plerique Interpretes , & addunt , quod nisi sic capis de omni promissione , frustra hoc adjectum verbum hic est : cum per verbum stipulationis ea satis exprimeretur promissio , quæ ad interrogationem facta est . At Alciatus negat , id definiri hic , aut verum esse , sponsonis nomine significari promissionem hujusmodi sine interrogatione præcedente , atque inquit , adjectum de promissione , ne quis caperet stipulationis nomen de sola interrogatione . Quod argumentum nihil valet , nam in hoc sermone , *Sponsio appellatur omnis stipulatio* , nemo potuit stipulationis nomen de interrogatione capere . Ludit , opinor , Alciatus in reliquis . Fornerius , qui cum Alciato docet , Græcos profert . Interpretes , de quibus ego dixi *ad l. præced. in prin.* Promissionis nomen generale est , *promissum potest referri & ad nudam promissionem , sive pollicitationem , vel ad sponsum* , l. 19. §. 1. de æd. ed. sed. & sponsonis vocabulum non cogitur ad sponsum , & patet æque late ac promissionis . *Sed omnis stipulatio , promissioque licet non ultro , & sponte , sed rogatus quis vel pro se promittat , alioqui sponsio dicta , quod sponte pro alio fieret , ut Accursius censet , & ex Festo est , & probat Alciatus lib. 1. Parerg. c. 2. neque improbat hic , etsi cum nostro Jurisconsulto faciat latius etiam vocabuli potestatem . Cujacius improbat , aut calumniatur potius : qui non verbi originem , sed progressum notat in Nov. 4.*

Idem libro tertio ad Edictum.

*Verbum OPORTEBIT tam præsens , quam futurum tempus significat .*

ALBERICUS.

An quia præsens est portio futuri ? quod dico *libro primo de legitimis temporibus* , sed illic ego subtilem istam interpretandi rationem non sum secutus . Est , qui velit , legi hic debere OPORTET : de quo meminit Cujacius *ad Nov. 7.* Sed tum idem quæretur , qui verbum præsens aptetur futuro : sed ex recepta littera quæritur , qui verbum futurum præsentī aptetur . Observant

qui-

quidem Grammatici, indicandi modum pro alio quovis sæpe capi, & illa eadem est ratio, quia is modus vix est, sed est aut præteriti, aut futuri pars. Verbum *OPORTEBIT* sic significat tempus præsens: quod recte dicitur *oportebis, te dare centum*, etiam de his, quæ nunc dare debes, *oportet te dare*, de his non dicitur, quæ nondum debes: etiam si debeas sub conditione, aut etiam in diem, nam & necessitas est in hoc verbo ut per Alex. *ad l. si stipulatus §. cum stipulamur de V.O.* ubi tamen de aliis id limitat, si nullum esset debitum purum, ut tum etiam de conditionali intelligeretur. Quod hodie non est necessarium, non recte exprimitur per verbum *OPORTET*. Sed exprimitur per alterum *OPORTEBIT*, quoniam quod semel oportet, id semper oportebit antequam præstetur. Putem tamen, & has esse a mente juris subtilitates alienas, & puto, verissimum, quod neque verbum *oportebit*, neque aliud futuri temporis habeat præsentis significationem proprie, & nullum tempus in tempus diversum transeat, aut fier totius linguæ confusio. Ergo non ex proprietate sit hæc definitio, sed hoc voluerit, quod capi sic verbum possit, si subiecta sermonis ratio sic poscit. Ergo regula contra stet. Et eadem de verbo præsentis dico. De quo jam hic videamus, quando ad futurum trahatur. Mox ex contrario, de futuro quando trahatur ad præsens. De præterio quando ad hæc trahatur: aut præteritum ad hæc plene Jurisconsultus, ubi & nos *ad l. verbum ERIT*. Præsens non pertinet ad futurum, *l. 76. si stipulatus §. 2. l. 89. si a colono l. 125. cum stipulamur de V.O.* At, hæc tamen in accessionibus non obtinet, *l. ult. §. ult. de lib. leg. l. 1. §. bellissime ut leg. no. ca.* & non est enim jus ullum singulare in hac stipulatione & cautione legatorum, sed ubique in accessionibus, quicquid Cujacius contra *ad d. l. 76.* Tertia est limitatio, si de re substituta agitur, *d. l. ultim. §. ult. de lib. leg.* nam secundam dixi ex Alexandri *ad §. cum stipulamur*. Quarta est in verbo *potest*, quod extensivum sit, *l. 51. si ita in prin. de leg. 2.* ut per Bart. *ad l. si ita esset de au. & arg. leg.* tamen ex adjunctis id potius probat, & sic vera est limitatio ex adjunctis, ut in *d. l. verbum eris*. Quinta esse videtur in verbo *possit posses*, ut de his noto *ad l. verbum eris*, ubi & de aliis subjunctivi, optativi. Sexto fallit ubi de modico agitur præjudicio, *l. ult. C. qua res pi. obli. poss.* ut per Bart. in *d. l. si ita esset*. Quæ tamen non probat Alcia-

tus,

tus, opinor, iuste. Septimo fallit in legibus. Hæ futurum respiciunt, etiam conceptæ per verbum præsens, imo & conceptæ per verbum præteriti. Leges scilicet ad futurum referuntur, ut ait Plato in *Theat.* quidni? Legis virtus omnis est in vetando, imperando, permittendo, puniendo, l. 7. de legi. atque tria illa prima respectant omnino futurum, quod eleganter Donell. lib. 1. comm. jur. civ. c. 5. Etiam & quantum punitio ad futurum se refert: non modo quia nec futura post legem conditam delicta impunita esse non debent: Sed etiam quia punitio sequitur veritum, & hoc futuri est, ut dixi. *Leges futuris, certum est, dare formam negotiis non ad facta præterita revocari* l. 7. C. de legi. non præteritis calumnias excitare l. pe. C. de decur. cum id genus aliis, quæ habes Nov. 7. 22. 85. cxl. & edict. 3. Justin. & in his habes notatas confusiones exortas ob Legem latam in præteritum. Quid peccavit antiquitas, quæ in sequentis legis inscia priusnam secuta est observationem? l. jubemus C. de testam. exorbitans, & odiosum, & contra naturam legis est, ut ad præterita trahatur. Alex. conf. 199. lib. 6. Nova novæ legis poena non trahitur ad præterita, ut de aliis idem Alex. conf. 7. lib. 2. & Cato Uticensis apud Plut. qui & id dicebat, nec enim finem prætorum facinorum reperiri posse. Et id est, quod contra Verrem urget Cicero, quod ille & de præteritis edixisset, adi. Verr. 3. & Hotomanus inepte pro Verre pugnat. lib. 1. Obser. cap. 1. Adi. l. 1. ad Falc. ubi habes legis solemnia illa, Si quis post hanc legem rogatam, & in l. 12. de adult. ne quis posthac, & passim alibi. Adi & Fely. ad cap. 2. de const. Lex igitur (ut est septima limitatio nostra) respicit natura sua futurum, quibusquibus concepta verbis est. An autem ad præsentia, atque præterita aliquando pertineat, illa alia quæstio est: & pertinet sane in pluribus casibus, quos hic rapta occasione recitare non gravabor. In primis autem sciendum est, quod videtur supradictis contradicere, leges in facta constitui, quia futura in incerto sint, ut bene ait Tiberius Tac. an. 3. Sed hoc tamen est, quia de re prorsus incognita, inaudita, invisæ non potest quidquam vel cogitari. Sic de parricidio non fuit lex a Solone lata, quod id criminis incredibileque videri potuit, ut per Laet. in Sol. & Cic. pro Rosc. Sic de alio crimine, alieno a sensu humano etiam barbarorum, erumpente tamen sub Justiniano, lex nulla antea po-

potuit statuere, ut statuit de cognito Justinianus. *Nov.* 135. Quælia sunt morbis medicamenta, talia sunt jura negotiis. *Nov.* cx1. & *ed. g.* & *Leo Nov.* 100. 105. *proxim.* & *Liv. lib.* 34. *vetus verbum est, leges bonas ex malis moribus procreari.* Macrobius. *lib.* 3. *Satur. c.* 17. medicamenta morbis natis inventa sunt. Legibus nondum enatis nascendi causam rerum usus præstat, cum id genus reliquis: quæ itidem habet Leo Philosophus in *proxim.* & *Nov.* 47. 57. 93. 95. 98. Nulla valet humana mens assequi innumera illa, quæ homo, quæ natura in dies nova edere deproperat, ut id pluries dixit Justinianus, *l. 2. C. de vet. ju. lenocl.* & *Nov.* 60. 69. 84. 98. Quod vero idem Justinianus & his legem aliquando dicit *Nov.* 72. quæ præter omnem opinionem natura fuisset post inventura: id facit, cum ea & novisset, & disposuisset, ad quorum exemplum ista quoque inopinabilia dirigi jubet, futura cognata, similia, quæque erunt, quod & Jurisconsulti exposuerunt prius *l. 10. & seqq. de Legi.* Et ita est, quod idem noster scribit, impossibile esse, in tanta multitudine exacte ea, quæ singulatim eveniunt, perdiscere: & esse propterea perpulcrum, si omnia generali lege ad certam formam redigerentur; neque enim hoc est, de futuris incertis disponere; Verum ex cognitis statuere de reliquis generaliter, & in universum, quod legis adeo est proprium, & artis, ut lex non generalis respici etiam soleat. *Nov.* 7. PRIVILEGIA. NEI. IRROGANTO. ut de XII. recitat Urfinus. Sic igitur lex est de futuris, neque ad præterita respicit. Nisi tamen, quod nova lex vererem ita potest interpretari, ut præterita videantur ex veteri lege determinata, non ex nova, *adl. Nov.* 19. 87. 143. qui declarat nihil dat, sed datum significat, ut notat Accursius *ad l. 21. §. quod vero. de testam.* Vide tamen tu, ut sit vere interpretatio, non interversio, novum quid sub eo nomine interpretationis, tunc enim non censetur interpretatio, sed nova constitutio.

Et lex, si quid novi inducit, ad præterita non trahitur. *Alex. d. conf. 7. lib.* 2. ubi & hoc habes de communi opinione, quod statutum superveniens ad declarationem antiquorum statutorum, trahitur ad præterita, nondum tamen finita, ut quid enim extincta jurgia resuscitare? Si etiam antiquarum legum poenæ in nova lege repetuntur: non est cur delinquentes ceu

po-

pœnis novæ constitutionis nolint obstringi, cum eadem & ex prioribus legibus manerent. *Nov. 123.* imo si quod delictum sit, quod omnes sciunt esse delictum, ut adulterium, homicidium, furtum, reliqua, quæ naturaliter intelliguntur delicta esse, de his quidem antea commissis statuere nunc lex nova non videbitur: Sed si statuat tamen ego justam constitutionem censeo cum Cicerone *d. Verr. 3.* Facilius quoque est, ut velit lex præteritis indulgere delictis, & sic de præteritis imo lex hæc intelligitur, non de futuris: ne dolis, & delictis, viam patefaciat proposita pœna immunitate, & ita hic Rebuffus; & certum est, *adi Nov. 129. 154.* Quæ item evenerunt, nec sunt tamen in judicium deducta, aut terminata ea, quis neget, nunc legis, principisve determinationis esse? *l. 2. §. pen. C. de vet. ju. enucl. Nov. 101. 124. Or.* Quod tamen lex determinat isthæc certis verbis, significat satis, nec ad ista pendentia leges trahi; nisi cautum diserte & de his fuerit. At decernit quoque Justinianus, ut de eligendis Episcopis postea constituta etiam in antea electis observarentur *Nov. 137.* Sed id facit tamen, quia & observari antea debuerunt, ut illic explicatur, jus divinum illic proponitur, quod neque heri, neque nudius tertius fuit, sed ante multo. Et simile est, quod alibi quoque ponit præteritis Justinianus, naturali; antiquissimo juri patrio consulens, *Nov. 157.* Et ad hanc rationem, sive aliam supradictarum rediguntur leges omnes, si quæ sunt, quæ in præteritumque ducentur, aut scriptæ sic in præteritum, præsensve sint.

Nunc de ipso verbo futuro videamus, si quando contra naturam suam referatur ad præsens. Et brevis hic restat mora. Referri illud dicimus ratione alterius adjuncti verbi, propter quod & ad præteritum (id majus est) referri, audiemus *ad l. 123.* & ibi notes tamen, quod voluntasque loquentis facit ad istam interpretationem *quod quidem ex voluntate scribentis interpretandum est*, ait ibi Pomponius. Etiam subjecta materia sic efficiet, ut Alciatus notat *ad d. l. 123.* Et sic promissio, *dolum malum abfuturum*, etiam contra dolum præsentem est *l. novissima jud. sol.* ut hic per Alciatum, nam ego in hac specie dubito, est enim & verbum præsentis in *d. l. novissima*, & neque dicitur illic, futurum retrahi, sed durationem, & permanentionem, quæ sequitur, futuro comprehendi, alias si futurum sit satis,



factis, quid adjici præfens oportuit? *Plenissimum est, & ad omne tempus refertur*, sed propter continuationem. Cogita. Hæc autem de istis duabus regulis, & de sinceris temporibus verborum, nam de nominibus, aliisque vocabulis nihil hic, & nihil de his temporibus, quæ mixturam aliquam habeant, ut futurum subjunctivum præterito, &c. Venio ad §.

*Actiois verbo non continetur exceptio.*

Et quid mirum? actio est jus persequendi, exceptio est jus fugiendi. Et ita fugientes appellari solent rei conventi Græco dicendi genere, ut hoc notat Ant. Aug. *lib. 2. emend. c. 1.* & neque ego legi alibi, quam in constitutionibus Justiniani, illa legimus in Digestis, *reus semper dicitur non convenisse*, leg. 16. de judi. *semper negabis, se consensisse*, l. 83. de V. O. etiam defugiendi verbo sic usus tamen J. C. l. 39. in *fi. de evict.* *Sejo agente, recte defugiet*. Quapropter & sic soleo definire exceptio, nem, *jus defugiende actionis*, alii, *actionis exclusio*. Rhetores, *intentionis depulsio*, intendendi scilicet verbum actionis est. *Inst. de act. in prin.* Omnes optimæ sunt definitiones, magistri definitionum Cujacii pessimæ sunt, *allegatio reo competens*, quasi quicquid agit ex parte rei, nihil nisi exceptio sit. *Est defensio ejus, quo cum agitur, actioni contraria*, quasi omnis defensio conventi contraria actioni sit exceptio, & quasi non etiam diversa. Sed ejus doctoris hæc talia sunt. Non potest igitur actionis verbo contineri exceptio, etsi dubitari de eo potuit propter latitudinem verbi agendi, de quo *ad l. 19.* & quia qui excipit, ratione aliqua agere videtur, l. 1. de except. l. *amplius in fi. rem rat. hab.* Atque ita in materia favorabili, & lata interpretationis, nomine actionis venit exceptio, *adi Bart. ad l. 1. §. idem C. ad l. eleganter de dol.* Item de exceptione compensationis proprie capietur nomen actionis, auctore Bartolo, quem non probat tamen Alciatus, nec Rebuffus, sed probat Alexander *conf. 12. num. 13. lib. 2.* atque ibi doct., quod prohibitus excipere, non censetur prohibitus reconvenire. Et quod excommunicatus, qui nequit excipere, potest compensare, & qui juravit solvere, excipere non potest, sed potest compensare, nam & is solvit, *adi Alex.* Replicationem haud dubie venire nomine actionis, tenet

Alciarius: et si nomineque exceptionis saepe nominetur, ut testaturque Cujac. in *parat. de except.* Etiam interdicta veniunt nomine actionis, l. illud §. actiones de *pet. her.* De possessione in his agitur, l. 14. in *fin. de auc. rei jud.* vide late Cujac. lib. 5. obs. cap. 17. & *parat. de adq. ve. do.* & in *prior. not. ad lusi. tit. de interd.* Cetera de nomine actionis dico ad l. 34. & ad l. 178. §. actionis.

Ulpianus libro quinto ad Edictum.

Marcellus apud Julianum notat, verbo PERISSE & scissum, & fractum contineri, & vi raptum.

### ALBERICUS.

Alii RAPUISSE, alii RUPISSE. Ego Florentinos sequor. Quamvis autem periisse proprie dicitur, quod periit fundicus, l. 21. *deperditum de pet. hered.* l. 1. C. de *in. em.* & Tertullianus de *resur. car.* periisse est in totum non esse, quod fueras, & scissum tamen, & fractum recte dicitur periisse: quia forma, & usus rei sic quoque periit, poculum fractum non est poculum, ait quidem Tertullianus illic, mutatum aliter esse posse, etiam si in totum non desierit. Sed tamen & mutari esse perire pristino statui, qui, dum mutatur, amittitur, idem scribit contra Hermog. Et de hoc videbimus ad l. 13. §. 1. Nunc criticam exercere paulum, in animo est, nam quid facit cum scisso, & fracto raptum vi? qui periit vi-raptum, si & ipsum manet integrum, & actio est domino ad recuperandum? An pro vi-raptum leges ve raptum? quod est valde raptum, & deterioratum, ut hæc est significatio articuli ve, & verbi raptum, unde & raptitæ in XII. ut per Festum, & quidem deterior facta res periisse videtur l. 8. §. 2. ad *exb.* l. 3. §. 1. *comm. l. 1.* §. si res deposita. depo. Dixi autem de valde deteriorata: quoniam modica deterioratio non hoc facere potest. An potius leges, diraptum? vel atque raptum? & erit collisum, quod differt vocabulum a fracto, l. 27. §. 3. de *an.* & *arg. leg.* An etiam, & vi carptum? quod est laceratum, unde in XII. *molier. faciem. noi.* carpto. & carptores, qui cibum scindentes, carpentesque prami-

ni.

nistrant, adi Lips. lib. 2. Saturn. capit. 2. Sed & direptum est laceratum. Hippolytus loris direptus equorum. Ovid. lib. 3. Fast. & de eodem lib. 5. cum consternatis diriperis equis, & lib. 6. Hippolytus lacero corpore raptus erat. Aut reponimus, & corruptum? quod est vocabulum latius; & continens duo priora, l. 4. §. loquitur, & §. seq. vi bon. rapt. & imo etiam alia continet, præter scissa, & fracta, ut sunt liquida & alia multa, quæ corrumpi dicuntur, non scindi, non frangi, pulcre l. 27. §. inquit. cum seqq. ad L. Aquil. ubi & quod veteres verbum rupsisse in illa lege sic intellexerunt corruerit, & quod licet dixerit lex offeris, fregisse, ruperis, non negat tamen, fractum, & usum contineri corrupti appellatione: sed non esse novum, ut lex specialiter quibusdam enumeratis, generale subiciat verbum, quo specialia complectatur. Pro lata significatione verbi corrueris vide & l. 42. ad leg. Aquil. & l. 7. §. 2. arb. fur. cas. Quid etiam si hic retinemus raptum, & ruptum interpretemur? Sic sane in XII. Si membrum rapti. nec cum eo. pacis. talio. effod. ut de Falso habes in Talio, & male quidam scribunt, rupsis, pro rapti, possunt optime rapsis pro ruperis; ut ut ita veteres efferre futura subjunctivi solebant. Et ut istud rapsit habet Cicero lib. 2. de Legi. At nunc quid faciemus de verbo vi? An non dicitur perisse quod corruptum est, si vi adhibita corruptum non est? Generaliter hoc verum non est: quibusdam casibus verum esse potest. Ecce de naturali damno teneri non solemus, sed de eo, quod nos dedimus, l. 1. §. 2. & §. sed & si vicinus l. 2. §. apud Namusam. de aq. plu. An vi raptum hic dicit J. C. & de raptu virginum, aliarum mulierum intelligit nam raptor sic est idem quod corruptor, & rapta corrupta, auctore Isidoro lib. 10. & raptus a corrumpendo dicitur eidem relato in c. 48. 27. q. 2. & c. 1. 35. q. 1. & ita verius (ut mihi videtur) contra omnes tradit Molingus ad Alex. conf. 1. vol. 3. violentam corruptionem esse verum raptum: etiamsi nulla abductio sit. Hæc non puto. Titulo bonorum raptorum conjunguntur scissa, fracta, rapta: at diversis edictis, d. §. loquitur, hoc dicitur, rapta periisse, aut rapta scissa, fracta. Ergo omnibus repugnantibus, & Græcis, quibus tamen in veritate scripturæ multum tribuo, emendarem aliquo modo ex supradictis. Aut potius vide quæ noto ad l. 13. §. desinere. Et nec plu.

plura ad istam legem, nam materiam ejus exponam ad d. l. 13. §. 1. & ad l. 14.

Idem libro sexto ad Edictum.

*Creditores accipiendos esse constat eos, quibus debetur ex quacunque actione, vel persecutione, vel jure civili sine ulla exceptionis perpetua remotione, vel honorario, vel extraordinario, siue pure, siue in diem, vel sub conditione, quod si natura debeatur, non sunt loco creditorum, sed si non sit mutua pecunia, sed contractus, creditores accipiuntur.*

### ALBERICUS.

*Ex quacunque actione, etiam reali etsi actionis nomen, & debendi verbum proprie pertineant ad personalem not. ad prin. Inst. de act. & ad l. 178. hoc tit. Nam latitudo utriusque suscipit interpretationem hanc latiore, quod ibi audiemus. Et sane est large obligatus & qui reali convenitur, quod alii, & Alex. conf. 64. lib. 3. & conf. 185. lib. 6. Atque addidit idem Alexander, veram esse istam interpretationem hic: quia dictum sit ex quacunque, quod verbi includit etiam ea, quae alias non includerentur, & includuntur minus proprie, ad conf. 102. eo. lib. 6. ubi & hoc tradit de officio Judicis, addo & Jaf. ad l. si stipulatus, §. cum stipulamur num. 3. de V. O. quod haec verba statuti, qui habet jus aliquod, intelliguntur etiam de conditionali propter verbum aliquod. Vel persecutione. Persecutionis verba extraordinarias persecutiones puto contineri, &c. ad ad d. l. 178. Vel jure civili, sine ulla, &c. & sic in l. 42. de oblig. creditores eos accipere debemus, qui aliquam actionem vel civilem habent, sic tamen, ne exceptione submoveantur, vel honorariam actionem, vel in factum. Notemus autem, adjectum de exceptione juri civili: quoniam rigor, juris civilis plures tribuit actiones, quam pari aequitas possit, & itaque Praetoris exceptionibus excludi multas actiones juris civilis, novimus, & contestatur Cicero lib. 2. de Invent. Vel honorario, vel extraordinario. Jus honorarium est magistratuum, praecipue Praetorum-§. Praetorum Inst. de ju. nat. Et quanquam juris civilis nomine etiam hoc honorarium continet.*

tinetur *d. sis. Inst.* distinctum tamen poni sæpe solet, atque tum est jus civile lex, plebiscitum, senatusconsultum, constitutio, & quæ specialiter nomine juris civilis significatur, interpretatio prudentum *l. 2. §. his legibus de orig. jur.* Exordinarium jus est extraordinarium: quod tractat titulus *de exarordinariis cognitionibus.* Et extraordinarium est, quod non habet ordinariam executionem, *d. tit. & d. l. 178. §. actionis, vel honorariam actionem, vel in factum,* inquit *d. l. 42. de oblig. & in factum actio* patet latius, quam extraordinaria, nam actiones in factum habent quædam ordinariam executionem, *adi sis. de pres. ver. & in fa. act.* nisi executio ordinaria non solum dicitur, quæ communi jure sine ullo favore peragitur: ut ita opponitur extraordinaria *d. sis. de extr. co. sed & quæ per prodita judicia, & per vulgares actiones exercetur, ut ita opponitur actio in factum l. 1. & seqq. de pres. ver. & itaque in factum actio erit quod & extraordinaria, juncta d. l. 42. & l. nostra.* Sed cur de exceptione non adjicitur, nisi juri civili? An satis est, quod ante diximus: aut aliam rationem querimus? Ergo, quia plures exceptiones dedit prætor adversus civile, quam adversus suum, aut extraordinarium favorabile jus. Vel ista verba, *sine ulla exceptionis perpetua remotione*, ad omnia referemus, nam & prætoriz actiones, & extraordinariæ patiuntur exceptiones sæpe, quid nã & perpetuas de dolo, de metu, de non petendo? *Inst. de excep.* Temporales exceptiones non faciunt, quem non esse creditorem, quia non attingunt substantiam, sed tantum executionem, *d. sis. de excep.* Sic dicuntur dilatoriz, perpetuæ vero peremptoriz, & de quibus ad rem nostram, nihil interesse, ipso jure quis actionem non habeat, an per exceptionem infirmetur, *l. 112. de reg. jur. & definire debitorem esse, qui nactus sit exceptionem justam, l. 66. eod. & actionem non dari sis. quare. ac. non de. sive puv. sive in diem, vel sub conditione*, his scilicet modis omnes obligationes contrahuntur. Sed de creditoribus in diem, vel sub conditione censent Interpretes, eos non esse proprie creditores: quia nec sint debitores, qui ita debent, ut ita post alios firmat Alex. *ad l. si stipulatus, §. cum stipulamur de V. O. & conf. 106. lib. 3.* large esse creditores, definiunt, & propterea ait Alex. *in d. §. quod*, ubi larga admittitur interpretatio, ut in testamentis, ibi nomine creditorum, & debi-

eorum isti etiam intelligantur: contra in contractibus; aliisve, in quibus stricta interpretatio adhibetur. Atque ad hanc distinctionem recitant plures questiones in *d. §. cum stipulamur*. Et ibi etiam Jason negat vel in testamentis admitti eam interpretationem. Etiam tripliciter distinguit Alex. *conf. 2. lib. 4.* ut conditionalis largissime sit creditor, in diem large, pure creditor, stricte creditor. Ego in contraria sum sententia, ut etiam proprie intelligantur creditores, & debitores, qui in diem, vel sub conditione tales sunt, quam sententiam etiam defendit Vaconius *lib. 3. declar. 45.* Et rationes sunt sententiae nostrae; prima, quod hic isti junguntur creditori pure; secunda, quod sic semper in species dividitur obligatio, ut omnis species proprie sit obligatio; tertia, quod definitur creditor, cui debetur sine exceptionis perpetuae remotione, at vero is, cui in diem debetur, sic removeri nequit: sed nec sub conditione debetur; nam potest exceptio non esse perpetua; & incertum est, an sit perpetua; atque de perpetua inquit lex, quae differt ab incerta, *l. sufficiat. §. 6. de condit. indub.* Et quod quartae rationis loco esse valet, sic pares creditorem conditionalem, & in diem facit *l. 55. infra*. Nec sententiae nostrae adversatur *l. debitor infra*, cui respondet Vaconius: & tu responderis, quod verbum *potest* extensionem habet, neque sit cogendum ad praesentem diem, ut illic expono. Item nec nocet *l. cedere diem infra*, quoniam non debetur quidem, quod deductum est in contractum conditionalem, ante conditionis eventum, sed debetur tamen, ut stetur contractui, nec ab eo recedatur, *l. hac conditio. in princip. de contr. empt. Alemand. conf. 40. lib. 5.* Sed nec obstat *l. si scripisset 46. de leg. 2.* cui Bartolus, & alii omnes respondent. Et nec vulgata regula, *l. si ita. de au. & arg. leg.* quoniam, breve ut faciam, & praesens hic est obligatio contractus, a quo nequit recedi: ut dixi. Tandem non movet *l. cum illud 25. §. 1. qua. di. leg. ced.* quam affert Jason, ut doceat, nec in testamentis accipi nisi de puris creditoribus nomen creditorum, non enim ea lex loquitur extra naturalem obligationem: a qua non esse creditores, mox repetemus cum lege nostra. Et ita igitur mihi viderur cum Vaconio. Sed retinendo communem, dic, venire tamen credita, & debita conditionalia etiam in stipulatione, si pura nulla sunt, de quibus intelligi stipulatio possit, ut post alios, per Jaf. *ad d. §. cum stipulamur numero 4.*  
apud

apud quem & alia ad rem videris. Notes vero a me, quod es creditor sit is, qui stipulatus est sub conditione; non is est tamen, cui sub conditione legatum est; antequam existat conditio, l. 42. de oblig. & sic tibi conficio, quod creditor conditionalis ex contractu creditor est: creditor conditionalis ex ultima voluntate non est creditor. Et est ratio differentie, quia contractus conditionalis transeat ad heredes, adeoque sit firmior, quam voluntas ultima; ut hæc explico latius lib. 2. de cond. Sequitur in textu nostro. *Quod si natura debeatur &c. Is natura debet, quem jure gentium dare oportet, cujus fidem secuti sumus*, l. cum amplius de reg. Jur. non ait simpliciter, *dare oportet*, sed *jure gentium dare oportet*, quia simpliciter non est necesse, ut det, sed tantum ex jure gentium. Inque nimius est in suis subtilitatibus Vaconius, qui ait, actionem esse ex naturali obligatione, quoniam cum dare jure gentium oporteat, qui natura debet lib. 1. de cl. 21. Intellige autem ista non de his juris gentium obligationibus quas excepit, & sovit jus civile, ut sunt emptio, locatio, societas, & reliqui pene omnes contractus, §. *Ex hoc jure. Inst. tit. 2.* nam quod per ista debetur, facit proprie creditorem, & debitorem. Sed de his cape legem nostram, quæ pacta dicuntur, & pacta nuda, & pacta conventa: quæ jus civile non sovit, nec improbat, at in suo jure relinquit, quare non sufficiant credisorem, & debitorem, nam actiones cum sint juris civilis, per quas exigi ab invitis possit: & ex non sint tributz illis obligationibus juris gentium: sequitur, ut obligati naturaliter exigi non possint: ergo nec sint debitores quidem d. l. *debitor*. Porro excepit prudentissime jus civile non omnes obligationes juris gentium; ne, si omnia dicta, conventa, pollicita firmis vinculis starent, lites nimium multæ fora occuparent, & civitatem per suas petitiones & exactiones, ut alicubi scribit Seneca, ne periculum esset obligationis in omni verbo quotidiani sermonis, certos statuit, & deliberatos obligandi modos civile jus. Nam Aulitia fuit Canonistarum, nullam adhibere modum, sed undique excitare actiones. Quanto magis laudare eos Indos potes, apud quos tantum de maleficiis jus redditur, nunquam de contractibus, eam ob causam licitum vitandarum, quasi & imputare sibi debeant, qui cum aliis contraxerunt, si fidem in eis non reperiunt: id, quod in de-

delictis non obtinet: quoniam inviti contumelias, & injurias accipimus. Ut ista de Indis recitantur Straboni lib. 15. Et si vero actionem non pariunt obligationes juris gentium, valent tamen ad recipiendum, compenlandum, retinendum, & alia id generis, de quibus hic Alc. Restat in lege, *sed si non sit mutua pecunia*, &c. quod exponitur in l. seq.

Gajus libro primo ad Edictum provinciale.

*Creditorum appellatione non hi tantum accipiuntur, qui pecuniam crediderunt, sed omnes, quibus in qualibet causa debetur.*

### ALBERICUS.

Creditor dicitur, quia credit, Nov. 3. idest, fidem habet capis. 75. de consecr. distinct. 4. Sed sic tamen ut credat, quibus modis jus civile probavit credita, ut dixi modo ad l. precedent. alioqui credidisse dici quis potest quidem, ac non creditor est propterea. In illis autem probatis credendi modis est primus pecunia, mutua, & credita, addo leg. 4. & l. singularia si cert. petat. & C. si ad cred. Pecunia vero hic est omnis res, quæ in abusu consistit: ut quæ pondere, numero, mensura censetur. Et hæc stricta est significatio. Sic dicimus in creditum ire. l. 31. loca. aliud esse, credere, aliud deponere, l. 24. si ventri. §. 2. de bo. auct. jud. pos. Et tamen generali significatione creditum & extra illas res consistit: sicut si eandem rem recepturi sumus, creditum, l. 2. §. 3. si cert. pet. itaque & deponere sit credere, & creditores censentur ex omni alio contractu, l. preced. & l. seq. Imo omnes, quibus ex qualibet causa debetur, ex quacumque causa, l. 16. qui, & a qui, ex omni causa, l. 27. eo. has varias causarum figuras dicere potes, & exponere cum l. 1. & l. 5. de oblig.

Ulpianus libro sexto ad Edictum.

*Si tui in empto, vel locato, vel in alio ullo debetur, sed es in delicto debeatur, mihi videtur, posse creditoris loco accipi, quod si in populari causa, anse lris contestationem recte diceretur, creditoris loco non esse, postea esse.*

AL.



## ALBERICUS.

Cuiusque rei assentiamur alienam fidem secuti, non quid recepturi ex hoc contractu, credere dicimur, &c. l. 1. si cert. pet. igitur ex alio nullo, idest contractu. Sed quid de his, quibus debetur ex ultima voluntate? Negatur, hoc esse, & dici creditores, quia non crediderint. Sed mihi contra videtur, quia tantum creditores conditionales negantur creditores, l. 42. de oblig. & dixi ad l. 10. & nec ex delicto sic dicerentur creditores, quod tamen hic adfirmatur, & nec ex quasi contractu negotiorum gestorum, similium. Est debitor ex ultima voluntate, ex quasi contractu, ex delicto. Ergo etiam creditor est, ut ita in proposito disputat Vacan. lib. 3. decl. 45. *Debitor non est sine creditore, non magis quam maritus sine uxore*: &c. Senec. lib. 5. de benef. Communis tamen est opinio, ut ex delicto nec sint proprie creditores, quod & innuere videatur lex nostra, dum ait: *mihi videtur, posse creditoris loco accipi*. Sed hoc est, quoniam non particulariter fidem in his accommodant homines, accommodant tamen generaliter legi, quæ sic est communis Reip. sponso, l. 1. de legi. ut spondeat omnibus, quod cuiusque est. *Inst. de just. & iur.* Imo vero & quasi contractus particulariter inter hos est, nam heres videtur promittere legatariis. Et qui delinquit, consentire in poenam dicitur, adi Ang. ad l. 1. §. *bestias de pecul.* Pergit lex: *Quod si ex populari causa* &c. Græci male legunt *pupillari*, ut hic per Fornerium, itaque nec in verbo referendo credemus illis semper. Populares autem causæ quæ sint, declarant alii, & Duarenus libro primo disputat. ann. capit. 36. sunt sane eadem & publica, nisi quod popularia ex usu ad pecuniaria magis, publica ad capitis, & corporis poenas pertinent, ut observavit Cujac. de publ. iud. Sed popularia ut sint omnia introducta ad vindictam publicam, sunt tamen eorum quædam, quæ & in publicam utilitatem referuntur, & quædam, quæ in privatum, illa sunt, albi corrupti, & similia ista, sepulcri violati, & cetera, ut per Duar. jam in lege nostra non de secundis accipimus: est enim quis creditor statim, nec expectatur contestatio litis; at accipimus de primis: quoniam illic eligit iudex, qui admitti ad accusandum debeat, si plures forte hoc facere velint. Et hoc electionis iudicium illud est, quod

Tom. II.

F

divi.

divinatio appellatur: nam divinare quodammodo debet iudex, ut explicat Gell. *lib. 2. c. 4.* Et ejus judicii exempla plura in legibus nostris apparent. Habet & Tacitus *lib. 18.* & notissimum Cicero contra Verrem. Porro ante litem contestatam non est creditor, etsi electus accusator, quia litis dominus non ante sit tamen. Creditor autem dicitur, quod primum accusatori huic tribuebatur, ut notat Fornerius. Et creditor ergo sub conditione, si accusatum condemnaverit. Creditor est & is, qui pignus habet, & non id dubium est ex supradictis, quamvis rideat Ambrosius *lib. de Thob. c. 4.* *vos creditores asseritis, qui non homini, sed pignori credidistis?* rideat, vel potius stomachetur Marcialis:

*Quod mihi non credis veteri Thelesino sodali,  
Credis colliculis arboribusque meis.*

Est scilicet plus cautionis in re, quam in persona *l. 25. de reg. jur.* attamen creditque, qui credit pignori: quod credit recipiendum a creditore, qui sibi solvet, quod debet.

*Minus solvis, qui tardius solvit: nam & tempore minus solvitur.*

Pulcre itaque idem Ulpianus in *l. 66. ad L. Falcid.* ut decem imo legata non videantur, si decem legata in diem fuerint, quia intervallum temporis, & intersurium hujus spatii minorem facit quantitatem decem. Sic & ex contrario, plus solvit, qui citius solvit, *l. 15. de ann. leg.* & qui itaque citius petit, plus petit *§. plus. Inst. de act.* Sic temporis commodum facit, ut legatum utile sit, *l. 29. de leg. 1.* Sic dicitur donatio temporis, *l. 9. de donat.* Sic summa pars tempus *l. 1. §. diem de ed.* ut scilicet pactum quoque est, *l. fundi de cont. empt.* quod vel duritiam solam contineat, *l. 6. 7. de serv. exp.* Item exigendi facultas. *Dec. cons. 46.* & omnes in summa qualitates. *Bello lib. 2. sup. c. 10.* de quibus afferendis non laborem. Sed contingere potest, ut commodius cadat aliquando cum debitis in diem, vel sub conditione, *l. non ad ea. ubi not. de cond. & dem. & per Jas. ad l. si stipulatus, §. cum stipulamur de V. O.* Item si creditoris consensu tardius solvatur; nulla tum poenae, nulla usurarum petitio superest, ut hic per Alci. Ut vero nequit debitor citra

astra hæc pericula solvere tardius; an ex contrario poterit sol-  
 vere citius, ut aliquid commodi capiat, quasi plus solvat?  
 Et sane nusquam est lectum, ut debitor propterea aut minus  
 de summa solvat aut aliud lucrum faciat, imo ut ut cogi  
 debitor possit & in tempore suo, & post tempus elapsum  
 ad solutionem; non sic est in creditore, qui cogi ante tem-  
 pus nequit ad solutionem accipiendam, & debitorem liberan-  
 dum, quod asserit Cujac. *ad l. 38. de V. O. & libr. 23. obs. cap.*  
*22.* Cæterum hæc ejus opinio falsa est, si dies adjectus non  
 sit in ipsius gratiam creditoris. Et non obstant argumenta,  
 quæ profert. Ait: Mora non committitur, nisi tempore op-  
 portuno promissor offerat. At nos dicimus opportunum omne  
 tempus ante diem tributum debitori. Sic enim ait lex, *so-*  
*lum medium tempus ad solvendum, liberum promissori relinquitur,*  
*d. l. 38. §. inter incertam,* ubi hæc quaestio, mirum quam perspi-  
 cue, contra Cujacium definitur, nam dixerat, *certa die promif-*  
*sum vel statim dari potest.* Item Cujacius: Reus tenetur etiam  
 si non venerit creditor ante diem constitutum. Ergo venire an-  
 te non cogitur. Ergo nec solutionem suscipere. Verum nos non  
 agimus de veniendo, sed de manendo, idest, suscipiendo ab  
 ulro offerente. Profert & l. 3. §. quid si servus de statu. nam  
 si benigne hoc receptum eo casu est; certe in aliis aliter sta-  
 tuetur. Ego autem respondeo, illo casu interesse heredis, sibi  
 ante diem non solvi: quoniam plurius esse possit, servum inte-  
 rim illum habere. Sed quod notat de Livio, Carthaginenses  
 non auditos Romæ, qui solvere tributum ante diem voluerunt,  
 etiam ineptum est; nam tributum illud annuum erat signum,  
 & recordatio servitutis Carthaginensium, quam recentem Roma-  
 ni esse volebant. Et simili ratione nostri docent; emphyteuti-  
 carium non posse ante diem solvere, quia stata solutio rectius  
 dominium proprietatis adstruit. Et adde tu, quod facilius in  
 commissum cadent isthæc jura per non observatas vices pactarum  
 solutionum, ut itaque levissimam annuam summam redimerent  
 debitores semper summa una incomparabiliter maxima. Conclu-  
 des ergo cum reliquis interpretibus omnibus, posse creditori in-  
 vito ante diem solvi, si non in gratiam creditoris adjectus dies  
 sit, aut ejus aliter non interfit: Volenti creditori solvi recte,  
 nemo dubitaverit: quicquid Cujacius adscribat Accursio. Et va-

num illud quoque est, quod idem ait, creditoribus ex ultima voluntate non solvi volentibus, id enim tum contingit solum, cum propter capientis personam, quod rem familiarem tueri non posset, in diem fideicommissum probaretur, *dist. leg. 15. Javolentus de ann. legat.* Personæ ratio illud facit, non voluntas ultima, *l. Titio 71. in prin. de cond. & dem.* Neque est adversa *l. 8. de transact.* quæ imo istam qualitatem personarum considerat §. 6. Sic igitur non distinguo inter vivorum, & mortuorum voluntates. Volo semper solvi posse ante diem, ut declaravi: & nisi cujusquam alterius interfit, non solvi ante diem. Sed hic nos de uno creditore disputavimus.

IDEM Libro septimo ad edictum.

*Mulieris appellatione etiam virgo viripotens continetur.*

#### ALBERICUS.

Mulierem a mollitie dictam volunt, *Isid. libr. 11. etym.* igitur & virgo continebitur eo vocabulo, & hæc consuetudo scripturarum, ut ait *Aug. libr. 2. de conf. eu. cap. 28.* & infans, namæ feminini sexus omnes continentur, *l. 25. de aur. & arg. legat.* non solum igitur virgo viripotens, quæ egressa infantiam est, & quæ viripatiens nominatur. Fest. & muliebris patientiæ legem accipere posse, dicitur a Petronio Arbitro, & de ea, quæ non nupit, *Ovid. lib. 6. Fast.*

*De tribus impatiens restitit una viri.*

Sed sane de viripotente mulier magis vere dicitur, quia tum est perfecte mulier, idest, talis, qualis facere sui similem potest, quod est signum perfectionis hic, ut sententia est Aristotelis in Politic. Est etiam hoc nomen mulieris strictius prolata virum, *l. 9. §. 1. de contr. emptione, l. 11. §. si quis virginem de act. empti. l. 14. §. mulierem de ad. ed. cum id genus aliis.* *Cras mulier eris,* respondit Cicero. *Quintil. libr. 6. cap. 4.* & contra *Verr. 3. qui lege sua hereditatem ademisti nulli, neque virgini, neque mulieri,* &c. rursus: *Statim negotium dat illis suis comitibus, ut videant, æqua virgo sit, aut mulier,* &c. Et *Proculus apud Vopiscum, Centum ex Sarmatia virgines capi,* & omnes intra quin-

*quindecim dies mulieres reddidi; & Ovid. lib. 2. Fastor.*

*Erubuit falso virginis illa sono,*  
de ea quæ virgo nominabatur, & habebat in utero, & ibidem:  
*Quæ fuerat virgo credita, mater erat.*

Et Electra apud Euripidem, *Mulieres aversæ, cum virgo sim.* Et Sophocles in Trachiniis sic, & alij. Et Tertullianus de virg. vel virginis, & mulieris, idest, non virginis, &c. & illud ad veterem ritum, *erinibus a fronte divisis aperte professæ mulieritatem.* Et his ramen non obstantibus, quod idem ait, non est novum, uti vocabulo principali, sub quo cætera sunt, itaque nomine mulieris etiam virgo comprehendatur. Inquit, quod non modo de virgine, nupta, vidua, & sic de statibus capitur istud generale vocabulum, sed & de ætatibus, & ego jam notavi de infante. Addit, vocabulum fœminæ esse vocabulum naturæ. Cur? quia & in genere animalium, & plantarum dicitur fœmina, non nisi in hominibus mulier. Virgo dicitur & de non adulta, ut per Cujac. lib. 6. *Observ. cap. 16.* sed & de nupta, idque vetuste, ut Donatus notat de Adelphis. *Jam virginem despondi.* 4. adel. 7. de ea, quæ jam pepererat. Sive quæ jam est mater, ut Servius de Virg. *Ecl. sexta* a viriditate, & vigore, aut quoniam antiqui viras pro fœminis dixerunt. Unde & viragines, & virgines. Festus & Isidor. *dist. libro undecimo.* Sic & puercas, ut dico ad l. 204. & Græci *νυμφας* pro vaccis, eodem Festo auctore, at Latini tauras vaccas steriles, scriptore P. Diacono. & Varrone libro secundo de R. R. Puellæ nomen est ætatis, sed & ad virginem cogi solet, quanquam & de nupta est. Ovid. *epist. 1. & 4. & libro 2. de ar. am. & eleg. 14. libro 2. & Martialis. epigram. 68. libro 9.* De virginibus videtur Juvenalis illud, — *Narrate puellæ*

*Pierides: prosis mihi, vos dixisse puellas.*

forte quia id virtutis incredibile videri potuit illis temporibus, nam aliqui Musæ virgines censentur, etsi hoc inepte, si Musæ Uranii filius Orpheus, Terpsichoræ Roëus, ut apud Euripidem in Rœ, etsi Musæ imo fœcundæ esse debent, ut & hoc notat contra opinionem illam de virginitate Musarum Scaliger. *libr. poet.* Et sic Vestam & virginem esse, & ignem ait Ovid. *libro sexto Fasti.* quod nulla corpora sint e flamma, & nulla fœmina capiat, aut remittat virgo. Porro autem ut mulieris nomi-

mine virgo, sic & viri nomine & virgo puer significatur, quod iridem Tertull. An vero, & quando cum mulieris, tum viri vocabulum de illis omnibus intelligi debeat, ex subiecto argumento facile apparebit, de non viripotente non accipiam in dubio, & nec de puero impubere, per rationem supradictam de imperfectione. Sequitur in lege:

*Res abesse videntur, ut Sabinus ait, & Pedius probat, etiam hæc, quarum corpus manet, forma mutata est, & ideo si corrupta reddita sint, vel transfigurata, videri abesse: quoniam plerumque plus est in manus pretio, quam in re.*

Variz hic, & tota lege sequenti interpretationes ad verbum abesse notantur, & prima hæc, si forma mutata sit, imo ad hanc primam referri alia possunt, ea excepta, quæ est de re furto subtrahita: quæ videlicet alia ratione dicitur abesse. Ait lex, etiam hæc. articulus etiam notat casum magis dubium, & innuit, esse alios, de quibus minus dubitetur, *i. etiam sol. matr.* &c. hic illi erunt, quum non sola forma mutata est, sed & corpus perditum. Corpus differt a materia, & a substantia: quod vocabulum habes *i. sequenti*, corpus est id ipsum ex materia, sive substantia, ut ita docet Jurisconsultus, & his duobus vocabulis promiscue utitur in *leg. nona de contrab. emptione*. Scyphus est corpus; ejus materia, sive substantia est aurum, vel argentum, vel stannum; forma hæc, vel illa. Sic potest mutari forma scyphi, & scyphus, hoc corpus, quod dicitur scyphus, maneat, & potest etiam corpus mutari, & maneat substantia, materia, si aut in massam redigitur illud aurum, aut pecunia ex eo fiat, aut quid aliud. Et materia ipsa etiam potest mutari, ut si eum alia materia misceatur, puta cum auro argentum, quæ mixtura est electrum, & definit appellari vel aurum, vel argentum, quod eleganter Tertullianus advers. Hermogen. Atque hic potest manere & corpus, & forma, & potest utrumque, & potest alterutrum mutari. Omni autem modo res abesse dicitur. Si tamen corpus maneret, credi potuit, rem non abesse, nam ut potentissimus est error in corpore, *d. l. 9. & l. 4. de Leg. 1.* ita veritas in eodem potentissima esse debuit. Verum non ita est; etenim facilius destruitur, quam construitur, & quod potest error

ror corpora destruere, id veritas corporis nequit adstruere contra alterum destruens, *ad destruendum sufficit unum, ad construendum multa requiruntur*, ait Aristoteles. Neque hic ego pro ratione definitionis dico, *omne esse ex forma esse*, nam illud traditur respectu materiæ, non respectu corporis, quod alias est ipsa forma materiæ, & sic Boet. in *lib. de Trinitate*. Statua non est æs, quod materia, sed effigies ei insignata, at cum Jurisconsulto nostro assero, *quoniam plerumque* &c. quam adfert & alter in *l. seq.* Plerumque plus est in arte, & artificio, quam in re ipsa, in ipso corpore. Pluris faciemus artificium scyphi, quam ipsum scyphum, hoc enim est manus pretium, sive manupretium, sive manipretium Isid. lib. 11. *cedo aurum, ego manupretium dabo* Plau. Menz. ac. 3. se. 3. ancillæ responsum, quæ rogabat, in aures sibi fieri curari. Dicitur autem hoc vocabulum omnibus illis modis. Sed & simpliciter manus a Quint. lib. 2. c. 18. *si Praxiteles signum aliquod ex molari lapide conatus esset exculpere, Parium marmor mallet rude: at si illud idem artifex expolisset, plus in manibus fuisset, quam in marmore*. Et notes, quod loquitur is de lapide molari, qui omnem omnino artem sculpturæ repellit, nec enim quis marmor mallet aut Parium, aut aliud pretiosius, quam signum a Praxitele ex lapide rudiori, & viliori exculptum. Superest etiamnum Romæ, & maxima cura in Palatio servatur Laocoon, illud signum olimque celeberrimum, ut de eo scribit Plinius, quod vidimus nos, ex lapide esse impolito, vidimus Phidiz.

At, quid si plus in re fuerit, quam in manibus? *alibi ars, alibi materia in pretio*, ait Plin. c. 1. lib. 33. Et vero fit sæpius, ut plus sit in corpore, item & in materia, quam in artificio. Quid igitur ait lex *plerumque*, & in sequenti, *quoniam earum rerum pretium non in substantia, sed in arte sit positum*? Hotomanus pro *quoniam* legit *quoniam*: & sic exponit, quoniam fieret plerumque; ut plus sit in forma recens inducta, quam in re & potes tu juvare, quia & sit istud, ac si dictum ita, *quoniam plerumque plus esset* &c. ut enim pro adsertivo est legamus nos positivum esset, ratio Florentinæ scripturæ permittit, & sic *consecutave* est pro *esset*, in *l. 1. de ad. lib.* & pariter ordine literarum turbato alibi sæpe. Ait autem Hotomanus, dici hic, rem abesse mutata forma, etiam corruptam, licet plus esset in no-

va forma inducta, quam in priori erat. Atque hoc sane plerumque fit, ut mutetur in melius. Ego nihil muto, & mitto etiam quod de Sabinianis tradit Fornerius. At verum puto, in manus pretio plus esse regulariter, quam in re, sic enim regulam ponit verbum *plerumque l. 9. de prob. & not. ad l. 1. de regul. juris*. Tolle vero aurum, & argentum, & id genus pauca, in quibus sæpius potest materia superare opus: & in reliquis videaris imo materiam ab opere superari. Quod si illic scimus, ubi opus a materia superatur, sane ratio Jureconsultorum non obtinet. An igitur nec definitio obtinebit? Et quidem Jurisconsulti conficiunt definitiones suas in his, quæ plerumque sunt *l. 3. de legib.* sed non tamen prohibent, quominus singulares, contrariæ suis definitiones aptentur, si quid accadat singulariter, & raro, ut hoc illustrabo exemplo picturæ in *l. seq.* Defendo tamen definitionem generaliter ex generali illa ratione, quod omne esse ex forma est, *l. Julianus ad exhib. & Boet. d. lib. de Trinit.* Et adde *not. ad l. 9.* Et nota, quod lex nostra inquit, si corrupta neque enim si in aliqua parte fiat mutatio, dicitur res abesse, aut interiisse, adi *Alex. conf. 193. lib. 2. & Alc. in l. seq.* idem iterum de levi mutatione, inquit, vel transfigurata, atque transfiguratio interemptio est pristini, & omne quodcumque transfiguratur in aliud, desinet esse, quod fuerat, & incipit esse, quod non erat. Tertull. adv. Prax. Proinde ornamentum transfiguratum extinguitur ususfructum *l. 10. qui mo. ul. am.* Cætera hujus argumenti dicam ad *l. seq.* Nunc ad §. qui sequitur istam.

*Definere autem abesse res tunc videtur, cum sic rediit in potestatem, ne amittere ejus possessionem possimus, ob hoc, quod pridem furto subtracta est.*

Abeſt igitur, quæ res furto subtracta est, & sic potuit jungi cum scissa, & fracta etiam vi rapta *sup. in l. 9.* Et id esse puto, quia furtum sit interversio possessionis. Cujac. *parat. de furt.* & possessio est naturale jus rei. Atque de possessione hic loquitur J. C. Definit ea res abesse, cum sic rediit &c. Dicitur rediisse, si ad dominum non ignorantem redierit, *l. 86. de sur.* Quid ni abesse dicatur res, quam adesse nescimus? imo si tantum habuit dominus potestatem vindicandi, *l. 215. inf.* Sed ita-



taque jure sit redacta in potestatem, neque enim licet vel a fu-  
re male recuperare, cum vi, non clam *l. 53. §. ult. de furt.* cum  
similibus, quas hic omnes notant, & Pauli sententia norata Cu-  
jacio *lib. 21. obs. c. 19. in fin.* Et hæc igitur non dicitur abesse, quia  
domino potest advocari. Ait, *ob hoc, quod, &c.* amitti possessio pot-  
est rei, quæ furto subtrahæta erat, quoniam furto subtrahæta erat,  
erat facta res furtiva, quod vitium non aliter purgatur, quam  
si in potestatem domini res redierit. Sic jam statue facti speciem.  
Fur Titio rem vendit. Titius non fit dominus; quia nec fuit  
dominus: sed nec usucapit; quia rei furtivæ non est usucapio,  
nisi redierit in potestatem, *l. 4. de usuc.* ea res venit ad manus  
domini: igitur abest Titio: qui eam recuperat, sed intuto; qui  
res in potestate domini non redierit.

*Abest & ea res, quæ in rebus humanis non est.*

Et in hac significatione de mortuis dicebant, abiisse, fuisse,  
se, vixisse, & pro morte abitionem, quod Plut. in Cic. &  
latius Joseph. Scalig. ad Fest. *Tatius hominem exiit*, dixit Soli-  
nus c. 1. *cum desisset intus* ( in terris, ego legerem ) *hominem*  
*vivere, deam habitam* c. 8. Sed quid de ea re, quæ nunquam  
fuit in reb. humanis? Et hæc ubique abesse dicetur, neque enim  
abesse est desinere esse, sed non esse præsens. Si in reb. huma-  
nis res sit, quamvis in potestate nostra non sit, tamen si jux-  
ta eam recuperandam, habemus, etiam ipsam rem habere vide-  
mur, non solum in bonis nostris *l. rem in bonis ff. de acq. re. dom.*  
imo & remanere nobis in præsentī recte dicuntur, quæ nobis  
ex pacto restitui debent, ut in capitulat. pacis inter Imper. &  
Venetos, tradit Zasius *conf. 13. u. 12. vol. 2. l. si cum ante. in fi.*  
& ibi gloss. C. de don. ant. nupt.

PAULUS Libro septimo ad edictum.

*Labæo, & Sabinus existimant, si vestimentum scissum*  
*reddatur, vel res corrupta reddita sit, veluti scyphi collisi,*  
*aut tabula rasa pictura, videri rem abesse, quoniam earum*  
*rerum pretium non in substantia, sed in arte sit positum.*

Tam. II.

G

AL-

## ALBERICUS.

In l. prox. in re alibi, in materia hic, in substantia, atque idem sane materia, & substantia, l. 9. de contr. empt. vel cape hic substantiam pro ipso, quod est: artem vero pro ipso, quale est. Et ex hac lege vituperes Fabii illius factum, qui naves Antiochi secuit, ea enim scissio est. perditio. Narrat Val. Max. lib. 7. c. 3. Et simile ejus, qui mediam ficuum partem cum emisisset, ficos omnes partiri medios voluit, quod Jaf. in l. si a furioso si cert. per. Aperfit ridiculo hanc divisionem Cascelius J. C. qui rogatus, an ea divisio navis communis fieret jure, Pedes inquit. Quint. lib. 6. c. 4. Macr. lib. 2. Sat. c. 6. Sic & stupida Mummii cautio, victoris Græciæ, qui tabulas sic locavit vehendas Romam, ut si periissent, novas reddere conductores tenerentur, quasi non in arte fuisset earum pretium, & in eo, quod quale, sed in eo, quod quid, quod Patercul. lib. 1. Picturæ pretium non est in tabula, sed in arte, & manus pretio, & sic cedit picturæ tabula, §. litera Inst. de re. div. Nec adversatur l. 23. §. 3. de rei vind. quia diserte abrogatur sententia d. §. 3. Sed nobis videtur, &c. ait in d. §. litera. Atque ita Azo, & Buttrigarius docuerunt rectissime, ut refert Bart. ad d. l. 23. Et ineptissimi sunt, qui de antinomia tollenda sunt solliciti, neque enim species est antinomiz, si altera opinio subla-  
ta est. Accipe autem id de pictura recte, nam potest esse pictura, quæ cedat tabulæ, ut quæ picturæ olim visebantur adeo ineptæ, ut necesse fuerit, ad eas literis notare, quid essent, Hoc est bos, illud equus, Hoc arbor. Aristot. lib. 6. Top. Plin. libr. 34. c. 3. Ælian. var. hist. libr. 10. Et quid ni ita evenisset? Pictura prima (ait Quint. lib. 10. c. 2.) lineas modo extremas umbræ, quam in sole fecissent, circumscribebat. Hic tabula non abest, non perit. Et contra in contraria definitione literarum in d. §. litera literis tabulam cederè dixeris, & perire tabulam sub illis, si non tam ad usum proprium, & naturalem finem sunt literæ, quam ad artificii ostentationem, ut eas dixeris, quarum meminit Plin. libr. 7. c. 21. & de Cicerone Solin. c. 6. quibus, adeo erant minutulæ, tota Ilias scripta concluderetur in testa nucis. Et sic igitur tabula, & charta abest. Quæritur porro, si ejusmodi absentia, aut perditio impediat domi-

nug

num rei absentis, aut perditæ, quo minus vindicare rem possit. Et dissenserunt antiqui in definiendo, negabant enim Proculejani, quia quod nunc est, non fuit illius. Sabiniani adfirmabant, quoniam quod ex meo factum sit, id naturali ratione & meum esse oporteat. Fuit & media sententia distinguendum, ut si res facta in pristinam rem reverti possit, recte definierint Sabiniani, & in contrario casu Proculejani dixerint rectius. Atque sententia hæc media probata legibus Justiniani est, l. 7. §. cum quis de acq. rer. dom. & §. cum ex aliena. Inst. de rer. divis. Hodie hæc probata distinctio deseritur a Connano lib. 3. Comm. ju. civ. 6. & adfertur quasi de mente istarum legum, quas nunc interpretamur, alia, ut scilicet si pretium pristinæ rei superat pretium rei, quæ nunc est, res hæc domino pristinæ tribuatur, & contra in casu contrario. Hortomanus inducere itidem vellet aliam distinctionem in d. §. cum ex aliena., ut si pristina illa res erat ex earum numero, quæ numero, pondere, mensura consistunt, non restituitur ejus pristinæ rei dominio, at si sit res alia, restituitur. Nos propter horum hominum vere levia judicia non discedemus a legibus nostris, & distinctione summorum Jurisconsultorum: quæ ratione firmissima nititur, quod quæ talis naturæ sunt, ut in sua initia redigi possint, ea vires materiæ non effugiant, l. quæ situm §. illud de leg. 3. & ut ait Baldus ad l. tale pactum §. qui provocavit de pact. quicquid est in potentia adesse non dicitur annullatum. Sic igitur servandum domino materiæ, quod factum ex ea est, si ad materiam reduci potest, qui absque suo facto privari re sua non debet, l. 12. de reg. jur. Et si quod ex re mea superest meum est, l. 49. de rei vin. utique quæ superest materia mea erit, & forma mutata non nocebit, quæ tolli potest priori restituta: quæ forma prior in potentia est adesse: & materia actu est. Quod si forma prior nequit restitui, sed prorsus annullata est, tum desinet esse res ejus esse, cujus fuit, nam mutatio forma prope interimit substantiam rei, l. Julianus, ad exh. Et cum disputetur, cujus sit res, sane id videre oportet, quæ res est Titii erat scyphus argenteus: ex quo candelabrum facit Sejus, candelabrum Titii esse dicimus, quia imo scyphus est censendum candelabrum, ut salva sit Titio res sua, cum & in potentia sit scyphus. Titii erant uvæ: de quibus mustum expressit Sejus, mustum Seji dicimus, quia de uvis censei non pos.

possumus, quæ nec potentialiter sunt. Nam Titio consulatur a-  
liis remediis, de quibus alia quæstio est. Hic damus operam,  
ut res sua ipsa adseruetur domino quacunque ratione. Sed quæ  
omnino abest, desit, ea adseruari non potest. Quo argumento  
cogruit Connani distinctio; sed & distinctio Hotomani. Neque  
enim domino auferenda res sua est, quæ potest restitui, etsi ma-  
jus sit pretium operis positi in mutatione formæ illius, & ne-  
que mutuum contrahere quis cogi debet: adeoque nec privari re  
sua individualiter, etsi eadem generaliter non privetur. Rursus,  
neque tribuitur iuste res illi, qui illam dicere suam nunc ne-  
quit, etsi de suo plurimum in ea sit. Cæterum audiamus, quid  
Connanus moveat contra distinctionem Legum. Res, inquit,  
abest, cum plus est artis, quam materiæ, l. 9. & l. præced. §. 1.  
Ergo non est Titii res, quæ fuit, & nunc abest, si plus sit in  
manus pretio novæ formæ, quam in prioris rei totius fuit. At  
respondemus, Jurisconsultos sic loqui, *Res abesse videtur; videri  
abesse; videri rem abesse; mutata forma prope interimit substantiam rei,  
quodammodo extinctam*, l. 6. §. 1. de aur. & arg. legat. Itaque non  
dicunt, rem abesse omnino, & si rogentur de ea, quæ redire  
potest in primam formam, dicerent, abesse multo minus. Non  
abest, qui prope est *l. absentem infr.* Aut ex veritate etiam stet  
declaratio legum istarum, & inspecto actu, sed ex æquitate,  
ne quis rem suam sine suo facto amittat, & inspecta potentia  
protinus obtineat supradicta probata distinctio. Atque non est  
his contraria l. 36. in prin. de usufr. l. 10. §. si massæ qui mo-  
us. amittat, nam de usufructu illæ sunt, qui jus est formale in  
re, non ipsa res, & substantia ullo modo. *Instit. de usufr. in  
prin.* & itaque in legato rei contra est, l. 44. §. si pocula de  
leg. 1. & l. lana 88. §. ult. de leg. 3. Et non ea lex in prin-  
cipio adversatur d. §. si pocula, etsi in exemplo lanæ; & vestis  
verba ipsa apertam pugnam ostendant, & Paulus diffidere soli-  
tus fuerit ab Ulpiano, & Marcellus, cujus d. l. 6. de aur. &  
arg. leg. & qui est in partibus Pauli, omni conatu dissentiat a  
Juliano: cujus sequitur sententiam Ulpianus in d. §. si pocu-  
la. Componunt enim Interpretes istam antinomiam recte, ut sic  
scilicet sequatur Ulpianus Juliani sententiam, si voluntatem non  
mutaverit testator, durante scilicet voluntate. Sed Paulus de  
voluntate non tractat; negatque, legatum deberi, & bene: nam  
vestis

vestis facta redire in lanam legatam nequit, talisque hæc fuit mutatio, quæ & voluntatem mutatam indicet. Non omnis mutatio satis, etiam ipse Marcellus ait de *ali.* d. l. 6. Noto præterea, videri mihi, dominum materiæ posse quidem vindicare rem factam ex materia sua; nolentem tamen non cogi: & dicere posse, rem suam abesse, quæ formam mutavit. Secunda est Connani ratio, quod imbecilliora cedant naturaliter potentioribus, hinc enim & jus belli est. Sed hæc ratio absurda est, ut explico *lib. 1. de ju. bel.* & eleganter ridet Platonem Xenophon, dum inducit vapulantem Cyrum, quod tunicam magnam magno, parvam parvo adjudicaret, cum illa hujus, hæc illius esset, nec epim fuerit Cyro statuendum de proportionem, & quid cuique conveniret, sed de tunicarum dominio, quæ cujusque esset, utque sua cuique daretur *lib. 1. Cyrop.* Non hic sumus in delictis puniendis, ubi locus sit justitiæ geometricæ: sed in aliis actis, quæ arithmeticam exigunt. Adservetur igitur res ei, cujus fuit, si esse res ea iterum potest, eam dico, idest, ejusdem qualitaris: nam illa ipsa nunquam esse potest *d. l. 36.* Tertia ratio est, quoniam iniquum sit, ob specificationem nullius pretii tollere dominium materiæ longe pretiosioris: ut si vinum de uvis exprimatur, quod leve factu est, dum uvæ interim non levissimi pretii sunt. Cæterum prospectum aliis rationibus est uvarum domino; ne in damno esse possit, ei autem dari vindicatio non potest, quia res sua sibi restitui non potest: quæ non est, nec esse potest, nam vinum reverti in uvas non potest. Quarto mover Connanus auctoritatem Ciceronis de Orat. pro Rosc. Com. qui hominem histrionem adjudicat Roscio, doctori histrionis, abjudicat domino hominis, quia multo plus volebat ille propter artificium acceptum a Roscio, quam propter ipsum corpus hominis. At oratorum disceptationes non sic constituendæ sunt in jus. Causæ illi inserviunt, non veritati; sicut patroni faciunt, & advocati. Cicero, se tenebras offudisse iudicibus in causa Cluentii, gloriatus est. *Quint. lib. 2. c. 18.* Multa contra jus esse in oratione pro Cæcinnâ, disputat Horomannus in libris observat. etiam & Verrem in quibusdam defendit. Quid? etiam in Miloniana imperitis, & coronæ dedisse se, ait *lib. 4. de finib.* Sic sunt & Allegationes advocatorum, quicquid de his Decianus disceptet, ut dico in peculiari libro, *de justa in.*

*interpretatione*. Non obtrinet etiam harum legum definitio, si restituta eadem jam forma sit, & mutatio non duret, pulcre Jaf. in *l. inter stipulantem §. sacram. ff. de V. O.* De navi dissoluta, & comparata rursus, tu dicito de veste dissuta, & iterum consuta, de domo diruta, & exedificata non dicitur, ut illic per Jasonem de navi Thesei affirmamus cum reliquis, nec unquam formam mutatam, quia eadem retenta sit, dum per partes semper reficitur, *l. proponebatur ff. de jud.* Sed quid si forma in melius mutata sit? Alciatus sentit, nec obtinere definitionem legum nostrarum. Ego contra puto; quia plus est in forma, quam in re, ideoque forma prestantior est, ut exposui, quanquam & si de valore capimus, dicemus cum eodem Paulo, deteriore fieri rem vel commutatam in statum meliorem *l. ult. ff. de us. & habit.* quia scilicet, quod contra voluntatem nostram fit, id incommodum recte dicatur, ut dixi *lib. 1.* Condit. Si potuerint, ut non noceat, si quis de mandato referat, quasi impleri alia forma possit, si id mandatori utilius: nam id est, quia creditur ex mandatoris voluntate.

*Item si dominus rem, quæ sibi furto abierat, ignorans emerit: recte dicitur res abesse, etiam si postea id ita esse scierit, quia videtur res ei abesse, cui pretium abest.*

Ait, *ignorans emerit*. Sed si ratio absentis pretii facit rem abesse, & scienter ementi sic pretium abest, ut ignorantem: recte quidam sensisse videntur, etiam in sciente definitionem obtinere. Et ergo verbis legis non sit inhærendum: quia definitio cum fundata sit alibi, verba videntur respicere facti contingentiam, non ministerium juris: ut contra foret, si in verbis fundata definitio foret. Alciatus, si non ab ipso fure, sed ab alio emerit dominus sciens, suscipit nostræ legis definitionem. Mihi non placet, discedere a verbis legis, dominus enim, qui sciens emit, cum possit vindicare, sibi imputet si emere voluit. Qui ignorans emit, is aliam, non suam nactus videtur rem, ut Fornerius adnotavit rectissime. Nec vero verba sic debent superflua judicari, ad Jaf. *ad l. si filius heres n. 18. de lib. & post.* Illud verissimum est, ex causa succurri ementi scienter, ut Rebuffus monet bene. Quid enim si non sit domino copia judicis, aut rei conveniendi, aut possessoris? quid si litem ambiguum  
verc.

veretur non diffidentia sui juris, sed qua alia occasione? audi illum apud Petron. Mihi plane placet emere, quamvis nostrum sit; quod agnoscimus, & parvo ære recuperare potius, quam in ambiguum litem descendere. Putem huic licere mox agere ad pretium recuperandum, neque ob stare scientiam, quia iusta eum movit causa ad illam emprionem, qui maluerit de tantilla pecunia periclitari, quam de re cara & pretiosa. Postremo pro legis nostræ sententia notemus, quod non dicitur hæc res abesse, quia peri ipsa non possit; ita enim non abest: sed quia iura & commoda, quæ his dentur, quibus res aliqua abest; ea & huic debeantur, qui emit. Si edictum sit, si cujus navis in bello capiatur, is de publico recipiat: capitur Titii navis, quam & redemit ab hoste, pretium recipere e publico debet, quamvis pretium non fuerit vi captum: sed abesse navis videtur, cum pretium absit. Sed an abest proprie navis? non sane: quod peripicuum est, quia non abest vere, ergo nec proprie. An igitur hæc significatio ubique non capietur? Immo: nam ait lex, *recte dicitur*: iusta interpretatione scilicet. *Recte*, quoniam pretium est rei dignitas, ut Fornerius ait: unde & τῆς Græcis. Igitur & in poenalibus obtinebit. Finge poenam constitutam ei, cui arma apud hostes absint: & is utique punietur, qui redemit: nisi alia legis sententia ostendatur. Sequitur

*Rem amisisse videtur, qui adversus nullum ejus persequende actionem habet.*

Nam qui actionem habet, is rem non prorsus amisisse videtur propter spem recuperandi, & propter ipsam actionem, quæ aliquid rei pretium continet, *tot. tit. de ver. vel act. vend.* Atque ita ex contrario, qui actione tenetur dare, is rem non habere videtur, *l. si quis mandato Titii ff. de neg. gest.* & qui retinere non potest, is nec tenere censetur, *l. 52. ff. de adq. rer. dom. cum similibus*. Porro primum notemus, scripturæ nostræ definitionem stare prorsus proprie, quod Alciatus observat, nequidquam obstante verbo *videtur*. Deinde, quod non idem ex adverso est, ut proprie amissa res non dicatur, si persecutio adversus aliquem sit; & verbum *videtur* improprietatem hanc recte significabit in *l. is, qui actionem ff. de reg. ju.*, nam dicitur alias, *minus est actionem habere, quam rem, l. 204. eod. tit.*  
& plus

& *plus cautionis est in rem, quam in personam*, l. 18. eod. Quid ergo? Contrariorum igitur eadem disciplina non est? Immo. Itaque sic dicamus: *Rem amississe prorsus*, &c. & ex altera parte, *Rem amississe non prorsus*, &c. atque hoc æque dicemus proprie; atque illud: nam tenemus adhuc spe, & animo, & ita de possessione, quam amisimus corpore, retinemus animo, etiam dicitur. Cæterum & adderem legi nostræ verbum, & dicerem, *actionem utilem*, nam si ita capere decet *l. qui actionem*. Utique & hæc, utilem, idest, cum effectu exactionis, qui enim rem habere videbitur, si vel debitoris inopia, vel exceptio excludet perpetuo actionem? exactionem? Cape autem, si jure actionem non habet: & finge in delinquente, cui quid bonorum ablatum est, finge in eo, qui casu perdidit: in eo, qui legitimis modis amisit, hoc est, alienavit, quod si ex facto fit, ne utiliter actio intendi valeat, forte propter potentiam adversarii, hic sane actionem haberi dicemus, & rem: quia ut hæc amissa dicatur, debet adversus nullum actio esse, nota universalem actionem. Tamen notat Rebuffus, amissam rem dici, si tantum insumere in ea recuperanda deberet, quantum res valet. Verum hæc interpretatio est, licet iusta, non propria significatio, ut dixi in §. prox.

#### ULPIANUS Libro decimo ad edictum.

*Bona civitatis abusive publica dicta sunt: sola enim ea publica sunt, quæ populi Romani sunt.*

#### ALBERICUS.

Sic peculatus ad pecuniam publicam cum spectaret, l. 1. ad L. Jul. pec. ad pecuniam civitatis tractus constitutionibus est, l. 4. in. fi. eo. Distinguantur bona civitatum a bonis populi Romani, audi ecce l. 9. ff. de usuc. *Usucapionem recipiunt maxime res corporales, exceptis rebus sacris, sanctis, publicis populi Romani & civitatum.* Et tu dicas de subditis civitatibus hoc verum esse: nam de liberis, Venerijs, aliis, idem quin dici non valeat, quod de Romana, ratio nulla est. De subditis civitatibus est definitio, quoniam illa privatorum loco habentur, ut



ut proxima lege audiemus, quod est (. ut ego puto ) quoniam subditur cum sint , a privatis quibusque hominibus distare non videantur. Igitur appellatio publici propria est populi, quasi scilicet populi: ut Grammatici tradunt, quodque nomen si quando aliis aptatur civitatibus, *abusive* fit, ut non hæc sit definitio, qualis de nomine urbis, quod per excellentiam de Romana capiatur, aliæ interim cum proprie etiam ipsæ urbes appellentur. Varia marmora, S. P. Q. Nolanus, Resp. Asculana minus proprie dici inquit Bodinus, & tamen Cicer. 13. fam. Bruto commendat Arpinatium rempubl. etiam de jure Reipubl. de administratione rerum publicarum, in Cod. tit. Sic de locis, fundis, procuratoribus Reip. Et legatus municipii abesse causa Reip. sic Bartolus remp. municipiis facit, *C. de ju. ff. & de ju. Reip. item glos. l. procuratores, Codice de decur. Bal. Constit. Digest.* Verum hoc tempore nec de rebus Romanæ civitatis publicæ nomen usurpabitur, quando & ea subdita est. Erat & tum subdita, cum ista scriberent Jurisconsulti, sed imago retinebatur, & umbra reip. atque hæc vere umbra, quæ verbis & appellationibus tantum constat, quanquam scripta hæc Jurisconsultorum commentaria cum essent ad edictum, haud dubie exposuerunt, quæ publici esset in edicto significatio: & hæc vere erat, quæ recitatur, quia Roma libera sub prætoribus illis, de quorum edictis edictum a Juliano compositum. Ast quod sola hic vox populi Romani publica, aliarum civitatum abusive dici traditur: id lege sequenti in quampluribus causis verum esse assertitur, non ergo in omnibus, non ergo hæc significatio ad populum Romanum spectat proprie quarto modo, ut Dialectici loquuntur, si aliquando convenit etiam aliis. Imo proprie quarto modo: nec aliter docet Cajus, qui simpliciter, privatorum loco haberi reliquas civitates, dicit, & quod in quamplurimis causis publicam appellationem respicere ad populum Romanum ait: non ait tamen, respicere & ad alias civitates proprie unquam, etsi respicere indicet, quod sane fit: ut hic allata ab aliis exempla sunt. Igitur respiciet abusive, ut Ulpianus loquitur, & inserti necessario Caji ipsius ratio. Sed quomodo id dignoscemus, quando capi publicum in hac, vel illa significatione oportet? Res facilis explicatu. Aut in dubia versamur oratione; aut sequemur vocabuli proprietatem: aut in aperta vel ex conjecturis;

Tom. II.

H

&amp; nec

& nec est hæsitandi locus. Ubi nullam hujusmodi rempublicam habemus, accipiemus utique publicam appellationem abusive semper, aut, quod potius credo, de eo statu, quem tenemus hoc nomine dignum dicitur, quod ad statum rei Anglicanæ pertinet; qui tamen non est populus, sed monarchicus, & id vel ea ratione proprie, quod Princeps in populi locum successit, & pater populi est; reique populiæ arbiter. Quia tamen habet Princeps & bona quædam privata, quæ scilicet erant, essentque nec Principi; hæc proculdubio publicorum bonorum nomine non continentur, sed ea, quæ coronæ, & ærarii, sive fisci sunt, fiscus enim a privato distinguitur, *l. 1. ff. ne de stat. def.* Item nec illa continebuntur, quæ patrimonii Principis sunt, quæ etiam Principis, nam hæc qui curat, procurator privatæ rei nuncupatur, & ipsa privati fundi, *sic. Cod. de fin. re. pri. & Alc. in l. universi eo sit.* quorum in censu esse ne fiscales, tu ponas res propter *l. 2. §. 2. ff. ne quid in lo. pub.* nam quasi proprias & privatas Principis eas dicit Ulpianus, quia non usus ipsarum publicus, cujusque, ut quæ jure civitatis talia dixit, vias publicas, areas, reliqua. Jam de bonis publicis, idest, de his rebus, quæ (ut loquitur Celsus, *in l. 6. ff. de contr. empt.*) in pecunia populi sunt: non etiam in usu publico, & ibi campus Martius dicitur in usu publico esse, non in pecunia populi, & nos similiâ dicere valemus, quæ sunt quidem publica, sed usu, non commercio, ut alia, quæ in pecunia populi sunt. Sacra veniunt etiam nomine publici, *l. 1. §. 1. ff. de ju. & ju. l. 19. C. de usur.* sed non tamen in pecunia *l. 17.* Item est tertia hujus nominis notio: & publica alia juris gentium, alia juris civilis appellantur, litorea sunt publica jure gentium; nec ita tamen publica, ut quæ in patrimonio sunt populi, quod tradit Neratius *in l. 14. ff. de adq. re dom.*

## GAJUS Libro tertio ad edictum.

*Eum, qui veltigal populi Romani conductum habet, publicanum appellamus: nam publici appellatio in compluribus causis, ad populum Romanum respicit: civitates enim loco privatorum habentur.*

Al.

## ALBERICUS.

Sit igitur publicum vectigal oportet, si publicanus dici conductor velit. Et publicum, hoc est, populi Romani: nam vindices dicebantur aliarum civitatum, ut frater in Originibus docet. Et ratio est, quia civitates loco privatorum habentur, quam rationem explicavi in lege proxima. Sed est tamen aliarum etiam civitatum, & privatorum vectigal, ff. si ag. vect. idest emphy. per. Sic & adjecta expositio in l. 15. ff. qui sat. cog. qui vectigalem, idest, emphyteuticum &c. & vectigal in his est merces, quæ præstatur annua agri conducti l. in conventionibus hoc tit. & alibi, de cuius scilicet agri genere loquitur l. 12. §. 2. ff. de Publica., non de provincialibus, ut exponit Cujacius male lib. 7. Obs. c. 3. nam illæ differentia sublata nunc, ut alibi moneo. Hæc alia significatio verbi. Sed nobis in ista significatione sermo non versatur. In proposito nostro est vectigal, si late vocabulum capimus, omne, quod arario inferretur citra peccati punitionem, ut pulcre norant glossarius, & Bartolus ad l. 1. ff. de publica. Sic & vectigal solarium, quod pro solo publico penditur l. 2. §. 11. ff. ne quis in loc. pub. Quod si paulo, minus late accipimus, adhuc tamen multa continebit, ut videbimus lege proxima. Et si strictè interpretamur, erit quod in itinere pro rebus vectis præstari solet l. 21. ff. de dom. int. vir. & ux. vectigalia, ait Isidorus lib. 16. tributa à vehendo. At si strictius adsumimus, tum ad venalia avecta, & ad vecta tantum referemus, quod iidem Interpretes norant bene, atque illud octava (quingagesimam, centesimam, ducentessimam dicit Cujacius lib. 7. obs. c. 4. fuit & vigesima, & sic varia omnino) pars est ejus, quod vehitur l. 2. C. de censu. unde & vectigal octavarium l. 7. C. loc. & octavarii, qui ipsum exigunt l. 8. C. de vectig. & comm. quemadmodum scilicet & decumani a decuma, de quibus postea agetur. Sed videtur & quinta significatio illa, quam Festus recitat, Vectigal as, ait, quod ob tributum & stipendium & equestre & ordinarium populo debetur, ut equitum stipendium non fuerit ordinarium, quod potius tredo, quam emendem cum Cujacio extraordinarium pro equestre. Et certe ut equitibus opponuntur ordinarii milites, quid legis in Vopisci Bonoso, quid & equestre stipendium non

fit extraordinarium? Nunc notandum est, publicanum non hunc tantum dici, qui vestigal publicum, & qui tributum, sed omnes, qui quid a fisco conductum habent, nam omnes a publico nomen habent, l. 1. §. 1. ff. de publica, itaque & ipsum, quod conducitur, publicum appellatur, & illud verbum reponit. Fornerius pro publice in l. 13. §. ult. ff. de injur. Cæterum male, quia de publico conducto illic tractatio; ut frustra, ineptissimeque adjectum fuerit, si forte publicum hoc, &c. probe, apteque adjectum, si forte publice: nempe hoc dixerit, conduxisse publicum non satis, nisi & publice conduxerit, quid enim si in mari sverriculum quis posuit, mox extrahat, & locum, quem tenuit, alii cedat, locet? Si in cæva publica quis locum occupavit, quem & concedat alteri, locet? hic publice non fit, ab ædili puta; conductio hic non datur interdictum: quia scilicet non jus privatim conductori. Ad argumentum hoc vide & leg. 2. §. 6. ff. ne quid in lo. pub. Pari vero infelicitate idem in lege nostra reponit publici, pro publica: nam publica appellatio hic, ut Africa tellus, ætas senectæ, pessimum publicum, & id generis alia. Sed & Cujacius non felix, qui & ipse publici pro publicani substituit vel ex Basilicis in l. 1. ff. de publica, ibi: ejus publicani nomine: nam hoc est, eo publicani nomine, caute; quia nec satis videatur ad illud edictum, ut publicanus, familiæ ipsius exigat publici nomine, nisi etiam nomine publicani, tanquam publicanus exigat. Si exigat tanquam publicanus, idest, quia sit publicanus: hoc tantum nomine edictum datur. Potes etiam publicani capere pro ipsa administratione, & ita Val. Max. lib. 6. c. 10. Titus Aufidius cum Asiatici publicani exiguum particulam habuisset, &c. At hic & illud male, quod nolit emphyteuticarios, qui prædia publica sic conduxerint, publicanos appellari, contra d. §. 1. l. 1. de publica. & per ineptam rationem, quia isti jus in prædiis habent, quod publicani non habent, qui non habent? qui vestigalia conductæ habent, species publicanorum, non est igitur ea species emphyteuticariorum, sed est tamen alia. Civitates enim loco privatorum habentur. Non adponitur impropria significatio, aut fictio: sed proprie sunt atque privati, eadem dicendi ratio supra in l. 10. ubi dum negatur, loco creditorum quosdam esse, alios omnino facit lex creditorum loco, quos enumeravit: & illi proprie creditores. Et in  
pro-

proposito bonorum publicorum civitates qui non proprie privati, si ea proprie appellatio Romanæ? Si publici appellatio in corporis significatione caperetur, utique & civitates, & collegia, & corpora omnia hac appellatione venirent, vide & l. seq.

ULPIANUS Libro decimo ad Edictum.

*Inter publica habemus non sacra, nec religiosa, nec quæ publicis usibus destinata sunt: sed si qua sunt civitatum velut bona: sed peculia servorum civitatum proculdubio publica habentur.*

### ALBERICUS.

Imo sacra publici nomine veniunt, l. 1. §. 1. ff. de ju. & ju. l. 19. C. de usur. verum hic tractus de bonis, quæ in pecunia populi, quæque a sacris & religiosis separantur. Ulp. frag. tit. 24. vers. liber homo. Itaque & destinata publicis usibus excluduntur. Ita nec de his cape quæ sequuntur, sed si qua sunt civitatum velut bona, sic idem J. C. in l. 1. ff. de leg. 2. veluti conditio, quod est in forma & vi conditionis, atque hic, in censu & numero bonorum, quæ scilicet illa esse præcipue dicuntur, quæ sunt in commercio, in pecunia, ut & dixi supra ad l. 5. Quod vero publica definiat civitatum quoque; id abusive, ut ipse idem Ulpianus prædixit in l. 15. nec enim singulorum, aut universitatis, & ad exemplum reipublicæ; l. 1. l. 7. & 10. si. quodcu. un. no. Pergit J. C. sed peculia &c. nam & singulorum nostrum est, quod est servorum nostrorum, itaque peculium servi civitatis & ipsum erit civitatis, & ex civitatis bonis omnino, habebat tamen illam dubitationem; quod restari imo de dimidia bonorum parte poterant servi isti, auctore Ulpiano fragm. tit. 20. ubi nec temere cum Cujacio prætoris muto in populi Romani, nam servi magistratus (late enim prætoris nomen accipio, auctore novel. de præt. pleb.) & ipsi publici habere illud privilegium poterant. Itaque nec totum peculium videbatur publicum definiendum, cum pro dimidia imo privatum fuerit. Sed imo publicum donec restatus erit, ut de peculio etiam dicitur militis, in l. 2. ff. de castr. pec. ubi

ubi simili quæstioni occursum est, & qua peculium, idest, quatenus per testamentum non sit hereditas, semper publicum. Ex hætenus notiones nos execuri sumus cum nostris Jurisconsultis verbi *publica*, quæ ad res relatæ sunt. Persona dicitur publica magistratus cuiusque, l. 5. 6. 7. ff. de cap. mi. l. 2. in fi. ff. de judi. & itaque, quod modo dicebamus, servi magistratus peculium publicum. Sed & miles privato opponitur, l. 32. C. loca. l. 5. C. ad leg. Jul. ma. Rursus usurpamus publici nomen; cum nec de rebus publicis loquimur, nec de personis, sed de tali aliquo, quod favorem publicum, & publicam animadversionem habet. Sic libertas publica, non privata res, l. 53. ff. de fid. lib. Tutela minorum, l. 2. ff. ne de sta. def. l. 2. qui pe. tu. l. 3. in fi. ff. de pecul. Testamentum juris publici, l. 3. ff. qui. test. fa. pos. quia scilicet ex legis auctoritate est: ut alibi docui, & quod est ex lege, illud publicum est, l. 5. §. 9. ff. de no. op. nu. forte, quia jus testandi datur omnibus, nam ita jus publicum accipitur a Terentio in Phormione, aliter jus publicum in d. l. 1. §. 1. ff. de ju. & ju. Instrumentum testamenti publicum l. 2. in prin. ff. quem test. aper. publica abolitio, l. 8. 9. 10. ff. ad Turp. publica crimina, publica judicia, cum sexcentis similibus, quæ inepti planeque Rebuffi est describere. Sequitur in lege.

*Publica vectigalia intelligere debemus, en quibus vectigal fiscus capit, quale est vectigal portus, vel venalium rerum, item salinarum, & metallorum, & picariatum.*

#### ALBERICUS.

Imo publicanus capit, qui a fisco conducit, verum fisco capere dicitur, quia jure a fisco accepto, & fisci nomine capit publicanus. Fiscum hic tu accipe & pro ærario, & pro publicæ pecuniæ receptaculo, ut in hac significatione scilicet & longe ante Imperatorum tempora usus fisci nomine Lucilius traditur, *quale est vectigal portus*, quod portorium dicebatur, quod pro importatis & exportatis ad portus solvebatur, ut in leg. censoria hoc tit. *vel venalium rerum*, puto omnium rerum, quæ venduntur, non solum, quæ parata negotiationis causa sunt,

nara

nam ea est vocabali potestas. *Item salinarum*. Salinas publicas adseruimus, sed posse tamen & privatas esse, scripsi *disput. ult. decad.* 1. an igitur de publicis hic, an etiam & de privatis? purem de publicis: nam privatæ vectigal fisco non pendunt magis, quam res aliæ privatorum, sed & de ipsis rebus prorsus vectigalibus lex nostra loquitur: non de quibus vectigal capitur: si rerum venalium excipis. Sal omnis, aut fit, aut gignitur, sunt & montes nativi salis, lapicidinarum more cæditur renascens, majus ex eo vectigal regum Indorum, quam ex auro, aut margaritis, omnis locus in quo reperitur sal, sterilis. Plin. c. 7. lib. 31. herbas tamen nasci ait c. 10. Ubicunque una inventa vena est, non procul invenitur alia, unde metalla Græci videntur dixisse *Salem fossilem*. Plin. c. 6. lib. 33. *miniario* metallo vectigalibus populi Romani nullius rei diligentiore custodia, c. 7. Sal etiam ex ligno fieri, sed nigrum, scribit *d. lib. 31. c. 7. Et metallorum*, & *piscariarum*, metalli nomine omnia fossilia continentur, ut recitavi d. disputatione. Igitur, & sal fossile, & fossilis pix: nam utrumque reperitur. Plin. lib. 16. c. 12. lib. 18. c. 11. lib. 31. c. 7. lib. 33. c. 6. & *Str. lib. 5.* Sed expressum utrumque hic vel quia utrumque nec fossitium magis reperitur, arenam & lapides metallorum nomine comprehendit more Græco: quod utrumque eruitur e terra. Scalig. *ad lib. 1. Var. de re. rust.* Erant alia metalla, ut *miniarium*, quo nullum in vectigalibus populi Romani fuit diligentiori custodia habitum. Plin. *d. lib. 33. c. 7.* Salinarum vectigal majus Indis quibusdam regibus, quam ex auro, aut margaritis. Plin. *d. lib. 31. c. 7.* magnum Romanis vectigal ex arboribus. Plin. *lib. 17. in præm.* etiam ex his, quæ nullos fructus ferebant, *adi lib. 12. c. 1. Et piscariarum*, olim legebatur *piscariarum*, & de decimis piscariarum in c. 3. & 28. *de decim.* Item jus piscationis vindicatur principibus, *tit. quæ sint regal. in us. feud.* Sed hoc contra jus gentium, §. *flumina Inst. de rer. div.* nisi scilicet in lacu publico simus, qui non minus potest privatis claudi, atque ager publicus quilibet: & claudebatur Lucrinus olim; clauditur, quod scio, Transimenus, & ita sustinere potest, quod de vectigali piscationum ex ista lege legebatur, quæ de bonis publicis loquitur, quorum usus non privatis pateat. Quod si de fluminibus & mari, quæ usu sunt & singulorum, agitur, lex quidem ista non

non sentit; vestigal tamen & de piscationibus in mare vel in flumine factis constitui & exigi posse, opinor cum Dec. *conf.* 197. in casu, non minus scilicet, quam de venalibus constitui-  
 eur, & exigitur: quod & contra jus gentium Azo & alii ad-  
 severarunt, atque nomen venalium non ad ea, quæ de publicis  
 aut fiscalibus rebus capiuntur & venduntur, refertur, sed & ad  
 ea, quæ de privatis, nam ineptus Cujacius, qui in *tit. ff. de  
 publica*, illa tantum in definiendo publicum vestigal designat.  
 Hæc autem satis ad veterem scripturam, nam verior est Floren-  
 tina *picariarum*. Et picarias de censoribus redimi solitas, hoc est,  
 publicas fuisse, & publicorum vestigalium ostendit Cic. in Bru-  
 to, nam picis usus ad universam rem nauticam multus, ad rem  
 Bacchicam non parvus; sed & tuendis parietibus opportunus,  
 qui maris habitu exerceantur, quod de Carthagineusibus refert  
 Plin. *libr.* 36. *cap.* 22. Magnum etiam vestigal ex arboribus  
 colligi innuit Plinius *libr.* 17. *cap.* 1. quamvis alia videatur  
 verbi vestigalis ibi significatio. Idem *libr.* nono. *cap.* primo scri-  
 bit, Minus tributum propter napol, quam propter frumenta,  
 & major quæstus igitur maxime cupiunt serere, si liceat, & *lib.*  
 21. s. 13. Gensque ea (in Ponto Salanorum) cum ceram in  
 tributa Romanis præstet, mel (quoniam exitiale est) non ven-  
 dit, exitiale esse ex flore rhododendri, quo scatent sylvæ. Præ-  
 ter hæc, quæ hac lege sunt notata vestigalia, habes alia multa,  
 provinciis olim imposita, nunc vero omnibus hominibus, quan-  
 do jure provinciali hodie omnes reguntur. Frugum portio quæ-  
 dam præstatur, ut frumenti decuma a Siculis; quorum agri  
 vestigales; unde specialiori nomine decumani, non publicani,  
 qui illud vestigal conducebant, & exigebant. Hoc vestigal ex  
 agricultura, & decuma ubique dictum ad exemplum Siculi, et  
 si non ubique decima penderetur. Sed erat vestigal & ex pecto-  
 re, quod scriptura dicebatur: nam qui in publicis sylvis pasce-  
 bant, quas redemerant publicani, numerum caput pecoris pro-  
 fitebantur apud publicanum; & is in singula capita certam pe-  
 cuniam exigebat, hinc scriptuarius ager, ager publicus, in quo  
 ut pecora pascerentur, certum æs tribuebatur. Vestigal exige-  
 batur ex decuma, portorio, pecore publico, unde publicani, qui  
 exigebant, decumani, portitores, pecuarii vocati, eorumque to-  
 ta ratio scriptura, ut ait Asconius, de quo postea considerabi-  
 mus



mus. Stipendium gravius, quam vestigal, non enim certum, sed arbitrio populi Romani pendebatur. *Manut. in divinat.* Attatores, qui agrum decumanum colebant: pecuarii, qui pascua: mercatores, qui portoria, dicebantur, ut hæc omnia tradit Turnebus bene ad *Varr. de Ling. Lat. & libro primo Adu. cap. quinto & libr. 27. cap. 1.* Quibus id adjungendum, quod Plinius scribit *c. 3. libr. 18.* Etiam nunc in tabulis censorii pascua dicuntur omnia, ex quibus populus redditus habet: quia diu hoc solum vestigal fuerat. Si inscriptum pecus pavissent, quod ad publicanum non essent professi senis mensibus, lege censoria plebentur. Varro *libr. 2. de re. rus.* Atque censoria erant omnia hæc, & incerta: nempe incertumque quantum vendi singulis auctionibus possent propter incertum agriculturæ, & passionis. Incerta fuerint, & ædilitia, quæ pendebant provinciales ludorum nomine ædilibus P. R. Vestigalia certa, quæ stipendiaria, ut cum Coris ceram, Hispani oleum, alii alia perpetuo præstabant. Hæc videlicet ratio Romani Imperii, ut victos non exuerent quidem bonis, quæ nec potuissent victores curare, sed eis imponerent oneris aliquid, ut tradit Appianus *libr. 1. de bel. civ.* Unde servi haberentur; nam tales fere qui vestigales, & stipendiarii: ut de Livio & Cicerone scripsi *lib. 3. de legatio. c. 18.* Certe publicus populi Romani eorum ager erat; & ita injugera, aliterve asses, aliave testandi causa publicum agrum esse, imponebantur. *Liv. lib. 31. & itaque ager provincialis erat nec mancipi. Ulp. frag. tit. 19.* qui scilicet cum populi Romani esset, non erat pleni domini cuiusquam alterius, nec esse poterat, sed quasi usus tantum, juxta illud Lucretii:

*Vitaque mancipio nulli datur, omnibus usu.*

Et de stipendiariis agris ait Aggenus *lib. 2.* nexu eos non haberi eadem significatione. Quæ tamen jure, quo utimur, vera non sunt, nam sublata differentia rerum mancipi, & nec mancipi, *sic. Cod. de usuc. transf.* Alia vestigalia non recito. Lotiarium Vespasianeum, puto ad curia, quorum Lucretius meminuit *lib. 4. & Macrob. lib. 3. c. 16.* exactum doliæ, oletar. Umbraticum Cujacianum nullum, adi Plinium *tu c. 1. lib. 12. & ridebis Cujacium l. 10. Obs. c. 7.* ubi quodque de aërio dicit, vanitatis par: nam ex ratione summa servitutis exprimenda ductum, non ex alio tali vestigali. Verum hæc (ut dixi)

Tom. II.

I

mitto:

mitto: & unum magis quero, cur nullum scripturæ vestigialis exemplum hic admixtum; sed an admixtum decumæ? venalium, salinarum, metallorum, picariorum quo referemus? puto ad decumam; etsi venalium octava penderetur, aliorumque alia æque alia Scripturæ nullum exemplum, nam exemplorum satis. Fuit & vestigial judicarium, & nunc in Italia est: quod præsumma in litem deducta penditur, olim pars decima fuit in privatis judiciis, quinta in publicis constituta: ut ait Festus, nam Varro quingentos asses ab utroque reo, ea lege depositos scribit, ut qui superior fuisset suum recuperaret, id sacramentum dicebatur, nisi sacramentum potius sit sponsio, qua qui vicisset, is & præter litem aliquid lucraretur, quod conventum esset. Caligula quadragesimam extorsit omnium, quæ in judicio essent deducta, nulla habita distinctione justis, vel injustis litigatoris. *Bod. lib. 6. de rep. cap. 2.*

#### PAULUS libro nono ad Edictum

*Munus tribus modis dicitur, uno donum, & inde munera dici, dari, mitti. 2. altero onus, quod cum remittatur, vacationem militia, munerisque præstat: inde immunitatem appellari; tertio officium, unde munera militaria, & quosdam milites munificos vocari; igitur municipes dici, quod munera civilia capiant, & Gregorius in c. sunt l. q. 1. Munus ab obsequio est subiectio indebitæ impense: munus a manu pecunia est, munus a lingua favor. Sed cum nostro, altero onus, proprie sine ullo honore, & ita in titul. Digest. de mun. & hoc & diserte l. 14. in princ. honorem dico in ea significatione, quam & notat Justinianus Instit. titul. 2. §. prætorum: nam aliter milites quis dixerit sine honore, qui hic onus ferre dicuntur, dum militiam ferunt, munerisque, & alterius quod remissum sit, muneris, notatum de militia, quod exemplum frequentius videri potuit, & notum magis, itaque de militia rursus versu altero. Vel duo illa genera tribuendæ muneri vacationis notata hic, quæ traduntur in l. pen. Digest. de va. mu. unum plenius, cum & militia datur aliud exiguum, cum nondum muneri vacationem acceperimus. Inde immunitatem appellari. Vacatio, excusatio, immunitas pro eodem usurpari videntur in titul. Dig. de vac. & excus. mun. ecce etenim & immunitas men-*

mentio in l. 1. §. 2. & ult. sed & vacationis in tit. de ju. im. l. 3. l. 5. §. 7. & l. ultim. & excusationis in l. 5. §. 2. Et in hac lege nostra dicitur omnino immunitas, quæ vacatio dicta erat: & dici excusatio poterat: nam & excusatio dicitur, si onera remittuntur, l. 2. §. 3. ff. de vac. & exc. mu. & vacatio dicitur hic eodem modo. Atque ipse quidem non aliam invenio differentiam istorum vocabulorum, nisi quod excusatio vacationem præcedat; quia tum demum quis vacat, cum excusatus apparet, atque ita debuit forte inverso ordine titulus concipi de exc. & vac. mu. adde l. 13. ejus tituli, quæ præterea excusantem facit; & prima, alique quæ ipsum refugeeentem munera facit se excusantem, unde vacatio proculdubio est. Sic tituli illi sex libri quinti Codicis, qui generalem titulum de excusationibus sequuntur, & lib. 10. tit. 47. & sequentes. Immunitas vero ab ipsa muneris vacatione fit: ut hic scribitur Cujacius vacationem ab excusatione distinguit; quod ea a Principis indulgentia tora est, nec liberat, nisi ab extraordinariis muneribus, atque hoc postremum probari videtur, l. 12. ff. de mun. & hon. l. 6. l. 8. §. 2. Dig. de vac. & exc. mu. & l. 1. C. de vac. pu. mun. primum autem nescio, si habet, ubi pedem ponat. Certe utrumque falsum est ex his, quæ diximus nos, nec posterius juvant leges modo prolata, quia idem dicent nominat excusationis reposito. Et ratio ejus definitionis fuerit propter odium immunitatis, ut scribitur ad l. 1. §. 1. Digest. de ju. imm. Dec. conf. 223. in casu. Inde immunitate appellari. Sed hoc etiam & ad sequentem significationem pertinet; nam ait Nonius, Immune sine officio, sine munere, & Festus Pauli, immunes nihil præstantes, & amœna loca quasi amunia, sine fructu, idem & Isid. libr. 14. & idem Plautus immune sacinus, pro improbo, & idem Festus munem officiosam censet, quia munus officium: atque inde etiam immunes. Manifesti, manifesti amicis nostris videamur viri. Lucilius apud Nonium, ut liberales, & officiosi simus, monet. Et rem munem dixit Papinianus in l. 8. Digest. de publica, in hac secunda significatione, obstrictam fisco vestigialis causa nam nascida illa munitas, mentum pro communis, & commentum; ineptique Papiniano quaesita hoc loco: quando & altera etiam ejus vocis acceptio facilius admitti potuit. Sed inepte Cujacius libr. 9. Obser. cap. 24. Im-

munis minime munificus, ut in proverbio veteri, Immune[m] cives odere sui; sed & qui non facit munia. *Ibid.* lib. 10. munificus, qui munera dat, vel munus, officium suum implet, munifex, qui munera facit, eod. *Tertio officium; unde munera militaria, & quosdam milites munificos vocari.* Et Tertullianus in libro de spect. munus dictum ab officio, quoniam & officium muneris nomen est, & Festus apud Paulum, *Munus officium, cum dicitur quis munere fungi. Item donum, quod officii causa datur,* quæ pars est primæ significationis l. 194. Ab illis officiis militaribus immunes, non etiam a militia immunes sunt: ut dixi, munificos appellat, qui munera illa faciunt. Festus, & Vegetius munifices. Sic lætificos Lucretius lib. 1. lætitz effectores, & matrem munificem, quæ munus suum implet, læ præbet, *Plin. lib. 11. c. 11.* Sed quid est, quod ait, *quosdam non omnes milites munifici?* non, ut de Vegetio, & Festo For. acius recitat, nam erant, qui beneficiarii dicebantur, quod munera non faciebant, & dicebantur (ut mihi quidem videtur) omnes usque ad caligatos: quoniam alios omnes Vegetius numerat in milites principales, & immunes, etiam & aliorum omnium, ipsiusque adeo regenis exercitum, officia non pauca, aut parva sunt l. 12. ff. de re milit. Quanquam nec facile caligatos omnes putem munificos hic intelligi, propter verbum *quosdam*, quo pauciores quidam significari videri rectius possunt. Sed ad factores sordidorum munerum referrem magis. *Igitur,* ad hoc scilicet adferendum tota hæc instituta disputatio, *municipes dici, quod munera civilia capiant.* *Ibid.* lib. 9. municipales officium gerentes, ab officio munerum dicti, quod publica munia accipiunt, nam munia officia, immunes, qui nullum gerunt officium. Sive quia de ipsa tantum nominis origine questio fuerit Jurisconsulto; sive ad jus ex nomine ipso eliciendum & indicandum, ut quoniam quis sit municeps, is etiam debeat munera civilia capere, quando hinc municeps dicitur, quod munera civilia capiat. De quo argumenti genere alius est disputandi locus. Cætera ad propositum hujus Legis vide ad l. 194. & 214. & 228. ubi de hac postrema parte.

## ULPIANUS Libro undecimo.

*Labeo libro primo pratoris urbani, definit, quod quidam agantur, quadam gerantur, quadam contrahantur, & actum quidem generale verbum esse, siue verbis, siue re quid agatur: ut in stipulatione, vel numeratione, contractum autem ulro citroque obligationem, quam Greci εὐχάδωρα vocant: veluti emptionem, venditionem, locationem, conductionem, societatem. Gestum rem significare sine verbis factam.*

## ALBERICUS.

Notatur differentia hic horum verborum, non omnia tribus ipsis verbis clauduntur, ne quis, non plenam aliquam hic partitionem factam causetur, & actum quidem generale verbum esse, actus nomine, & verbo agendi continetur omnis actus, siue quid verbis, siue quid re agatur, actumve sit, ut in stipulatione, quæ conficitur verbis: in numeratione, quæ ipso facto numerandi constat; & in omnibus illis mutuo, commodato, deposito, indebito, quæ Digestorum titulo conjunguntur de rebus creditis, & Institutionum, Quibus modis re contrahitur obligatio; neque id, quia agere stipulationem, aut mutuum, vel numerationem dicamus, sed quia qui stipulatur agit, qui numerat, qui deponit, & cætera: Sic minor puta vetitus agere quidquam, ullum actum facere, nec verbis nec re agere quidquam poterit, actum ullum re, vel verbis expedire, quia verbum agere, & actus generale est siue verbis, siue re quid agatur, aliquando ipsum actus nomen distinguitur ab eo, quod verbis fit l. 5. ff. rem sat. hab. Contractum autem ulro, citroque obligationem]. Antiquiores interpretes contractum hic definiri credunt, atque ita, ut nisi sit utrinque obligatio, contractus non sit. Itaque de stipulatione disceptant si contractus est: & non esse, Baldo excepto, tradunt; nec ubi contractus mentio est, ibi de stipulatione accipi proprie posse contendunt, quidquid in lata interpretatione concedant, ut per Iasonem ad l. 1. num. 8. ff. de pact. Atque ego huic communi sententiæ addo depositis exemplis, emptione, conductione, societate, quæ utrinque obligationem habent, exempla enim licet non restringant definitionem, ostendunt

dunt tamen, quomodo accipere definitionem oporteat: certe faciunt, ne hæc eorum exemplorum rationem egrediantur, præsertim si plura adscripta proponantur, ut de aliis docet Alc. lib. 1. *Disput. c. 1.* Favet præterea huc natura verbi, nam quid est contrahere nisi stringere, simul stringere? conventio est simul ventio, consensus simul sensus. Ergo ita & contractus, non in quo unus tantum trahatur & obligetur, sed in quo uterque. Et hoc tandem est *συμβαλλεῖν* simul obligatio *συμβαλλεσθαι*, utro, citroque se vicissim obligare, atque ita verbum contrahere usurpat Cicero bis lib. 2. *de Offic.* Etsi nomine contractus in ista significatione nunquam utatur. Vetus contraria Theophili, & Baldi Novelli, & Balloni lib. 2. *supp. c. 2.* & Baronis sententia probabilis magis videri potest, & explicatio, ait Bellonus & Baro *ad tit. Inst. de oblig.* obligationem hic ultro, citroque, non significare contrahentes neque obligatos, sed obligasse, constrinxisse, consecisse actum, qui contractus appellatur, quod simul factus ab utroque est. Et itaque non pro jure ex facto, sed pro ipso facto accipitur obligationis nomen Justiniani lib. 12. cui Batio cognomen ab obligatione lingue fuit, & verbum obligari apud Varr. lib. 1. *de re rust.*, & apud Macrob. lib. 1. *Sat. cap. 19.* *vinculo quodam patientia obligandos impetus belli*, & Moratius, *Promissus obligatus alii*, & Petronius, *juvens nunc amatores obligati nobilibus suis*, & Plin. lib. 26. *cap. 9.* *muscus recens ex aqua obligatur*, & Florus libr. 3. *maritimum genus a conspectu longe removet maris, & mediterraneis quasi obligavit*, & in l. 23. *ff. de pign.* Quod si utrinque factum non intercedat, mutique consensus declaratio, tum proprie non est contractus, sed quali, ut in gestione negotiorum, & cæteris ejus generis. *Inst. de oblig. que ex qua contr. l. 5. ff. de oblig.* Confirmat autem & Rebuffus, & Fornerius istam novam interpretationem: quam & ego sequor, etsi iste nec Baronis meminerit, nec satis firmis argumentis utatur, in eo etiam reprehendendus, quod stipulationem non proprie contractum definiat, quia actus sit, & verborum tantum conceptio, & formula contractibus appositæ: unde & contractuum nomine interdum appelleretur, nam præterquam quod ait mox sibi parum constans, *stipulationem esse contractum; nemo infidelis iuris*: quid quæso illud est, ut non sit contractus, quia actus sit? at hoc nomen generale

rule est: stipulatio itaque contractus proprie, sed & donatio, quæ videlicet nisi obligetur & voluntate ipsius, cui sit, donatio nondum est. Cujacius donationem simplicem neque contractum esse, neque pactum, scribit *ad Novell. 119.* Cæterum obligatio ista utro, citroque facta firma sit oportet: nam & in nudis pactis utrinque convenitur, sed quoniam non firmiter, pactum nudum contractus non est, quod notandum est hic ad verbum *obligationem*, Baldus & contractum quendam esse, nec obligationem esse, in *l. 11. C. de his qui accus. non poss. tradit*, & ita nec transactio contractus censetur, ut omnes volunt, in qua obligatio dissolvitur potius, quam ulla, aut infirma ineatur. Ego tamen sententiæ huic non accedo, quia ut aliqua obligatio dissolvatur per transactionem, altera tamen contrahitur datione, præsentatione, promissione, *l. 38. Cod. de transact.* idem quod in liberatione scribit Bartol. in *l. si unus §. pactus ff. de pact.* ut & ea obliget, scilicet ad non petendum, & itaque non sit contractus in eo, quod distrahit: & ita omnia jura. *¶ l. 1. ff. de pact.* sit in eo, quod ligat. Sed neque separatur a contractu transactio in *l. contractus Cod. de fid. instr.* Sed species una contractus recensetur, si *transactionum* cum liberis, quos videmus, omnibus, non *transactiones* cum veteribus nescio quibus Cujaciæ legimus: quos scilicet laudat hic *ad l. 7. ff. de pact.* ubi & illam probat opinionem de transactione, & alteram etiam veterum de contractus definitione, quod de stipulatione, & mutuo diximus, idem & de contractibus innominatis dici potest, ex altera tantum parte nasci obligationem, nam ante implementum ex altera parte secutum, nulla est obligatio inter paciscentes contracta, ideoque & penitentia locus est, *l. si pecuniam §. ff. de cond. caus. dat. cum simil.* postquam autem alter ex sua parte conventionem adimplevit, jam ipse obligatus non est, sed alter, qui nondum implevit ex sua parte, quod convenit. Unde bene a Bartolo, aliisque veteribus dictum est, obligationem in his conventionibus ex implemento nasci, sive implementum, idest, datio præstatiove ejus quod convenit, ex altera parte paciscentium secuta, initium obligationi prebet, *ut ait l. 1. C. de rer. permitt.* In eoque recte reprehensus Cujacius, qui hos contractus non ex implemento æstimandos, sed ex forma & verbis, rationeque insundæ conventionis putavit. Sequitur

etur de tertio verbo, *Gestum res significare*, &c. quæ stricta significatio est, nam & verbum generale est, continens omnem contractum, l. 1. ff. *quæ in frau. cred.* l. *ait prator.* ff. *de mini. & sit.* ff. *de neg. gest.* & sit. *quod met. cau. ge. eris cum simil.* illam latitudinem probant. Sed in stricta ista significatione etiam venditio veniret, si venditio hic, ut apud Seres (Ammiano auctore libr. 23.) solis oculis celebraretur. Sed & fideicommissa veniunt, quæ nutu dantur, l. *nutu* ff. *de leg.* 3. Sed & omnia, quæ facere nutus solet, potestque. Verum tenuis hic proponeretur doctrina verbi, quando ut de hujusmodi significatione sensum credatur, vix unquam, ac ne vix quidem dubitari potest, certe nescio ipse locum in toto jure, qui ita explicari debeat. Neque enim verum puto, quod Rebuffus scribit, ut jussus mea negotia gerere, is nequeat obligationem mihi, aut contra me contrahere: quia gerere sine verbis intelligatur, nam quid is sine verbis geret? an non repugnat ritulus totus de negotiis gestis? Quid igitur dicemus? crederem quasi-contractus, sed & delicta, & quasi-delicta hoc verbo significari: idque explicare Jurisconsultum voluisse, qui agendi verbum generale dixit: contrahendi retulit eo, ubi quid opera utriusque partis confectum est, & obligatum; gerendi censeat, quando quid unius facto exsurgit sine ullis verbis, ut aditio est, gestis negotiorum, & omne delictum, & quasi-delictum, nam qui adit, quasi contrahit ipsa additione cum legatariis; & qui negotia tractat, cum domino, & qui delinquit, aut fisco se, aut laeso privato obligat, qui quasi-contractus, & obligatio sine ullis verbis est ad partem, quæ sit creditor, sed nec a parte, quæ sit debitor: quia non prolata verba ad obligandum, nec si convictum dicitur. Sic itaque obligentur homines vel ex contractu, idest, conjuncto facto, vel ex gestu, idest facto unius, vel ex actu, quod verbum generale est & ad duo hæc, ait enim, *sive quid*; & *sive re*, quod proprium videri poterat, *sive verbis* augatur, id quod minus proprium credi valebat, quia ad verba dictum magis spectaret, l. 6. ff. *de contr. empt.* l. 12. ff. *de jur. dot.* l. 5. ff. *rem rat. hab.* l. *more.* ff. *de feri.*

Idem



Idem libro duodecimo.

*Verba contraxerunt, gesserunt, non pertinent ad testandi jus.*

## ALBERICUS.

Ratio est in lege præcedenti; quia jus testandi cum tale fit, ut mutare liceat testamentum semper, nihil obligatum dici potest; itaque nihil contractum, nihil gestum, *ad testandi jus* ] cape, & legandi, & fideicommittendi, & reliquorum, quæ ultimæ voluntatis sunt, nam eadem omnium ratio. Item nota ad sententiam legis, quod non dixit ad testamentum testatoris morte jam confirmatum, quia eo immo gestum, & obligatum. Itaque prohibitus quis quid gerere; nec testamento illud facere potest, ut ego puto, atque adeo contra omnes sentio, prætoris edictum de minoribus subvenire etiam adversus testamentum minoris, non ipsi minori, qui opus extraordinario hoc auxilio non habet, cum possit testamentum mutare, & tollere, nec dum gestum quicquam est ipsi: sed legitimis ejus heredibus, quibus gestum est, & obligatum. Hæc vera hujus legis explicatio, quæ & alias multas destruit Doctorum sententias, quas hic Alciatus recitat. Sed verbum *Contraxerunt* præterea non pertinet ad testandi jus, quoniam hoc unius voluntate constat, contractus duorum est. Nec movet, quod contractus in testamento fiant; quia non sunt isti tamen testamenta, nec jus induunt, & naturam testamentorum, ut cum aliis verius id probat Dec. *conf. 196. In casu*, quicquid late adserat contrarium, & cum aliis Jason *ad l. nemo potest in prima & secunda lectura n. 19. & 31. ff. de leg. 1.* Sed & si opinio hæc obtinet, adhuc movet nihil; quoniam immutatum jam verbum *contraxerunt* in *testamentum fecerunt*: itaque non de verbo *contraxerunt* dicitur, pertinere ipsum ad jus testandi. Cave ne cogites, ea verba ad jus testandi non pertinere, quia nemo dicat, *Titius testamentum contraxit, gessit*, nam & dicit nemo, *stipulationem egit, numerationem*, alia multa, quæ tamen pertinent ad verbum agendi; sic neque gerere delictum, aliave, quæ pertinere diximus tamen ad verbum gerendi. Ineptæ hæc ratio interpretandi: ut noravi *lib. 2. Lectio*. Verum ut non pertineant supradicta verba ad

Tom. II

K

jus

jus testandi, an tamen pertinent ad jus donandi causa mortis, quod neque ultimæ voluntaris est, neque viventis actus: aut viventis potius, nam pactum dicitur in l. 18. ff. de don. ca. mor. l. quod bonis, ubi Alex. ff. ad Leg. Falc. Sed omnium omnino sententia est, hanc donationem, dum sit, contractum esse, factam sortiri jura ultimæ voluntatis, teste Jafone ad l. 2. n. 11. ff. de leg. 1. Itaque videndum quis dixerit, quo de tempore agatur. Sed in proposito tenendum, quod donatio hæc semper revocari potest, etiamsi cautum juramentoque sit, ne revocari possit, quod astruit Dec. conf. 305. Jurisdicam. Postremo, si prohibitum sit, quid geri, contrahere cum minore sine citatione vel advocacy amicorum, cognatorum, vel affinium, non intelligitur id de testamento: quia nec verba ista conveniant ultimis voluntatibus, ut per Alexand. lib. 6. conf. 215. Et ita dicitur quod per contractum non datur hereditas. Alex. conf. 83. vol. 2. & conf. 28. vol. 3. fallit inter liberos, & favore piæ causæ, quibus hereditas datur etiam per actum inter vivos. Alex. conf. 168. lib. 5.

#### PAULUS Libro undecimo.

*Princeps bona concedendo, videtur etiam obligationes concedere.*

#### ALBERICUS.

Obligatio capitur active & passive, active hic; passive in l. 22. de reg. juris Sarav. ad Dec. dista lege 22. Quis dubitaret autem de hoc, quod Paulus hic tradit, si bonis adnumeratur & quod in actionibus est? ut videbimus in l. 49. an ratio ulla dubitandi in principis concessione? at immo interpretatio latissima in principum beneficiis, l. beneficium Digest. de const. prin. tantum abest, ut alias quæ esset, ea in ipsis cogatur, & angustior fiat. Verum res ita explicanda est: quod cum nomen bonorum deducto ære alieno dicatur l. 39. §. 1. Princeps bona concedendo non videatur obligationes concedere, quia hæc bona non sunt, adde, quod etsi in privati dispositione, quo bona (Titii puta, quæ jure hereditario delata sunt) alteri concedit, etiam onera in hunc recidere voluisse credatur: id tamen in concessione principis

pis non obtineat, cujus beneficium esse latissimum decet, nam ita & donatio ejus creditur, non privati cum id genus aliis, quæ notantur *ad dict. leg. beneficium*. Ergo retinuerit sibi, fiscoque Princeps obligationes, qui bona concessit, & hoc etiam largitus censeatur, nam ut alios, quibus debebatur, adficere damno voluerit, non censetur, itaque recidet in illorum obligationem is, cui restituta bona sunt, si tamen omnia restituta sunt, nam si restitutum quid est, non quota pars, in obligationem magis non recidet, quam singularis successor: quoniam non nisi universi, aut partis universalis est æs alienum. Si pro parte restituitur, pro ea ad æs alienum tenetur denuo, illa igitur supradicta videri poterat ex jure definitio esse debere. At contrarium traditur hic: & facit bona ratio, ne melioris conditionis fiat is, cui bona erant adempta, *l. 1. C. de sent. pass.* aut si illa alteri donat, onere ævis alieni voluisse ærarium suum afficere videatur, commodo omni ad alium translato, contra verisimilis rationem, & æquitatem naturalem, *l. 10. Dig. de reg. ju.* quæ consideranda maxime in Principum actionibus est. Bal. in *proem. Cod.* Hic potest sensus esse legis, tamen probro magis, si ita accipimus, Princeps bona concedendo (idest, remittendo, condonando: ut hic de Suetonio & nostris legibus explicat Fornerius) videtur etiam obligationes concedere, idest, remittere, condonare: Ecce, capta bona sunt delinquentis, quæ jam conceduntur, & condonantur: condonatum etiam delictum, condonata obligatio, quæ ex delicto est, videbitur: quæ interpretatio non fieret in privatorum concessione, *l. 3. Digest. de pass.* unde & dubitari potuit de principali. Potest & hæc definitio constitui, ut Princeps bona publicata concedendo sive illi, cujus fuerant, sive alteri, & obligationes, idest, quæ his bonis, & illi publicato debebantur, concessisse videatur, nam etsi neque privatus, neque prætor transferre obligationes a persona in personam possit, id tamen Principi denegatum non est, §. *quos autem Inst. de bon. poss.* Igitur, quas cum corporibus actiones natus est Princeps, eas & concedere poterit, & bona concedendo concedere eas etiam videatur, quia & bonis adnumerantur. Potest vero & alia definitio esse, sed in vim cedendi & dandi accepto verbo *concedendo* & *concedere*: ut Princeps, qui bona sibi quaesita transfert vel venditione, vel alio titulo in alium, trans-

tulisse in eundem videatur & onera illorum bonorum omnia, & quæ eorum dominus debebat, quæ obligationes dicuntur proprie *l. 1. C. de ber. vel. act. ven. l. cum ff. de ju. ff.* Cadit autem hic & ea quæstio, si Princeps, qui hostium bona alicui concedit, videatur & jura & actiones eorum quoque concedere, & non concessa definit Horomanus *Illust. quest. 5.* quoniam victor tantum habet, quantum capit, nec universalis successor est, sed hæc cautius tractanda sunt: nam immo quæ capti hostis sunt, ea quærentur capienti omnia, nisi si quod in potestate superstitis hostis manet, adeoque si hostes sunt omnes capti, aut ii omnes saltem, qui omnes referunt, certe universalis successor est victor, & ita bona devictorum Chalcedonensium sibi dedit a Bythinis Alcibiades petir. *Xenoph. lib. 1. rer. Græc.* ita ipsa tegum corpora petunt Demetrii & Mitridatis Romani, *Liv. lib. 22. & Plut. in Lucul.* Ita; non ut deciperet, sed ut honoraret Theffalos, his donat Alexander Thebanorum chirographum, quicquid cogiret Quintilianus *lib. 5. c. 10.* & diversum censeat Horomanus, qui quod ait, victorem habere, nisi quod capit, & hinc falsum cognoscitur, quia immo habet omnia, quæ captus habebat.

## CAJUS Libro quarto.

*Plus est in restitutione, quam in exhibitione, nam exhibere est præsentiam corporis præbere, restituere est etiam possessorem facere, fructusque reddere. Pleraque præterea restitutionis verbo continentur.*

## ALBERICUS.

Idest, causa usucapionis, & fructuum, & si quid habiturus fuisset actor, si statim judicii accepit tempore res ei reddita fuisset *l. 35.* & omnis utilitas, & damnum *l. 81.* omnis res & conditio, *l. ult. §. ult.* & in summa quicquid habiturus fuisset actor, si controversia ei facta non esset, *l. 75.* Quæ tamen omnia juris interpretatione constituuntur, quando obrineant. Quid inculcatum in ista tractatione clamitas Forneri? quid exandescis Alciare? clamitat ille in *l. 81.* exandescit hic in *§. ult.* Sed explicemus hanc *l. 22.* *Exhibere est, &c. præstare præsentiam* ejus.

ejus, de quo agitur, *l. ult. facere in publico potestatem, ut ei, qui agat, experiundi sit copia, l. 2. ff. ad exhib. materiz ipsius apprehendendæ copiam facere; l. 3. §. 5. ff. de tab. exhib. in publicum producere, & videndi, tangendique hominis facultatem præbere, l. 3. §. 7. ff. de bom. lib. exhib.* Has habemus in jure interpretationes verbi exhibere Caji, Labeonis, Pauli, Ulpiani: quæ videlicet ad verbi potestatem referendæ non sunt: nam ea proprie est hoc tantum extra secretum habere, ut dicitur in *d. §. 7.* sed ad juris consultationes & rationes: quo exhibitio queritur & inducitur rerum vindicandarum, & adferendarum causa *l. 1. §. 1. & 10. si. ad exhib.* Itaque non sit satis extra secretum habere. Cæterum & ad juris usum relatæ interpretationes hæc omnes Pomponio in una Labeonis reprehenduntur in *d. l. ult.* nam adversus reliquas etiam Pomponii rationes illic sunt, quæ tamen de re & illic dispiciemus, hic potius interpretationes ipsas cognoscamus. *Præsentiam corporis* dicit Cajus; *ejus, de quo agitur,* scribit Labeo; cum quo & Paulus sentit: Ulpianus angustius ad illa interdicta materiz, & hominis nomen adsumit, itaque idem & recte omnes, quia incorporalia exhiberi non dicantur in jure nostro, nam etsi vindicentur etiam incorporalia; & actio ad exhibendum propter vindicationes sit: de corporibus exhibendis agitur tamen, in quibus ea demum jurium adfertio fiat, *l. 3. §. 10. ff. ad exhib.* Probe itaque corporis nomen adsumpsit noster Jurisconsultus, quo res omnes, quæ tangi, apprehendi, & videri possunt, continentur. *Inst. de re. corp.*

*Tangere enim, & tangi nisi corpus nulla potest res.*

Lucr. lib. 1. Arist. lib. 4. Physic. Ait Paulus, in publico, & item Ulpianus, quod est in judicio, nam eo actio ad exhibendum trahit, & Ulpianus in *d. l. 3. §. 5. exhibere apud prætorem oportet, ut ex auctoritate ejus signatores admoniti venirent ad recognoscenda signa,* & nos generaliter, ut præjudicare is possit, si corpus est, de quo agitur mox directo judicio: etsi probe exhibitum est, id quod mox tractabimus. Ait Ulpianus, & *videndi, & tangendi,* id quod *apprehendendi* alibi dixit: quo nihil amplius, quam tactio significatur, nisi si tactio non perfunctoria significetur, nam per hoc judicium via tantum paratur ad capiendum, habendumque. Sed an non etiam audiendi, olfaciendi, gustandi? quid igitur si optio servi musici legata sit, un-

guen-

guenti, vini? quid si aliter de hujusmodi re agitur, quæ his sensibus, non illis censetur? Verbum sentiendi commune omnium sensuum; sic sentire sonorem, colorem, *Lucr. lib. 4.* at de aliis verbis agitur jam, de videndi tamen verbo idem aliqui volunt, & dici idem de altero rangendi potest: igitur omiserit Jurisconsultus reliqua specialia duobus his contentus generalibus, in quibus & illa intelligi possunt, aut si ita se non habet res, certe subdendum & de aliis est, idque voluit Paulus, qui dicit, *ut ei, qui agat, experiundi sit copia*, experiundi, idest, videndi, rangendi, audiendi, olfaciendi, gustandi, prout res erit, de qua tractatur, & dicit *potestatem*; Ulpianus *facultatem*, & *copiam*, ut ostendant, non levem, sed, quæ sit satis ad cognoscendum, fieri exhibitionem debere, quod erit arbitrii judicis, quando pro rerum varietate definiri nihil in universum potest, itaque recte coram judice exhibendum docuimus. Hæc verba, *ut ei, qui agat, experiundi sit copia*, de futuro directo judicio acciperet alius forte, sed ego facio ejusdem sententiæ, cujus sunt illa Ulpiani in hac ipsa definitione, *adprehendenda copiam, videndi, tangendique facultatem*. Atque ita ad verbum *exhibere*. At autem Cæjus noster, *Plus est in restitutione, restituere est etiam*. &c. cum aliis, quæ retulimus supra. Sed hæc omnia (unde censuimus scilicet, fieri exhibitionem apud judicem oportere) venire etiam in actione ad exhibendum docet, *l. 9. §. 4. & seqq. & l. 10. 11. ff. ad exhib.* ex quibus & explicandæ adhuc supradictæ definitiones, dicendumque exhibere esse in publico præsentiam corporis in eadem causa præstare, in qua fuit cum judicium acciperetur, i. e. cum fructibus, utilitate, causa, possessione, cæteris. At hæc veniunt quidem, verum in id tantum, ut ea præsentia cum his præstetur sola, nihil præterea. In restitutione autem, ut omnium etiam possessio agenti tradatur, quod distinctius exequemur alias. Aliquid tamen adhuc est, quod in restitutione veniret, non venit in exhibitione *l. 17. eod. tit.*

#### ULPIANUS Libro quartodecimo.

*Rei appellatione & causa, & jura continentur.*

AL.

## ALBERICUS.

Idest, cum re veniunt, quanquam rei nomen tam latum est, ut per se etiam causas significare possit, & jura. Causa vero, ut hic capitur, (nam vocabuli istius significatio admodum multiplex) qualitas est, & utilitas omnis, quæ circa rem est, definitore Cujacio *in tit. Dig. de usur.* rectius tamen *propter rem*, quam *circa rem*, nam causa extra rem est proprie, sed propter rem. *Equis*, inquit J. C. relictis, post moram factus quoque præstabitur, ut fructus: sed factus secundus ut causa, sicut partus mulieris, *l. 8. ff. de usur.* Differt fructus a causa: siquidem ex re fructus est, causa aut ex ipso fructu, aut certe non ex re, sed propter rem. Secundus factus, qui ex primo est, ex fructu est, causa est. Hereditates, legata sunt causæ, si rei, servo scilicet (nam rei nomine mancipia, *l. 32. §. 2. ff. de leg. 2.*) data sunt, *l. 20. ff. de rei vind.* & ex servo non sunt, at propter servum quærentur. Hæc est causa, & est species accessionis, sicut usura, & fructus, itaque subjunctum Tit. D. & *de omnibus accessionibus* speciebus illis *de usuris*, & *fructibus*. Causæ autem nomen pro eo, quod ab alio tanquam a causa est. Sed partus mulieris, cur non ut fructus, sed ut causa censeatur. Alibi dicitur. Atque si cum re veniunt causæ, certe & fructus, qui propriiores rei sunt scilicet, nam ex re sunt; & omnes aliæ accessiones, quæ omnino remotiores esse, quam causæ nequeunt: ecce enim mercedes, quæ sunt accessiones, ex ipso mercenario sunt; cum causæ extrinsecus proficiuntur. *Et jura*, an qualitas? certe videtur, quid enim aliud sunt jura prædiorum, quam prædia qualiter se habentia? *l. 86.* atque ita significaverit Jurisconsultus hic, cum re venire & quæ extra rem, a re tamen, vel propter rem, sunt; & quæ in re ipsa sunt, illa sunt causæ, & aliæ, ut ego adjeci, accessiones: ista sunt jura, idest, ut ego expono, qualitates.

GAJUS Libro sexto ad Edictum Provinciale.

*Nihil aliud est hereditas, quam successio in universum  
jns, quod defunctus habuit.*

AL.

## ALBERICUS.

Itaque heredes dicuntur juris successores Rom. l. 9. §. 1. *de her. instit.* sic quia jus universale est, dicuntur esse hereditatis & quæ sita hereditati, & subrogata l. cum multi si pars her. pet. & in universalibus res particularis succedit loco rei. Etiam si ipsa res particularis petatur, non solum si ipsum universale, sic ad pretium rei particularis agi l. regulariter & sequenti de pet. hered. ex hereditate, & hæc sunt, etsi non in hereditate nec hereditaria dicuntur quæ sita ex hereditate immediate, quod ex actione, jure quod erat in hereditate, alias accessiones non sunt ex corpore rei, non usura, l. usura infr. non pensiones, non pretium in particularibus loco rei. Alex. consil. 49. volum. 3. Omnino Rip. resp. 7. de legi. volum. 2. numero 6. Hereditas dicitur etiam adita, saltem large, to. sit. de pet. her. & ita se habet communis usus loquendi. Alex. cons. 49. volum. 3. etiam communis usus loquendi dat significationem rebus. Alexan. cons. 82. eodem vol. Idem ex Juliano in l. 62. sit. prox. quam frustra repetitam Cujacius ait, & notat male illic positam, quia & omnis definitio erit regula. Nos primum dicimus, recte positam definitionem in titulo hoc nostro, quia proprietatem verbi non cognoscimus melius, quam per definitionem, ut Alciatus libro primo de verborum significatione recte docet. Tum ajo, non repetitam frustra mox, quoniam definitio species regulæ est: si regula est, quæ rem, quæ est, breviter enarrat: & definitio est brevis oratio ejus, quid est. Definitio essentiam tantum rei ponit expresse, nam vi sua dissolvit etiam quæstiones omnes, quæ incurrere de re definita valent, ut Aristoteles docet libr. 4. *Physic.* at regula non essentiam solam; verum sapientissime etiam vires, progressionem, & id genus reliqua colligit. Sic definitio dicitur oratio ipsius quid est, idest, adrogatum de essentia. Regula autem oratio, quæ rem quæ est, idest, adrogatum omnem. Sic titulus Codicis conceptus, *Quæ sit longa consuetudo*, in quo non vis modo conditionis longæ docetur: ut perperam idem Cujacius tradit: sed & quid sit consuetudo longa: ecce enim ut illinc definitio constet longe melior, quam quæ ab definitoris isto adfertur. Longa consuetudo (de longa quæ ab definitoris isto adfertur) est mos populi probus,



bus, longævus, & frequens, servatusque tenaciter in eodem controversiarum genere, de quo agitur. Ubi relinquit Cujacius, ne improba sit consuetudo, quæ consuetudo nec est, quia consuetudo jus est? ubi quod de constantia, sine qua consuetudo non habetur? ubi de genere eodem? id strictam consuetudinis rationem ostendit, ut non liceat, eam argumentis ullis proferre. Sed quid addit *communi adserione*, si populo dixit? Ast ne longius progrediamur. Definitio regula est; nam ut definitio de genere, specie, propriis, differentiis colligitur, non ista de definitione. Probe igitur & in titulo sequenti, & in hoc nostro definitio: quando utrobique convenit probe. *Nihil aliud est hereditas, quam* & l. 51. ff. de oblig. *nihil aliud est actio, quam* &c. qua definiendi ratione id mihi explicari videtur, quod traditur, ut definitio complectatur totum, quod definitum. *Successio*, idest, jus succedens, ut inquit Bartolus: quasi mortuo aliquo testatore, vel sine testamento jus quoddam succedat, quod mortui personam referat in omnibus, quæ ejus erant tempore mortis. Alciatus de rerum successione capit, ut ipsa scilicet bona defuncti & patrimonium hic dicatur hereditas. Cujacius *ad tit. instit. de re corp. & incorp.* successionem interpretatur jus successionis, cum Africano in l. 208. & *ad africa. tract. 4. in fin.* Sed quomodo hoc sit, non explicat, aut non alia est ejus sententia, quam Bartoli. Adfertur (puto ab Hotomano) quarta expositio, ut Jurisconsultus hic ad vulgarem loquendi usum respexerit, & aditionem magis hereditatis, quam ipsam hereditatem definierit. Alciati interpretatio bona est, quæ mutationem nullam, aut improprietatem habet, quam videris late tractatam a Vaconio libro tertio decl. 48. Refert itaque defunctum hereditas, l. 116. §. *pen. ff. de legat. 1.* quia defuncto succedit scilicet, heredem non refert, nam heres est, qui immo succedit hereditati l. *servus l. 2. l. non minus, ff. de her. inst. l. hereditas ff. de acq. ver. dom. l. si Titio 55. ff. de leg. 2. §. servus etiam. Instit. de her. inst.* nam quod personam heredis dicitur sustinere in l. 24. *novatio ff. de novat.* ratione querendorum dicitur: quærit quippe futuro heredi hereditas, sed & hoc ex persona defuncti apta, non heredis. *In universum jus*). Recte in universum, nam est successio, etiam in parte, quæ non est hereditas, itaque successores singulares dicuntur. Et in locum successisse accipimus, sive per universi-

Tom. II.

L

tatem,

*satem, siue in rem sit successum*, l. i. §. 9. ff. quod legat. Et ita dicitur in l. 208. quod nomen hereditatis non demonstret res singulares. Et ita hereditatis nomine, nec legata veniunt, nec fideicommissa, etiam hereditatis: quia non sunt successio in uniuersum, l. 96. si Titius ff. de leg. 3. Etsi aliquando contra accidit, ut heres dicatur de singulari successore, & hereditas de successione singulari, id improprie fit, heredis enim nomen non capitur uno modo, ut per Alb. in rubr. ff. de vulg. num. 89. Est successio in uniuersum, verum de hereditate omni, sed non de omni herede, nam quid si heres pro parte? refert is testatorem pro ea parte, Accur. & Ang. in l. pratoria §. 1. ff. de prat. stip. plene tamen: quod explicatur exemplo speculi fracti, atque ita in solidum quisque conveniretur, nisi legis beneficio diuise actiones essent. Item hereditas illico a morte, heres non nisi adeundo, aut se immiscendo, nec suus, l. 1. §. si pater. ff. de S. C. Silan. quicquid retro trahatur aditio & mixtio: si sequitur, ad illud tempus, *In uniuersum*), hoc verbum facis, nec tamen contra Pomponium quicquam movemus, qui & singularum rerum meminit in l. 37. ff. de adquir. hered. nam ea dicendi ratio non indicat, dominium rerum singularum non contineri his verbis, *omne jus*, aut his, *jus uniuersum*, sicut nec illa, *omnis generis humani est*, non tantum Italorum, Italos a genere humano phrasim excludit. Nec nocet, quod quis sit uniuersi dominus, non tamen rerum singularum, ut de Principe retulimus *disput.* 2. *decad.* 1. & in argumento usucapionis *lib.* 1. *lect.* c. 8. itaque de singularibus immo addendum, ut & Cujacius major definiendi magister fecit. Dixerim enim pro Cajo & Juliano, quod in definiendo forma ponitur, non effectus, & forma est successio titulo uniuersali hic. Illud ad effectum spectat, si heres cum ista uniuersitate consequitur & distincta singula. *In uniuersum jus*). Cicero dicit pecuniam, quod male reprehendit Fornerius; immemor, puto l. 222. Igitur etsi nihil sit in hereditate, hereditas est tamen, quod cum aliis pluribus ponetur *ad l.* 119. *Quod defunctus habuit*). Ergo ventura non est hereditas, etsi praeoccupatione dicitur tamen, ut alia multa, l. *quasimodum* §. *si mihi seruus* ff. de leg. 1. & ibi Baldus observat. Ergo (ad totam definitionem) heres ejusdem potestatis, jurisque est, cujus defunctus fuit l. 59. *iii. seq.* & hereditas, heresque domini sunt, l. 12.

l. 13. §. *quisitum ff. quod vi, aut clam*, l. 15. ff. *de interd. l. q. heres*, quasi herus, l. *statuliberi a ceteris in fi. ff. de statul. unde & sine diphthongo scribetur Contio admonitore ad tit. Inst. de hered. qual. & differ.* Ergo defuncti vitia nec purgat heres sua ignoracione, qui universam illam successiōnem subit, l. *cum beres ff. de diu. te. praf. l. 11. §. 2. ff. de Publicia, cum similibus, qua nota sunt.* Limitationes non adeo notæ, & qua inferri ad heredem potest, qui eam ( ut dico ) subit successiōnem; & qua ipsa hereditas est. In societatem, in tutelam non succedit nec heres, nec hereditas l. 6. §. *illud ff. de bis, qui not. insul.* nec si cautum de hoc esset in lege societatis l. 35. *pro soc. & ratio- nem Connanus tractat lib. 7. Com. ju. civ. c. 13.* Hereditari furtum non fit, l. 40. ff. *de noxal. l. 33. ff. de adqu. re. dom.* de quo notata questio Ciceroni epistola illuleras li. 7. Heredi non nocet defuncti mendacium, l. 26. §. 5. ff. *de noxal.* Ex peccato defuncti non convenitur heres, l. 2. ff. *qui ad lib. procl. non lic. l. 1. §. ut ff. ne vis sit ei, qui in poss. nec in vitia defuncti suc- cedit*, l. 5. ff. *de diu. te praf.* quod accipe caute, nam aliud modo dixi per l. 11. §. 2. *de Publicia.* Sed nec heredis scien- tia excusatur per defuncti ignorantiam, l. *quisitum ff. de adqu. re. dom.* Legata, & similia, quæ unius voluntate ad litium transfe- rebantur, ea ad heredem ejus non pertinent, quod pulcre expli- cat Alciatus lib. 3. *Parerg. c. 13.* Non possessio, non usufru- ctus, non privilegia, non facta, non alia, quæ personæ cohæ- rent, ad hereditatem spectant, aut ad heredem, quæ hic adno- tata ab aliis sunt. Hereditas defunctum non refert in his, in quibus de substantiali essentia requiritur actus, & opera perso- næ l. *hereditas 61. ff. de adqu. ver. dom.* & ita scribit Angelus ad rubr. ff. *de adqu. hered.* Nam ita stat quod de tutela, socie- tate, furto, aliis dictum est. Et quod in quibusdam immo vice personæ hereditatem fungi receptum scribitur in l. 15. ff. *de usucap.* id illud est, si factum personæ, operæve substantia non desideratur, ut loquitur Hermogenianus in d. l. 61. exemplum vero illic est, ecce, servus hereditarius institui heres potest, non ex persona sua, quæ incapax institutionis, sed ex persona defuncti domini, cujus videlicet personæ jam defunctæ vice fun- gitur heres, & fungitur hic, ubi substantia operæ non requiri- tur, nec factum ullum: quia satis si aptitudo, & capacitas ad-

fit, quod si de querenda mox delata hereditate tractabitur, servus sine iussu domini non adit, & iussu hunc prestare nequit hereditas, quia hic factum, & operæ substantia; quando personæ vice non fungitur hereditas. Et hæc fuerit quoque differentia inter hereditatem & heredem, quod etsi & illa & hic nequicquam duabus obstantibus appellationibus, quas recipiunt, unius personæ vice fungantur, l. 22. Dig. de usucap. heres tamen fungetur ubicunque; non hereditas. Cicero hereditatem definivit pecuniam, & ego dixi ad l. 5. Isidorus lib. 5. ait, Hereditas est res, quæ morte alicujus ad quempiam pervenit, vel legata testamento, vel possessione retenta, reponere utrobique nec. Est enim illa Ciceronis, & ea negatio non ostendit substantiam, sed tantum quid non sit. Boet.

PAULUS libro vicesimo primo.

*Recte dicimus, cum fundum totum nostrum esse, etiam cum ususfructus alienus est; quia ususfructus non domini pars, sed servitutis sit; ut via, & iter, nec falso dici totum meum esse, cuius non potest ulla pars dici alterius esse. Hoc & Julianus, & est verius.*

#### ALBERICUS.

Rei nomine tota res intelligitur, l. Titia cum testamento, §. 1. ff. de leg. 2. Alex. conf. 195. lib. 6. Item rei appellatione dominium continetur, l. si duo. §. ult. l. si rem aliquam, & ibi Bartol. ff. de acq. poss. Alex. conf. 9. Visif. Vol. 2. Ususfructus pars domini l. 5. ff. de usufr. non igitur transferri, vel constitui potest sine titulo & causa l. nunquam nuda. ff. de acq. rer. dom. Alex. conf. 111. Vol. 3. Sed non simpliciter neque in omnibus id verum est, partem domini esse usufructum, ideoque Jurisconsultus ait, in multis; fuitque hæc inter veteres agitata questio, An ususfructus sit pars domini, sive rei substantialis, l. si a reo 70. §. 1. ff. de fidejuss. de qua videndus est Hottomanus lib. 3. Observ. c. 22. per totum. Lud. Romanus in l. 1. §. domini, ff. ad S. C. Silician. Quia ususfructus). Hinc ego probo, ut soluto publicano pro fundo, solvendum non sit postea & pro

& pro usufructu, qui adveniat, quod not. in *l. si proprietas*, ff. de jur. dot. & per Rebuff. ad *l. 114. in fi.* Sed explicemus nostram legem. Rationem ego dixissem, quia fundus corpus est, & qui dominus corporis est, is non est qui dominus juris, *l. 13. §. 1. ff. de dam. inf.* Sed J. C. noster, aliam rationem afferre, quia usufructus non domini pars &c. At quæ hæc probatio? Fundus totus noster est, etsi sit alienus usufructus, quia usufructus non est pars domini, nec est pars fundi? fundi nomine dominium significatur, *l. 23. §. 2.* (ubi notat Contrius) ff. ex qui. ca. ma. & ita fundi populi, domini & liberi, ut per Baldi. c. 3. ad leg. 12. tab. & rei nomine etiam dominium exprimitur, *l. si alii. ff. de usufr. leg.* itaque nec rem consecutus dicatur, nisi quis dominium, non solam possessionem consequitur, ut præclare Corneus ad *l. 1. n. 4. C. comm. de lega.* Aut potius (quod verum est) agitur hic de his verbis, *solum nostrum*, non autem de fundi nomine, atque ita recte & perspicue quod concludit a dominio, etiam in verbo *nostrum* concludit, quod scilicet dominium liquido significat. *Non est portio quod non facit ad substantiam, sed ad substantia habitum.* Terc. contra Hermog. Hæc plana, sed, usufructum non esse domini partem, quid est? subintelligunt quidam solemnem taxativam tantum, & ita legunt, *quia usufructus non tantum domini pars*, &c. si accipimus de dominio, idest, nuda proprietate, aperte verum: neque enim nuda proprietatis, quod ad proprietatis nomen attinet, fructus ullus intelligi potest, *l. 19. ff. de usufr. & ita nomen domini capitur multis in locis, l. 13. ff. de adq. rev. dom. l. 20. ff. de da. inf. alibi.* At si de pleno dominio capimus, quod proprietatem nudam habet & fructus, qui usufructus non pars domini? pars fundi dicitur perspicue in *l. qui usufructum* 58. Dig. de R. O. & in *l. 49. ff. de ruit.* Non igitur totus fundus noster, si usufructus alienus est, quia fundi pars usufructus. Nec movet, quod hic agitur de dominio: nam de dominio totius tamen. Addo quod in multis pars ipsius domini est usufructus, *l. 4. ff. de usufruct.* Ergo noster. Jurisconsultus nec solide confirmat, quoniam non ostendit, in proposito partem non esse. Tamen cum ipso est *l. 33. ff. eod. tit. de usufr. l. 13. §. 2. ff. de accept. aliz.* Distinguunt Interpretes communiter de usufructu: unumque causalem, alterum formalem

faciunt. Causalis spectat ad dominium fundi : & protul dubio pars dominii videtur : sed non de isto loquitur lex nostra : sed de formali, qui definitur jus utendi fruendi re aliena salva substantia. Loquitur de isto, nam servitutis dicitur, & servitutibus adjungitur, alter autem non est servitus : nam sua res nemini servit. Jam si de formali agit lex nostra, & quæ idem dicunt; num alias de causali loquentes faciemus? faciunt sane alii & Cujacius in *d. l. 38. de V. O.* ut ego non facio, nam cur non in omnibus, sed in multis dicitur pars dominii ille causalis, si de eo accipimus *l. 4. ff. de usufr.* An ergo ad proprium & improprium recurrimus, & proprie non esse partem, improprie esse dicemus? portionis instar obtinere dicitur in *l. 76. cum filius §. 2. ff. de leg. 2.* & parti similis in *d. l. 38.* Verum idem quero, cur non in omnibus? Placet, quoniam de toto, & parte disceptatur alibi nec semel in isto titulo, de totius, & partis nomine aliquid dicere plenius, & solvere interea præsentem nodum. Totum igitur est omnes partes simul sumptæ, vel, cujus nulla pars eorum abest, ex quibus totum natura dicitur. *Pla. in Theat. Arist. lib. 3. metaphys. c. 26. & probl. 6. sect. 16. & Bartol. & alii nostri : ut per Vacan. li. 3. de cl. 50.* Totum est, quod duabus, pluribusve in se partibus positis non semper nomen, definitionem tamen nunquam accommodat. Partes sunt, quæ in toto esse intelliguntur, & ex quibus totum constat. *Mart. Cap. li. 4.* Pars non magis definitur, quam cognoscetur, quot modis dicatur : & dicitur quinquèplicitè auctore Aristotele eo. *lib. 5. c. 25.* primo, ut dividitur quantum : quod fit, ubi nulla alia differentia, quam quantitatis reperietur : puta in parte auri, quam a parte non differre, nisi quantitate, ut Plato in *Protagora*, & has Aristoteles, ut puto, similes in principio historiarum animalium nuncupat, alias dissimilares, & essentia differentes; ut (eodem Platone doctore) vultus partes os, nasus, oculi, genæ, frons, homogenias illas, & heterogenias istas etiam dicunt. Secundo pars dicitur, ut rem meretur, utroque modo duo pars trium. Terrio, ut forma dividitur : & ita species sunt generis partes, & ita hic dicitur usufructus servitutis pars, & ita Cicero eas appellat in *Top.* quas prædicamentales, sive subjectivas dixerint dialectici, & ait Plato in *Politiæ*, quod, quicquid est alicujus species, ejusdem quoque pars sit

fit, necesse est: Quarto, ut ex quibus totum componitur: & ita materia & forma partes componi. Sed & quas integrales nominamus, huc referemus, quibus integrum est totum, adeoque est, ut area, parietibus, tecto domus est, l. 49. ff. de rei vi. & quas substantiales: ut malum hujusmodi pars navis dicitur in l. malum, & quas diximus dissimilares. Quinto, est pars in ratione significante: & ita genus pars speciei; animal pars hominis. Sic scilicet definitio dicitur ex genere constare & differentiis: ut genus omnino pars sit definitionis, adeoque definiti, igitur suæ speciei. Sic Angelus ad l. juris gentium §. sed si fraudandi, genus in specie contineri docet, positive scilicet, non contentive. Adjungunt nostrates his partes accidentales, quas qualitates sunt adjectæ, sine quibus res, cui adjiciuntur, constare optime poterat: ut sunt legata in testamento, dies, aut conditio pars obligationis, tempus, pactum, simile quid summa pars; quod antehac scripsimus. Atque hæc omnia, quæ de varia significatione hujus vocabuli dici possunt. Nunc videndum est, quæ in significatione usufructus pars dominii valeat appellari. Sed quid est dominium? Est proprietas rei: inquit definitor, apertius alii, Est jus, quod quid nostrum est, & ita hic nostrum cum dominio commutatur. Ergo non erit usufructus ullo modo pars dominii, si omnes excutimus significationes: nec ipse quidem causalis, qui immo effectus dominii est, & nec ipse formalis, quia in toto non est. Itaque Interpretes perperam integram dicunt. Nec eos juvat, quod plena proprietas dicitur deum juncto usufructu, nam usufructus proprietati non jungitur, sed extinguirur, itaque non facit partem in proprietate, qui non est, fit vero ejus interitu plena proprietas propter pleniores effectus, qui vita ejusdem prohibebantur. Recte igitur dominii pars negatur omnis usufructus. Et sicubi diversum scribitur, id fit, quoniam ut qui dominus est, is & fructus quæ dominus capit; & qui est usufructuarius, quia fructus capit, ob parem effectum, & jus par, dominus esse videtur: & quoniam id tantum facit, reliqua non potest, quæ dominus; propterea ex parte tantum dominus appellabitur, & usufructus pars dominii propter paritatem in parte effectuum. Sic pars dominii pro parte dominandi, & pars causæ pro parte effectus, quæ non sunt infrequentissima. Jam autem si illud quaeritur, cur non in omnibus

bus, sed in multis pars domini ita accepta usufructus ille: respondet; quia non in omnibus de effectu agitur, ubi hæc questio vertitur, sed in multis. Proferamus exempla, pro usufructu evicto agitur de evictione; pro servitute evicta non agitur, *l. 15. l. pen. ff. de evict.* quia usufructus pars rei, servitus non: ut scribit Odofr. *ad l. 1. eo. tit.* Tamen in lege nostra usufructus & servitus in proposito conjunguntur. Ceterum usufructus evictus; quia partem effectus ejus tollit, propter quem emptio fit; jus scilicet capiendorum fructuum, recte pars rei, quando effectus hic considerantur. Servitus non est pars, quia nihil tollit, etsi incommodiorem facere fundum possit, adde & pretiosum minus. Eadem ratio in *l. 66. Marcius §. pen. ff. de Leg. quæ* & ait, *usufruct. enim etsi in jura non in parte consistit, emolumentum tamen rei continet eadem & in l. 79. si a reo §. 1. ubi* & hæc, in eo videtur dubitatio esse, usufructus pars rei sit, an proprium quiddam, sed cum usufructus fundi jus est, incivile est, fidejussorem ex sua promissione non teneri: qui, reo in fundum obligato, acceptus in usumfructum est: & videtur non obligari, quia non in minus, sed in aliud accipiebatur, eadem & in *l. 21. §. 3. ff. de exce. vs. jud. eadem & in l. 76. cum filius §. 2. ff. de leg. 2. ubi* & notandum, quod de formali usufructu agitur, & dicitur ille pars, idem quod docetur etiam in *l. 58. ff. de V. O.* Contra ecce tibi exemplum, in quo usufructus non est pars, & alteri servituti conjungitur in *l. 13. §. 2. ff. de accepto.* quia de parte non de effectu illic: nam ad verba stipulationis stricte interponitur acceptilatio: itaque effectus pro parte non dicitur, aut capietur recte. Atque quod de pariete ibi notatur, an non pars, quia non paries pars, sed parietes? Et hæc de ratione, quia usufructus pars domini non est. Alterum; *Nec falso dici totum meum esse*, &c. simile est rationi *l. 149. & sumitur a loco contrarii*, & constat ex præcedenti disputatione, quia usufructus, qui alienus est, non est pars. Non est pars similis in fundo, quia non quantum fundi. Non est dissimilaris, quia non vinea, sylva, pratium, arvum, non ulla alia. Sequitur in lege:



*Q. Mutius ait, partis appellatione rem pro indiviso significari, nam quod pro diviso nostrum sit, id non partem, sed totum esse. Servius non ineleganter, partis appellatione utrunque significari.*

## ALBERICUS.

*Rem pro indiviso ], neque enim est pars nisi in toto, nec nisi secundum rationem totius, l. 7. §. illud recte ff. de acq. re. dom. l. cum qui ades ff. de usucap. nam quod &c.). Sic fundus dicitur pars divisa, l. 6. ff. comm. prad. & quasi duo fundi, si regionib. tantum divisi. l. 7. §. 1. co. l. 6. in prin. ff. quem ser. amitt. Capite exemplum in partibus quantitatis, nam pars auri aurum, pars fundi fundus, non ita pars hominis homo. Ita dicunt evictionem præstandam parte fundi evicta, non si pars hominis evincatur, l. 56. §. 2. l. 64. ff. de evict. & ibi Celsus sed & Odozradus ad l. 1. cod. & omnes. Itaque non erit necessum ad voluntatem confugere ejus, qui hac in re totum possit, ut Servi sententiam teneamus, nimirum, ut si fundus a duobus pro diviso possideatur, unus sit fundus, si ipsi ita velint; una itidem domus, cujus tu superiora, ego inferiora cœnacula habeam, id quod Alciatus censet; sed Mutium in similibus accipimus, Servium de dissimilibus cogitasse dicemus. Sed & partes consideravit Servius rei divisæ intellectu juris, quod est rei indivisæ considerare partes effectu ipso, atque ita scripserit Servius, utrunque significari in eadem scilicet specie rationibus diversis. Atque hoc & Papinianus expressit in l. Mævius 66. §. 1. ff. de leg. 2. neque plures in uno fundo dominium juris intellectu, non divisione corporis obtinent. Legerem namque, & fuerit ratio differentie comprehensa his verbis inter priorem, & posteriorem speciem; quam statim declarabo, sed nihil immutando sic expone: Neque non obtinent plures in uno fundo dominium pro parte juris intellectu, non divisione corporis. Exigit enim ratio prorsus, ut neque interpretemur neque non, unde & Haloander sustulit hunc articulum prorsus. Et rejicienda interpretatio non est, quando in sermone Papiniani versamur, qui inusitata dicendi ratione ubique usus est. Adde quod post Manurium observasse se, ait Muretus in his verbis non modo, ipsa veteres sæpe posuisse pro non modo*

non : & a Græcis loquendi genus deductum docet, videris lib. 10. var. l. 7. Et hæc ratio etiam occurrit tacite quæstioni, qui illæ species stare possint, & definitiones, si fundi communis ea est natura, ut ne atomus quidem terræ sit, in qua partem omnes non habeant; quod & Bartolus illic tradit, & leges multæ probant, & ipse distat intellectus, itaque qui pars potest Mævii legari, cum ubique ea sit, & qui liberatio ex alio testamento continget ea consecuta ex uno, si quæ ad illum locum soluta est, ea & ad istum solvi potuit; & in isto non minus, quam in illo fuit? Idem & fortius de parte legata simpliciter, puta dimidia ex vi verbi; vel qua alia certa, ne per traditionem glebæ fiat lusorium legatum, nam dimidia vel tertia qui ad illum locum constitueretur, ut non sit etiam in isto? qui illic magis, quam hic est? Respondet Papinianus, partes juris intellectu considerari; atque cum Mævii expressa factio fuerit, eam ab initio fuisse, non alibi in fundo, jus interpretatur. Hoc non facit in parte simpliciter relicta, quis neque partes sic considerat jus, ut una sit tertia, alia dimidia, alia octava, &c. hoc etenim est per veram divisionem, sic liberatio in priori casu sequitur, non in posteriori. Sic ait Papinianus, juris intellectu eas partes haberi, istas non haberi, quæ nec juris intellectu sunt, sed vera corporis divisione. Hæc explicasset Cujacius lib. 14. obs. c. 21. ubi nemini non dicta cantat, & difficile tamen & arduum aliquid explicare se ad istum paragraphum homo gloriosus jactitat.

#### ULPIANUS libro sextodecimo.

*Partum non esse partem rei furtivæ, Scævola libro undecimo questionum scribit.*

#### ALBERICUS.

Bene Fornerius triplicem de partu controversiam tractatam notat. An sit in fructu. An sit pars matris. An sit pars rei furtivæ. Et ad primam quod attinet est, definitio ne sit, & ratio in l. ancillarum, ff. de pet. hered. l. 68. vetus ff. de usufruct. l. 28. in pecudum ff. de usur. unde & illa consequentia in

l. 24. *Falcidia* §. 1. ff. ad leg. Falc. l. 58. *deducta* §. 4. ff. ad Trebell. l. 14. ff. de usur. l. 42. ff. de evict. l. inter stipulantem §. ultimo ff. de Verb. Obl. & quod ait Augustinus, quod si pertineret ad matris corpus id, quod in ea concipitur, non baptizaretur infans baptizata matre gravida, c. 114. de consec. dist. 4. & ait, quod est anima separatim vivens: nam quia in Adamo aderant nostrae separatim viventes, ejus peccato omnes affecti, c. 119. eod. Verum quid est, quod dicitur, nec usufructum habere in isto partu usufructuarium matris? ait Ulpianus, *hoc ratione*, at quæ illa? quia in fructu hominis homo esse non potest. Sed hic jam non queritur, ut ipse homo sit in fructu, & fructus nomine censeatur, queritur, ut qui fructus ex eo capiuntur, ad usufructuarium pertineant. Igitur *hoc ratione*, quia cum in fructu non sit, alteri quasi sit: nec in re alteri quasi capiat fructus usufructuarius, nisi id cautum foret. Item quid est quod partus, fœtus, & fructus eadem definitione aliquando concluduntur? d. l. 24. & aliis, nempe quia quæ major ratio est in partu, non debet partum ab eadem definitione excludere, sed includere magis. Videndum tamen adhuc est, si aliqua sit differentia inter verbum *fructus*, & *reditus*, nam sunt qui constituent, & nomine *reditus* etiam partum venire volunt, producant vero, ut Castrensis in d. l. 58. nominis rationem, quia & partus redit, sed & quod ab usufructu distinguitur *reditus in tit. Dig. de us. & usufr. & red. leg.* produci nec magis inepte potest. Item producant, quod retinet partus ancillarum, qui hereditatem restituere debet, & retinere *reditus*, d. l. 58. quæ a parte contrarium dicit. Et difficilis antinomia est. Itaque confugiendum ad eam solutionem dicit Alexander, quæ moram in secunda hac lege factam divinat: quoniam solutio non repariatur melior, & Gujacijs sane ita tener in l. 4. ff. de usufr. non tamen vel moner de difficultate. Sed ego non ita persuadeor, at censeo, heredem nec partus retinere in d. l. 14. ait, *fideicommissum non contineri*, fideicommissum accipio ipsi heredi factum his verbis *sine reditu*, nam hoc sane tractatur, quid heredi per ea verba queratur, fideicommissum igitur non contineri, ut partus heres retineat, idem quod scribitur in d. l. 58. Quod etsi ita sit; non tamen differentiam in reliquo tollo horum vocabulorum; *fructus* & *reditus*. Verum in proposito questionis nostræ

non fero. Fructum ego definio quicquid ad hominum fructu-  
nem undecunque nascitur. Dixi *quicquid* & *undecunque*, ne mel-  
roscidum, manna, & si qua alia in aëre gignuntur, excluderem:  
quæ tamen fructus sunt. Cic. *lib. 2. de Offic. & cap. 6. de de-  
om.* Immo ut aperte concluderem aves, quæ non videntur inter  
terrena reponi ab Ulpian. *in l. 1. ff. de ju. & ju.* Et omnino  
avis quædam, quam rhyntacem Perſæ vocabant, cujusque me-  
minit Plutarchus in Artaxerxe, reponi non potest. In aëre e-  
nim est semper, ut nec arbores attingat. Et puto ego, eam  
esse, quam aviculam paradisi sua lingua Indi occidentales appel-  
lant; & nos vidimus Londini mortuam illinc avectam, & aves  
etenim in fructu *l. 10. 11. 12. §. 9. ff. de instr. & instr.* Dixi *ad frui-  
tionem*, nam a fruo fructus: & quia ait J. C. *in fructu id esse  
intelligitur, quod ad usum hominis inductum est*, l. pen. ff. de u-  
suf. leg. ridiculus namque Cujacius, qui hoc non adicit: sed  
ita definit, Fructus sunt fruges, & quæcunque nascuntur e ter-  
ra, vite, arbore, & quicquid pecora ferunt, quid quæ nascun-  
tur ex aqua? & vitis an non est arbor? l. 3. ff. *arb. furt. cas.*  
l. 1. ff. *de arb. cad.* & quæ de feris bestiis feruntur, an non  
sunt fructus? & gallinæ, anseres sunt pecora? aut non sunt fru-  
ctus ex istis; & venena, quæ nullo modo adjectione alterius  
materiz usu nobis esse possunt, tu fructus dices? *fructus fundi*  
is dicitur Varroni li. 1. de re rust. *qui ex eo satus nascitur uti-  
lis ad aliquam rem.* Iste quod ait de statione, est quod in prin-  
cipio adprobavit, quæ feruntur in agro, ea sola esse in cultura;  
non etiam & quæ inducuntur, oves, armenta. Nunc ad rem,  
reditus nomen latius capiat, quemadmodum & sonat. Sed ne-  
que hoc, neque fructus appellatione veniat partus singulari pri-  
vilegio, ut dictum est. Atque tantum ad primam quætionem,  
nisi illud addendum est, quod fructus etsi non censeatur ut par-  
tus, censeatur tamen ut causa, l. 8. ff. *de usuf.* Et ratio hic sin-  
gularis probat utramque definitionem. Item notandum, quod  
gravatus mancipia sibi legata restituere, non restituit partus l.  
*maorem 41. §. forori 10. ff. de leg. 1.* non enim hic agitur, de re-  
tinentis his jure fructuum, aut reddituum. In secunda quætionem,  
an partus sit pars matris, nihil dicere placet: nam late id tra-  
ctavi lib. 1. *Test. c. 8.* & partem non esse ostendi, & verum  
est, nisi in edicto de ventre inspiciendo, ut notat Bartolus *in*  
l. in

*l. in Falcidia ff. ad leg. Falc.* Stoici partem dixerunt, ut fructus sunt partes arborum. Plur. in *lib. de plac. pbi.* vide. Ad hanc tamen questionem quero, an fœtus sit pars? & nec fœtus est pars: illis ipsis rationibus, quibus nec partus. Sed an fructus sunt pars, sunt pendentes, aut videntur potius, *l. 44. ff. de rei vind.* sive illi immaturi, sive maturi sint: nam utrique una quædam res cum fundo, idest, fundus, *l. ult. §. penult. ff. qua in fra. cred.* non enim solo fundus finitur: ut alibi scribam, nam si finiretur solo, fructus utique non fundi pars essent, sicut nec soli *l. 7. §. 5. ff. quod vi aut clam.* atque ita fructus pars fundi non modo in rei vindicatione, sed etiam in actione personali, *d. §. pen.* & Bartolus docet in *l. si filius, in fi. ff. de V.O.* quod tamen de personali non probant alii. Separati non sunt pars: peruntur tamen tanquam nostri, quia ex re nostra percepti, ut per eodem. At cur fructus pars fundi, non fœtus, partus, pars rei? tradit eodem loco Bartolus, quod fundus propter fructus pretiosior sit ipse: mater emi quidem carius potest propter uterum, at ipsa nihilo pretiosior, & ita accipit *l. 73. si quod in Pampila ff. de leg. 2.* Ego opinor, quod fructus vivant anima fundi, itaque separati moriuntur. Sed fœtus, & partus sua: ut explicavi *dist. cap. 8. lib. 1. Lætion.* Ecce partus cum fœtu convenit, ut neuter sit pars, fœtus convenit cum fructu, ut ipse etiam veniat in fructum. Adeo ad questionem tertiam, quæ hujus legis est. Sed si pars non est, qui queritur, an pars rei furtivæ sit? Si pars esset, procederet questio, an pars esset rei furtivæ: *l. vulgaris ff. de fur.* Questio igitur ita procedit, si matre furto subtrahita etiam partus furto habeatur, non quia mater subducta, sed quia ipse partus subducatur, idest, an non possit, quod nascitur ex re furtiva, ipsum nec furtivum esse; sed & illa & istud furtivum sit, atque ita res tota furtiva? Et dubitari poterat, ne esset, quia non erat pars matris: igitur non eadem contrectatione est contrectatus: sed nec alia, quia palam partum capio, & habet. Contra, quod furtivus partus esset, disputari valebar, quia ex re furtiva sit: ut quod ex meo est, meum est; ita quod ex re furtiva, sit furtivum, & ejus, cujus est res furtiva: nam ita eodem inviro contrectat. Hic definitur, non esse partum furtivam rei partem, quod limitandum videtur, nisi si prægnans subripiatur mater, aut apud furem

rem

rem concipiat *l. qui res* 48. §. 2. ff. de furt. l. pen. ff. de stat. bo. tamen non eam paritur interpretationem & limitationem hic idem Scævola noster, qui conceptum, qui etiam editum apud furem negat partum furtivum, quia pars non est, *l. si aliena* §. ultim. ff. de usucap. Et difficilis antinomia est, dissolvit Cujacius tamen, atque, Scævolæ sententiam referri, non etiam ab Ulpiano. probari in *l. si aliena*. Ita ille *libr. 15. obs. cap. 20.* nam, inquit, Ulpianus ipse contra in *d. §. 4.* belle Cujacius, ut solet. Ego illum casum separo primum, quando prægnans subrepta est, atque quoniam Scævola non contradicit, in eo statuo, ne usucapio procedat. Item illum, quando & peperit, & conceperit apud possessorem bonæ fidei, & censo usucapionem habere locum hic, *d. §. 4.* nisi tamen in contractu donationis lucroso situs, nam tum bona possessoris fides requiritur, & cum movetur actio *l. 11. ff. de Publicia*; neque enim admitto emendationem Fornerii hic, & Cujacii contra Latinos & Græcos libros *ad l. 4. ff. de usuc.* quando potest scriptura probe sustineri, id quod alii declararunt *ad d. l. 11.* Ego etiam & tempus iudicii vellem habere bonam fidem, contra quam Cujacius pronunciat; idque per hanc *l. 11.* & generaliter per *l. 7. §. ult. eo.* Mox adsumo speciem, quando conceptus est apud furem, & editus, hunc furtivum dicit Ulpianus; qui nec usucapi queat. Scævola, non esse, partem rei furtivæ; & usucapi posse. In usucapione igitur aperta dissensio, in altero conciliari possunt, ut dicamus, aliud esse partem rei furtivæ, aliud furtivum: itaque nec esse contradictionem, si quis unum neget, alter alterum, ab illo diversum quod sit, assermet. Et, ut quid sit pars rei furtivæ, non statim consequi ipsum esse furtivum, *d. l. vulgaris*, & contra, non statim esse partem rei furtivæ, atque quid furtivum est. Sic neque erit contradictio in altero, at tenuerit Scævola, quod Ulp. scripsit de usucapione, ut ea non procedat per rationem Ulpiani, quia partus sit furtivus: at procedat per rationem Marcelli, qui credidit partem rei furtivæ esse; nec enim pars est: nam si pars esset, nec si, &c. De ratione Marcelli est Scævola disputatio. Et articulus cæterum pro articulo rationis exponi debet, ut in *l. 5. §. pen. ff. de Carbo. l. 5. §. 4. ff. de no. op. nunc. l. 15. §. 18. ff. de dam. inf.* quoniam non credidit Scævola partum unquam rei furtivæ partem, itaque nec dixerit, sed si pars esset &c. Nec nocet nobis,

his, quod non modo rationem destruat, sed adfectionem ipsam contrariam statuat: quia dicimus, a ratione destructa, qui eam Marcellus aptaverit, contrariam construxisse; non simpliciter. Ultimus casus est, quando conceptus apud furem, editus apud bonæ fidei possessorem partus est. Marcellus omnino credidit usufruari eum posse, contra quem Scævola per rationem ipsiusmee Marcelli, immo usufruari non posse, quia pars rei furtivæ. Ipse Scævola ex se non disputat questionem de usufruptione. Scimus Scævola ingenium, omnino ille non erat rogatus, nisi de eo, an concluderet Marcellus recte. Ulpianus de questione usufruptionis agit, & negat usufruari posse, non quia pars rei furtivæ, quod temere censet Cujacius, sed quia ipse furtivus. Sic ergo in proposito legis nostræ habemus, neminem adversari verbis Scævola. Et ita ego concludo, ut partus nunquam sit pars rei furtivæ, idest, pars furti: nisi quando prægnans subducta mater est, non quia sit pars matris, sed quia una eum matre contrectatur, alias nunquam, furtivus autem ipse semper sit, & non sit primo casu pars furti, quia furto accedit magis, & sit furtivus secundo casu; quia successorium sequitur naturam sui principalis. Tractatur porro & de fœtu questio in eodem argumento usufruptionis, & negat Marcellus usufruari, si conceptus, & editus sit apud furem; ut multo magis neget, si prægnans contrectetur, & apud furem partus edatur. Quæ definitio vera est: nec noceat disputatio Scævola, quia illa contra conclusionem est, non contra definitionem: ut jam explicavi. Sed quid si editus fœtus apud bonæ fidei possessorem, qui conceptus erat furti tempore, vel apud furem? Sunt qui requirant conceptum etiam apud bonæ fidei possessorem, recentiores hæc nolunt in fœtu. Et hæc est differentia cum partu: in quo etiam hoc ab omnibus requiritur. Pro antiquioribus est *d. §. 4. vers. idem*, qui Cujacii, & Fornerii subtilitatem non admittit, quando unico verborum conceptui adjectum est. *Idem & in pecudibus &c.* Et sane quid adjectum esset de pecudibus & fœtu eorum tantum ad postremum casum; si idem de pecudibus & fœtu est, edito tantum fœtu apud bonæ fidei possessorem? ridicule. At ajunt adversarii, lanam non esse furtivam, & usufruari, si deconsa apud bonæ fidei emptorem est. Ergo & agni editi apud eundem non diversi juris; nam & hi in fructu, & sane conjunguntur cum

iana, l. 4. §. iana ff. de usucap. Cæterum recte alii ex regula d. §. 4. vers. idem; accipiunt hæc in conceptis etiam & productis non apud furem, neque habet Cujacius quicquam contra, & ego habeo pro his, quod fructuum ratio ducitur non ejus tantum temporis, quo percipiuntur, sed quo producuntur, l. di-vortio §. non solum ff. solus matr. Sic & accipitur recte, l. bona fidei 48. §. ult. ff. de acq. re. dom. neque enim repetendum verbum *pregnantes* ad verbum *subrepta*: quoniam nulla id suadeat ratio, & d. l. 48. §. 5. ff. de fur. Ea est partus cum fructibus, & foetu differentia, quod fructus & foetus non: furtivi quærun-tur statim possessori bonæ fidei, quia fructus & foetus in fructi-bus sunt, partus non statim quæritur, quia non est in fructu, sed usucapione quæritur. Atque hoc discrimen, cæteris paribus factis, ostendit §. 5. d. l. 48. ff. de fur.

## XXVII. Idem libro septimodecimo.

*Ager est locus, qui sine villa est.*

## ALBERICUS.

Idest, sine ædificio, ut recte de Græcis Fornerius, & di-ctus est ager ab agendo, quia in eo, aut de eo agitur aliquid semper, auctore Varrone lib. 4. de lin. Lat. Differt ab arvo, quod hoc proprie agri pars, quæ aratur, quasi scilicet urvum ab urvo, quod est aratrum. Seges aratus satus, arvum aratum nec satum. Varro lib. 1. de re rust. Sic ager arvus, pascuus, consitus, ager arvus aratus non satus, vel rationalis. Quæ Tur-nebus ad Varr. de lin. Lat. In arvo, quod segeti profectum est: Senec. de vit. beat. Seges pro terra sata, & pro arvo, apud Virgil. notante Scalig. in Tibull. Sed ut ea sit nominis proprie-tas, sæpe tamen & locus cum ædificiis ager dicitur, ut hic alii omnes observant, & villa dicitur pariter de ædificiis simul & agro, licet hæc proprie de ædificiis, in quæ fructus ex agro vehuntur, unde & villa, sicut & via à veba: quia per eam vehantur, & veba olim, & vella, ut rustici etiam Varronis tempore lib. 1. de re rust. & vebes sunt ipsa onera, quæ vehun-tur. Singulas vebes fumi, justum est vebes octodecim jugero tribui.

Plin.



Plin. lib. 18. c. 23. Itaque villa legata & ager venit : & legato agro etiam villa debetur, *alterum alteri cedit*, ait Paulus lib. 3. *sent. siul.* 6. ex hoc scilicet promiscuo usu : non quia villa pars agri est, et si pars fundi est, nec quia hac legata nominatum a parte totum censeatur, quia sine agro & fundo villa usui esse non possit, ut Cujacius tradit. Cur enim villa usui esse non potest sine fundo, in quo est? an alteri fundo usui esse nequit? an non apta ad habitandum? quid si uni villa, alteri ager legetur, aut etiam fundus: num in fundo vel agro quicquam ille habebit: habebit ne iste in villa? Exprimebatur vero de ædificiis aliquando in agrorum legato, ut illic, *Agrum sive hortum cum edificio* &c. Manutius in *Attius*. In XII. tabulis legum nostrarum nusquam nominatur villa, semper in significatione ea hortus, in horti vero heredum. Plin. lib. 19. c. 4. *Villa Scævola fundus carebat: villa Luculli, agro, tenendus modus, ut neque fundus villam quærat, neque villa fundum*. Horatius ep. 55. lib. 1.

*Ne perconseris, fundus meus, optime Quinsi,  
Arvo pascat herum, an baccis opulentet olivæ;  
Pomifera, & pratis, amantissimo visibus ulmo.*

Agri porro significatio, & alia est, ut longitudinem significet, quod hic Alciatus ex Horatio notat. Sed ego eum falli puto, & agrum Horatio esse existimo reliquum, quod Cippum circumadjacet, adi Manutium in *definitio in deliciis*, in *Lucilius*, in *monumentum*, alibi, opus enim est vel totum lectu dignissimum propter multam, & suavem antiquitatem, quam habet, certe est, de quo sua ornant opera Cisalpini nostri, immo & conficiunt, ut nuper Lipsius quod edidit de pronuntiatione, nec tamen aut grati (Josephum Scaligerum excipio, & Fornerium semel ad l. 218.) auctori sunt, aut lectores eo desiderio levant, quo tenentur eorum marmorum cognoscendorum, indicato eo volumine, in quod collecta fere omnia sunt. Item capitur ager aliquando pro latitudine & amplitudine quadam regionis, & ita ager Romanus tota Italia *Livii libr.* 27. aliquando etiam pro territorio, ut hic Alciatus monet, & ego scribo ad l. 239. Sequitur in lege ista.

*Stipendium a stipe appellatum est, quod per stipes, id est, modica æra colligatur. Idem hoc etiam tributum appellari, Pomponius ait. Et sane appellatur ab intrusione tributum, vel ex eo, quod militibus tribuatur.*

### ALBERICUS.

Ineptum hoc ultimum: nam tributum antequam militibus tribuatur. Sed cui post Varronem non licet in negotio isto nomen derivandorum ineptire? ut ait Quintil. lib. 1. cap. 9. *Stipendium a stipe quod per stipes, id est, modica æra &c.* Stipes, stipitis truncus, unde stipulationis nomen Justiniano. Stipes, stipis in æris significatione & nummus signatus, ut ait Charisius lib. 1. unde stipendium, inquit Festus, & stipulari cum pecunia spondetur. Sed an modica æra ( sic & Theophilus exponit in Tit. de rer. divis. ad fin. ubi de stipendiariis, provinciis, agrisque tradit, Græcis ἐπαιον ), hic pecuniz, & nummi signati? non puto, quia non ea copia signati æris cum primo stipendium fuit, & itaque stipem hanc, quæ in stipendium militum, pondere acceptam docet Plinius lib. 33. cap. 3. Verba ejus sunt: Libralis, unde etiam nunc libella dicitur, & dipondius appellabatur assis, & adhuc expensa in rationibus dicuntur, item impendia & dependere, quin & militum stipendiorum, hoc stipitis ponderanda pensatores libripendes dicuntur, qua consuetudine in his emprionibus quæ mancipii sunt, etiam nunc libra interponitur. *Servius rex* primus signavit æs nora pseudum, inde pecunia. Victoriatus ante advectus ex Illyrio mercis loco habebatur. *Præter* alia equidem miror, populum Rom. victis gentibus in tributum semper argentum imperitasse, non aurum, & Isidorus lib. 16. Stipendium a stipe pendenda nominatum ait recte; non recte quod de appendenda pecunia addit de suo. Modica igitur æra, ut tum temporis habebant pro pecunia, acque stipes auri, argenteque in hac significatione etiam Tacitus nominat lib. 4. histor. *Idem hoc etiam tributum &c.* ] Tributa ait Isidorus, quod per singulas tribus tribueretur; idem sentit Sra. lib. 11. At differentia immo est stipendii & tributi: nam tributum extraordinarium fuit, post tamen factum ordinarium, Bod. lib. 6. de rep. c. 2. Sed est & nunc differentia, quod hoc proprie

prie dicitur, quod a provincialibus exigebatur; exinde quod militibus solvebatur, id stipendium nuncupabatur, quæ Scipio frater in originibus refert. At etiam hæc vera videri possunt ab occupata rep. nam stipendium a Carthaginensibus exactum, dicit Liv. lib. 32. & stipendiarium Annibalem nominat lib. 21. non dicit tributum, non nominat tributarium. Sic stipendium populo præstitum: tributum Imperatori alii volunt. Et utrobique differentia est. Quid igitur hic Ulpianus? promiscuum usum istorum vocabulorum indicat, ut existimat Cujacius lib. 7. obs. c. 3. Idem & ego putarem, si aliquo justo testimonio abulio hæc adfereretur, nam Eutropius, & Sex. Rufus scriptores longe post Pomponium hujus scriptorem sententiæ: quibus Cujacius nititur. Ego sic statuo, ut non quod stipendium, idem & tributum appellari dicat Pomponius, sed quod ea modicorum ærum collectio etiam tributum appelletur, non quæ est stipendium, & a stipe; sed collectio per se, & ab intriptione, colligitur scilicet ex eo, quod ex privato in publicum tribuitur, unde & nomen tributi: ut scribit Festi Paulus, nam Varro a tribubus ducit lib. 4. de lin. Lat. Festus autem a Paulo suo non videtur alius fuisse, nisi quod Festus indicat etiam potestatem verbi tribuendi. *Tributorum*, ait conlatio cum sit alia in capite, alia in censu, dicitur & quoddam semerarium. ut post urbem in Gallis captam conlatum est &c. conlatio, conlatum est, & mox, *detulit*, ex hac igitur conlatione tributum, ab ipsorum pendendum, si ve solventium actione, ut stipendium a re quæ solvebatur, quæ stipes, & a modo solvendi, qui pensatio. Sed accedat locus Livii lib. 4. *Indicto tributo edixerunt etiam Tribuni auxilio se futuros, si quis in militare stipendium tributum non contulisset, & quia non dum argentum signatum erat; ac grave plausfris quidam ad ararium convementes, speciosam etiam conlationem faciebant, unde habemus omnia hæc, quæ explicavimus: & illud observamus, quod Romæ non indicebatur stipendium, sed tributum, nomen forte aptius libertati. Et sane appellatur ab intriptione tributum, tributum etiam tributio dicitur in l. 52. epistola, §. 2. Digest. de pact. sed & intriptione l. 6. §. ult. Digest. de mun. & bon. l. filii in fin. Digest. ad municip. quæ est illa collatio, & contributio, unde tributum est, aut contributio, & intriptione est potius ex collatione, nam ait Paulus lib. 2. sent. tit. 7. in fi-*

*collatio intributionis ob jactum salva nave fieri debet, & tributum ex intributione: ut hic scribitur.*

XXVIII. PAULUS libro vicefimoprimo. —

*Alienationis verbum etiam usucapionem continet: vim est enim ut non videatur alienare, qui patitur usucapi. Eum quoque alienare dicitur, qui non utendo amisit servitutes. Qui occasione acquirendi non utitur, non intelligitur alienare: veluti, qui hereditatem omittit, aut optionem intra certum tempus datam non amplectitur.*

ALBERICUS.

*Abalienatio est ejus rei, quæ mancipi est, aut traditio alteri, aut in jure cessio. Cic. in Top. Sed hæc ex antiquo jure vide Ulp. frag. tit. 19. Alienatio est omnis actus, per quem dominium transfertur l. 1. Cod. de su. dot. Qui omnem dicit, nullum excipit. Et actus nomen generale est, sive re, sive verbis quid agitur l. Labeo supra, & ita hic scribitur, eum alienare, qui patitur usucapi, quod nec facti est; sed appellatione facti etiam nec factum continetur. Verum latitudinem illam verbi actus cogit tamen per quem dominium transfertur. Ergo venditio, donatio, & id genus alia venient, in quibus hæc translatio domini fit (quod scilicet vel a prætoribus est, ut in l. 15. §. 6. 7. ff. de dam. inf. l. 1. ff. de su. dot. nam jure domini possessio potius dicitur leg. 15. §. 18. vel a contractus natura), quæ & Aristoteles docuit libro primo Rhet. capite quinto, & scribuntur in §. alienationis in Auth. de non alien. re. eccl. l. 1. §. 4. ff. quam. de pec. ac. sit ann. & Dec. conf. 586. numero 6. qui idem & de testamento tradit conf. 584. non tamen ut hoc verum sit in edicto de alienatione judicii mutandi causa facta, ut legitur in l. 8. illius tituli. Cape autem non de directo tantum, sed & de utili dominio, dicitur §. alienationis, quod ex definitione esse non videtur, nam utile non est proprie dominium, ut observat Alciatus libro primo de Verbor. Signif. Igitur & quidam dicunt de directo in definitione proprie dici, & ubicunque capi stricte verba debent. Ego autem scio, verba, quibus utimur,*

de.

definiendo, non semper ita stricte & proprie capi; sed ipsum, quod definitur, satis si ex proprietate adsumptum sit. Itaque de omni dominio cum dict. §. alienationis. Ergo etiam de nuda proprietate: cujus scilicet dominium dicitur, l. 5. ff. de usur. l. 4. Cod. de probat. nam verius dominium ea proprietate est, sed & qui possessionem alienat, hac definitione continebitur: nam alienat dominium possessionis: quod dicitur, l. prima ff. de bon. poss. & diserte dicitur alienare qui possessionem alienat, in l. 4. §. 2. ff. de alien. jud. mut. ca. fa. ubi & specialis etiam ratio ad illud edictum. (Sed Vassallus aliunde prohibitus alienare, si tradit possessionem sine titulo, non cadit in poenam. Caucb. ad Dec. in l. 161. de reg. jur.). Item & qui usufructum: quoniam dicitur & usufructus dominium, l. 3. ff. si usufr. pet. & appellatione domini fructuarius quoque continetur, l. 8. in prin. ff. de re au. ju. poss. quia id cujusque maxime proprium sit, quo utitur, & fruitur, ut ait Cic. in ep. ad Curium. Item qui servitutem, hac lege nostra, & quod servitutis dominium dicitur in l. 15. §. antep. ff. quod vi aut clam. Quæ non per abusionem dicuntur: ut Cujacius putat: nam cujuscunque rei dominium dicitur, quæ nostra sit, si quidem dominium nihil est aliud, quam jus, quo quid nostrum est, & alienatio, qua istud jus transfertur, imo, & per quem fieri potest, ut transferatur, agitur hypotheca, & omnis obligatio, ut ex aliis recte Socinus docet ad l. 1. ff. de re, dub. destinata, promissa dicuntur abesse, & alienata. Dec. conf. 35. Sed & pulcre Decius id impropiissime capit: itaque nec admittit, ubi stricta queritur interpretatio, sed jure communi, non municipali, quoniam juris communis est regula, ut prohibito sine etiam prohibita videantur, quæ ducere ad finem illum possunt. Ergo bona verita jure communi alienari, nec obligabuntur, alienari verita jure municipali, obligari possunt. Ita conf. 645. Præsupposita. Si tamen ea interpretatio passiva est: & hæc in omni argumento strictæ licet interpretationis admittitur, ut per Bart. in l. omnes populi ff. de ju. & ju. mirum, quid non & in statutis hoc teneat Decius. Et tenet sane alio consilio, quod est 502. Ex duobus. Quid in compromisso? late tractant Interpretes, an veniat nomine alienationis, at idem Decius distinguit, ut ex sententia, quæ sequetur, hoc censeatur, conf. 44. Diligenter. Quid si non domi-

nus

nus vendit? venditio quidem valet: sed quoniam nequit ex ea  
 dominium transferri, nec dicitur alienasse. *Dec. dist. conf. 645.*  
 quod tamen limita in edicto de alienatione iudicii mutandi caus-  
 la facta, *dist. l. 8.* sed nec dicitur alienatum vel si venditum a  
 domino sit: nisi & sit traditum, ut videbimus in *l. 67.* Etiam  
*usucapionem continet*]. Ratio est, quia alienatio est dominii trans-  
 latio, etiam improprie, *l. non solum in pr. ff. de alien. jud. mut.*  
*ca. sac. l. mulier §. qui possessionem ff. quod met. cau.* Ita rescri-  
 ptum, ut alienata reddantur ecclesiz, etiam de possessione capi-  
 pitur. *Dec. ad leg. 161. de regulis juris.* Similiter si relictum  
 sit, quibus non licet, hi nec prescribent longo tempore, in  
 qua prescriptione titulus requiritur, cum enim in hos verita sit  
 alienatio, etiam ne prescriptio iis permessa erit, & quia hi,  
 quorum favore prohibita est alienatio, ipsi alienare videntur,  
 dum patiuntur prescribi. *Alex. consil. 74. Vol. 3.* neque enim  
 ejus potest esse titulus alienatio, quæ est verita, contra est in  
 prescriptione longissimi temporis, puta 30. annorum, nam in  
 ea titulus non requiritur. Idem *Alex. consil. 59. Vol. 3. Qui*  
*patitur usucapi*]. Multa de hac ratione scribit Arius Pinellus,  
 si memini recte, *ad Auth. nisi tricennio. C. de bon. mat.* Non  
 solum autem ea, quæ inter vivos fiunt, alienationis appellatio-  
 ne continentur, dum aliquam dominii translationis speciem ha-  
 beant, vel ad eam aditum muniant, veluti in emphyteusim da-  
 tio, infeudatio, hypotheca, ut supra dictum, etiamque condu-  
 ctio in longum tempus *cap. 5. de re eccl. alien.* ubi conditio  
 corrupte legitur: alias condictio, alias vero conductio, quæ  
 tamen de longiori capietur, & ultra triennium, *cap. 1. de reb.*  
*eccl. non alien. in extrav.* ubi etiam prohibetur omne pactum,  
 per quod dominium transfertur. Etiam delicto sit alienatio,  
 Igitur quod alienari prohibetur, id nec delicto perditur. *Dec.*  
*consil. 442.* Postremo etiam heredis institutio alienatio dicitur,  
*l. peto ff. de alien. jud. mut. ca. sac. l. si ita quis, §. ea lege ff.*  
*de Verb. Obl. l. si quis prioris §. certum Cod. de sec. vupt.* Cæte-  
 rum prohibita alienatione, sive a lege, sive a testatore, sive a  
 contrahente, simpliciter, generaliter, non in quoddam tantum  
 genus personarum, aut in personam certam, non censetur prohi-  
 bita heredis institutio; quia prohibitus non potest semper vive-  
 re; itaque necessario habebit heredem, necessaria autem aliena-  
 tio

tio non censetur prohibita, atque ita talis prohibitio videtur  
 limitata ad vitam: sic alienabit testamento. Prohibitus in quod-  
 dam genus, puta extra familiam, alienabit adhuc testamento  
 extra in eum, qui ab intestato venire non potest, prohibitus  
 autem in certas personas, non potest in ullam earum alienare.  
*Alex. conf. 55. & conf. 59. Vol. 3. ubi & scribit, quod prohi-*  
*bitus alienare sine consensu cognatorum, non intelligatur pro-*  
*hibitus alienare testamento: cum hoc non debeat pendere ab a-*  
*lieno arbitrio. Trebellianicam vero, qui alienare prohibitus est,*  
*heres non detrahit, ut per Decianum conf. ult. libr. 2. Transfer-*  
*tur. Sic qui occasione acquirendi non utitur, non intelligitur alie-*  
*nare: quia hæc domini translatio hic non fit, quod nunquam*  
*est habitum. Pulcre in l. 1. §. confertur ff. de collat. bon. velu-*  
*si, qui hereditatem omittit]. Qui habet jus adeundi non dicitur*  
*locupletior, l. pretia rerum ad leg. Falc. nec est in bonis nostris*  
*jus illud. Sic in pulcro casu Alex. consuluit conf. 113. pro des-*  
*cissione vol. 3. quod si filius moritur antequam adeat, ejus heres*  
*qui a statuto vocatur exclusa matre, potest ex persona illius re-*  
*pudiare, ut matri non solvat quidquam illinc pro legitima filii,*  
*nam legitima cum sit quota bonorum, nihil hinc præstabitur,*  
*ita Alex. Sed Molinæus tamen contra exclamat late. De here-*  
*ditate omissa loquitur hæc lex nostra. Sed contra in eo, qui*  
*legatum omittit, l. 5. §. 4. ff. de re. eo. hoc enim recta in*  
*legatarium transiit, l. a Titio ff. de furs. cum simil. Itaque si in*  
*legato effemus generis, quantitatis, aut alterius, cujus domi-*  
*nium non transiret in legatarium recta; omnino de legato. i-*  
*dem, quod de hereditate statueretur, ut hic probe Alcianus mo-*  
*neret: & ostendit lex nostra in legato optionis. Sed nec in alio*  
*ullo legato videtur hæc definitio obtinere, ubi non tantum alie-*  
*natio quæritur, sed & deminutio bonorum, & fraus præterea,*  
*ut in specie l. 134. rr. jur. l. 6. vers. sed & illud & in l. 5.*  
*§. nono l. 31. §. 6. ff. de don. int. vi. & ux. l. 1. §. 4. ff. si*  
*quid in fra. patr. deminutio enim patrimonii dicitur alias, &*  
*si actio bonis deminuitur; quemadmodum & cum fertur actio-*  
*nis diem abire, actionis jam contractu quæsitæ, non ejus, quæ*  
*potuit quæri, ut injuriarum, & inofficiosi, similiumque, non*  
*alter competentium, quam institutione, vel ordinatione ea-*  
*rum, d. l. 1. §. quinto. Sic deminutio dicitur liberatio alicu-*  
 jus

jus sive acceptilatione, sive pacto facta, l. 1. in fin. ff. qua in frau. cred. sic pignorum liberatio, l. 2. præbitio exceptionis, l. 3. tertia, sic rem suam pro derelicto habere, ut quis eam suam faciat, l. 5. sic judicio non adesse, & pati litem mori, cum reliquis, quæ de obligatione, de actionis die, servitute usufructu diximus, leg. tertia, & aliquid facere, ut destinamus habere, quod habemus, ead. l. 3. Qui occasione acquirendi &c.] qui ( ut alio loco scriptum est ) cum possit aliquid querere, non id agit, ut adquirat, &c. l. 6. quæ in fraud. cred. & ita si quis conditionem non parat, ne committatur stipulatio: si hereditatem legitimam, vel testamentariam repudiet, id agere dicitur, ne locupletetur, non dicitur deminuerè patrimonium d. l. sexta in pr. & §. 1. & 2. Videndum tamen ne fraus intercedat, ecce enim si donaturum mihi jussero uxori meæ dare, nihil ago, & res mea facta dicitur, licet sit uxori data, l. 3. in fi. ff. de don. int. vir. & ux. & concinunt pulcre l. 4. & l. 56. si quod mihi cod. tit. & l. 14. si nuptura in fi. ff. de fun. dot. quod fit in alienum incommodum sine suo commodo, id in fraudem fit comm. pro l. liberto de bo. lib. Alex. d. conf. 113. vol. 3. ubi tamen Molin. contra. Quo in argumento notandum est, quod fraus non censetur, si causa honesta subfit, ut in specie l. 19. & 20. ff. qua in fraud. cred. & bene Fornerius tradidit. Atque supradicta omnia, ne scilicet noceat, non quæsiisse, procedunt, nisi etiam querere teneamur, l. 2. §. non solum ff. de her. vend. & Alciatus scribit, & tum dicitur dolus adesse, si non queritur, l. dolus ff. mand.

Et de alienatione hætenus. Sequitur in lege.

*Oratio, qua neque conjunctionem, neque disjunctionem habet, ex mente pronuntiantis, vel disjuncta, vel conjuncta accipitur.*

#### ALBERICUS.

Ergo & soluta oratio est, de qua mox. Conjunctiones sunt Prisciano articuli omnes, quibusnectitur oratio, & is illarum recitat species quindecim lib. 16. Conjunctionem vero quam nos cum Jurisconsulto dicimus, eam ille copulativam appellat, nam con-



conjunctivæ nomen generale facit, ut etiam Justinianus in *l. cum quidem C. de V. S.* disjunctivam nostram eodem Grammaticus nomine dicit. Solutivam non nominat: sed est dissolutio ex Cicerone, quæ conjunctionibus verborum e medio sublatis, paribus separatis effertur. Copulatio, sive conjunctio est, quæ & verba, & sensum copulat, *Et, atque, &c.* Disjunctio, quæ conjungit dictiones, disjungit sensum, *Aut, vel, &c.* Exemplum dissolutionis recitat Alciatus *ad l. 53.* ubi & plura sunt: & in *l. triplici*. Hic unum videndum est definitio præsens. Et constituendum videtur, ut regulariter immo pro conjuncta accipiat, nam inquit *d. l. 53. interdum soluta pro separatis, interdum, igitur contraria regula, ut expendit Alciatus: sicut & contraria notata omnino in conjunctis, & in disjunctis, & hic magis, ubi non sepe, sed dixit interdum, & facit quod Accursius, & alii tradunt, punctum pro copula esse. Verum sententia communis est, ut soluta regulariter pro separata habeatur per l. 110. de reg. jur. Ubi verba conjuncta non sunt, sufficit alterutrum esse factum, ait idem Jurisconsultus Paulus, cui tamen legi Alciatus respondet, quod dum ait, ubi verba conjuncta non sunt, non intelligit in dissolutione, sed in disjunctione: nam soluta pro conjunctis habentur, *d. l. 53.* certe varium genus est, de quo simpliciter non dixeris, quod in *d. l. 110. Verba conjuncta non sunt; negat enim negatio prorsus, at quod hic, Neque conjuncta, neque disjuncta sunt. Et quidem conjuncta non sunt, si oculos sequimur: cæterum conjuncta dicimus nec sono, sed intellectu. Sic intellectum sequimur maxime in titulo de regulis juris juxta tituli naturam, hic quod soluta dicatur ad sonum verborum referemus ex tituli pariter hujus natura. Sed ut ita fundamentum sententiæ communis tollatur; nec tamen non potest etiam Alciati ratio confutari; nam in *d. l. 53. & hoc scribitur, quod ex re pro conjunctis habentur, igitur, si nihil res mover, ipsa per se disjuncta sunt. Ergo vera illic probatur communis assertio. Nec nocet articulus interdum: nam & alibi regulam constituit pluries, ut ostendit & in proposito dictæ legis Rebuffus *ad l. 78. & quoniam exigit ea oratio ibi hunc intellectum, interdum soluta pro separatis, interdum pro conjunctis: nam & exempla subjiciuntur ad utramque partem, non tantum ad primam expressam, & hic, & in ea lege mox declaratur, quomo-****

de hoc verbum *interdum* positum sit: ut si scilicet nihil moveat res, aut mens pronuntiantis, sic accipiat pro separatis. Ego ita cenfeo cum Interpretibus. At quando est, ut ex mente pronuntiantis vel disjuncta, vel conjuncta accipiat? Respondeo, non de jure quari, tamen Alciatus ait, quod ubi disjuncta conjungeret, ibi soluta id præster magis; quia hæc minus disjuncta, item ubi conjuncta disjungeret, ibi soluta magis; quia hæc minus conjuncta. Et hoc est, quod subjicitur lege sequenti.

### XXIX. Idem libro sexagesimosexto.

*Conjunctionem enim nonnunquam pro disjunctione accipi, Labco ait, ut in illa stipulatione, MIHI, HEREDIQUE MEO TE HEREDEMQUE TUUM.*

### ALBERICUS.

Et non est insulsa superioris sententiæ ratio: quod Fornerius ait, quia si conjunctio pro disjunctione capitur, verius pro disjunctione capietur dissolutio, quæ minus habet conjunctionis, plus disjunctionis, & pari ratione pro conjunctione, quia minus habet disjunctionis. Ait lex, *nonnunquam*, dixit idem Jurisconsultus in l. 53. *sape*, & illud etiam verbum notat contrariam regulam, ut res ipsa docet: & observat Albericus ad dictionem *sepenumero*, in l. 4. ff. de leg. 1. Cæterum quando fiat, ut pro disjunctione capiatur, & videbimus plene ad d. l. 53. & hic exemplum unum habemus, quod cum conjunctione quæ disjunctionem habet necessariam, quia heres non est meus, cum ego sum; nec est tuus, cum tu es, non enim heres viventis est. Atque ut aliqua conjunctio esse possit, quoniam & tu tenearis, puta uti frui me pati, & heres tuus teneatur; non tu, aut ille teneatur tantum: non tamen est in omnibus conjunctio, sed tu solus, & ille solus tenetur, non uterque simul. Porro sollemnis ea stipulatio l. 2. 3. 4. 49. 56. 85. 92. 133. ff. de verb. oblig. Et in his, quæ momento uno conficiuntur, articulus *Que*, & alia omnis conjunctio pro disjunctione penitus est, in his vero, quæ sapius, & continenter præstantur, servet naturam propriam, qua potest, ut expolui, hoc enim suadet ratio, quia

ab

ab ea natura disceditur, quod servari non possit, sed argumentum plene attingemus in d. l. 53.

XXX. Gajus libro septimo ad Edictum.

*Sylva cædua est, ut quidam putant, quæ in hoc habetur, ut caderetur. Servius eam esse, quæ succisa rursus in stirpibus, aut radicibus renascitur.*

ALBERICUS.

Conjungendæ duæ istæ sententiæ in unam sylvæ cæduæ definitionem, nam cæduum esse non recte dicitur, quod semel tantum cædi potest, aut cæditur, sed quod pluries, sed neque quod succisum renascitur: nam frugiferæ arbores renascuntur succisæ, earum tamen sylva non cenlebitur cædua. Ecce Varro lib. 1. de re rust. glandariam sylvam facit a cædua aliam. Rursus nec infrugifera renascens erit cædua, si ad hoc non habetur, ut cædatur, quid enim in his, quæ proprio nomine luci, saltus, nemora? luci incædui erant religione, l. 7. ff. de peric. & com. ven. saltus, & nemora passioni deputata non cæduntur, & non sylva cædua hi, sed pascua dicuntur. Ovid. Fast. 2.

*Monte sub Esquilio multis inciduus annis*

*Junonis magnæ nomine lucus erat.*

Ergo sic scriberem, *Servius eam esse, quæque succisa; vel, Et quæ*, ut conjungat definitionem istam cum priori in unam, sed an non satis domini destinatio, ut sit cædua, sive non sit ex renascentibus, sive ex frugiferis sit? Si non est ex renascentibus, non puto dici cæduam, etsi cæduis deputari possit propter istam voluntatem, nam rerum vocabula immutabilia, l. 3. ff. de leg. 1, quod multo magis in frugiferis tenendum est, ut voluntas in illis plus possit, nam ut potest re sua uti quemadmodum vult, ita frugiferam sylvam vertere in cæduam poterit, & cæduam facere, at cæduum quod non est per se, id facere cæduum nequit. Sic igitur teneo, ne ex voluntate fiat cædua, si non renascitur: fiat tamen, ut cædi, puta a fructuario, possit. Sed quid si non habetur, ut cædatur, cædua est tamen, an cæduæ sylvæ appellatione veniet? nec id puto, quod & Alcianus.

tus. Consuetum domini sequitur usufructuarius, alii, *Alex. conf. 118. lib. 5.* item incidere nemus maturum oportet, non ante *d. conf. 118.* non tamen conductor in culpa, qui primo anno etiam non matura & multa inciderit, si sequentibus (nam ad decennium conduxit) nihil incidit, tanto enim citius repullulabunt, quod cedit ad locatoris commodum, igitur non imputat conductori quod cedit ad lucrum suum. *Alex. eod.* nisi perpetuam deteriorationem substantis rei haberet factum. *Alex. eod.*

*Ex stirpibus* ] ex pedamentis: Accursius ex virguleis, seu germinibus: Alciatus, adde illud Ciceronis lib. 2. de nat. Deo. *Quæ arborum, omniumque rerum, quæ aut radicibus a terra, aut stirpibus continentur,* renasci tamen ex germinibus non videtur aliud, quam ex radicibus renasci. Et arbores quædam decacuminantur solum, puta salix, quædam ad solum præciduntur, illæ certe ex pedamento renasci dicuntur, hæc ex radicibus: quare illæque ex stirpibus & forte *stirpibus* hic est pro stipitibus, sed stirps etiam truncus, ut ostendit Rebuff. Rectius igitur Accursius: pro quo immo & locus Ciceronis esse videtur, & Plin. lib. 17. c. 13. *omnia celerius adolescunt sublatis stolonibus, unamque in stirpem redactis alimentis.* Quæro si palaris, quæ dicitur in *l. 9. §. ult. ff. de usufr.* ea cædua est. Etsi cædui nomen & ad ligna & ad materiam refertur, non ad ligna tantum; utique diceretur cædua & palaris: quoniam pali in materiarum numerum rediguntur, *l. 168.* Et non video cur palaris non contineatur cædui appellatione. Sed quid de saliceto, harundineto, similibus, quæ cædua quidem sunt, & sylvæ nominari possunt, sed speciale nomen habent tamen; non modo adjectione distinguuntur, ut palaris distinguitur. Et hæc putem non esse cædua: nam & distinguuntur a cædua sylva, *d. §. ult. l. 9.* Ita nec arbores gremiales puto cæduas, *l. 7. §. 9. ff. solut. matr.* nam cæ sunt, quæ non cæduntur, sed si quid de ipsis deciderit, id gremio colligi solet. Et sunt omnes, quas cedere, jus non est absolute, aut illi, & illi. In arboribus cædui ligni principatum obrinent salices, harundo. Plin. lib. 17. c. 19. sic definitionem Servii ego capio cum hoc adjecto *facile renascitur*, ex his verbis Plinii, & ex eo. quod dicunt *ad l. divorzio, §. si fundum ff. solut. matr.* quod maritus non potest incidere arbores, quæ brevi non renascuntur, nisi tamen essent in fructu. *Alex. conf.*

*conf. 118. lib. 5.* Quæ non producunt alium fructum, nec fructus ullus ex eis nisi incidendo, & incisæ renascuntur, cædum appellantur, & in fructu esse dicuntur, & spectant ad quem & commodum fructuum, *vide Alex. eod.* nec fit distinctio hic, an cito vel tarde renascantur. *Alex. ibid.* quando cædum vel in fructu, quia alias nullus fructus est, si nullus est. *Alex. Sic fructifera non incidi, eod.* Item quia voluntati dominicæ hic datur, ut distinguat sylvam cædum a non cædum; quæro, an & id detur, ut qualitatem etiam cædendi ponat? Et non datur. Itaque si usufructus sylvæ cædum legetur: quæ cædua sit, voluntas distinxerit; non etiam ut fructuarius non aliter utatur, atque ille est usus. Igitur cædere ad vendendum potest, etsi cæderit dominus solum, ut Ipse uteretur, *dist. 5. ult. l. 9.* Quod sic accipere oportet, ne tamen aliter fiat, quam faceret vir bonus, *dist. 5. & toto tit.* Sic cædet & immaturam, *l. 48. si absente eod. l. penult. ff. de usufruct. legat.* quod in eo, qui jus cædendi non habet, crimen est tamen, *l. 27. §. 16. ff. ad leg. Aquil. l. 18. ff. quod vi aut. clam.* & forte nec cædere immaturam dominus consueverit. Pari etiam ratione ex contratio quoque poterit serius cædere, quam dominus fecerit, aut oporteat. Verum videndum est, ne aut deterius quid fiat sylvæ, aut fraus domino, neque enim licebit immaturam cædere, si sub maturitatem ad dominum reverteretur, ut ex Cæpola hic Rebuffus scribit. At satis ad explicationem ejus, quod agitur in lege nostra. Sequitur

*Stipula illecta est spica in messe dejecta, necdum lecta, quas rustici cum vacaverint colligunt.*

## ALBERICUS.

Recte *dejecta*: nam *demeſſæ* quidem, sed *demiſſæ* de manibus. Sic probe sequitur *lecta*, idest *collecta*, mox enim *colligunt cum vacaverint*: forte nec dabo admodum tempore. Terent. in Adelph. *præter hæc meridiæ ipso faciam, ut stipulam colligas*. Miror autem Alciati scrupulos: quem & Fornerius notat, quamquam verior, ne hic etiam erratum æque turpe admittat: quoniam stipulam capere pro parte videtur, cui seges adempta: quæ

tamen non est spicæ, ut ait Jurisconsultus hic. Et idem sane docet Rebuffus; & patrii casus facit illa, *spicæ dejecta lecta*. Verum quo referetur articulus *quas*, si illa num. singularis? Ergo in hoc Alc. recte, & Brech. ut stipulam pro toto calamo, exemplo Græci sermonis, accipiant, nam & generale nomen est, adeoque sic si & aliis auctoribus capitur, non capitur abusive: ut prudenter minus Brechæus scripsit. Atque cum sit nomen generale, non stipula, quid ipsa sit, definitur, sed quid stipula illecta, quod nomen quia dicitur de eo, quod legitur alias; & illecta stipula de ea diceretur, quæ alias legitur: Ergo de spicis, quæ legi solæ solent, unde spicilegium, & præclare in istam sententiam Varro in *fine lib. 5. de ling. Lat.* nemo, ait, reprehensus, quod a segete ad spicilegium reliquis stipulam. Et in ista significatione capio l. 13. si fructuarius ff. qui mo. us. amitt. stipulam in messe jacentem pro calamo toto, quæ heredis fructuarii sit, nec enim spicæ opponitur, sed hæc est sive demessa sit, sive etiamnum terræ hæreat: totus tamen calamus eo nomine tanquam a parte nobiliori, & propter quam reliquæ, significatur. Stipulæ folia, quæ ambiunt calamum, ait Servius. Stipula autem non dicitur, nisi ubi messis facta est, verum & de parte calami jacente, & de hærente, ut in l. 30. qui occidis, §. 3. ff. ad leg. Aquil. & in primo Georgicon:

Atque levem stipulam crepitantibus urere flammis.

Sequitur porro in Lege:

*Novalis est terra præcisa, quæ anno cessavit, quam Græci noviv vocant, integra autem est, in quam nondum dominus pascendi gratia pecus immisit.*

### ALBERICUS.

Ulgaris editio *proscissa*, quod est incorruptum. Sic Senec. de vi. bea. arvum proscissum, & epist. 91. proscissum aratro solum, & Isidorus lib. 15. *Novalis ager primum proscissus, sive qui alternis annis vacat, præcisa corruptum, ut hic Fornerius ait*. Sed ita tamen scribitur in c. 1. de V. S. *Novalis est ager nunc primum præcissus*; & cap. 21. *licet quidam dixerint, quod novalis sit terra præcisa, quæ anno cessat, quæ haud dubie referunt istam* le.

legem. Et Alcarius lib. 2. prætermisſorum cenſet legendum præciſa. Latini, Cato, Plinius, alii proſciſſum dixere, & id prima aratione contingit, poſt quam cum terra ſinatur, ceſſare dicitur, quæ hic Alcarius expoſuit. Novare tamen eſt arare ante proſciſſum, ut de Heſiodo & Cicerone Turnebus ad Varr. de lin. Lat. At quid eſt, quod alia definitio novalis jure canonicoꝝ d. c. 1. immo ſecundum illam definitionem accipio in l. utiles ff. de pet. hered. & in l. ult. ff. de term. mot. ut obſervavit etiam Bartol. in tract. diff. nu. 128. & Alcarius, & alii hie. Primum ajo, novellata legi in d. l. utiles. Cæterum, & Contiſ interpretatur parva novalia. Ego vereor, ne potius novæ vineæ ſint: quod & Rebuffus ait, juxta quam ſignificationem ea Suetonii in Domitiano ſunt, Edixit, ne quis in Italia novellaret, atque in provinciis vineæ fucciderentur; nam magna vini copia, frumenti inopia, atque novellarum vitium meminit Virgilius allicubi certe, ad novalia cur cogatur, non video; ſed ad omnia nuper inſtituta refertur rectius nomen novellerorum, quippe in his cura longe major, & impenſa, & novella ſata, novellos juvencoſ, vineas novellas Varro lib. 1. de re ruſt. Plin. lib. 23. c. 8. novellum olivetum l. 8. ff. de ſu. do., novella etiam oppida nominat Livius nuper Romanis quaſita lib. 2. Altera lex probat aperte quod dicimus in canonicam definitionem, cui jungatur Quintilianus de cla. 3. ſatis dedecoris. Segnem futuris novalibus ſylvam erueret & Plin. lib. 17. c. 5. talis ordo in novalibus caſa veteri ſylva. Huic quaſtioni reſpondetur, non unam eſſe huius vocabuli ſignificationem, ſed duplicem, quam notavimus, & utramque civilibus legibus uſurparam: ut etiam ſcribitur in d. c. 21. ſed & aliis auctoribus, immo & triplex eſt, ſi novalia ſunt etiam nova rura, quæ per ſingulos annos per ſemina novantur. Cæterum hæc mihi purulenta putida barbaries, non Serviana, de quo tamen Brechtius recitat. Præſum reduciſtum ad ſeminandum an ſit novale, & adfirmat gl. hic. Sed tamen decima debetur ei, cui prius debebatur ex præto, non ei, cui debetur ex novali, ita Card. & Bart. Pariſ. & conſuluit Ceph. 757. ſcilicet prætum non eſt locus ſterilis, nec incultus, 1. quod eſſe oportet, ut dicatur novalis, ſi ad culturam reducitur: ut eſt ſylva, l. ult. de term. mo. gl. juncto textu l. utiles, de pet. hered. 2. & utrumque in memoria hominum fuerit prius ad cul.

culturam reductus, 3 & de eo inculto nullus aut modicus fructus haberi consueverit. Et non obstat hic §. quia *novalis* varie dicitur jure civili. Sed jus canonicum sequimur in hoc tractatu decimarum, quo canonici tria requiruntur hic ut sit *novalis*, quæ notari. Adde quod si hæc omnia concurrant, & tamen in minori parte rei, de qua sub uno nomine agitur, pars major sit terrarum prius cultarum, tum non dicitur *novalis*, quia pars inculta cedit majori culturae, *adi Cephalum*. Illa est alia significatio, quam de Varrone accepimus, *Novalis ubi satum fuit, antequam secunda aratione renovetur*, lib. 1. de re rust. Ager restibilis, qui restituitur & feritur quotquot annis, contra qui intermittitur a novando, *novalis ager*. Var. lib. 4. de lin. Lat. ut sata etiam retineat *novalis* nomen, atque ita, opinor, Virgilius culta *novalia* dixit *Eclog.* 1. Vetus certe commentator Juvenalis *novalia* agros seminatos interpretatur. Dicitur & simpliciter *novalis*, qui alternis annis vacat, novandarum sibi virium causa, ut hic Fornerius monet, & dixit Plinius lib. 18. c. 19. *novale est, quod alternis annis feritur*, appellat etiam requietum, & Festus Pauli, *Novalis ager, nova relicta sementi*, ex Ælio. contra quam restibilis est, quæ quotannis obrita est. Varr. lib. 1. de re rust. Et Cato, *qui locus novus eris, aut qui restibilis fieri crassitudine potest*, & Plinius idem omnino, *borderum in novali & in arvo, qui restibilis possit fieri, ferendum, & cujus crassitudo sit restibilis, ubertatis tanta sum, ut sequente anno sponte restibilis fiat seges impressis vestigio feminibus*, l. 18. c. 17. & ita ex eo, quod refertur quotannis, & meminit loci Plinius lib. 18. c. 17. *ubertatis tanta, ut sequente anno sponte restibilis fiat seges impressis vestigio feminibus*. Est & rudis terra, & vervaesta, sive vetereta illa intacta: ista opponitur restibili, & cessat diutius quam *novalis*, de quibus Varro eod. Et hic integra in quam &c. Tu nota c. ult. de priv. quod *novalis*, idest, solum ad culturam reductum, non primo tantum anno, talis ducitur, sed semper, ut privilegia *novalibus* data competant & huic semper. Sequitur:

*Glans caduca est, quæ ex arbore cecidit.*



## ALBERICUS.

Ait Alciatus, non ex proprietate sermonis esse istam expositionem: quia caduca non quod cecidit, sed quod facile casurum est, significet. Est tamen in eadem significatione titulus Codicis de caducis tollendis, & Ulpianus ait, *Quod quis testamento sibi relictum ita ut jure civili capere possit, aliqua ex causa non ceperit, caducum appellatur, veluti cecidit ab eo*, fragm. tit. 17. Et Virgilius caducos Dardanidas dixit mortuos, & spicam caducam dixit Varro lib. 2. *de re rust.* ut hic glans dicitur caduca, & ligna caduca, quæ ceciderunt, lib. 5. *de ling. Lat.* & alii alia, ut hic per Brechæum, qui recte docet, caducum esse & quod cecidit, quod & Rebuffus, atque Jurisconsultum interpretationem istam adsumpsisse, quia altera non commoda ad usum juris: quod de caduca legenda est: quodque si de casura acciperetur, inepte glandium singularum calum nos faceret ipsi Statores, alii caduca poma appellant cadiva. *Scalig. in Prop.* Nos hæc exempla in veterum scriptis annotavimus pro interpretatione Jurisconsulti, — *agro qui statuit meo Te triste lignum; te caducum In domui caput immerentis.* Horat. od. 13. lib. 2. *Scimus ut impios Titanas, inmanemque turmam Flumina-fustuleris caduca.* Od. 4. lib. 3. *Cantum lege 12. tab. ut glandem in alienum fundum procidentem liceret colligere.* Plin. lib. 16. c. 6. *Aqua caduca, quæ ex lacu abundat.* Front. de aquad. S. C. quod Q. Ælio Tub. & Q. Fab. Max. editum fuit.

Ovid. eleg. 1. lib. 3.

*Stat verus, & multos incidat sylva per annos.*

Ovid. eleg. 7. lib. 2. de Ponto — *usque caducis.*

*Percussu crebro saxa cavantur aquis.*

Ovid. lib. 2. de arte amandi:

*In furias agitantur equa, spatioque remoto*

*Per loca dividuus amne sequuntur equos.*

Ovid. lib. 1. de torrente:

*Quid si legisimum flueres? si nobile flumen?*

*Nomen habes nullum nivibus collectæ caducis.*

*Fontis habet instar pluviasque, nivisque solutus.*

Tom. II. P. Fron.

Frondes caducas Ovid. lib. 9. Metamorph. quæ ceciderunt.

*Byti jaces, frondesque tuo premis ore caducas.*

Ovid. lib. 1. eleg. eleg. 5.

*Candida dividua colla tegepte coma.*

Idem eleg. 10. lib. 2.

*Errat, ut a ventis discordibus alba phaselus,*

*Dividuumque tenet alter, & alter amor.*

Sequitur in lege ultimum:

*Pascua sylva est, quæ pastui pecudum destinata est.*

### ALBERICUS.

Sic & saltus pascuus in l. pen. ff. si serv. vind. Sed & in qua jam pascitur pecus, nam si destinata est pascua, multo magis quæ nunc est. At de illa poterat dubitari, quoniam destinata non semper talia sunt: ut lare Jas. in l. admonendi ff. de jurejur. Verum quæ dicitur destinata pastui? Puta, nunc sunt pecudes in saltu æstivo: sylva pascua non solum saltus hic est, sed & hibernus, destinatus pastui hiberno scilicet, nam pastores nunc in hibernos, nunc in æstivos saltus trajiciunt, ut & Justinus ait lib. 8. & Varro lib. 2. de re rust. Greges, inquit, in Apulia hibernabant, qui in Reatinis montibus æstivabant. Item quæro, quid si cædua, aut alia sylva sit, & pascua, an pastui destinatam dicemus, & pascuam? Si nulla sit alia pascua, utique de ista æstium censebitur, itaque si pascua uni legata sit, alteri cædua; & sit una pascua simul & cædua: concurrent in legato ejusdem l. 99. in fin. ff. de leg. 3. nam nec pastio quidquam tollit de cæsiōe, nec cæsiō de pastione. Quod si aliz plures sint tantum pascuæ, & pascua una sylva legata est, quam legatarius voler: ego non putarem, eligere eum posse & cæduam: quia dispositum de simplici nec ducitur admixtum separabile. Alc. lib. 3. de V. S. ut utrumque scilicet contineatur, sed nec eligeret solam pastionem: quoniam non est pastus legatus, sed sylva. Ergo nec heres dabit, si ejus electio sit: At si una tantum sit solum pascua: ut electio procedat, utique & hæc continebitur cædua simul & pascua. Tandem quæro, si destinata propter aliquam occasionem ad eam occasionem tantum est, an sit

fit pascua? puta quia bellum alibi fit, & propterea pecudes alio ductæ, & carum pastui alia sylva destinata. Non putem sylvam pascuam, l. 210. quod tamen intelligo, si alia sit, ut mox explicavi. Idem si destinata sit ad aliquod tempus, donec scilicet alius aptetur, & comparetur locus; aut in pascuam dacentur pecora, nam de perpetuo proposito est destinatio l. item legato 49. & l. qui saltum 67. ff. de legat. 3.

## XXXI. ULPIANUS Libro decimoctavo ad Edictum.

*Pratum est, in quo ad fructum percipiendum falce dumtaxat opus est, ex eo dictum, quod paratum sit ad fructum capiendum.*

## ALBERICUS.

Prata quod sine opere parata. Varro lib. 4. de ling. Lat. Nequit tellus omnia per labores, aranda sauris, terenda arcis, at ex me parata omnia, nec curvo adoranda aratro, nec cura laboranda, sed sese porrigentia ultro & si pigeat attingere etiam cadentia, Pomona loquitur, Plin. lib. 23. in procem. Aliter tamen alii, scenum pratorum etiam ab hac causa appellatum quando id ipsum manens quotannis novum parit, sic scenus quod crediti nummi pariunt, ex Festo Aldus in scenus. Itaque non pratum, sed paratum, & parata dixerunt veteres: Plin. lib. 18. c. 5. itaque & primatum pratis bonis alii in agricolatione dederunt; & ego quoque ait Varro lib. 1. a quo antiquos prata parata appellasse, commemorat. Et Columella lib. 2. c. 17. nomen quoque indiderunt ab eo, quod protinus esset paratum, nec magnum laborem desideraret, ergo prædia hæc auturgia, ut sylvæ, & salinæ, quæ sine magna cultura fructum ferant, quod de Balsamone notatur ad cap. 19. 12. q. 2. ubi tamen agri suburbanii dicuntur, qui possessoris colantur manibus. Cujacius de eodem Balsamone, & Zonara, prædia imo omnia in prædicia dicit in Nov. 7. herba sive viridis sive in sceno siccata. Plin. lib. 24. c. ult. Prata & salicta, genistæque, quamvis tenuem, nihilominus aliquam desiderant industriam. Colum. lib. 1. Pratum est in quo ad fructum percipiendum falce dumtaxat opus est, imo est curandorum, & colendorum pratorum ratio; ut per eos

auctores, qui de re rustica scribunt, sed quia ea cura omnino facilis, & in plerisque etiam nulla, recte hæc definitio, *ex eo dictum, quod paratum sit ad fructum capiendum* ], ut fructus inde capiarur, & ita fructus fœnum est, verum in Latino-Italico sermone cavendum, ne fœnum non veniat fructus appellatione: nam ad poma, cerasa, ficus, & alia, quæ ex arboribus pendent, plerumque cogitur apud eos. Sed quæro, quid si, ut hic in Anglia, campi quidam non arantur uno, altero, pluribus annis, fœnum tamen ex eis capitur, an hi prata censebuntur interim, quia fructus ex ipsis capitur falce, & is fœnum est? videndum, cur ea facta cessatio est, nam si ut vires renoveri solum, prata non censebuntur: sicut nec novalia censentur, aut vervæcta, at si ad fœnum capiendum; contra videtur: etenim sicut potest dominus de prato in arvum mutare agrum, & rursus restituere arvum, & rursus pratum facere; ita id secerit in præsentī specie. Si quidem facta voluntatem ostendunt, nec tamen minus arva sunt: per ea, quæ scripsi ad legem proximam, §. *pascua*. Et si uni ususfructus arborum, alteri pratorum legetur, similes his erunt, quibus legarus, ususfructus est distinctis temporibus: & fructus pratorum capiuntur tot, hisque annis, quot, quibusque capere defunctus solebat; arborum aliis. Sed quid est, quod de decennio ait l. 4. ff. de cens. id nempe, ut pratum non antea dicatur, quam sectum intra decennium, quasi non videatur solum ante firmatum, & tale factum, quale pratorum videmus. Sic & arvum, quod in decem annos proximos est satum; nam ante quasi non plene subactum. Quicquid igitur ad jus privatum sit ex domini voluntate, id ad jus publicum erit, ut certa census ratio constet, & si variatum est, spectabitur quod proxime: ut de varia consuetudine dicitur: & de proximis annis etiam hic. Forte ea lex spectat & novalia, ut censum non debeant scilicet, nisi annos proximos decem talia fuerint, quod rationi valde convenit, c. ult. de privileg. Item quæro, si legato pratorum fructu, non modo fœnum, sed & pascuis debeatur? Et non videtur alius fructus prati præter fœnum ex hac lege. Itaque terram pascuam nec pratum censer Alciatus, & Isidorus lib. 15. *prata sunt*, ait, *quæ secari possunt*. Sed ego puro & pascuis deberi, quia & is fructus prati, quem capere solent à fœnificio. Nec lex nostra obstat, quæ fructus prati falce duntaxat percipi norat, quoniam omnino non dure

ture verba hic sunt accipienda, ut in alio proposito notavi; & ea debeant modo referri ad partem fructuum nobiliorem: nam hæc depastio est ut spicilegium in messe. Alciatus porro pro nobis magis est: quia pratum dicit, si non pascua terra sit, sed & scæni aliquid præstet. Verum an fructus prati erunt & arborum, quæ in prato sunt? non quæro an arbores spectent, ad quem pratum: scimus enim non esse a prato corpus separatum, l. 40. ff. de act. empt. l. ult. §. penult. ff. quæ in fraud. cred. sed quod fructus prati dicitur, qui percipitur falce; arborum autem longe alius est, hic prati fructus non videbitur. Crederem distingui oportere, ut si pratum nominatum sit ad solum illud indicandum, utique & hi sint fructus prati, quod si ad qualitatem soli exprimendam, contra fuerit. Et ita Albericus, & Alciatus componantur, & ita si cui fructus prati legatus est, & alteri omnes alii, fructus arborum, quæ in prato sunt, isti darentur.

XXXII. PAULUS Libro vicesimoquarto.

*Minus solum intelligitur, etiam si nihil esset solum.*

### ALBERICUS.

Minus tempore solum audivimus in l. 12. §. ult. Minus nunc dici audimus & cum nihil solum est, idem quod & traditur in l. 82. & species ponitur in l. decem 116. de verb. obl. Decem stipulatus a Titio, postea quanto minus ab eo consequi posses, si à Mevio stipularis: sine dubio Mevius universi periculum potest subire. Sic & minus tribuit, qui nihil tribuit, l. 7. §. 1. ff. trib. act. & qui egit actione quanto minoris, is & totum pretium recuperare potest, l. bovem §. aliquando ff. de ed. ed. & hic de aliis Rebuffus tradit: quia minus sit & nihil, minoris nullius. Quod ex proprietate non esse, Alciatus docet, etsi pluribus in locis ita accipiat: quos hic Interpretes congerunt abunde. Sic & positivum ut pro comparativo sumatur, improprius sermo, adeoque nec admittendus ubi verba proprie capi debent, ut in statutis, quod ajunt Accurs. & Angelus in l. benignius ff. de legi. nec in rescriptis, docte Dec. conf. 541. Idem vero quod de verbo minus hic, etiam dici de reliquis a nobis pot.

potest eadem ratione, sed quia in dubio naturam suam servabunt, quæro, quando hæc interpretatio adsumenda est? Verba ista posita inter extrema inæqualia suam naturam tenent, quia comparativus, sive secunda collatio, nihil aliud est, quam excessus positivi, posita inter contraria vim habent, quam hic audimus, & quando nihil est, ad quod fiat collatio, Ita Baldus, ita Jason in *l. Stichum, qui meus erit n. 17. ff. de leg. 1. & in l. jubere. ff. de jurisd.* Contraria sunt contrahere & distrahere, igitur non comparative, sed elective capietur, si quis dicat minus distrahit, quam contrahit, & in contrario verbo *magis* id in proposito notant illi ad §. *is quoque Inst. qui mo. re. contr. oblig.* Non sunt contraria, sed inæqualia imperium, & jurisdictio, igitur comparative in *d. l. jubere*, & comparative etiam in *d. l. Stichum*, non enim contraria conditio & demonstratio, etsi distent invicem; quoniam in quibusdam conveniunt, itaque & dubitatum aliquando est, siue conditio proposita, an demonstratio *l. 85. nuper. de leg. 3. & d. l. Stichum*, & demonstratio est alibi, quæ illic conditio, *l. 34. scribit. in fi. ff. de aur. & arg. leg.* quam per summam arrogantiam & imperitiam contaminat Cujacius *lib. 2. obs. c. 39.* inquit legendum *de minutionem & augmentum* pro *demonstrationem & argumentum*, alioqui secunda formula nihil distaret a prima, sed discepat Pomponius de sententia Mutii: & in prima formula distinguit, quod Mutius indistincte ponit: in secunda nihil mutat; sed imo ait, *rectissime scribit* &c. quid scribit Mutius? quod articulus *esses* presentis temporis, demonstrationem contineret igitur quod & articulus *erit*, nihil aliud scripsisse proponitur, nec evinci potest, nisi id unum de demonstratione. Superaddit Cujacius, & petit, quid sibi illic velit *argumentum*, nos vero dicimus, ut ostendat Pomponius, nec proprie demonstrationem esse, quoniam concepta in futurum est, sed argumentum. Sic non est tota demonstratio, quod voluit Labeo, quique refutatus est. Ita Cujacii emendationem non probo, fateor nec sum doctissimus; sed nec ejus hoc terribilimento ineptias tales probabo. Sed redeo ad legem nostram. Sicut positum verbum secundæ collationis inter contraria fiat elective: ita & ubi esse contraria possunt: ut hic in solutione, quæ quoniam non dicitur nisi de solida, *l. solvendo*, contraria ei erunt reliqua, itaque & de nulla, ut de aliqua capie-

pietur, quod non de plena est: Queritur an is, qui nihil habet, teneatur eo sermone, *Qui centum habet, solvas decem: qui minus, quinque*, & teneri in quinque, Baldus, & Alciatus docent, sed & Jason & Cotta. Ego contra cum Rebuffo sentio: nam positivus sermo de habentibus: cui dum & confertur hæc pars, omnino capietur in eadem specie, ipso Alciato magistro, sed non est non habentium quidquam species eadem. Præterea ut proletarii capitecensi non subibant in eodem genere censicionem cum aliis, quibus aliquid facultatum erat; ita nec isti inopes censiti hic cum illis aliis numerabuntur.

## XXXIII. ULPIANUS Libro vicestimoprimum ad Edictum.

*Palam est coram pluribus.*

## ALBERICUS.

Præclare Alciatus de verbo palam, publice, notorie, manifeste, clare, liquide. *Palam est coram pluribus*, puta duobus, inquit ille, quod verum videri potest: quia, aut unus, aut plures, dicitur, ut facit regula *l. ubi numerus ff. de testi. cum aliis hic adnotatis ab aliis*. Sed Alex. tres exigit in *l. etsi post tres, ff. si quis caus. & forte neque tres satis per l. 1. §. 9. ff. de vi arm. familia appellatio servus continet, sed queritur, quem numerum servorum contineat: utrum plurium, an vero duum, vel trium*. Et ita mihi quidem videtur, ut nec teneam quod alii docent, verbum tertie collationis plurimi tribus contentum, & illa *plures & plures* contenta quatuor, cum id genus reliquis, quæ Rebuffus recitat. Et hæc constituenda definitio est, ne, quando subjecta materia, aut ratio alia non præluceat, hæreamus nos penitus. Nam illud certum est; quod ex subjecta materia iudex arbitrabitur, idque & in verbo *multi & multitudo* frequentius comprobatur, ut per Jas. in *l. licet n. 21. de leg. 1.* Ecce matrimonia contrahi coram pluribus solent, plures hic non dicuntur, nisi multi admodum sint: quia non coram quatuor, aut quinque, sed longe pluribus ea confici solemnitas solet, & fere publice, idest, coram populo. Quæ est differentia inter *palam* & *publice* tamen *l. 21. ff. de testa. l. 3. §. aperire ff. de S. C. Syll.*  
Non

Non probat farnam qui dicit quod publice & palam dicebatur, quia unus vel duo potuerunt dicere palam & publice, at farna quod a maiori parte, comm. Alex. *conf.* 138. *lib.* 6. Capitur porro verbum *palam* in aliis significationibus, quando ad personas non refertur, ut idem Alciatus observat. *Palam* est non per ambages in illo edicto *Palam recte dicuntur*. *Palam recte pronunciant* l. 1. l. 38. ff. de æd. ed. Huic autem verbo opponitur verbum *clam*. *Clam* utitur, qui prohibitus utitur, l. 3. §. 4. ff. de itin. act. priv. *clam* possidet, qui furtivum fecit possidendi principium; idque est, eo ignorante, quem sibi controversiam facturum suspicabatur, l. 4. ff. de acq. poss. *Clam* facit, qui celavit adversarium &c. l. 3. §. ult. ff. quod rei aut clam, & hoc genus alia, atque in proposito personarum clam dicitur quod non coram pluribus, sed & quod sine ullo teste.

#### XXXIV. PAULUS libro vicésimoquarto.

*Actionis verbo etiam persecutio consinetur.*

#### ALBERICUS.

Itaque ipsa actio nomine persecutionis appellatur, §. 1. *Inst. de except.* Nam & actio nihil aliud est, quam jus persequendi, atque cum verbum *debetur* in definitione actionis positum etiam persecutioni conveniat, l. 178. §. hoc verbum, mirum, nec verum videri potest, ut ex larga significatione stes præsens definitio, ut haud dubie stat; Alciato teste, sed certum tamen est; quia dum actionis nomen in genere capitur, hæc obtinet definitio? & ista est larga significatio, sed est tamen propria, ut in omni argumento obtinere debeat, quod & Alciatus ex Alexandro scripsit. Itaque verum non est, quod idem Alciatus tradit post Bartolum, ut si quidam nequeant actionibus in iudicio experiri, hi tamen persecutione possint, neque id probat l. Quintus ff. de aur. Cr. arg. lega. quæ immo & actionem tribuit, si iudex intervenerit, & viderit, non ad turpem causam ea ferri, de quibus ibi sermo est. Item nec verum, ut filius persecutionem habet adversus patrem, etsi actionem non habeat, quod tamen voluit Accursius, & ex eo hic Alciatus docet,



cet. Nam quod Interpretes persecutionem dicant officium judicis, valde falluntur: quia persecutio est litigantis, illud officium judicis. Et persecutio dici potest actio extraordinaria, formulæ scilicet non ordinariæ, puta fideicommissi: ut videbimus in l. 178. & actiones omnes, hodie post formulas sublata, & judicia facta extraordinaria omnia, appellari merito persecutiones possunt. Vera sunt omnia, quæ Rebuffus doctè recitat; ut sublata vel denegata actione etiam persecutio videatur sublata, adeoque, nisi hoc caveatur sublata sit, l. 2. C. de dol. juncta l. naturalis, §. quod si faciam ff. de pres. ver. Et e contra, concessa actione, etiam persecutio dicitur concessa, nam sublato genere etiam species, posito genere etiam species, sed an etiam sublata specie tollatur genus? quid enim est, quod sublata persecutione actio etiam sublata censetur? l. 3. ff. si ex nox. ca. ag. nec enim vel agere poteris fructuarius, aut frustra persecutio illi interdicta, quæ est ratio scilicet, ut sub specie veniat totum genus, fiatve de specie ad speciem extensio, vel persecutionis verbum possit significare actionem omnem, quoniam omnis actio est jus persequendi; itaque persecutio & actio sint, quemadmodum munus, & donum sunt; & persecutio sic continet actionem late sumpta, ut munus continet donum: & actio persecutionem stricte sumptam complectatur, ut donum complectitur munus, l. inter donum l. munus. Nec vero dubito quin ita sit in præsentia, ut prohibita persecutione etiam actio prohibita videatur: quando hodie non potest credi, cogitatum de differentia solemnæ formulæ, adeoque actionis & persecutionis, in qua proponenda nulla solemnitas, aut certa verborum lex, olim non ita fuisset; nec hodie sane erit, si quid tale observatum disponendo, & prohibendo persecutionem videri valet. Nam & hodie judicia erunt ordinaria cum suis solemnibus omnibus, si volumus eam viam insistere, neque enim sublata sunt, sed tantum facta non necessarii juris. Actione præterea, vel persecutione sublata, aut data, sublatum aut datum erit etiam officium judicis, nam judex officium suum non imperit, nisi petenti, l. 4. §. hoc autem judicium ff. de dam. inf. quod tamen multis casibus verum non est, sed regula est: ut illie per Ripam, & per Aretinum in l. non dubitandum C. ut quis def. advoc. petere autem non potest is, cui actio, cui persecu-

rio denegatur. Item si datur actio, aut persecutio, utique & judex tenetur adesse, nam illa est jus persequendi in judicio, igitur apud judicem. Ea ita hæc interpretes, & Rebuffus. Nec obstat regula *l. non quicquid ff. de jud.* quia non ea est, quando actio datur: nam tum potestati judicis nihil datur. Actionis autem nomine in statutis etiam quantumcunque exorbitantibus venit officium judicis; late enim sumpto vocabulo fit extensio ubique, *l. justa Socin. in l. 1. num. 2. de Jurisdic.* & vice versa nomine officii judicis veniet actio, non idem & de exceptione dicendum. Socin. *ibid. num. 24.* ubi & alia ad hanc rem vide. Reliqua *ad l. 178.*

### XXXV. Idem libro septimodecimo.

*Restituere autem is intelligitur, qui simul & causam auctori reddit, quam is habiturus esset, si statim judicii accepti tempore res ei reddita fuisset, idest, & usucapionis causam, & fructuum.*

### ALBERICUS.

Restituere est retro statuere, sicut respicio retro spicio, revertor retro vertor, Prisc. *lib. 14.* Restituere est in pristinum statum reducere, *l. 2. §. 43. ff. ne quid in lo. pub.* retro, pristinus status, idest *statim judicii accepti tempore* litis contestatae. Harmenop. quod verum est in obligationibus dandi, nam in obligationibus faciendi a tempore moræ, a die dejectionis in reparatorio interdicto propter odium spoliationis, in aliis interdictis ab ipsis editis. Et ratio differentiae etiam, quod in mora censetur maxime ex ipso delicto dejectionis: alias tantum ex editione, quæ videlicet vim litis contestationis habet; ut & libelli oblatio principi, & editio rescripti principalis. Quæ Alc. & Forner. recte docent. Attende tamen, quod non dicit Jurisc. satis esse, si tum redditur, sed si *reddita fuisset*, & quod ait, *statim*, cape ad excludendum tempus sequens, de præcedenti generaliter dicat, nec distinguat, sed distinguendum relinquat: quod modo fecimus. *Judicii accepti* ], omnino litis contestatae: et si

ceptum a citatione dicatur, *l. ubi ceptum ff. de judi.* quam putem nec religiose servari hujusmodi differentiam, sed ea tamen vera est, ut ex his, quæ dicam in lege proxima, patebit. Cæterum in proposito, si tu usucapionem absolutam hic in lege nostra intelligis, nihil superest difficultatis, si vero de nondum perfecta capis, qui opus restituere causam usucapionis, si usucapio litis contestatione abruptitur, ut nec alia restitutione sit opus? Restituendam causam usucapionis & fructuum, inquit lex, ut scilicet actor iste, cui restitutio facienda est, ita in pristinum statum reponatur, ut si quis rem non possedit, eam nec usucapit, quod fecisset, si possedisset, id nunc recuperet per restitutionem totum; & existimetur, ut immo usuceperit, in præteritum æstimetur *l. more C. de rei vind.* quam supra omnes alias leges laudat in proposito Bartolus, eadem tamen verba sunt in *l. nec bona C. de præf. lon. tem.* Ita & fructus eidem restituendi, quos cepisset. Et si de reo intelligis, qui usucapionem absolvit post judicium acceptum: eaque restituenda, hoc est, rescindenda, definiatur in ista lege: respondere cum Fornorio potes, jure Digestorum usucapionem contestatione litis non abrupti *l. 18. & l. 21. ff. de rei vind.* Doctiores tamen interpretes de usucapione id dictum sentiunt, quæ studio & favore excipitur prorsus: ut est triennium in mobilibus: nam odiosam etiam citationem abrupti tradunt; ut quæ procedit ex sola non petentis negligentia, mixtam, quæ decennii, aut viginti annorum est; eam litis contestatione rumpi asseverant, adi Cast. in *l. more. C. de rei vind. Bart. in l. 2. §. ult. ff. pro empt. & de præscriptione naturaliter currenti audies, quæ in temporalibus actionibus, redhibitoria, quanto minoris, similibus est; eamque solum oblatro libello Principi abrupti intelliges, de conventionali, quæ sola protestatione, & petitione extrajudiciali rumpatur *l. 59. si mandatu Titii §. pen. ff. mand.* Hæc ita se habent, legem nostram accipimus generaliter quomodocunque; verum esse potest, quod de usucapione in ea dicitur, juxta subjectam materiam. Sic scemina exclusa, donec adsit masculus, eo decedente restituitur, atque si nunquam fuisset exclusa: sic redit ad legitimam &c. Eugen. conf. 6. vol. 1. *Idest & usucapionis causam, & fructuum*]. Nihil præterea? immo: ut notavi *ad l. 22.* sed hæc non excludunt alia. Item quæro, an solum causam? puto,*

quoniam omnia in hac restitutione tanquam causa restituenda, quod ita debeantur, quia si rem habuisset actor, etiam ista habuisset; id quod est proprie causa, ut exposui *ad l. 23.* igitur & utilitas, & damnum, & conditio, & si quid præterea restituendum est, causæ dabitur recte.

### XXXVI. ULPIANUS libro vicefimo tertio.

*Litis nomen omnem actionem significat, sive in rem, sive in personam sit.*

#### ALBERICUS.

Accipiunt interpretes hoc, quasi dictum sit, ut *litis* nomine actio significetur, id est, ut qui *litis* nomine utitur, is etiam actionem nominasse videri possit; sed ego non ita expono: quoniam nec memini quemquam Jurisconsultum ita locutum: nec *lis* est illico, atque actio est; potius igitur, ut *litis* nomen conveniat omni liti, sive agatur actione in personam, sive in rem. Et ita *lis* nulla nobis esse potest cum eo, quem in potestate habemus, sive in rem, sive in personam agatur, *l. 4. ff. de jud.* Et puto ego dubitatum ad actionem personalem, quia pars dubia magis ita servatur in posteriorem locum. Ratio autem dubitandi fuerit, quod *lis* vocabatur, quibus res erat in controversia: ideoque in actionibus dicebatur. QUAM REM SIVE LITEM. Varr. *lib. 6. de ling. Lat.* & *litem* a limitibus dictam Isidorus scribit in *c. forus de verb. sign.* Et Cicero in *Muren.* irridet Jurisconsultos, quod nondum decrevisset utrum rem an litem dici, deberet. Cæterum Ulpianus diversum respondet, sed idem & in persecutione: ut hic per interpretes: & in interdictis, & in accusatione: etsi in hac quidam contrarium verum censent: sed male, quod ostendit Rebuffus, nec dubium dicit Cujacius *lib. 9. obs. c. 21.* Quintilianus tamen ab altera parte manet, qui ait *decl. 384.* *Dicimus pecuniarias lites esse, litigatorem non remum &c.* quæ Fornerius recitat, & falsa sunt perspicue. Hæc prima sequitur mox illud, a quo tempore *lis* dicitur. Et tradunt communiter Interpretes, a contestatione in *l. causas C. de transact.* quæ mihi opinio probatur per *l. edita C. de ed. & similes*; item quia *lis* cœpta dicitur ante hoc tempus, *l. 12.*

*l. ff. ex quib. cau. ma.* Ergo non est lis, nisi principium est  
 orum, item quoniam antea quam reus neget, non video qui  
 lis fiet. Nec obstat argumentum Alciati, contra reliquos diffe-  
 rentis: nam etsi lis dicitur contestata, non tamen sequitur, &  
 ante fuisse litem, fuit quippe liris preparatorium: ut alii ajuna  
 recte: & probatur etiam *per l. 7. ff. de inoff. testa.* contestatio  
 est, quæ facit litem: nam objicit se rum reus, & judicium acci-  
 pit, quod & dicitur judex, fert actor, & omnes advocant testes,  
 hoc est contestantur, in hoc factum; quæ recitat Cujacius bene:  
 nisi quod actorem cum reo litem contestari scribit ipse, non cum  
 actore reum; immo enim utriusque rei hoc est, ut Festi locus  
 docet; & judicis, ut indicant verba Cinoi, nec obstat *l. 12. ff.*  
*de judi.* qua unus tantum videtur, qui litem contestatur: quo-  
 niam de actore non magis, quam de reo accipi ille sermo potest;  
 imo, quia de alterutro accipi debet, de reo potius capietur,  
 & is potius dicitur litem contestari, quod actor omnino prior  
 est, qui testes appellat & testatur: itaque reus contestatur, om-  
 nes tamen contentantur, ut dixi. Sic cum lis dicatur contesta-  
 ta, quæ voce utriusque partis lis pronuntiatur, omnino tum lis  
 esse incipit; non ante. Et istam opinionem firman Interpre-  
 tes *per l. 28. §. ex quibus, ff. de judi. l. post rem ff. de trans-*  
*act. l. 25. §. si ante ff. de pet. hered. l. ult. C. qui ad lib. procl.*  
 Atque ita cum reliquis tenendum est, quamquam dici nec ine-  
 prissime posset, litem fuisse, & judicium etiam a citatione; ut  
 quidam notant *ad l. ubi ceptum ff. de judi. & ad rubr. C. de*  
*ed.* Si acceptum illud sit, lis contestata est, & progressus factus,  
 alioqui nondum facta litis contestatione dici judicium, & lis  
 nequeat: nisi scilicet ad titulum de alienatione judicii mutandi  
 causa facta; in quo etiam futurum judicium venit. *l. 8. ejus*  
*tit.* item ad titulum de litigiosis etiam ante contestationem is  
 dicitur, sola citatione, vel precibus principi factis & a iudice  
 insinuat parti, ut per omnes in *autb. litigiosa, C. de litig.* I-  
 tem in pacto de quota litis ( ut loquitur *l. litem. C. de pro-*  
*cur.* ) etiam de futura accipietur. *l. 1. §. 5. ff. de var. & extr-*  
*cogn.* Item in redemptoribus litium. *l. 9. §. 2. ff. de off. pro-*  
*cons.* In reliquis de contestata accipiemus; & itaque lites, quæ  
 suspenduntur propter advocati absentiam, de contestatis intelli-  
 gemus, quod alii tradunt; & si de litibus finiendis constitueretur,  
 rem,

tempus a contestatione principium capiet, & si quid solvendum est propter litem, post eam contestatam solvetur, & procurator non sit litis dominus nisi contestata; quoniam nec in lite quid secessisse dicatur prius, quæ non fuit; & titulus Codicis, Ut lite pendente non liceat supplicare, sic exponitur, & id generis alia, quæ ex recepta illa definitione sequuntur, recepta, etsi Accursius, Alciatus, Brechæus, Rebuffus contra, nam Alciatus nec sibi constitit. Atque hæc etiam satis in ista questione. Est vero tertia, ut videamus, quid lis differat a litigio, jurgio, controversia, questione, re; sed cum hoc ultimo vix est, ut nos inveniamus differentiam, si antiqui illi, quos & hoc nomine vexat Cicero in Muræna, constituere non potuerunt: & in libris nostris promiscue hæc vocabula usurpata non semel videamus, ut observavit Cujacius *ad l. 1. ff. de rest. in integ.* Verum neque cum aliis quidquam certi satis: & nec ipsa invicem certo differentia cognoscemus. Itaque non dubitarem, discrimine omni, quod dici possit, insuper habito, idem ad singula vocabula respondere. Res videtur id, de quo disputatur: lis ipsa disputatio; litigium a lite agenda dicitur; jurgium non dico iuristarum cum Iudoro, etsi & Varro jurgium a jure ducit *lib. 6. de ling. Lat.* & Ulpianus inquit injuriam quasi non juriam; sed benevolorum concertationem interpretarer cum Cicerone, ut apud Nonium legimus. Controversiam proprie extra judicium & ante contestationem Interpretes faciunt, *per l. 25. §. si ante. ff. de pet. hered.* & Cujac. idem scribit *d. c. 21.* & crebrior sententia est: ut Alciatus ait *lib. 2. disputat. c. 24.* sed ipse contrarium docet. Et ait Fronto, *Lis nascitur, per sinatiam efficit controversiam*, alii etiam generale faciunt controversiæ nomen ad utrumque tempus; ad Rebuffum *ad l. 75.* sed veritas cum primis, etsi abusus ostendatur. Questionem item post litem contestatam facit Bartolus, quod & improbat Alciatus hic.

### XXXVII. PAULUS Libro vicefimosexto.

*Verbum OPORTERE non ad facultatem judicis pertinet, qui potest vel plaris, vel minoris condemnare, sed ad veritatem refertur.*

AL.

## ALBERICUS.

Accursius in hujus legis interpretatione ( inquit Alciatus ) neque cælum , neque terram attingit , sed ipse melius nihil adfert , quod Rebuffus ostendit . Mihi , ne quid dicam de reliquis , ea videtur legis sententia , ut siue judex datus sit cum hac clausula , *Videat quidquid Titium dare , facere oportet* , siue pars ab eo perierit , ut *Titium sibi condemnet in id , quod dare facere cum oportet* , judex pluris nequeat , vel minoris condemnare , sed vere quod oportet . Et ratio est , quia non facultatis , sed necessitatis hoc verbum est , a qua judex non discedet , quoniam certa est formula , sub qua datus est , quam deferere non potest ; item ea judicis facultas nec exierit se nisi perita : id , quod factum hic non est , ubi per verbum veritatis immo abitum longe est . Sic perire advocati hodie libellos non modo ad veritatem aptant , verum etiam clausulas addunt , quibus significant , se , suosque judicis facultatem quoque implorare . Et ita Cicero certus interpretes docet in oratione pro Roscio Comæd. ita distinguens inter has formulas , SI PARET DARI OPORTERE QUANTUM ÆQUIUS ET MELIUS ID DARI . Et ait , quod in priori , si planum non sit , ad libellam deberi , quod peritum est , causa cadatur ; in posteriori non ita , quæ apud eum videris ; *qui potest vel pluris , vel minoris condemnare* ] . Sed ea facultas an non & in absolviendo versatur ? utique . l. 3. ff. de re jud. tamen hic de absolutione dicendum non fuit , quia de condemnatione agitur utraque formula ; aut quod & de absolutione dictum consehatur , argumento d. h. 3. nec absolvere etiam prorsus valeat , sed tantum vel minoris condemnare , quod est pluris absolvere ; pluris condemnare , quod minoris absolvere , *per hunc textum* . Et ego sane non puto , arbitrio & facultati judicis tantum datum , ut de toto arbitrari possit . Venit id tamen in mentem nunc istam legem tractanti ; itaque videndus Menochius fuerit de arbitrariis , nam si quid adferretur in contrarium , legem hanc ita accipiemus , ut doceri possumus a l. 32. *Qui potest* ] . ex illa scilicet , quum habet , facultate . At quando habet ? Et multas receperet species Alciatus , & observant alii alias .

## XXXVIII. ULPIANUS libro vicesimoquinto.

*Ostentum Labeo definit omne contra naturam cuiusque rei genitum, factumque. Duo sunt autem genera ostensorum: unum quotiens quid contra naturam nascitur, tribus manibus forte aut pedibus, aut qua alia parte corporis, quæ natura contraria est, alterum cum quid prodigiosum videretur, quod Greci γαῖτασμα vocant.*

## ALBERICUS.

Trebatii libros plurimos religionum nominat Macrobius in Saturnaliis, Capitonis de jure sacrificiorum, Masarii fastorum, Servii, & aliorum multa in sacrorum argumento recenset, quæ erat juris publici pars, quam & nostri tractarunt. Cornelii Labeonis liber de Diis penatibus nominatur *lib. 3. c. 4.* & de Oraculo Apollinis *lib. 1. c. 18.* unde hæc legis nostræ desumpta esse possent, si illum Cornelium hic intelligeremus Labeonem. Sed nominat Macrobius & librum sexagesimum octavum Labeonis, deque sacrificiis sententiam ejusdem profert *lib. 3. c. 10.* Fulgentius Plantiades refert, Labeonem disciplinas Hetruscas (ad quas tu referas hoc verbum) quindecim voluminibus explanasse. Atque hoc unum verbum est, quod ex partibus juris antiqui, in hos libros minime relatis, fuit, ut Cujacius ait. Cæterum ejus rei expositio inutilis non est; quoniam in sermone quotidiano retinentur hujusmodi verba tamen, multaque ex iis recte explicatis definiri in jure valent, exempli gratia, repellitur a successione & jure filii, qui ostentum adseratur; inducitur, qui ostentum negetur, queritur si ostentum. Sed cum prodigium, portentum, & ostentum, & monstrum pro eodem capi ab auctoribus videantur, quod hic Brechæus probat late, utique quod de monstris & portento scribitur in *l. 135. hoc tit. & de prodigio etiam in l. 14. ff. de stat. hom.* nulla ratione habita vocabuli, quod usurpabitur ostentum forte, idem de hoc, quod de reliquis statueretur. Id præcaveretur hac lege, quæ ostentum a monstro, prodigio, portento disjungit, neque enim prodigium est, aut monstrum; aut portentum si tribus manibus homo nascitur: nam ista sunt contra formam humani generis, non sunt humane figuræ; ostentum est, quia contra naturam est, & formam reti-



retinet hominis, sicut & qui cum uno pede nascitur, aut mutilus brachio factus est *l. 12. ff. de lib. & post.* Idem de hermaphrodito dici potest, ut ostentum sit, monstrum non sit, *l. 10. ff. de stat. hom.* ubi ratio habetur ejus scilicet, olim non ita fuisset, non enim eum vivere patiebantur. *Liv. lib. 31. & 39. Oros. lib. 5. c. 4. Eutrop. lib. 4.* postea & in deliciis Gell. *lib. 9. c. 4.* Et portoria de androgynis meritoriis pueris exigebantur. *Just. mart. ad Anton.* Sed & tertium genus hominum olim fuisse fabulatur Plato *in convivio.* Videris vero Isidorum *lib. 11:* de his late tractantem omnibus: & Cor. Frontonem. *Contra naturam cujusque rei.* ] Hæc omnia proprie a natura non esse docet Schola Peripatetica, etsi quidam subtiliter contra differant, & Brechæus etiam hic, & si a natura monstroræ quædam gentes, cur non & partus monstrosi? eandem dicit rationem utrobique *Aug. lib. 16. de Civ.* Adde quod medici faciunt quinque monstrorum genera, primum hoc, quando integræ gentes tales sunt, ut monoculi, similes; de quibus Plinius, alii: secundum cum excessus staturæ est, ut gigantis, pumilionis: tertium, cum quid deest, vel superest, ut si tria brachia, si duplex sexus, ut hermaphroditorum &c. quartum si aliquod monstrum brutorum sit: quintum si totum bruti, aut fere totum. Ostendi, monstrari, portendi, prædici, inde ostenta, monstra, portenta, prodigia. *Cic. lib. 2. de nat. Deor. & lib. 1. de divin.* Monstrum, quod habet hominis, & alterius animalis figuram, infans cornutus. Prædigiū, quod nulla re in sua forma servat humanam, ut infans cum capite porci. Græci *46. basilic. 1.* Add. *Plin. lib. 19. c. 40.* Verum ea disputatio non est hoc tempore necessaria, quia contra naturam cujusque rei, ait lex: id quod non est contra naturam artificem, sed contra quam res ea, de qua agitur, fieri soleat, & contra quam eam facere artifex conluevit. *Genium.* ] Exempla sequuntur, factumque quid hoc? unus cogitavit Rebutus, sed ridicule (ut ego arbitror) explicavit. Refero ad *παρτομαχία* alterum ostentorum genus: quæ quidem gigni recte dicemus, sed rectius tamen fieri: non enim ipsa vilia gignuntur, sed fiunt; sic Cicero *lib. 1. de divin. propter aeris crassitudinem de calo apud eos multa fiebant.*

*Alterum cum quid prodigiosum videtur.* ] Ergo prodigiosum ab ostento non differt, nisi qua species a genere. Et modo tamen contrarium diximus. Explicat se Jurisconsultus, & prodigio.

Tom. II.

R

gio.

giosum sic accipere se in præsentia scribit, prout quod Græci φαντάσματα vocant. Significantius quam Latini visa, vel ut Catius spectra, teste Cicerone, visiones nos, Græci φαντασias vocant. Quint. l. 6. c. 3. antiqua & vera lectio Pandectarum. Politianus, & cum secutus Haloander φῆμα, ex opinione sua, umbra, simulacrum, ut Bruto apparuit tale olim in Pharfalia. Atque hæc pars cui usui ad jus, quo utimur, vix video, forte est ad sanitatem & morbos, arg. l. 1. §. pen. & ult. ff. de edil. ed. & in proposito ejusdem Edicti, si visa hæc fiant in agro vendito, & celata sint, arg. l. 49. hujusmodi visa (ni fallor) & servus minitatur apud Plautum ei, qui empturus erat, & domus inhabitabilis propter terricula, & spectra meminit Lucianus in *Philopseude*, de phantasmatibus dæmonum, c. 12. 26. q. 5. Phanaticorum consultoribus c. 4. 23. q. 4. Phantasia, impressio in mentis: phantasma, spectrum: apud Suidam.

### XXXIX. PAULUS Libro quinquagesimotertio.

*Subsignatum dicitur, quod ab aliquo subscriptum est, nam veteres subsignationis verbo pro adscriptione uti solebant.*

### ALBERICUS.

Et hoc verbum juris antiqui, nec in Digesta relati, ait Cujacius. Perutilis tamen interpretatio, quoniam si quid subsignatum requiretur; nos dicemus satis, si subscriptum erit. Et ita capietur l. 1. l. Paulus ff. de fals. l. Lucius ff. de pet. hered. cum similibus, nisi expresse de sigillo caveatur: ut in l. 22. §. 4. ff. de testam. quia & subscriptio, & subsignatio requiratur. Atque ita subscriptæ a Rege Galliarum litteræ fidei publicæ dicebantur nequidquam prodesse, quod subsignatæ etiam non erant adhuc. Adi Guicciardinum lib. 2. Et ita traditum sane est, actum necdum perfectum dici, nisi consueto sigillo demum appposito, ut ex aliis adfirmat Chassaneus in *catal. gl. mund. part. 5. consid. 24.* nam scriptorum imperfectio arguit imperfectionem conventionis: ut inquit Oldendorpius recte de præsumptionibus. *Nam veteres &c.* Non usum antiquatum nobis recitat Jurisconsultus; nam & Cicero, & alii ita utuntur, & Paulus Festi ait, *Signare scribere, & anulo signa imprimere, ut notare signis pecora,* adde

adde illud *signare limite campum*. Subsignata prædia, quæ principium eductum habent, fundamenta educta, certe posita; vide ad l. 5. §. *opere*; antiquatus etiam illiusmodi usus non magis probaret vocabuli significationem, quam abrogata, & antiquata lex aliquam definitionem juris: sed adferentem suam Paulus adprobat a vocabuli antiqua origine, ita enim antiqui loquebantur, quoniam stilus olim depangi in ceratas tabulas solitus: unde & pangere pro scribere; idemque & signare; & subsignare. Sic & suffragia olim non scribebant, sed puncto notabant; itaque Horatius, *Omne tulit punctum*; ut nosque notamus Oxonii in Convocationibus, nisi illa sint comitia Procuratorum, in quibus scribimus scilicet. Sed an contra dicitur subscriptum, quod subsignatum est? & putat Rebuffus: at fallitur, quia subscribendi verbum eam potestatem, neque ab origine, neque ab usu habet, nisi illud Vegetii lib. 1. huc duxeris, non *statim punctis signorum inscribendus tiro*, & jocos illos Plauti de servo plangis & vibicibus notato tanquam literis. An vero idem operetur subsignatio, quod subscriptio, & contra, alia quaestio est; putem vero idem operari l. 26. §. 1. ff. de pign. nisi scriptura pro forma exigeretur: forte quia facilius est longe falsum signum committere subducto, raptu, simulato, quam scriptura. Sed nos nec loquimur si diversa ratio sit, & in dubio nec esse dicimus; quoniam cur subscriptio adhibetur, ad confirmanda scilicet suprascripta, vel contestanda, ad idem subsignatio adhiberi solet, idemque operatur, ut hic per Alciatum. *Pro adscriptione*]. Adferit de subscriptione, & probat de adscriptione, recte: nam adpromissor est subpromissor, secundo loco promissor: & ita ad stipulatur, & reliqua. Saepè *ad* & *sub* ejusdem significationis. Et alicubi, *subscripsi*, & *assignavi*. Aldus in *Kalenda*, & in l. 2. §. 22. ad edictum libros subscriptos. Sic in lege nostra quod *ab aliquo*; idest, si scripto Titii adscribatur ab aliquo alio, hæc adscriptio subscriptio est, & subsignatio. *ab aliquo*, ] ab alio, l. 1. §. 3. ff. de Carb. Edict. Tertullianus lib. 5. adv. Marcionem: Profiteri potest semetipsum quivis: verum professio ejus, alterius auctoritate conficitur; alius scribit, alius subscribit; alius obsignat; alius actis refert. Sequitur.

*Bona intelliguntur cujusque, quæ deducto ære alieno supersunt.*

R 2°

l. ge.

1. generalis §. ult. de usufr. leg. 1. si quis servum §. ult. & l. seq. de leg. 2. & l. 11. ff. de ju. fi. id bonorum cuiusque esse intelligitur, quod ari alieno superest & l. 2. §. 1. ff. de coll. bo. & l. mulier in princip. de ju. dos. Idque ex sermonis proprietate, ut rectius coniecit Alciatus ad l. 21. quam Fornerius hic, qui tribuit immo juris interpretationi; nam bona (quod videmus) ex eo dicta sunt, quod beant, & profunt: igitur deducto omni ære alieno, quod minime beare solet, sed infelices facere. Idem autem & de nomine substantiæ tradit Justinianus in l. ult. §. fin autem as C. de bon. quæ liber cum etiam apud veteres hac esse substantia intelligatur, quæ post deductum as alienum superfederis, & est substantia scilicet quod substat, & (ut inquit lex nostra) superest. Itaque recte conveniunt nomina, quæ facit etiam paria J. C. in l. 2. §. 18. ff. vi bon. rapt. nam ait, ex bonis meis, hoc est, ex substantia mea. Simile in l. 34. in fi. ff. de usufr. Idem & de nomine peculii: ut hic Fornerius adnotavit, quod de peculio accipere ramen debes vulgata significatione, non si *ὑπονομιστῶς* loquimur: tum enim omnino nihil deducetur, quia nomen universalis est, sicut hereditas. l. 16. ff. de Treb. Et vero hoc idem & in nomine bonorum, & substantiæ, & aliis tenendum fuerit. Idem & de nomine rerum, l. ult. ff. de usufr. leg. ubi & Venulejus ait. Nihil interesse, verum bonorum quis, an verum tertie partis ususfructum legaverit; nam si bonorum ususfructus legabitur, etiam as alienum ex bonis educetur. Etiam, non solum si rerum legatus est, non solum de legato rerum, sed etiam si bonorum: etiam hoc casu. Hic articulus etiam conficit negationem illam nihil: quam tamen mutare gestiunt libri omnes in multum sensu contrario, nec vero. Quod lequitur, At si certarum, &c. primis non contradicit, quæ sunt partis quotæ, non rerum certarum, fundi illius, vel domus illius; nam lex nostra locum habet, ubi mentio fit quotæ bonorum, aut bonorum omnium; at si de rebus mentio cunctis, vel parte cæterarum fiat, ut de mobilibus, de tercia mobilium, tunc non intelligitur deducto ære alieno. l. ult. in fin. secund. lect. comm. approbatam. de usufr. lega. & ibi Bar. Æs alienum respicit universum patrimonium, non certas res; deducitur de universo, aut parte universi, non de certis rebus. Alex. consil. 12. Vito. num. 10. volum. 2. alii. Mol. de eo qui de-

*denavit certa bona* &c. Similiter Filia cedens<sup>o</sup> jura, quæ habet super hereditate patris, cedit & materna, quæ sunt in illa hereditate; cedens quæ super bonis patris, non; nisi nullum aliud jus haberet, ne inutilis reddatur cessio; sed hæc & ex pretii accepti qualitate censenda, regulariter in contractibus ex propria significatione bona deducta ære alieno, *hoc §. Alexan. conf. 222. lib. 6.* at hereditatis nomine etiam onera veniunt. Atque hæc erit limitatio ad legem nostram, ut certorum bonorum appellatio, & tributio sit sine deductione æris alieni, hoc est, bona hæc certa qui habiturus est, aut habet, integra habeat, nihil ex ipsis deducto ad æs alienum; quod manere videlicet debet in universitate, cujus est, non certorum bonorum. Et itaque illud heredes, alique successores universitatis jure communi subeunt, non legatarii, alii singulares successores. Sed successores illi nec æs alienum inducent, quod & deducant, in legata annua: quia hæc de redditibus præstantur; adeoque integra debentur, etiam si de bonis omnibus: nam nec universitatis propterea sunt; & fuit illa Pici sententia, quam sequitur & Alciatus. At neque fiet ista deductio in legato quotæ, aut simili datione, puta in legato usufructus tertie partis rerum, *juxta d. l. ult. si heres inventarium non confecerit. l. ult. C. de ju. delib.* Et hic idem Alciatus scribit. Item nec deductio fiet in quota bonorum a principe concessa, quia latissima interpretatio beneficiorum principis; & ita accipi potest *l. 21. & ita illie Fornecius tradit*; quas tamen ipse leges producit, ipsæ istud vix probant. Hæc vitia regulæ videntur, quæ est, ut æris alieni ratio habeatur, *l. 11. l. 41. ff. de jur. fi. l. 1. C. de her. vel act. vend. cum aliis pluribus.* Et non solum æs alienum deducetur, sed & si quid est aliud simile. *l. 32. §. ult. ff. de usufr. leg.* Ipsa etiam filiorum legitima ita debetur; & quota bonorum dicitur, non hereditatis. Itaque non convenitur filius a creditoribus; transmittit & jus petendi supplementum. Sed nec habet beneficium. *l. ult. C. de ed. Divi Adriani toll.* nec representat defunctum; nec dicitur succedere, cum id genus reliquis, quæ Cagnolus notat *ad l. Papinianus, §. quarta. ff. de inoffic. testam.* Alia notatu dignissima, & plura Alciatus *ad l. 208.* quæ, videris. Sequitur.

*Detestari est absenti denunciari. ] Nuntiatur de longinquo de.*

denuntiatur de presenti; Agrætius. Brechæus ait, jure optimo explosum (nam in aliis libris non est) verbum *detestari*, & exceptum *attestari*, quod in vetustissimis exemplaribus, immo & in ipsis etiam Florentinis esse ait Rebuffus *in l. sequ.* & videtur sane *attestari* aptius exprimere istam significationem, tanquam ex corrupto compositum & integro, ex absente & testatione scilicet. Cæterum Florentini libri excusi habent *Detestari*, & eos Fornerius probat. Et ego non dubito ita esse & in exaratis calamo. Mirum vero est, ut multi abusi sint testimonio illorum manuscriptorum, cum veteres Juris interpretes, tum etiam recentiores. Cæterum nec verbum *attestari* probum; *antestari* verbum juris est, sed ad presentes (id & Alciatus in l. seq. licet corrupte *attestari* scribat) refertur, & quorum tangendi copia erat,prehendendi auriculam, in hoc, ut memores essent, & testes; vocandum in jus adversarium nostrum a nobis, venire recusasse; hac siquidem antestatione peracta, licebat eum & invitum, & obtorto collo in jus rapere, quæ Plinius notat *lib. 11. c. 45.* & Donatus in *Phorm.* & Plautus expressit *Curcul. act. 5. scen. 3.* Hocine pacto indemnatum, atque intestatum me arripi? Et, *collum obstringe homini*, ibidem. *Obtorta gula in carcerem* &c. *Valer. 9. c. 5.* de eo qui Tribunum plebis concionantem interfari ausus fuerat Consul. Et Horat. *Saty. 9.* Actor sic alloquebatur adversarium. *Ambula in jus.* qui si dicebat, *Non eo*, aut calvibatur, idest, morabatur, & frustrabatur, tum actor ad præsentem conversus agebat, *Licet antestari?* licet vos testes hujus rei facere? Si non licebat, forte quia jure prohibebantur a testimonio ferendo, qui appellabantur, ut servi, servum antestari? inquit Plautus: aut quæ alia causa impediēbat; puta quod impubes, qui antestari non potest. *Prisc. lib. 6.* nam testimonium nec dicit, ut contra Senecam pro nostratibus tenet Duarenus *de testi. c. 1.* Respondebatur. *Non licet*, quod si licebat, auricula opponebatur. *Ego vero*, inquit Horatius, *oppono auriculam*, est enim (scribit Plinius) in aure ima memoriæ locus, quem tangentes antestabantur, aut quod tetigisse totum hominem videretur, qui aurem attingit, ut scribit Trebatius *l. 21. vulgaris ff. de furt.* Testes adhibebantur, si quis alicui judicium denunciabat, qui *ἀντίπες* dicebantur, Suida teste. Vocatur per triduum is, cui denuntiatur testimonium, ex lege 12. Tab. *Cujacius ad Nov. 134.*

Hoc

Hoc facto, licebat adversarium capere; *rapit in jus*. ait Horatius, aiebat lex contra hunc frustratorem manum *endojacio*, id est, manum injicito, *rapite oborto collo mavis an trahi?* Plautus in Rud. & in Milli. *ducite istum: si non sequitur, rapite sublimem foras*. Scilicet licebat vim adhibere, & collum torquere, more usque ab Atheniensibus deducto, aut ad Athenienses perducto, ut de Luciani Hermotimo; & Lexiphane videris, & in convivio; id quod & magistratus faciebant. Liv. lib. 4. *consul armatus paucis collum torisit*, nisi tamen provocatio intercederet, *adi. ad l. 7. ff. de vi pub.* Infames & sine antestatione licitum in jus trahere, Lambinus notat ad Plauti illa in Persa, *Tuane ego causa carnifex cuiquam mortali libero aures alteram?* Hi intestati dicebantur, ut ait Cujacius lib. 7. *obs. c. 16.* Plautus tamen in Poe. ait. Intestare me, atque duce, testiculari in Amph. testari *Tert. lib. 4. adv. Marcion.* Atque propter hæc factum licet adferere edictum de in jus vocando, quo cavetur, personas quasdam non vocari, in quas scilicet nefas hæc fieri. Itaque & cessare edictum in citatione, qua hodie utimur, credere liceat, in qua hæc non sunt, & Balduinus propterea *ad l. 15. ff. de in jus voc.* notat Tribonianum, quod eum titulum in hos libros retulerit. Verum Balduinus male, quia citatio hodie loco illius vocationis, & est in citatione ratio petendæ veniæ, quia & reverentia earum personarum lædatur citatione. Ut vero revertamur ad legem nostram, neque *attestari*, neque *antestari* rectum puto, sed, ut in Florentinis, *detestari*, & ut in l. seq. *detestatio*, in l. 238. §. 1. *detestatum*; quod tamen & unum ex verbis est antiqui juris, nec in Digesta relati; eodem Cujac. adfertore. Verum sic censeamus, manere verba, licet leges, in quibus ea erant usurpata, & a juris interpretib. explicata, perierint: quæque & nunc explicata habere utile fuerit, quia & nunc possumus usurpare. Sed quomodo est absenti denunciare? in lege seq. facilius est explicare, quomodo sit denunciatio cum testatione, quia ex corrupto & integro esse adfirmabimus; hic vero an ex utroque integro contendemus *De inquam, præpositio*, & verbo testari? atque significationem absentis inducat præpositio, quæ ejus est naturæ, ut vim verbi, cui jungitur, minuatur sæpe. Ergo cum testari sit præsentium, & præsentem appellare *l. 25. ff. de adult.* & hic attingit Alciatus; detestari minus sit, sit appel-

pellare, monere absentes. Vel sit hic etiam ex corrupto & integro, ex denunciatione & testatione, ex denunciator & testor; eumque denunciario per scripturam fiat, ut Alciatus ait, scriptura autem ad presentes non est: sequitur ut ad absentes referatur recte verbum *deservari*. Alciatus, quia *De auge*, quod & sit frequentius, & absenti dum denunciarur, scriptura & testes adhibentur, quod plus est, & efficacius. Restat *Incertus possessor est, quem ignoramus*]. Non qui incertam partem possideat; nam ait hic idem J. C. libro proximo, ut relatum est in l. 3. §. 1. ff. de adq. poss. incertam partem rei possidere nemo potest, veluti si hac mente sis, ut quicquid Titius possideret, tu quoque velis possidere, idem & in l. 26. eod. sit. Sed incertus possessor, qui ut certum quid possideat, nos ramen ignoramus, qui ille sit, rem scimus, sed ignoramus, qui sit, qui eam possidet. Quæ definitio ad multos juris articulos explicandos valet, nam quæ de possessoribus jura loquuntur, ea de certo possessore accipere debemus pleraque omnia, quia incertum quod est, nec esse dicitur. l. duo sunt Titii, ff. de testam. tit. l. in lege 77. ff. de contrab. empt. quem ignoramus.) quomodo cumque ignoremus, sed non omnis ramen ignorantia nos excusat, facitque, ut incertus ille nobis possessor censeatur, at tantum justa, idest, facti probabilis, quod vulgo traditum est. Atque hic notemus cum Forner. quod incertitudo, quæ est dubitatio, & ignorantia æquiparantur, id quod est, quando scientia exigitur: nam si hæc non adsit, quia adsit ignorantia, si ve quia incertitudo & dubitatio adsit, idem erit, alioqui plus est ignorare, quam dubitare, cum in hoc aliqua scientia insit; itaque mala fides potest ex incertitudine saltem ad inchoandam usucapionem esse, ex ignorantia non poterit, & differunt certe re ipsa, ut docte explicavit Jalon ad l. 1. num. 26. ff. de cond. indeb. Et sane sic censeo, ut in proposito legis nostræ immo æquiparata non sint incertitudo & ignorantia, sed docear Jurisconsultus, ad incertum possessorem constituendum, non esse laris, quod dubii, & ambigui, & incerti nos sumus; sed eum ignorare prorsus debeamus, nam si dubitemus scilicet, vocare ipsum in jus oportet adhuc, & de possessione interrogare ff. de interrogat. aut clam possidebimus forte, si nos possessionem ingrediamur. l. 6. ff. de adq. poss.



## XL. ULPIANUS Libro quinquagesimosexto.

*Detestatio est denunciatio facta cum testatione.*

## ALBERICUS.

Ex denunciatione & testatione compositum verbum videtur, ut dixi ad §. pen. *Legis superioris*. Atque ego jungo illam expositionem & istam, dicoque, *Detestari esse absenti denunciare cum testatione*, & vera est junctura, si illic accipimus *Detestari* a verbis *Denuncio* & *Testor* factum, nam ut sit absenti denunciare, quod ibi scribitur, quia denunciatio est ad absentem: ita & hoc erit, ut sit denunciare cum testatione, quia verba ipsa hoc significant plane. Sed & si a præpositione *De* est verbum ibi, idem fiet, quando testationem intervenire necesse est semper; ipsum quippe testandi verbum semper intervenit: item & denunciationem, quia hæc in utraque lege exprimitur. Sic igitur & hic; *Detestatio est denunciatio absenti facta cum testatione*, id est, testibus adhibitis: ut Fornerius, & alii, etiam Græci Interpretres scribunt. Sed ego cum Alciato mavelim exponere, cum *protestatione*, nam testationem capi etiam pro protestatione ostendit l. 16. ff. de S. C. Macedon. l. ultim. C. de nega. gest. Et cum hic actus de eorum numero esse non ostendatur, qui pro essentia testes requirunt, & regulariter ad probationem testes requirantur: quid hic testationem ad testes referre? Quid si denunciatur Sejo, filium ei natum, & in id testes adhibeantur: an erit hæc detestatio? at est tamen denunciatio testibus adhibitis, quod si dicitur, non esse denunciationem, quia nullius juris conservandi, aut quærendi causa est. Ego contra rursus denunciationem nullam testibus adhibitis egere, dico. Hæc igitur differentia est inter denunciationem & detestationem; quod denunciatio non requirat protestationem; detestatio requirat: sorte quoniam absenti sit hæc, quem certius admonere par est. Sequitur.

*Servi appellatio etiam ad ancillam refertur*. Notanda definitio supra reliquas, quæ ejusdem tamen argumenti videri possunt, ut l. 101. §. *servis*, nam hoc verbum, *servis* si & ancillæ, si servæ continet, non mirum, quia commune utrique sexui, quando non invenitur *servabus*, sicut *libertabus*, *filibus*, vel

nisi dubitatum dicimus illic, quia ancillarum nomine magis in eo sexu designando uti solemus, quam servarum, omnino nulla fuisset vel dubitandi occasio. Hic definiri verbum hoc *servi* tale esse, ut exponi possit, etiam, idest, ancillæ, nec ratio quidem est, nisi communis illa, quod pronunciatio sermonis in sexu masculino ad utrumque sexum plerumque porrigitur, *leg. 195.* Gemina huic definitio in *l. 52.* & alia in *l. 172.* ad quas recitabo reliquas, quæ extra hunc titulum habentur, alibi vel communitas nominis, vel vis numeri pluralis hoc efficiet, ut notabimus *ad l. 116.* Sic igitur, qui servum quem habebit, legat, qui mulum, qui equum, is ancillam legasse videbitur, mulam, equam; si servum non habebit, mulum, equum, nam quin ita capi lex nostra debeat, quando masculinum dispositio, enuntiatiove non invenit, dubium non est. Dubitari potest, an hoc verum sit, quando de servo, qui nunc est, verba sint: quia rerum vocabula immutabilia. *leg. 3. ff. de leg. 1.* Item si filio jam nato tutor detur, an filiæ datus sit, si filia fuit, non filius? cum id genus alius. Et crederem sane non obtinere hoc casu definitionem legis nostræ: nam quando sermo in sexu masculino ad femininum porrigitur, id non proprietas facit, sed ratio alia, atque alia; & illarum nulla in specie ista obtinere videtur, ut illas observabimus *ad d. l. 195.* Notanda hæc igitur limitatio: sed magis vis legis nostræ, quam nulli indicarent. Sequitur,

*Familiæ appellatione liberi quoque continentur. ]*

Dubitandi ratio fuit, quoniam famul, verbum Oscum, significet servum, igitur famulus, verbum Latinum, etiam servum; & familia de servis dicitur. Quæ cum ita recepta sint, mirum quid Festus, sive Paulus velit, dum scribit, *Familia antea in liberis hominibus dicebatur, quorum dux & princeps generis vocabatur pater & mater familia, & familiares ex eadem familia, postea hoc nomine etiam famuli appellari cœperunt.* Ego non sat intelligo quando illud antea, nam a principio non lentit, qui etiam verbum Oscum agnoscat famul. Sed nec dicere de Plautina ætate valet: quoniam Plautus familiares dicit famulos, & ancillas in Amphitr. Immo nec de tempore Duodecim tabu-

bujarum & in quibus ea *agnatus proximus familiam habeto*. in *Edictis* etiam prætorum passim ad servos refertur familiæ appellatio. *Liberi quoque* ], qui bona fide serviunt, *l. ædiles. 25. §. 1. ff. de æd. ed. l. 1. §. familia autem, & seqq. ff. de vi, & vi arm. l. 2. §. familia. ff. vi bon. rapt. mercenarii directe*, id est; proprie; non continentur, sed *utiliter*, hoc est *iusta interpretatione*; item filii, propter potestatem, quæ in eos est. *l. leg. 1. §. 11.* qua in re *contrarium* nec dicit *d. l. 2. nec d. l. 25. nec l. 1. §. 3. ff. de publican.* quoniam *has accipimus secundum d. §. 11.* Et ratio exactæ illius proprietatis a ratione originis verbi est; juxta quam liberi omnino *familiam* facere non *possunt*, productum nomen usu est: qui usus etsi idem proprius *valeret*, quod *proprietas*, non tamen *proprietas* est. Atque hic *illud notandum* est, quod etsi familiæ nomen usu receptum est *etiam* in liberis, hi tamen *simulorum nomine* non continentur: quia id usu receptum non est, nec eo usque *produci* tur hæc appellatio, ut in simili quæstione notavi *ad leg. 12.* Præterea nec *omittere* placet, quod neque ipsam familiæ nomen (& loquor cum in presenti capimus *significatione personarum*) ad liberos pertinet, si ratio refragetur, *ut in titul. si famul. sup. se. dic.* liberi enim pro nexa non dantur, quod de his, qui in familia sunt, illo titulo constituitur. Tandem hic adnotare placet, quod liberi soli qui sint, ipsi familiam facient, neque enim sic *accipio* articulum *quoque*, quasi non contineantur nisi per universitatem, *per* quam scilicet multa sunt, *trans* euntque, quæ sola non *fierent*, nec transirent. *leg. 1. ff. de fun. dor. l. 66. ff. de adquir. rer. dom.* nam qua ratione si *liber est* solus, aut *mercenarius*, qui id egir, *de quo* quæritur, & *venit* tamen familiæ nomine: utique etiam si hi soli sint in familia, *facere* familiam dicentur. Restat

*Unicus servus familiæ appellatione non continetur; nec duo quidem familiam faciunt.*

Attamen servus unus dicitur famulus, verum familiæ nomen collectivum est, & corporis ex pluribus corporibus. *l. 195. §. 1. Seq. nec duo quidem familiam faciunt*, forte quoniam duo primus numerus est, quo non belle corpus hujusmodi concludere.

retur constans ex distantibus; quodque nec facti est, ut congregatio, quam videlicet in duobus fieri tradunt Canonistæ. Constat hoc nomen familiæ ex pluribus, ut ait Cicero *pro Cæcilio*. plures autem neque in tribus ipse definiti *ad l. 33.* Sed an tres satis, an plures etiam requiruntur, ut familiam faciant? tres satis ajunt Interpretes *per l. Neratius*, quod non tulit Rebuffus, qui dum ad ridicula ducit reliquos, ipse se unum ridendum suavissime proponit, nam sic accipit legem nostram, ac si diceret, unus tantum servus, nec duo, nec centum, pluresve familiam integram faciunt, si plures adhuc sunt in familia, nam omnes qui sunt, hi demum faciunt, atque si illi, siue duo, siue etiam unus. Legatum familiæ relictum debetur quidem & uni, si unius in familia sit, *l. ult. ubi not. C. de verb. sig.* Item iustus relinquere in familia, recte etiam relinquit uni. *l. 114. §. pen. ff. de leg. 1.* & aliz ejusmodi definitiones veræ sunt. Cæterum non quod familiæ nomen unico contentum sit. *Quæritur* (ait lex) *quem numerum servorum contineat, utrum plurimum, an vero duum, vel trium. Sed verius est, in hoc interdicto, etiam si unus servus vi deieceris, familiam videri deieçisse. l. 1. §. 9. ff. de vi & vi arm. Sed verius est, in hoc interdicto, idest, non ex verbi proprietate, quæ tamen indagabatur, sed ex ratione: quæ ad rem judicandam ducimur, non verbo, ut hoc ipsum latius Cicero tractat in Orat. pro Cæcilio. quem legendum moneo. Itaque si ratio ad pauciores, & ad unum non cogit, vocabuli proprietatem sequemur, ut hic per Alciatum, mihi tamen non occurrit species nunc certæ legis, ubi secundum istam proprietatem definitum sit. Et quod de tribus statuunt Interpretes, id, juxta propositam quæstionem, de servis accipias, non etiam patrem familias, aut uxorem ejus adnumeres, nam cum his quinque erunt, unde & Apulejus populum ex quindecim personis constat; quia tribus scilicet familiis civitas constat, ut tribus personis familia, quod ait Bodi. lib. 1. de rep. c. 2.*

#### XLI. GAJUS. Libro vicessimoprimo ad Edictum provinciale.

*Armorum appellatio non utique scura, & gladios, & galcas significat; sed & fustes, & lapides.*

AL.

## ALBERICUS,

Idem & verbis iisdem in §. armorum. Inst. de interd. *Ar-  
matus* (ait Cicero pro Cæcinnâ) *si Latine loqui volumus, quas  
appellare vere possumus? opinor eos, qui scutis, telisque parati, or-  
natique sunt, quid igitur si glebis, aut saxis, aut fustibus aliquem  
de fundo precipitem egeris? verba si valent, si causa non ratione,  
sed vocibus ponderantur, me auctore dicite, non esse arma cespites;  
neque glebas, neque sana, neque ramum arboris. Verum siquidem  
erit armorum iudicium, non juris, non enim reperies quemquam ju-  
dicem, qui tanquam si arma militis inspicienda sint, ita probet  
armatum, sed perinde valebis, quasi armatissimi fuerint; si repe-  
riuntur ita armati fuisse, ut vim vita, aut corpori potuerint affer-  
re. Itaque & cespites, & glebas arma facit Cicero. Plus dici-  
tur, [ l. 3. § 2. ff. de vi & vi arm. ] *et si inermes venerant, si  
in ipsa concertatione qui inermes venerant eo processerunt, ut fustes  
aut lapides sumerent, vis erit armata, & l. 9. ff. de vi pub. Ar-  
matus non utique eos intelligere debemus, qui tela habuerunt, sed  
etiam qui quid aliud, quod nocere potest, id quod & Cicero di-  
xerat. Sed arma proprie dicuntur (ait Paulus Festi, & Isid. lib.  
18.) ab armis, idest, humeris dependentia, ut scutum, pugio,  
gladius, feca, & ea, quibus propius præstantur, sicut tela, qui-  
bus procul. & in hoc ultimo idem cum l. 233. §. 2. ubi tracta-  
bimus. Varro autem ab arcendo dicta scribit, quod ipsis ho-  
stem arceamus, lib. 4. de Lin. Lat.**

*Non usque scuta* ] Idest, utique non tantum scuta &c. hic  
enim consensus omnium interpretum, ut subintelligatur dictio  
*santum*, quod & aliis pluribus locis, & in terminis l. 9. de vi  
pub. fit; ut Accursius etiam monere solet, & observavit August. lib.  
2. emend. c. 1. Alciatus lib. 4. de ve. si. & Zas. in l. 2. ff. de  
orig. jur. & in diss. antin. ad Cantu. & Jurisconsultis peculiare  
ostendit hujusmodi dictiones omittere, & Ciceroni etiam usur-  
patum. *Et gladios.* ] non hos tamen parvulos, quib. panem in-  
eidimus, quod princeps docuit Accursius & Aeneas de Fala, ob-  
servavit in add. ad Panor. in c. 2. de vir. & bon. cleri. atque  
omnes hic habent: Itaque nec reus homicidii erit, nec animam  
occidendi videbitur habuisse, qui quem hujusmodi cultello ho-  
minem occidit; auctore Aretino, ad stipulatorem Alciato. Affari-  
no.

norum rex, sive dominus, quem illi Senem, sive Vetulum appellabant, cultellos distribuere solebat suis, cum aliquem Principem aliumve occidi imperaret, ex disciplina gentis nefaria, ut in histor. nostrorum Orientali proditum. Azoni quoque, qui graphio, & per subitam iram interfecit collegam suum, jus hoc, ne propterea homicidii reus esset, tributum non fuit, neque quod invocaret pluries auxilium *l. ad bestias*, aut favor ei populi adfuit, aut profuit, quin summo supplicio afficeretur. Si vera narratio. Tamen hujusmodi graphiis confossos & a pueris alios audimus. *Prudent. hymn. 9.* Ergo ut arma sint, & tela satis, si nocere cum ipsis quisque potest, vide & not. *ad l. 233.* Vide & *Roman. in l. 1. ff. ad Silan. Angel. consil. 397. Navarr. in c. ita quorundam not. 5. de Judic. Clar. §. fin. quest. 82. stat. 6. num. 4.*

*Sed & fustes & lapides.* ] An igitur si vetitum sit, domi arma habere, ut per *Nov. 83.* nec fustes habebimus, aut lapides? An si vetitum, arma portare? Definitio legis nostræ referenda est eo, ut si cum armis quis quid deliquerit, plecti debeat, etiam qui cum fustibus & lapidibus deliquit, poena teneatur, immo etiam & generaliter vera hæc esse possunt, quid enim si capto oppido arma adempta sint, & habere vetitum? nec lapidum apparatus aptum ad tuenda mœnia sine periculo habebunt, dici non potest quantum sagittarum (ait Vopiscus in Aureliano) qui belli apparatus, quantum lapidum, cum aliis, quæ recitari ex aliis possunt: quæque etsi idem non valeant hodie, valent aliquid tamen. Quid si Princeps ad civium inimicitias comprimendas, arma domi prohibeat retineri? utique videri possunt paratæ ad offendendum: siquidem nec alio armorum genere usæ antiquitas est, & antiquorum ritu quæ vivebat Indorum occidentalium gens, quam duratis fustibus, subustis sudibus. Si vetitum deferri arma ad hostes, tum & cotes, quia his acuntur, vaginæ possunt, ut ab aliis acceptum probat Menoch. *de arb. cas. 95.* sed si gladios cotes accuunt, vaginæ tuentur, & nec ligamina galearum possunt *c. 6. & 17. de Jude. & in extr. Joan. c. 1. eod. sit.* Idem a. *Strui Bellus de re mil. par. 9. n. 26.* dicit tamen ex facto contrarium judicatum; sed id tamen ideo, quia & alia illicita portabantur: itaque & licita cecidissent in commissum. Prisco etiam *2vo ante usum ferri & armorum pugnis, & calcibus, & morsibus;*  
cor-

*corporumque luctatione certabant, unde pugna nomen a pugno, ut in Hecyr. Donatus scribit, sed non hæc arma ullibi in jure nostro. Sed nec alia aliarum artium instrumenta, quæ armorum nomine significantur. alibi, ut Priscianus, sive quis est alius, notat ad primum librum Aeneidos, & Isidorus lib. 18. arma generaliter omnium verum instrumenta. Sic igitur tenendum est, arma esse hæc omnia; sed an lege de armis loquente contineatur, dispiciendum erit ex legis ratione, & modo istorum. Ecce enim in re militari aliter atque in judicio, aliter ad titulum de vi publica: in quo coactio tantum interdicta l. 1. nisi tamen ex eo genere essent, quæ in bellis tantum usi sunt: hæc enim venient ea lege Julia de vi publica (quod hic docuit Alciatus) etsi nec coactio eorum esset. Et contra neque coactio noceret si promericii causa quis habeat, & excusabitur etiam, qui in hereditate invenit, l. 2. cum reliquis, quæ exposui. Illud notare oportet, quod cum varie nomen armorum accipi queat, si restis adserat, Titium armatum non fuisse, qui tamen fustem tenuit, aut hastam, non improbum dixisse testimonium censebitur; quoniam potuit ipse sic accipere, ne fustis, lapis, hasta, arma essent, & ita ex facto consultus respondit Dec. cons. 100. in causa, & ita Angelus adprobari potest, qui scripsit, arma defensionis causa parata, ut galea, proprie arma non appellari, quod Alciatus retulit, & notavit.*

**XLII. ULPIANUS** Libro quinquagesimoseptimo ad Edictum.

*Probrum & opprobrium id est, probra quadam natura turpia sunt; quadam civiliter, & quasi more civitatis, ut puta furtum, adulterium natura turpe est, enimvero tutelæ damnari, hoc non natura probrum est, sed more civitatis, nec enim natura probrum est, quod potest etiam in hominem idoneum incidere.*

**ALBERICUS.**

Quod Ulpianus hic jungat prius probrum & opprobrium, non ferunt Grammatici, nec Brechæus noster, nam probrum a-

junt

junt esse ipsum delictum, opprobrium vero infamiam. Sed & quendam Floridum cum Grammaticis stare, refert Rebuffus, hominem, ut vidi, ineptum. Ad rem præsentem quod attinet, refutata ab Alciato objectio est hic, & ab aliis, & ab eodem Alciato *lib. 4. de ver. sig.* ipsis Grammaticorum testimoniis, quæ docent, probum etiam pro infamia & opprobrio sumi, neque ego scio quid ille Floridus contra differat, qui tamen argumentis multis dicitur pro Grammaticis depugnare. Rebuffus commentatur etiam nescio quid a Florentina scriptura *ideft*: quæ in aliis libris, contra quos & Grammatici, *idem est*. At nihil, & *ideft* nihil aliud est, quam *idem est*: ut ait Fornerius, quod ego probo, quoniam nullus alias sensus, & ita quoque scribi de minute solebat *ideft* pro idem est, ut eruditissimus testatur Aldus *in expla. vet. not.* & multis argumentis ostendi potest. De hoc articulo *ideft*, Coras. Hotomanus Cujac. *ad leg. 4. ff. de usucap.* Quanquam, si nec ita explices, dici idem potest, quia verbum *probum* sit, quod Jurisconsultus interpretatur, *PROBRUM* dixit Lex, sive Edictum; & *opprobrium* id est subdidit J. C. ut in l. 233. *SI CALUITUR* dixit Lex, & *moretur*, & *frustretur* subdidit J. C. sententia autem est, ut quod sit probum, id sit & opprobrium: hoc est, ut cum probro, crimine, turpi facto sit infamia juncta, & dedecus. Ecce & Grammaticis satisfacimus: & verum intellectum aperimus.

<sup>a</sup> *Probra quædam* &c. J. Ecce non loquitur in significatione opprobrii, sed facti: nam & exempla hoc docent, ait enim, *utputa furtum*, &c. quod ipsum delictum, & factum est, non opprobrium & infamia. Hoc delictum turpe dicit, itaque probat quod præmisit, probum quod est, id esse & opprobrium. Sed distinguit tamen, & occurrit tacite objectioni, quod *probra quædam natura turpia sunt; quædam civiliter; & quasi more civitatis*: Itaque si quod probum quis ostendat, quod non sit & opprobrium, turpe, infame natura, nihil id tamen noceat adfectioni, quoniam turpe erit more civitatis, & contra, si quod probum significetur non more civitatis turpe, id tamen turpe natura erit. Quæ sequenti disputatione ostendentur. *Probra quædam natura turpia sunt, utputa furtum, adulterium natura turpe est*. Neque ista crimina, neque sacrilegium natura turpia, sed opinione, eaque stultorum, Theodorus censebat, quod apud

Laer.



Laertium legas sicut & alii, & Archelaus justum non natura, sed lege & opinione esse dixit, Suida teste, & incestum in re-  
cta linea, quod jure gentium incestum dicitur in *l. ult. ff. de  
cond. si. ca.* Persis non damnatum. *Plur. in vi. Artaxer.* Fur-  
tum Lacedæmoniis etiam laudatum. *Plur. in vi. Lycor.* & Thra-  
cibus cum furtum, tum incestum admissum, refert libro deci-  
mo Tarcagnoeta, cum id genus aliis, & ipsum adulterium,  
quod fere per excellentiam probum dici videtur. Ut apud Plau-  
tum, *Visit, probique plena* Mil. glor. act. 2. scen. 5. *Et pro-  
bri insimulatam* &c. act. 3. scen. 2. *Insimulabit eam probri.*  
act. 1. scen. 2. *Herilis filie probum.* Aulul. act. 1. scen. 1.  
de virgine viciata, & gravida facta, & scen. 5. act. 1. quod  
istis Thracibus fuit etiam condemnatum, an alicubi sophismate  
aliquo non probatum? immo in Britannia olim, si Planundes  
vera narravit, & quod omni alio scelere detestabilius est, quod  
nec nominare audet Legislator, sed involucris imo verborum  
contegit, cum jura tamen ultore gladio ad supplicia exquisita  
armat, *l. 2. C. de adult.* & contra naturam certe est, & adse-  
ritur *Nox. 77.* hoc inquam flagitium an non gentem habet, cui  
probetur? Teisalos habet, gentem Gothicam, ut memoriz pro-  
didit Ammianus *lib. 31.* Erulos, ejusdem plagæ homines; ut  
Procopius scribit *lib. 2. de be. Gotb.* sed Gallosque, ut Aristo-  
teles tradidit *lib. 2. Politic.* Diodorus *lib. 6. c. 9.* Clemens *Ana-  
gnoston* 8. non Athenæus solum, & alii, quos unus Lipsius no-  
vit, adeoque & refutat unus, idque ridicule. Galli aut origini  
hoc debent, aut Massiliæ; de cujus civitatis impudicitia idem  
Athenæus *libro 12.* unde proculdubio ad vicinosque, qui eo stu-  
diorum causa proficiscebantur: sed non tamen, ut ad Gallos,  
qui & lege scilicet sancire, & probare tantum probum potue-  
runt, qua de re nos loquimur, a Septentrione malum, ab Or-  
pheo Thracia, ut Ovidius cecinit. Cæterum ut hæc sint, non  
propterea verum non est, quod lex nostra dicit, esse hæc &  
natura turpia; quia natura ratio est, non usus, aut certi mo-  
res. Atque ita docent adversus supradicta recte omnes, nisi si  
unus est Alcibiades, qui prævaricatur: ut latius Connanus *lib. 1.  
comm. ju. capite de jure gentium*, & altero, quo quaerit, utrum  
jus sit a natura, id quod late adseruit Cicero *lib. 1. de Legi.*  
& Plato differuit. *lib. 10. Aristot. lib. 1. Rhet. Lat. lib. 6. ca-*

Tom. II.

T

pit. 8.

pit. 8. aliis & sapientes omnes cum lege nostra consentiunt, ut sit jus aliquod a natura; idque quod recta ratio doceat, aut consensus quidam receptor adprobavit; ut de bello capris, quæ capiuntur fiant, Aristoteles tradit *lib. 1. Politic.* Adulterio supra junxeris incestum: nam prohibitum natura. *l. 8. & l. ult. ff. de rit. nupt. l. ult. §. ult. ff. de cond. si. ca.* Sed an & probrum natura incestum, quod jure civili, non natura incestum est? puta cum filia sororis, nepte, pronepte. *l. 38. l. 56. ff. de rit. nupt.* non enim videtur incestum natura, quod alias concessum est, *l. ult. C. de ince. nupt. Tac. lib. 12.* Ego hic primum illud, natura probrum & hic: quia non potest in hominem idoneum eadere. Sic & natura illud probrum, quod notatur *l. 41. ff. de rit. nupt.* quod in mulierem idoneam non eadit, ut corpore quæstum faciat, hæc regula; tum noto illud, incestum natura semper & omne prohibitum, nec obstat, quod quædam olim non vetita: nam respondeo, nec Perlis vetitum incestum ullum, nec aliis alia naturaliter probra, ut diximus; incestum natura usque ad consobrinos, ut exposui *lib. 1. Lellion.* & ita in *d. l. ult. ff. de rit. nupt.* ex latere non dicitur incestum, sed non bene contrahi.

*Quædam civiliter, & quasi more civitatis, enimvero tutela damnari, &c.* Atque in his capiendus Cornelius Nepos, qui ait in procæmio, non eadem esse omnibus honesta, ac turpia, sed omnia majorum institutis judicantur, & vero de scenieis loquitur & citharædis, idque genus aliis, qui in Græcia non infames, Romæ infames erant. Exempla autem videri hæc poterant meliora, quam quod de tutela profertur: quoniam, cur non natura hoc turpe, sed civiliter sit, vix ratio fuerit; quando fidem fallere natura turpe censeri oporteat. *l. 1. ff. de pact. & pupillum fraudare, qui in tutelam pervenit, æque perfidiosum, ac nefarium judicetur, ut ait Cic. pro Ros. Comado.* & furti, ac tutelæ damnari, definitione una turpe definitur in *§. 6. Instit. de poen. sc. lit. leg. 1. ff. de his qui notan. infam.* Verum de probro hic, quod & delictum sit, non de facto tantum turpi, nec tutelæ damnari natura turpe esse potest, si tutela ipsa jure civili est: & damnatio talis est, quæ potest etiam in hominem idoneum incidere, nam si perfidiz in pupillum damnaretur tutor, jam & natura probrum nosque dicimus eum Cicerone. Sed hic exemplum tutelæ ponitur tutelæ proprium, non commune

mune cum aliis, ut illud fidei, & perfidiæ est, de culpa, de negligentia, de rationibus, & similibus exemplum nostrum loquatur, sed & de dolo aliquo, qui perfidiam non habeat, perfidiam dico proprie, non quæ talis in tutela sit: id quod arripuit Cicero in adversarii odium oratione; & est omnis dolus tutoris. *l. 6. in fi. ff. de his, qui not. inf.* Sed proprie non omnis dolus malus est perfidia, quæ tetrior doli species est; unde & nomen speciale invenit. Atque & culpa & negligentia, & dolus aliquis incidere etiam in hominem idoneum potest, hoc est, ut ego cum Fornerio interpretor, probum & honestum, quod & recte docet frater meus *li. 1. Parerg. c. 26.* quid enim & probi non delinquant? Sed non tamen patrant probi furtum, adulterium, crimina illa, & probra natura; immo ne delinquunt quidem, sed incidunt in eos delicta magis, aut etiam ipsi in delicta incidunt, idest, fato quodam cadunt, ut Rebuffus recte. Et ita hæc sese habent, quibus nihil nocet, quod probum sine dolo, & sola negligentia admitti, vix juri consentaneum videtur, nam & more civitatis admittitur; putem singulari favore pupillorum, & jure debito hominibus, qui hujusmodi officia susceperunt. Alterum, quod ducebatur ex §. 6. *de fam. se. lit.* nec ipsum obstat, quia quod uno loco non distinguitur de damnato judicio tutelæ, tamen in directo verum esse, quod hic traditur, in contrario non verum. *l. 1. l. 6. in fi. Dig. de his, qui not. inf. & Fornerius adnotavit.* Itaque nec satis acute Alciatus scribit, distinctionem hanc Jurisconsulti non magni effectus esse videri, *per dist. leg. 1. Dig. de his, qui not. inf.* nam parem immo infamiam non facit ea lex omnium, quas indifcrete enumerat, & sane quis crederet parem furti & injuriarum? Itaque ut in multis idem de illis omnibus statuatur; non tamen & in aliis multis diversum non statuitur, & ex distinctione hic posita; quod nec ipse negare Alciatus potest, & Rebuffus latius explicavit. Et ego putaverim, civiliter infames non refutari in negotiis, quæ solo jure gentium censentur: quæque nec pauca sunt, quoniam nec infames jure gentium sint. Id tamen valet in injuriis etiam levissimis, ex quibus damnatus infamis fit. *c. cum te. ex. de re judic. Bartol. ad l. infamem. ff. de publ. judic.* quod tamen natura probum nemo dixerit, ut furtum, quare nec minor pubes excusatur, qui putet licere fu-

rari. Vide Salycet. in l. 9. De jur. & fac. ignor. n. 3. ubi de jure naturali, & quasi, & n. 6. pulchre differit.

### XLIII. Idem Libro quinquagesimo octavo.

*Verbo VICTUS continentur quæ esui, potuique, cultuique corporis, quæque ad vivendum homini necessaria sunt, vestem quoque victus habere vicem, Labeo ait.*

### ALBERICUS.

Cibum dixit idem Ulpianus, qui hic esus, in l. 1. §. 15. ff. de ven. in poss. mitt. Cultuique corporis. ] tuendi, curandique corporis. Cajus lege sequenti; non igitur & animi, quod in verbo educationis contra est l. 2. C. de alim. pupil. præs. Et de verbo victus id diserte Javolenus in l. 6. ff. de alim. leg. ubi & Bart. notat, & præbant alii, quos Rebuffus laudat, quod tamen non procedit, nisi jure sanguinis ex legis dispositione quis victum præstare teneretur, ut Alciarius monet per l. quod de bonis §. pen. ff. de Carb. ed., nam & ea latitudo verbi, ut hæc etiam animi comprehendere valeat, quod ex Ciceronis libro primo ad Herennium hic notatum Brechæo est; sic educere ad animum, educere ad corpus referri docet Labinus exemplis, in Plaut. Curcul. Sed quæ hæc sint, etiam quæritur, nam ut discat filius legere, scribere, & reliqua grammatica, hoc omnes volunt, ei a patre debitum: at artes majores ut discat, Medicinam, Jurisprudentiam, non omnes volunt, ego tamen sequor, qui volunt: non enim video differentiam, nec sumptus majores iusta differentia sunt. Et ratio fuerit discriminis etiam latior, legis definitio & regula, quam actuum nostrorum est, quod idem Alciarius exposuit in prin. lib. 3. de ver. sig. nam & stricti juris censentur contractus: & ultimarum voluntatum ea est natura, ut de herede minus onerando curare debeamus, l. 67. unum ex familia §. 6. ff. de leg. 2. Ea porro erunt non ad molliorem, quod forsitan verbo cultus significari potest, sed ad necessitatem, ut balneatio, tonsura, his similia; nam sumptus in balneas non minimi propter quotidianas lavationes, quibus utebantur: quos pueri tantum non solvebant, quod indicat Juvenalis Sat. 2. & vetus illic

Nec explicat Commentarius; quicquid sibi diversum exponit Lipsius in antiquis, pueris hi sumptus nec præstabuntur, quia nec solvunt ipsi, & mox tractabo ad Legem proximam. Hic, quid de medicamentis & salariis medicorum nobis agrosi? Et hæc præstabuntur ab eo, qui victum debet, ut Interpretes censent bene.

*Vestem quoque victus habere vicem, Labeo ait.* ] Ergo vestis non est in victu: venit tamen, quia sine ea victus nec est. l. 234. Sed quæ vestis? audiemus in l. 41. Ait, *Ad vivendum necessaria.* Unde victus nomen, quia vitam retinet, ait Isidorus lib. 20. ad rationem hanc Jurisconsulti potius, quam ad etymologiam respiciens. Sic & Alex. cons. 177. lib. 6. Habitationem, vinum &c. medicinas, lectum, vestes, alia necessaria ad victum alimentorum appellatione contineri scribit. Alii vestimenta, cibariaque, non item reliqua, ut Paul. Castrensis in l. si cum doctem §. si autem num. 2. ff. sol. matrim. in l. 2. num. 4. C. de episc. aud.

#### XLIV. GAJUS Libro vicefimosecundo.

*Et cætera, quibus tuendi, curandive corporis nostri gratia utimur, ea appellatione significantur.*

#### A L B E R I C U S.

Necessaria tamen, quod proxima lex dixit; quæ qualia sint, iudex ex qualitate personæ, more & ingenio regionis, summa bonorum æstimare debet, alio pane procerum, alio vulgi. *Plin. lib. 19. c. 4.* Habitatio igitur venit victus appellatione, quia nec tueri corpus possumus sine tecto l. legatis 6. ff. de alim. leg. si quis tamen alimentis renunciarer, non etiam habitationi renunciasse censetur, neque vestiario l. 8. §. 7. ff. de transact. Et videtur hoc juris esse singularis, quod nec aliam rationem habeat; quam legis voluntatem, ait enim. *Cum Divus Marcus specialiter etiam de istis transigi voluerit.* Sed est tamen ratio, quoniam victus nomen etiam periti quidam putant ad cibum tantum pertinere l. 234. & alimentorum nomen, quod continet vestes quoque, a vestiario sæpe separatur ex causa, ut in l. 13. §. 1. l. 16. l. 18. l. ult. de alim. lega. Itaque noluerit Imperator decipi  
in

in causa illa alimentorum favorabilissima renunciantem & transgentem. *Tuendi curandive.*] apta hyemi, apta aestati, apta itineri, apta commorationi, apta locis tutis, apta intus, cum id genus reliquis, quæ alii adnotarunt. Quæ iudex omnia aestimabit, nam alius rusticorum victus a nostro, alia ratio Romæ, alia alibi, alia virorum, alia mulierum, alia puerorum cum pluribus similibus. Sed præcipue animadvertendum nobis est; si non simpliciter de victu dictum sit, sed de victu quotidiano: nam cibus solus & potus prestabitur, non etiam vestis; ut hic ait Rebuffus, *arg. l. solens. in fi. ff. de off. procurs. & l. ult. ff. de mun. & bon. & facit ratio*, quoniam quotidie vestes non habemus novas: itaque, non quemadmodum quotidie nos pascere potest, poterit etiam vestire. In diario præterea hoc diserte cautum *l. diariis. ff. de alim. leg.* immo ego neque in mensuris alimentis teneo latam istam significatiqnem, eadem mea ratione, sed & *leg. 17. leg. 18. Digest. de alimentis legatis* ubi vestiaria annua præstari videmus, & fit sane ne vel mensibus singulis vestes præbeantur; sed aut annis, aut senis mensibus *l. 1. Cod. de mil. ve.* Item si materia non patitur, latam hanc interpretationem non adumemus. Ergo si detur usufructu, ut accipere ad victum possit: non is ad vestes accipiet *l. plenum §. idem Nerua. ff. de usu. & hab.* Verum an hæc procedant etiam in nomine alimentorum? utique item & alimoniarum, sive alimonii genere neutro *l. 73. ff. de ju. do. l. 4. ff. de agn. lib.* item impendiorum item sustentationis, item in verbo nutriendi, item educandi, & similibus, ut late hic per Rebuffum, in verbo educendi aliquid præterea esse dixissem, & facilius ad cultum animi hoc protulissem, & vero hæc est differentia, quod educere ad animum refertur, ut docet Lambinus in *Curcul.* & de Nonio idem in *Menachmis*, educare ad perpetuum, alere ad victum temporalem spectare scribit. Sed neque ista, neque illa differentia nostris cognita, & educare & reliqua paria, *l. ult. ff. de alim. & cib. leg.* nam *eductos libere* ait Terent. in *Andria*, *educta ita uti sequi illaque dignum est*, in *Eunuch.* *meo labore eductos*, in *Adelphis*. Sed quod nos, ait Donatus in *Adelphis*, *educare dicimus, educere veteres dicebant*. Non idem autem esse in nomine cibatorum, certum est: & probant omnes, & ostendit satis *d. l. 234.* nisi consanguineo scilicet deberentur, aut servis, quod

Re-

Rebuffus ait per l. 113. *servo. §. 1. de leg. 1. l. 18. §. 1. & 2. Digest. de alim. lega.* quodque ego probatum non video ullibi, certe nec per *somnium in leg. 113.* sed nec in aliis, in quibus tantum notare licet, alimenta quæ dicta sunt, ea cibaria quæ dici, neque ullum ibi jus singulare notatur. Sed Jurisconsultus, dum quæritur de alio, verba non moratur. Ita & in §. 2. dum definit de præteritis non petitis cibariis & vestiario: non satagit reliqua speciei propositæ verba recensere: & tamen de vestiario etiam cautum credere decet per §. *seq. & alias leges.* Cibariorum appellatione, nec sumptus in valetudinem facti, aut medicorum continentur, nisi modici sint, ut ajunt per l. *in rebus. §. possunt. ff. comm.* Et neque hoc probo: quia debeat hos commentarius; quoniam & usum capit modice. Sed qui nunc cibaria debet, quid capit? is igitur nec modicum quid præter cibum præstabit, hoc est, & potum, nam etsi eius distinguatur a potu in lege præcedenti, non tamen cibum, nec sine potu cibamur recte; & de cibo dictum sit tanquam de parte præcipua. Itaque etsi datum alicui edere apud Titium, ille & bibere illic poterit. Item & contra: Sed quia habet bibere, is jentaculum, aut merendam, aut collationem habebit, non prandium, aut cœnam. Quæ de vulgari nostro sermone sunt omnia. In nomine cibi elegans est, quod Donatus in Andriam, illud & delicatiorum esse; victus autem appellationem in parvis, aridisque alimoniis esse constitutam. Neque aliter capiam verba illa Ciceronis, sive Catonis in Muræniana, *Negat verum esse allici benevolentiam cibo, id est, iniquum & Reipub. damnosum, populi benevolentiam epulis conciliari, allicive.* Sed nec nostris ista differentia observata est, nec vera videtur. Victus nomen referri ad homines, non ad equos; itaque nec alendi equi ab eo, qui victum Sempronio & suis debet, ut respondit Baldus *cons. 192. Quidam. vol. 5.* & hic adfert Rebuffus, qui & limtat.

## XLV. ULPIANUS octavo.

*Instratum omne vestimentum contineri, quod injiciatur, Labeo ait, neque enim dubium est, quin stragula vestis sit omne pallium περιδωρα. In victum ergo vestem accipimus, non stragula. Instratum omnem stragulam vestem.*  
AL.

## ALBERICUS.

*Si victum, vel stratum inferri quis judicato non patitur, utilis in eum pœnalis actio danda est: vel, ut quidam putant, injuriarum cum eo agi poterit.* l. 34. Dig. de re jud. quam speciem & Alciatus, & alii notant. Stragulum, vestis, quod in stratu, & in amictu aptum sit. Idid. lib. 16. *pallio amica dormiens opertum se vidit.* Valer. Max. libr. 1. cap. 7. Hic explicatur causa, cur adjectum de stratu sit; nam ex proximis superioribus disputationibus scimus, nomine victus deberi & vestes; de Festo autem, sive Paulo cognovimus, vestem generaliter dici, ut stragulam contineat, forenses muliebres: sicut vestimenti nomine dici de parte aliqua, ut de pallio, tunica, cæteris, itaque qui victum dicit, is & strata dixerit. De pallio illa sunt: *nec in lecto pallia nostra sedent.* Ovid. Eleg. 2. lib. 1. *Et dormit in pallio suo &c.* Tert. lib. 4. adv. Marc. pallium & mulieri tribuit Tert. de virg. vela. sic & Catullus in obsceno carmine. Cæterum ut hæc vera sint, non ramen illud prorsus verum, ut in victu veniat omnis vestis, in victu vestis venit, sed non omnis, in stratu omnis, itaque de stratu additum, quo omnis comprehendatur, comprehendatur stragula, quæ in victu non comprehendebatur. *Instratum &c.* ] hæc adsertio, *neque enim &c.* ] hæc ratio, quæ sic explicanda est, pallium *πεπλοποινα* injicitur. Sed pallium *πεπλοποινα* est vestis stragula. Et vestis stragula continetur in stratum. Ergo pallium *πεπλοποινα*, quod injicitur, continetur in stratum. Ergo vestimentum, quod injicitur, continetur in stratum. Et si hoc, certe & aliud omne vestimentum, quod injicitur: quia non potest esse ratio differentie. Et pallium *πεπλοποινα* sic conjunctim dicitur, ut metra verba, marmora monumenta, arvus ager, laniena taberna, ancile scutum, rete jœculum, lapidem silicem, pœnam multam: sic pallium *πεπλοποινα*. Scalig. in *catalect.* *Stragula vestis &c.* ] modo dixit vestimentum, quod nunc dicit vestem, sed Grammaticus fecit inter hæc discrimen. At non faciunt nostri: & ait l. 23. ff. de au. & arg. leg. *Vestis, an vestimenta legentur nihil refert*, immo faciunt per hanc ipsam legem, nam singularem *vestis* facit partem plurali *vestimenta*, idque illud est, quod Grammaticus docuit, ut vestis nomen sit generale, vestimenti non, nisi plurali numero dicimus vestimenta, ut generaliter de omnibus acci-

ci.



cipiamus. Neque in lege nostra quid diversum significatur. *Sic omne pallium.* ] Pallium & pallam idem dicit Aldus Manutius vir doctissimus, & nomina facta scribit, quod palam & foris uterentur, non ut indusio, tunica, docet & illud bene *ad d. l. 23.* pallium commune vestimentum quidem, sed forma tamen alia viris, alia foeminis, itaque nec pallio uti virum, pallio scilicet formæ ejus, qua utebantur mulieres, traditur. Caterum Varro *lib. 7. de lin. Lat.* pallium facere omnino virorum videtur, & stolam mulierum: item togam eorum, istarum tunicam; quæ pariter appellantur communia *in d. l. 23.* explicanturque ab Aldo, & ego putem distinctis formis recte omnia componi posse, & specialibus appellationibus; nam ut ipse Varro *lib. 9.* ita scribit, Tunicam virilem & muliebre dicimus non eam, quam habet vir, aut mulier, sed quam habere ex instituto debet: potest enim muliebrem vir, virilem mulier habere: ut in scena ab actoribus haberi videmus. Et formam virilis pallii censeo ego breviorē: nam in vestimentis virilibus ait lex, *palliola*, in mulieribus *pallia*. Aldus legit *pallæ*. In puerilibus etiam *pallia*, sed jam notata erat forma virilis pallii, nec in puerilibus uti debuit, nisi nomine generis. *In victum ergo* ] quia scilicet dicit, stragulum contineri in stratum: & hoc verbum adjectum postquam de victu notatum est: *Omne stragulum vestem* ], non modo pallium *in epistola*, sed & rapeta, & quicquid sterni, aut injici solet; *d. l. 23. in fin. & l. 25. in princ. eod. tit.* Ex his generaliter habemus ad omnem speciem, quid instrati; stragulæ vestis; straguli; vestis non diserte, sed in alio nominata veniat. Instratum & stragulum idem. Stragula vestis ad hominem refertur: nam instratum & stragulum erit, quod injicitur equis, nec tamen erit vestis stragula, *d. l. 25.* unde ego rapeta, & quicquid aliud stragula vestis dicitur, cogo ad ea, quæ regendo homini sunt, non profero cum aliis & ad ea, quæ parietibus regendis habentur: cur enim non magis, quæ equis? nisi dicimus, quæ regendis parietibus sunt, ea apta regere & homines, & quidem regere, dum parietes regunt: id quod de equinis non dicitur. Si vestis porro debetur, quia victus legatus sit, tum angustius de non stragula accipietur; dum enim hic debetur vestis, quia sine ipsa non recte vivimus, ad vestes utique cogemus interpretationem, sine quibus vivere non

rectè possumus: non ergo ad stragula proferemus, ut exponam  
in l. 234.

XLVI. Idem libro quinquagesimo nono.

*Pronunciatum & statutum idem est; promiscue enim &  
pronunciassent, & statuisse solemus dicere eos, qui jus habent  
cognoscendi.*

ALBERICUS.

Latum verbum *cognoscendi* & itaque hic idem Ulpianus hoc  
eodem libro quinquagesimo nono ad Edictum, si recta, ut opi-  
nor, inscriptio. l. 5. ff. de re jud. *At prator Cujus de ea  
re jurisdictionis est; melius scripisses, Cujus de ea re no-  
tio est. Etenim notionis nomen etiam ad eos pertineret, qui ju-  
risdictionem non habent, sed habent de quavis alia causa notionem;*  
habent notionem iudices dati, arbitri juris, compromissarii, ut  
per interpretes ibi, & Alciatum hic, & in l. 99. jurisdictionem  
non habent, quia magistratus non sunt, qui soli habent jurisdi-  
ctionem; habent notionem de quavis alia causa, idest, ut ego  
censeo, aliena, ad alium spectante; alterius jurisdictiones. Sed  
quæro, an verbo cognoscendi, & nomine notionis contineatur  
etiam pronuntiatio; utique continetur: nam datus iudex, ut  
cognoscat, is & pronuntiabit; quod nostrates tractant ad l. 1.  
ff. de off. ej. cui ma. est juris. & discrete ponit hæc nostra lex;  
& ita si causæ cognitio sit mandata, etiam definitio mandata  
videtur; ut post alios etiam Rebuffus ad l. 56. sed communis  
tamen contra in l. a Divo Pio ff. de re jud. Judiciale verbum  
est cognoscere; igitur neque adfessores hic non significantar, qui  
nec sibi cognoscunt, sed magistratui & iudici, apud quem causa  
agitur; quod est cognoscitur. l. pen. §. ult. ff. de vac. mun.  
Porro ad legis nostræ definitionem, & definitionis rationem  
quod attinet, bene, & pluribus testimoniis adstruit Rebuffus  
utrumque. Sed illud quæritur, an ex proprietate sit usus iste  
promiscuus, & Accursius, & Alciatus non verum semper ajunt:  
ergo non ex proprietate: eadem enim semper proprietas, & ab-  
usum palam dicit Brechzus. Verum ita dicendum est, quod si  
quæ-

quæritur de definitione legis nostræ absolute, etiam falsa sit, nedum impropria: nam pronunciare est oris, statuere deliberationis; item qua in eodem genere, differre tamen in multis sentimus; quod si de utroque verbo in proposito, quod lex considerat, agimus, proprie immo legis definitio stat; propositum est in alterutro verbo de ore cognoscentis emisso; quæstio est, si idem potest utrumque. Ratio dubitandi esse quibatur, quoniam forte statuendi verbum videbatur firmitatis majoris, aptum interlocutionibus magis, quæ per appellationem non suspenduntur; sed quibusque sententiis parere necesse sit. Contrarium definitur, ut imo utrumque possit, statuo & præcipio, recte sententia; non enim solum per verbum Absolvo, & Condemno fertur; nam intentioni. serviunt verba. l. 15. de ver. sign. Imo & omnis interlocutio recte dicitur definitiva: quia articulum definit. Et secundum Decretum habet vim definitivæ, quia jus patris absorbet. Alex. conf. 208. vol. ult. Vide, quæ de Interlocutionibus disserui lib. 3. Lætion. Sequitur

*Matremfamilias accipere debemus eam, quæ non inhoneſte vixit; matrem enim familias a cæteris fœminis mores discernunt, atque ſeparant; proinde nihil intereris, nupta ſit, an vidua: ingenua ſit, an libertina; nam neque nupta, neque natales faciunt matremfamilias, ſed boni mores.*

Quintuplex definitio habetur in quæſtione, quæ ſit materfamilias; nam Helius Meliffus, quem ſummæ jactantiz Grammaticum ait Gellius, matremfamilias definivit, quæ ſepe peperit; matronam, quæ ſemel, & lſid. lib. 9. hanc habet diſtinctionem, & addit, quod ex duobus incipit eſſe materfamilias; ſed eam reſutit Gellius lib. 18. c. 6. & abſurdum Feſtus, Noniusque tradunt; & dicunt ipſi, matronam eſſe; quæ in matrimonio eſt; etiam ante ſuſceptos liberos meliore matris futuræ ſpe: ſed matremfamilias, quæ adhuc eſt & in familia & mancipio patrifamilias, eſi in mariti matrimonio & mater eſt: neque enim, inquit Feſtus Pauli, materfamilias ante dicebatur, quam vir ejus paterfamilias dictus eſſet: nec poſſunt, hoc nomine plures in una familia præter unam appellari; ſed nec vidua hoc nomine, nec qua ſine ſitiis eſt, appellari poteſt; matronas appella-

*hant eas fere, quibus solas habendi jus erat. Tertia definitio tantum exigit, ut in manu viri sit, quæ est Gellii, & Ciceronis, & aliorum antiquorum; eamque Alciatus hic explicat. Sed qui est in manu viri, si est in manu patris? §. 1. Inst. de S.C. Tertull. quæ in manum viri conveniebat, dicendum est, exire illam de potestate & manu patris; atque ita accipere oportebit, quod ex Varrone retulimus ad l. 7. de sponte, idest voluntate, idest manu patris exire; matrona autem illa fuerit; quæ in matrimonium, non in mariti manum, convenerit: ut ait Gellius. Ast (quod quartæ definitionis fuerit) materfamilias alibi dicitur ramen, quæ suæ est potestatis. l. 4. ff. de his, qui sunt, &c. Sed est & quinta in lege nostra, item in l. 3. in fin. ff. de lib. exhib. & ad hanc significationem spectat, quod recitat pro Quintio Cicero, *Vetus est, de scurra multo facilius divitem, quam patremfamilias fieri posse*. Jam quid tenebimus? primum illud, differentiam hodie nullam, nec legibus nostris, inter matronam & matremfamilias; id, quod Cujacius observavit lib. 3. obs. c. 18. & merito, quoniam illæ rationes perierunt, quibus illa distinctio fiebat. Tum dicemus matremfamilias, quæ suæ sit potestatis, idest, non sub potestate patris; sic enim loquitur ea l. 4. quæ alteram scilicet partem divisionis prosequitur eorum, qui sub aliena sunt potestate; & matremfamilias dici audiemus, quæ sub potestate viri est. l. 195. Demum cum lege nostra matremfamilias ita definemus, Materfamilias est, sive matrona, quæ patris potestate liberata, sive nupta sit, sive vidua, sive ingenua, sive libertina honeste vivit; nam neque nuptia, neque natales faciunt matremfamilias, sed boni mores. Et vera est sententia Alciati, ne sit satis solutio patris potestatis: quia non ex una lege, sed ex omnibus, quæ eodem spectent, definitio componenda est; non igitur ex sola lege 4. ff. de his, qui sui sunt, &c. Nec nocet l. 8. & l. 10. ff. de adult. nam fuerit materfamilias, sed non post adulterium. Sed & quod de libertina hic traditur, notandum est, quia ut spectat auctoritatis sit materfamilias, id quod quaeritur per d. l. 3. ff. de lib. exhib. nihil hujusmodi natio nocet. Verum quid si infamiam ex natalibus contraxerit vere? nata ex incestu, alia etiam tantum naturalis, quæ & ipsa infamia facti laborat, ut quamplurimi volunt: ut notat Pistorius Germanorum doctissimus, *quest.**

30. vol. 1. censerem ego vix esse dignam nomine isto, quoniam, nec spectata auctoritas ejus esse potest, nec tuta est a querela inofficiosi tanquam turpis persona; ut idem Pistorius concludit recte, & solide; ut, si non valet ad defensionem, minus valeat ad petitionem, ad petitionem eorum, qui matrisfamiliae debentur: & propter quae disputatio ista facta est; *matronae a magistratibus non submovebantur, ne pulsari, contrectarive viderentur, neve gravida concuerentur. Sed nec viri earum, sedentes cum uxoribus in vehiculo, descendere cogeantur.* Paulus Festi, at haec non persequor; in jus vocanti matronam corpus ejus attingere nefas, Val. Max. lib. 2. c. 1. Plinius, Lolliam Paulinam Caji principis matronam, idest uxorem vocat. Mirum vero videri potest, quod & liberta, quae in concubinato patroni est, matrisfamilias & matronae honestatem habeat. l. 41. ff. de rit. nupt. l. 13. in prin. ff. de adult. Sed id est, quoniam *honestius sit patrono libertam concubinam, quam matremfamilias habere* l. 1. ff. de concub. & materfamilias hic pro uxore, non quia liberta concubina non sit materfamilias, sive matrona, aut jura matrisfamilias non habeat: quod esset contra jam constituta; immo viris amplissimis liberta, nec potest uxor esse, quibus & est humilis, abjectaque l. 7. C. de inc. nupt. Atque ex his videtur, bonos mores hic intelligi, qui tales utroque jure sint, & civili & naturali, sed civili magis. Alii, matronas, virgines nobiles, matremfamilias, quae per conventionem in matrimonium convenit. Servius lib. 1. Aen. Puella etiam apud scortum matrona esse potest si bonis praedita moribus; audi Donatum. *Glycerium matrona esse potuit, quia recte morata*, in Andria. Totum hoc argumentum voluit & Røvardus explicare lib. 4. Var. c. 12.

XLVI. PAULUS Libro quinquagesimo sexto  
ad Edictum.

*Liberationis verbum eandem vim habet, quam solutionis.*

A L B E R I C U S.

Sed quam habet vim solutio? videbimus ad l. 176. certe *solutionis verbum pertinet ad omnem liberationem quoquo modo factam;*

*Etiam; magisque ad substantiam obligationis refertur, quam ad numerorum solutionem* l. 52. ff. de solut.; itaque dicitur, quod & satisfactio pro solutione est. l. 52. eod. Atque cum ad obligationis substantiam referatur nomen solutionis, non ad ipsum actum numerandi, aut aliud quid faciendi, quod debitum est; idemque penitus sit in nomine liberationis: recte utrumque vis ejusdem adseritur. Liberatio est solutionis effectus; igitur, *De solutionibus & liberationibus*, tum non sunt idem; sed solutio, absolutio, dissolutio obligationis ex solutione ejus, quod debetur, ea idem est cum liberatione; & loqui ita hæc lex videri potest. Verum imo loquitur, dum solutionis verbum ad numerorum, alteriusve debite rei solutionem, non ad substantiam obligationis refertur; hoc enim casu liberationis verbum non eandem vim habet, quam solutionis, at idem omnino est. Habet porro eandem vim liberationis verbum, quia vis solutionis est, ut contingat liberatio: & in liberatione liberatio est. Sit igitur hæc species, ut quis quid solvere teneatur: & queratur, si liberatur, nec solvat, an satis obligationi fecisse; eamque implere, censetur; & censetur per hanc legem. Sed videamus, quomodo liberatio contingat, ut plenius cognoscamus de hac vi. Et volente creditore, nihil est questionis. Sed & si ille nolit, velle autem debeat, idem est; igitur si quis pecuniam solvat, siue compensationem opponat; invito creditore liberabitur, & solvisse dicetur. l. 4. ff. qui po. in pig. bab. l. 2. C. de compens. si scilicet compensatio locum habet: alioquin nec liberatio fieret; & breviter, ubi liberatio fit, quoquo modo fiat, ibi idem jus ac si solutio facta esset. Sic, si objici, nisi solutio, non possit alia exceptio, opponetur tamen alia quævis causa; unde facta liberatio est, ut hic de Alberico Rebuffus docet. Hæc omnia non obtinent, si id actum, ut ipsum, quod venit in contractum solvatur: tum enim nulla alia liberatio locum habebit; quod hic interpretes tradunt. Verum non apte: quoniam de liberatione jam facta est lex nostra: Interpretes scribunt, si potest liberatio fieri aliter quam per solutionem, quæ alia questio est; ut illa est questio de procuratore ad solutionem accipiendam: in qua frequenti consensu constituitur, ne aliter quam per solutionem liberare debitorem is procurator possit; contra quam sententiam male alii, pro quibus & pugnat Alciatus in l. 176.

*l. 176. nam qui cum hoc procuratore, quid agit, utique de ipsius mandati vi certus esse debet. l. qui cum alio. ff. de reg. ju. & ibi dicam.*

**XLVIII. GAJUS libro ad Edictum Prætoris urbani,  
qui neque sequantur, neque ducantur.**

*Solutum non intelligimus eum, qui licet vinculis levatus sit, manibus tamen tenetur; ac ne eum quidem intelligimus solutum, qui in publico sine vinculis servatur.*

**A L B E R I C U S.**

Diximus in *l. 39. §. detestari*, duci eos vi, qui nolint sponte in jus ambulare, & vocantem sequi, retulimusque ad legem 12. tabularum eam definitionem, a quibus proculdubio tanquam unico fonte totius Romanæ legislationis & Edictum Prætoris urbani in eodem argumento manavit: ut ostendit titulus in jus vocati ut eant; quod erat tamen ab eodem Prætoris temperatum in quibusdam personis; quod docet titulus de in jus vocando: ubi personæ illæ recensentur, quæ neque sequi, neque duci, sed neque vocari debeant: Huc spectat Epigraphe præsentis legis, quam ante libros Florentinos non perceptam scimus, & ridicule vitiata libris Æduensibus referunt, *Vacca Prætoris urbani titulo servantur, ut neque sequantur, neque ducantur*. Sed legem ipsam aperiamus. Solutus dicitur, qui non est obligatus *l. 123.* & obligatio ad vincula refertur. *Inst. de oblig. in prin.* quæ eum, qui manibus tenetur, non habent. Ergo qui manibus tenetur; solutus est; idem & de eo, qui sine vinculis servatur; isti non sunt vincti. *l. 216.* Ergo sunt soluti. Alconius: *Destitutus potest sine vinculis in diversum manu ducentium ferri. Obligatus etiam nodis vinculorum in loco intelligitur*. Vid. *Felin. in o. 4. nn. 8. de iurejur.* Hæc certe ratio gubitandi. Sed diversum tamen respondet Jurisconsultus; ait, *Solutum non intelligimus* &c. vere & ad veritatem verbi solutus est, sed tamen non intelligimus solutum; & mox eodem modo, *ac ne eum quidem intelligimus solutum*. Et ratio definitionis est quod ratio eadem est, siue quis vinculis, siue manibus constringatur, aut carcere, aliterve con-

contineatur, ne eat, quo vocatur: ut legem semel explicemus ad Epigraphen. Et spectat species Edictum, *Ne quis eum, qui in jus vocabitur, vi eximat*; nam eximendi verbum generale est; nam & si retinuerit, non abduxit, hoc verbo teneretur l. 4. ff. *ne quis eum*, &c. Sed & verbum solvendi sic late patet, ut vel ex usu referri huc quoque possit. Sicignum solvi, l. 1. ff. *de ti. in corpora soluta*, l. 30. ff. *de usu*. & ejusmodi alia; & solutio potestatis herilis: patriæve, quæ missione de manibus perficitur; l. 4. ff. *de just. & ju. manibus* scilicet teneretur filius, servusve, quibus laxatis, & reliquis solemnibus adhibitis, manumissio constabat, & potestatis solutio; quæ de nostris, & Festo cognoscuntur; *qui in publico*; ] in carcere, ut explicat Fornerius; placet tamen & Alciati sensus de eo, qui extra carcerem adser-vatur. Reliqua dicuntur ad d. l. 216.

XLIX. ULPIANUS Libro quinquagesimo nono  
ad Edictum.

*Bonorum appellatio aut naturalis, aut civilis est; naturaliter bona ex eo dicuntur, quod beant, hoc est, beatos faciunt; beare est prodesse. In bonis autem nostris computari sciendum est non solum, quæ dominii nostri sunt, sed et si bona fide a nobis possideantur, vel superficiaria sint. Æque bonis adnumerabitur, etiam si quid est in actionibus, peritionibus, persecutionibus, nam hæc omnia in bonis esse videntur.*

A L B E R I C U S.

Quæ sit civilis appellatio, non explicatur. Accursius ait, quæ onera admixta habet; & ego probo, quod naturalis, altera pars divisionis, in his est, quæ tantum habet commoda, quæ beat. Alciatus civilem refert ad facultates; & naturalem ad omnia, quæ profunt; bona animi etiam, & corporis; & idem Rebuffus & Brechæus sentiunt. At non ita loquuntur Jurisconsulti, sed ut vulgus; qui bona non intelligit nisi quæ fortunæ; quod Nebriffensis notavit, & verum est; & ita Suidas: Bonum id vulgo dicitur, cujus est aliqua utilitas. Et Cicero queritur  
bonos



bonos nullos esse, omnibus pariter corruptis, sed bonos dici locupletes; & ita ipse interpretatur. *Video, inquit, bonorum, idest, lautorum & locupletum urbem refertam fore*, lib. 8. ad Attic. ep. 1. Ut vero onera admixta sunt, ita bonorum appellatio capitur in l. 1. *Digest. de bon. poss. in l. 208. hoc titul. & alibi*. Et ratio diversu istius juris mihi esse videtur, quod natura res considerat, quales sunt: civitas vero per eum modum, qui magis expedit. Nec vero dubium est, quin civilis appellatio expediat magis, si nunquam ex naturali appellatione bona invenirentur; cedo enim hereditas vel offerissima sine aliquo onere? Quod si alicubi tamen retineri naturalis potest, ea retinebitur, dimissa civili, ad quam propter necessitatem decursus est, cum in naturali veritas adsit. Sic legimus, bona ære alieno deducto dici. *Supra l. 39. §. 1. facienda scilicet talia sunt, si non inveniantur*. Sic legitima, quæ a natura esse videtur, sit talis, & omni detracto incommodo persolvitur, & quota bonorum naturaliter hoc sensu dicitur. Plerumque bona civiliter dicimus; & rerum, commodorumque, & incommodorum universalitatem, & quasi corpus, l. 3. ff. de bon. poss. l. 119. l. 208. *hoc tit. cum sequens aliis*. Hic sensus d. l. 3. in prin. quod explicatum a nullo recte, Cujacius notat lib. 4. obs. c. 16. Ego autem a nullo non perceptum existimo. Si ipsum excipis, quia ea verba, ut *plerumque solemus dicere*, non ad hanc differant am naturalis & civilis appellationis referre videtur: quo manifeste tamen pertinet: sed illuc, si hereditatis possessio, quod idem est, an bonorum possessio plerumque dicatur. Ergo quod incommoda sint etiam in bonorum possessione, ratio fuerit, quia civilis appellatio illic bonorum est; nam, quam Alcijatus tradidit ex regula l. secundum naturam, ea ut proba sit, non est tamen secundum verba, nec finit quæstiones; quæro enim, cur non & in legitima non sint incommoda? Ita de hac bonorum distinctione: nec tamen piget etiam exscribere, quod a Corneo, Jassone, Decio acceptum Rebuffus recitat: ut naturalis actio teneatur in contractibus, & ubi stricta significatio tenetur; in legibus, & principum dispositionibus, & ubi latæ significationi locus est, civilis; in ultimis voluntatibus distinguatur, ut si de parte bonorum (cape non de quota, sed de successione singulari) agitur, naturalis appellatio locum obtineat. Et ratio pri-

primæ definitionis, quod naturalis stricta est & propria significatio. Ratio secundæ, quia civilis lata: & quia etiam secundum suam appellationem par est ut capiat lex. *Naturaliter bona &c.* ] Mihi glossemâ sapit illud, *hoc est, beatos faciunt*: quis enim ignorabat, ut tanto explicatore opus esset? nec præterea bona ut beent, faciunt tamen beatum, sed multa; & vera est Isidori etymologia, *beatum quasi bene actum*; nam & *mactus*, magis actus; & *beatus* a Varrone definitur, qui multa bona possidet, *lib. 4. de lin. Lat.* Alterum certe Jurisconsulti, *beare est prodesse*; *beatus* qui apud Græcos *μακάριος* est. *Fronto*; *beatus*, qui multa bona possidet. *Varr. lib. 4. de lin. Lat.* Ast audiamus etymologiam bonorum, quam nescire se, falsus est Cicero *lib. 4. de fini.* scivit Ulpianus noster, qui & *venator* nominum maximus, ut *Scipio* frater docet in *prin. lib. Origin.* quique eundem Ciceronem refellit in definitione *Latitare. l. 7. ff. qui. ex ca. in poss. ca.* At *Ulpianus*, *ex eo dicuntur, quod beant*; subdit *Fornerius, concinna verbi allusio magis, quam veriloquium.* Ego veriloquium puto; nam putaverit *Ulp.* a principio, sicut & *duonum*, pro *donum*, dictum fuisse, *Festus* testatur: ita & *bonum* quasi *beonum*, vel ut hodie Itali pronunciant, *buonum*. Iidem *bona*, idest, facultates, *Beni* appellant; nomina enim fuere post contracta, ut essent aptiora, & sonarene gratius: itaque bellum quod duellum, & cætera, quæ *Cicero* notat in *Oratore*; & *Varro lib. 6. de lin. Lat. Festus Pauli*, *Bona, substantia rerum, quod digna sit bonis.* Sequitur. *In bonis autem nostris computari sciendum est non solum quæ domini nostri sunt.* ] Id quod credi poterat bene, quia ut *meum* & *tuum* significare dominium videntur, ita & *nostrum* videatur. Sed illam quidem strictam vocabuli significationem dicemus ad *l. 91.* hæc tamen recta quoque: ut singula explicando audiemus. *Sed etsi bona fide a nobis possideantur.* ] Et hæc sane verba, *meum, tuum, nostrum, vestrum* possessiva a Grammaticis dicuntur; qui de possessione perpetua capiunt, adeoque de dominio intelligunt: quia idem sit dominium, & hæc ipsius figura ut scribit *Baldus ad l. ult. u. 16. C. comm. de lega.* itaque pene domini loco is possessor tenetur. *l. bona fidei. ff. de adq. ver. dom. l. 25. ff. de usur.* & dominus appellatur in *l. si fur. ff. de usuc.* Jure etiam naturæ dominus omnino, qui possidet, ut notatur

tatur ad l. 1. ff. de adq. poss. Et hæc certa sunt, quia non sic accipiuntur, quasi ipsa res, quæ possidetur, sit in bonis possessoris, sed quod ipsum jus possidendi in bonis sit; nam si res ipsa diceretur in bonis, qui vindicari ab eo posset? qui ejusdem rei in solidum domini duo? id liquidius claret in sequentibus: ipsum etenim jus agendi est in bonis, ipsum nomen debitoris, non quod persequimur. Itaque possessio ejus juris traditur; illud jus in executionem venit, non res ipsa. l. 15. ff. de re jud. Sed illæ sunt quæstiones difficiliore, Qui possessor, Quæ bona fides. Ego priorem pono ad l. 115. Bonam fidem nostrates ajunt, quæ proba opinione, & iusto titulo stat; & nos exponimus ad l. 109. Sequitur; *Vel superficiaria sint.* ) Superficies ( inquit Veconius lib. 2. decl. 43. ) geometris longitudo & latitudo sine profunditate; Grammaticis, & nostris superior pars & facies ( sic Prisc. lib. 14. a super compositum nomen ait ) cujusque rei, quæ oculis cernitur: eo tamen ulque, quò penetrant solares radii; nam pro eo, quod restat ulque ad centrum, non inepte superficies. Superficiaria porro, quæ ad superficiem pertinent, ita ædes superficiariæ, insula superficiaria, & quæ hic superficiaria, quæ aliquando ipsius etiam superficiei nomine significantur, tanquam contenta continentis. l. damni. §. ei. ff. de dam. inf. & aliis, superficies irem est, quod natura solo cohzret: l. obligationum fere, §. placet; ff. de oblig. itaque domus non est superficies, quæ hominis artificio cohzret, non natura. Sed est superficiaria, idest, pertinens ad superficiem, & pars etiam superficiei, ut fructus pendentes pars fundi. Itaque & distinguit Camillus Liv. lib. 5. in superficie, tignisque caritas nobis patria pendet! Verum quod de superficiariis hic traditur, idem de emphyteuticis, & feudalibus interpretes adserunt. Et sane hæc etiam in bonis sunt, quia eorum jurium domini sumus, nam quod infcio, aut invito directo domino in bona hæc alius ire non possit, id non facit, quo minus in bonis sint ea jura: sicut in bonis nostris non minus dicitur, quod alienari a nobis nequit: hæc etenim nec de substantia domini sunt, ut ait Zasius conf. 1. Sequitur, *aque bonis adnumerabitur &c.* ] Distinguntur ista: sed uno actionis nomine poterant omnia contineri. Illud etiam dico, quando irrepsisse in me hodie aliquid de Criticis videtur, glossema videri postrema hæc.

*Nam hæc omnia in bonis esse videntur ; quid enim aliud ab illis, In bonis computari ; bonis adnumerari ; nisi censemur dictum computari, & adnumerari, non quia exacta ratio hæc postulet, at quia ea est hominum opinio : ita nobis videatur ; & ea opinio valeat valde in hujusmodi constitutione. §. in fraudem. Inst. qui. ex ca. ma. non lic. Igitur in his postremis ratio sit, quod puto. Et hæc videantur in bonis esse, non quemadmodum possessiones & superficiaria, quæ ipsa talia sunt : nam quæ sunt in actionibus, ea propter spem sunt talia. l. 52. rem ff. de adq. re. do. sed hanc partem asseremus in l. 91. Confer etiam scripta ad l. 39. §. 1. Sic in ea, quæ obligavit omnia bona sua ; quod censeatur etiam obligasse jura & actiones ; per hanc legem post alios respondet Alex. conf. 47. Vol. 3. Item ubi in aliqua dispositione fit mentio de bonis universaliter alicujus, idem judicatur de bonis, quod de hereditate ; & certum quod hereditatis nomine veniunt jura & actiones, alii, Decian. conf. 113. vol. 3. Etiam verius est jura & actiones venire nomine bonorum in quacunque dispositione, hic textus apertus, alii, Decian. eo. quicquid contra Dominic. c. hac consultissimo prin. not. 4. de re. eccl. non al. 6. Imo, cle. quia contingit. not. 7. de sta. mon. Gui. Pa. conf. 52. & conf. 60. Nihil enim facit, quod ut diversa nominantur aliquando utraque bona & jura : nam ad tollendam dubitationem Decian. Item quod evincitur, in bonis nostris non est. l. 250. si. seq. nec enim tum dominus ; nec possessor jam bonæ fidei, qui in bonis est. l. rem in bonis, de adq. re. do. largo modo scilicet ; alias quædam nec in bonis, nec extra. l. 1. de usufr. leg. data in feudum computantur in bonis vasalli, dotalia non in bonis viri ; adde Dec. ad l. 150. de reg. jur. Sic qui nequit rem acquirere, nec actionem ad rem potest. l. si ad rem solvendam. C. de prad. mi. vide Dec. ad d. l. 15. sic conductiones ad longum tempus in bonis. Alex. con. 59. li. 6. quia cum dicatur abesse debitori id quod debet, adesse dicitur creditori quod ei deberur. Dec. ad l. 15. de reg. ju. Paria amittere possessionem & actionem ad eam competentem. l. si prius. ubi Bart. de no. op. nunc. ad Dec. Quod est in jure & obligatione, dicitur esse in patrimonio. Bal. in l. facere in princ. per illum tex. sol. mat. Dec. ad d. l. 15. sic veritus rem suam vendere, poteris eam vendere, ad quam habet actionem per.*

personalem. *adi. Dec. ad d. l. 15.* fictio igitur; nam & quod est in reali ut proprie dicatur habere dominium, & verè qui realem habet, tamen rem apud se non habet & minus habet propter commodum possessionis. *Dec. ad l. 15. de reg. ju.* mihi debitum large & improprie dicitur meum; adde *Dec. ad d. l. 15.* unde illa juris civilis locutio, Suum consequi; ad suum pervenire, cum quod sibi debetur, accepit; quod mihi servit dicitur meum. *l. fisci, & ibi gloss. si ser. vin. adi ad Dec. in d. l. 15.*

L. Idem libro sexagesimoprimo ad Edictum.

*Nurus appellatio etiam ad pronurum, & ultra porrigenda est.*

#### A L B E R I C U S.

Igitur non propria hæc significatio est, quod hic omnes observant; & plerique omnes ajunt. Bart. tamen, & Rebuffus contrarium docent *per l. cui eorum §. adfinitatis ff. de postul.* sed inepta istorum ratio est a verbo *continetur*, quasi verbo significante proprietatem. Bartolum & lex nostra refutat, & *l. 14. §. 2. ff. de rit. nupt.* ubi nurus per se, quod est simpliciter; & proprie, filii uxor exponitur, sed quod ad eam causam verius sit, etiam nepotis & pronepotis uxor contineatur, & ultra: quod hic dicitur. At quid hoc? & *ultra*; pro nurus appellari uxores nepotis & pronepotis ait *d. l. 14.* sed per se pronurus proculdubio nepotis uxor, ut & Paulus Festi tradit; ita ut pronepos, & proavus; tamen & de abnuru, & ultra dicatur, quia ultra dicatur, quia ultra pronurum nomina alia in usu non sint; nurus itaque dicitur etiam de pronuru, idest, uxore nepotis, quæ per se pronurus est; & de uxoribus aliorum ultra nepotem, quæ pronurus quidem dicuntur & ipsæ omnes, sed aliis tamen nominibus sunt nuncupandæ, ut aliis sunt gradibus, aut remotiori affinitate. Ergo concludit Alciatus recte, & comprobat Rebuffus, ut si cui promittatur pro nuru ejus, non esse promissionem ad pronurum ducendam: quæ scilicet æque ad pronurum spectaret, si proprie nurus esset, & diceretur. Adde his quæ dicuntur *in l. 136. & l. 146.*

LI.

per humanam viram exceditur) *maiores appellari* non quod non appellentur & parentes; nam dixit, *parentes posteriores, qui non habent* &c. sed quod appellentur & maiores. Itaque Alciatus non benefacit parentes inesse majoribus tanquam speciem generi: quoniam immo paria sunt; nisi dicimus nos, patere majorum nomen posse latius, quia etiam transversales continere possit, quod parentum nomen non faceret, quando illi nos non pepererunt; item vocabulum majorum & ad ætates refertur, notante hic Alciato, & ad alia. Stet igitur, quod & exploratum hodie omnibus est, parentes in infinitum dici, ex Gaji Cassii opinione, nam *¶ onestius est, ¶ merito obtinuit. l. 4. ff. de in jus voc.* Nota primum illum articulum *¶*, qui docet, non ex honestate sola, solaque benignitate istam stare sententiam, sed & merito; atque ideo nec nostrates habeant quicquam, quod rapiant transversum; nec belle notet (si tamen notat) Victorius nos, qui lib. 4. c. 16. var. lection. ait, *maiores parentum nomine vocari, Jurisconsultorum vult auctoritas*; quod raptum de Festo Pauli est; ait enim, *Parents vulgo pater, aut mater appellatur: Sed juris prudentes avos ¶ proavos, avias ¶ proavias parentum nomine appellari dicunt.* Tractat Alciatus mox, si eadem lata significatio vocabuli patris est; negat cum Accursio mox, si eadem lata significatio vocabuli patris est; & negat cum Accursio probe l. 7. §. 2. ff. de re. co. l. patri. ¶ seq. ff. de adult. & Cic. lib. 1. de Invent. *Patribus, aut parentibus* &c. facit quod Donatus in Phor. *parens* exponit, idest, *pater*: & ait, *nam, ut variaret, parentum dixit*; & patrem quasi non teneret parentis vocabulum; ita loquitur I. C. in l. 3. ff. de adm. tut. *si parens, vel pater* &c. Itaque male Cujacius, patres pro parentibus accipi, scribit ad tit. 4. lib. 1. de feud. qui & in secunda questione nec bene atque ad hanc præsentem ratio, præter usum, videri potest, quod pater a patratiōe dictus sit. Patratiō res Veneris est, ut notat Isid. lib. 9. & vetus gloss. in Pers. quæ patrem respicit, non ultiores; avum tamen contineri facit l. *justa infra*; unde & feudum paternum quidam potuerunt conclusisse in successione ex transverso ad quartum gradum, idest, ad patruelles, qui invicem quarto gradu distant per avum; quod & Cujacius explicare voluit. Quod porro traditur de parentis vocabulo, ut eo etiam veniant collaterales in Termonē, quo hodie uti-

urimur, & Gothico juris canonici, id & Lampidio tribuit *Alex. lib. 1. gen. c. 15.* & forte sic usurpatur ab Ulpiano in *l. 5. §. 7. ff. de re. co.* His ita constitutis, sciendum est, quod idem e contra est in nomine liberorum, ut sicut in parentibus ultra tritavum, ita in liberis ultra trinepotem omnes in infinitum eo nomine accipiuntur, eo. Cassio auctore. *l. 10. §. ff. de in jus voc. l. 1. ff. de leg. prest.* & videbimus ad *l. lib. eorum.* Idem etiam in nomine posterorum, ut & filios & deinceps alios omnes complectatur: etsi Caligula stolidus & sævus princeps negaverit, ultra filiorum gradum posteros intelligi; ut Suetonius refert, *d. §. parentes*, & alii, & Hotomanus in eadem disputatione confirmat. Illud vero notandum est, quod posterii aliquando & de ascendentibus, successoribus tamen dicuntur *Deci. conf. 250. antiqua.*

Sequitur in lege *Sed & mater &c.* ] sic in *l. 135.* sic Pacuvius, *Græcos suos parentes amat*, & de matre loquitur; & idem Pacuvius, *te, Sol., invoco, ut mihi potestatem dvis inquirendi mei parentis. Medææ matris.* Et Donatus in *Hecy. Parentis nomen commune & cum patre & cum omnibus, quos hæc necessitudo conjungit; itaque & matri*, quæ & cum reliquis supradictis consentiunt, & Festus Pauli, *masculino genere parentem appellabant antiqui*; adde quæ supra ex eodem. Et Plinius libr. 7. cap. 8. *parentes ejus scribit Agrippina*; & pulcherrime Ulpianus *frpg. tit. 6.* ut ambiguitatem vitaret, ait, *Parentis mulieris virilis sexus*; & Albinovanus ad Liviam de morte Drusi, *At miserranda parens &c.* sed & pluries hic ita usurpat; & quid mirum, si mater est, quæ parit? atque nomen hoc masculine semper enunciari scribit Charisius Grammaticus *lib. 1.* Sed verum id non est ex subjecta materia; puta si de substituendo impuberi agitur, non enim id poterit mater, licet dictum sit, ut parens possit; idem si de patria potestate; idem si ut parens litigare pro filio valeat, cum similibus, quæ recte recitat Rebuffus.

### LII. ULPIANUS libro sexagesimo primo.

*Patroni appellatione & patrona continetur.*

## ALBERICUS.

Dixi ad l. 40. §. 1. vim hujus definitionis. De patrono hic dicitur, & patrona in argumento, & correlatione libertorum. Sed id quæri modo potest, si lex nostra de patrona ipsa sentit, an de uxore patroni. Et patrona ipsa volunt omnes, quia altera non proprie patrona dicitur. Cæterum si sensus is est admittendus, qui rem magis dubiam definit. l. quod Labeo. ff. de Carb. ed. cetera de patroni uxore intelligenda videtur lex nostra magis, cui & ea deberi videntur, quæ patrono. l. 1. C. de in. jus. voc. Et ratio est, ut debeantur, quia una caro viri & uxoris; itaque & legatum habitationis viro factum, uxori præstat jus simul habitandi, cum similibus. Et consulis uxor consularis ipso jure, cum cæteris. Sed non recedam ab aliis, & de patrona proprie hic dictum capio, atque illud limitatur, si ratio, & argumentum, de quo agitur, mulieri non conveniret, puta in casibus notatis ad l. 2. ff. de reg. ju. ut Rebuffus indicat. Quæ differentie erant olim, ut aliquæ notantur ab Ulpiano fragm. tit. ult. ex hodiæ vel per hanc legem nequeunt suscitari.

LIII. PAULUS Libro quinquagesimo  
ad Edictum.

Sæpe ita comparatum est, ut conjuncta pro disjunctis accipiantur, & disjuncta pro conjunctis, interdum soluta pro separatis; nam cum dicitur apud veteres ADGNATORUM GENTILIUMQUE pro separatione accipitur; & cum dicitur SUPER PECUNIÆ TUTELEVE SUÆ, tutor separatim sine pecunia dari non potest; & cum dicimus QUOD DEDI, AUT DONAVI utraque continemus, cum vero dicimus QUOD EUM DARE FACERE OPORTET, quodvis eorum sufficit probare; cum vero dicit prætor, SI DONUM, MUNUS, OPERAS RED-EMERIT, si omnia imposita sunt, certum est omnia redimenda esse. En re ergo pro conjunctis habentur: Si quædam imposita sunt, cætera non desiderabuntur. Item dubitatum, illa verba, OPE, CONSILIO, quemadmodum accipienda sunt, sententia conjungentium, aut separantium. Sed verius est,

Tom. II. quod



quod & Labeo ait, separatim accipiendā, quia aliud est factum ejus, qui ope, aliud ejus, qui consilio furtum facit; sic enim alii condici potest, alii non potest, & sanā post veterum auctoritatem eo perventum est, ut nemo ope videatur fecisse, nisi & consilium malignum habuerit: nec consilium habuisse noceat nisi & factum securum fuerit.

## ALBERICUS.

Quæ sit conjunctiva, quæ disjunctiva, & quæ soluta sit, dixi ad l. 28. §. ult. hic explicabo argumentum plene trium definitionum, quæ in principio norantur, & discutiuntur late mox. Ea accipiuntur non ex proprietate; alioqui nihil differret conjunctiva a disjunctiva. Et causa sic accipiendi non una, in primis illa vitandæ absurditatis, pura ne minus dilectus magis dilecto præferatur. Alex. consil. 48. Vol. 1. conf. 93. Vol. 3. quæ eadem ratio, ut cum alii in ultimis voluntatibus, quæ ab unius arbitrio testatoris pendent, hanc legem valere dicant, ut alternativa in conjuncta resolvatur, veluti in l. generaliter. C. de instit. l. Lucius. l. ult. ff. eod. non idem in contractibus adnoverint, atque ita l. cum acutissimi. C. de fideic. non obtinere in contractibus. l. 1. Cod. de post. Bald. Alex. conf. 28. Vol. 3. Molinæus tamen ad evitandum absurdum pariter & in contractibus hujus legis distinctionem recipit. Prima autem definitio est, ut conjuncta sæpe pro disjunctis accipiantur, idem vero in omnibus hujusmodi articulis esse Priscianus ait, & statim de disjuncta notabimus hic. Quando igitur sit, ut conjuncta pro disjunctis accipiantur? Et primum, si de voluntate constet disponentis, non oportet dubitare quin hoc fiat. Secundo ad sustinendum libellum sit, ita Decius post alios conf. 212. & secundum se judicatum ait in parlamento Delphinali etiam contra Castrensis consilium. Et ego non dubito, quin idem sit ad sustinendum alium quemvis actum, quoniam nec diversa dici ratio potest: & potentissima est ea interpretatio, quæ facit actum valere. Terrio posita conjunctiva inter contraria omnino evadit in disjunctam; quia simul contraria stare non possint, sic l. si Titio ff. de usufr. leg. & l. 26. supra, & ita alii, ac Dec. conf. 27. Quarto idem contingit ubi caritatis simul & necessitatis ordo

prodo queritur: ut in institutione filii & nepotis, nepos enim sic instituitur ab avo, ne filio precedente prateritum se inveniat, & testamentum rumpat. *l. Gallus*. Idem adseruit Bartolus, & quidam alii etiam cum non ita necessario instituitur quis, atque gradu posteriorem una non succedere contendunt. Verum istorum opinio plurium calculis rejecta est, ut per *Dec. cons. 95*. Quinto non conjungit conjunctiva in synonymis, *l. 1. ff. de pact.* ubi est ex positiva idest, atque sic multis aliis in locis capitur. Sexto pro disjunctiva capitur, ut absurdum vitetur; exemplum, si quis filiis & heredibus stipuletur; nam & solis heredibus stipulatus censetur. Bart. in *l. Gallus*, §. *etiam*. *Alc. hic*, & alii, Jafonque ad *l. 1. ff. de inst. & jur.* ubi argumentum hoc tractat; & unde sua omnia Alciatus accepit. Septimo, si quodlibet conjunctorum per se ponitur non respectu alterius, disjunctionem habemus; & hoc est exemplum in lege nostra, ADGNATORUM GENTILIUMQUE, Alciatus hic monet, & aliud est in *l. 1. §. 3. ff. de it. ac. pri.* Octavo, si unum satis ad effectum, conjunctio pro disjuncta est, ut si infames dicantur, nec idonei ad testimonium ferendum qui mandati & tutelæ damnati sunt. *Bal. Jaf. eod.* Nono, inter orationes non fit conjunctio. Bart. *Jaf. eo.* Decimo in adjectivis idem. *l. ea tamen adjectio, ff. de leg. 3.* etiamsi substantivum respiciant, sed generale, vel indefinitum, *l. 1. ff. de ju. & ju. l. qui concubinam ff. de re. dub.* & Socinus & Alciatus recte docent, etsi Bartolus contradicat, ubi aliquod substantivum fit. Undecimo idem & in appellativis si materia odiosa non sit; exemplum *Lego Medicis & Doctoribus*, ut per Alciatum. Sic, si quis instituit filios Titii, & heredes, non opus est, ut sint filii, quamvis dubitetur, an filii debeant esse heredes. Jafon alii in *l. Gallus*, §. *etiam*, *ff. de lib. & post. Vid. om. Cephalo cons. 723*. Ultimo (aliæ enim mihi limitationes non succurrunt) in non habentibus sensum copulatum, sed singularem, non est conjunctio: ut *Cesar & Pompejus consules fuerunt*, qui consules quidem fuerunt, sed non simul. Sic in præclara questione hac, *Titius & Sejus heredes sunt*; si *Titius & Sejus heredes non erunt*, *Cajus heres esto*. Titius non fit heres; frequentius itum in eam sententiam est, ut hereditas tota Sejo debeatur; at Angelus, Imola, & Jafon contra, quia Titius & Sejus

non sunt heredes : itaque extitit conditio, in quam Casus vocatus est, sed argumentum non valet, quia conjunctio hic singulari sensu capitur in institutione; satis namque si vel alter videat, itaque & in substitutione eodem capietur modo. Ut hæc plenius scribit Alciatus *lib. 5. Parerg. c. 7.* Hæstenus ad primam definitionem. Secunda est de disjuncta, quæ & ipsa sæpe pro conjuncta accipitur. Et quidem inter personas posita conjungit, *l. cum quidam, C. de ver. sign.* non tamen ad destruendum actum: aut cum ipsamet conjuncta in disjunctam evadit, quæ exploratæ rationis sunt; & Baldus eo loco notat, aut de re agitur, quæ nequit communis esse, ut hic per Rebuffum; nam tum actus necessario nullus, nisi ordo sit, ut a primo nominato res ad alterum veniat, cum id genus aliis, quæ notat Jaf. *ad d. l. cum quidam*; Secundo capitur pro conjuncta in exemplo legis nostræ. SUPER PECUNIÆ, TUTELÆVE SUX. Et ratio hic expressa est, arque ex ea ratione limitatio generalis concipietur, ne pro disjunctis accipiat disjuncta, ubi natura rei exigit conjunctionem. Tertio posita disjunctio inter genus & speciem capi in conjunctivam plerumque solet. *l. Quintus. ff. de aur. & arg. leg.* & exemplum legis nostræ, QUOD DEDI, AUT DONAVI. Quarto hoc idem ex conjectura voluntatis. *l. generaliter, C. de inst.* & plura proba exempla Alciatus habet, & pulchre. *l. 13. in fi. ff. de reb. dub.* Quinto, si aliunde constet pro interpretativa immo disjunctivam sumi; ut in lege Aquilia, qua punitur, qui quadrupedem vel pecudem occiderit; disjunctiva vel est pro expositiva idest; nam ita etiam explicatur *in l. 4. in fi. ff. de decr. ab or. sa. per l. 1. in prin. ff. de ex. cogn.* Et ita articulus idem capitur in *§. sed est pecorum. Inst. de usu & hab.* quod recte monuit contra Cujacium (immo contra Teophilum, & Duarenum, & alia exemplaria) Scipio meus *lib. 1. Parerg. c. 5.* Sexto ad rem facit, quod conjunctim tamen disjuncta impleri rectius consuevit; quod alii tradiderunt, & probat Decius *cons. 83.* Septimo, si disjunctiva sit simul & ampliativa: ut est Sen: tum conjungit *l. si quis ita ff. de au. & arg. leg.* & Alciatus hic & Fornerius scribit; & alii antea docuerunt, quos nominat, & sequitur Decius *cons. 69. Visi duobus & Alex. ab Alexandro lib. 2. gen. c. 2. & Bal. in l. 3. C. de V. S.* Ego tamen valde dubito; certe non ita generaliter hoc admiserim; auct enim & conjungit hæc distinctio illic,

illuc, ubi & aliz disjunctivæ omnes augerent; quod in exemplis Interpretum videre est. Et in d. l. si quis ita recte quando genus inferitur ex ista post aliquot species enumeratas; & in exemplis Interpretum quando generi adjunguntur species; quid vero si distincta & diversa? certe in personis nihil singulare habet hæc dictio; quod ipsi dicunt Interpretes, in rebus nec ostenditur; itaque male judicatum puto pro Alexandro in eo legato, *Septicia fundum suburbanum, seu ades meas, quæ in via lata sunt, do, lego*; neque ego Septiciæ utrumque dedissem, sed quod elegisset heres. Octavo (si & hanc retinere placet Interpretum opinionem) vim disjunctivæ non habet disjunctiva interdictio. *Quod vi aut clam* l. 11. §. 5. ff. quod vi aut clam, & d. l. cum quidam. C. de V. S. Et ratio, unde generalis ducatur definitio, videtur, quia si simplex & unum operatur, magis mixtum, & duo. Nono, si contra jus quid alias diceretur, ut in l. 21. si. dies ff. quan. die. leg. ced. neque enim pertinet legatum, si non debetur; & pertinet omnino est peti potest, ut observavit Cujacius lib. 22. obs. c. 1. Decimo, si alias periculum parti ex facto adversarii creari posset; l. 27. §. 3. ff. de rei vind. & ibi Accurs. Undecimo, & ultimo, quod nunc sciam, necnon recte Fornerius huc adfert l. 10. ff. qui & a qui ma. ut explico lib. 1. Lest. Disjunctiva capitur pro conjunctiva in his, quæ sunt negative concepta §. 13. §. cum ita. ff. de re. dub. & Angelus & Burrius docuerunt. Sed Imola non probat, nec Alex. per l. 129. si quis ita ff. de V. O. & per d. l. 13. nam si sufficit ad pœnam committendam, utrumque non fieri, patet quod alterutrum non factum sufficit; itaque non capitur in vim conjunctionis disjunctiva. Ego cum prioribus sum, cum quibus & Bartolus, & alii, & Rebuffus; quia alterutrum factum non sufficit, quod utrumque fieri opus sit. Ergo disjunctiva conjungit; contra in affirmativis, si illud, aut illud feceris, census dabis? alterum sufficit; & naturam suam retinet disjunctiva. Cæterum late de hoc, & illa lege dico ad l. 124. Nunc de tertia definitione; sed ea & exposita supra ad l. 28. §. ult. & l. 29. Hic de tribus propositis exemplis in tractatu dissolutionis aliquid attingemus. QUOD EUM DARE FACERE OPORTET; est ex formula sive actionis, sive dationis Judicis; ut monui ad l. 37. & utrobique sufficit quodvis eorum probare ad actum sustinendum:

ut

ut in principio fere hujus commentationis notavi; forte etiam, quia verbum FACERE genus quasi ad alterum SI DONUM, MUNUS, OPERAS &c. tria hæc libertus imposta sibi debebat patros, nisi redemisset; aliquando tamen non omnia imponebantur; sed quædam: aliquando nihil; jam & hoc juris fuit, ut non plenam isti liberti haberent facultatem rerum suarum, nisi illa redemissent, quod si redemissent, eos prætor juxta edicto, si donum, munus &c. ut liberam imo haberent facultatem; quamvis autem prætor ea omnia jubeat redimi, sic tamen accipere prætoris verba oportet, si omnia imposta sunt; absurdum enim, si redimere debemus non imposta, aut ridicule dicimus eum non juvari, quia nihil debuit a principio, juvari eum, qui debere desit. OPE, CONSILIO. Quæri potest, quid concludatur; nam difficilis oratio est: quam Accursius non percepit, nec alius, ut Alciatus ait; ego puto, nec Alciatum, nam sententiam Labeonis puto laudari, non probari: nam aperte tenetur veterum sententia, quæ contraria est sententiæ Labeonis. Itaque etiam lego, alii non potest sane &c. & exscribo potest sic sane: Sed enim pro Sed in his libris frequenter, & antiqui scribebant. Item ita syllabas non eodem ordine litterarum servato repeti docet frequens factum in sententiis pro sententiis & alibi Jurna, pro Ruina; item Parabodia, pro Rapshodiz, Augustino & Taurello notata. Laudetur vero sententia Labeonis, quia, quod ille faciebat semper, verbis nititur: aliud quippe factum ejus, qui opem, aliud ejus, qui consilium adhibet: nam & ille conditione tenetur, hic non tenetur. Verum, ut ea sit verborum veritas, tamen ratio legis contra docet. Ecce, qui credit Titium rerum dominum, juvatque in auferendo, opem furto præbet; sed quia consilio furandi, juvandi furem vacat, nec ratio est, ut teneatur quasi opem furto tulerit, nec his verbis OPE, CONSILIO continebitur, quæ in lege erant hujusmodi Cujus ope, consilio factum factum esse dicitur, &c. l. 1. ff. fur. ad. nav. cau. sta. sive ut Conrius, concipit lib. 1. subf. c. ult. is, cujus ope, consilio factum factum erit, dupli actione tenetur, & in actione, ope, consilioque tuo factum factum esse ajo, de qua Cicero lib. 3. de nat. Deor. Sed nec teneatur pro consilio pravo, nisi & factum securum fuerit, hoc est, nisi & opem præstiterit consultor, opem vel consilii propriam; nam præter quam quod, ut inquit ille in Cerculione, qui

qui monet quasi adjuvat : & qui tantum consuluit dicitur opem consilium tulisse *l. 36. ff. de fur.* consilium est hic persuadere, & impellere, & instruere *l. 30. cod. tit. de fur.* in quibus opis ratio est; hoc ita sit *adsumpto actu*, quod dicitur in *l. 225. fugitivus*. Et certe si opem tulisse non est satis sine maligno consilio; cum malignum consilium sine aliqua ope sit satis? Jam nec movet quod de conditione scribit Labeo, quia aut vera ea sententia nunc non est *l. 5. l. 6. ff. de cond. fur.* aut vera ut sit, quem admodum severius animadverti fatemur in eum, qui opem, ministerium & adjuviorum tulit; non ideo ex hoc; vel factorum diversitate sequitur in supradicta lege opem sine consilio, aut hoc sine ope accipi debere. Verum explico etiam aliter hunc paragraphum in ultimis illis *nec consilium habuisse noceat* &c. quod in ope requiratur & consilium, illud stet contra Labeonem, ut explicavi. Consilium vero satis sit sine ope ex Labeonis sententia; sed ita, si factum secutum sit, si furtum factum sit, ita *d. l. 36.* quod adjectum orationi sit, non quia necesse ad præsentem tractatum conjunctivæ, & disjunctivæ, at ne quis, dum audit, solo consilio-furti teneri, intelligat teneri nec furtum factum: quando de solo hic dicitur, quod sine ope. Socium se præbens homicidæ animo occidendi, licet non apponat manum, tenetur fere pari poena cum homicida. Qui sociat; ne si earius impediatur ab aliis, paulo minori poena punitur, qui ad iram incitat, non ita duriter punitur, at qui ad homicidium incitat, æque punitur, ignari homicidii, sed res homicidarum custodientes, non sunt immunes a poena homicidii *c. 6. de homicid.* non fur solum, sed ille reus tenetur, qui furti conscius; querente possessore, non indicat *c. 4. de furt.*

#### LIV. ULPIANUS libro sexagesimo secundo.

*Conditionales creditores dicuntur & hi, quibus nondum competis actio, est autem competitura; vel qui spem habent, ut competat.*

#### ALBERICUS.

Conditionales creditores proprie creditores esse adseruimus *ad l. 10.* Hic queritur, qui sint creditores isti conditionales.

Et

Et utique sunt, quibus sub conditione debetur; ac rursus quaeritur, qui isti? ait lex, *Et hi, quibus nondum competit actio, est autem competitura*; vel &c. quæ verba significant, esse omnino alios conditionales creditores, de quibus dubitetur minus, an tales sint; inquit, *Et hi*, qui igitur alii? an, quibus jam competit actio? videtur ex verbis hujus legis, *Et hi, quibus nondum competit actio*. Sed qui ullus creditor conditionalis, cui jam competit actio? an intelligimus, impleta conditione? Sed jam non est conditionalis: & si accipimus, conditione non impleta, qui sunt, quibus competit? qui, quibus non competit? Ego conditionem facio proprie & in præiens conceptam, & in præteritum *lib. 1. de conditio. c. 2.* atque his actio competit, quibus sub hujusmodi conditione debetur. Nec mover, quod non sint isti conditionales, quia impleta conditio est; nam impleta non est ipsis, qui ignorant, quique suspensam executionem stare voluerunt, ut illic plene declaravi. Item capio in conditione necessaria: de qua *c. 3. d. lib. 1.* Illi conditionales non solum dicantur creditores, sed *Et hi* &c. Et hoc exilimo quæri hic, qui conditionales, idest, qui eorum, quibus sub conditione debetur, dicantur creditores; idem scilicet, quod in *l. 10.* nam & lex, quæ sequitur, aptatur optime in rationem illius definitionis. Non igitur quaeritur, an creditores conditionales dicantur creditores, sed qui conditionales, vel qui ex his, quibus sub conditione debetur, dicantur creditores? an de omnibus illis vera sit assertio legis decimæ; quæ fuit, creditorem conditionalem esse creditorem? & hic affirmatur; nam & hi dicuntur, quibus nondum competit actio (magis igitur illi, quibus competit) *est autem competitura, vel qui spem habent, ut competat*; quæ postrema vel qui &c. non alternatim accipio, sed explicative, & vide tradita supra ad legem proximam; nam de conditione necessaria cogitatum videri potest extra hos, ut dixi; *vel qui spem habet*; de spe probabili capiunt probe interpretes, non igitur idem probandum in conditionalis impossibili. Sed & de spe accipe, quæ nunc radices habeat; igitur ex præterito vel præsentis facti, non ex futuro; ea enim spes nihili, ut hic ipsi declarant. Itaque docte illud, quod si quis remittit jus suum omne quod habet, aut habere sperat, non ad futurum trahitur, nisi quod ex præsentis causa, speretur, *Bart. Ale. alii*; Porro quod

quod & hi creditores sint, liquet ab effectu; nam in fraudem eorum manumitti dicitur, l. 8. ff. qui & a qui., ipsis cavetur, l. 4. ff. de sepa. datur possessio l. 6. ff. qui ex ea. in poss. ea. cum similibus, quæ hic interpretes, & ego lib. 2. de condition. decui.

#### LV. PAULUS Libro sextodecimo brevis edicti.

*Creditor autem is est, qui exceptione perpetua submo-  
veri non potest, qui autem temporalem exceptionem timet,  
similis est conditionalis creditori.*

#### ALBERICUS.

Ad Edictum scriptores nominantur in Indice Digestis præ-  
fixo, item Gajus ad Edictum provinciale, ad Edictum urbicum  
item edictum monitorium libri sex Callistrati; item libri quin-  
que <sup>g. 112.</sup> ~~µίσι~~ <sup>edictum</sup> Anthiani, sed Pauli libri brevis edicti non  
notati, quemadmodum nec alii quidam. Et ego, qui hi fue-  
rint, ignoro, ut non difficile posse possimus, qui ejusdem Juris-  
consulti viginti tres libri brevion. Sed ego ad legem accedo.  
Quod conditionales creditores sint & hi, quibus nondum com-  
petit actio, est autem competitura, adferitur hac ratione, quia  
creditor est, qui exceptione perpetua submo-<sup>ver</sup> non potest, &  
is est, cui sub conditione debetur, etiam is, cui nondum actio  
competit, est tamen competitura, nam si competitura non est,  
& perpetua exceptione submo-<sup>vetur</sup>, qui tamen agat, creditor  
is non est. l. 40. ff. de cond. indeb. & ita capitur l. 112. nihil.  
ff. de reg. jur.

*Qui autem temporalem &c. sic construo proxima superiori le-  
ge adsumpta. Conditionalis est creditor; nam creditor est, qui  
exceptione perpetua non submo-<sup>vetur</sup>: is autem fuerit, qui ti-  
met temporalem: & hoc de creditore in diem dicatur, tamen  
is similis est conditionali. Ergo conditionalis est creditor. Simi-  
lis est. ]* cæpe in hoc, quod queritur, ut uterque rejiciatur a  
præsenti in futurum: ille donec dies advenerit, iste donec ad-  
venerit conditio, & sufficit, similitudinem esse respectu solum  
ejus rei, de qua agitur, ut omnes volunt hic tamen similem  
... Tom. II. Z hunc



hunc in diem creditorem creditori conditionali dicere absolute possumus, quia in plerisque conveniunt, itaque similes omnino sint, hoc enim simile est secundum Varronem *lib. 9. de lin. Lat.* Et vero, in quibus conveniant, & in quibus distent, docent nostrates *ad l. ita stipulatus. ff. de ver. obl.* Item temporalis exceptio quæ sit, & quæ perpetua, titulus est in Institutionibus; & ego ad rem scripti in *lib. de diu. te. app. c. 9.*

LXI. ULPIANUS Libro sexagesimo secundo.

*Cognoscere instrumenta est relegere, & recognoscere; dispungere est conferre accepta & data.*

Utrumque verbum, *recognitionis, dispunctionis*, preclare declaratur *l. 15. ff. de re. au. ju. poss.* Hic nos alia etiam dicamus. Qui verbo legendi accipiat, docet *l. 1. ff. de his, quæ in testam. del.* Sic inspectio tabularum etiam lectionem earum indicat. *l. 2. §. 3. ff. test. quo. aper.* Sed & cognitio non dicitur haberi, nisi iterum atque iterum lecta instrumenta, nec perfuntorie; sic enim neque testificata didicisse volunt, nisi ea perlecta attente sint. Non satis cognovisse, legisse, inspexisse semel, sed recognovisse oportet, ut quis dicatur cognoscere. Quod eo spectat, ut si alicui fieri debet copia cognoscendi instrumentum, rem aliam, puta actionem, quod dicitur *l. 1. ff. de ed. id non una inspectione factum dicamus, non id tamen ad plures traxeris editiones, non una tantum facienda, aut altera cum cognitione causæ, l. 1. C. de dil. l. 6. in fi. l. 7. ff. de ed. & d. l. 15. ff. de re. au. in poss.*

*Dispungere est conferre accepta & data.* ] *Expungere* in eo differt a *dispungere*, quod illud significat simplicem cancellationem: hoc cancellationem cum adnotatione, cum collatione [ ut hic dicitur ] acceptorum, & datorum, *l. 6. §. ult. ff. de statul. l. 15. ff. de rer. au. ju. poss.* unde & dispunctores, qui diafolei dicuntur in *l. ul. C. de sabell.* ut Cujac. notat: rationum distinctores, ut Alciatus scribit. Atque ita in *l. calculi. ff. de adm. re. ad civ. per.* retractari expunctas rationes posse, Modestinus dicit: dispunctas non posse retractari, tradit Hermogenianus in *l. in omnibus. ff. de diu. tem. prof.* quoniam adnota-

tio

cio calculi facta erroris præsumptionem tollit, ut retractationi via magis sit præcludenda, quam si expunctæ simpliciter rationes sint; nam simpliciter expunctæ non ostendunt eam accurationem scilicet, quæ in disputatione est. Obiter vero quod Cujacius in *l. 2. C. de jur. fisci* gratiose pro rationes reponit in *d. l. calculi*, nulla est proba ratio, non prior, quæ est, quod verbum *expuncta* non alias habet, quo referatur, nam multa hujusmodi in his centonibus, & integris aliis auctoribus, ut docui *lib. 1. Lætion.* non etiam urget ratio posterior, quæ est, quoniam quod sit gratiose in perniciem Reipublicæ nullius momenti sit, nam vel hoc ipsum esse nullum sit non retractari, quod quæ alicujus sunt vis, ea retractantur, non quæ momenti nullius habentur, vel quod immo valeat ea gratia tanto temporis intervallo roborata, nec etiam omnes liberalitates rescinduntur, & tempore eas adjuvari, verum est, *l. ambitiosa. ff. de decr. ab ordi. fac. l. Procula. ff. de probat.* Atque ita hoc explicari, & in vicem leges istæ, citra omnem emendationem mihi componi posse videntur, quæ pugnant scilicet, si adjectam libris Florentinis ab antiquo librario negationem tenemus in *d. l. in omnibus*, nam quod illic etiam *expuncta* legeretur, ut in *l. calculi*, habere remedium potest: quando non de expunctione sola, sed & de subscriptione dicitur in *l. in omnibus*, atque subscriptio & expunctio una præstare disputationis naturam possint, fuerit quidem subscriptio, quæ de paratione dicat, ut in *l. 67. Siicibus, §. 3. ff. de cond. indeb.* Redditæ rationes erroris prætextu non retractantur, *l. semel. C. de apoc.* idque certe si absolutio intervenerit, & pactum de non petendo: si & juramentum: quod & minorem obligat. Nisi tamen verus dolus ostendatur, adi Menoch. *cas. 209. & Dec. cons. 94. in casu.* Sic ad rationes, & ad alia hujus generis aptatur nostra lex, nam instrumenta dici hæc omnia possunt, quæ instruunt, ut alibi dico, & una ratio omnium est. Nunc quod reliquum restat volo persolvere, ut expungatur nomen, ne quid debeam: Plaut. Cistel. prologo. *Elias, Enoch* nondum resurrectione dispuñti, quia nec morte funti. Tertul. de resur. car. expeditæ rationes, faciles, non perturbate, ubi expunxit inveniendi? Tert. de præf. ad hæz. si non bene depunxisset, dipunxisset. Tert. lib. 1. ad Marc. & lib. 2. suum populum expunxit, pro suo populo satisfacit. Dispuñtor

*mesorum*. Tert. lib. 4. adv. Marc. est solutor. *Dispuncta est*, pro absoluta est. Terrul. de car. Christi. *Expungatur nomen, ne quid debeam*. Plaut. in Cistell. vide sis. *de re mil. putatur ratio cum argentario*. Ubi disputata est ratio cum argentario. Plaut. Aulul. act. 3. scen. 5. *Dispunctio*. Tert. lib. 5. adv. Marc. est compensatio. *Dispunge, ac recense visa tue dies, videbis paucos apud te refedisse*. Seneca de brev. vit. Sequitur

*Liberorum appellatione continentur non tantum qui sunt in potestate, sed omnes, qui sui juris sunt, sive virilis, sive feminini sexus sunt, exue feminini sexus dependentes*. Sic conditio, si sine liberis, vel, si sine filiis, deficit relicta per filium scemina, late consuluit Alex. cons. 38. lib. 6. & Bononienses, Perusinos, Avenionenses hoc idem, fallit si subjecta materia aliter, si ex mente aliter, ut quia sceminas ipsas exclusit. Item si statutum, si substitutus esset ex descendendibus, fallit lex hæc, non si extraneus. *Castr.* Ad primam vero hujus legis definitionem quod attinet, dubitari forte potuit, quia emancipati longe positi habeantur, & videatur eis pater esse debuisse, quia patris jura amiserit, atque huc illa Lactantii lib. 4. cap. 3. *dominum eundem esse, qui sit pater, etiam juris civilis ratio demonstrat, quis enim poterit filios educare nisi habeat in eos dominii potestatem? nec immerito paterfamilias dicitur, licet non filios habeat: videlicet nomen patris complectitur etiam servos* &c. pater itaque idem quod dominus videtur, sic paterfamilias, dominus familie, *paterfamilia domini*, ait Brutus apud Prisc. lib. 6. Adde quod fere semper, si de emancipatis est sermo, notari & de emancipatione solet, meritoque etiam propter diversa jura; quare & sermo simpliciter prolatus de non emancipatis accipietur. Sed his, aut aliis nihil moventibus, etiam non sub potestate positos contineri nomine liberorum, lex ait. Et ratio est; quia nomen sanguinis, quod tolli non potest, l. 8. ff. de reg. jur. Quæ autem in adversam partem narrata sunt, ea sic obtinent, ut huic definitioni subjecta, continentur scilicet omnes nomine liberorum propter alterum, quod semper manet, naturale vinculum, atque ita & de emancipatis immo etiam accipiat sermo, si non in argumento sumus, quod totum spectet jura civilia, quæ emancipatos non agnoscat, puta in successionibus, tutelisque legitimis, exemplum in l. 8. ff. de in jus voc. Adde ex si. l. 4. l. 5. l. 6.

*l. 6. de parentibus naturalibus. Sed & de emancipatis non censetur dictum, quod facti est emancipatio: & facta non presumantur, attramen non tam, non censetur dictum, ut soli concludantur, qui in potestate, quam ut soli emancipati includantur. Tantum ad primam definitionem. Secundam, quæ est ut de fœminis etiam capiatur illud nomen, probat usus auctorum notatus Gellio, Grammaticisque, neque enim genere fœminino dicimus hoc nomen, unde liberorum sponfos dixit Marcianus in *l. 4. ff. de parricid.* Tercia definitio restat, ut etiam descendentes ex fœminini sexus contineantur nomine liberorum, adde *l. ult. ff. de pollicit.* *l. 1. C. de cond. infer. cum aliis, quæ latissime prosecutus ad universum hujus legis argumentum sum. lib. 1. condic. in condit. si sine liberis.* Ubi & disputavi, si hæc eadem & in nomine filiorum obtineant, atque definiti obtinere, quicquid alii omnes aliter, quod ibi retuli. Sed & multa dicam ad *l. 84. l. 201. l. 220. alibi.* De his autem verbis, ex fœminini sexus, expono ad *l. 110.**

#### LVII. PAULUS Libro quinquagesimonono.

*Cui præcipua cura rerum incumbit, & qui magis quam ceteri diligentiam & sollicitudinem rebus, quibus præsumt, debent, hi magistri appellantur, quin etiam ipsi magistratus per derivationem a magistris cognominantur, unde etiam cujuslibet discipline præceptores magistros appellari a morendo vel monstrando.*

#### ALBERICUS.

*Magistrum navis accipere debemus, cui totius navis cura mandata est. ait *l. 1. §. 1. ff. de exercit. act.* cur non dixit præcipua cura navis? nempe præcipua est tota: quia nec ipse navis magister curat totam navim; nisi quod præest omnibus navim curantibus, qui illius instrumenta possint appellari. Et qui magis quam ceteri.] &c. An magistri a magis & ceteri? Ergo & ministri a minus & ceteri, Videtur: nam & Festus retinet verbum Ceteri; quia omnes hi magis quam ceteri possunt; ait ille, at noster a cura; Festus a potentia majori, utrumque verum, & probe junctum.*

Sum.

Atum. Siquidem rationis est, ut qui plus potest, is & plus debeat: & contra rebus quibus præsumunt. ] Potest & de hominibus capi, quia latissimum rerum vocabulum; & mox de magistratibus, & præceptoribus subicitur, qui omnibus utique præsumunt. Sed cape & de rebus quæ, puta, debitorum non solventium distrahebantur, constitutis his, qui distractioni præessent, & negotium recte curarent: quique a supradicta cura omnino curatores dicuntur *solo tit. ff. de cu. bo. da. C. l. 8. ff. qui ex ca. in poss. en. l. 9. §. 3. C. 6. l. 13. l. 32. ff. de reb. au. jur. poss. & arbitri; l. 27. eod. tit. & procuratores in l. 23. ff. de her. insti.* Et magistri a Cicerone in *Orat. pro Quint. C. lib. 6. ad Att.* ut Fornorius notat. Puto autem promiscue usos his nominibus auctores, certe curatorem appellasse, sive vivo, sive mortuo debitor, magistrum dixisse certissime jam mortuo novi ex illo Ciceronis, dum vixisset ludum, postquam mortuus est, magistrus habuisse, ni voluit Cicero metaphoram retinere, etiam si magistri nomen non mortuo, sed vivo debitore usurparetur, ut Scipio scribit in *lib. Orig.* si commutata apud eundem vocabula non sunt. Hi, ut puto fuerunt, qui bonorum emptores: quorumque in titulo *Inst. de succ. subl. Quin etiam ipsi magistratus &c.* ] Magistratus, ait *Idem. lib. 9.* quod majores sine reliquis officiis, *C. lib. 10.* magister major in statione: nam Græce *σιπὸν* statio. Dictatorem populi magistrum, & magistrum æquitum dixere, reliqui quod minores quam hi magistri, dicti magistratus, ut *ab albo albus.* Varro *lib. 4. de Lin. Lat.* Sic igitur per derivationem, ut ait lex nostra. Ego tamen scio, majores etiam illos magistratos nomine magistratus dici: nec dubium est, magistris tamen dicti, quia liberam eorum imperium, & potestas summa, qui magis quam ceteri possunt, dicebat Festus aptius, ut puto, ad alios magistratus respiciens, quam ad privatos. Magistratus est, qui jurisdictionem propriam habet, est scilicet qui mandatam jurisdictionem habet, sed non propriam: nisi legatus proconsulis, alii, quibus jussu legis vel principis mandatur: adeoque, & propria est, etiam mandata. Sed verba de propria capienda. Bodinus definit officialem, qui publicum imperium habet, & Cujacii, & aliorum definitiones convellit *lib. 3. de rep. c. 2. C. 3.* Sed magistrorum appellatio visa sic favorabilis, ut innumera munera magistratuum nomine sint ap-

appellati; quæ recensere longum esset. Unde etiam *cujuslibet discipline præceptores magistros appellari tradunt. M. Cornelii Frontonis Oratoris consulis magistri Imperatorum Lucii & Antonini. Alud in præconsul. nisi hic magister est Jurisconsultus, nam nomen aptum, ut in Tibullo observavit Scaliger. Doctores & hoc nomine appellantur in *proem. 6. decretal. ubi & notatum, propter curam, quam discipulorum habere debent: sed & propter castigandi, & monendi eisdem auctoritatem, l. 5. sed nisi. §. ult. ff. ad leg. Aquil. & hac lege nostra*, quod notandum est, ut sciamus monendi verbo etiam castigationem contineri. Sed hic cadit quaestio, si magister is dicitur, qui docere quidem potest, non tamen docet: Est certe, qui eum dignitatis gradum, illud nomen affectus est, etiamsi non doceat, ut & Doctor, & baccalaureus, & si qui sunt alii. Sed non hoc quaero, verum si quis, puta lignarius faber ligna dolo, alia fuz artis faciat ipse, non docet alios; an appellatione magistri contineatur. Si habet famulos in ministerio, dici magister potest, quia præstet, monet, monstrat: putem tamen si & peritiam rei habeat; nam verba legis apte accipienda sunt, & ne quid absurdi constituisse videantur, quid enim prohibet, me magistrum lignarium esse, si unum aut alterum habere possum fabrum, quibus imperem? Et tamen ridiculum hoc, ut magister lignarius ego dicar, qui ne securim tractare scio. At quid si famulos peritus ille nullos habeat? hic nec præstet, nec monet, nec monstrat. Dicerem adhuc, appellatione magistrorum venire, quia magis cæteris possit, peritior sit his, qui famuli esse debent, & id communi sermone probatum videretur. *A monendo, vel monstrando.*] corrupta hæc. Fornerius putat, & putat tantum scriptum *a magistrando*, quod est moderari & docere, ut ipse confirmat probe, & Festus dixit, *Magistrare, regere, temperare, moderari, unde magistri.* Item quia affine nihil *magister* habet cum *monere*, & *monstrare*. Ego nihil muto, nam hoc magistrorum proprium munus monstrare, monere, *d. l. 5. §. ult. ff. ad leg. Aquil.* & multa litteris commutatis sunt interpolata, ut monuit Plato in *Cratyllo*, & Varro *lib. 4. de li. Lat.* neque omnis verborum impositio sine mendo. Itaque munia quod mœra, nam primum mœria, post mœnia, tandem mœnia, partes officii cujusque, ut Scaliger in *Etymologiis* habet, & palma a pariendo, nam pri-*

muu

mum parilema, atque imminutis litteris, ut in multis dici cō-  
pra palma. Varr. *lib. 1. de re. rust.* & Arpi primum Argyro-  
hippium, mox Argyrippa, tandem Arpi. Strā. *lib. 6.* Quid Ne-  
ptunus cum nare, Janus cum ire? & ea tamen ita facta. Cic-  
*lib. 2. de nat. Deor.* vel idem Neptunus cum obnubere, unde Var-  
ro ducit *eod. lib. 4.* quid concinnus cum canere? Unde Priscia-  
nus *ad lib. 1. Aeneid.* & id genus reliqua, quæ & noto *ad l.*  
*233.* Ait quidem Cicero *mox lib. 3. de nat. Deo.* nullum ita  
nomen, quod non possimus explicare una litera, unde deductum sit.  
Sed hic non una litera facimus, at pluribus, & proprio mun-  
re, imo etiam & sono a monstrando magistros; forte igitur mo-  
nestri & monstri, aut manestri & manstri, ne fieret ambiguum  
cum nostro portento: unde suavius ad sonum tandem magistri.  
Liceat nobisque semel ineptiisse in negotio ineptiarum. Et di-  
camus aut ita factum nomen, aut non de nominis forma senti-  
re legem nostram, sed de nominis ratione, quæ est ad munus  
magistrorum. Id quod in simili quæstione ait Pāpa nescio quis  
*in tit. de sacr. unct.* & Tertullianus in *lib. adu. Judæ. non sonum*  
*nominis, sed sensum spectandum in Emanuele* & nescio de qua re  
Seneca *lib. 1. de tranq. vi.* res ipsa aliquo signanda nomine est,  
quod appellationis Græcæ vim debet habere, non faciem; agna-  
ri a patre cognati, non spectat verbi figuram sed sententiam  
adtributam. Hotom. *ad §. 1. Inst. de legit. ang. tut.* Vide &  
notata a fratre *lib. Originum in verbo, Redhibitio.* Sequitur.

*Persequi videtur, & qui satis accepit.* Id est, consequi &c.  
ut Accurhus exponit & Brechæus probat nequidquam Alciati  
improbantis argumento permotus, & late etiam cum Accursio  
adlerit Cujacius *lib. 24. Obs. c. 19. & in post. not. ad Instit. in*  
*§. cum in suo. de re. diu. exemplisque prolati docet persequi pro*  
*consequi, & contra, aliquando capi.* Ego, ut aliquid addam,  
puto persequi sic capi posse, quia sit a *per* & *sequor*: & articulus  
*per* perfectionem habeat securionis; ut notabimus *ad l. 139. §.*  
*ult. & ad l. 166. §. ult.* quæ perfectio omnino est consecutio;  
addo & *l. 10. §. 3. ff. de adq. rer. dom.* Addo, quod pugnaret  
alias *l. 2. ff. de vi. in. cum §. cum in suo Inst. de rer. diu.* At  
hoc tracto *ad l. 62.* Refert autem Cujacius, sed & Fornerius  
hic istam definitionem eodem, quo superiorem de magistris re-  
tulimus, ad curatores bonorum; hi restituere tenentur quod con-  
se-

secuti ex bonis sunt l. 14. ff. de re. au. ju. pos. consecuti dicuntur, sive, ut hic scribitur, persecuti, & qui satis acceperint. Itaque & has satis acceptiones restituent. Ita isti. Cæterum mihi non sat probatur, ut *persequi* pro *consequi* accipiat: quemadmodum nec Alciati; nam alii libri habent *consecutus* in §. *cum in solo Inst. de rer. div. & consecuti in §. de iis. per quas per cui. adq. quod non muto ex d. l. 10. §. 3. imo in paragrapho illo repono *consecuti*. Sed etsi retineas ubique, quemadmodum Cujacius citat, nihil tamen multum movet, nam dico ad §. *cum in solo*, dupli sola persecutione, non consecutione, tolli aliam actionem, quæ est vindictio; electione actiones tolluntur: item ad §. *de iis*. significanter stare verbum *persecuti* in vulgata significatione, quia improprie servi consequi quidquam dicuntur, nam domini consequuntur, servi persequuntur. Item ad §. *sunt præterea. Inst. de act.* quod in eadem vulgata significatione recte *persequimur*, quoniam neque actio in solidum intendit, qui in peculium agit: ut perspicuum est per ipsam relationem factam ad peculium. Alii, de quibus postea dicitur usque ad finem tituli, intendunt quidem in solidum, & solidum persequuntur, licet non solidum consequuntur: & de istis non dicitur, quod solidum non persequantur, sed quod non consequantur. Theophilum vero duco potius in partes nostras, ut reddiderit quod erat in Larino, non sit interpretatus, fuerit igitur, *consequimur*, & in isto §. ut in aliis. Atque ad hæc omnia ajo, pessime trahi ad explicandam definitionem non quod proprie fieri, dici solitum est, sed quod semel, aut iterum usurparum est; definitur verbum *persequi*, ergo ut proprie capitur. Porro sur Accursius *persequatur* pro *consequatur* accipiat in l. 7. ff. de fid. lib. ego non video, & si consequitur, quid mox de legato non consequendo? Verbum *consequor* quia simul sequor etiam significat, non miror, si ponitur alicubi pro *persequor*. Sed tamen non ita est in l. *filium. ff. de adult.* at ratio Papiniani est, posse filium arguere, hoc est, persequi, quia ea persecutione consequitur vindictam proprii doloris. Neque me Dorotheus movet, quia Græcorum interpretationes nihili. Hoc itaque Accursii, Brechæi, & Cujacii sensu insuper habito; sed & alio Fornerii, imo Alciati, qui, ut etiam Cujacius, cogunt responsum ad eos bonorum magistris, & prætorias stipulationes, ipse cum altera Al-*

Tom. II.

A a

ciati



ciati interpretatione sum: quam & Rebuffus sequitur, ut scilicet videatur persequi (cape de omni actione) & qui satis accepit, non solum qui non satis accepit; dubitari scilicet potest de eo, qui satis accepit, an persequatur, an agat, an habeat actionem, & pristinum jus persequendi, quia satis acceptio pro solutione videtur, aut videatur obligatio per eam novata. Contrarium respondetur, & quod adhuc pristinum sequitur jus, qui satis accepit. Et sic, nova quoque explicatione, persequitur, qui porro sequitur, continuat pristinam secutionem, idest, non aliam causam habere videtur. *Persequitur, qui non desinit sequi.* Donatus in Andria, & ita etiam *exsequi* dicitur in l. 18. in prin. ff. de ju. fi. Et merito, quia satis acceptio est ad confirmandum non ad infirmandum. Potest responsum aptari, ne destitisse a lite videatur qui satis accepit: itaque nec incidat in Turpilianum, aut aliud; vide l. 6. l. 13. ff. ad Turpil. Persequi, idest, agere. Cuius ad l. 5. ff. de V. O. quod scilicet cautionales stipulationes obineant instar actionum, ut per eum.

LVIII. GAJUS Libro viceesimoquarto ad edictum provinciale.

*Licet inter gesta & facta videatur quaedam esse subtilis differentia, attamen ἀποχρηστικῶς, idest abusive nihil inter factum & gestum interest.*

ALBERICUS.

Quæ hæc subtilis differentia? An quæ notatur sup. in l. 19.? censet Alciatus, sed ea subtilis, & tenuis non est. Omnis igitur est, quam Varro tradit lib. 5. de li. Lar. ut gerere sit sustinere, & ab his tractum, qui onera gerunt, & itaque Imperator remp. gerere dicitur, qui nec agit, nec facit, sed sustinet. *Rempub.* ego lego, non *res*, non quia Imperator res gerere non dicatur frequentissime: at quoniam, cur nihil agat in eo, faciatve, videre nescio. Imo acta, facta Imperatorum commemorantur, non solum gesta, qui vero remp. gerere dicitur, is certe rempub. nec agit, nec facit, sed vere sustinet. Sic in jure nostro tutelam gerere, gerere negotia, omnino est su-

sustinere, & curare. Sic gerere se pro herede, gerere personam heredis, & id genus reliqua. Hæc subtilis illa differentia, quæ non tenetur; quod ea ita abutamur semper, ut nihil inter factum & gestum intersit. Usus iste, quia contra proprietatem illam est, abusus dicitur hic, non quod definitione Jurisconsulti nostri non adprobetur: qui ait, nihil interesse; hæcque probat prorsus, ut non sit distinguendum inter materiam & materiam, inque una magis quam in altera retineri dicendum latam istam interpretationem: nam ipsa est propria usu, sive abusu contra naturalem sensum. *Nihil interest* ad subtilem hanc quod attinet differentiam, nam notata l. 19. manebit, ut puto, aut illic non est de facto, sed de actu: quod præsentem adferentem non movet, quam nec attingit, imo is jungit; quæ de gestu ibi traduntur, & in l. 20. Idem Varro differentiam notat inter agere & facere, aitque Poetam fabulam facere, histrionem agere. Sed & hæc subtilis & grammatica differentia: quæ rationem loquendi spectat scilicet, non definitiones juris. Sequitur.

*Paternos libertas recte videmur dicere nostros libertos; liberorum libertos non recte nostros libertos dicimus.* Et Ulp. tit. ult. *Liberi patris virilis sexus eadem jura in bonis libertorum parentum suorum habent, quæ & ipse patronus. Fæmina vero ex lege quidem duodecim tabularum perinde jura habent, atque masculi patronorum liberi.* Sed & jure, quo utimur: licet media jurisprudentia aliter constituerit. Et hic, quicquid Cajus censuerit, utique secundum jus Justinianæ faciemus interpretationem. At vero lex nostra recte, quod ego non expono proprie: nam aitque videmur & si alia patris proprie non sunt filii, minus hoc; cum aliis, quæ hic bene Fornerius notat; & quod ego monui ad l. 195. §. 1. ibi, *ad personas autem.* Si porro quod hic de libertis, idem de aliis etiam rebus paternis, & liberorum adferimus, ratio adferentis fuerit, quod non ita bona liberorum debentur parentibus ut parentum liberis l. 1. §. pen. ff. de suc. ed. l. in suis ff. de lib. & post. l. 7. ff. si tab. test. nul. ex l. 1. ff. de bo. lib. l. nam etsi. ff. de ineff. l. 6. §. ult. ff. si quid in fr. patr. Sic illud pro filiis responsum, ut ipsis ad munera consequenda profint patris bona. Cumanus cons. 132. *duo fratres, & alii ut hic per Rabuff.* Item ad vitandam poenam: quod idem de Cz-pola & Alexandro notat. Item ut domini nomine contineatur,

*l. 1. §. domini. ff. de S. C. Syll. cum aliis plurib.* Verum generalis hæc definitio constituenda non est, nam ab onere satisfaciendi non excusatur filius propter bona patris immobilia; ut receptius est *ad l. sciendum. ff. qui sat. cog.* Et non propterea meritis dicitur filius, quod meritis pater est, *l. generaliter. C. de veru. don.* Et alia in utramque partem colliguntur a Jaf. *in d. l. sciendum.* Egoque definitio potius, ne bona paternæ nostra sint nisi spe, probabili illa quidem, sed quæ tamen nos non juvet ubi res exigitur: ut liquet exemplis modo relatis, juvet ubi spes latet, & species: ut contrariis etiam exemplis pater. Species illic versatur & splendor, ubi de magistratibus referendis tractatur homini diviti. Spes illic, ubi de corporis poena redimenda quaeritur: necnon dubitandum videtur, quin redempturus pater suum sanguinem sit. Maneamus itaque in libertis: & rationem dicamus quæ ipsis tantum apta sit; videtur vero illa, quod honores adscendere non solent, ut in feudis constitutum est, quæ ab jure isto patronatus profecta quibusdam videntur non male: certe similia in multis jura sunt; unde & argumenta præstant mutuo. Ita quoque senatoris mater non est clarissima; *l. 1. ff. de senat.* proculdubio nec pater, at filia est, *l. 8. l. 9. ff. eo. omnino* & filius & cætera hujus generis. Quod si servi filii censentur esse & servi patris *l. 10. ff. de q. dic. eo* in arg. propter manifestam & singularem rationem id esse, & esse etiam de libertis. At jam quaestio movetur, si & de maternis hæc vera sunt. Et vera esse respondit Accursius, *per l. 14. ff. de ex. sus.* & Rebuffus probat, ego etiam sequor; etsi illud addo, quod non tanta ratio videatur in materia, *l. 1. §. si pater, & §. de matris. ff. de S. C. Syll.* & verbum paternos, quod a patre est, *l. 51. repugnare* videtur. Sed hoc puto tamē derivatum patere quam primum latius; & hic voluisse Jurisconsultum ascendentes a descendentibus tantum, non etiam sexus separare: alioqui gradusque tantum primus notatus verbo paternos; cum & gradus & sexus omnes comprehensi sint alteri nomine *liberorum*, *d. l. 51.* Item ego quæro, si & in emancipatis procedit legis nostræ definitio, & videtur, *per l. 56. §. 1. item per l. 10. §. 5. ff. de in. jus. vocan.* ubi filius in adoptionem datus vocari in jus non potest a liberto patris, qui tamen filius desinebat esse in potestate patris naturalis, *§. 2. Instit.*

*Instit. de adopt.* Nec diversum traditur in l. 12. *aut in d. §. 3.* nam quod de patria potestate dicitur, idest propter absentiam patris, ut videretur etiam filios. actio danda, quæ absentia nihil addit in emancipato. Filius item emancipati illud jus non tener, & ratio illuc est, *¶ in l. 26. ff. de adopt.* Cæterum est illud edictum reciprocum, l. 4. *cod.* & definitio, quæ hic scribitur filiis, stabit etiam parentibus. Item quaeritur, si vivo patre hæc sunt, & recte Alciatus esse docet. *arg. l. quod Labeo ff. de Carb.*

## LIX. ULPIANUS Libro sexagesimo octavo.

*Portus appellatus est conclusus locus, quo importantur merces, & inde exportantur; eaque nihilominus statio est conclusa, atque munita, inde angiportum dictum est.*

## ALBERICUS.

*Portus a portatu, a portu hic angiportus, hoc angiportum.* Prisc. lib. 6. sic angiporta Plau. in Pleud. Portus a deportandis commerciis, *¶* Ibid. lib. 14. Veteres dixerunt portus ubi domos intelligebant, quod Festus, & alii Grammatici prodiderunt prolata lege ex 12. quam & Fornerius recitat. Cæterum non in ea significatione definitur hic, sed in qua hodie utimur, & usi deinceps Latini sunt omnes. Et definitio fuerit, ne plura eo nomine contineri credamus, quam par est de portubus enim leges plures. Igitur nec omnis conclusus locus portus est, sed is tantum in quem merces importantur, & ex quo exportantur. Id scire prodest, si forte lex est, ne quis nisi ex portu solvat. Item nec portus omnis locus, quo merces importantur, & ex quo exportantur: nam stationes tales multæ sunt, ut in Piceno Fanensis, Pisarenensis, Senogallienensis, Esinus, Recinerensis, Firmianus, Asculanus portus, portus appellant male; nec portus sunt, neque enim loci conclusi sunt, solus Anconitanus est portus, putem & Pisarensem, & Senogalliensem. Et hoc rursum scire expedit, si forte lex est, quæ portubus aliquid tribuat. *Eaque nihilominus.* ] Lego, auctore fratre, eaque quæ nihilominus, ad exemplum scilicet Florentinæ scripturæ, ut aptior sensu.

sensus constet. Portus non modo is est, quem diximus, & quem, ita appellant, sed & ea, quæ nominetur Ratio, quæ mihi minus est conclusa, atque munita, quam portus. *Stationem* (ait lex 1. ff. de flum.) *dicimus a statuendo; is igitur locus demonstratur ubicumque naves tuto stare possunt; & ita portum censuimus Pisaurensem, & alios: nam stationes in illis fluminibus tutissimæ. Ecce tibi ne de omni statione conclusa & munita accipias, notat lex, ad naves hæc enunciari. Idem igitur & de portu. Sed non necesse fuit hic explicare, quia non in alio sensu nunc capitur nomen portus. Illud queri potest, si portus sit supradicta ratio, si eo merces non importantur, nec ex ea exportantur. Ecce statio regis classis hic in Anglia Recessitæ est; eo merces non importantur, nec inde exportantur. Statio est; an est portus? quid de navali Veneto, *arsenale* vulgo? locus conclusissimus, & munitissimus, & ubi stant triremes, & naves illius Reipublicæ; quid de Carthaginensi navali? Stationes sunt: portus non sunt, valet quippe argumentum ab etymologia negative sumptum; igitur in secunda hac definitione addendum, & quod de mercibus in priori dictum est. Sed tum quid differt statio a portu, si & statio est locus conclusus, quo importantur merces, & inde exportantur? Sic igitur, statio sit, ubi naves tanquam in diversoriis stant, non eo eunt, non inde solvunt, portus contra: contra propter vestigalia sive portoria; *ut in l. 203. quæ si solvenda in portibus sunt, non solvantur in stationibus. E diverso, si liceat quid in portu facere, id licebit etiam in stationibus, quia portus sunt; & in statione si navis perierit, æque excusatio erit atque si in portu; quia statio portus est. Et cæterâ, quæ ex hac lege duci possunt nunc bene declarata. Sed neque illa prætermitto, *Locus conclusus* sive natura, sive arte: ut alii etiam observant, & ita in sequentibus quoque, *conclusa, atque munita*; quod unum & idem esse potest, declaraturque prius verbum a posteriori; exempla enim passim, quibus ostenditur, articulum *Et stare*, pro *Id est*, & dixi supra ad l. 53. atque hoc tandem sit, quod retulimus ex l. 1. *de fluminibus* locus a ventis, & tempestatibus, & naufragiis. Sed an etiam a piratis? si eo usque tutus est, ut dici calus fortuitus possit piratarum incursum, utique portus est, & statio. Sed etsi piratis expositus locus sit, pateatque plane, adhuc portus & statio**

sio erit: nam statum naturalem intuita ea lex est; & natura rei hunc solum considerat; privilegiis tamen datis aut portubus, aut stationibus intuiti hi a piratis loci non gaudebunt. *Inde angiportum dictum est.* ] angiportum non est pervium. Terent. in Adelph. idest, angusta. & curva via quasi angiportus; alii quod iter portus sit locus angustus, hoc est, inter domos: nam domos, vel portus, vel insulas veteres dixerunt. Donatus; alii isti Varro est lib. 4. de lin. Lat. qui & ab angendo, quod nihil in eo agi potest, & quod non est pervium, exitum conclusum habet. Tamen exitum imo facit Terentius in Eunuch. act. 5. Sc. 2. & Plautus in Mostellaria, & in Persa. fuerit forte & hoc & illud huius nominis; & portus, unde angiportum, certe sine exitu. Festus Pauli, Angiportus iter compendiarium in oppido; eo quod sit angustus portus, idest, aditus in portum; idest, domum. Nos breviter cum aliis, & hac lege, via conclusa; angiportum est, & angiportus iura quædam singularia sunt l. pen. C. de op. pub. l. pen. C. de meta.

. LX. Idem Libro sexagesimonono.

Locus est non fundus, sed portio aliqua fundi, fundus autem integrum aliquid est, & plerumque sine villa locum accipimus. Caterum adeo opinio nostra & constitutio locum a fundo separat, ut & modicus locus possit fundus dici, si fundi animo eum habuimus, non etiam magnitudo locum a fundo separat, sed nostra affectio, & qualiter portio fundi poterit fundus dici, si jam hoc constituerimus, nec non & fundus locus constitui potest: nam si eum alii adjunkerimus fundo, locus fundi efficietur. Locis appellationem non solum ad rusticam, verum ad urbana quoque prædia pertinere, Labeo scribit; sed fundus quidem suos habet fines: locus vero latere potest, quatenus determinetur, & definiatur.

ALBERICUS

Quid locus a fundo differat, hic explicatur, notatur vero differentia triplex. Et prima illa est, quod locus est pars fundi. Secunda, quod est sine villa; tertia, quod latere potest, quar-

quarta etiam videri illa potest, quod & ad urbana prædia nomen loci pertineat, de qua videndum est, reliqua, quæ interjecta sunt, docent harum differentiarum quasi caput, quod est nostra voluntas. Sed omnia ex ordine videamus. *Locus est non fundus*, &c. ] sic in l. 6. ff. de except. re. jud. si proponas, certum locum me petere ex eo fundo, quem petis, obstabis exceptio: quia cum totum petierim, nunc partem peto, ut dicitur in prin. d. l. & locum fundi portionem accipe, sive de similari parte, & quantitatis intelligis, sive de dissimilari, quæ explicavi ad l. 25. nam pars fundi, qui habet, puta jugera centum, ita erunt jugera quinquaginta: atque fundi, qui & vineæ, & olivera, & sylvas: & prata habet, pars sunt prata. Ille una hic est differentia, quod unus esse & ille, & iste fundus potest: plurium iste non potest: quoniam fines habet certos & apertos, vinea, olivetum, sylva, pratum; itaque plures fundi sunt, ut & sunt diversorum; non possunt diversi divisione corporis eandem rem habere, sed juris intellectu, unus potest; nam partes ejusdem omnes, cujus ipsum totum, & potest res mea pars esse rei meæ; alienæ qui potest? *Est plerumque sine villa*, &c. Sine ædificio, l. 211. ubi dicitur; & dictum est ad l. 27. itaque loco legato decem, puta, jugerum, illic legatarum præstabitur, ubi ædificia non sunt, nisi aliter de mente constet: quid enim, si scriptum sit, a tali ad talem arborem, & has intra villa contineatur? modum rectis ineundum lineis, non dubitatur. Cæterum, cum loci appellatio pateat latissime, qui sit, ut plerumque villam non comprehendat? omnino, quia suo hæc nomine appellari solet, non generis vocabulo. Sed quando est, ut non comprehendat? non de jure quæritur. Cæterum adeo opinio nostra, &c. ] Cæterum ut hæc ita sint, scire tamen oportet, quod sunt omnia opinione nostra, non natura, l. 24. §. 2. ff. de leg. 1. adeo, ut & modicus locus possit, &c. etiamne, ut quæ fundi portio est, ea fundus, & totum fiat? etiam fundus, & totum. *Est modicus locus*, itaque recitat Ciceronis illos versiculos Quinril. lib. 8. ca. 6.

*Fundum Varro vocat, quem possis mittere funda,*

*Ni tamen exideris qua cava funda patet.*

*Extraxam putoo situlam cum ponit in borta,*

*Uterius stami non habent ille locum.*

Alm

Alii Laureæ Tullio vindicant. Sed ego non calumnior jus civile, nec in gleba fundum facio, nec in pede terræ; excessus super excessum dicitur ille. *Ager minus habet telluris quam epistola Laconica*. Stra. lib. 1. & fundi nihil est, nisi quod terra se tenet l. 17. ff. de act. emp. Et Varro lib. 4. de lin. Lat. a fundendo fundum derivat, quod fundat quotannis multa. Quod tamen quantum sit, judicis arbitrium erit pro subiecto argumento judicare. Item non de parte soli, quam divulsam habeas, & mobilem, dixeris fundum, quia nemo ita locutus est: & fundum quasi fundamentum Servius ait; & fundum solo teneri l. 115. Atque ita non probo, legatum fundi non valere l. 69. §. gener. ff. de ju. dot. quoniam oblatione cespitis debitor liberaretur, ut Alciatus, & Cujacius de Græcis lib. 14. obs. c. 36. nihilque aliud, quod ad vilissimam rem reduci possit. Sed legatum fundi non valet, quia ignotum corpus: nec ratio est constituendi, nam si censemus dandum neque optimum, neque pessimum id non erit fundum facere, sed qui jam est, definire; quod nihil habet commune cum legato dotis. *Non etiam magnitudo, &c.* usque ad verbum *constituerimus* ], facile diceremus glossemata, aut certe inculcamenta, si artes recentiorum criticas probaremus. Sed ego sic expono, ut adjecta caute sint, & in id, ut sola affectio hoc constituat, non etiam magnitudo, recte *non etiam* ut ostendat, nihil hic facere magnitudinem; & Fornerius imprudenter mutat in *etenim*; quia quæri tum potest, si sola affectio sine magnitudine satis est: ut & quæritur, si solus consensus sine concubitu est satis in l. nuptias, ff. de reg. ju. id, quod jam quæri non potest retento verbo *etiam*. *Et qualibet portio fundi &c.* ] Ista hoc addunt, explicantve, ut non solum modicus locus fundum faciat a principio, sed & qualibet portio, quilibet modicus locus ejus, qui fundus est, possit jam nunc fundus fieri eodem modo destinatione nunc nostra, finge non gratia commodioris culturæ unum separatum in duos, duo jam fundi fient, l. 86. §. 1. ff. de leg. 2.

*Necnon & fundus locus &c.* ] l. 24. §. 2. ff. de leg. 1. Quid vero in Synthesi? non definit fundus esse, l. 1. ff. de reb. dub. l. alumne. ff. de ad. leg. illud vocabulum explicavit Alciatus lib. 2. Parerg. c. 27. adi. & Accursium, & Cujacium ad l. 80. ff. de verb. oblig. Sed nec, si pars adjecta separatim possit



detur, pars fundi sit, verum manet adhuc ipsa fundus *l. 10. ff. de leg. 2.* unum nomine fieri oportet, unius fundi litteris, rationibus notatum, & possessionis utriusque consulos redditus ejus unius fundi nomine accepto latos, *l. 91. pradiis. §. 3. Digest. de leg. 3. l. Seje. §. Tyranne. ff. de instr. leg.* Ex quibus scilicet ea nostra apparet opinio. Sed destinationem præterea in perpetuum factam esse, necesse est, ut per *Jas. in d.l. 24.* Ista autem vera, aptave & in casu contrario, quando plures ex uno fundi sunt: ut scilicet diversa nomina, diversæ rationes, & cætera sint distincta. *Loci appellationem &c.* ] Hæc rectius fortasse rejicerentur in postremam lineam: sed nec male hic interjecta sunt: & docent, supradicta omnia pertinere non tam ad fundum sive prædium rusticum, quod credi poterat, quia jam de villa est facta mentio; verum etiam ad urbanum, idest, ut locus in fundo rustico fieri fundus possit, & contra fundus rusticus fieri locus: sed & locus in fundo urbano, puta, pars ædium, fieri fundus, ædes; id quod videmus frequenter in judicio familiaræ eriscundæ: & fundus, ædes fieri locus, & pars ædium, si ædes vicinas emimus, aut hortum prædium urbanum, adjungimusque ædibus. Hæc certa. Itaque ridiculus Cujacius *ad tit. Inst. de usuc. in prior. not.* & Fornerius hic, qui aliam differentiam inter locum & fundum moliantur, quasi fundus de rustico dicatur, locus de omni; contra legem 211. quæ ait, *Fundi appellatione omne adificium, & omnis ager continetur, & ibi exponam.*

*Sed fundus quidem &c.* ] Hæc tertia differentia: quæ scribitur in calce hujus disputationis, quia generalis ad omnia supradicta locus latere potest ut est pars fundi; ut est sine villa; sive fundus rusticus sit, sive urbanus. Dicitur vero locus latere posse, & latere antequam definiatur, quod locus portio est, & latet portio, ut dixi *ad l. 25. §. 1.* definita non latet: & ostendimus eam esse locum, adde illud, *Est locus in carcere, quod Tullianum appellatur.* Alciatus illud belle notat, sed & alii, ut hic per Rebuffum, loci adpellatione fundum significari posse, si ita legetur, *Locum Tusculanum do, lego:* ne propter incertitudinem legatum vitietur: & sermone nostro locus fundum significet, & *l. 1. in fin. C. de prad. cur. §. quod autem. Instit. de usuc.* quæ postrema ratio aptior: nam altera non facit firma

per

per l. 69. ff. de jur. dot. Porro hæc tota disputatio & ad alia conducit, sed multum ad edictum de novi operis nunciacione, l. de pupillo. §. qui nunciat. ff. de nov. oper. nunc. Et ne loci nomen pro ipso toto, & integro capiamus in quampluribus partibus juris.

## LXI. PAULUS Libro sexagesimo quinto.

*Satisfactionis appellatione interdum etiam repromissio continetur, qua contentus fuit is, cui satisfactio debebatur.*

## ALBERICUS.

*Satisfactio eodem modo appellata est, quo satisfactio, nam ut satisfacere dicimur ei, cujus desiderium implemus. Ita satisfacere dicimur adversario nostro, qui pro eo, quod a nobis petitis, ita cavet, ut cum hoc nomine securum faciamus datis fidejussoribus, l. 1. ff. qui sat. cog. Primum, qui dico esse cui, exempla in Pandectis plura, etenim ita scribebant veteres quins, qui, sive quous, quoi. Donatus in Andria sed & contra. cullst, cualist, qualis est. Lambinus ad Amphy: & cui pro qui, l. 2. ff. ne quid in lo. pub. & cod pro quod. Aldus in multa. Mox restituo illa, ita cavet ut, & sic scribo, ita cavetur ut, nam ab ea inflexione est cavutio, & cavita apud Plautum in Pseud. & lapsus in Florentina scriptura, aut etiam qui cavet est, qui satis accepit, nam ita & in l. 7. ff. de parricid. & in l. 6. ff. de magist. conv. & notatum a Budæo fuit. Tandem, eodem modo satisfactionem appellatam, ajo, quia & dare, & facere idem sonant in ista compositione: itaque ut satisfacere dicimur ei, cujus implemus desiderium, quod erat, ut esset de suo credito securus; itaque & satisfacere dicimur. Satisfacere, & satisfacere non est solvere, quia solvere est dare id ipsum, quod debetur, satis non est id ipsum; adeoque nec satisfacere, aut satisfacere erit id ipsum dare, aut facere; verum quod satis pro eo ipso. Satisfactio pro solutione est, l. 52. ff. de solut. non est solutio, etsi solutio multo magis, quam satisfactio operetur. Satisfactio autem datis fidejussoribus dicitur: sed & pignoribus; si hæc dare volent debitor: ut illic interpretum sententiis receptum est, idem quod &*

de satisfactione censere debemus per eandem legem : quidquid hic Alciatus scribat, satisfactionem fidejussoribus, satisfactionem pignoribus esse. Illud mihi placet, ut qui tenetur dare fidejussores, is nequeat invito creditori pignora dare ; quia hoc sit aliud pro alio præstare ; quod non potest esse, vel si melius sit, §. *præterea*. *Inst. de act. l. ult. ff. de usu & habit.* & periculum est in adservandis pignoribus, *l. quemadmodum*. §. *pen. ff. ad leg. Aquil.* Sed in supradicta questione non de fidejussione agitur, at de satisfactione, quæ licet de dandis fidejussoribus habeat, id tamen quasi exemplum ejus est, quod definitur de securitate, quæ una quaeritur scilicet. Illud notatu dignum, quod qui idonea cavere tenetur, is ut pignoribus possit, hypotheca tamen non potest, *l. si mandato*. §. *ultim. ff. mand. Dominic. in 4. ult. de usur. in 6. alii.* *Rebuffus ad l. 238. §. pen.* Verum repromissio quid est? est stipulanti facta promissio, & suo quidem nomine, nec enim fidejussor repromittit : quod Lambiniusque notavit in Curculione. Hæc repromissio contineri potest nomine satisfactionis, quia satisfactio securum facit creditorem, & hæc facit, nam qui satisfactio? utique quod fidendum creditor censet ; idem igitur, si idem censet cum repromissione propter stipulationis firmitatem. Et notandum est, quod de repromissione ait, non de alia ulla promissione, puta & constituto, nam significat, alias promissiones non contineri appellatione satisfactionis, quamvis aliis contentus creditor sit. Et ratio esse potest, quoniam in aliis non est satis, & non potest homo vocabulorum vim mutare ; etsi possit ipse obligari, ut contentus sit. Sed quid si alteri quid quaeritur, quia non satisfactum? Exemplum, *Sejo centum lego, si satis filio heredi meo dederis de totidem restituendis cum morietur nepotibus meis, qui nascuntur: alias illa ipsis nepotibus do, lego*, repromittit Sejus heredi ; nepotes non repetent centum, quia paritum conditioni. At si sine stipulatione, eo firmiori vinculo promittit, non parit conditioni, & nepotes illico repetent centum. Cape aliud in iudice, qui exigere satisfactiones debet: si contentus est repromissionibus ; non mulcabitur, aut reprehendetur, nisi dolum admisit : & nisi satisfactionem quaesierit lex distinctim a repromissione, ut in *l. 1. ff. de præst. stip.* Hæc utilitas hujus legis, quam nemo exposuit. Hæc belle aptabuntur & satisfactioni. Satisfactum non di-

etur nuda promissione, qua contentus is fuit, cui satisfactio debebatur; minusque dicemus acceptionilatione, remissione satisfactum. Et ita olim, ut puto, imaginariæ solutiones, imaginaria alia intercedebant; quia verbis non fiebat satis. Sic igitur satisfactio est repromissio, si hac creditor contentus. Item in quibusdam personis ita capitur: quas dicit Jaf. in l. 1. ff. qui sat. cog. Sed nec fidejussores dandi sunt, sufficitque cautio juratoria, si is est, qui invenire fidejussores non possit, ut notatur ad eandem l. 1. & alibi, & hic n. Rebuff. Ego autem illud observatione dignum duco, quod ubi de fidejussoribus remittitur, ibi jurari, bona obligari debent, quæ omnium sententia est. Scriptore Castrense de autb. cui relictum. C. de ind. vid. sol. & Jaf. in d. l. 1. n. 20. quod si non remittitur, at dandi non erant, puto nec obligationem bonorum requiri: nam ait lex, nuda repromissio, &c. d. l. 1. ff. de prat. stip. l. sancimus. C. de ver. sig. nec nuda repromissio est cum obligatione bonorum, sed nec cum juramento. Et illud præterea, quod in legum sanctionibus ea regula de satisfaciendo procedit, etiam si qui satisfacere debet, in amplis facultatibus sit, quod in dispositionibus hominum non contingit, quæ idem Jalon de aliis reponit in d. l. 1. n. 16. Huc adferri possunt, quæ scribo ad l. 188. §. 1.

LXII. GAJUS Libro vicefimosexto ad edictum provinciale.

*Tigni appellatione in lege duodecim tabularum omne genus materiæ, ex qua ædificia constant, significatur.*

ALBERICUS.

*In lege duodecim tabularum.* ] non igitur alibi. Imo §. cum in tuo. Inst. de ver. divis. & sane tigna trabes sunt, ut Alciatus notat, igitur alibi expositio ista non tenebitur, quod ego puto, quamvis etymologia juvet etiamnum eam latitudinem; tigna enim a tegenda dicta sunt, l. 1. ff. de ti. in. quæ plene hanc nostram declarat, unde prius tagulæ, quæ tabulæ, & regulæ. I. fid. lib. 19. nam derogavit usus huic origini; quem sequi debemus, etsi Alciatus contra; in libris tamen nostrarum legum & idem

& idem ipse volo, quæ ad illam in duodecim plane respiciunt; sic in l. 7. §. 7. ff. de adq. rer. dom. l. 23. §. pen. ff. de rei vind. l. 5. l. 7. ff. ad exhib. §. cum in suo. Inst. de rer. divis. l. 98. in fi. ff. de solut. Ea autem lex aliter atque aliter restituitur a criticis hodie; nam depravata proculdubio in auctoribus, apud quos servata. Cujacius ita lib. 24. obs. c. 19. *Tignum junctum adib. vineæ & concapitum ne solvito*. Et concapitum interpretatur conceptum, cognitum; nam & glossæ *concapito concipito*, & alio loco 12. *encapito antestari incipito*. Ego chori principem Scaligerum audio, qui ita ad Festum: *Tignum junctum adibus; vineæque concapes nei solvito*, vineæ concapes, quæ suum caput, hoc est radices, junctum tigno habent, ait ille & ego sequor; vellem tamen ut constaret ratio Latini sermonis (si id licet desiderari illis temporibus). potius sic, *vineæ quæ*, ut dandi casus *vineæ* nominandi & singularis numeri *quæ*, articulus declarativus, ne de omni tigno juncto vineæ lex acciperetur, sed de vinea tantum, quæ est concapes; itaque pedamenta, sed & perdicæ, & alia omnia vineis necessaria *per d.l. 1. Potest tamen esse casus generandi uterque vineæque concapes*. Alii aliter; & mentio ejus legis pluries: observante Balduino in Comm. ad leges 12. tab. c. 27. *Omne genus materie &c.*] regulæ, lapides, testæ, calx, arena, alia, ex quibus ædificium constat. *d.l. 1. & hac ipsa nostra. Ædificia.*] omnes species ædificii. l. 9. ff. de incend. ru. naufr. Sed an etiam casulas? Lex non distinguit; dicam aliquid *ad l. 180.* Sed quid si columna pretiosissima juncta tugurio, aut villioribus ædibus est? nec distinguit lex, & consultum columnæ domino est, ut mox dico. Cæterum si columnam omnino dominus velit? videndum nobis in proposito, ne quid ridiculi tueamur, & meminisse debemus *Humano capiti &c.* nunc unam & alteram antinomiali dissolvamus. Juncta hæc vindicari vetat lex non semel; contra *d.l. 98. ff. de sol. ar. dic. tignum adibus junctum*, quod fuit, *vindicari posse sciuit*, perspicue nam ait, *sed interim id solvi prohibuit*, & loquitur in ædificio diruto. Sic insula alibi, quæ fuit. Atque hæc est insignis definitio in favorem ædificiorum, & vinearum, ne mihi rem furto subtractam vindicare sive ab alio, sive ab ipso fure possim, donec juncta ædificio vel vineæ est; ita mihi videtur: nam ratio ejus legis, quæ & indifcrete loquitur, æquæ obtinet in fure ipso,

ipſo, ut in aliis, qui bona fide junxerunt. Neque in vindicatione aliud dicit l. 23. ff. de rei vin. ſed ad exhibendum teneri eum, qui mala (qui bona, nec ad exhibendum tenetur l. 6. ff. ad exhib.) fide junxit; id quod docet etiam d. l. 1. de ſi. in. non enim ſic iſtum convenimus actione ad exhibendum quaſi poſſidentem, ſed ita quaſi dolo malo fueris, quominus poſſideat. Itaque & condemnabitur per in litem juſjurandum actoris iudice quantitatem taxante l. 3. §. 2. ff. ad exhib. & ea, non alias juſta ut contra alios bonæ fidei, duplicabitur ſcilicet contra iſtum, dum & duplicatio intentabitur, nam cur alia mox æſtimatio induceretur ab iſta, quæ iudicio præparatorio inducta eſt? & par eſt, ut mala fides gravius habeat, quam bona. Ecce tibi triplex valor, & juſto major contra jungentem mala fide; duplex eſt contra jungentem aut junctum habentem bona fide, nec enim parci oportet ei, qui ſciens alienam rem ædificio incluſit, vinxitve. Ad exhibendum agitur omnino, & rei vindicatione ſolutæ ædificio d. l. 7. Sed an ſi ad duplum jam egimus, aut etiam ſumus conſecuti? Ait l. 2. ff. de ti. in. ſed ſi proponas ſigni furtivi nomine adib. juncti ædificium, deliberari poterit, an extrinſecus ſit rei vindicatio & eſſe non dubito; contra in d. §. cum in ſuo. Inſt. de rer. diviſ. quod ſi aliqua ex cauſſa dirutum ſit ædificium, poteris materia dominus, ſi non fueris duplum jam perſecutus, &c. Aut retinendum eſt conſecutus; quod eſt in plerisque omnibus impreſſis, aut perſecutus pro conſecutus exponendum; quod negavimus ad l. 56. §. Perſecutus qui; atque ſi haberemus conſecutus, haberemus nihil pugnæ item & ſolutionem totius quæſtionis propoſitæ. Cæterum conſto mihi, & dico cum Fornerio, & tamen nec cum Fornerio, in bona fide loqui Juſtinianum, qui ſcilicet malæ non meminit: totuſque ille tractatus mixtionis ita capitur, ut alibi declaro. Ulpianus autem de mala fide ſentit; nam junctæ oratio dictæ legis ſecundæ his, quæ in fine primæ tractantur. Sic ergo dupli perſecutione, & multo magis conſecutione reliqua omnis actio ceſſat contra poſſeſſorem bonæ fidei d. §. cum in ſuo. Perſecutione non ceſſat contra poſſeſſorem malæ fidei d. l. 2. Sed an nec conſequutione? hoc etiamnum reſtat; & putem nec conſequutione, quia pœna hæc in fure: ut bene exponit Fornerius: & ſunt, qui ædificium in d. l. 2. exactum interpretantur.

## ALBERICI GENTILIS J. C.

### III. ULPIANUS Libro septuagesimo primo ad Edictum.

*PENES TE amplius est, quam APUD TE; nam apud te est, quod qualiter qualiter a te teneatur: penes est quod quodammodo possidetur.*

#### ALBERICUS.

Et Paulus Festi. *Apud & Penes in hoc differunt, quod alterum personam cum loco significat, alterum personam & dominium ac potestatem: quod trahitur a penitus; nam est & penissime.* Plaut. in Aul. Nullibi vero differentia hæc observata clarius, quam in l. 34. Titia §. Cajus ff. de leg. 2. *nolo uxorem inquietari quod penes eam aliquid esse dicatur, nihil est enim, inquietari potest pro eo, quod tantum tenetur ab ea; tamen ex detentione presumitur possessio, adi Alex. conf. 112. lib. 6. sic, ad inventarium bonorum penes Titium existentium, probatam possessionem Titii contra eum, cum quo factum inventarium est, ait idem Alex. d. conf. 112. lib. 6.* Cæterum & sæpius non observata, ut videre licet apud interpretes alios. Illud voluit Romanus per istam legem, quod si quis illiteris profiteretur, pecuniam penes se habere, is pecuniæ non numeratæ exceptionem non habebit, nam verbum *penes* contestatur, quod acceperit, ita sing. 636. scio quod. Sed id merito Rebuffus non probat, ne verbulum hoc operetur magis quam expressa renunciatio exceptionis: quia scilicet non obstante probare reus adhuc potest, se non recepisse. Forte tamen Romani adsertio tener, ut per hoc verbum fiat, ne actor, cui alias incumbit numerationem adprobare, l. 3. C. de non num. pec. hoc onere exuatur, quod in negantem transferatur. Tamen ego neque istud puto, qui & in ea sententia sum, ne aut per renunciationem majus onus neganti adjiciatur, qui eadem facilitate potest ista dare, qua confessionem ipsam acceptæ summæ edidit. Hinc indagare pulcrum, si ratio aliqua esse potest, quæ ostendar, quando ex lege ista constitui definitio debeat, postquam discrimen hic notatum ut plurimum non servatur. Et vereor, ne subtilis differentia tradatur & Grammatica ab Ulpiano, quæ nullibi observetur in definitionibus juris, nam quod omnes obtrudunt d. l. 34. puto eos

eos facere minus acute: & prælegatum illic constitutum etiam si scriptum *apud eam*, quia stat ex illis inquietari nolo, docere autem uxor debet de voluntate; quæ inde non apparet, *sciunt nullam pecuniam esse penes uxorem*, quando ita scribere maritus potuit, quod ita opinaretur; docēbit porro uxor si docet maritum immo scivisse, esse pecuniam apud eam. Atque ita mihi videtur, Forte tamen ad hanc subtilitatem decurreretur, ut contrarietas vitetur, puta, dixit testis, quid penes Titium non fuisse, mox ait, fuisse apud Titium, a contrarietate servabitur per hanc legem; idem in omni alio argumento, in quo istæ argutiolæ admittuntur, & adprobantur. Atque ista ratio quasita sit, cuius & sit ratio, quoniam subtilis hic differentia modulus, ut loquitur Alcibiades: itaque admittendus tantum, ubi subtilitates huiusmodi locum habere solent. Verbum *Ad idem* quod *Apud*, Varroni lib. 1. *de re rust.* ubi Victorius notat. Sed & de hoc & de verbo *iuncta* idem Baldus ad rub. ff. sol. matr. per l. *quidam. Dig. de serv. urb. præd.* late autem distinguitur de articulo In. Nonius de doct. indag. verbum *Apud* valere hæc tria docet. Sed hæc satis, illa videamus, *quod qualiter qualiter*, hoc est etiam male. Sic in l. 1. *Dig. de bo. eo. qui an. sent. C.* Vide quam pateat late hoc verbum in l. 7. *Dig. de min. l. 5. §. ult. Dig. de adm. tut. l. 7. Dig. ad leg. Aquil. l. 1. §. 13. Dig. de separ. l. 3. §. ult. ff. de vi C. vi. arm. l. 11. §. 9. Dig. quod vi aut clam l. 46. in prin. ff. de iur. & vim eorum qualis qualis vide in l. 1. §. 2. §. 4. ff. de vi C. vi. arm. l. ult. Dig. de inoff. testam. l. 12. §. 1. ff. de distr. pig. l. ult. §. 2. Dig. de divor. l. 1. §. 5. ff. de inspi. ven. l. 88. gerit. Dig. de acqui. hered. l. 15. §. 31. Dig. de injur. Idem vero in verbo *quoquo modo*. l. fideiussoris. ff. de pact. in verbo *quantulalibet*. l. 4. in fi. ff. de æd. ed. in verbo *qualibet*. l. 5. ff. qui lat. cog. quodque explicat Augustinus lib. 2. *Emend. c. 1. adde l. 15. Dig. de adopt. l. 87. §. 2. ff. ad leg. Falc. in verbo qualifcunque*. l. 1. l. 2. ff. in jus voc. ut ea, l. 2. §. 2. ff. qui lat. cog. in verbo *aliquis*, l. 1. §. 3. ff. de Carb. ed. *teneatur*. ] Commodatarius & depositarius tenent, si vere Zafius in §. *aque*. *Inst. de æd.* quod ita isti detinere rem dicuntur, sicut alius tellam. Sed ista sic interpretor, ut omnes qui tenent, sive probe, sive qualiter qualiter, hi apud se rem habere dicantur, & hi sint,*

Tom. II.

C c

isti



isti qui nullo modo possideant, quia qui quoquo modo possident, isti rem penes se habere dicuntur, non dubium autem est, quod depositarius, commodatarius, creditor, colonus, similes aliquo modo possident l. 7. §. 4. & §. 6. Dig. com. diu. l. 5. §. 1. Dig. ad exhib. l. 22. Dig. de uoal. l. 3. §. ex contrario. l. 21. §. ult. Dig. de adq. poss. l. 3. §. 6. Dig. uti poss. l. 4. §. 1. l. 6. §. 1. l. 15. l. 19. Dig. de preca. quam postremam adjicio, & expono, ne turbet, in possessionibus ejusdem speciei, isti igitur rem dicuntur penes se habere, fures forte, & qui citra vitium, puta qui rem de vehiculo cadentem, similem, naufragam accipit, hi tenere censeantur. Atque ita ego censerem ex verbis legis nostræ: sed scrupulum facit, quod de Festo retulimus non tantum expressum illud de dominio & potestate, quantum de origine vocabuli. Ergo detinere judicentur omnes, qui nullo ex his possident titulo, quibus nostra fieri res possessa possit, possidere, qui quodam modo. ] & hic divido, ut feci ad l. verum, ff. pro soc. in disput. 8. ] idest, quodam genere, & aliquo, qui qui eorum sit, titulo possident, l. 3. §. pen. & ult. ff. de adq. poss. l. 3. ff. de usuc. adde & septem sequentes titulos. Hoc proba, ut de possessione capiamus, quemadmodum suo titulo capitur, quæque facit rem penitus esse penes possessorem.

LXIV. PAULUS Libro sexagesimo septimo ad Edictum.

*Intestatus est non tantum qui testamentum non fecit: sed etiam cujus ex testamento hereditas adita non est:*

ALBERICUS.

Intestatum quadrupliciter explicat Justinianus Inst. de her. quæ ab int. deser. qui aut omnino testamentum non fecit, aut non jure fecit, aut id quod fecerat, ruptum irritumve factum est, aut si ex eo nemo heres existerit. Sed tres illæ primæ significationes in unam priorem legis nostræ cogentur, quia paria non facere, & non jure facere: item & non subsistere. Est porro quinta ratio ætatis, de qua litigant interpretes, & generaliter de eo, qui facere testamentum nequit, impubere, captivo, lervo, furio.

riso, prodigo. Et frequentius itum in sententiam negativam Alciatus ait, ne isti proprie dicantur intestati, qui intestabiles sunt. Ipse tum *hic*, tum *li. 10. Parerg. c. 2.* Bartolum & alios sequitur, qui contradicunt: atque usum Jurisconsultorum profert, quod & Fornerius; tu vero adde ex Pomponio, ut Nonius refert de va. si. *ser. ipsius cum uno servo senex intestato proficiscitur*, nam intestatus hic est intestabilis, licet is, cujus verbis fides non habetur; ut Nonius explicat. Pupillum non dici intestatum, cui a patre testamentum factum sit, Alexander scribit *conf. 247. Vol. 6.* nec intestati nomine venire, plures consuluisse. *le.* & magis communem opinionem esse dicit, *conf. 153. lib. 7.* quo facit illud Suidæ; Negatio in his est, quæ habitum admittere possunt. Profunda quæstio, antiqua & vulgata: & in qua judicari vix possit, quæ sit votis frequentioribus recepta sententia; sed & quæ verior sit, ut hæc scribit Decius *conf. 563. Dno. 466. Stante. conf. 617. Adco.* ipse tamen a parte negantium manet hic, qui profitendo in scholis ab agentibus sterit. Ego etiam sum cum negantibus: certior enim est *l. 1. ff. de su: & leg.* quam ut eludi possit, *proprie non est intestatus, sed hoc quoque pro intestatis accipere debemus*, aliud esse tale, aliud haberi & accipi pro tali, vulgata gl. in *l. mercis. hoc sis.* hoc est esse improprie tale, pro affirmativa facit d. *l. 1. de suis & leg.* quia verbum intestatus relatum ad successiorem secundum subjectam materiam comprehendit intestabilem, & subjecta materia mutat impropriam in propriam significationem, *l. 3. in prin. de bon. poss.* item ait d. *l. accipere debemus* sic necessitas. Item facit hæc lex, qui testamentum non fecit, item *l. credendum, §. si vero maritus, qui pr. sut.* ubi & in conditione hanc dicunt comm. Alc. Rebuff. Cæphal. Sed magis comm. negativa. Late Eug. *conf. 3. lib. 1.* & veriolem late adstruit, & quod hæc lex improprie &c. aut quod loquatur de eo, qui facere testamentum potest. Et quod non obstat *§. si vero*, nam venit pupillum secundum qualitatem personæ, ad quam verba relata sunt, & conditio etsi debet stricte, tamen debet magis secundum mentem accipi, sic de aliis legibus quod improprie. Vide omnino Eugen. per totum: Videndum igitur quando habere locum acceptio potest: neque enim habere ubique potest, etsi non distinguat d. *l. 1.* quia proponit accipiendos pro

tali sed non etiam dicit ubique; nec dicere potest, quia impropria significatio ubique admitti non debet. Ea aperta definitio tollit argumentum contrarium ab usu: item & quod in impubere movet Rebuffus non insubriliter: ut dicatur intestatus proprie, quia pater potuit ei facere testamentum. Sunt vero qui distinguant, ut hi dicantur sine testamento, & ab intestato decessisse, non intestati, & dubium non esse, Alciatus ait, at improbat Decius merito hæc *d. conf. 466*. Et non esse eam magis communem, ut Socinus autumat, verum est, ut per Eugenium *d. consilio*, cui se subscripsit Lancellortus. Atque ego sic existimarem, ut proprie nec dicerentur intestari, quorum ruptum testamentum est, aut ex eo nemo heres exitit, hos scilicet non improprie decessisse intestatos ait *d. l. 1.* quod non est proprie: ut dico ad *l. 130.* & aperte separat hos ab illis, qui testari non sunt, quosque intestatos proprie appellari tradit, sic rescisso testamento adhuc & ex ipso testamento quadam debentur, *ff. de leg. præs. & Novel. 115*. Idem de eo, cujus ex testamento hereditas adita non est, *per d. l. 1.* & per hanc nostram, quia articulus etiam productionem habeat, ut dicere. Fornerius solet. Adde quod si solvitur testamenti vis isto casu, *l. 181. de reg. ju.* certe testamentum est. Sic primam, sed & secundam significationem proprias opinor, alias duas non improprias, quintam impropriam, quæ est explicatio *d. l. 1. Bartolus*, intestatum non decessisse censer quartum hunc, qui intestatus est, quia tempore, quo deedit immo testatus est. Alciatus dissentit per istam legem: sed frustra, ut ego exposui. Ego junctum verbum non moror, & retineo definitionem meam, ut non improprie decessisse intestatus dicatur: *quoniam hæc verba, SI INTESTATO MORITUR, ad id tempus referuntur, quod testamentum desinitur, non quod moritur, l. 9. ff. de lib. & post. quod pro quo, nam casum pro casu veteres. Non. de nu. & casu.* Sed & D adjicere dictionibus faciles *marid alioq navales gradud.* Aldus in *Cartbaginensis*, non solum inter vocales ut Lambinus docet in *Amphy.* & Gistell. sed etiam consonantes, & quod ego pro quo ego Plau. in *Mosel.* Sed & casu accusandi tempus efferri potuit. Verum non hæc hujus dicit. Repetitur igitur & sexta verbi *intestatus* significatio in eo, qui testamentum fecit, sed de re aliqua testatus non est: nam intestatus in proposito ejus rei re-

ste

*Et* dicitur, §. *pen. Inst. de leg. agn. tut. adita.* ] Et si verbum ad suos heredes minime pertinere dicatur, quibus competit magis verbum immiscendi: id tamen ego verum puto ab intestato; & suum etiam adire ex testamento, quod dico, ne cavillemur intestatum, cujus ex testamento cepit suos hereditatem, quia is adisse non censetur, quanquam & differentia illa saepe non observetur.

LXV. ULPIANUS Libro septuagésimo secundo  
ad Edictum.

*Heredis appellatione non solum ad proximum heredem, sed & ad ultiores refertur; nam & heredis heres, & deinceps heredis appellatione continetur.*

ALBERICUS.

Primum dico rationem hanc, nam & heredis heres &c. non idem esse cum propositione, ut Fornerius putat; quoniam vel dubitari potuerit quomodo ea appellatio referretur, adjectumque sit: quia continetur; quod proprie dicerent plerique: omnes vel propositio sit de herede remotiori succedente nullo intermedio; quod subjicitur, idem adfirmit etiam de intermedio; nota articulum *Et*, nam & heredis &c. in quo aliud factum notari solet, jus idem; & factum quidem dubium magis, atque hoc posterius vere dubium, quia adita hereditas sit patrimonium adeptis, nec hereditas dicitur amplius: ut est communis opinio; qui igitur Titii heres Cajus, si adita Titii hereditas a Sempronio, cui nunc Cajus succedit? Ecquid si heredis nomen ab herendo? cui ego quasi heres baream: an luit Plautus in Menæchmis? His nequidquam moventibus, definit Jurisconsultus ut supra; an quod heres herus? heres minor; in Pseudolo pro domini filio; & heres pro domino aperte in Menæchmis; & antiqui, auctore Festo, heredem sane pro domino dixerunt; igitur quicunque dominus, is & heres. Hæc antiqua regula *l. ult. C. de her. inst.* At obiectis in contrarium, qui respondemus? Videndum prius, si ex proprietate est hæc definitio. Si enim damus, ex proprietate non esse, ut dandum videtur per verbum *refertur*, facilis omnium ob-

verfos, an primum heredem, an legitimos, an testamentarios; diffuse alii; ego sic, ait Ang. in indifferenti omnes hi, etiam prætorii, qui tamen strictissime bonorum possessores. Indifferenti hi, quibus secundum illam materiam convenit appellatio; materia est differens, ubi non uniformis ratio ad omnes, vel quia resularet absurdum iniquum, impossibile, vel natura rei repugnat, vel dispositionis; absurdum in re non transitoria, ut usufructus, igitur ad primum heredem, ne proprietas inutilis; iniquum, si contra intentionem disponentis, sic in pupillari quisquis mihi heres, adscriptum qui notus. Impossibile si ita heredes viventis appellarentur, nam viventis non habet heredem. Sic ad primum gradum descendendum *l. quisquis Titio* secundum unum intellectum cum *l. seq. de usufr. accres.* Natura rei; sic in feudo ad masculum. Natura dispositionis, ut quia hæc inutilis; sic si substituitur si sine herede, nam ad descendentes, hæc Ang. vide apud Alex. *d. conf. 36.* heredis nomine in feudis videtur de descendens masculis, secundum Bal. sed comm. contra quod proprie de herede. Alex. *conf. 19. lib. 5.* in vulgari intelligi de herede sanguinis. Salyc. sed alii contra & recte. Alex. in *l. quod dicitur, de lib. & post. Jaf. in l. Gallus. §. etiam si a parente. Dec. conf. 175. conf. 395. Mol. ad d. conf. 19.* tamen de feudis Alex. videtur probare, quod hic reprobatur, in *l. ex facto, §. ult. ad Treb.* In re transmissibili ad heredes heredis nomine de universali, alias filii etiam in re certa instituti, & non transibit ad filios pro hereditariis portionibus, sed æqualiter, sive in quotis disparibus, sive in re certa instituti sint, eo. Alex. *conf. 22. Vol. 5.* & ubique & alii, sed male. Mol. quem videris. Reliqua hujus argumenti habes ad *l. 70. & ad l. 227.*

LXVI. Idem Libro septuagesimoquarto ad  
Edictum.

*Mercis appellatio ad res mobiles tantum pertinet.*

A L B E R I C U S.

Et videtur tamen nomen latissimum pretio oppositum, *l. 1. ff. de contr. empt.* unde & commercium, quod est emendi, ven-

lum questum occupantur, si indicta vestigalia sint pro mercibus: etiam & pro litteris, quas Cambii etiam appellant. Sed an alia se moventia continentur? quoniam solum excepta mancipia sunt, putem utique contineri: & mobilia omnia puto, nam quod scribitur *in l. ult. in fi. ff. de con. trit.* de cæteris rebus referes optime ad res soli & mancipia, quæ diversa definitione, ad tempus quod attinet, conclusa erant *l. pen. de loco* dum queritur, ait, *quod & de cæteris rebus juris est*; inepte enim Cujacius tractatu tertio ad Africanum cæteras res, pro cæteris rebus, quæ sunt in merce, exponit: quando de his dubitari nihil potuit, & definitum jam erat. Si pro investis, exportatis mercibus vestigalia debeantur, etiam & vestigal, quod in itinere præstatur. Adde quod isti vulgo quoque mercatores censentur, & nominantur: itaque merces tractant, *l. 207.* Sed an mercatores non sunt & rerum immobilium? nescio esse, verbum tamen *mercari* commune judico adversus Alexandrum cum Alciato.

LXVII. Idem Libro septuagesimosexto ad  
Edictum.

*Alienatum non proprie dicitur, quod adhuc in dominio  
vendedoris manet: venditum tamen recte dicitur.*

ALBERICUS.

Quid veniat nomine alienationis exposuimus ad l. 28. Ratio autem hujus legis est, quod *dominia rerum traditionibus, & usucapionibus non nudis pactis transferuntur*, l. 20. C. de pactis. Sed an nudis traditionibus? videtur, adde §. *per traditionem*. *Inst. de rer. div.* sed liquido falsum, nuda autem pacta accipe, non ut plerumque pro his, quæ in suo pacti nomine stant, sed pro omnibus: quæ hic nuda pro solis, quod notes, quia pactum nudum nemo dixit & ita aliquantulo capi ad l. 1. ff. de pactis. Cum regula autem legis nostræ est & locus apud Varro-  
nem *li. 2. de R. R.* Item quod de traditionibus, & usucapionibus ait, cape pro exemplo: nam & mancipatione, in jur-  
cessione, adjudicatione, lege transferuntur dominia rerum singu-  
la.

Tom. II.

D d

larum Ulp. *frag. tit. 19.* universarum, additione hereditatis, bonorum possessionis, adrogatione, additione bonorum causa conservandarum libertatum, §. *ult. Inst. per quas per. cui adq.* Erat olim bonorum emptio quædam, & ex Senatusconsulto Claudiano successio alia per universitatem, de quibus sublatis agitur in *ti. Inst. de success. sub.* Cæterum & mancipatio sublata, *ti. C. de usu transf.* & in jure cessio idem extra solemnitates cum traditione videri potest, & quasi traditione, & traditione brevi manu, ut in constituto, aliave simili ratione, *l. 18. ff. de adq. poss. §. interdum. Inst. de rer. div.* nam & incorporalia ceduntur, non traduntur, sed quasi traduntur: ut hodie omnes dicunt. Adjudicatio autem & lex pacta non spectat: itaque nihil movet contra *d. l. 20.* Lex, & judex ejus minister, & princeps lex animata facilius transferunt dominia, quia plus possunt; sic adjudicatione in lege sola fit ea translatio; an vero sententia nondum secuta traditione transferat dominium, disputant *ad rubr. Digest. de re jud.* & negat Jason. Hæc ita se habent. Quod ergo dicitur in *l. 28.* ut venditio sit alienatio, intellige traditione secuta. Unde potius est jus ejus, cui vendita & tradita res, quam ejus, cui tantum vendita, etsi prius, *l. quoties. C. de rei vind.* Item qui ob alienationem quid incurrit, non is incurret propter venditionem, *l. ult. C. de ju. emphy.* & ita capietur *l. 8. §. 1. ff. de alie. mu. ju. ca. sa. ut hic per Rebuffum*, sed & reliquæ. Sed quod scribitur in *d. §. 1. de receptione*, & redhibitione, procedit ad illud edictum singulari ratione: alias vera semper nostræ legis definitio, ut alienatio sit sequente rei venditæ traditione, & alia erit venditio in receptione, in redhibitione sit rescissio: fuit tamen & hic alienatio. Ubi autem dominium rei venditæ sine traditione transfret propria, impropria, ficta, tum venditum dicitur & alienatum; id vero datur Ecclesiæ, ut in eam ita transferatur; & principi, ut ita transferat; & pauculis quibusdam aliis casibus notatis *ad d. l. traditionibus*, ubi locus hujus rei.

[ *Venditum tamen recte dicitur.* ] Itaque & periculum emptoris dicitur, *l. 35. §. 1. ff. de contr. empt. §. cum autem. Inst. de empt.* Sed si venditio de perfecta intelligi debet, & perfecta non est ante traditionem; ut omnium se consensus habet, recte Alciato: qui venditum recte dicitur? Immo igitur venditio perfecta.

fecta, sed quæ effectus nondum proferat, ob quos instituta est, nempe ad emptionem domini, & nec traditio satis, nisi & pretium numeratum sit, §. *vendita*. Inst. de ver. divis. Sed quid hæc ad legem, aut hominem, qui venditionis meminerit? *Emptio & venditio contrahitur* (contractus emptio est) *simul atque de re & pretio convenerit*. Inst. de empt. Quod porro de vendito adducitur, idem pari ratione & de donato, & de aliis contractibus dixeris; vel quod nomine venditionis omnis alienandi ratio contineretur, l. 29. ff. de statul. sic testamentum per res & libram, sic emancipatio, sic reliqua, & ipsa etiam donatio nummulo interjecto, hodie tamen vix est, ut lata hæc potestas verbi venditionis obtineat. Ad Jud. c. 2. Ang. q. 17. An forte scripturarum locutio est, ut venditus etiam qui donatur dici possit? sic Psal. 43. Vendidisti populum tuum sine pretio, & Esa. 52. Gratiis venditi estis; & Virgilius.

*Teque sibi generum Tbetis emat omnibus undis.*

Tandem illud notemus, quod alienatum etiam dicitur quod venditum non perfecte, sed destinatione, & vi. Sic dos promissa dicitur jam alienata, ut tradit Dec. conf. 35. & unum est effectum notatum supra de periculo; alienatum tamen negatur hic, quoniam non perfecte, adeoque nec proprie alienatum. Similiter nec alienatum videri potest, quod semper recuperari potest, per hanc l. & junctam l. qui actionem de reg. jur. sic & venditum cum pacto de retrovendendo: unde & fraus usuraria, inter Confil. Alex. lib. 4. conf. 129. Promissio etiam indemnitate, non dicitur proprie alienatio, quæ dicitur, cum transfertur dominium b. l. Alex. conf. 41. lib. 6. ubi & quod distrahere & vendere sint synonyma. Ita in statutis exorbitantibus, qualia sunt, quæ alienationem prohibent de propria alienatione capitur. Idem conf. 29. lib. uli. ita & in poenalibus contractibus Alex. d. conf. 41. Larga autem significatione dicitur alienatio, & cum sola translata & amissa possessio. Alex. conf. 98. lib. 5. Caute igitur, & ex juris sententia Seneca lib. 5. de Benefic. ait, *Venditio alienatio est, & rei suæ, jurisque sui in alium translatio.*

*Donationis verbum simpliciter loquendo omnem donationem comprehendisse videtur, siue mortis causa, siue non mortis causa fuerit.]*



*Donatio* (ait l. 35. ff. de mor. ca. don.) *dicta est a dono, quasi dono datum*. Si autem datum, certe & dominium translatum: quia dare est dominium transferre. Et si dominium translatum, certe & res tradita: ut ad principium hujus legis diximus; nempe acceptionem quoque necessariam scribit Scipio in *Originib.* Atque si hæc ita sunt, donationis verbum omnem donationem imo comprehendisse non videtur: nam genus donationis causa mortis, si quis non sic det, ut statim faciat accipientis, sed tunc demum cum mors fuerit insecuta l. 2. ff. de don. ca. mo. De reliquis duobus generibus nihil moveo; quoniam etsi nulla donatio causa mortis fieri ita possit, quin nequeat revocari pro libitu donantis, etiam jurata ne revocari possit, ut per Dec. *conf.* 239. & *conf.* 305. interim tamen stat translatio. Sed ad donationem omnem causa mortis, ne proprie, quod est simpliciter, nomine donationis veniat, facit quod legitur in l. 1. ff. de donat. *Donationes complures sunt, dat aliquis ea mente, ut statim velis accipientis fieri, nec nullo casu ad se reverti; hæc proprie donatio appellatur. Dat aliquis, ut tunc demum accipientis fiat, cum aliquid secutum fuerit; non proprie donatio appellabitur. Item cum quis ea mente dat, ut statim quidem faciat accipientis, si tamen aliquid factum fuerit, velis ad se reverti: non proprie donatio dicitur, qualis est mortis causa donatio.* Sed & illic donatio causa mortis, ut tunc demum &c. ut modo retulimus ex l. 2. ad quam notandum obiter, quod indicat, quam explicat. verius tres illas species, & secunda explicanda ex his, quæ ultimo loco exscripta de l. 1. In prima observandum plane quod legitur in l. 5. ff. de pact. ubi scilicet idem J. C. Ulpianus tres conventionum species adserit, & duas tantum ponit, tertiam facit divisione unius speciei in duas. Ita in l. 2. de mor. ca. don. tres species donationum esse ait, quas eodem modo ostendit, itaque una cum nullo periculo territi donamus. Altera vero cum periculo territi: & hæc aut ita, ut statim faciamus accipientis, aut ne statim. Nisi ad primam speciem censeamus præterea, fieri illam naturæ talis, ut revocari pro libitu possit: in quo a secunda differet, quæ tantum revocatur, & ipsa lege donationi dicta, in casum receptæ sanitatis. Id tamen, quod ego non puto, qui verissimum censeo, revocari omnem donationem hanc pro libitu, etsi cautum, ne revocetur, nec enim contrarium dicit l.

27. nam mortis causa negatur donatio, nos de ea, quæ est, loquimur, *adi Decium*. Ad textum vero nostrum, & ad hæc objecta solide Alciatus, imo donationem omnem causa mortis, & aliam omnem proprie donationem, sed perfectam. Sic enim verba capere decet, donatio causa mortis non est perfecta, nisi morte confirmata, & absoluta. Hinc si pater concedat filio, ut donare possit, de donando causa mortis non intelligitur, ut idem Alciatus ex Corneo tradit: & aliis rationibus Rebuffus confirmat, atque suffragiis. Et generaliter lex de hoc est, *l. 7. ad fi. ff. de donat.* ubi quod tamen prohibitus donare, etiam mortis causa donare prohibetur. Nec est eadem ratio contrariorum. Differentia non est, quia si quid prohibetur, etiam omne dicitur prohibitum, per quod pervenitur eo: nam idem de concessio. Sed causa discriminis significatur ibi; *pari ratione* &c. quæ est de non perdendo dicta; & perditio est etiam in donatione causa mortis; itaque donatione prohibita, etiam donatio causa mortis censetur prohibita; donatione concessa, non censetur eadem donatio concessa, quia nec donatio est: nec ratio est, quæ proferat verbum, ut in prohibitione. Certe quod Baldus docuit, ut prohibitus donare extero, donare ei causa mortis possit, ego, præmonente Rebuffo, nec verum puto, quia eadem ratio, ut scilicet divitiæ in civitate maneant, (neque enim alia ratio est prohibitionis) in hac donatione est. Item prohibitus absque consensu propinquorum donare, nec ita donabit, ut ex Jalone idem Rebuffus tradit: quia vel infirmitati donantis; vel commodo propinquorum lex prospexit; & hic etiam obrinet. Alias ster. regula, ne donationis nomine veniat donatio causa mortis, nisi absoluta, & ex rationibus scilicet mutetur. *Sive non mortis causa.*] Cape cum sua definitione, ut sit tamen mera liberalitas & munificentia. Sic donatio remuneratoria non veniet, ut Alciatus monet, quoniam non fit tantum, ut liberalitas exerceatur, adde notata *ad l. 214.* Sic neque dos venisset, quæ olim donatio dicebatur. Vide Scipionem in *Originib.* adde quod eam & donarium dicunt quidam *Alc. lib. 4. Parerg. c. 13.* Nec donatio propter nuptias, nec item alia ob aliam causam. Et donatio ob causam, ne hoc mittam expositione dignissimum, est, quæ commodum reciprocum respicit, ut hæc propter nuptias: nam ut dos sit in tuto, quam

quam maritus servet, alias enim donatio omnis ob causam; nisi stulti. Communi consuetudine sermonis nostri abutimur, cum ita dicimus, velle aliquid quempiam, aut nolle sine causa, ita enim dicimus sine causa, ut dicamus sine externa, & antecedente causa, non sine aliqua. *Cic. de fato*. Causa est, quæ id efficit, cujus est causa: ut vulnus morris, itaque non sic causa intelligi debet, ut quod cuique antecedit, id ei causa sit, sed quod cuique efficienter antecedit; nec id, sine quo quippiam non fit, causa est, sed id, quod cum accessit, id, cujus causa est, efficit necessario. Eod. Donatio facta filio pro emancipatione non est ob causam, sed simplex. *com. Ale. conf. 21. lib. 3.* Donatio non ob causam insinuari, vide *l. ff. causa consideratur ut æquet donatam in eo quod l. ff. item nec attendi causa motiva non necessaria alii. Ale. eo.* atque ita Molinæus in *tract. de donat. fa. in contr. matr. nu. 9.* Et cum Tiraquello addit tamen, ob causam nec esse, quæ propter nuptias, in eo, quod dotem superat. Idem quod Alciatus docuit de remuneratoria, ut qua superentur merita, simplex imo donatio sit. Et ratio perspicua est: Sponsalitia largitas proprie donatio, ne videatur merx matrimonii, etsi propter matrimonium futurum facta. Sed hic ego sic disputo; donationes omnes ob meritum accedere dicuntur, *l. 9. 10. 11. ff. pro soc.* Ergo omnes donationes remuneratoriæ; aut quam distinctionem meritorum faciemus? ego aliam non video, nisi quod ad remuneratoriam donationem merita & professa & probata requirantur. Simplex donatio nihil horum exigit: & licet credantur merita, si tamen nec sint omnino, & nec esse appareat, stat tamen, & multo magis donatio est. Indebiti solutionem esse donationem ajunt, & ego opinor, plane si indebitum est; at si debitum ut solutum retineri saltem possit, dubito; quia idem in donatione remuneratoria, quam donationem negant. Legatum effectum ipso esse donationem definitio legati docet. *Legatum est donatio* &c. usu speciem separatam Alciatus scribit. Legatum donationis speciem; & donationem causa mortis, ait *Horom. conf. 24.* Ego tracto *lib. 2. Lestio*. Hic unum dico ad ea, quæ in principio scripsimus; donationem hodie esse, & valere nec intercedente traditione, *l. si quis argentum, C. de donat.* itaque subrogatum huic nomini. Cætera, quibus donatio causa

caussa mortis discernitur a donatione inter vivos, late recenset Rebuffus; & diversa præterea utriusque jura: quæ ad legem, & titulum nostrum non spectant. Illud recito ex Ifid. lib. 5. quod donatio est cujuslibet rei transactio, & quod est donatio directa, qua dominium transfertur; est & usufructuaria.

LXVIII. Idem Libro septuagesimo septimo ad  
Edictum.

*Illæ verba, ARBITRATU LUCII TITII FIERI, jus significant, & in servum non cadunt.*

ALBERICUS.

An quia nomina illa servorum non sunt? mysteria hæc Alciatus tractat lib. 5. *Pæverg. c. 24.* & hinc Paulo conjecturam ad definiendum, quod est in l. 32. ff. de testa. tu. Hotomanus credidit ad tit. *Inst. de his, qui tu. te.* Sed levia hæc commenta: nulla hic in nominibus istis vis; & nec ulla in l. 10. ff. quæ infra. cred. l. 1. ff. de tu ex l. 2. l. 3. ff. ne quid. in lo. pub. l. 1. l. 3. ff. de li. bo. ex. in l. coram hoc tit. & passim. Cæterum, an fingimus usurpatum in disputatione nomen proprium aliquod, & de certo homine actum, & eum servum esse? hoc possumus; & dicitur nihil actum; quia arbitrarî in servum non cadit. Et si dicimus dubium, de quo homine actum: hic est definitio, ne de servo actum credamus, sed de libero. Et si dicimus, nec nomen appositum, sed generaliter dictum *arbitratu cujusvis*: respondebitur, sermone hoc servum non contineri. Recte omnia. Ast quæ ratio dubitandi? quod imo factum significant ea verba: neque enim nomen est *arbitratu*, sed supinum: atque verba facta significant, ut monui ad rubric. factorum autem servi non expertes, §. *sed cum factum. Institut. de stipul. serv.* arbitrium est nomen: quo jus aptius significari, verum est. Sed non ita est; immo enim nomen est; & veteres hujusmodi sæpe usi, conciliatu, commutatu, offensu, conjectu, injectu, astu, cæteris, quæque ex uno Lucrerio colligit Lambinus lib. 3. atque si supinum credimus, supinis usos pro nominibus scripsimus ad l. 7. At quomodo jus significant? ridiculum enim refer-

re hoc nomini: quia & cogitatio, & deliberatio, & reliqua jus significant. Ecquid vero si testator caverit, ut arbitrato, ut arbitrio, Lucii Titii servi sui hereditatem filii sui dividerent? Lucius Titius appellabatur, non nunc id nomen ipsi imponit testator: ne quid de libertate data suspicemur ex nominibus. Si tutor datus foret filiis, utique & liber factus censeretur, quia tutelam liberi soli administrant; an & hic liberum factum opinabimur; quia arbitrari in servum non cadat? an potius valere nihil, quod scriptum est? an de consilio, & monitis servi, eo-que quali arbitrato actum existimabimus, qui cadere in servum potest? hæc alibi sumitur interpretatio; & eam ego hic sumerem, quia libertatem tribuere, multum nimis; in herede scripto, tutore dato libertas decernitur, quoniam ea nomina ad factum flecti nullo modo possunt. Verum nondum explicamus, cur jus significant nostra hæc. Si de arbitrio juris verba accipimus, explicatio liquida; nam sunt eorum arbitria redacta ad instar judiciorum, *l. 1. ff. de recep. arb.* hi sunt arbitri, qui quidem & a partibus eliguntur, jure tamen ad eligendum compulsi juxta formam *l. apertissimi l. ult.* (ubi Hotomanus tradit) *C. de jud.* & ad unum aliquem articulum eliguntur sæpe, puta in hoc ut videant, si idonei fidejussores sunt, adde, ad ineundam quantitatem bonorum, *l. 1. §. 2. ff. si cui plus, quam per leg. Falc.* hi arbitri jurisdictionem habent, ut late tractat Alciatus *ad rub. Decretal. de off. ord. n. 33.* Sic jus significant verba illa ad hos relata. Et putem ad hos tantum referri debere, quicquid alii plerique omnes referant & ad eos, qui sponte aditi a partibus sunt, qui extra judicium ex compromisso scilicet adsumuntur, & ratio mihi est, quod de illis tractatio ordinaria in libris nostris, adderet novitius, quod ex edicto hæc verba sint argumento inscriptionis: itaque de arbitris proprie, qui in jure eliguntur, jussu prætoris. Item si deportatus, & excommunicatus capax, ad quem ex compromisso eat, qui non magis vir bonus, quam servus: cur non & servus, quando metu poenæ solum hic obeditur? Et ita etiam Fornerius, cum de constituendis societatis partibus rei pretio censendo, rationibus reddendis, id genus aliis, quæ merum factum habent, servos capaces facit, quid vero præter factum, aut ab his diversum in arbitro compromissario sponte a partibus adito? non est certe ejus jurisdictio ulla.

LXIX.

## LXIX. Idem Libro septuagesimo octavo ad Edictum

*Hæc verba, CUI REI DOLUS MALUS ABERIT AFUERIT, generaliter comprehendant omnem dolum, quicumque in hanc rem admissus est, de qua stipulatio est interposita.*

## ALBERICUS.

Clausulam hanc de dolo adjici passim solitam, & nec adjectam aliquando subintelligi; late ostendit Fornerius. Itaque videndum nobis fuerit, quæ ejus sententia sit, siue expressa proponatur, siue subintelligitur tacita; nam tacita ita omnino subintelligitur, ut expressa esse solet, *l. 68. si cum fundum. ff. de cont. empt.* itaque nec alia erit natura ejus expressæ, *l. 3. ff. de leg. 1.* Sententia ergo clausulæ est, ut comprehendat omnem dolum. Ergo præsentem, futurum; verum, præsumptum; paciscentis, heredis, hic est omnis dolum; qui potest comprehendendi, nam dolum extranei non potest, quod alieni facti promissio non est, nisi subiecta pœna: itaque & pœna subijcitur ad extranei dolum comprehendendum, *l. 19. ff. jud. sol.* non comprehenditur dolum extranei utiliter; at comprehenditur tamen: siquidem nihil illa lege præter pœnam adjectum alteri formulæ est, qua promissor ob extranei dolum obligatur. Sic igitur quod & extranei dolum in hac lege nostra intelligimus, vis verborum exposita nobis sit: effectus autem juris subnotatus in *d. l. 19. & in l. 38. §. 9. ff. de V. O.* nam nec in ista promissione quicquam adjectum, dum de pœna subijcitur ad extranei dolum comprehendendum, atque licet Bartolus censeat, imo nec verbis contineri alienum dolum, sed esse necesse, ut de ipso caveatur diserte: tamen contrarium ostendit ratio mea; & cæteri quoque contrarium docent. Cujacius vero, qui adlerere Bartoli opinionem vellet per *l. 83. inter in prin. cod. tit. de V. O.* ineptus est, non enim ea lex docet, qui exprimi debeat, sed quid contineatur doli promissione, ait, *qui spondet dolum malum abesse, afuturumque esse, non simplex abusuivum spondet: sed curaturum se; ut dolum malus absit.* Idem videlicet quod in illa stipulatione, *PER TE NON FIERI, non hoc significatur, nihil te facturum, quominus facere possis, sed curaturum, ut facere possis.*

L. 50. eod. tit. Atque ita omnis dolus, sive committendo, sive omittendo admissus, comprehenditur. Nunc videamus unde hæc lata comprehensio, & omnino, quia verba in rem concepta, l. 5. in fi. ff. quod vi aut clam. Sed qui præsens, præteritumve dolus continetur verbo futuro? at potest esse etiam præteritumve asuerit, & pro præterito capitur in libris, qui habent præterea ABERIT. Atque hic deesse sane alterum verbum dicendum videtur; quia ubi latius conceptam clausulam habemus, unde & locus iste supplendus est, dicitur, ABESSE, AFUTURUMQUE ESSE, d. l. 38. & d. l. 19. At nec potest abesse in futurum, nisi & in præteritum quoque asuerit, cum qui hodie dolus adest etiam in posterum perleveret, ut ait Alciatus ad l. 8. itaque satis & verbum hoc futuri, quod porrigi & ad præteritum audiemus in l. 123. Sed qui dolus præsumptus is est, qui facto ipso arguitur, ut quia læsus enormissime adversarius est, comprehenditur; cum dolus verus, is est, qui definitur in l. 1. ff. de dol. proprie dolus sit? Cæterum præsumptus venit in omni dispositione, æque ac verus: ut Decius quodam responso docet, & culpa proculdubio continebitur, quæ dolo æquiparetur, ut & Alciatus scribit.

#### LXX. PAULUS Libro septuagesimo tertio ad Edictum.

*Sciendum est, heredem etiam per multas successiones accipi, nam paucis speciebus heredis appellatio proximum continet: veluti in substitutione impuberis, QUISQUIS MIHI HERES ERIT, IDEM FILIO HERES ESTO, ubi heredis heres non continetur, quia incertus est, item in lege Aelia Sentia filius heres proximus potest libertum paternum, ut ingratum accusare, non etiam si heredi heres entiteris. Idem dicitur in operarum exactione, ut filius heres exigere possit, non ex successione effectus.*

#### ALBERICUS.

Adi ad ea, quæ scripsimus ad l. 65. Hic de multis successioneibus dicitur, quod ibi & de proximo, & de ulterioribus heredibus traditum est, & nos in innumeros extendimus: quia  
ulc.

ulteriores finem non habens; hic & tripliciter ea definitio limitatur, atque primæ limitationis ratio dicitur, quia incertus: ejusque rationis ratio est, quia ad incerta non trahitur affectio: ut Angelus scribit, & certum est; itaque, nec substitutio spectat, non quod non possit (ut de tutore notatur l. 20. l. 30. ff. de te. tu.) & incertus, hoc est, incognitus, substitui, l. 11. C. de her. instit. Sed quod non creditur tamen. Incertus incognitus est, §. incerta. Inst. de leg. Sed qui tamen certe demonstrari possit, l. 9. §. 2. ff. de her. instit. Incertus autem heres heredis; nam & illius filius non heres esse potest. Quia non ex judicio venit, eadem ratio in l. 8. ff. de vulg. ubi hoc idem. Atque prima hæc limitatio excipitur, ut de herede scripto etiam intelligatur, l. 227. Secundæ limitationis ratio fuerit, quod visa lex illa odiosa, ut hic Fornerius ait, & Alciatus: qui bonorum tamen possessionem contra tabulas ulteriori heredi docet non denegari, quia hoc non ita odiosum, ut retractio in servitute. Fallitur vir magnus in eo, quod Sentie legis verba putat filius heres proximus: id enim lex nostra non ait, erant ejusmodi proculdubio, filius heres adversus paternum libertum ingrati accusationem habeto, quæ lex de filio herede proximoque intelligebatur, sive ipsa expresserit, sive ita interpretarint Juris Interpretes; non etiam si heredi heres extitis, nam quem, puta, exheredem facit pater, rationis non fuit admittere contra paternum libertum. Si patris judicio non proximus, sed posterior heres foret, l. multi, ff. de lib. & post. Ego sane dubito, si definitio ista obtineret. Perge ad tertiam limitationem, ubi aliquid dicam actionem ingrati etiam Nov. 78. dat filio manumissoris; restringenda fuit hæc actio, quia odiosa. Seneca lib. 3. de Benefic. Sic tantum data duobus casibus ea actio. Cujac. ad d. Nov. ubi notat, quod per Novel. Valentiniani de libertis erat & filiis adempta, & recte Accursium restringere ad filios heredes. Tertiæ limitationis sit ratio, quod cum illæ operæ aliis non debeantur, quam filiis patronorum, l. 29. ff. de oper. lib. utique deberi desinunt in herede primo, ut nec resumantur in ipso filio herede demum effecto, l. 98. §. ult. ff. de solus. Sed hic videndum est, quid sit quod de filio a principio non herede dicimus: nam si operæ illi debentur etiam non heredi, d. l. 29. quid est, cur requiratur, ut heres sit. Cape, si nolit



ipse heres esse, sic ait, *etsi heres non extat*, & alia, *filiis hereditate paterna se abstinentis*, jus, quod in libertis habent paternis, non amittunt, l. 9. ff. de jur. par. Exheredato enim non debentur, eadem lege vigesima nona. Sicur igitur limitationem secundam in exheredato exposuimus, ita istam, quod, & diserte fit in l. 22. eod. tit. de op. lib. Cetera hujus argumenti vide ad l. 227. Sequitur.

*Verba hæc*, IS, AD QUEM EA RES PERTINET, sic intelliguntur; ut qui in universum dominium, vel jure civili, vel jure pretorio succedit, contineatur. Idem traditur in l. 19. ff. de ad. ad. Sed an non etiam eum, qui in singulare dominium succedit? Imo hæc clausula videtur generaliter adjici ad omnes l. 2. §. 1. ff. de dam. inf. Ego sic interpretor, ut quod dictum de uno aliquo est, id intelligatur etiam de successione universali; quia successor universalis sit IS; de singulari non intelligatur, quia singularis non sit IS; ad singularem non pertinet, quia IS, sed quia rem habet, quæ pertinet, aut pertinebat ad illum, qui IS erat, estve. Singularis successor non refert personam ejus, ad quem res pertinet; itaque IS non est, universalis refert; itaque IS est. Hæc est regula, ut ad singularem successorem non spectet, quod de Titio dispositum sit, hæc traditur hic, non enim ferri potest, quod Alciatus scribit, ut hic. Imo pro quodam argumento ista interpretatio adferatur, cum aliqui ex sui proprietate diversum sit, & singularis quoque successor contineatur; verum igitur sit, ut res dicatur ad eum pertinere, ad quem pertinet & jure singulari: quod multis exemplis hic interpretes tradunt; & scribam ego ad l. 219. non tamen verum est, ut sermo hic. IS, AD QUEM EA RES PERTINET, obtineat & in singulari successore: ad quem licet res pertinet, non tamen est IS, de quo scriptum erat. Sic res alienum ejus, de quo scriptum, non sustinet singularis successor, neque aliud; personam auctoris tenebat, quia successor singularis non est auctor IS, ita verba legis nostræ, nam ad l. 19. de ad. ed. idem quod omnes; cogi verba ad successores universales propter naturam ejus actionis, de qua illic, quæ personalis est. Dubitari poterat de pretorio successore, quia prætor heredem non facit, eam personam, quæ eadem sit cum defuncto, tamen idem statutum in isto, quod effectu idem omnino sit heres & possessor bonorum, l. 208.

AD.

## A D D I T I O N.

De filiis nomen heredis, si alias frustrarium, legitimatio cum clausula; dum non sunt heredes, qui ab intestato succeduri sint; nam alias transversales omnes, & ipse fiseus omnibus deficientibus. *Alex. conf. 187. lib. 5.* Ita Cast. dicit, sed aliter diversis aliis modis clausulam explicat, quem videas; heres heredis venit prohibita alienatione, nec persona heredis nominatur in specie. *Alex. conf. 36. Vol. 3.* large & improprie tamen gl. in *l. heredis appellatio. hoc tit.* & patet; nam non simpliciter dicitur, sed heres heredis. *Aretin.* si tamen de his, quæ sunt juris, agitur, tum vere & proprie. *Bar. in l. ult. C. de her. inst. Dec. ad d. l. 154. de reg. ju.* proprie heredes hereditatis ipsius testatoris dici heredes. *Corn. adi ad Dec. ibi. adde l. 154. titul. sequent.* Sic conditio de dando heredi, impletur in herede heredis, *l. cum ita datur, §. ultimo de condition. Dec. ad dist. l. 154.* heres heredis venit, quando heres non est nisi per medium heredis. *Alex. conf. 54. lib. 5.* heredis nomine plerumque primum duntaxat intelligi, *l. antiquitas C. de usufr. l. Sempronius, l. filius, ff. de usufr. leg. l. Marcius, §. ult. de leg. 2.* si tamen dicitur, liberis, posterisque masculis, ita apanuagium in perpetuum. *Hotom. de jur. re. Gall. de primo herede, l. boves, l. hac conditio filia, de cond. l. dotis, de ju. dot. Alex. conf. 36.* Lego Titio fundum, quem non alienet, sed ipso moriente habeant heredes ejusdem, alienavit; num heredes non contravenient? Sed hic heredis nomen de legitimis secundum linguam vernaculam, sic de his, qui ab intestato potuerant succedere, nec velint, si habebunt fundum, ex facto. a. Mol. ad *Alex. conf. 55. vol. 3.* Instituo filium, cui substituo si sine liberis, Titium, & ejus heredes de Titii descendantibus accipi, alias si & de extraneis, tum absurdum, ut Titii, qui minus dilectus, heredes extranei præferrentur heredibus extraneis filii magis dilecti, magis comm. *Alex. conf. 93. alias, vol. 3. & conf. 139. Circa lib. 6.* ubi tamen dicit Ang. & Imo. contra dicere, non disputat.

LXXI. ULPIANUS Libro septuagesimo nono ad  
Edictum.

*Aliud est capere, aliud accipere; capere cum effectu accipitur; accipere est si quis non accepit, ut habeat; ideoque non videtur quis capere quod erit restitutus, sicuti pervenisse proprie illud dicitur quod est remansurum.*

## ALBERICUS.

*Capere cum effectu.* Itaque usucapio, mortis causa capio, & pignoris capio, qui sunt tituli acquisitionis. Et capax, & incapax, qui querere, qui non querere potest. Sic capere pro dominium querere, l. 5. ff. de dam. inf. capio pro usucapio, l. 15. §. 4. ff. de re judic. alibi, ut observat Cujacius ad l. 3. ff. de usucap. qui quod Catonem & Gellium notet tamen, ferendus non est, nam immo verum est; quod illi dicunt, pignoris capionem sic dictam, ut usucapio dicta est, hæc enim est usus acquisitio, est acquisitio per usum: & illa est pignoris, per pignus, per jus pignoris (pignus jus est) acquisitio, rei pignoratæ adeptio: rei possessæ adeptio, accipere etsi quis &c.) Differentia est, quam nullus explicat, accipere latius patet, quam capere, nam capere cum effectu accipitur, capere & si quis non accipit, ut habeat, & si. etiam si. Ego rationem hujus differentię quæro, sed non invenio, nisi est, quod in compositis & idest, quod in simplicibus, & supra, l. 40. tamen supra non est; nisi & in significatione simplicis. At quæro multo magis utilitatem hujus adnotati discriminis, quando usum ejusdem non video scilicet, ad Juris definitiones loquor, non ad grammaticam observationem. Sed & ubi cerni vim differentię volunt, illic verba ista promiscue usurpari lego, l. 27. §. beres; ff. ad S.C. Treb. l. 1. l. 5. imo lex ait, si apparueris amplius legatorum nomine cepisse, & stipulatio, quod amplius legatorum nomine ceperis, quæ sunt de non acceptis cum effectu, sed de restituendi. Item in l. 42. ff. de leg. 2. verbum capere an non est de restituendis? Ideoque non videtur quis capere quod &c.) id scilicet, quod est restitutus; sed qui gravatus est de restituendo in diem, is capere videbitur propter commodum medii temporis; quod Alciatus observat ad l. 140. Ve.

Verum & illud hic noto, quod videtur lex paria facere *capere* & *pervenire*: nam subdit, *sicut pervenisse* &c. recte si *percipere*. & esset ratio supra quaesita differentiae propter articulum, *PER*, qui perfectam capionem significaret: Sed *capere* & *percipere* promiscue usurpantur in *d. l. 27*. ergo habeat eam perfectio- nem verbum *capere*, quam tantum praeterea exprimat verbum *percipere*: itaque in isto nihil sit amplius; itaque quod de isto dici posset, etiam de illo recte dictum sit. Majus negotium restat in priori nota; quod tamen ita explicandum est; ut licet nulla sit species in universo juris corpore, quae differen- tiam istam respexerit, eam tamen esse, exque ipsa definitiones constituendas; finge enim cautum, ne ille aut ille quid capere sine poena possit; is si accipit custodiendum, poena non com- mittitur; quia non capit, & qui capit, ut restituat, etsi cape- re non possit, capit tamen, quia capere hic non est capere, ita facit *d. l. 42*. Contra, si cautum, ne acciperet; & hoc casu poena committeretur, si ve accipiat servandum, alteri dandum, si- ve sibi quaerendum: nam verbum accipio utrumque significat. Sic accipiendum quae fieri dicuntur, ea sunt, quae quis & velit, & possit sua facere; non dicitur miles cepisse, qui capit ab ho- stibus rem civitatis, quia civitati restituere debet, ipse retinere non potest. Reliqua explicabo *ad l. 140*. quae videtur huic ad- versa narrare & *ad l. 164. §. ult.* ubi de verbo *Pervenire*, & *ad l. 271*. Sequitur.

*Hac verba*, *HIS REBUS RECTE PRESTARI* hoc significant, ne quid periculum, vel damnum ex ea re stipulator sentiat. Ver- bum recte usurpare in cautionibus solebant; quod vir eruditissimus Brissonius exponit *lib. 1. antiq. c. 9*. Fornerius torqueri vide- tur hac dicendi ratione, *his verbis prestari*. Et Varro in hu- jusmodi stipulationibus concipiendis dixerit *has res*. Sic enim *lib. 2. de re. rust. illosce boves sanos esse, noxisque prestari spondee?* & ita in alijs. An igitur *HIS REBUS* hic, ut Varroñem *noxis*, id est, non quibus prospiciatur rebus, sed a quibus caveatur? Ita scilicet latius, *illosce equos his rebus* (de his conventum jam fue- rit) recte *prestari*. Putem non ineptum. Ceterum non altera interpretatio rejicienda, quia ratio dicendi inepta; si inepta non ostenditur. Vis definitionis est a verbo *RECTE*; de quo in *l. 73*. Sed quid periculum? quid damnum? periculum est ad futurum. Erit

Erit ergo ad noxas, de quibus caveri nominatim solebat: ut de Varrone liquet, & quia de noxis ineptum alicubi cavere, erit periculum & ad omnem eversionem, & ad alia ejus generis, quæ damnum non habent, sed damni periculum; promissor itaque hæc pericula subibit, judicia excipiet, stipulatorem immunem præstabit. Ita mihi videtur alii tamen periculum ad personas, damnum ad res referunt. *Ex care.*] mutatio numeri usitata; nisi accipis HIS REBUS, ut ego exposui; atque hoc verbum *ex ea re* referas ad rem nominatam quidem, sed hic tacitam, puta ad equos. Sic l. 30. §. 3. ff. de l. 3. alibi.

## LXXII. PAULUS Libro septuagesimo sexto.

*Appellatione rei pars etiam continetur.*

### ALBERICUS.

Qui fundum suum Cornelianum legat; nec in eo habet nisi partem: is hanc partem legasse videtur l. 5. ff. de leg. 1. sed etsi non apponat suum, pars tantum debetur, ut docet recte Jason ad eam legem. Sic Alexan. in l. Titia ad leg. Falc. tradit, quod si testator pluribus liberis institutis, jusserit, si quis eorum sine liberis decesserit, hereditatem suam distribui inter pauperes, exponi debet, hereditatem, idest, partem, quæ ei obvenit decedenti. Ceph. conf. 77. n. 56. Sic lex jubet, in possessionem mitti ejus rei, puta domus, a qua damnum timetur, si damni infecti non cavetur; subditque, *ejus rei sic accipe, sive tota res sit, sive pars rei.* l. 4. ff. de dam. inf. Sic prædii dotalis appellatio & ad partem prædii in dotem dati referretur l. 13. ff. de fun. dor. Et alia, quæ interpretes notant hic, & ad l. 34. §. ult. ff. de leg. 1. & ad d. l. 5. Et ratio hujus definitionis est, quia pars rei res: ut docui ad l. 25. & absolute in proposito hujus legis, quoniam etsi pars rei in multis res non sit, rei tamen appellatione continentur partes semper; indefinitum etenim rei nomen; quod si dictum esset de re tota, integra, propria, utique in parte sermo non obtineret: quia proprium cujusque suum, ait Fronto; & idem Jason tradit recte ad d. l. 5. totam tamen hereditatem omnino pro parte dicit, l. si totam ff. de adq. hered. eodem assertore ad l. re

*conjuncti nu. 111. ff. de leg. 3. Idem in d. l. 5. & alii hic declarant iterum, ne obtineat lex nostra, si in re sumus individua: nam tum ne partes quidem esse possunt: & in solidum ea tenentur a pluribus, non divisim, nec juris intellectu. Sunt vero quaestiones an hanc legem tres, prior, si idem jus est partis, & totius; altera, si rem qui nominat, ipsum totum, intelligi de parte possit; tertia, quando debeat de parte intelligi. Ad primam regulam est affirmativa, l. 76. ff. de rei vind. quam tu cape pro portione partis. Si totum puta praestat decem, pars dimidia praestabit quinque. Item cape in partibus, quae separatae in toto operantur, non in aliis. Ecce frumenti modius ex alto projectus sonum facit; granum unum aut alterum non facit, etsi in modio & ipsum hoc faciat soni partem. In secunda concludit quod omnes junctim semper; siquidem nihil aliud totum quam omnes partes: unam aliquam separatim, contra ex proprietate, quia pars non facit illam rem nominatam; ex interpretatione tamen pars veniet. In tertia, ne de parte debeat intelligi; nisi ratio urgeat, ut cum agitur, ne heres oneretur, & alia per nostrates, in d. l. 5. & ego alibi.*

LXXIII. ULPIANUS Libro octogesimo.

*Haec verba in stipulatione posita, EAM REM RECTE RESTITUI, fructus continent, RECTE enim verbum pro viri boni arbitrio est.*

A L B E R I C U S.

Adi ad scripta in l. 22. & l. 35. Hic noto, quaestionem, quae est, si fructus veniunt in restitutione, sive hanc lex inducat, sive pars sibi quaesierit. Et in sermone legis non dubitatur, quin fructus veniant, quod si ab homine prolatum est verbum *restitui*, negant, fructus contineri, Oldradus, Jacobus, & Albericus, moventur vero per l. 173. §. 1. ff. de reg. ju. l. qui excubias ff. de re milit. & per hanc nostram. Item quia illae omnes leges referuntur ex Epigraphe ad aliquam legis partem, ut Fornerius norat, & de prolato a praetore l. 81. hoc tit. & l. 38. §. 3. ff. de usur. l. 2. §. 27. ff. ne quid in loc. publ. Sed hanc

Tem. II.

F f      opi.

opinionem Alciatus non probat nisi cautionibus quibusdam, nec ego probo, nam citra distinctionem hoc tradunt de fructibus; *d. l. 22. & d. l. 35.* ineptæ autem artes ex inscriptionibus, quid enim prohibet Jurisconsultos etiam sententias latiores suis illis in tractatibus descripsisse? Non movet *d. l. 173.* nam & pro conventionem capi potest optime verbum *lege*. Sed nec quia lex utitur eo verbo, ipsum tale est, sed quia ipsum tale est, eo lex utitur. Sic in *d. l. 38. nam & verbum RESTITUAS, quod in hac re prætor dixit, plenam habet significationem, ut fructus quoque restituantur*, ipsum verbum habet eam plenam significationem, quam & adseruimus a compositione ipsius, quæ est retro statuere. Itaque in omni argumento obtinet siue legis, siue hominis. Quod vero lex nostra hæc fundamentum ponere videatur in verbo RECTE, non in ipso verbo RESTITUI, id non est, quia tantundem non fuisset & sine illo, cum solo hoc: sed quia Jurisconsulto placuerit firmius fortasse proferre, cum & alterum proferre potuerit, vel ad inducendum quod ait de bono viro, ut Alciatus observat; forte etiam ducere in contrarium interpretationem potuit verbum RECTE: nam rem ipsam respicere videtur, non quæ circa eam aut propter sunt; unde cogitare quidam potuerunt, si judici mandetur, ut cognoscat, an Titius recte captus sit, non posse eum tractare, an feriato tempore sit captus, sed tantum an ipsa causa capiendi iusta fuerit, quæ opinio, etsi improbata est, ostendit sane, cur dubitari potuerit, ut dixi, ad legem nostram magis propter ipsum verbum recte; tantum abest, ut ex eo stet definitio. Et eam igitur dissolverit dubitationem lex dum subdit, RECTE enim &c. id est, movetur nihil hoc verbo ab eo, quod alias deberetur, quia boni viri arbitrium habet; & id nihil illiusmodi movet. Sicut igitur fructus alias deberentur *d. l. 22. & d. l. 35.* ita & nunc. Atque ita cum Alciato concludo, fructus semper deberi, quod & cum eodem generaliter limito, si alia sit fructuum ratio, alia corporis restituendi; exempla & apud eum sunt, nec retro inferri causa restitutionis, ut in *l. 35. §. 1. ff. de re. vi. in auct. idem C. de heret. in d. l. qui excubias alibi, ut etiam per Forn.* Quæ Alciatus ait de verbis RECTE & RITE, illa sunt apud Varr. *li. de lin. Lat.* apud Priscianum *lib. 15.* apud Donatum.

LXXIV. PAULUS Libro secundo ad Edictum  
ædilium curulium.*Signatorius anulus ornamentis appellatione non continetur.*

## A L B E R I C U S.

Signatorio anulo utebantur, & hodie utimur, vel ad obfignandam rem, quam patere nolumus, vel ad confirmandam scripturam, cui signum apponitur. Sic cellas anulo obfignabant, aliaque, quæ vindicarent a fervorum rapinis: Ciceronis mater amphoras etiam inanes: ejusque artificium commemorat frater Quintus *li. 16. ep. fam. de anulo custodiæ, l. 77. §. 21. ff. de leg. 2.* Vide de anulis his, & aliis, qui ad ornatum, Plinium *lib. 33. c. 1.* luxuriosissimus princeps æstivos & hiemales habuit vet. comm. ad Juv. Sat. 1. ad obfignandas scripturas, & ne paterent, & firmæ ut essent *l. 22. ff. de testa. l. 8. & 10. tit. ff. test. que. aper. l. 21. C. de testa.* & alibi horum signatorum mentio. At ad solam confirmationem in responsis Jurisconsultorum. *Nov. ut de lib.* jus etiam ad imp. transf. & litteris magistratum, ut in eo Ciceronis, *Sit anulus tuus non minister alienæ voluntatis, sed testis tuæ*, cum his aliis, quæ notavi supra *ad l. 39.* Sunt præterea anuli ad ornatum. Sic qui dabantur legatis proficiscentibus ad gentes externas, & quibus equites, alique insigniores viri utebantur, ut per Plin. hi proculdubio sunt in ornamentis *l. 25. §. 4. ff. de au. & arg. leg.* Sed & de signatorio dubitari potuit, cum hæc scriberentur, quia luxuriante seculo mox non eadem materia imprimebatur sculptura ut olim, sed gemmis, quæ maximum ornatum habent, ut ex Attejo Capitone etiam Macrobius recitat *lib. 7. cap. 13.* atque a seculi ratione, luxque lex est *9. ff. de sup. leg.* Sed in signatorio contrarium hic definitur, & cape de omni signatorio; quoniam prima signatorii ratio est non ad ornatum, sed ad signandum, quæ in omni signatorio manet quancumque pretii, quid enim mutat, quod quis pretiosissimo uti velit in eo opere? Non igitur pretium, ut subdubit Alciatus, non enim vile pretium Ulpiani ætate: nec ratio disponentis, ut Förnerius censet, hanc interpretationem suavit, sed ipsa ratio vocis, & in omni anulo,

F f 2

&amp; dif.



& dispositione omni vera erit. Illud quæri potest, si diversis anulis, si etiam signo extra anulos utimur, an, & qui, an & omnes concludantur ab ornamentorum appellatione. Ecquid si definit signatorius esse legatore puta mortuo? Non erant olim insignia hæc familiarum, quæ hodie omnium sunt. In aliquibus a casu aliquo erant, ut Torquatorum torquis, Cincinnatorum crinis, Corvinorum corvus, ut apud Sueton. in Calig. Sed quisque faciebat sibi pro libitu, ita Augustus Sphinge, Pompejus Leone, Sulla rege Boccho Jugurtham sibi tradenre; alii alio quo. Et nunc mercatores anulo singuli in hanc rem facto, non habente familiarum insignia utuntur, ut plebei, quibus nulla familiæ insignia sunt, privato anulo in id uti solent; & sunt, qui habent sculptum insignibus familiæ, & alium propriis. Ego omnes signatorios censeo: alios ab ornamentis, quod & plures habere nihil vetet: & ratio non sit, ut unus magis, quam alius in signatoriis censeatur, quando omnes in signatoriis habiti sunt. Hoc tantum interest, quod qui familiæ insignia sculpta habet, item & qui mercaturæ, ipsi signatorii penitus censebuntur, alii vero, qui sculpturas alias habeant, quibusque uti aliquando consuevimus, hi non alias censebuntur signatorii, quam si ostenditur, habitos eos nobis in signatoriis: quod fiet scilicet, si promiscuus usus docetur, non quod usi & his sæpissime simus, si quidem alios cum non haberemus ad manus, his uti potuimus: quod eam voluntatem nostram minime probat. Auri appellatione anuli aurei continentur l. 19. §. 2. ff. de au. & arg. leg. Itaque & argenti argentei, & quique suæ materiæ. Sed an & hi signatorii? non distinguit dist. l. 19. ut facit in nomine ornamentorum d. l. 25. Et sane nec ego distinguo.

#### LXXV. Idem Libro quinquagesimo ad Edictum.

*Restituere is videtur, quid id restituit, quod habiturus esset actor, si controversia ei facta non esset.*

#### ALBERICUS.

Lege, quæ scripsimus ad l. 22. l. 35. l. 73. Hic Fornerius pro actor reponit auctor contra omnia exemplaria & Græcos libro

bro. Idem, lapsus scilicet facilis, facit Hotomanus in §. *equo Inst. de act.* Et proba sane hic videri emendatio potest: nam actor controversiam ipse facit, non ei fit. Et hinc cum dubitatum in judiciis illis duplicibus, quis actor; is definitur; qui prius ad iudicium provocavit. Item ipse Fornerius ex inscriptione ducit pro *actore* exemplum. Mihi placet recepta litera; nam actoris nomen in l. 35. & bis in l. 81. Et nomen controversiæ refertur ad superiora tempora extra iudicium, ut tradidi. ad l. 36. Actor itaque, qui nunc agit, ut sibi restituatur, quod sibi controversum factum fuit. Quid autem hoc sit, & expressum alibi est; & si quid latuit, id lato hoc sermone tenetur. Adde l. 133. §. 1. de reg. jur. non tamen reponit omnia in præjudicium tertii, item si restitutio limitata fuit, aucth. idem est de Nestorianis, C. de heret. Dec. ad d. l. 133. non veniunt fructus, si per viam gratiæ sit restitutio, sed si ex debito, adi Mol. ad Dec. Nullo casu de mundo recuperat fructus restitutus ad bona, secundum comm. sed Jas. ipse tamen ait, quod consulendo & iudicando sequeretur quod dictum; si limitata &c. in l. Gallus §. & quid tantum ff. de lib. & post.

LXXVI. Idem Libro quinquagesimo primo ad Edictum.

*Dedisse intelligendus est etiam is, qui permutavit, vel compensavit.*

A L B E R I C U S.

Dare est dominium transferre l. 75. ubi §. ult. ff. de V. O. idque est & permutare l. 2. ff. de re. perm. l. 5. ff. de contr. empt. Quid igitur dubitari potuit? Quod interpretes exponant in alterius rei datione pro re debita; in quo commutatio est, atque sit tamen res debita data, quia dedisse intelligendus est, qui permutavit: id mihi non satisfacit, non enim sic accipitur in iure nostro verbum *permutare*. Sed permutare est pro re accepta rem dare: non pro debita alteram dare. Igitur ea fuit dubitandi ratio, quod verbum *dandi* simplex est, nec habet quid reciproci, permutare autem non est simpliciter dare, sed & recipere. Ut vero donatio remuneratoria non est proprie donatio, quia non est doni datio sola, sed & acceptio: ita nec permutatio sit  
datio

dario. Contrarium definitur lege nostra. Et ratio definitionis est, quia datio immo est in permutatione. Quod si donatio remuneratoria non est donatio, quia liberalitate vacat; est tamen & ipsa datio. Hæc ita se habent. Sed altera nascitur difficultas in exemplis constituendis, ubi commodo definitio hæc esse possit. Verum non hæremus, *adi l. 19. ff. de lib. ca.* unde hæc nostra desumpta est. Et veritus extra familiam dare domum avitam, nec poterit permutare, & ita de reliquis: si tamen ratio aliud non indicabit, *l. 8. §. pen. ff. de transact.* In compensatione porro ratio dubitandi fuit, quia in ea non est dominii translatio; at idem in hac, quod in permutatione; & ratio sit, quoniam debita videntur jam delisse in rebus nostris esse: ut scripsi supra *ad l. 67.* itaque nobis nunc compensatione quasi redduntur, & dantur, & brevi quasi manu tradita creditori, & ab eo redditua censebuntur. Omnino non est propria significatio hic tradita. Et qui se obligat pariter dare videtur *l. 18. l. 20. ff. de lib. ca.* Nec nocet, quod conditio dandi impletur compensatione, *l. 45. ff. de cond.* quia etsi verum est, conditionem nisi proprie impleri non posse: & hoc tamen est etiam verum, ut cum steterit per eum, cui impleri debet, quominus impleatur, pro impleta eam haberi, & hoc fit in ista specie; quia si debitor solveret implere debenti conditionem, is ei solveret proprie quod est in conditione. Sed & cum verba omnino non repugnent, ut ostendimus; & effectus convenient, ut Alciatus ait; adde quod & vulgi mos videtur, ut data hæc dicat, quemadmodum Donatus observat in Eunuchis: Interpretatio hæc regulariter adsumi poterit. Idem vero in delegatione, debiti remissione, similibus: quemadmodum Alciatus docet, & alii in debito liquido; & quando quid quærat per istam remissionem, *ut per eos.*

LXXVII. Idem Libro quagragesimo nono ad Edictum.

*Frugem pro reditu appellari, non solum quod frumentis, aut leguminibus, verum & quod ex vino, silvis caduis, cretisodinis, lapidicinis capitur. Julianus scribit, fruges omnes esse, quibus homo vescatur, falsum esse: non enim carnem, aut aves, ferasve, aut poma fruges dici; frumentum autem id esse, quod arista se teneat, recte Gallum definisse: lupi-*

*lupinum vero, & fabam fruges potius dici, quia non aristas sed filiqua continentur, quæ Servius apud Alfenum in frumento contineri putat.*

## A L B E R I C U S.

*Qui fruges excantasset*, verba in duodecim tabulis, relata Plinio *lib. 28. cap. secundo*, ut ostendat viritum quicquid sapientissimi cujusque respuat fides, incantamenta valere carminum tamen opinione multorum, & legislatorum; cui addendus Ulpianus *ad l. 1. ff. de extr. cog.* excantare autem est de loco in locum fruges traducere, ut ad Tibullum Scaliger adnotavit, & ad Propertium: qui verbo scilicet traducendi utuntur; nonne legum ipsarum in 12. tab. verba sunt, *per fruges excantasset*, & alibi, *per malum carmen incantasset*. Plin. *lib. 28. cap. 2.* Idem & *lib. 30. c. 1.* Artis magicæ extare & in 12. tabulis vestigia. Verum de nomine frugis tractatio nobis. Frux (non enim vetustissimi abstinuere, teste Prisciano *libro 5.* & Festo Pauli) dicta, quod fruamur; vel a Græco τῷ φῶγω. *Prisc. lib. 6.* unde & fructus, & frumentum, frui autem est vesci, a frumine summa parte gulæ, quæ Donatus scribit in Eunuchis. Interdictam frugem ait Tertull. *lib. 2. adv. Marc.* de interdicto Adamo pomo loquens. Sed hinc qui silvæ; cretifodinæ, lapidicinæ in frugibus? an subrogatum nomini? an vera non est, nec recepta hic ista definitio? sane vera non videtur, quia nemo, opinor, frugem dixit, qui lapides, aut cretam voluit nominare; præterea Plinius, qui *lib. 18. c. 7.* frugum genera narrat, horum omnino mentionem non facit. Ita est. Sed hic dicitur, frugem late sic intelligi, cum pro reditu capitur, pro reditu dicitur, appellatur. Hæc prima definitio in ista lege, quæ omnino vera est: nam reditus dicitur proculdubio & de silvis, cretifodinis, lapidicinis; immo & latius, ut explicatum est *ad l. 26.* Illud ego nescio, ubi frugem pro reditu quis dixerit. Si dixit, ita certe interpretabimur. Sed cur non est latius adhuc, ut omnia contineantur, quæ nomine ipso reditus veniunt, si pro reditu capitur? poma contineri, non dubito, postquam & creta, & lapides continentur. Sed cur non etiam carnes, quibus vescimur tamen? & carnes eadem ratione contineri puro, & aves, & feras, & quicquid nomine ipso reditus veniret. Ita cum pro

pro reditu appellatur. Sed proprie quid venit nomine frugis? quidam omnia voluerunt, quibus homo vescitur: moti proculdubio ab origine verbi. Julianus hoc falsum ait, quia carnes, poma, quibus vescimur, fruges non sunt. Et ratio Juliano fuit vel usus, quo detractum latitudini illi sit, & ita scribit, *non enim carnem*, &c. dici, nota hoc verbum, *qui Habudes accolunt, nesciunt fruges, piscibus & lacte vivunt*. Solin. cap. 35. vel quod aliunde ipse nomen deduxerit, forte a frago, quod veteres pro frango: nam inde fragux, unde frux, & deinceps frugis, frugi, frugem a suo verbo: quod aptum non est carnibus, pomisque, sed his, quæ teruntur, franguntur, ut sunt triticum, fabæ, lupini, cætera. Sic Virgilius lib. 1. *Æneid.*

frugesque receptas

*Et torrere parant flammis, & frangere saxo.*

atque apud Festum Pauli repofueris *fractam*, & *fractum* illic, ubi fructam & fructum antiquos frugem dixisse, legis; nam hæc sane a fruor, alia a frago; ad fruges propius. Sed si frux a frumine dicitur, bene Festus. Et quicquid de hoc sit, fruges jam frumenta sunt, & legumina: ut in principio indicatur, *non solum, quod frumentis, aut leguminibus*, quæ propria est scilicet verbi significatio: etenim & sola hæc fraguntur. Sic & Plinius, *frugum duo genera, ut triticum, bordeum, & legumina, faber, cicer. Spicis illa continentur, hæc siliquis*. Frumenta omnia, quæ ex se aristas mittunt: legumen, quod manu legatur, nec sectio-num requirat, ait Servius; milium & panicum fruges facio, etsi nec spicis, nec siliquis teneantur, sed membranis, ut idem Plinius ait: nam differentia est hæc perquam tenuis; de papaveribus, quæ vasculis tenentur, magis dubites: idem tamen adfirmes, quoniam & hæc in fruges Plinius numerat: nec tu potes ad aliud genus referre. Poma non sunt fruges. Sic Levit. cap. ult. de pomis, & frugibus. *Pomis usum ad fruges contulit culpa*. Tertullianus de cib. jud. & idem in apolog. *si poma, si fruges*, &c. tamen antea de Lucullo, & cerasis dixit, *ostenfor novæ frugis*. Sed & poma distinguit. Plinius libr. 35. cap. 12. *In frugum, vini, pomorum, barbarum*; en neque uvæ, neque herbæ fruges sunt, & cap. 11. lib. ult. *frugum pomorumque*. Item *fruges, vinum, olea, lina*; en neque olea, neque lina fruges, & Cicero pro Ros. Am. *Us non omnem frugem, neque arborem in omni agro repetire possis*, sic

*sic non omne facinus in omni vita nascitur; fruges, scilicet ita a fructibus separantur, si & fructus cogis, l. 1. §. Labeo ff. de aq. plu. Vis, ego definiam fruges? fruges sunt semina, quæ in herbis quærimus ad fructum. De pomis reliqua. adol. 235. §. ult. Hic non omitto; quod frumenta non sunt legumina, etsi scripserit J. C. ad frumenta, ceteraque legumina &c. l. 14. in fi. ff. de alim. leg. nec enim verbum cetera, alia semper implicat. Sed locus ille noceatur; frumentum autem id esse, quod arista &c. Idem Isidorus lib. 17. frumenta proprie, quæ aristas habent; fruges autem reliqua: utrumque a frumendo, & frumine, quod spica se teneat, dixerit Plinius, forte rectius, quia non omni frumento est arista. Spica mutica aristam non habet. Varro lib. 1. de re rust. Item frumentum non se tenet arista, sed folliculo, quod gluma est, vocabulum apud Ennium solum reperiunt, ut inquit Varro, & paucis cognitum, num itaque & Jurisconsultus aristam, dixit pro ignota gluma; an ita consulere minus peritis voluerit, qui ita locuti sint, alii viderint. Lupinum vero & sava fruges &c. an potius legumina pro fruges, quia & frumentum fruges? Et quid generi reponas, generisque nomen tribuas, si speciem habemus, & hujus nomen? forte fruges belle appellemus legumina, quia hæc fruges minutas dixit Cic. in frument. & sicut a legendo legumina (Gallicanis legaria) appellantur, quod legantur, vellantur, non subsecuntur, eodem Varrone magistro, Plinioque, & aliis, idque est in frugibus variis legis unde idem Varro nomen ducit lib. 5. de ling. Lat. nam est variarum frugum legi sola: Ita fruges rectius dixeris, quæ omnia leguminum appellatione significantur, ne si quæ eorum subsecuntur, subdubites non contineri. Quæ Servius apud Alfenum &c. ] Si recte Gallus definivit, certe non recte Servius, & hic tamen ab origine verbi (frumentum a frumine) ductus in hanc sententiam est, & ita capi volunt in l. ult. in fin. C. de serv. & aq. immo omniaque ad victum necessaria, ut per gl. ad rubr. C. de ea. fru. ur. Rom. & alios. Sed hodieque frumentum, vulgo de tritico capiunt κατ' ἐξωλὴν ut per Chass. cons. 83. & alii; & Alciatus, & ita in pluribus etiam legibus, ut hic per Rebuffum, quas si ornare voles, cape Plinii hæc de lib. 18. panem ex bordeo antiquis usitatum vita damnavit, quadrupedumque tradidit resedibus; & Isidori lib. 17. panisium,*

Tom. II.

G g

quod

*quod in multis regionibus ex eo panis vice homines sustentantur.* Hæc certa hujus legis explanatio, quam aliquando humanissimus, & eruditissimus quidam adolescens a me petiit: & vidit, puro, supradictas difficultates, quas Interpretes nec indicarunt. Postremo sciendum est, quod Galenus inter legumina & frumenta illud discrimen ponit, quod ex his panes conficiantur, ex illis non, & fabam recenset inter legumina, igitur non facit ex fabis esse panem, tentatum & id tamen Plin. lib. 18. c. 12. & rustici hodie. Vide Mercurial. lib. 2. l. 6. c. 6.

### LXXVIII. PAULUS libro tertio ad Plautium.

*Interdum proprietatem quoque verbum possessionis significat, sicut in eo, qui possessiones suas legasset, responsum est.*

#### ALBERICUS.

Possessio est usus rei, ut Gallus definiebat; & nos tractamus ad l. 115. & proprietati opponitur, dominiove, hoc tamen aliquando significatur nomine possessionis. Itaque in eo, qui possessiones suas legasset, responsum est, cum fundos suos legasse videri, & de Bartolo addit rationem Alciatus, interpretationem istam hic captam, quoniam usum illum, qui possessio proprie, non hoc nomine possessionis legamus; sed usus, vel usufructus. Is omnino videndus in cons. 38. lib. 15. n. 9. Et ira de possessionibus donatis, l. pen. ff. de alien. judi. mut. ca. fa. Et ita aliquando capitur non in libris Digestorum modo, sed & Codicis, & auctoribus aliis: quod Alciatus tradit, quinimo pro vulgari sermone hodie per Italiam fundos rusticos, non tamen sylvam solam, aut vineam, aut pratum solum, possessiones appellare, solemus. Itaque mobilia hoc nomine non veniunt, ut Alciatus quoque docet; sed nec prædia urbana; sed nec vinea, sylva, pratum: hæc enim suis nominibus dicimus singula; juncta dicimus possessiones, agros etiam solos possessiones dicimus, sive arva. At ego non ita intelligo istam legem, nec ita cogo, immo capio & in prædio urbano, etiam & rebus mobilibus, quoniam non ex sermone hodierno lex stat, sed ex vetustissimo, quo nihil aliud erat proprietas, quam possessio, quæ naturalis detentio, l. 1. ff. de adq. poss. Ut igitur, & urbana possi-

possidentur, & mobilia; ita si quis leget quod possidet, aut possessiones, quas habet Romæ, etiam quod in urbe habet, domum, supellectilem, mobilia, & immobilia omnia legasse censetur, ea etenim ratio stat, quod quæ possessio proprie, eam non ita legare solemus, & quod ista veniant omnia, inducitur a pari possessionis causa. Item non distinguit lex nostra de rebus legatis, sed in legato possessionum proprietatem venire tradit. Et si quis usum auctorum objiciat mihi, qui de urbanis, & mobilibus possessiones non dixerit, responderim ego, liquere de adsertione ista non posse, longe maxima operum parte perditam, & cum ratio suadeat, quod supra firmavi, credere immo contrarium; certe nec usum admodum moratos ita cum ratione statuere nos oportebit. Ita mihi videtur, & Baldus etiam respondit, quod veritatis possessiones acquirere, nec mobilia poterit, *conf. 438. viso facto vol. 2.* Sed difficile esset contra diversam opinionem, quam & communem video, obtinere, & illa confirmatur maxime per *l. filii in fi. ff. ad munic.* nam de immobilibus capies verbum *possessionem*, quia mobilia habent omnes, ut Baldus ait in *l. ult. C. de comp. & alii.* Item ne domus significantur, videtur *l. ult. C. loca.* Sed soli agri; ut dicebam: quia ita Festus, *Possessiones agri late patentes, publici, privatiq; quia non mancipatione, sed usu tenebantur, & ut quisque occupaverat, facit quodque tractabitur ad l. 115.* Cicero tamen Philip. 5. *possessiones notabat, & urbanas, & rusticas.* Illud autem singulare est, quod superadditur, ut *proprietas* tunc demum significetur, cum dictum est, *possessionem meam, tuam, suam*, usurparum est & nomen possessivum, aut etiam casus possessivus, qui & patrius, ita, *possessionem verum illarum.* Secus si junctum nomen appellativum, *possessionem illius domus*: nam tum sola possessio venit, ita Seycellus, & Guid. Papæ: sed non probat Rebuffus per *l. initio C. de pact. nec. ego probo*, quia possessionem non ita legamus, ut dixi. Usus etiam nomine interdum proprietas, idest, plenum dominium venit: ut in eo, qui fundum donet ad Titii usum, respondebitur, & fundum Titio donatum videri, *l. ult. ff. de usufr. ca. re. l. 31. ff. de donat. l. 34. §. ult. ff. de leg. 2.* sed id immo fit, quia primis verbis data proprietas: & ea datio verbis sequentibus non movetur. Itaque usus non significat proprietatem: & si diceretur,



lego usum illius rei mea, omnino proprietas non debetur, sed qui proprie usus, ut hæc recte Rebuffus.

LXXIX. Idem libro sexto ad Plautium.

*Impense necessariae sunt, quæ si factæ non sint, res aut peritura, aut deterior futura sit. Utiles impensas esse Fulcinius ait, quæ meliorem dotem faciant, deteriorem esse non sinant: ex quibus redditus mulieri adquiratur, sicuti arbusi pastinatione ultra quam necesse fuerat item doctrinam puerorum, quorum nomine onerari mulierem ignorantem, vel invitam non oportet; ne cogatur fundo, aut mancipiis careere, in his impensis & pistrinum & horreum insulae dotali adjectum plerumque dicemus. Voluptariae sunt, quæ speciem duntaxat ornant, non etiam fructum augent; ut sunt viridia, & aquæ salientes, incrustationes, loricaciones, picturae.*

ALBERICUS.

Quod de dote hic in secunda legis parte scribitur, idem cape generaliter: ut in prima & ultima, nam de dote expressum, quia ex aliquo tractatu de dotibus hæc excerpta; aut frequens hic tractatus in dotibus, sic l. 1. ff. de imp. in re. do. & Ulp. frag. tit. 6. ad d. l. 1. l. 2. l. 3. l. 4. Sic de impensis a creditore in pignore factis, a conductore in re conductæ, a quovis alio possessore. Triplex igitur impensarum species, necessariae, utiles, voluptariae. Ad necessarias notandum, quod non de simplici & propria necessitate queritur, quæ est incontingentia aliter se habendi. Arist. lib. 5. Metaph. c. 5. nam hæc impensæ possunt non fieri; ut potest scilicet lini res perire, & deteriorari. Sed de necessitate agitur tanquam causa, sine qua non contingit integritas rei, quæ non proprie, sed quodam modo necessitas appellatur, ut per Aristotelem. Nostri tamen proprie, opinor, necessitas hæc dicitur, qui rem per se non considerant, at aptam usui vulgi. Item ad necessarias opportune queritur, si res restituitur, quæ periit, an sumptus necessarij sint, & ajuhi quidam, et Alciatus distinguit, si necessaria res utilitati prædij. & ego Alciarum sequor, quia restituere nihil est

est aliud, quam denuo facere, & si picturae, & viridia semel sunt voluptariae, quid iterum factae erunt necessariae? nova res dicitur l. 83. §. *sacram. ff. de V. O.* igitur non est necessaria ex eo quod fuit, nisi nunc necessaria. Si nova non esset, tum quaerendum quasi de conservatione, & si impensa necessaria cum ad voluptaria conservanda fiat. Et videtur sane ex generali definitione in principio legis hujus. Nec nocet, quod sit sumptus facere in re voluptaria: itaque & voluptarius sumptus sit, nam ad facta conservanda inducetur facilius, ut sit non voluptarius; arg. l. *patre furioso ff. de his, qui sui sunt, &c.* atque hic cum damno, quod ex rei interitu sequeretur, obviam eatur, sumptus voluptatis esse non potest. Sed ad impensas necessarias; & illud exigi videtur, ut sit erogatio non ad praesens tantum apta l. 3. ff. *de imp. in res do.* itaque si aedes, puta, melle, & vindemia, aliique plenas quis fulserit tantisper, dum haec avehantur, sumptus certe suffulturae in necessariis non censentur. Et ratio hujus definitionis est, quia non sunt hi sumptus, quibus res ab interitu vindicetur, aut a deterioratione prohibeatur, sed sustineatur tantum ad tempus. Verum id pro subjecto argumento, immo enim haec necessariae censentur in gestore negotiorum, aliis, qui quod fructus rei non sibi habent, facere nec sumptus debent. Et ratio discriminis perspicua est, quando ad repetitionem factorum sumptuum, vel computationem aliam est tota haec disputatio; gestor repetet quoscunque necesarios; maritus, qui necessarii in perpetuum rei usum, sumptus per se utrobique necessarii. Atque omnia ista cape, nec propterea & probabiles pures sumptus, qui necessarii: neque enim necessarii statim probabiles, l. 31. §. *ult. ff. de neg. gesti.* & propterea necessarios licet dixerim in conservanda voluptaria factos, non tamen probabiles, nisi & utiles, & qui plus adferant facti utilitatis, quam incommodi dum fiunt. Necessarias praeterea impensas dicunt Interpretes, quae ex consuetudine regionis sine dedecore omitti non possunt, adi Bart. in l. *pecunia in fin. ff. de alim. & cib. leg.* Sed necessariae etiam illae sunt, quae in rem novam comparandam fiunt, si res haec fundo, puta, necessaria, l. 1. ff. *de imp. in res do.* & mox explicabo.

Utiles impensas esse, Fulcinius ait, quae meliorem datem faciant, deteriorem esse non sinant. Sunt qui legant, non deteriorum

rem esse non sinant, & ego hos sequor, quicquid Fornerius non ferat. Sed ego illud non fero, ut de Florentinis libris isti obtrudant, si negatio illa prior abest immo a Florentinis libris; quod Ruffard. persuadet, qui binis parallelis inclusum in editione sua, id neque in Pandect. Florent. neque aliis legi narrat; ea autem inclusa negatio est, aut de impressis sentit Ruffardus. Doleamus igitur, Taurellum non bona fide edidisse, & doleo sane, non sic editos illos libros, ut scripti sunt, neque libero ab omni temeritate provincialem meum. Sed hæc in Dialogis de Juris Interpretibus. Adsumo negationem, quoniam ad utiles non requiritur ut non sinant rem esse deteriore, id quippe necessarium est, utilium est, ut res fiat melior, non ut non fiat deterior, plus est in utilibus, quam in necessariis, necessariorum, si non sinant rem esse deteriore: utiles non hoc; sed si meliorem faciunt, necessariorum, quibus non factis, res deterior: utiles, quibus non factis quidem res non deterior. *Ulp. diff. tit. 6.* Ecce quam male fallatur Forner. Quod notandum, & cultura insolita facit rem deteriore, *l. ei. qui. §. ult. ff. de per. her. Ex quibus redditus &c.* ] Et hoc ad utiles requiritur, ut ex ipsis utilitas ei sit, cui censere utiles velimus; utilitas autem in redditibus statuitur, quod notes diligenter: nam Varro ait lib. 1. de re rust. *utilitas quærit fructum, voluptas delectationem, sed & hæc adjiciunt ad fundi pretium, & cum faciunt vendibiliorem: nemo enim eadem utilitate non formosius quod est mavult plaris quam si est fructuosius sarpe.* Sed ut utiles impensæ sint, non est satis, pretiosiores fieri fundum, nisi redditus fiant majores; ut in lege nostra est. *Arbusti pastinatione ultra quam &c.* ] Excrecere ultra duos pollices prohibetur, semperque pastinatis similes. Plin. lib. 14. c. 1. *pastinatis de integro vineis c. 4.* eod. non dubium quin hic sit arbutum locus, quo certo ordine arbores vitibus excipiendis plantantur, deque eo integrum Plinio caput 15. lib. 18. &c. 13. lib. 17. ubi & verbum arbutare, ulmo, olea arbutat agros Italia, arbuta vitem copulare. Cato. vid. Plin. lib. 17. c. 23. Sed in l. ult. ff. de ter. mo. *ex arbore arbutum facere*, id omnino non est: sed, ut cum Rebuffo puto, vel succrescentibus stolonibus plures arbores educere, quod ad arbuti rationem accedit scilicet, quod & Scaliger magnus in exercitationibus ad Cardanum. Stolonum cognomen, quod nul-

Jus

lus in ejus fundo reperiri poterat stolo, quod effodiebat circum arbores e radicibus, quæ nascerentur e solo, quos stolones appellabant. Varr. lib. 1. de re rust. Stolones fructificatio inutilis ex arboribus appellatur, unde & pampinatio inventa primo stoloni dedit nomen. Plin. lib. 17. in princ. *Ultra quam necesse fuerat* ]. Recte Alciatus ex Columella, & una, alteraque pampinatio, idest, fossio, etiam necessaria sit, quia alias deterius fieret arbutum: at si tertio quoque fodiatur, id utile ad reditus, & proventus majores, cavendum tamen ne supra necessitatem, & supra etiam utilitatem sit, sæpius enim noceret haud dubie. *Quorum nomine* &c. ]. Hæc non pertinent ad significationem verborum inde sunt tamen; quia bene cum non faciamus nisi volentibus, par non fuit de his aliter constituere. De necessariis contra, quod hæc pro arbitrio nostro non variantur. *Plerumque* ] quoniam non semper ita faciant rem meliorem, sed aliquando id tantum, ne sit deterius: igitur erit necessaria potius impensa ut hic per Alciatum, & diserte. Ulpianus pistrinum & horreum tum necessaria impensas definit, si necessario facta sint l. 1. ff. de imp. in res dot. alias utiles regulariter l. 6. eod. tit. Utilia sunt fructuosa, a quibus scilicet sunt proventus, voluptaria a quibus nihil præter usum fit, quod æstimandum sit. Arist. lib. 1. Rhet. *Voluptaria sunt*, &c. ] pretium ut augeant, non movet, nisi augment fructus: nam pretium proculdubio augment, ut ex Varrone recitavi. Ergo si fructum augerent, contra in his quoque esset, quæ hic notantur, quod Alciatus eleganter in re commerciali exponit, quæ enim facta sunt, ut locentur, hæc ornatio cum facilius, tum carius locabuntur. *Virida* item quod viridaria. Vitruv. lib. 6. cap. 6. Macrob. lib. 1. Sat. c. *Aqua salientes* ] hæc deliciarum causa haberi solent l. 11. ff. de sup. leg. *Incrustationes* ]. Crustæ tabulæ marmoris, sic crustati parietes, marmorati. Idem. lib. 19. cape de rectoriis ad ornatum, ut explicat Alciatus, nam rectoria alia alicubi etiam necessaria, ne intraremus, ne intrare seles, & nocere possint, adi Varr. lib. 3. de re rust. Et in summa, cape hæc exempla cum sua definitione, ut speciem duntaxat ornent. Hæc vero pro titulo, & lege nostra satis. Illa extra positum argumentum, quod necessarias impensas recipit etiam malæ fidei possessor l. domum C. de rei vind. nisi tales essent, quæ non perpetuam causam recipere: has enim

enim qui fructus capiunt, fructibus imputant *d. l. 3. ff. de imp. in res dot.* Utiles ita recipimus, si & rei dominus facturus fuisset. Certe tollere possumus quod sine detrimento rei ( idest, si nihil muretur de facie pristina ) tolli potest, & nobis utile erit. Idque & si mala fide fecimus: nisi donandi animo etiam fecimus quod ego exposui *lib. 2. Lestio* cum aliis, quæ hic Alciatus & alii, qui tamen male scribunt, utiles non repeti, nisi dominus sit locupletior, nisi que commodæ ei sint; nam exponere potius debuissent, hæc utiles non esse. Voluptarias non reperit maritus, etsi voluntate uxoris factas *l. 11. ff. de imp. in res dot.* tollet tamen, quod potest, ut modo ad utiles dixi. Ad alios quod attinget, ego differentiam nullam video cum utilibus. Sed nec quæro hic, ubi de verborum significatione quarimus, non versamur in tractatu rerum.

LXXX. Idem libro nono ad Plautium.

*In generali repetitione legatorum etiam datæ libertates continentur ex mente legis duodecim tabularum.*

#### ALBERICUS.

*In generali* ]. Itaque & generale caput dicitur *l. 32. ff. de usufr. leg.* ubi quod & præponi potuit, non tantum adponi. Cum omnia jam posita in testamento essent, & heres institutus, clausula adjungi solebat aliquando quidem supervacua, aliquando non supervacua, & ea hæc erat, *Quæ cuique legavi, heres meus damnas esto dare*, hic supervacua, quia & sine ipsa heres damnatus dare. Loquor ad jus, quo utimur, quoque sublata\* differentia quadruplicis rationis legandi: si quidem non fuisset olim supervacua; nisi nec alio modo legatum fuisset prius: supervacua nunc esse non solet, quod sæpe aut unus hereditum nominatim oneratur, aut de tempore adjicitur, quæve alia re. Sic *l. 30. ff. de leg. 1.* Porro horum, quæ dico, exempla plura, & alii collegerunt, tu adhuc vide *l. 40. l. 63. de leg. 3. & l. 32. l. 34. §. pen. de leg. 1.* adde, quod & ita fieri potuit, *Quæ cuique dedi, legavi, ea neque do, neque lego.* Et hanc enim ego censeo repetitionem; quia non hic repetitio nova petitio; nam le-

legata petendo non dabantur. Hæc generalis repetitio. Singularis illa, *Quæ Titio dedi* &c. de qua nihil cavetur lege, quia inepte de re certa caveretur. In ea repetitione generali veniunt & libertates. Idem in l. 77. ff. de leg. 3. ubi & de repetitione facta in substitutione. *Repetitione* ] non ergo executione, quod Interpretes male putant ad l. 40. §. 2. ff. de cond. & dem. Sed quomodo? repetitionis verba non conveniunt, quæ sunt, *Quæ legavi*: & libertates non legamus, quod observavit Vacanius libr. 4. decla. ju. ci. decl. 53. & licet Duarenus proferat l. 6. in fi. ff. de her. inst. ut doceat immo dici, *libertatem lego*: tamen non profertur formula, ubi ita dictum sit. At ait lex nostra, *Ex mente legis* 12. tabularum. Sicut scilicet ea lex, *Usi quisque legasset, rei suæ, ita jus esto*, & libertates hoc verbo intellexit: quod videbimus ad l. 120. ita & testator his, *Quæ legavi*. Et sic notes, quod, quæ ininterpretatio est verborum legis, ea & testatoris proba est. Sic & l. 162. ab iisdem duodecim tabulis ad eisdem testatores. Item l. 21. ff. de statul. & ab aliis legibus, l. 74. in fin. ff. ad Trebell. ab edictis l. 13. in fin. ff. de ma. se. & l. 163. hoc tit. etiam ad viventium dispositiones. Sed & alibi.

#### LXXXI. Idem libro decimo ad Plautium.

*Cum prætor dicat, ut opus factum restitatur, etiam damnum datum actor consequi debet: nam verbo restitutionis omnis utilitas actoris continetur.*

#### ALBERICUS.

Adi ad scripta supra l. 22. l. 35. l. 75. Speciem vero pone in Edicto novi operis l. 1. §. 1. l. 20. §. ait ff. de nov. op. num. in alijs, ut hic per Interpretes. Qui, quod de damno scribitur in lege, exponunt etiam in lucro cessante. Sed si damnum a deminutione patrimonii dicitur, l. 3. ff. de da. inf. & est a Græco δαμνῆν, ut Scipio in *Originib.* tradit, consentitque quod olim etiam scribebant *damnum*, qui lucrum hoc in damnum rulerimus? Forte igitur recte respondit Baldus, nec referendum. At hunc improbat diserte Alciatus. Ego autem Jasoni adsen-

tior, qui lucrum hoc ad damnum spectare docet, quando jam radices egisset, & communem opinionem testatur in *l. reprehenda in fi. C. de inst. & subst.* debitum porro lucrum, id radices egisse censebitur, *l. fluminum in fi. l. Proculus ff. de dam. inf.* & in summa radicatum dicemus, cujus ratio in jure habetur: ut hic per *Alciatum*. De quantitate porro non curatur: verum quale quale commodum amittere, damnum est, *l. 2. §. merito ff. ne quid in lo. pub.* Item immo patet damni verbum latius, quam dictum sit in *l. 3. de damn. inf.* nam Varroque ex eo, quod det minus, & non ad causas tantum pecuniarias referri ostendit *l. in furti §. 1. l. si pignore §. 1. ff. de sur. Accurs.* in *l. pen. ff. de cond. ca. da. Bello lib. 4. Supp. c. 3.* Tamen hæc quodam modo potius, quam vere. Et hæc tamen aptum comprehendere verbum *restituas*, nisi ratio non apta sit, quo damni restitutio continetur, quia *omnis utilitas continetur*. Et propterea in proposito nostræ legis *Alciatus* recte, ut lucrum cessans veniat; non tam quia hoc veniat nomine damni, quam quod verbo restitutionis veniat, quo omnis utilitas continetur, adeoque & lucrum hoc. Et itaque suis sumptibus restituit reus, lege *l. 2. §. restituere ff. ne quid in loc. pub. l. ult. ff. de interd.* Et ita ne etiam periculum damni superfit, *l. 14. ff. de aqu. pluuv.*

#### LXXXII. Idem Libro quartodecimo ad Plautium.

*Verbum AMPLIUS ad eum quoque pertinet, cui nihil debetur. Sicuti ex contrario minus solutum videtur, etiam si nihil esset exactum.*

#### ALBERICUS.

Cognosce, quæ scripsi ad *l. 12. §. ult. & ad l. 32.* Adde idem & de verbo *PLUS l. 1. §. hæc verba ff. si cui plus quam per leg. Falc.* Sic & reperit nihil *l. 108. si fortis §. 5. ff. de leg. 1.* Et difficilis hæc est questio: nam reperit in *l. 13. ff. de leg. 3.* Quicquid igitur alii dixerint omnes, mihi sano placeat, si ita exponimus. Aut verbum *amplius* adjectum aliis est legarum eribuentibus: aut hoc datum significantibus, & primo quidem casu repetat, altero nequaquam. Si ita scriptum.

ptum erit, *Amplius quam Titio legavi, beres meus Sejo decem dato*, non est repetitio, *d. §. 5.* quod si ita, *Hoc amplius Sejo decem dato*, est repetitio, *d. l. 13.* Nec differentia nascitur ex articulo *Hoc*, nam etsi abest, fit repetitio, *l. qui ita ff. de do. preleg.* si adest, res minus dubia tamen, *l. quid ergo ff. de leg. 1.* Immo cum adest indistincte fit repetitio, *l. avia ff. de cond. O demonstr. l. Pampilio ff. de leg. 3.* Sic igitur si articulus adfit, fit repetitio: si non adfit distinguitur, & illius distinctionis unus auctor Africanus, qui in *d. §. 5.* formulam priorem diversam considerat a posteriori, & ita argumentatur, Hæ formulæ diversæ sunt, si itaque per. sequentem usitatem facta repetitio censetur, certe per priorem non fiet. Sunt diversæ formulæ, ut a principio explicavi. Sed & ex *§. si ei*, qui sequitur, Si diversarum naturarum non essent hæ formulæ, certe dubitandum magis fuisset, an per illam adjectionem, *Amplius quam mihi debes* &c. stipulatio vitaretur propter duriores contractum, & hujus ipsius stipulationis naturam: quæque interpretatione omnia no minus, studiove juvarur, quam voluntas ultima: & tamen multo minus dubitandum, Africanus respondit, quam si ei, cui nihil legatum est, cum hac adjectione, *hoc amplius* legaretur, quia diversus cum sit in stipulationis propositæ exemplo repetendi actus, & oratio a stipulandi actu: sane nec fuit, cur, ex illa inutili, vanaque adjectione utilis stipulatio dandorum decem adficeretur. Cujacius ait, scriptum ab Africano, dubitandum multo minus in stipulatione; non quod præcipua quædam ratio sit, cur in stipulationibus minus dubitari debeat, sed ne quis dubitaret. O præclarum ingenium! Dubitandum minus propter formulæ diversitatem: etsi & formulis commutatis etiam eadem definitio haberetur per hanc nostram legem. At ille idem interpres perridiculus, dum & eas formulas explicat, ait scilicet, *Fortasse, Forte, Aliquanto apertius, Non tam aperte, Sermo quodammodo dilucidior*, non tibi illa Plautina in Epidico videris audire? *Verum aliquid aliquo aliquo modo alicunde. ab aliqui aliqua tibi spes est*, & non respondes? *tu mihi aliquid aliquo modo alicunde ab aliquibus blatis.* Sed earum formularum diversitas & ex eo ostenditur, quod vere altera usurpari solita: altera non item, ut eam supra viginti locos ostendere possim, qui docent illum usum, ita vix paucissimos, quatuor fortasse, indicabis.



qui inusitatam habeant. Atque ita paucis, nam latius tracto libro primo de Conditionibus. Est vero verbum *amplius* quantitate regulariter. Sed & causæ aliquando, l. *en parte ff. famil. erisc.* ubi Molinæus notat, aliquando conjunctionis, ut noto *eo lib. 1. de Condition.*

### LXXXIII. JAVOLENUS Libro quinto ex Plautio.

*Proprie bona dici non possunt, quæ plus incommodi, quam commodi habent.*

### ALBERICUS.

Bona enim ex eo dicuntur, quod beant l. 49. Immo hæc damnis deputabuntur: quod auctore Varrone, damnum quia dat minus; minus scilicet refactum, quam quanti constat, & ita damnosæ possessiones in §. *pen. in Auth. de non alien.* quæ etiam donatæ; decollare Plaut. in *Casi.* & Varr. *lib. 1. de re rust.* quando fructus sumptibus non respondent. Sed notandum hic est, quod propria verbi significatio quæritur, quæ est naturalis, nam civili significatione bona dicuntur, etiam, quæ & plus incommodi, & nihil commodi habent: ut in bonorum possessione contingere potest l. 119. Item in argumento satisfactionis de iudicio si sit censet Rebuffus, bona huiusmodi satis, ne quis satisfacere cogatur: quia satis sit possidere immobilia l. *sciendum Digest. qui satisd. cog.* & nec dicit lex de bonis immobilibus, at tantum de rebus. Item non ea satisfactio ad quantitatis præstationem, sed tantum ad iudicii ordinem pertinet: in quo non tantum est, ut hæc possessio non sufficiat, quia ad eam citationes, detestationes, alia fient, si absit, aut latitet mox reus. Superadiciendum præterea est hic; quod bona hæc non proprie etiam si & commodum ferant, quoniam attenditur quod prævalet, & id, cuius inest amplius, l. *quæritur Digest. de sta. bon. cum similibus.*

### LXXXIV. PAULUS Libro secundo ad Vitellium.

*Filiis appellatione omnes liberos intelligimus.*

AL.

## ALBERICUS.

Sunt, qui mendum ( ut refert Fornerius ) suspicentur in verbo *omnes* quasi prius dempta hic scriptum fuerit *Omines*; itaque restituunt homines. Vide Cujac. *ad l. 2. ff. de excus.* Et sic quidem aspirationis detractio barbarismus, ut siquis ( ita in certo hoc casu Diomedes *lib. 2.* dicat *omo*, cum debeat asperè pronunciari, tamen in Pandectis leguntur illa; *oc, ac, ero odie, abeo, o spes, ispania, alienus, ortatus*, etiam is ipse *omo* in *l. 70. ff. de contr. empt. in l. 5. Dig. de resc. vend. veteres* etiam parcissime usi aspiratione sunt, teste Quintiliano *lib. 1. c. 9.* Probari autem is sensus potest, quia filii sint, quos nuptiæ demonstrant, nuptiæ autem non sunt nisi liberorum hominum: itaque nec filii nisi liberi homines; quoniam liberi ex liberis. Cæterum nec Fornerio probatur emendatio, nec mihi *per l. 88. §. Damæ ff. de leg. 2. l. 4. ff. de in jus voc.* Igitur de gradibus hæc definitio secundum interpretationem Alciati, Brechæi, & Fornerii, sicut nomine liberorum omnes gradus significantur. Item & de generibus, ut aliique volunt. Mihi tamen de numero potius definitum videtur, ut quod de filio enunciatum numero unitatis sit, id & plurativo intelligatur, ut in *l. si quis §. 1. ff. de test. su. in l. 1. ff. de ads. lib. l. 2. ff. de lib. & post.* nam *filiorum* dixisset aptius, si non de numero ageret, etiam *filias* scripisset. Si item de adoptivis, & naturalibus ageret, quæ hæc expositio nihili? Rursus, de gradu non putem hic tractari, quod alia semper ratio explicandæ hujus rei tenetur *l. 201. l. 220. hoc tit. l. 4. l. 10. ff. de in jus voc. & alibi semper.* Eccur non scripsit, *omnes descendentes*? Liberi in *§. videndum l. Gallus*, de filiis accipitur, quia sequitur *cæteri* gl. ibi. Sed liberi usque ad trinepotes, cæteri ultra. *Bari.* at licet dicatur, quod liberi usque ad trinepotes habeant distincta nomina, non tamen sequitur quod usque tantum ad trinepotes dicantur proprie liberi, & ultra trinepotem non potest esse conceptus in vita testatoris. Cæteri igitur, id est, non naturales, sed adoptivi. *Jaf. ad d. §. videndum.* Item si liberorum nomen latius, ut nostrates volunt, patet, qui liberi significabuntur nomine angustiori filiorum? Et si idem, ut ego puto, in nomine filiorum, quod in liberorum, quæ hæc explicatio per idem? Quod si se.

si secundum receptam illam opinionem dicis, angustiori nomine contineri quod est latius, iuxta interpretationem *d. l. 201.* id quod recte dicatur, apparebit *ad d. l. 220.* & ibi hoc videbimus de gradu, de sexu autem in *l. pronuntiatio*, hic aliquid de naturalibus & adoptivis dicamus. Et adoptivi non veniunt in conditione; *l. 51. ff. de leg. 2. l. fideicommissum ff. de cond. & dem.* etiam si dictum foret, *Si sine liberis masculis naturalibus & legitimis vel legitimatis, seu legitimis tantum*, ut Curtius respondit, & subscribit Decius subtiliter differens *conf. 399.* ubi idem tradit & de filio spiritali, fraudes enim fierent, quod hic plane conqueritur Africanus Gell. *lib. 5. c. 19.* notat Tacitus *lib. 1.* & Cicero contra Clodium in *Orat. pro dom. sua adde l. nec ei. ff. de adopt. l. 2. §. adoptivi de vacat. num. §. 1. Just. de excus.* Non revocantur donationes. Cast. in *l. 2. C. si in fra. patr. & conf. 433. li. 1.* Nec in statuto veniunt, *Quod stantibus masculis* vide Bal. *conf. 24. li. 1. & 202. li. 4.* Sed Albertum Brunum in suo tractatu, adde quod dicitur in *l. ult. C. de his, qui ven. et. l. adoptiones ff. de adopt.* Sed de adoptivo definitio limitanda videtur, arg. *l. hereditibus §. 1. ff. ad Treb.* Si conditio dicta his est, qui alios filios habere non possunt, atque notanda ea definitio est, ut natus ex furiosa, quæ matrimonium contrahere non potuit, filii nomine censeatur. Item & de Spadono tenet Jaf. in *l. sed est, ff. de li. & post.* Et sane ita credo si scierit impedimentum, qui conditionem apponit. Pone & in eo, qui uxoratus esse non possit, nam adoptare & is potest. Aret. in *§. minorem Inst. de adopt.* Spurius etiam, & hos solos malint. Ang. & Coraf. quod turpe. Bartolus de Ecclesia censer, quod non verisimile. Accipi & de susceptis per dispensationem potest. Secundo limitatur definitio, si qui conditionem dicit, is adoptionis commento causam dedit, finge eum avum fuisse, qui nepotem tanquam ex filio adoptavit: nam si is avus dicat, *Filio meo, si sine filiis decesserit, substituo Cajum*, nepos ille substitutum excludet, subtiliter, & ex Bartolo tradit Socinus in *l. si cognatis col. 10. ff. de re. dub.* Pone & exemplum Augustanum de quo in *§. plen. Inst. de adopt.* Suetonius in *Aug. & Tacitus li. 12. ann.* & in substitutione superscripta Germanicus vincet Tiberio substitutum. Tercio limitatur ut ad excludendum fiscum adoptivi filiorum nomine veniant *l. ult. ff. de bon. damn.*

*damn.* quod credimus verum in legali dispositione, quam filios suos verisimiliter agnosceret, hinc adoptivus excludit matrem a legitima successione *l. 3. l. 4. ff. ad Tertul.* hinc, neque adoptivum parentem vocare in jus licet, & de parente tantum dixerat prætor *l. 4. l. adoptivum ff. de in jus voc.* in dispositione hominis verum non credo, qui naturam cogitasse videtur, non artem, atque ita censeo, vel si fraudis suspicio absit: quicquid contrarium velit Corasius in hoc casu *lib. 1. Misc. c. 7.* Sed nec in legis dispositione venient, quando fieri fraus dispositioni legis potest *prin. tit. Inst. de excus. tut.* in mixta legis & hominis certe non veniunt §. *adoptivus tit. 26. lib. 2. feud.* Et concludunt interpretes, ne veniat adoptivus nec in legis dispositione nisi sit eadem & in adoptivo ratio, adi Dec. *in l. generaliter col. 9. C. de inst.* Et illa probe hic cadit ratio, quam contra legitimatum quidam proferunt de filio ab origine verba accipienda, non ab accidenti, & quia communiter de nato accipimus, non de facto. Sic itaque si in conditionibus adoptivi non veniunt, certe proprie filii non sunt; quos nec nuptiæ demonstrant scilicet. Itaque de adoptivis vix capio legem nostram. Sed quid quæso de emancipatis, opposita adoptivis specie? Et nec is in dubio intelligitur, ubi de filiis sermo est, alii, & Jas. *in l. qui se patris nu. 33. C. un. lib.* itaque minus in conditione de ipsis dictum credetur, tamen quod istæ differentiæ subtilæ hodie videantur: Itemque de naturalib. diversum afirmabo: libentius omnino filiorum appellatione, & emancipatos intelligam. At quid in legitimatis? Ardua quæstio, est tamen communis opinio, ut conditio quoque per eos impleatur, deficiat. Verius, & receptius, ut legitimati proprie veniant, ait Eug. *conf. 6. n. 42. Vol. 1.* proprie igitur intelliguntur, lege interpretes *ad l. Gallus §. & quid si tantum ff. de lib. & post.* nam latissime tractant, ego sylvam illam adhuc non fero, adde & Dec. *conf. 32. Vise elegant.* & ibi Molinæum ibi de statuto *Quod stantibus masculis:* de dispensatione: de legitimatione per subsequens matrimonium, sed & plura hujus argumenti idem Decius consiliis admodum multis. Sic scilicet legibus Romanis pene incognita soboles larius nunc caput extulit Romanensibus capitulis adjuncta, & ingenia nostra fatigat, & libros nostros complet. Quæro jam de filiis naturalibus, si hi filiorum nomine intelliguntur? Cautio

tio de non offendendo data pro se & filiis, non intelligi de naturalibus. *Cyn. Alb. Felin. Decia. cons. 88. num. 16. Vol. 3.* Et naturales dicuntur omnes, qui extra matrimonium nascuntur, qui sunt aut ex servis, aut ex peregrinis, aut ex concubinato, aut ex altera non prostituta, aut ex prostituta, aut ex adulterio, aut ex incestu & nefario coitu, aut in gradu alio civiliter prohibito, idest, vel sunt filii isti ex his, quorum neque est, neque esse matrimonium potest, ut in primo, secundo, sexto, septimo, octavo casu: vel ex his, inter quos potest matrimonium esse, sed non est; ut in tertio, quarto, quinto casu. De servorum filiis diximus, eos filiorum nomine censi, per l. 88. ff. de leg. 2. impropria tamen significatione: nam inquit, creditur appellatione filiorum &c. quod verbum nota producta interpretationis est, ut bene observat Fornerius ad l. etiam. Item filii quos nuptiæ demonstrant, quamquam hoc ego enunciatum puto in l. filium ff. de his, qui sui sunt, non tam quod filii nomen aliis auferat, quam quod filium esse nuptiæ probent, doceant. Quid in susceptis a deportato, qui quasi est servus? distinguendum, ut in l. ex facto §. ex facto ff. ad Trebell. Et tantum de servis. In peregrinitate suscepti dicuntur, si nuptiæ non inter clives Rom. sunt, nec enim legitimæ habentur aliz. Cajus li. 1. Inst. tit. 4. & prin. si. Inst. de nupt. arque declarat Alciatus li. 4. Parergor. c. 5. Similis vero lex Athenis, & Spartæ, ne connubium cum peregrina esset. Plut. in Per. & in Agi. Elian. li. 6. Sed isti qui hodie sunt, nescio, nisi si lege mancipii alicujus; aut gentis idem cautum hodieque, sit, potes deportatorum filios tales credere: nam deportati sunt peregrini, ad peregrinitatem reducti, etiam Baro ad l. 3. ff. de senato. & in respon. ad Longovalium ad fin. si. ff. de sta. bo. Briss. li. 1. antiq. c. 13. ipsos certe horum omnium filios intelligam filiorum appellatione: quia & susceptos in concubinato intelligam. Qui vero ex concubinato nati adferri possunt, pulchre Alciatus docet reg. 2. praf. 5. & ponemus nos ad l. 144. Hic videndum, si filiorum nomine veniant, & si concubinatus hodie veritus est, respondendum immo fuerit, ne veniant, quemadmodum de aliis non ex matrimonio natis quis dixerit, & ita videtur, per l. 1. C. de nat. li. & Nov. 89. Sed de concubinato videamus, an veritus. Et vetitum quidem Duarenus dicit c. 5. ad consuet.

Feud

*Feud.* neque ego nollem hominis sententiam obtinere: aut non li-  
cet per alios, qui magnas & hodie statuunt differentias eorum,  
qui non ex matrimonio oriantur, itaque filios hos intelligemus,  
quos & naturales solos appellamus. Et intelligemus etiam in con-  
ditione, ut recepta omnibus sententia est: Corasio teste, & qui-  
dem vero, si unum Jacobum Butrigarium excipis, qui contrarium  
adfirmavit. Etiam Alciatus cum reliquis tenet in *l. cognoscere*  
*§. liberorum hoc tit.* atque his duobus maxime nituntur omnes  
argumentis; primo quod filii nominentur *toto tit. de nat. lib. &*  
*fatis* quod ista sit naturæ nominatio, etsi non accedat civilis *per*  
*l. tutelæ ff. de cap. mi.* Additur quod & ad successionem admit-  
tuntur eo nomine *§. consideremus in Autb. de tri. & sem.* Cete-  
rum, primo huic argumento respondetur, quod dum non sim-  
pliciter filii appellantur, sed cum adjuncto naturalium, pater eos  
non esse proprie filios; ex doctrina Bart. *ad l. Lucius §. quasi-*  
*tum ff. de leg. 3.* cui addes Alciati declarationem *lib. 1. de ver-*  
*sig. num. 7.* & pleniorum Belloni *lib. 1. Supp. c. 14.* Igitur suc-  
cedat vulgata regula *l. non aliter.* Igitur quod de filiis dicitur,  
nec ad hos extenditur *l. 1. ff. un. lib. Hotom. conf. 10.* Secundo  
itaque proferunt *l. ex facto §. si quis rogatus ff. ad Trebell.* At  
respondet Corasius elici illinc solum, questionem hanc voluntatis  
esse. Fornerius idem postea scripsit; itaque probet is paragraphus  
potius contrariam opinionem. Et quidem Butrigarius ex eo ad-  
sertionem illam suam constiruebat. Quæ vero replicationes mul-  
tæ adferuntur, ex omnes tales sunt, quales nec ipsis auctoribus  
satisfaciunt, ut videre est apud Alexandrum *col. 5.* Ego tamen  
ita dixerim, qui communem sequor, ait Ulpianus, *Mibi autem*  
*voluntatis questio videbitur esse.* Itaque Papinianus non ex volun-  
tate suam definitionem conficit; aut male illa adverbativa *autem.*  
Ergo ex verborum confecit proprietate. Capiamus proprietatem  
hic vel eam, quæ ex usu sit: quia verba itaque naturaliter accipi  
solent; *l. tutelæ de ca. mi. l. ult. C. de his, qui ve. et. imp. l.*  
*fideicommissum in prin. ff. de cond. & dem. Jaf. in l. Gallus §. &*  
*quid si tantum.* Et natura legitimos a naturalibus non distinguit  
*§. 1. in Autb. qui mo. na. eff. le.* nefarios & incestuosos ipsa natu-  
ra distinguit: nam ratio naturalis rejicit eos. Spurius nec ad-  
mitterem, quia pater incertus; ut si de matre, quæ certa est,  
agitur: contrarium dici potest: & spurius cum naturali nostro

Tom. II.

I i

non

non pessime conjungeretur. Atque facit *l. 18. ff. de bo. lib. l. 2. 4. 8. ff. un. cog. l. 4. §. 2. l. 7. ff. de grad. l. 19. §. 1. ff. de inoff. test. l. 1. §. 2. ff. de Terrull. l. si quis illustris C. ad Orf. cum similibus* & notat Alciarius multa, quæ spuris omnibus tribui solent, *lib. 10. Parerg. c. 8. Pistor. q. 30. vol. 1. alii.* Sic itaque responderit Papinianus, intercidere conditionem ex naturalibus; subdiderit vero Ulpianus, revocari istud in quæstionem posse, & contrarium statuendum ex dignitate testatoris, qui est casus *l. si qua illustris ex voluntate*: quæ ut dignitas, ad limitandum responsum Papiniani; regula igitur illud est, & id nos quærimus; & regula lane obtinet etiam ad excludendum locum pium, late Dec. *conf. 295. 259. & conf. 419.* adstruit contra Parisium & *conf. 426.* adi etiam *conf. 299. & conf. 391.* Non obtrinet autem regula in dispositione legis, ita recte capies *l. generaliter §. cum autem C. de inst. & sub.* cum glossatore, Raynerio, Fran. de Ramponibus, Nicolao, Baldo, Angelo, Raphaele, Salycero, Castrensi; quam & verliorem interpretationem forte, ait Imola, & sequitur & firmat Alexander. Est vero differentia ratio, quod lex legitimus, idest, suos intuetur *l. ult. C. de nat. lib.* sic & capies *l. filium definimus* in erudita legumlatorum oratione, faciunt vero pulchra (ita Ang. in *l. parentes ff. de in jus voc.*) verba Guilielmi de Cuneo, quod parentum & liberorum nomine, si in provisionibus ordinatis a natura, vel quasi, versemur, veniunt naturales puta in causa alimentorum, honoris, similibus, si autem in ordinatis sumus ex dispositione juris, non veniunt. Et dixit etiam Aretinus in *l. Lucius ff. de vulg.* quod liberorum nomen a lege prolatum non continet naturales, sed legitimos. Et idem tradit Decius *conf. 412. Viso eleganti num. 8.* Atque ita tenere interpetres videntur. Sed nec in dispositionibus hominum obtinebit ex voluntate, quæ scilicet aliquando facit, ut de naturalibus prorsus intelligamus; ecce si testator sciebat, testamenti tempore solos ei naturales filios esse, cui substituerit *Si sine filiis*, naturales intelligemus *l. cum pater §. volo ff. de l. 2.* & de his cogitasse defunctum, verisimile est, facta ex sua scientia suæ voluntatis interpretatione *l. plenum vers. sed si testator ff. d. us. & bub. Alex. in dicto §. si quis rogatus & Corasius.* Itaque & contra, si testamenti tempore soli sint legitimi, naturales non intelligemus; ut recte docet

et Castrensis, nec apte refutat Alexander. Item naturales intelligemus omnino, si eorum testator meminerit, eos honoraverit *l. ult. ff. de ju. de l. Lucius §. ult. ff. de leg. 2. Cynus Alexander*. Contra, deest voluntas, aut ita creditur propter testatoris dignitatem; spectandam testatoris dignitatem volunt Angelus, Imola, Alexander: etiam si testator ab his filiis alias non abhorreret *d. l. generaliter §. cum. autem* & quoniam non quid fiat, sed quid fieri debeat, id sit unum considerandum *l. sed licet ff. de off. pref.* At ego tamen subsisto, quoniam derogatum conjecturæ sumptæ à dignitate videri potest per hunc testatoris animum, qui totum in re ista potest. Rursus vero si testatori dedecus sit, quando de naturalibus etiam intelligeremus, naturales non intelligemus, puta filiz substituitur, *si sine filiis* & definitio hæc habet naturalem intellectum, & interpretes communiter probant; ut per Alexand. *in d. §. si quis rogatus col. 3.* quicquid contrarium aliquando visus sit dicere Bartolus, ut imo in sœmina filii isti faciant deficere suprascriptam conditionem, nam Bartoli rationibus satis ab aliis factum est. In extranea testatori sustinet, reclamante Raphaele, & Abbate, Alexander & Imola: quia hujus testatoris dignitas cum attendatur, quid illum extraneæ factum attinget? si de muliere prostituta ageretur, cum his etiam sentit Raphael: quoniam ipse sibi testator eam elegit, atque idem ego tum & in filia testatoris adsererem, attendenda quippe ipsius voluntas, quæ ex ejusdem sententia & persona filiz hic colligetur. Dignitas substituti non facit, quominus de naturalibus intelligatur: id enim nullibi legitur, ergo si testatoris filius, sive ecclesia sit substituta, filii naturales excludendæ substitutos ita Alexander recte: et si in primo casu contrarios habeat Salycetos ambos, in altero Baldum. An intelligamus naturales quando ita quæreretur ei, cui supradicta substitutio facta est, disputari potest, nam Angelus negat: Alexander adfirmat, & pro Angelo ratio differentiz dici potest, quod jam hic agitur de lucro captando, faciendo; alias de retinendo excipitur. Sed jam satis de naturalibus ex concubinato, pauca de reliquis attingamus, & incurrit qui natus est ex non concubina, sed nec prostituta. Et is naturalis dicitur ex communi usu, qui natus ex soluto & soluta est, teste Decio *conf. 433.* itaque & hos faciemus ejusdem juris cum superioribus. Sequuntur nati ex prostituta



tuta, hi matri filii, ut diximus, non patri; nam hic incertus, itaque Aristippus scorto affirmanti, utrum se ex ipso gerere, non nostri hoc magis, respondit quam si per spinas densissimas ambulans, dicere posses. Hæc me pupugit. Hi spurii sunt *q. pen. Inst. de nupt.* alias tamen dicuntur etiam spurii nati ex matre nobili patre ignobili. Et nati ex patre nobili, matre ignobili nostri appellantur; nothorum nomen non possis Latine exprimere; nec sunt spurii, ut male Haloander, dixeris naturales. Cujac. *ad Nov. 17.* Item velut spurii nominantur nati ex patre servo; matre libera *l. 6. C. de leg. her.* quia scilicet nec concubinatus hic est, ut plene ostendi pater non possit: & quia tamen ostendi aliquis potest, non fuerant penitus spurii nuncupandi. Spurii tamen simpliciter appellantur *l. 3. C. solut. matr.* Et spurii omnes largo modo naturales, quia nati secundum naturam: Sed hos lege nostra non contineri certum habeo, nec filios intelligamus. Ergo multo minus incestu natos, & nefario coitu ascendendis & descendendis, etiam adfinium *l. ult. ff. de cond. si. ea.* etiam qui locum illum tenere videntur, ut patruus est & filia fratris. Sed & fratris & sororis hujusmodi coitus: hinc nati nec digni habiti ut spurii dicerentur *Ausb. de in. & nef. nup.* Superest de natis ex matrimonio, sed eo contracto gradu prohibito, hi nati dicuntur in figura matrimonii, hi filii censentur, & intelligentur: etiamsi dictum sit, *si sine filiis legitime, & de legitimo matrimonio natis*, quod docet Decius *cons. 153. in effectum.* Eum adi, & duobus sequentibus; cognosces enim, qui in figura matrimonii procreati dicantur, aliaque cognitu necessaria.

#### LXXXV. Marcellus Libro primo Digestorum.

*Neratius Priscus, tres facere, existimat, collegium; & hoc magis sequendum est.*

#### ALBERICUS.

Spectat hæc lex probe *ad tit. Digest. de colleg. & corp.* & corpus est genus, collegium species *l. 3. vide l. 30. ff. de usus.* nec facies verò corpus in fratres. Collegæ quin dicantur, & de duobus

duobus, dubium non est *ff. de off. consul.* quæ juncta duorum administratio dicitur & ipsa collegium. Liv. lib. 10. *per tot. collegia experti.* Exemplum adhuc unicum Fulvii Flaccii, ejus, qui Capuam cepit, filiorum, sed alterius in adoptionem dati in collegio consulum fuit. Paternus libro 2. dicit duos germanos fratres simul fuisse consules, quorum tamen alter erat datus in adoptionem in Acidiani Manlii familiam. Collega a colligatione societatis. Isidorus *lib. 10.* igitur duoque. Item servari collegium & in uno, traditur *l. 7. ff. quod cu. un. no.* hoc tamen non quia collegium sit in uno, sed quia tantisper sustinetur, donec alii resumantur, & unus est de collegio: ut bos unus vindicatur, qui superest de grege *ff. de leg. 1.* Sed & unus, qui superest canonicus eligit patriarcham. *in extr. com. c. 3. de elect.* Cæterum quia collegium a collegendo, quod est colligendo, dictum esse potest, ut Varro censuit, unde & lignorum nomen ducit, quod ea caduca legerentur *lib. 5. de lin. Lat.* collega autem quod una lectus: eodem auctore, hoc nomen contentum duobus sit: collegium non sit; quasi collectio, & coactio, & coervatio non recte duobus contenta sit, primo numero, quæ & Aristotelis sententia est, nomen universitatis est collegium, ut supra dualem omnino aliquid exigit, quod Alciatus ait. Tamen & congregatio videtur nomen universitatis: & eam duobus constare tradunt canonistæ. Sed rationem adferunt, quia Clerici longe pauciores inveniantur, itaque & collegium & in uno sustinetur, si alii deficient, ita congregatio (coge ad clericos) etiam a principio constitui in duobus possit propter penuriam: quando nec nomen non patitur. Huc adfer, quæ in proposito de nomine familie scripsi *ad l. 40. §. 2.* Sed & recito, quæ alias contra Connanum tractavi. Is ferre non potest, ut numerus abactorum distinguat ab abigeo furem; & docet, a Callistrato referri, non etiam probari quorundam illam opinionem in *l. 3. ff. de abig.* quid igitur, dicebam ego, *ad l. aut facta §. quantitas ff. de pæ. l. 4. ff. vi bon. rapt. l. 1. ff. deinde ff. de arb. cad. C. d. l. 40. per hanc nostram?* Duo turba non proprie dicuntur: enimvero si plures fuerunt, decem aut quindecim homines, turba dicitur: tres, aut quatuor non dicuntur, rixa etiam duorum est. Novem annorum locatio simplex, decem longi temporis, & alienatio dicitur, Alexandro & aliis.

Mul.

Multi, duo sed cum jure expressum non sit, arbitrio judicis relinquitur, Rom. in l. 1. §. hoc rescriptum ff. ad SC. Silan. cum id genus reliquis. Non hæc sunt, in quibus necessarias rationes exigimus: sed in ipsis moderatrix unica civilis prudentia totum, quicquid sunt, facit, quid tamen si & abigeum a fure separat numerus, quod a ferendo furtum dicitur: abigei nomen sit, quod is abducatur, abigatur, non auferatur? an hic nihil numerus facit? ferri proprie dicimus, quæ quis suo corpore bajulat, ut igitur ferre pauciora possimus, ita non poterimus plura, quis equum præterea ferat, aut bovem? quis tres porcos? cujus ingenii pecora? quis decem oves? At inquires, Ecquis novem? sed numerus aliquis statuendus erat: & ad summum quoddam pervenit jus civile: benigne ut quam minus poenarum asperitas locum inveniret. Item turba non definitur tribus aut quatuor: nam receptum vocabulum videtur in frequentia, quæ plures requirit, etenim verba αὐτό τοῦ ποσὶθεν d. l. 4. a tumultuare, nec est paucorum tumultus. Quod de populo constituunt, ut decem hominibus concludi possit, verum est, si in significatione turbæ accipiamus, & multitudinis, idem in nomine gentis: at hoc & ad quatuor ducit Bartolus in interpretatione legis prohibentis gentem cogere ut hic per Rebuffum. Sed hæc de sermone Latino non sunt, at Italico. Apulejus Latine censuit, dum homines quindecim liberos populum esse dixit *apolog.* 1. Cæterum nec ea definitio niritur necessaria, & mathematica ratione.

#### LXXXVI. CELSUS Libro quinto Digestorum.

*Quid aliud sunt iura prædiorum, quam prædia qualiter se habentia? ut bonitas, salubritas, amplitudo?*

#### ALBERICUS.

Jura prædiorum ego credebam prædiis debitas servitutes. Sic enim iter est jus eundi, actus jus agendi, & cætera, ut in l. 1. ff. de serv. ru. præd. & Inst. de reb. corp. & incorp. item de serv. atque ita fundus qualiter se habens dicitur, cum de servitute dicitur l. 12. ff. quem ser. am. Et vix me quoque extrico, dum quæro, qui jus dicatur bonitas, salubritas, amplitudo,

tudo, dotem hæc prædiorum censerem : de quibus & acciperem *l. 52. §. 2. ff. de fid.* Dotes prædiorum *l. 2. de instr. & instr.* instrumenta ; ferramenta agri causa reposita *l. si mihi Marcia §. ult. de leg. 3. Cujac. ad Nov. 128.* forte igitur ; non bonitas &c. cæterum non muto, bonitatem, salubritatem jura dixeris , quia res incorporeæ ; pariter & amplitudinem, nam hæc qualitas , & qualitas incorporea, itaque juris nomine teneatur. Si speciem aptes, erit fortassis interpretatio faciliior. Sic igitur. Colonus restituere & prædia, & eorum jura debet, dati & in hoc fidejussores, prædia restituit, sed minus salubria, quod fossas, puta non emundaverit. Pro hoc non teneri colonum, dicunt fidejussores, quia ad jura non spectet, quæ servitutes sunt. Contrarium respondet Celsus, quoniam jura etsi sint & servitutes, sunt tamen etiam aliæ qualitates : ergo & salubritas, & alia bonitas, & amplitudo. Si usufructuarius, qui finito usufructu restituere rem, & jura rei debet, qualitates omnes restituet : itaque & qualis res sit cum frui incipit, in testatum redigetur *l. 1. usufr. que. ca.* Servitutem esse qualitatem, hæc lex demonstrat, & *l. 12.* quemad. serv. amitt. Seneca, idem de virtute, & eodem fere modo, quo Celsus noster, dixit : *Virtus est nihil aliud, quam animus se quodammodo habens.* Epist. 114. Latum porro juris nomen ; quodque cum a juvando ducant Grammatici, apte ad bonitatem, quæ & ipsa a beando trahitur, & salubritatem, & amplitudinem significabit, & hæc quidem magis, quam servitutes, quia intrinsecæ hæc qualitates, servitutes extrinsecæ. Jura igitur prædiorum qualitates prædiorum, bonitas, idest pretiositas, *l. 1. 13. 15. 45. 64. ff. de evict.* puta fertilitas, amenitas, & cætera, & ipsa salubritas, & amplitudo. *Salubritas* }, fundus non salubris redhibetur *l. 4. C. de ad. act. l. 49. Dig. de ed. ed.* pro loco ejusmodi interdicatur *l. 2. §. 17. ff. ne quid in loc. pub.* qui igitur fundum constituere, & fundo jura tenetur, constituet utique bonum ( id bonus vir arbitrabitur ) & salubrem ; sed & amplum pro boni viri arbitrio, ridiculum enim quod de gleba alii tradunt : ut dixi *ad l. 60.* & hic invenio Rebuffum mecum sentientem. Nota vero, servitutes hac lege a juribus prædiorum non excludi, nam exempla hæc tria quidem, ut videatur ad similes qualitates definitio cogi. Cæterum ea interpretatio habere hic locum nequit, quando leges aliæ multæ & de alijs

aliis qualitatibus, extrinsecis scilicet, idem docent. Jurium nomine omnia, quæ territorio (concesso cum suis juribus) competunt, servitutes, alluviones, similia. Vide Decia. *conf.* 124. n. 32. Vol. 3. Bulla Nicolai, quod possit prælatus testari de bonis, quæ sitis, & querendis ex juribus beneficiorum. Ergo & de fructibus potest, & pensionibus & prædiis beneficiorum, quia prædia & possessiones dicuntur jura *l. quid aliud dominium enim* & possessio rei corporalis dicitur *jus l. peregre in prin. & l. si quis vi. §. differentia ff. de adq. poss. Alex. conf. 15. reverendissime Vol. 2.*

### LXXXVII. MARCELLUS Libro duodecimo Digestorum.

*Ut Alfenus ait, urbs est Roma, quæ muro cingeretur. Roma est etiam quæ continenti ædificia essent, nam Romanam non muro tenus existimari, ex consuetudine cotidiana posse intelligi, cum diceremus Romanam nos ire etiam si extra urbem habitarem.*

### ALBERICUS.

Lege quæ scripsi *ad l. 2.* Hic dico, quod scriberem & cum vulgatis ego potius, *quæ continentia ædificia*, exemplo Florentini libri, & quia in d. l. 2. *continentibus ædificiis*, item & in l. 139. & l. 147. recte tamen & adverbium *continenti*. Hujus porro discriminis non alia hic ratio redditur, quam quæ exposita est *ad d. l. 2.* Sed evincitur ita esse, ducta probatione ex usu, probat consuetudo loquendi, & vincit ita esse, non hic facit esse; facit esse ratio exposita. Poruisset tamen & usus sine alia ratione idem efficere, quis dubitat? Incidit præterea scrupulus mihi, si hodie hæc lex maneat, quando de suburbio Vaticano, aliove in urbem euntes, Romam nos ire, dicimus: quasi suburbia non censeamus Romam, contra quam hic definitur. Latini, sed in urbem ire, dixissent: Verum nihil mutarem: & Romam dicere nos pro urbe, censendum est: nam & dicimus, nos Romam proficisci, cum & ad suburbia proficiscimur, petit scilicet nobis hæc distinctio: aut pro loci ratione procul positi, vel proximi distinguere magis solemus: qui in suburiis est, ait, se Romam  
pro-

proficisci, & Romam pro urbe intelligit, qui procul est, ait, se Romam proficisci, cum ad suburbia proficiscitur, & Romam capit, ut hic exponitur: urbis vocabulum exprimimus nos appellatione civitatis, vel terræ, & Galli nomine villa. Nota autem quod cum Jurisconsultus usum loquendi proferat, docet omnino, credi id proferenti, quod est contra multos, qui negant, credi hujusmodi Doctoribus debere, sed probanda. Et de quotidiano ulu hic scribit, qui non ipsorum literatorum est, sed omnium, ne quis caufferetur, accipi hæc de erudito sermone, quamquam in dubio unus & idem peritorum & imperitorum sermo est, ut Alciatus monet per l. si chorus §. 1. ff. de leg. 3.

## LXXXVIII. CELSUS Libro octavodecimo Digestorum.

*Tantum quisque pecunie relinquit, quantum ex bonis ejus refici potest. Sic dicimus, centies aureorum habere, qui tantum in prædiis, cæterisque similibus rebus habeat. Non idem est in fundo alieno legato, quamquam is hereditaria pecunia parari potest. Neque quisquam eum, qui pecuniam numeratam habet, habere dicit quidquid ex ea parari potest.*

## ALBERICUS.

Qui species relinquit, pecuniam reliquisse videtur, quanta ex relictis speciebus refici potest, at qui pecuniam relinquit, non propterea dicitur reliquisse speciem ullam. Ratio, nam nihil omnino rerum est, quod redigi in pecuniam noqueat, at ex pecunia non semper comparari res valent, atque suas res multi non alienabunt quantovis pretio. Hinc subtilis illa Javoleni definitio in l. q2. ff. de fidejuss. ut fidejussor in aliam dicatur rem acceptus, qui in speciem accipitur principali ad pecuniam obligato: in aleam non censeatur acceptus, si accipitur in pecuniam, principali ad speciem obligato, hinc & l. 69. §. 1. ff. de ovib. cum id genus relinquit. Versatur autem hæc Celleri disceptatio in re defuncti: nam ait, relinquit, quod verbum defunctorum, l. 1. in fin. Digest. de tab. exhib. itaque & de fundo legato subnectit, Non idem est in fundo alie-

no legato, qui tantum pecuniæ reliquit, habet, quantum satis ad prædium alienum comparandum est; non ideo prædium illud habere dicitur. Hic excitat turbellas Cujacius atque, liquere hinc, non valere rei alienæ legatum per vindicationem, nam per damnationem valere fatetur propter *l. alienus ff. ad leg. Falc. quæ & differentia fuit jure veteri inter hæc legandi genera*. Ulpian. tit. 24. producit porro in hanc eandem sententiam *l. Stribus 39. ff. de ma. te. ita ad tit. 1. lib. 4. Sent. Pau. & cap. 36. libr. 14. Obs.* Sed nos nostris dicimus primum differentias illas sublatas §. *sed olim Inst. de lega.* Cujacio autem, nec in lege nostra, sociave legatum vindicationis factum legi; nec legatum damnationis in *l. alienus*. Et quod scribit, necessario decurrendum ad eam distinctionem, quoniam hic significatur, non valere legatum; quasi de utili scribitur in *l. alienus*. Ast neque lex nostra illud significat: neque socia negat nisi in ea specie, in qua nec hodie puro legatum valere; quicquid alii aliter constituent illic, ait enim, *eo modo &c.* quo modo? *fundum Cornelianum, si cum heres alienaverit; Sejo do, lego*, non valet legatum, quare? quia confertur in id tempus, quo fundus futurus alienus est. Hic suscipiet Cujacius, At si valet legatum fundi alieni, cur hoc non valet? Quia scilicet de futuro alieno est, & nullum casum utilem habet, nam tempore testamenti non datur, ut sit cum simpliciter legatur alienus; itaque casus unus tum utilis: & tempore, quo datur, est alienus; quem casum utilem lex non facit, quia nec ipse testator dedit, cum potuit, & suus fundus erat; adeoque dignus est, ut cum velit, non possit. Simili ratione stipulatio rei suæ dicitur non valere, etiam si destinat sua esse, quia eam jam habet, & nulliter stipulatur, nec curat lex subvenire, ita Alexan. ad *l. 1. Digest. de pact.* adde & quod videtur de re ut sua, & ut non sua velle statuere. Item & eodem puncto, & eadem ratione fit res suæ dispositionis & alieni domini. Contra *l. inter stipulantes §. suorum. Digest. de verb. obligat. & l. 13. Digest. de jurisdict.* Hæc est species dictæ leg. 39. in qua legatum nec hodie valet cujuscujus generis sit. Dices etiam probe, si legatum rei alienæ par feceris illic libertati datæ alieno servus; ut neutra datio valeat in re data pariter: nec enim libertas dabitur, si servi dominus nolit; nec res alia, si nolit dominus ejus, in hoc comparata, quantum ad hanc causam, inquit, nihil distat. Porro

Porro ad legem nostram quod attinet, ipsa id tantum docet, quod explicavi: ut fundum alienum reliquisse non dicatur, itaque illum legatum dare omnino non cogetur heres; sed nec illius valorem, nisi secundum doctrinam traditam de re aliena legata in *l. cum alienam C. de leg.* pecuniam legatam dare omnino cogitur, etsi in hereditate non sit inventa, si res sunt, ex quibus refici pecunia potest. Sed an & de bonis vivorum definitio vera legis nostræ? Et eadem ratio est; & idem censet Rebuffus, qui tradit, ut admitti ad munera debeat, qui centum habet in fundis, etsi lex non admittat, nisi qui centum habet nummos; & contra, si cui annua debeantur, donec redditus certos habeat: ne is cogatur prædia emere, unde illos sibi redditus faciat, etsi satis ad id habeat pecuniarum, idque de Guil. Cun. Verum in prioris specie quæritur, an æstimatio fieri debeat juxta id, quod vendi fundi possunt per *l. 18. in fin. Dig. de do. ea. mo. l. 13. Digest. de re eo.* an juxta comunem rationem per *l. 62. pretia. ff. ad leg. Falc.* an ducto calculo ex summa reddituum viginti annorum per *auth. perpetua C. de sacr. eccl.* Et communem rationem sequendam recte probat Alciatus. Ego in specie legis nostræ, cum pecuniam dare heres tenetur, omnino pretium attendo, quod refici potest, & lex nostra id dicit, *quantum ex bonis ejus refici potest*: & certe dicendum est, ne aliter damno heres adficiatur, rem si-bi retinendo, & de suo pecuniam dando.

## LXXXIX. Pomponius libro sexto ad Sabinum.

*Boves magis armentorum, quam jumentorum generis appellantur.*

## ALBERICUS:

Armenta equorum, boum, quæ hæc apta armis, ut scutis boum coria, equi prælio, greges capellarum & ovium, confunduntur plerunque; *Servius*. Ratio est, quia nomen semper ab eo, quod magis speciale, & magis proprium nomen armentorum bobus, quam jumentorum, nam sive ducas armenta ab armis, sive ab arando, utrumque bobus aptius; sive tu jumenta a-jungendo, sive a juvando trahis: quia hæc verba generaliora: &



junguntur equi & mulæ l. 38. §. *pen. ult. ff. de ad. ed.* & equi juvant nos gestatione, vectura, armis, humeris opera facere bouum proprium. *Isid. lib. 12. c. 1.* Sed verba legis nostræ iterum audiamus. *Boves magis* &c. accipe res comparative, ut exposui ad j. 32. nam hæc non contraria, armenta jumenta, sed diversa armentum est collectio sive bouum, sive equorum, sive aliorum majorum animalium: jumenta ipsa animalia sunt. *Isid. lib. 12. apta armis in bello*, adde quod boves dici & jumenta possunt, si originem tenemus; & præterea Lactantii illa, *jumenta dicta*, (idem *Isid. lib. 12.*) *quod juvent in incolenda terra* lib. 2. c. 11. quod boves scilicet faciunt maxime. Jumentum a jungendo, vel juvando, omnia animalia, quæ onera gerunt, aut currus trahunt, bobus exceptis. Lamb. ad Plaut. per hanc legem. Et comparative sancte locutus Pomponius fuerit: quod verissimum ita sit: illud non sine dubio dixisset, omnino nomine jumentorum non appellari: quoniam dubitatum de hoc, & Modestinus quasi contrarium censuit, l. 81. *ff. de leg. 3. boves & cetera jumenta*, et si verius tandem creditum, ne appellentur l. 38. §. 2. *ff. de ad. ed. l. 65. legatis §. ult. ff. de leg. 3.* Et ratio esse potest, quam dixi, & quod cum specialius nomen habeant, generaliiori appellati non creduntur. Sic pacti nomine non veniet emptio, stipulatio, alia, potes consuetudinem addere, qua jumenta de bobus non dicimus facile. Armentorum appellatio æque jumentis ac bobus apta. *Isid. lib. 12.* quod Servius ad lib. 3. Georg. notat, nam jumenta omnia majorum animalium: quorum dicuntur armenta, sicut minorum greges, & itaque armento legato greges ovium & caprarum continentur d. l. 81. *servis ff. de leg. 3.* et si promiscue aliquando usurpentur, ut idem Grammaticus scribit bene Pecorum nomen latissimum, d. l. 38. §. 2. *ff. ad leg. Aquil. & d. l. 65.* aliquando tamen oves tantum significat Scipio lib. 1. *Parerg. c. 5.* aliquando forte alia etiam minora animalia l. 1. §. *cura. ff. de off. pref. urb. quam jumentorum*. Jumentorum nomen videtur de onerariis capi. Plin. lib. 2. epist. 17. *utrinque excipit iter aliqua ex parte arenosum, jumentis pabulo gravius, & longius, equo breve & molle.* Et ille apud Petronium operis impatiens, *Quid vos me jumentum putatis esse?* & Liv. lib. 41. *Jumenta, ex quibus onera dejecta erant.* Sic, agere jumentum *Inst. de serv.* quod Horomanus male in armentum mutat, ut o-

fien-

stendi lib. 2. *Leſſio*, & ita Columella, jumenta, quod nos juvent in onus subveſtando. Verum iſta differentia inter equum, & jumentum plerumque; ( ut puto ) non tenetur: nec tenetur in ædium edicto. Sequitur in lege:—

*Hoc ſermoni, DUM NUPTA ERIT, prima nuptia ſignificantur. Dum nupta erit, id eſt, donec erit nupta, ut recte Alciatus, qui & probam apponit rationem, quia primis nuptiis diſſolutis verba ceſſant, nam deſinit eſſe nupta: quod autem intercidit ſemel, non reſumitur, l. 59. ff. de cond. & dem.* Alii rationem dicunt, quod verba de primo actu intelliguntur, veluti ſalvoconductus de primo acceſſu, & reſeſſu, Abb. in tract. de conſ. Baſ. poſt Bar. in l. 1. ad leg. Jul. mar. quod enunciatur integro volumine exponit Tiraquellus, & attingit idem Alciatus, & alii hic. Fornerius etiam adjungit primarum nuptiarum favorem. Eadem porro definitio in l. 10. ff. de cond. & dem. in conditione *Cum nupſerit*, nam etſi quæſſere videatur, ſi teſtator de primo nuptiali jugo ſenſit, ſatis tamen conſtat cenſuiſſe, ut ſenſerit, tum quia adſſermative quæſſionem proponit, ut adſſermative etiam tenuiſſe credatur, quemadmodum docui ad l. 160. tum etiam quia ſubdit, *benigne tamen dicendum eſt, nondum impletam conditionem deſectam*, recte ſcriptum, inepte Cujacius, qui lib. 13. Obſ. cult. addit negationem, *non deſectam*, nam ſi benigne hoc ſit, utique deſecta conditio eſt, quicquid & hoc male tradat. Cujacius, injuſtis nuptiis non deſicere iſtam conditionem, benignitas vero in eo verſatur, ut quæ deſecta eſt, eam nondum impletam dicamus, ut conditionem deſectam appellemus potius non impletam, nam ſi deſectam appellemus, non reſumemus l. quidam in prin. ff. de fid. lib. Deſicit injuſtis nuptiis conditio vere in hac l. 10. quia alteri mox nubit, cui jungi interdictum non ſit, in l. 68. ff. de ju. do. quam Cujacius proferat, ut probet, ex injuſtis nuptiis conditionem non deſicere, vere non deſicit; nam eandem perſonæ matrimonium perſequuntur, aliud non inſtituerunt. Et ita ipſa illa lex diſtinguit. Sic igitur & hæc, *Dum nupta erit*, & illa, *Cum nupſerit*, in primis nuptiis intelligitur. Sed initium temporis facit poſteriori ſatis in perpetuum: prior tractum habet, cum quo & durat. Ergo ſi dotem, aliud promi Titiz, cum nupſerit; promiſſa ſolvam ipſo die nuptiarum; & ſoluta manebunt Titiz ſemper. Si vero promiſi dum nupta erit, præſtabo

Stabo quidem ipso nuptiarum die, ast nuptiis dissolutis recipiam. Hæc certa differentia, quidquid Rebuffus cogiter, quid enim prohibet, donationem ad tempus fieri? l. 2. C. de do. qua sub mo. Similitudo in eo, quod si injustæ nuptiæ sint, quæ primæ contrahentur, promissio non præstabitur, nec in secundis; quia utroque sermone primæ nuptiæ significantur: idque de rigore: at benigne contra est: quia verba etiam de actu, qui valet. Si primæ constiterint & justæ fuerint: promissa autem posita tum non sint; nec in secundis petentur. Finge expressum, Si Titio nupserit, cuique nubat secundo, promissa non habebit mulier. Adde hic & speciem l. 77. §. 9. ff. de leg. 2. ut patet qui voluit filium sibi dotem stipulari sororis, id in primis nuptiis iussisse censeatur: adeoque soluto priori matrimonio soror & dotem recipiet, & eam in secundo frater sibi non stipulabitur. Adde & ex l. 26. §. ult. ff. de pact. do. & reliqua, quæ interpretes adnotarunt. Illud cape, quod imo in infinitum hæc verba intelligentur, si negationem habeant. Ecce, Titia si Sejo non nupserit, non potest ei nec primo, nec secundo nubere. Ita alii, & Rebuffus hic. Item addo ego, quod non definit esse nupta, quæ brevi revertitur: contra, si diu steter, jus vulgatum. Restat:

Inter edere, & reddi rationes multum interest, nec is, qui edere jussus sit, reliquum reddere debet: nam & argentarius edere rationem videtur, etiam si, quod reliquum sit apud eum, non solvat. Sic itaque plus in reddendo, quam in edendo est, licet reddere rationem pro dare, edere, dixerit Plaut. in Aulul. Non. Lamin. V. D. Menoch. de Arbitrar. cas. 209. Edere nihil est aliud, quam ostendere, potestatem legendi facere, cum aliis quæ notantur l. 2. §. inspectio ff. test. que. ap. l. 9. ff. de tute. & toto titulo de ed. Quibus nec est contraria l. 31. si servo ff. de statul. ubi idem dicitur de verbo edendi & dandi, quod hic significatur, de reddendi verbo: & contra quam hic doceatur, differentia eorum nulla retinetur, & de verbo dandi idem iterum, quod de verbo reddendi, scribitur in l. si quis 12. eod. tit. de statul. Nam ego puto differentiam, quæ hic dicitur, in eo esse, quod immo edere pateat latius, quam reddere, quia significare tantundem possit, ut in illis legibus; & etiam minus, ut hic, aut proprietates hic verbi notetur, in aliis interpretatio conditionis ad.

adferatur : quæ scilicet ea sit, quoniam omnia illa gestores ex officio præstent, & quia si reliquum non solverent, inanis cætera omnis editio videri possit, & est præterea hæc propria simplicis verbi significatio, ut & compositi potestatem obineat : ut per Alciat. *ad l. verbum reddendi*, adeoque nec verba interpretationi valde repugnent. Puto etiam nec ipsius verbi *reddendi* eam penitus significationem esse, ut reliquorum solutionem includat : siquidem quod positum illud sit, non illico nec de reliquis exsolvendis subjungitur sæpe *l. 40. Sticho ff. de statul. l. 37. si pure ff. de fid. lib. Inter edere & reddi rationes*. Similis sonus syllabæ proximæ librarium decepit, itaque recte ; *reddere rationes*. Ratio autem est ultro citro dandi, accipiendi, credendi, obligandi, solvendi sui causa negotiatio *l. 6. §. 3. ff. de ed. appellatur*, & nomine litterarum, scribi enim solet, debetque *Cic. 2. in Verr. & l. 1. C. de ju. propt. cal.* ubi quod alias in litem juratur, idem Dec. *conf. 100. vere & 274. viso*, & is docet, quod liberatio retractabitur etiam jurata, decreto munita, editaque in plena forma, si quid omissum sit, nam dolus præsumitur intervenisse, aliquando tamen non scribebatur, sed & horum reddenda *l. 25. ff. de statul. l. 1. §. 2. ff. de sut. & rat. distr.* atque quæ in tabulas relatæ pecuniæ non erant, hæc extraordinariæ dicebantur ; *reliquum reddere* ], aut pares factas rationes oportet, aut reliquatas. Pariare autem, cujus verbi mentio in *l. 4. §. 1. ff. de ma. te.* est paria facere, hoc est, ita rationes reddere, ut expensis accepta paria sint, ita ambo *benigni ratiocinatores paria fecistis* &c. Nazar, in Pañegyr. Const. hinc pariatio *l. ult. ff. de cond. indeb.* servus pariator *l. Julius ff. de cond. & dem.* & cætera, quæ observat Ant. Aug. *libr. 4. Emc. c. 12. Alex. lib. 1. gen. c. 7. Coras. lib. 1. Misc. c. 14. & Menoch. cas. 209. cent. 3. lib. 2. de arb.* & cum pariatione idem rationes consolutæ. Cic. ep. quomodo *lib. 5. fam. pariatio sane nihil reliqui habere, aut debere*, ut & Græci tradunt *ad l. 4. & §. 5. ff. de statul.* & parem rationem facere quid erit aliud in *l. ult. §. ult. ff. de do. exc.* quam pro pari habere, etsi par vere non fuerit ? Itaque *si parem rationem feceris*, exponit Bartolus pro eo, ac si dictum fuerit, *si nihil exegeris*, in *l. Quintus ff. de ann. leg. ratio putari dicitur in qua summa sit pura, disputata, liquida facta*. Var. *lib. 4. de lin. Lat. Reliquatio* autem est habere reliqua

liqua, quæ reddi debent l. 44. ff. de adm. tu. & reliquatores sunt, qui habent l. 9. §. 2. ff. de publica, quique dicuntur, se reliquasse, l. 9. ff. de lib. leg. & reliquati esse l. 20. §. 5. sam. etc. l. 46. in prin. ff. de adm. tu. l. 40. Sicut ff. de statul. relinquuntur pro reliquantur in l. 6. §. 1. ff. de mu. & hon. Idem vero reliqua traxisse in d. l. 46. in prin. & §. 1. & l. 34. §. 1. ff. de statul. quod est & distulisse reliquorum, sive reliquatorum solutionem, potest tamen & esse tantum contraxisse reliqua: nam simplicibusque veteres usi libentius. Menochius errat, qui reliquatum facere idem censet, quod paria facere, adde l. 97. Offidius ff. de leg. 3. Sed quid in reliquis continetur, quæ reliqua quidem fuerunt, si in eadem causa non manserunt, reliquorum nomine non continentur vide l. 91. & l. 97. ff. de leg. 3. Eorum, quæ manent, etiam ipsa corpora rationum, & instrumenta, l. si cui libertas ff. de cond. & dem. quæ tamen facit arbitrii iudicis, damna, quæ non habent culpam, non continentur l. Thais §. 6. & ult. ff. de fid. lib. l. 111. ff. de cond. & dem. l. qui filium 22. §. ult. ff. de ma. te. Dec. conf. 533. Juridicas, hic contineri traditque actionum cessionem. Sed contra quosdam continentur etiam non gesta, si gerere debebant, ut sunt tutores. Dec. conf. 274. Viso & conf. 464. Places Procurator etiam quod per errorem, aut injuriam iudicis consecutus est, id reddere debet, l. qui proprio §. 4. ff. de procur. Itaque in universum definiemus, ea reliquorum nomine, & tota hac rationum redditione venire, quæ ex gesti negotii qualitate debentur. Quod tamen non procedet, si aliter de reddendis rationibus cautum est, caveri aliquando de certa forma solet d. l. Thais & Titius. Ea forma tenenda proculdubio est, qua formam constituentis faculas est. Aliquando nihil aliud exprimitur, quam ut diligenter reddantur l. 8. l. antep. ff. de ma. te. l. 21. ff. de statul. aliquando ut idonee d. l. Thais §. pen. aliquando ut ex fide l. 33. ff. de ma. te. aliquando ut bene l. 18. ff. de fid. lib. aliquando ut omnis, eoque nomine. satisfiat l. 40. §. 3. ff. de statul. Hæ, similesve dictiones in alio argumento adjectæ operari aliquid solent l. 4. §. addici. ff. de fid. lib. & dicit Jaf. in l. admonendi ff. de jureju. quod juramentum suppletorium non admitteretur, si in sermone de probando aliquid hujusmodi adjectum esset. Et de levissima culpa teneri administratorem, qui bonum

bonum computum habere promisit, & reddere bonam rationem, si alias de levi tenebatur, ut verba aliquid operentur, scribit Decius *conf. 274*. Sed Decio tamen Molinæus adversatur, atque verba ex subjecta materia, quod & nos regula nostra dicebamus, accipienda contendit. Et mihi sane verius videtur, ne quid hic per illas distinctiones additum existimemus; nam & sine ipsis adjectis sic reddi rationes debent, ut totum reddatur ex eo, quod gestum est, & desiderari recte valet, actumque fidemque respicit *d. l. Thais. §. libertatem & seq.* nam & bona hic fides requiritur cum in reddendis, tum etiam in edendis rationibus, quæ qualisque sit, traditur in *d. l. 111. ff. de cond. & dem. in d. l. qui filium ff. de ma. se. in d. l. Stichus in pr. §. 3. & seqq. ff. de statul. in l. 4. C. de test. ma.* Non dure hic agendum, interpretes docent, & admittendos sumptus bona fide factos, & non in minima quavis summa probationes exigendas; quæ & exscribit Menochius. Et vero cum hæc ita sint, totumque hoc negotium confici ex bona fide debeat; nec illa certe arbitrii adjectio quicquam adjiciet, quam in calu videmus, *l. hæc conditio 7. ff. de contr. empt.* Hæc porro fides bona & tum præstabitur, cum quis liberatus a rationibus reddendis est *l. 6. §. Julianus l. 41. ff. de adm. tut. leg. 8. §. 1. §. 6. ff. de lib. leg.* Et verum hoc adeo est, & quod mox dicemus de reliquis, ut nec talis a dolo liberet liberatio, *Volo præstari ei totum, in quod contigeris condemnari.* Dec. *conf. 179. 349. 418.* Angelus tamen sibi contrarius nominatur, &, ad dolum præsumptum quod attinet, ejus sententia nec a Decio spernitur; sed de vero dolo non tenetur: a dolo nec pater liberatur, nec a debitis propter dolum contractis. Alc. *de præf. reg. 1. præ. 6.* Patrem a reliquis liberatum, alii volunt *per l. 29. ff. de lib. leg. & matrem, & patrum.* Menochius de omnibus facit arbitrarium; alii idem de tutore liberato, quod de patre: quos refutat Alciar. Illud singulare est, quod ista liberatio facit usufructuarii fructus etiam ante præstitam cautionem. Dec. *consil. 607.* reliqua & ipsi, quibus liberatio data reddere debet *l. 9. 12. 24. §. 4. l. ultim. §. 1. §. 2. ff. de lib. leg. & peculium, & si quas habent dominicas res servi; & si colonus sit, & quid pensionis debet l. 23. in fin. ff. de pecul. leg.* Scrupulosa inquisitio tantum remissa est, & ut negligentia ratio non habeatur, sed tantum fraudum *l. 119.*

Tom. II.

L 1

fi sero

*si servus ff. de leg. 1.* Culpa etiam remissa est *dist. l. 41. ff. de adm. tut.* Ubi pulcre, quod non est tamen quoad alios remissa, quia alias solliciti de illius culpa esse debebant. Sic neque liberatus contritor videtur, etsi tutor liberatus sit ita, *rationem tuto- la mea, quam egit P. Marcius cum L. Titio, reposci ab eo nolo*, l. ultima §. ult. ff. de lib. leg. Cur vero, si rationes reddere nihil est aliud, quam reliqua reddere, liberatus a reddendis rationibus non est a reliquis reddendis liberatus? Ratio est, quia satis operatur liberatio, etsi reliqua debeantur; & nec verbum reddendi includit omnino & reliqua, ut præmonui; & nec includet, ne via iniustitiæ aperiretur. Sic & servus, qui ipso jure liberatur, si manumittitur, tenetur tamen ad reliqua l. 17. 18. 19. 45. ff. de neg. gest. leg. 52. ff. sam. erisc. l. 19. l. 37. ff. de fid. lib. l. 34. ff. de lib. ca. cum pluribus aliis, & singularis titul. *Codic. an ser. pro sua sa. post ma. ven.* & egregia species notata *Azoni C. de pet. hered. num. 19.* Et in solidum quidem reddi reliqua oportere, certum est l. non solum §. is qui. ff. de lib. leg. & ex aliis tradit Menochius; atque ego ita verum esse credo, ut si sit vel residuus nummus, legi non satisfaciet, per ea, quæ latissime ponit Jason *ad l. qui rem. Cod. de sacr. eccles.* ubi videlicet tredecim recenset decisiones, quibus ostenditur, ob unius defectum nummi, & commodis nos privari, & pœnis adfici, & actus nullos fieri, & cætera id genus contingere. Sic pro residuo nec satis est dare satisfactionem l. 5. ff. de statul. ubi quod in re obscuriori dare fidejussorem licet; aperte negatur, si nihil tale solutionem moretur. Solidum solvendum est, etsi a duobus, communiter tamen non separatim, actus est gestus l. 13. §. 2. ff. de statul. nam & argentarius ] argentarii qui privatorum pecunias sub sœnore locabant, viri lecti, & magnæ fidei, & quorum libris præstabatur fides, ut hic per interpretes, & toto titul. *Digest. de edend.* Hi rationes edebant, non reddebant, quia alienis negotiis adhibiti erant; reddere tenentur, qui rem alienam quidem, aut communem quocunque nomine, titulo, causâ administrat, tutor, curator, negotiorum gestor, famulus, socius, frater etiam qui vivo patre administravit, mater, & pater ipse non legitimus administrator, & capitulum de his, quæ sede vacante gessit, & ætatis ratione non habita etiam minor, & heres tenetur de administratione defuncti reddere ratio- nem

nem, & omnes in summa, ut per Jafonem in *l. si pates C. de transact. Dec. consil. 110. consil. 178. consil. 192. 255. Hotoman. consil. 1. Menochium, alias*. Sed servorum actorum in proposito frequens mentio in libris nostris. Et est actor, qui negotiis agendis propositus est. Sic actorque civitatis, rei privatæ, prædiorum fiscalium, Augustæ domus: Sic actus ipsa gestio negotiorum, & gestus etiam *l. 23. ff. de adm. tut. leg. 4. §. 1. ff. de solut. & actus ratio l. 10. ff. de edend. & actum agere, eam exercere negotiationem l. Tbaiz. §. ab hereditibus ff. de fid. lib. & bona gerere l. 23. ff. de pecul. & actum reddere, actus rationem præstare l. cum ff. de negot. gest. servus autem ille actor qui dicitur in *§. pæna Instit. de injur. in l. 8. ff. fam. ercisc. servus simpliciter ( ut volunt quidam ) nominatur in l. procurator 63. ff. de procurat. & simpliciter actor in l. denunciasse ff. de adult. puta quia aliis actoribus non facile uterentur, quam servis; id quod colligitur ex *l. si quis filium §. irritum ff. de injust. te. adeoque actoris appellatione servus facilius intelligatur; sunt tamen & actores liberi l. 10. Codic. de lib. cu. alii hi etiam indecores, & tamquam immemores libertatis lege notari; quod scribit Alciatus ad l. 207. Verum id videamus, quid verbo edendi contineatur. Libri rationum edendi sunt, ut rationes legantur; verbo autem legendi quid veniat, traditur in *l. 1. ff. de his, que in test. del. & dixi supra ad l. 56. non debent notis aut siglis esse perscriptæ: quia hæc oculis non percipiuntur: neque sic scribi rationes consuevere. Cationes, instrumenta omnia exhibenda sunt l. 81. ff. de conditio & dem. quam paucis refert Baldus in l. cum in testamento C. de te. ma. addit etiam diarium Alciatus suo quodam responso: atque de eo Menochius tractat; secundo continetur, ut computatæ sint rationes; diligens & partita rationum explicatio requiritur; adi ad *dist. l. 81. & l. 37. ff. de fid. lib. l. 6. §. ult. ff. de statul. & Cic. Verr. 3. Computatæ autem, vel putatæ rationes sunt, cum ex illis fraudis, aut falsi, aut mendacii, aut iniqui aliquid separatur, id enim esse rationes putari, scribit Nonius de comp. doctr. & inde a verbo putari verbum putum, & aurum purum putum, ut per Gell. lib. 7. cap. 5. ubi Varum quoque notat Jurisconsultum, qui male id ipsum interpretabatur. Sed Jurisconsultum Scipio frater ruerat in Originib. in Novatio. Fraudem forte dixerimus &*****



cum vera relata non sunt: ita quippe Cicero pro Comedo; *Æque tabula condemnantur ejus, qui verum non retulit, & ejus, qui falsum perscripsit.* Illud non officit, si circa computationem erratum fuerit l. 27. ff. de cond. & dem. unde & ratio sumi potest ad l. calculi ff. de adm. re. ad civ. per. ut hæc scilicet retractario etiam post vicennium admittatur, quod de errore calculi securi esse non valeamus. Subscriptas præterea, exceptas, adprobatas rationes esse oportet d. l. 81. d. l. Si cibus §. servus d. l. T. b. §. libertate l. Lucius ff. de lib. leg. Idem vero verba illa vi ipsa & in effectu sonant; significat conventum, & consensum de ostensis, lectis, examinatis, & redditis rationibus; ut quicquid rejectum, dispunctum, expunctum, admissum fuerit, id totum de consensu eorum, quorum id jus, factum transactum sit; deque exceptione hac, & adprobatione vel per subscriptionem constet, vel per expunctionem, vel per dispunctionem. Vide ad l. 56. Adde, quod ut liber rationum in parte aliqua adprobatas, non ideo, & in reliquis adprobatas est: ita nec falsitas in uno nocet in aliis separatis. Dec. cons. 317. Item adde, quod si quid probes, unde alia sunt: hæc probare non potes, sic Cic. in Horte. *Quid tu, inquam, soles cum rationem a dispensatore accipis, si ara singula probasti, summam, quæ ex his confecta sit, non probare?* æra quid sint, vide Non. de indisc. sive Horo. de re num. Quoniam vero ut in aliis rebus, ita in hac editione rationum quæstiones incidunt de personis, quibus reddi debeant, sive edi; de tempore, cujus, & in quo reddi, & edi debent; item de loco; cum id genus reliquis: propterea judex, sive arbiter datur, l. 50. si cui l. penultim. in fin. ff. de conditio. & demonstr. l. vix certis ff. de judic. l. 5. ff. de manumiss. l. 47. §. 2. ff. de fid. lib. leg. 34. in fin. leg. 40. §. Titius ff. de statul. l. 29. §. filias ff. de lib. leg. Illud singulare est, quod prælati non ita diligenter exigere rationes debent, ut veri domini exigunt; aut ad Decium consil. sext. Hæc est editio, hæc est redditio rationum, adde quod non satis est reliqua reddere, si reddendæ rationes sunt, sed & edi debent dist. l. 81. ff. de condition. & dem. §. l. 9. §. is qui ff. de lib. leg. Si reliqua ramen nulla sint, id excusare ab alia omni editione non facta potest l. 80. ff. de cond. & dem. l. 31. vers. itaque ff. de statul. l. 4. C. de testam. ma. l. 69. §. 1. ff. de viis. Excusat, ut dixi, non implet d. l. 81.

XC.

## XC. ULPIANUS Libro vicesimoseptimo ad Sabinum.

*Qui usi optimæ, maximæque sunt, ædes tradit, non hoc dicit, servitutem illis deberi, sed illud solum, ipsas ædes liberas esse, hoc est, nulli servire.*

## ALBERICUS.

Duplex ratio poterat contrarium suadere; prior, quod optimum, maximumque est, supra quod nihil est, l. 75. ff. de ver. oblig. nemoque dixerit ædes non meliores, quibus etiam servitus deberetur; altera, quod cum liberæ præsumantur ædes; siquidem ex facto sit servitus; nec facta præsumantur: non facile videbatur stipulator de eo sibi prospicere voluisse, quod prospectum credere valuit, adde, quod existimari potuit, narrare venditorem oportere, si servitus ulla debeatur: sicut scilicet vitia narrat, quæ in rebus venditis sunt, alia *tot. titul. ff. de ad. ed.* nam servitus quasi vitium est: & vitii nomine appellatur a Cicerone libro tertio de Offic. Sed his nequidquam obstantibus, diversum hic constituitur. Et ratio constituti, quæ contrarias etiam dispergit, est, quoniam servitus qualitas extrinseca est, extrinseca autem non veniunt leg. 126. si ita in fin. ff. de verbor. obligat. Optimum igitur ad intrinseca quod attinget, si nihil imminutum ædibus sit, & de his igitur intrinsecis cogitatum videtur, quæ ut ut præsumantur, quod tamen abesse etiam sæpe solent, huic prospectum periculo censebitur; nam alias res tradetur qualis est, ff. leg. 1. l. 69. §. 3. l. 59. ff. de con. empt. & id est ultimum, quod opponebatur, dignumque adnotatione est, si tenetur venditor servitutes narrare. Et est sciendum; quod in pecorum emptione, & mancipiorum cavebat sibi emptor stipulatione, atque formulæ excipitæ sunt Varroni libro secundo & tertio de re rusti. adnotarique de libris nostris queunt, ut ex l. 200. hoc titul. venditorem tamen ad ea narranda, & pro non narratis, siue hoc calliditate venditoris, siue ignorantia factum est, teneri l. 1, §. 1. ff. de adil. edit. id quod non videtur consentire traditis in l. 1. §. 1. ff. de ast. empt. ubi qui venditor scierit servitutem, is dicere obstringitur. An diversum jus & singulare adseremus

remus servitutis? Equidem fiet l. 61. *quoties ff. de adilit. edit.* & ratio diversi juris eadem sit, quod extrinseca qualitas rem non ita afficiat, atque intrinseca facit; itaque pro intrinseca etiam ignorantem obligari venditorem, & redhibitoriam etiam dari: pro extrinseca non obligari, nisi scientem ad redhibitoriam, ignorantem tantum quanto minoris, *dist. leg. 61.* itaque & tradendum dicitur prædium, quale est *dist. leg. 59.* Ad ignorantiam vero excludendam quoque hæc stipulatio; quia, qui ignorat, venditor tam facilis esse non debuit ad temerariam indicationem l. 13. §. *secundo ff. de act. empt.* Et utilis stipulatio semper; quod novam parit, & firmiorem stipulatori actionem. Sic & in pecoribus, mancipiisque stipulabatur, etsi sine stipulatione cautum quoque emptoribus foret. *Qui uti optima, maximæque*], hæc verba formulæ jus omnino sonant; quia non convenirent alias nisi optimis, & maximis omnium ædium: & ridicula esset stipulatio; itaque optimæ, & maxime in *st.* quod omnino nihil aliud est, quam ut aliis non serviant: Sic enim sunt in se optimæ, maximæ. *Ædes tradis*], quid in alio, sive urbano, sive prædio rustico? ea certe formula & in rusticis adhibebatur *dist. leg. 59.* & eadem ratio in rusticis est; itaque non debuit Fornerius contrarium opinari; nam quod servitus viz fundo etiam debeatur, id nec minus verum in ædibus erit: & quod fundo legato, *Ut optimus maximusque est*, retia, & cætera venatoria instrumenta contineantur l. 22. *ff. de fun. instr.* id & in ædium instrumentis verum fuerit, amis, perticis, spongiis, reliquis; nam quæ ratio, ut diversum constituatur? Ego definitionem legis nostræ declararem, ne obtineat in servitute naturali; hanc scilicet non exceptam censeo per hanc formulam: sicut & quæ naturaliter sunt omnia actionem non præstant; *adi l. 1. ff. de aq. pluv.* Instrumenta veniunt fundi legato facto cum hac clausula *vide l. 22. ff. de instr. & instr. leg.* Adde huc & l. *ultim. §. ultim. de contr. empt. & l. 2. C. de hered. vel act. vendit.* & quod ex iis notat Alexand. *consil. 139. Vol. 5. Bartol. in l. 9. de fund. instr.* Reliqua hujus argumenti ad l. 169. sed & ad l. 126.

## XCI. PAULUS Libro secundo fideicommissorum.

*Meorum & suorum appellatione actiones quoque consi-  
neri dicendum est.*

## ALBERICUS.

Meum, & tuum dici a Grammaticis possessiva notat Bal-  
dus; qui tamen dum sentiunt de perpetua possessione, de domi-  
nio sentiunt, quia idem sit dominium, & ejus figura: eodem  
scriptore in l. ultima C. comm. de leg. & idem Baldus in l. ul-  
tim. C. de edict. di. Adh. hac ratione, quia dominium his ver-  
bis significatur, jus patronatus nec in dispositione universi veni-  
re tradit, si hæc verba usurpentur, quod tamen bene improbat  
Rebuffus ad l. 208. Nos ad legem nostram, qui actiones istis  
vocalibus continentur, quæ quoniam incorporales sunt, posside-  
ri non possunt. Sed nec dominii nostri eas esse docet l. 2. §.  
18. ff. vi. bo. vapt. & §. ult. Institut. cod. nam quæ dominii  
sunt, ea & vindicari possunt l. 49. ff. de rei vind. l. 27. §. 2.  
ff. de aur. & arg. leg. actiones autem quis unquam dixerit vin-  
dicari, quæ & nobiscum stant? Cæterum quod hic, scribitur &  
in l. 49. ubi etiam dixi. Huc adfer & notata ad l. 39. §. 1.  
sed & ad l. 28. nam ex illis dicimus hic, meorum appella-  
tione actiones contineri, si quod est in actionibus, propter spem  
consequendi, si ipsas actiones, quoniam meum id sit, de quo  
ego statuere possum, ut volo; & actiones donantur, venduntur,  
& cætera; atque hæc secunda definitio legis nostræ est, estque  
propria, altera est d. fi. §. 1. & minus propria, quia spes scilicet  
non est res. Ita mihi videtur; actiones tamen proprie non  
dici meas, docuit Bartolus in l. 1. ff. de sta. bom. & sequuntur  
Bald. Abb. alii, & Jas. in l. Gallus §. videndum in fi. ff. de lib.  
& post. eo potissimum argumento, quia actionum non sum do-  
minus, nec vindicare eas possum; ita & Barba. & Gui. Pa. Sed  
inepta ratio est, & itaque Bartolus alibi contrarium docet, quod  
& alii probant, & adserit Rebuffus bene ad l. 5. & actiones his  
vocalibus appellantur l. 21. in fin. ff. de ber. vel act. ve. l. 14.  
ff. de ad. ed. alibi & dominus quis dicitur actionis in §. illud  
Ausb. de ag. dec. Tene distinctionem, quam dixi: nam est ver-  
ris.

rissima. Sic actio bona auget l. 78. Lucius ff. ad Treb. Sic rogatus bona sua restituere, etiam actiones restituet: nam meorum & auctoris appellatione etiam actiones contineri dicendum est, ut hæc eadem verba sunt Marciani in l. 30. eod. tit. ad S. C. Treb. ubi illud notes, quod fideicommissaria restitutio adprobatur, id est, omnium, quia aptum verbum mea etiam actionibus. Et itaque recte Bartolus consil. 50. Gilius & consil. 80. Mattiolus tradit, quod nisi termino aliquo adjuncto potestas hujus verbi cogitur, omnino contineat actiones. Sic continet & in l. 37. uxori ff. de usufr. leg. cogitur adjuncto in l. 27. Quintus §. 2. ff. de au. & arg. leg. & in illis Ciceronis. Non si uxori vir legavisset omne argentum, quod suum esset; idcirco quæ in nominibus fuerunt, legata sunt; multum enim differt, in arcano positum sit argentum, an in tabulis debeat; cogitur a nomine argenti latior significatio vocabuli suum: nam actio argentum non est, etsi sua est. Si dixisset, lego uxori, quod meum est, certe & nomina venirent. Nec enim ratio nocet, ut non sit suum, nisi quod vindicari potest: quia vera ratio, sed in his, quæ nobis ab alio detinentur; alioqui nec nostra dicerentur, quæ in dominio, & possessione nostra sunt, quia a nobis possessa nos non possumus vindicare; actiones nostræ nobis hærent. Hæc prænomina significare dominium, possessionem, interest, jus aliud, tradit Rebuffus ad l. 139. §. ult. tamen usufructus non significatur, l. 25. ff. & l. servus autem ff. de leg. 3. Reb. quem omnino vide.

## XCII. Idem libro septimo Quaestionum.

*Proximus est, qui nemo antecedit; supremus est, quem nemo sequitur.*

## ALBERICUS.

*Qui pro cui, ut alibi monui, antiqua scribendi ratione. Proximus hic & pro longe remoto capi potest, si nemo antecedit. Sic & Nonius de doct. indag. hoc est summum, par non habere. Tert. lib. 1. ad Marc. proximum dicitur & longe remotum, si tamen inter duo discreta nihil medium extiterit. Sed Cicero tamen in Bruto non omnino intelligit hoc rectum: nam ita loqui-*

loquitur, *Duobus igitur summis Crasso & Antonio L. Philippo proximus accedebat, sed longo intervallo tamen proximus. Immo negat rectum ibi, Nec enim in quadrigis cum secundum numeraverim, aut tertium, qui vix e carceribus exierit, cum palmam jam primus acceperis: nec in oratoribus, qui tantum abest a primo, via ut in eodem curriculo esse videatur. Item Quintilianus libro 10. c. 1. longe aliud, proximum esse, aliud, secundum. Et hoc ita sane videtur, at non est; igitur in illa duodecim, Agnatus proximus familiam habeto, etiam longe positus continebitur; cave tamen tum ut sit intra eum gradum, quem jus admittit §. ultim. Institus. de succ. cogn. ubi autem gradu non cogitur successio, si ve aliud, de quo queritur; ut est regnorum successio, quæ & in millesimum gradum porrigitur: tum proximus, ut hic, cui nemo antecedit, etsi gradu distet millesimo. Item cave, ne hæc capias nisi cum de gradu queritur; nam si de cognatione ipsa, non is solus proximus, cui nemo antecedit, sed cognati omnes, & quibus alii antecedunt. Sic in l. cum rem C. de lega. in l. quamvis C. de adult. etenim quando pro cognato proximus ponitur, positivi significationem habet: ideoque a legislatoribus (hæc Priscianus libro tertio) comparative profertur: apud quos sæpe invenitur proximiores, id est, propiores cognati, ut Ulpianus in libro 25. ad edictum, Si quis proximior cognatus nasceretur. Et hic proximi omnes juxta tamen dist. §. ultimum. Eadem vero & de supremo dixeris. Et nota, quod idem potest & proximus & supremus esse, si solus scilicet est: quem nec præcedit alius, nec sequetur. Ad hanc porro legem tractant interpretes de præmio coronæ muralis, quod primo mœnia scandenti decretum sit, si duobus, pluribusve scandentibus simul debeat, quod quisque dicere se primum potest, cui alius non antecessit. Et nulli possum præmium dare oportere, censent in l. si fueris Digest. de reb. dub. Contra quos mihi sane sententia stat; quia virtutum præmia merentibus sunt tribuenda leg. ultima Codic. de statu. l. 5. §. 3. Digest. de jur. imm. Et hoc tale est, quod probatum ab omni antiquitate cognoscimus. Siquidem Hercules Telamoni, qui mœnia Trojæ intravit primus, istum honorem detulit, ut est apud Diodorum libro quinto. Et meritum tale, quod præmiis maximis remunerari juxta solitum est: Orodes Parthorum Rex magnæ Seleuciæ dono remuneravit, ut recitat Appianus de Parth. Etiam*

Tam. II.

M m

victis,

victis, & in ludicris præmia decernuntur. Et victos, quorum fuerint certamina probata, vulgus hominum cum victoribus coronare consuevit, *capit. 52. 33. quæst. 3. adde. ex Iliad. lib. 23. Æneid. libro 5. Joseph. de ben. Jud. lib. 1. capit. 16. quod viris summis judicium probatum est Alciano libro 6. Parerg. cap. 22. Scaligero lib. 3. poet. cap. 12.* Gallienus Imperator ingeniosissimus cum quoque voluit coronari, qui decies jaculatus ferire taurum non potuit, quia hoc facere difficile visum. Adi Pollionem. Et interpretes coronam negabant his, qui expetita, & expectata præstiterint? Si mille promissa sunt capienti vexillum hostium, primo capienti danda sunt, non omnibus; adi & Jaf. in *l. conventionum ff. de pact.* recte, si primus paret; at omnibus denegare, si non paret primus, hoc male dicunt. Sic scilicet & Brasidas ille Lacedæmonius (quod Thucydides recitat libro quarto). Lecythum oppugnaturus denunciavit, daturum se argenti minas triginta ei, qui primus murum conscendisset; at Palladi hæc donasse dicitur, ratus non humanitus, sed divinitus eam expugnationem extitisse. Bellus astus. At interpretes nec Palladi deferunt. Pergo. Præmia alii tribuenda existimant & primo, & secundo, & tertio muros scandenti. *Liv. libro secundo. Egef. libro quinto.* Nostrates duobus primis non tribuunt. Quid? Julianus Imperator pluribus hæc dedisse dicitur. *Ammian. libro 24. de Papyrio scribit Livius lib. 9. quod centuriones, militesque donavit, qui primi portam, murumque cœperant Aquiloniz: & in ejus triumpho vallares, muralesque coronas multas conspectas.* Dispiciamus de vulgato exemplo Africani; & ad illud narro prius, quod Appianus in *lib. de bo. Hisp.* Simile cum Livio & Plutarcho nihil habet, sed ita loquitur, *Eum, qui primus omnium in murum adscenderat, donis amplissimis affectis: secundo vero dimidium ejus, quod primo donaverat, dedis: tertio similiter, atque aliis eadem ratione.* Jam auscultemus majoribus historicis, qui scribunt, coorta propter duos diffensione, qui primus mœnia conscenderit novæ Carthaginis, ne quid seditionis præterea suboriretur, Scipionem pronunciasse, compertum sibi, quod uterque pariter conscendissent: itaque & utrique se præmium dare. Quid hoc judicium? Ad seditionem comprimendam in facto a Scipione pronunciat: sed in jure, quod querimus, nihil gratiose definitum. Atque addo Polybius,

qui

qui lib. 10. coronarum numero multitudinis meminit a Scipione promissarum his, qui intrassent mœnia primi. Et de his præmiis numero pariter multitudinis loquitur in historia sua Xenophon libro quinto rer. Græc. Sed & ex jure propius argumenta moveo. Contrariorum eadem disciplina; itaque si in pœnis hæc definitio teneretur, ut omnes puniantur, qui primi quid fecissent, lege primo facienti pœnam irrogante, idem profecto & in præmiis obtinebit. Sed in pœna lex illud docet *l. ita vulneratus ff. ad leg. Aquil.* & aperta ratio, ne fontes hoc commento dimittantur impuniti, quod lex de primo delinquente scripta est, non de primis. Scilicet usitatum non est, numerum unitatis ad plurativum duci, & contra *l. 3. §. 1. ff. de bon. lib. exhib. l. 1. ff. de adf. lib. l. 16. ff. de testa. tu. l. 3. ff. de neg. ge. cum vulgaribus*. At si delinquentes non dimittentur impuniti, qui benemerentes sinemus irremuneratos abire? Accipe aliud. Primus est, quem nemo præcedit, in *proem. Digest. & l. 2. §. 3. ff. de su. & leg.* ubi vocabula hæc proximus, primus confunduntur. Sed & ille & hic talis est. Ergo & huic & illi dandum. Et est Alciati ratio: qui & hanc opinionem tuetur; & nos illud Scipionis exemplum ab eodem prolatum sustinimus contra doctissimi Donelli interpretationem, qui refutare voluit in *d. l. si fueris*. Redeamus ad auctores. Homerus Iliad. 23. Achillem inducit, qui victores pronunciet Ajaem, & Ulysssem, & æqualia utrique det præmia, cum alter ab altero in lucta non vinceretur tantum. Idem factum cum eodem Ajace, & Diomede pugnantibus gladio canit ibidem pater hic sapientiz, quique (ut Strabo differit toto primo libro) etiam ipsa hæc rerum civilium, & ad vitam spectantium eruditione excelluit. Legi ego & apud poetam antiquum nescio quem,

*Cum duo pugnarent, victor uterque fuit.*

Rursus ad nostros. Si nomen ultimi aptatur ultimis: quid non nomen primi aptabitur primis? Sed illud aptatur, *l. qui duos ff. de re. dub.* Ergo & istud. Iterum ex dicta *l. 2. legitima*, inquit ibi J. C. hereditas tantum primo defertur; non tamen refert, duo, pluresve ab eodem gradu veniant, qui ceteros antecedant; & omnibus defertur hereditas; pariter ergo nec referat, quod duo, pluresve puncto tempore oppidum interarint: sed omnibus premium dabitur, vel si tantum primo delatum sit.

M m 2

Quæ-



Quæso in primogenitis quæstionem fingamus; primogenito regnum lege deferatur; scimus quidem uno enixu plures non posse nati *l. 15. ff. de sta. bo.* Sed quid si incertum est, qui prius editus sit? Id contingere potest *l. 10. ff. de re. dub.* Quid si etiam utero matris exfecto pariter in lucem exilierint? An dabitur regnum neutri? Lacæna illa Heraclidas fratres Spartz simul regnare coegit, quum nemini fateretur, quem prius edidisset in lucem; quod mihi retulit is, qui Maximiano dixit panegyricum. Cum omnibus. In regno coacti sunt singuli degere. Sed coronæ plures dari possunt, quæ pluribus debentur, ut & regnum pluribus. Quæstio hæc de præmio multiplicabili, nec divisibili, & certamine non iterabili est; itaque recte perpendisse videri Alciatus potest, qui à sua & nostra hac definitione Doctores immo non longe discedere dicit. Adi Baldum in *l. cum inter veteres C. de fid. lib.* qui illud in nostras partes adfert, numerum singularem hic pro plurali adsumi facile ex actus natura, quia non de facili unus solus mœnia conscendit, munitionem ingreditur. Ang. in *l. cum qui ff. ad Treb. & Odofr. in proam. Dig.* In legibus testamentariis (meo iudicio) fundamentum fieri nullum debet: puta in *d. l. si fueris*; uni enim vult dari testator; unus autem ut in pluribus accipiatur, refragatur intentio *l. cum unus ff. de alim. leg. & heredi interpretationis ratione omni favetur.* At nos in specie hac ostendimus, dare ducem coronas voluisse etiam pluribus. Ostendimus ab eo, quod debetur, & ab eo, quod fieri solet. Adversa disputatio, quæ argumentis clarissimi Donelli constat, eodem argumentandi genere refellitur, quo ille utitur. Ait, uni dari non posse; in quo convenimus: nisi plures unius vice fungi quis dixerit; ut sæpe fit: & ita immo uni dari dicamus. Igitur neutri, inquit ille. In quo non idem sentio; non enim est contra mentem, & verba legis, ut putat ipse: immo & verba pati, & mentem admittere, & jus postulare præsentem interpretationem docuimus, qua quisque bene navatæ operæ præmium habeat. Sic neque Chrysippum sequitur, qui utrique deberi quidem existimat, sed ex arbitri voluntate dandum uni; quam sententiam recitat Plutarchus in *lib. sto. rep. & quidam nostratium dixerunt per l. si quis servus §. si inter duos ff. de leg. 2.* Reliquæ, quæ hujus sunt argumenti, ad *l. 155. & l. 163.* Vide & Tib. Decian. *consil. 71. per totum vol. 3.*

## XCIII. CELSUS libro nonodecimo Digestorum.

*Movementum, item mobilium appellatione idem significamus. Si tamen apparet, defunctum animalia duntaxat, quia se ipsa moverent, movementia vocasse, quod verum est.*

## ALBERICUS.

*Si tamen.* Fornerius reponit, nisi tamen & libri vulgati, Græcique *Si non*. Dicam aliquid ad adferendam scripturam Florentinam. *Si pro etsi.* Cic. pro Rosc. Amerino. *Non modo, pro non modo non;* quod observat Muretus libr. 10. var. lect. c. 3. *non nisi pro non nisi non* l. 16. ff. de legatio. *Nisi pro etsi non* l. post contractum ff. de donat. *Vel si pro nisi.* Sed si, pro nisi. Sed pro nisi, ut prolati legibus docet Goveanus lib. 1. lect. c. 12. igitur hic *Se tamen.* *Se est Sed;* atque hoc est *nisi;* igitur *nisi tamen,* & in formula exceptionis (hic vero exceptio) *Si omnino est nisi* l. 2. ff. de adult. Verum legis ipsum argumentum explicemus. *Omnia movementur aut a semetipsis, ut animalia, aut ab aliis, ut in animalia.* Tert. cont. Hermog. Mobilium nomine veniunt etiam se movementia & contra; nam eadem significatio, ut hic; & movementum certe appellatione veniunt mobilia in l. ult. ff. de req. re. & alibi, ut hic per interpretes. Mobilium nomine veniunt movementia, nam mobile quod aptum moveri *Oldr. & Dec. consil. 472.* facile moveri, & sine rei læsione; nam alias in immobilibus l. 3. in fin. & seqq. ff. de act. empt. Sic horreum etiam potest esse mobilium l. 60. ff. de adq. rerum dom. veniunt movementia, etiam si non sit addita dictio universalis, ut est communis opinio; etsi multi contradicant, & male, quia lex hæc nostra non excipit nisi voluntatem. Sed an & pecuniz veniunt? voluit Ang. & Dec. d. cons. & Dec. 1. cons. 33. quem vide omnino, & Mantica 9. de conjec. 3. Sed Corn. & Alciat. contra: quos tamen reprobat Tiraq. & Molin. ad d. cons. Dec. Decius tamen hoc tradit, ut ex proprietate obtineat hæc definitio: nam ex usu mobilia dicuntur in Italia tantum de supellestili. Ego addo de Italia, nam in Gallia puto ex proprietate capi: item veniunt pecuniz, si tamen non sint fenori destinate l. si obnus §. 1. ff. de leg. 1. item nisi desti-

destinatæ ad emptionem immobilium. Sic lignum destinatum ad ædificium est in immobilibus. Quid de fructibus? Separatos a solo vult Decius *per d. l. ult. de req. re.* Sed & pendentes, quia de proximo mobiles ita de frumento ex Castr. idem Tirac. quellus. Sed falsissimum tamen ait Molinæus; & idem, quod hic, tenet Rebuffus *per l. 44. ff. de rei vind.* At ait, *videntur*; at de immaturis; ego cum illis sum *per l. 7. ff. de ser. urb. pred.* Quid de annuis redditibus? recte Alciatus: nam hi inter immobilia in *Auth. de non alien. Duarenus in us. feud.* & immobilia sunt, aut esse intelliguntur *C. de usufr. transf.* Et intellige de redditib. perpetuis aut ad longum tempus, non ad breve tempus: alii & iudicatum in Senatu Parisi. *ut hic per Rebuff.* ea non veniunt mobilium, vel immobilium nomine; nec verbis generalissimis, universalibus, geminatis, ut alii docent, & *Dec. conf. 237. & 461.* itaque nec pretium debitum veniet alii & *Rebuff. hic.* Sed Mol. contrarium tenet, ut & Alc. hic. Et ex communi usu venire ego etiam censeo cum Ol. drado, & aliis, & eruditissimo Pistorio *lib. 1. quasi. 26.* nam, ut is scribit; quotus quisque vulgarium tenet istam subtilitatem, ut jura non sint res mobiles? Sed & negativam opinionem Decii & aliorum intelligas loco addito; puta, *bona mobilia Roma Titio lego*; nam loco nomina non tenentur, sed totum patrimonium respiciunt, & creditoris personam, ut omnes consentiunt. Sed nec jura loco conclusa, ut puta servitutes, venient appellatione mobilium, ut ego puto, verum potius immobilium, quoniam hærent immobilibus. Illud notandum est; quod si sint nomina collocanda vel inter immobilia, vel mobilia, illic collocabuntur, ad quæ sunt. Interpretes hic, & alii alibi. Si res non alienatur sine decreto, ut immobilis minorum, tum nec actio. *Alex. conf. 27. lib. 3.*

[*Si tamen apparet &c.*] Quæ ex facto cum sit, ex facto videbitur; ex voluntate veniunt etiam merces, & res venales: *Dec. conf. 381.* Distincta vides in *l. 1. in princ. ff. de ad. ed.* **ADD.** Appellatione fructuum rerum mobilium, etiam fructus rerum moventium veniunt. *Alex. conf. 69. lib. 6.* 2. Censui inter immobilia numerantur, quia perpetui, & ex immobilibus debentur proprie tamen tertia quædam species sunt, jus, quod non venit proprie appellatione mobilium vel immobilium. *Eul. gen.*

gen. *confil. ult. lib. 1. & conf. 171. libr. 6.* Annui redditus inter immobilia, vide *Alex. confil. 179. lib. 6. & Manoch. de arbit. jud. quest. casu 233.* 3. Legato bonorum mobilium non venit nomen. *Alex. conf. 68.* maxime si nomen est super quantitate in genere, ut reliquorum, tunc omni casu tertia species separata: actio enim ipsa, & id, ad quod datur, incorporale. Sic si in Statuto confiscanda dicantur bona mobilia, & immobilia homicidæ, nomina non veniunt, etiamsi facta medio de quolibet extremorum. *Alex. eod.* Si dictum sit, omnia mobilia & immobilia, contra *Alc. Tiraq. Mol. eod. Vid. Alex. & confil. 244. lib. 6. & ib. Mol. Tiraq.* nec si dictum sit, omnia mob. & immob. Contra, si dictum, omnia.

## XCIV. Idem libro vicefimo Digestorum.

*Verbum reddendi quanquam significatum habeat reddendi, recipis tamen & per se dandi significationem.*

## ALBERICUS.

Verba sunt *l. 21. ff. de leg. 2.* ubi & speciem habes. Congerunt vero Interpretes hic & alias multas in exemplum utriusque definitionis legis nostræ: Ego trita hæc mitto, & unum illud recito, quod Accursius scribit; non ex sermonis proprietate esse; ut verbum *reddendi* recipiat & per se dandi significationem, sed ex interpretatione, quod videtur & Alciato probari: improbat tamen Rebuffus. Ego prioribus ausculto: nam etsi verbi subtilitas non attenditur, sed idem fiat per hoc, quod fieret per verbum *reddendi*: unde qui legat reddi, idem facit atque si leget dari, cum sextentis similibus. Tamen ubi facti diversitas expenditur, differentia servatur plane: itaque dare iustus non satisfacit reddendo *l. 39. Sticubum ff. de statul. cum reliquis, que notantur.* Et hoc certum est hic documentum. Atque Accursii sententia probatur etiam hac lege, quæ ait, *Significatum habet retro dandi, nec subdit, habet tamen & per se &c.* Sed *recipis tamen &c.* quod est, non habet in se, sed recipit: itaque non est propria significatio, sed mutuo sumpta, qui habet, non recipit. Atque cum hæc ita sint, cur tamen

ver-

verbum *dandi* proprie reddendi significatum habet? id notat Alciatus. Si dare est dominium transferre; qui reddit utrique non dat; ergo verbum *dandi* non proprie significat *reddere*. Olim potuit significare, quando compositis non libenter utebantur. Itaque hic ego malim distinguere, ut feci ad verbum *reddendi*. Verum subtiliter quaeritur, ubi illa facti diversitas expendatur, ubi contra. Et certe non expenditur ubi quid a se exire quis jubet: scribit enim quod est, sive illo sive isto usus verbo est: ita in *d. l. 39.* & similibus; quod si ut exeat ab alio, tractatur, rum facti diversitatem attendemus, & verbi proprietatem. In specie Bartoli, quam recitat Alciatus, de fratribus, qui in dividendo exceperunt fundum pro dote uxori reddenda, ego cum Bartolo non sentio, ut dotem dari sint stipulati; nam hic non constat, quod voluerint a se fundum exire; etenim potest esse, ut caverint futuræ dotei. ADD. Sic verbum, *Redeundi*, aliquando significat, venire, arg. not. in *Rub. sol. mat. C. l. cum quidam l. 1. de leg. 2. Vincent. Palcutus inter conf. Alex. conf. 54. Vol. 4.* Si dicam, me ex provincia rediisse, profectum quoque in provinciam intelligatur *auctor ad Herenn. lib. 1.* Surgere, quod non cecidit, sed semper jacuit, potest dici: at non resurgere. Re enim syllaba iterationi semper adhibetur. *Tertull. lib. ult. adv. Mar.* Ubi dictio potest capi ut genus, & ut species; in favorabilibus, ut legatis, debet accipi ut genus (puta verbum *Dandi*) in odiosis, ut species. *Alex. conf. 248. lib. 6.*

#### XCV. MARCELLUS libro quartodecimo Digestorum.

*Potest reliquorum appellatio C. universos significare.*

#### ALBERICUS.

Quod non propria hic tradatur significatio, patet: nam quod proprie id est, non potest esse. Et sane id volunt omnes, excepto Romano, & Rebuffo, qui, quod in specie *l. cum optia ff. de opt. leg.* intelligunt, *Mævium* habiturum servos omnes non jure accrescendi, male colligunt, ut habeat ex vi verbi: immo enim habet ex vi illius speciei; nam si ex vi verbi, cur non ubique? cur non solidum solvit fidejussor, qui acceptus

ptus in reliquo est, altero in decem accepto? cur non in totum assensum censetur institutus, qui assensu repleto, institutus in reliquo est? l. 17. l. 77. ff. de bare. inst. Est igitur impropria significatio; quam tamen adsumemus quando quod in toto est, id & in reliquo esse potest, puta in illo calu l. cum optio; nam finge optatum Strichum, Erotem; hi in reliquo fuissent, si optati non fuissent. Ergo non optari in reliquo sunt. Contra in specie d. l. 17. & l. 77. quia nihil est in toto, nec in reliquo. Item in fidejussione supradicta, quoniam decem illa non sunt summa pars: quæ separata sunt. Forte etiam rectius ad voluntatem recurretur, & id, quod fieri potest, ecce si voluntas foret tradendi totum cessante parte subtracta, totum debeatur. Item si is institutus in parte est, qui non potest institui, & alter mox in reliquo: habebit hic totum, quia non potest pro parte quis testatus esse. Adfer notata ad l. 160. A. D. D. Reliquorum, vid. omn. Ceph. conf. 134. Alg. consil. 46. lib. 9.

#### XCVI. CELSUS libro vicefimo quinto Digestorum.

*Littus est quousque maximus fluctus a mari pervenit idque Marcum Tullium ajunt, cum arbiter esset, primum constituisse.*

#### ALBERICUS.

Isidorus dixit lib. 14. *littus est terra aqua & mari vicina*. Gallus Aquilius definivit, *qua fluctus eluderet*, per translationem, ait Isidorus lib. 2. Eludere ab iis translatum qui agitatione aliqua, causa lusus moventur Boet. in Top. Cic. lib. 3. id quod Cicero in Topicis notat, quia translatione utens discederet a verbis propriis rerum & suis. Suis puto Jurisconsultorum, quorum simplex oratio esse debeat. Eodem auctore lib. 2. de orat. *Eludis* vero est proprie gladiatorum quum vicerint. Eludere est finem ludo imponere. Donat. in Eun. sic *effervescit* pro *deservescit* in l. 7. §. 2. ff. de zd. ed. *Exiit* pro *desiit* in fragm. Sulpitiz aut quousque summus perveniret: nam *evoluisse* magis quam *voluisse* notat Scaliger ad Propertium. Sed improbata Ciceroni definitione, nec nostris accepta, probatur Quintiliano, qui ita in fin. lib. 5. *Sæpe plurimum lucis adfert ipsa translatio, cum etiam*

Tom. II.

N n

ipsi

*ipsi Jurisconsulti, quorum summus circa verborum proprietatem labor est litus esse audeant dicere, qua fluctus alludit.* Forte etiam nec Cicero, nec Quintilianus animadverterunt. Servium antiquitatis studiosum dixisse *alludit* pro *alluit*: interposita scilicet *D* inter vocales more prisco; dictum ait Isidorus, quod aqua alluitur; vel *eludit* quoque pro *eluit*, quod erit, luere desinit, atque a luo certe lutus, & mox litus; forte etiam scripsit Servius *alludit*, vel *eludit*; & Isidorus sane habet *eludit* lib. 2. *eli-* dicitur lib. 14. item & *alludit*, unde litus, & proprie: nam hoc est frangit; quidam tamen litus ἀπό τῶν λιτῶν, quia proficiscentes & revertentes solent ibi vota concipere. Prisc. ad lib. 7. *Æneid.* potest *alludit* esse quasi sub ictu habet: nam ita Seneca ep. 73. *Est genus tertium eorum, qui sapientia alludunt, quam quidem attingerent, in conspectu tamen, & (ut ita dicam) sub ictu habent. maximus fluctus* ] cape tamen de ordinario fluctu: nam aliquando obrutas late terras fluctibus scimus: sed de his non intelligimus ad litus constituendum; quod & Rebuffus monet, & Fornerius; nec vero fluctus illi, sed æstus sunt: ut apud Melam in princ. aut inundationes. Et Isidorus ait lib. 14. æstum ad oceanum fieri, fretum ad utrumque mare: nam æstus est maris accessus, vel recessus; fretum quod serveat, dicitur. Cetera dicentur ad l. 112.

Sequitur in præsentî.

*Prædia dicimus aliquorum esse, non utique communiter habentium ea, sed vel alio aliud habente.* Ad ea, quæ tradita sunt in l. 25. & in l. 72. hic disputare placet, si quod commune est, id meum sit; atque paragraphus iste negare istud videtur; affirmare l. 239. in fin. Verum nec paragraphus hic negat; at idem dicit cum d. l. 239. Si utique capimus hic pro solum ut in l. 41. atque ita articulus *Sed* erit *Sed* &, ut alibi, quod si legimus *Sed* vel alio &c. certior hæc expositio: nam hæc altera pars alternativæ ita, *Vel communiter habentium, vel alio aliud habente.* Ille fundus, & ille, & ille sunt Titii, Caji, & Sempronii. Sive communes sint, sive separati, de quibus magis dubitandum erat, an dici sic possint. Articulus *vel*, qui in Florentinis ponit interpretationem articuli *utique*, ut sit pro *solum*; itaque

itaque qui prædia illa dicit Sempronii & Caji, vel sua & Sempronii: sic intelligi potest, & quod dixerit, Sempronium habere cum Cajo communiter, vel mecum: & quod habeat Sempronius quædam, Caji quædam, vel ego; atque sic & Alcibiatus, & alii; Bartolus quod commune est non nisi improprie meum dici, censuit *ad l. 5. ff. de leg. 1. per l. illud ff. de rit. nupt.* Sed Areteus ait, esse istam legem contra potius. Jalon vero dicit nihil, quod dicit, refutari tantum Jaboleni opinionem ibi: nam & ratio refutatur ratione contraria, *quia libertum ejus esse negari non potest.* Alcibiatus respondet, singulare eo casu propter individuum jus liberti. Ita & ad l. 1. §. domini. ff. ad Syllanian. quod nihil est: nam omni in re communi eodem modo jus individuum, nisi accipit individuum pro indivisibile, cogitur. Secundo igitur profertur *l. extraneo §. 1. ff. de quest.* Sed respondere soleo, meras esse nugas argumenta ab his verbis *videtur, forte*, similibus: nam leges dicta hæc; aut contra socium vere improprie; aut quod de disponendo in totum, servo scilicet torquendo. Tertio ergo ratione utuntur, quia meum proprie dicitur, quod valeo vindicare. Sed partem socii non vindico, quæ refellitur, quia & rem communem vindico *l. 23. l. 55. ff. de re. vind.* Quarto facit pulcre *l. 2. in pri. C. de com. se. ma.*, quæ dispersgitur distinctione, quam tradam: deesse enim & totius dispositione illic. In contrarium alii disputant *per l. cetera §. si duobus ff. de leg. 1.* At respondet Jalon, non definiendum ex his, quæ dubitationis gratia proponuntur. Adferunt secundo *l. si quis servos suos ff. de leg. 3.* quam amovet idem Jalon *in d. l. 5. n. 27. de leg. 1.* Citant tertio *l. in re communi ff. de serv. urb. prad.* Ego ad eam dico mox. Laudant quarto *d. l. pupillus §. ult.* verum ajunt singulare in casu illo jurisjurandi, vide ibi Alc. Quid dicendum? Zasius ait non veram Bartoli opinionem, etsi eam totus teneat mundus; quod falsum tamen: nam contra illam tenet Nic. de Neap. Alb. Alex. Aret. &, ut videtur, etiam Jaf. Distinguit Zasius, ut de toto nec fiste, nec vere procedat: de parte proprie & vere. Duarenus figuratum dicendi genus ait, si quod est commune, id meum dixerò: ita in d. l. 5. igitur & hic cum Bartolo: figuræ enim ad improprietatem spectant. Alc. lib. 4. de V. S. in princ. Cujacius augeri significationem verborum scribit ex sententia legis in d. §. domini.



adi illum *lib. 13. obs. c. 32.* atque ita hic quoque cum Bartolo, nec dubium quin ista sit communis opinio, quam & Decius adferit. *conf. 275.* ubi quod nec res dicitur ascendendum, quæ communis patri & patruo. Attamen ego distinguere, & docere ita consuevi, ut quemadmodum dialectici quædam secundum esse, quædam secundum dici disponunt, ita si secundum esse hic querimus proprie non sit meum quod commune. Sic non dispono de re communi *d. l. in re communi*, at si secundum dici, contra sit. Et ratio est, quoniam res esse duorum nequit *l. si ut certo §. ult. com.* Sic qui legat fundos suos, is & communes dixisse censetur, non tamen legasse, nisi partem suam *d. l. 5. & similib.* Reliqua dico *ad l. 239. §. ult.* ADD. Articulus, VEL, qui in Florentinis, poscit interpretationem articuli, usque, ut sit, pro solum.

#### XCVII. Idem libro trigesimo secundo Digestorum.

*Cum stipulamur QUANTA PECUNIA EX HEREDITATE TITII AD TE PERVENERIT; res ipsas, quæ pervenerunt, non pretia earum spectare videmur.*

#### ALBERICUS.

Sive res illæ in pecunia sint, sive in corporibus, sive in iuribus *ff. de her. vel act. vend.* quo proculdubio respicit iste paragraphus; ita venditor hereditatis si quid distraxerit, non liberatur præstando pretium acceptum emptori, qui res spectare videtur, quæ pervenerunt, non pretium: nam inquit ex hereditate, quod est illico *l. 1. in fin. & l. 3. in princip. ff. de incen. ru. nav.* Adde quod ita retinetur regula *l. 4. ff. de vulg.* ut non sit partum de rebus illico ex hereditate venientibus, partim de pretio resecto stipulatio capienda. Ita *spectare videtur.* Sed nec verba repugnant propter latitudinem significationis pecunie, & quod verbum *quanta* non ad numeratam duntaxat pecuniam refertur, sed & ad res corporales, mancipia, vestem, argentum *l. 95. ff. de leg. 3.* nam ad amplitudinem refertur, ut ait Alciatus: id quod de verbo *quantitatis* dici non posse censet, etsi Bartolus contra; finge hanc speciem, ut stipuler ego abs te quantitates

tates tibi debitas, an & species debitas videar stipulatus? negaret Alciatus, adfirmaret Bartolus, ego Bartolum sequor, quia quantitarem imo dicimus argenti, vestium, mancipiorum.

### XCVIII. Idem libro trigesimo nono Digestorum.

*Cum bisextum Kalendis est, nihil refert utrum priore, an posteriore die quis natus sit: & deinceps sextum Kalendas ejus natalis dies est: nam id biduum pro uno die habetur, sed posterior dies intercalatur non prior: ideo quo anno intercalatum non est, sexto Kalendas natus, cum bisextum Kalendis est, priorem diem naturalem habet. Cato putat, mensem intercalarem addititium esse: omnesque ejus dies pro momento temporis observat: extremoque diei mensis Februarii adtribuit Quintus Mutius: mensis autem intercalaris constat ex diebus viginti octo.*

### ALBERICUS.

Annum ad solis cursum aptatum, sed & ex cursibus Lunæ dimensum scimus: nam dies habet trecentos sexaginta quinque, quibus Sol suum conficit cursum; & ex mensibus constat duodecim, quorū cursus Luna peragit anni spatio. Verum non juxta peragit tamen: nam duodecim lunæ cursus efficiunt dies trecentos quinquaginta quatuor: quod lunæ cursus perageretur diebus viginti novem & dimidio. Ergo qui supersunt dies usque ad sexaginta quinque, eos in mensem conjiciebant, quem interponebant, non annis singulis, sed alternis, aut etiam pluribus circumductis. Is vocabitur mensis mercedonius, ut explicavi lib. 1. de leg. temp. & intercalaris, & addititius, ut mox audiemus. Quem iustulit Romæ mensem Cæsar, partitis superfluis illis diebus in ordinarios menses, quos nunc habemus propterea longiores. Cæterum quod & horæ propterea sex sunt in cursu solari, quæ diei pars quarta, adjungi mensi non poterant, collectæ in unum omnes, quæ excurrunt annis quatuor, diem demum dant integrum; is ita confusus anno redditur cuique quarto: is, ut mensis ille olim, intercalaris vocatur, & ipse mensis, cui apponitur, intercalaris: is bisextum est, de quo in hac lege:  
nam

nam ita hunc diem voluit nominari Cæsar, quoniam appositus diei vicesimo quarto Februarii, quo dicitur sextum Kalendas Martias; & ipse dicitur sextum Kalendas; itaque bis sextum Kalendas est. Hoc biduum pro die uno haberi, inquit Cællus: ne annus anno longior haberetur: an quam ob aliam causam? *Cato putat*] Is pater fuerit, an filius, nihil refert: uterque enim ante annum Cæsarianum vixerunt; itaque de mense ipso, qui intercalabatur, sententia Catonis est. Siquidem is eo tempore notus, non alius, qui introductus postea fuit; & est in quo intercalatur dies, interjicitur: *mensẽ intercalarem addititium esse*: de ipso mense, qui intercalatur, ait: nam mensis, in quo intercalatur hodie, non est addititius, sed ordinarius, est ipse Februarius; *omnesque ejus dies pro momento temporis observant*: in mense autem, in quo intercalatur, non nisi unus dies intercalatur, non plures, *extremoque diei mensis Febr. attribuit*. Si vocem *diei* casu dandi accipimus, certe & hoc de mense, in quo intercalatur, non capitur: nam dies immo interponitur, ut dixi, 24. diei Februarii. At nec capi hoc posse videtur de mense ipso, qui intercalatur, quoniam & ille circa idem tempus intercalabatur. Liv. lib. 43. & 45. Macrob. lib. 1. Sat. cap. 13. Dic *diei* casu patrio, & *extremo* pro extremæ parti: quando nec infrequentissimum est, ut adjectiva neutra pro appellativis ponantur: & nullus sit certus designatus dies; quia nec potuit illi mense intercalari, ut ex locis Livianis patet, sed magis, quia hæc pontificum potestas, ut scripsi eo in lib. de leg. temp. hodie id non est: nam certus dies, cui subdatur dies intercalaris. *Quintus Mutius*.] Si unum ex Quintis hunc statuimus qui vixerunt ante annum Cæsarianum: dispositio legis nostræ recte constituta est. Sed si post illud tempus statuamus, punctum pone post verbum *attribuit*; & subiecta sententia hujus Mutii sit; quod videtur: quasi Cællus & a Mutii documento voluerit argumentari; etenim si Cællus ipse hoc dicit, *mensis autem* &c. ex eo, quod dicit ipse, firmaret suam definitionem. Definitio illa fuit, ut biduum illud pro uno die haberetur, quæ ita confirmatur, quod ipsum illum mensẽ intercalarem addititium dixit, id est, qui partem nullam in anno faceret: prout nec faciebat, quia mensibus duodecim adhuc annus complebatur. Ergo dixerit Cællus nec dies, qui nunc intercalatur, faciet ullam partem,

partem; nec sane facere poterat, quin Febuario dies non augerentur, id quod Romana non patiebatur religio. Si præterea omnes dies pro momento observabat Cato, quid, intulerit Celsus, unum ego ejusdem rationis pro momento non ducam, atque ita biduum pro uno habeam die? Et cum Cato dies illos multos intercalaris mensis tribuerit diei uni, ego, (concluserit Celsus) diem unum naturæ ejusdem, cujus ipse ille mensis intercalaris fuit, diei uni probabilius tribuam. Sed & Mutius (scripserit Celsus) diserte id sensit, ut biduum illud pro die uno habeatur, qui dixerit de ipso hoc mense, in quo intercalatur, diebus eum constare viginti octo, quod scilicet omnino falsum esset, nisi biduum illud pro die haberet. Recta est Florentina, in qua *viginti octo*: ita enim Mutii responsum probat Celsi adferriorem: quod improbaret aperte, si *viginti novem*, ut in vulgatis est, legimus. Hæc hujus legis sententia est; quam Alciatus minime novit, tantum abest, ut Accursius viderit, qui stulta etiam vocitat Catonis responsa & Mutii. At si pro uno die id biduum ducitur, quid est, quod in l. 2. ff. de diu. temp. præscripte non idem tenetur? Recta illic est prima Glossatoris solutio: cave autem vel dubites, num ad omnia, quæ eo capite continentur, referenda illa sint verba: *Mibi contra videtur*: nam diversum cum sit factum in parte posteriori, ad istius tantum definitionem pertinent.

#### XCIX. ULPIANUS libro tertio de officio consulis.

*Notionem accipere possumus & cognitionem, & jurisdictionem.*

#### ALBERICUS.

Eandem latitudinem verbo tribuit idem Jurisconsultus in l. 5. ff. de re jud. & recitavi supra ad l. 46. Est autem latitudo in eo, quod hoc verbum notionis significare potest (nota illa *possumus accipere*) & cognitionem, & jurisdictionem: non est autem norio, verbum latius, quam cognitio; sed idem, ut hic observat Brechæus: itaque quod de notione traditur, idem & de cognitione dicitur: hic vero cognitionis verbum non in sua lata significatione ponitur, sed in angustiori, & quasi speciei sui

sui ipsius: ut in nomine adoptionis videmus, jurisdictionis, patet, cognationis, quæ cum alias species comprehendunt, tum eas etiam sui nominis. Sed quaerunt interpretes, quando est, ut possimus notionis nomen pro jurisdictione accipere, hoc est, pro publica potestate magistratus. Ita enim ego definierim jurisdictionem: nam pars tantum significatur in l. 3. ff. de jurisd. ut patet articulo etiam. Et ad magistratum relatum vocabulum, utique ita capietur; relatum ad alios contra: in dubio jurisdictionem significabit, quoniam censetur relatum ad magistratum, ut hic per alios, & Rebuffum, & cognationis nomine venit & definitio ubicunque l. 3. §. cognoscitur ff. de off. pref. vig. alii, Jaf. ad l. 1. num. 57. ff. de offic. ei. late disputat in l. a divo Pio ff. de re jud. ubi in contrarium tamen comm. opinio.

### Sequitur in lege.

*Continentes provincias accipere debemus eas, quæ Italia junctæ sunt, utputa Galliam. Sed & provinciam Siciliam magis inter continentes accipere nos oportet, quæ modico freto ab Italia dividitur. Omnes hanc definitionem aptant ad dilationum argumentum: quia longior tribuitur degentibus in remotis provinciis, quam in continentibus. Item degentibus in transmarinis l. 1. C. de dilat. Hic igitur definitur, quæ continens provincia sit. Sed si provincia dicitur quasi procul victa, qui erit provincia continens? Sed sic accipe, quod procul sit extra: nam & hæc erat partitio in Italiam & provincias; Utputa Galliam. Olim acciperes de Gallia, quæ Romanis Cisalpina dicebatur, quæ sane Italiz junctæ, quod vix Rubiconis parvus amnis intercederet. Sed dilati Italiz termini, qui etiamnum stant, usque ad alpes, & usque Polam Istriz urbem: itaque de transalpina capere, quæ continens diceretur nequicquam obstantibus alpibus. Et nota, quod dicitur provincia continens a naturalibus terminis; nam varium, & forte nec verum Ulpiani ætate, sive Justiniani, institutum provinciarum secundum tempora reipub. ut ait Strabo lib. 4. Atque ita hodie cum Italia ipsa in plures divisa provincias sit: ea, quæ de dilationibus dicuntur in libris nostris, his provinciis non aptabantur: quia & ratio non est, ut, quod de magnis provinciis scriptum est, obtrineat in his parvulis. Sicilianam*

*ciliam*. Sicilia veluti quædam Italiz pars. Strabo lib. 6. est tamen continens perpetua terra, nec ullo mari discreta. Isidor. lib. 14. idem de Eubœa, quæ tamen modico est dividua a Bœotiz continenti, ut dubitandum sit, an numerari inter insulas debeatur, nam latere quem vocant Euripum, ponte terræ jungitur. Solin. c. 19. Et Sicilia aliquando continens. Mela lib. 2. a continenti in terræmotus avulsa. Strabo d. lib. 6. & lib. 1. Siciliam ab Italia angusto intercisa freto, quam continenti quondam cohesisse constat. Senec. de consol. ad Mart. Cetera, quæ hinc sunt, stare recte possunt; puta Umbria erit continens provincia Piceno; forte hic in Anglia fuerit Wallia provincia juncta Cornubiz, quia modico freto dividitur a Cornubia, immo æstuario: Væstis certe & Anglisea ab Anglia; nam de Wallia dubito, quia terreno itinere distinguitur a Cornubia, & alia interjacet provincia; atque cum terrenum iter tenendum sit: ut scripsi ad l. 3. Walliam censebimus magis non continentem; forte & continentem, quia æstuarium tantum, quo facilis tractus & soleus; conjunctas dicit aquas Plinius lib. 31. c. 2. modico intervallo erumpentes. Reliqua vide ad l. 2.

### Sequitur in ista:

*Instrumentorum appellatione quæ comprehendantur, perquam difficile erit separare; quæ enim proprie sint instrumenta, propter quæ dilatio danda sit, inde dignoscemus, si in præsentiam persona, quæ instruere possit, dilatio petatur; puta qui actum gessit, licet in servitute, vel qui actor fuit constitutus; putem videri instrumentorum causa peti dilationem. Instrumenta, quia instruunt; igitur etiam privatæ scripturæ, & testes, & quidem proprie, ut hic in lege nostra, & per Alciatum; adde Menochium cas. 63. num. 6. cent. 1. de arb. ju. quæ, qui idem adserit, ex communi usu peritorum esse; quicquid Tiraquellus dixerit, nec jure communi, nec communi usu testes venire appellatione instrumentorum, nisi examinatos, & publicatos. Et de communi quidem usu etiam Alciatus. Sed cape non peritorum. Sic Imola definierit recte, in statutis venire solas scripturas publicas nomine instrumentorum; nam ad imperitorum & vulgarium sermonem eorum scripto aptatur. Itaque me, unum ex quinque viris, qui statuta*

*Tom. II.*

*O o*

*civi.*

civitatis meæ Sangenesii emendarent, & nova facerent, monuit præfes provincie documenti hujus non servati: nam adolescens sane volui quasi Romanis ipsis leges conscribere sermone Latino. Et ad rem præsentem, sic & distinctis titulis etiam in ipsis Digestis traditur de fide instrumentorum, & de testibus. Verum ego dubito, & puto etiam plebejo jure testes venire; nam ita jure canonico Gothico c. 4. *de testi. cog.* Illud tamen certum, ne testes veniant, si publicatis testimoniis iudex dilationem instrumentorum causa tribuat; nam post illud tempus testes non admittuntur regulariter; quod postremum verbum ego addo definitioni Alexandri certissimum; ajoque & de testibus accipiendam dilationem, si simus in casu, quo & testes admittuntur, aut admitti debent. Sed quid de artificiali probatione? ait lex, Qui instrumentis vicerit hoc esse, is vincat; vincit Titius non testibus, non scripturis, sed argumentis; argumenta etiam instruunt, l. 21. ff. de testi. *confirmabit iudex motum animi sui ex argumentis*. Sic ego censeo. Item ego quæro, si nomine testimoniorum venire instrumenta valent; *testimonium dicimus*, ait Cicero in Topicis, *omne, quod ab aliqua re externa sumitur ad faciendam fidem*. Sed instrumenta sunt ejusmodi. Et testari idem quod instruere. Itaque & hoc censeo. Et hoc notandum est, quod contractus quid est diversum ab instrumento: hoc enim ad probationem; igitur renuncians instrumento, non renunciat contractui, ut docet Baldus; nec de re credita quicquam dicitur, si instrumentum a lege infirmetur: *secundum Imol. Cui. Castrens. Alexand.* etsi idem Baldus in hoc contractum definierit in *l. bujusmodi*. §. *si ita*. in *l. servum filii*. §. *qui chirographum ff. de leg. 1.* & proculdubio male: nam & alibi tradit, legem loquentem de instrumento, non accipi de contractu. Et sunt istæ definitiones de statutis municipalibus. Adi ad omnes Decium *consf. 17. Viso puncto*.

*Per quam difficile erit &c.*] Si enim veniunt nomine instrumentorum; quæ omnia instruere possunt, ex facto censebitur, quæ hæc sint. *Inde cognoscemus &c.*] Et hoc est sane impossibile, conjicere quæ in facto consistunt; ut bene observat Fornerius; igitur *perquam difficile* est id quod impossibile. Sic magna difficultas par impossibilitati fit; l. 4. §. 1. ff. de statul. & Cic. in *Partit.* Sic duæ definitiones in ista lege; una certa, in-

instrumenta, quæ instruere possunt : altera incerta, quæ instruere possunt, ex facto censetur. De actu & actore vide ad l. 31. §. ult.

C. Idem libro secundo de officio consulis.

*Speciosas personas accipere debemus clarissimas personas utriusque sexus ; item eorum , quæ ornamentis senatoriis utuntur.*

A-L B E R I C U S.

Fornerius reliquas observat has collectas de libris editis de officio consulis ; ipse mihi in memoriam revocat, ut compilatores nostros vindicem ab Horomani sarcasmo : is enim ad tit. ff. de offic. consul. ait, *O jejunam consulatus explicationem!* ajo ego, ad tempora sua compilatores satis explicasse jus consulare, nec voluisse veteres historias, tum fabulas reponere ; judicabant aliquando consules, sed dati iudices, l. 3. §. 1. ff. de alim. leg. l. 50. ff. de cond. & dem. jure novissimo nec illa spectabant ad consulem, quæ titulo Digestorum notantur ; adi Novell. de consul. Sic & ordo Senatorius nullus sub Leone ; adi ejus Novell. de Senat. Nunc ad legem nostram. Speciosas ego a verbo antiquo specio dictas puto, dignas scilicet, quæ spectentur, & observentur, quæque privilegiis fruuntur, quorum hic interpretes meminerunt. Jam ultimus dignitatis gradus est clarissimus : ut tradunt nostrates ad rubr. ff. de offic. ei. cui man. est ju. aut etiam communis ad omnes est ; & inanis est tota illa disceptatio de nominibus dignitatum ex libris nostris : siquidem confusa omnia parent legenti libros Cod. & illustres qui clarissimi & magnifici l. 32. C. de app. l. 8. C. de def. civ. & tit. C. si qua. præ. po. Et si ultimus gradus est, & is ultimus est speciosus, certe & superiores. *Utriusque sexus* ] etiamne foeminae speciosæ ? an ex se videtur ; nam verba ex se accipiuntur. Sed foeminae ex se quomodo ? non memini ; & contra est l. 2. ff. de reg. jur. Princeps forte fecerit. Sic Heliogabalus clarissimam fecit matrem, ut apud Lampridium. Hodie ratione feudorum possunt tales esse. Sed & reginae quidni fecerint ? Sed in lege nostra expeditissimum ut capiamus de foeminis ex alio clarissimis, puta marito, l. 8.



*ff. de senat.* Clarissimas illa, ego privatas nuptias fecimus. *Apul. 2. asi.* Etiam filio secundum Saturninum, quod non probatur, *l. 1. cod. tit.* & tamen aliquid matri datur, quod non filiz in *Novell. de consul.* Sed quid de patre? de filiabus M. Fabii Ambusti vetus historia, quam & recitat Balduinus *ad d. l. 8.* quam legem videris, & *sequ. C. l. 10. C. de nupt.* item nota ex Bartolo *ad d. l. 1.* quod dignitas descendit, non ascendit; itaque filiz facilius, quam matri communicabitur. Sic de his capio facilius quæ ex alio sunt clarissimæ: nam & hoc frequentius contingit. *Item eorum, quæ &c.*] Item personas eorum, quæ personæ, &c. qui ornamentis utuntur Senatoriis, nec sunt Senatores. Sed an non & qui aliis utebantur, consularibus, prætoriiis, aliis? Eadem est & de reliquis ratio.

#### CI. MODESTINUS libro sexto Differentiarum.

*Inser stuprum & adulterium hoc interesse, quidam putant, quod adulterium in nuptam, stuprum in viduam committitur. Sed Lex Julia de adulteriis hoc verbo indifferenter utitur.*

#### ALBERICUS.

Auctor illius differentie Papinianus *l. 6. ff. de adult.* & ipse hic Modest. *in l. 34. cod. Adulterium in nuptam*] propter partum ex altero conceptum composito nomine *d. l. 6.* Si igitur vir alienus cum non nupta rem habet, ipse adulterium non facit, sed stuprum; quam juris inæqualitatem, est quæ late conqueritur apud Plaut. in Mercator. & notatur Gellio libr. c. & damnatur ad legem Dei Lactantio libr. 6. c. 24. Sed & constitutione Caroli V. ad æqualitatem reducta. Propter partum ex altero conceptum; quid si nullus partus existit, an propterea nec adulterium? ridicule diceremus; concipere est concipere: Sic enim veteres, & captus est partus capto semine.

*Stuprum in viduam*]. Sed & in virginem *d. l. 6.* & in puerum *d. l. 34.* puto quod id fuerit speciale nomen; & de admisso in virginem hoc tradit Donatus in Eunuch. act. 4. scen. 3. tamen vitii nomine videtur immo significatum; & Nonius ita,  
Sine

*Stuprum, quod in viduis committitur: Sed veteres pro adulterio & visio etiam.*

*Sed Lex Julia &c.]* quod illud verbum? putem stuprum; hoc enim & generis vocabulum. Itaque & adulterium potest eo significari, ut Valla observavit. Sed inepte tamen contra nostros: quod ostendit Alciatus *lib. 4. de ver. sign.* Stuprum, foeditas est. Sed & vocabulo adulterii pro stupro lex. Sic titulus *Dig. de adulteriis*: in quo & de stupris, & stuprum quod est; id adulterium appellatur *in l. 15. §. pen. in l. 29. §. 2.* & hoc, abusive magis est, ut *in d. l. 6.* Verum ubi illa lex, cujus hic mentio? immo enim distincta ponuntur vocabula hæc in lege *l. 12. cod. tit. de adult.* Credamus Jurisconsulto, qui capita omnia legis habuit; adde & *d. l. 29. §. 1.* quæ una vincit rem ita esse, ut indifferenter usa sit lex adulterii etiam verbo; in Decreto ad rem hæc, Fornicatio videretur genus cujuslibet illiciti coitus, tamen specialiter cum viduis, meretricibus, concubinis. Stuprum cum virginibus; adulterium cum nuptis: nam in alterius toro. Incestus cum consanguineis, & affinibus *c. 2. 36. q. 1.*

Sequitur in nostra.

*Divortium inter virum & uxorem fieri dicitur; repudium vero sponsa remitti videtur; quod & in uxoris personam non absurde cadit.* Divortium est matrimonii disjunctio perpetua, sicut nuptiæ sunt perpetua conjunctio scilicet, quia hoc animo & nuptiæ contrahuntur, & divortium fit; alioqui brevi reversa uxor nec divortrisse videtur, *l. 48. ff. de reg. jur.* friusculum hoc appellatur *in l. 32. §. 9. ff. de don. int. vir. & uxor.* sive friusculum, quod deminutivum a frivo deducunt. Igitur non exacte loquitur Seneca in lib. de divin. provid. *Moresa uxoris quotidiana repudia &c.* de Mecænate; nam sæpe lites habuit cum ea, & sæpe rediit in gratiam, quod non est divortere. Sed nec divortium fuit Catonis & Martiæ; at hæc Hostensio commodata, ut simpliciter narrat Appianus *lib. 2. de ben. civ.* & Quintil. *lib. 2. c. 5.* licet fabulæ Plutarchus deputer; quod ego miror, quando ipse idem tradit Numæ institutum hoc, *in comp. Lyc. & Num.* atque Lycurgi sane legibus concessum scribat Xenophon *in lib. de rep. Lac.* Nihil dicimus, divortium quidem factum, sed etiam matrimonium redin-

redintegratum post Hortensii nuptias: vel aliud potius matrimonium contractum, quia idem matrimonium non sit, quod dissolutum divortio in perpetuum fuit, *l. 14. ff. de capti.* Hoc divortium dicitur fieri inter virum & uxorem; ratio est, in *l. 191.* ubi dicam; & jam diximus, quod divortium est disjunctio; itaque privatio, itaque habitus præcedit, itaque nuptiæ. Repudii nomen nec absurde illic cadit; proprie enim repudium sponsæ remitti videtur: quando hic ita distinguitur divortium a repudio; itaque quemadmodum illud proprie cum uxore; ita hoc cum sponsa; repudiamus scilicet, ad quæ consequenda, nobis jus est, si repudiare hereditatem, *l. 2. l. 13. l. 15. l. 17. cum aliis sexcentis. ff. de adq. her.* & ipse titulus in *Cod. de repudianda hereditate*, & similia. Quæ sita non repudiantur *l. 1. §. 2. ff. de succ. ed.* Nec tamen absurde dicitur repudium etiam uxoris, quoniam conjunctioni, & conditioni deinceps renunciatur, ita, *CONDITIONE TUA NON UTOR, l. 2. ff. de div.* In repudiis autem illa sunt verba: *TUAS RES TIBI HABETO*; non dicit, *RESUMITO*, quia non traditur. Reliqua ad *l. 191.*

Sequitur adhuc in nostra.

*Verum est, morbum esse temporalem corporis imbecillitatem: vitium vero perpetuum corporis impedimentum; veluti si salum excusis; nam & lusus itaque visiosus est. Audi verba l. 1. ff. de ædilit. edict. Sed sciendum est, morbum apud Sabinum sic definitum esse, habitum cujusque corporis contra naturam, qui usum ejus ad id faciat deteriorem, cujus causa natura nobis ejus corporis sanitatem dedit; id autem alias in toto corpore, alias in parte accidere; namque totius corporis morbus est, puta phlogis, febris: partis veluti cecitas; licet homo itaque natus sit; recitat Nonius hanc differentiam, & ait, morbum a visio prudentia veterum sic voluit separari, &c. tabes est totius corporis habitus, item febris; cecitas partis: quæ est morbus, licet & ita natus homo sit; nam visio corporum accidens res est, integritas propria est; in hac nascimur, etiamsi in utero vexemur, jam hominis est passio; prius est genus, quam casus; quæ sunt Tertulliani verba in lib. de res. car. ostendens, non resurrecturos nos cum vitiis ullis, etiam portatis de utero matris: quia & hæc accidentia. Cicero morbum*

bum in toto corpore statuit *lib. 4. Tusc.* in parte vitium notat; ut & Jurisconsultus hic ait de lusco, & eo, cui talus excussus est; & vitium præterea perpetuum manere vult Juriscons. nam morbus fuerit vulnus sanabile, secundum eum; vitium ita & Cicero distinguit illic, ut integra valetudine sit, pravitas membrorum, distortio, deformitas. Ergo neque dissentit in morbo, qui plerumque totius corporis est, vel per consensum partium. Sequitur in d. l. 1. *vitiumque a morbo multum differre*, ut apud eundem Sabinum definitum est, *ut puta, si quis balbus sit; nam hunc vitiosum magis esse, quam morbosum*; quæ est differentia clarius explicata in lege nostra; & balbus sane asseritur in l. 10. in fin. *ead. titul.* vel quia non est morbus, sed vitium: vel, quod magis puto, quia non is morbus, propter quem competit Edictum; neque enim propter omnem morbum competit, d. l. 1. & l. 4. in fi. eo. quod nota, ut verba capias ex eo, quod quæritur, & non quæritur in eo edicto simpliciter, quis sanus: quæ questio medicorum: at quis sanus, ne sit redhibendus; igitur, & cum dicitur quis sanus, intellige non simpliciter, sed ne possit redhiberi. Sequitur in d. l. 1. *Ego puto adiles &c.*] Ut itaque vera sit hæc differentia notata Modestino hic, & de Sabino relata illic: in eo tamen Edicto non servatur. Sic mutus morbosus dicitur, & is, cui digitus præcisus est, l. 10. *eadem.* Et morbus etiam distinguitur in perpetuum, & temporarium, *leg. 6.* quamquam si tabes morbus est, ea sane perpetuaque est, incurabilis, si tertium gradum peregerit, ut medici tradunt. Idem & de epilepsia, ut hic recitat Brech. Est & alia inter vitium & morbum differentia, quod illud ad animum refertur sæpius. Ceterum & hic utroque vocabulo promiscue utimur, *veluti si talum excussit*; excussus, qui amotus. Sic Tertull. lib. 2. adv. Marcion. *legatos ejus (DEI) toties excusserat Pharao.* Dario regi talum e juncturis excussum delapso ex equo, memorat Herodotus lib. 3. & desoerasse regem, se postea validum ad incedendum futurum. Sed Medici Græci opera convaluisset. Sic recte Fornerius vitiosum hunc, si non restitutus talus sit, bene monet: *nam & luscus itaque vitiosus est, luscitionem quidam putant, ubi homo lumine adhibito nihil videt*, dist. leg. 10. de æd. ed. luscus, qui altero captus oculo est, nec usum videndi recipit; de Sabino Gell. lib. 4. cap. 2. hic proculdubio morbosus, sive vitiosus; de luscione

zione non definitur aperte in d. l. 10. Sed si idem Latinis est lusciosus, qui myopis Græcis, qui conniventibus oculis intuentur, reſtis non poſſunt, lumen nec ferre potentes, contrarii myſtalopis: certe & luscioſus morboſus eſt, nam myopis morboſus; & nihil contra Ulpianum Brechæus adfert. Hæc ad legem iſtam ſatis, ſi illud pro corollario dicam, non mutandam vocem *Strabonem* in l. 12. nam Strabonibus plerumque & os ſcæret, vitio partium junctarum, quod & a Medicis accepi. Reſtat in lege.

*Servis legatis etiam ancillas deberi, quidam putant: quæſ commune nomen utrumque ſexum contineat.* Adi ad ſcripta in l. 40. §. 1. Hic inſuper addo, commune non aliter videri nomen poſſe, quam ſi legatum & conceptum per calum hunc dandi, & plurativum ſit, hoc modo, *Semproni, acceptis ſervis, reliqua, quæ utriſque legavi, Titius ſolus habeat*; vel ſinge prælegatum. Sic nomen commune, quia non videtur inveniri *ſervabus*. Vix tamen eſt, ut ita lex iſta accipiatur; nam caſus inſrequentiſſimus, ut ita legeretur; itaque verius puto, ut commune nomen cenſeatur, quia & a ſervando ſervæ dicuntur: itaque nomen commune, etſi non genus commune. Fratrum nomine veniunt ſorores, l. tres fratres ff. de paſſ. non quia nomen commune, alii enim fratres, aliz ſorores; ſed quia in una appellatione tenendum eſt, ut dignior ſex nominetur, ſub quo & minus dignus habeatur. Sic ubi maſculinum concipit (ut loquuntur) fœmininum eſt, quod eodem reſeras, in ſermone nupero illa ſunt, *ſi qui, vel ſi qua*. Sic igitur cape hic, ut de legato agatur ſervorum numero pluritatis, *Servos lego, ſervos decem lego, quos optaris*; poterit & ancillas optare, & quidem omnes, *Sempronio ſervos decem heres damnus eſto dare*; poterit & ancillas dare; putem tamen non omnes, quia non ita accipi legarum debet, ut deterrimum ſit. ADD. 1. Divortium & repudium. Verbi utriuſque ſignificatio diſcrimen habet ſubtiliter, & artiſcioſe a Jurifconſultis excogitatum; quod autem ad vim, ac effectum ſpectat, nullum eſt diſcrimen. *Schol. ad Harmenopol.* Repudium, quod ſit ob rem pudendam: Feſtus. 2. Excuffit. Eam vocem excuſſerat: Tertull. lib. 4. adv. Marc. Ita pedem offendit, ut digitus ei decuteretur. Val. Max. 1. cap. 4. A Naſica decuſſus Capitolio Grachus, ib. Horologii ferrum loco motum excuſſit. 20. 3. Articulus, Quæſi, non hic nota improprietas, ſed rationis:

nionis: ut & alibi. Decian. conf. 1. Vol. 2. 4. Adulterium & Stuprum: Vid. Dec. in cap. *etsi Clerici*. §. *de adulteriis*. Ex. de *Judic.* Adde & cap. 2. 36. *quæst.* 1. ubi differentia inter stuprum, adulterium, fornicationem, quam ait esse genus, sed specialiter in vidua, concubina, & meretrice dici.

## CII. Idem libro septimo regularum:

*Derogatur legi, aut abrogatur. Derogatur legi, cum pars detrahitur, abrogatur legi, cum prorsus tollitur.*

## A L B E R I C U S.

Latus Ulpianus tit. 1. fragm. *Lex aut rogatur, id est feritur: aut abrogatur, id est prior lex tollitur: aut derogatur, id est pars prima tollitur: aut subrogatur id est adjicitur aliquid primæ legi: aut obrogatur, id est mutatur aliquid ex prima lege.* Dicitur & exrogatur: sed id est derogatur. Festus. Cetera composita a verbo rogandi huc non spectant, nisi quid dicas de adrogare, quod est quasi legis, sed privatæ. Atque id verbi aptatum legi, quod ea per rogationem ferebatur, *Vellent, juberent Quirites eam legem esse*: Festus tamen differentiam statuit inter rogationem & legem; quod rogatio sit, cum populus consulitur de uno, pluribusve hominibus, quod non ad omnes pertineat; & de una, pluribusve rebus, de quibus non omnibus fanciatur; additque Gallum Ælium dicentem, quod rogatio sit genus legis; quodque lex quæ est, ea non continuo rogatio est; at rogatio non possit esse non lex, si modo justis comitiis rogata est. Sed nos prima Festi intueamur; dicit rogationem, quod Cicero, & alii privilegium; forte quia privilegia quibusdam, ut Attejo Capitori, non viæ leges: itaque generali nomine rogationis appellantur, adi Gell. lib. 10. cap. 20. Et ipse tamen Cicero legem nominat Maniliam, quæ de Cn. Pompejo ferebatur; sed & alias, vel alii. Quod secundo ex Gallo refert, id est, ut legum plura sint genera, unumque eorum sit, quod dicitur rogatio: & id est privilegium, ut modo exposuerat; generisque nomine, ut Jurisconsultus, in significatione speciei Gallus utatur. Sic lex, quæ est, non continuo rogatio est; id est illa spo-

Tom. II.

Pp

cics:

cies: & cum rogationis nomen in specie sumitur; alioqui rogatio est in omni lege, quia omnis lex rogabatur, & lex quod senatorio magistratu interrogante populus sanciebat, §. *constat. Inst. de ju. nat.*

### CIII. Idem libro octavo regularum.

*Licet capitalis Latine loquentibus omnis causa existimationis videatur; tamen appellatio capitalis, mortis, vel amissionis civitatis intelligenda est.*

### A L B E R T U S.

In eo, quod de Latine loquentibus dicit, censeas respexisse Jurisconsultum vulgarem loquendi consuetudinem: sic enim & Cicero capitis causam dicit, in qua sequebatur infamia damnatum; pro Quintio, quamquam Manutius in libro de legibus, oratorie loqui Ciceronem, tradit, quia, ut caput pro existimatione usurpetur, non ferat vetus loquendi ratio. Hic tamen Jurisconsultus diversum contestatur; nisi cum eodem Manutio dicimus, differentiam esse inter causam capitis, & causam capitalem; quia omnis capitalis sit capitis, at non contra: capitalis enim ut hic per Jurisconsultum; capitis etiam ut in tertio gradu capitis minutionis. Sed neque objecto respondimus tamen. Quid igitur? num sinemus Manutium? Is & in eo notatus est, quod conjugata distinxerit. Sed hoc defenditur, quia usus ita docet, ut dicamus capitis causam etiam eam, quam dicere capitalem non possumus; usum vero sequimur in lingua hac jam mortua; adde notata ad l. 12. Ad primam questionem quod attinet, idem, quod Manutius, tradit Justin. in prim. titul. Inst. de pub. jud. non esse scilicet capitalia, quæ infamiam irrogant; adde l. 2. §. 28. Digest. de pæn. & l. 2. Digest. de pub. jud. l. qui cum. §. is demum, Digest. de bo. liber. l. 4. Digest. si quis caus. l. cum. Digest. de jur. patr. in quibus illi duo gradus constituuntur capitalium, qui hic; & ita ipse sane Cicero pro Comæ: judicia pene capitis hæc dicit existimationis. Itaque lex nostra sic est intelligenda, ut videatur quidem, sed non sit. Videatur autem quia infames nec testimonium dicunt, nec admittuntur ad digni-

dignitates, & alia patiuntur, quæ & ii, quorum caput non est; est scilicet pœna major versari inter homines, & hominum carere suffragiis, quam exulare, *l. 3. C. de apost.* Sed hic jam queritur, quæ in dubio interpretatio capienda sit, mortis, vel amissionis civitatis? & utique civitatis amissio significabitur; quia in benigniorem partem adsumitur interpretatio. Vid. Alexand. conf. 115. Vol. 3. Porro hic delicta omnia colligerentur utiliter, pro quibus capitalis pœna posita est; quod & facit Baldus *ad l. data opera. Codic. qui acc. poss.* & distinguerentur quæ mortem significant ab his, quæ civitatis amissionem; & notavi sane de libris Digestorum, Codicisque omnia; & de Codice plus minus quinquaginta casus capitales collegi: de Digestis opinor totidem. Ceterum huc ista comportare foret magnum tractatum conficere. Sed & reliqua per alios hic probe.

ADD. In *l. sacrilegi*, capite puniuntur, *ad Leg. Jul. pecul.* de omni causa existimationis &c. nam alioqui pœna ejus facti est extraordinaria. Sic pro exilio capitur, *glos. ad l. 1. Cod. ne Christ. mancip. l. 1. C. ad L. Jul. pecul.* addi solet de ultimo supplicio, & tum omnino est mors, *l. præsenti. in pr. C. de bis, qui ad Eccl. confug. l. ubi. in fi. C. ad L. Corn. de fals.*

#### CIV. Idem libro secundo Excusationum.

ΤΩΝ ΤΕΚΝΩΝ ΠΡΟΣΗΓΟΡΙΑ ΚΑΙ ΕΠΙ ΤΟΥΣ ΕΓΓΟ-  
ΝΟΥΣ ΕΚΤΕΙΝΕΤΑΙ. Hoc est, Natorum appellatio & ad  
nepotes extenditur.

#### A L B E R I C U S.

Ratio dicitur in *l. 220.* in quam rejicimus istam disputationem. Hic ajo, nepotes proprie natorum nomine venire: nam & in conditione ita est, *l. 1. C. de cond. infer.* Sed & pronepotes, *l. jubemus, Cod. ad Treb.* & omnes sane descendentes, *per ea, quæ scribam ad d. l. 220.* & quod traditum est, in conditione *Si sine liberis ex se natis* nepotes intelligi; ita Baldus, & Corneus, & Zasius *consil. x. num. 36.* & Alciatus, receptumque dicit, licet Gui. Papæ reclamet. Ait autem Baldus in *dist. leg. 1.* immediate dici quicquid per rerum naturam continuative est



unum & idem. Et non obstat verbum *extenditur* : quoniam latitudinem significat, non improprietatem. Etenim hoc est quod indicatur in l. 2. *Dig. de exens.* unde hæc nostra rapta est ; ait, non usam legem nomine filii in eo tractatu, sed nati, quia nati appellatio ad nepotem extenderetur ; id quod si non proprie fieret, quid obfuit, quo minus filii etiam nomen usurparet ? nam minus proprie hoc quoque nomen eo extendi docet *dist. lex 220.* Postremum notes, quod etsi nepotes veniant natorum nomine, non veniunt tamen natorum numero : nam quot ex filio uno nepotes natum, hoc est filium, referunt unum l. 1. *Cod. de his, qui num. lib. & d. l. 2.*

### CV. Idem libro undecimo responforum.

*Modestinus respondit, his verbis* LIBERTIS, LIBERTASQUE MEIS, *libertum libertæ testatoris non contineri.*

### A L B E R I C U S.

Sed quæ dubitandi ratio ? Alciatus dicit nullam. Sed hoc dicendum non est. Ea igitur est, quod libertique paterni liberti nostri censentur recte l. 58. §. 1. adeoque non ejus dicuntur solum, qui manumisit. Videntur porro & libertorum liberti nostri esse liberti, quia a nobis horum fluxisse libertas videtur, qui fecimus servos nostros liberos, & ut possent hi istos libertos facere. Item quia si patronus tuus mihi reverentiam debet, tu multo magis debebis. Item quia si de bonis liberti nostri quid nobis debetur, & de hujus liberti bonis ipsi liberto nostro, quid est, cur & nobis non deberi aliquid existimemus de illiusdem bonis ? Contrarium Modestinus respondet ; & sunt hæc sane remota nimis. Interim *nec socius socii mei meus est socius*, nec amicus amici mei amicus meus, nec amicus inimici inimicus, nec inimicus amici, cum id genus aliis ; etsi verum sit, suspicionem tamen esse diversam posse, quia bene cupimus amicis, male inimicis, adeoque inimicum amici, & amicum inimici vix est ut non odio habeamus, qui a nobis dissentit. De socio in contrarius argumento ratio singularis est, quia cum alio non contraximus, neque contractus ad alias personas extenduntur. Sed & ele-

sta

Et industria personæ censetur, itaque nec ad heredes transit societas. Et ita de omnibus personalibus est, ut personam non egrediantur; quod Fornerius notat, eoque definitionem refert legis nostræ. Sed in eo labitur, quod vasallum vasalli mei vasallum meum censet contra interpretes alios. Immo enim non est vasallus meus; nec Alciati rationibus respondet, sed captat limitationem, unde destruat opinionem eorum prorsus. Ergo rectius Rebuffus, qui tradit vasallum vasalli mei vasallum meum non esse, nisi de re mea meus vasallus vasallum eum sibi fecerit, §. *illud*, de *pro. se. al. per Frid.* & docuit princeps Feudistarum Ifernus ibi, & princeps Legistarum Bartolus in *l. Claudius. ff. qui pos. in pign. bab.* Certe hic vasallus vasalli mei me impune non offendet: nisi faciet pro servitio alterius domini, quem ante habuerit. const. imperialem. de feud. Tamen meus vasallus non appellatur; vide illic carmina quædam apud Cujac. vasallus vasalli est meus vasallus; vide Cujac. *ad tit. 15. lib. 1.* ADD. Liber societatis inter Titium & Sejum & socios, non facit, ut Cajus sit Titii socius, quem Sejus solus assumpsit in societatem. *l. qui admittitur. cum 4. seqq. D. pro soc.* Illa qualitas, & socios, post posita refertur ad personas utriusque. *l. mulieri. de cond. & dem. Alex. cons. 139. lib. 5.*

#### CVI. Idem libro singulari de Præscriptionibus.

*Dimissoria litteræ dicuntur, quæ vulgo Apostoli dicuntur; dimissoria autem dictæ, quod causa ad eum, qui appellatus est, dimittitur.*

#### A L B E R T U S.

Sic itaque titulus Digestorum conceptus, *De libellis dimissoriis, qui Apostoli dicuntur*; si tamen ultima verba retinenda sunt; in indice certe sunt; in lege tamen non libelli, sed litteræ nominantur, ut hic. Scribuntur scilicet ad judicem appellatum; atque earum forma notatur illic. Et Paulus etiam concepit titulum, *De dimissoriis litteris. lib. 4. sent.* Recte tamen & libelli, quia nova inchoabatur causa per eos. *vulgo Apostoli.*] a Græco id nominis; verum Græca lingua ufos priscos Romanos, & Græcis etiam

etiam litterarum figuris, Dionysius, & Plinius tradunt; atque dubium non est, multa vocabula Græca a vulgo retenta, qui isti excolenda, & innovanda non multus erat. Ita & retinuit scilicet Latina multa, quæ Romane loquentes non retinuerunt. Latina dico, quæ Latii fuere; quoque magis miremur retinent & nostro tempore veri Itali quædam, quæ rectius ad priscum sæculum referemus: quæque in libro de origine Linguae Italicae, Scipio frater meus notat; vulgus etiamnum in Italia apostolos dicit has litteras; & vulgus practicum, & jus Canonicum. c. 55. *de appell.* & vulgus inventarium, ut vulgus olim. l. 7. ff. *de adm. sur.* Nomen dimissorium est nomen artis, non est vulgi. Et inde est, quod *caussa ad eum*, &c. dimittitur enim, nec remittitur. l. 6. *in prin. C. de appell.* & dimittuntur omnia causa instrumenta. l. 15. l. 16. *cod.* at si tamen appellatio deferitur, immo causa & ad condemnationem redit, & ad iudicem, qui dimisit. l. ult. *Cod. de temp. & rep. app. cap. 4. & 5. de appellat.* Et si male appellatum, bene iudicatum iudex appellationis iudicaverit; ut per nostrates *ad l. 1. ff. de re jud.* Sunt porro & aliae litteræ, ut refutatoriae, reverentiales; de quibus Alciatus. Dimissoriae aliquando significantur & nomine relationis. l. si *appellationem. C. de appell.* quod tamen aliam significationem habere consuevit. *tit. Dig. de app. & relat. & in tit. Decretal. & Cod. de relat.* Formam dimissorium habes etiam *cap. 31. II. q. 6.* ADD. Vulgo apostoli. Ab omni sermone Græco pendere videtur loquela Latina; multa tamen variata. Diomedes lib. 1.

### CVII. Idem libro tertio Pandectarum.

*Assignare libertum hoc est, testificari, cujus ex liberis libertum eum esse voluit.*

### A L B E R I C U S.

Assignandi verbum plures habet significationes; significat concessionem. l. 1. *in fin. ff. de aq. quot. & est.* translationem domini. l. si pluribus *ff. de leg. 1.* custodiam traditionem. l. 1. *in fin. nau. saup. stab.* legationem. l. pen. *C. de lega.* Et si maritus uxori rem aliquam assignet ad alimenta, ejus proprietatem legasse

vi.

videtur; *Gai. Pa. q. 525.* Sed juxta. *per l. donationes. §. species. ff. de donat.* quæ tamen parum movet, ut ait Rebuffus. Ego autem cum Guidone sentio; sicut scilicet illic nihil facit, quominus sit proprietæ data, quod dictum fuerit *usibus puella*, &c. ita neque hic faciat, quod dicatur *ad alimenta*, quando verbum adigno proprietatem significat. *d. l. pen. nec modus legati expressus hac significatione sit*, sed causa potius, Item assignare est cedere, *7. arbiter, ff. de distr. pi. præscribere, l. 1. ff. quo. app. sit.* Adtribuere, *l. præceptoris, ff. ad leg. Aquil.* Atque ita secundum subjectam materiam; itaque si causa est, quæ exigit translationem domini, translationem significat hoc verbum; si causa non est talis, solam custodiam; *ut hic per Aici.* Item si emancipato quid assignet pater, donare dicitur; si filio in potestate, concedere in peculium; ut de Alexan. & aliis bene notat Rebuffus qui scilicet & has, & alias congerit significationes; & illud non omittendum, quod hoc verbo etiam heres institui potest, *l. 3. ff. de adf. lib.* & alii docuerunt. In hac porro lege nostra alia significatio nobis exprimitur. *Est testificari.* Id est, significare; ut est in *S. C. l. 1. ff. de adf. lib.* Et ea significatio, & assignatio per epistolam fieri potest, vel testationem, vel chirographum, *l. 7. eod.* sed & quibuscunque verbis, & nutu, *d. l. 1. §. 1.* non igitur plena definitio in lege nostra traditur, quæ de sola testatione loqui videtur; & est testatio a testibus; ut notavimus *ad l. 40.* Ceterum latior significatio verbi testificandi; & hic pro significare accipitur; igitur live significetur per epistolam, live per testationem, live aliter, satis est; aliter, sed actu tamen valido, & probato; nam ridiculus est Cujacius, qui aliter existimat consultatione prima; neque enim quod epistola, chirographo, nutu hæc fiat assignatio; propterea si nutu fiat, testes non requiruntur, qui probent; item si fiat epistola, non ea perfecta esse debet; item si fiat chirographo. Ergo & illa electio, etsi sit assignationi huic similis, quia nec illa quasi legatum, nec quasi fideicommissum, *l. unum ex familiaribus, §. 1. ff. de leg. 2. l. pater filiam, ff. ad leg. Falc.* non propterea valet, si in scriptura fiat nullis testibus munita; ut ille consuluit. Sed ego eas consultationes unica delevi consultatione ad Nobilissimum Juvenem Conradum Paullum omnes; nam aut falsas revici; aut veras aliorum definitiones argumentis suis non

bo-

bonis relatas ostendi ; aut inanes , id est , de rebus non dubiis editas docui . Sequitur in lege nostra , *cujus ex liberis* . ] Qui sunt in potestate , *dist. l. 1. & §. datur. Inst. cod.* & sic nota , liberorum appellatione venire qui sunt in potestate ; ut alibi etiam dixi . Nam emancipato nec potest assignari : & assignatio facta huic , qui in potestate est , sequenti emancipatione tollitur ; in emancipatos tamen nepotes transit , *§. ult. Inst. & l. 3. §. pen. ff. cod.*

CVIII. Idem libro quarto Pandectarum .

*Debitor intelligatur is , a quo invito enigi pecunia potest .*

A L B E R I C U S .

Est siquidem obligatio juris vinculum , quo necessitate adstringitur debitor , *§. 1. Inst. de oblig.* atque hujus responsi auctoritate nixi interpretes , debitorem sub conditione non esse proprie creditorem , nec qui in diem debet , nec qui natura , dixerunt . Sed nos aliter *ad l. 10.* ubi & istam legem explicavimus . Sed & legenda sunt , quæ scripsimus *ad l. 11.* & cognoscetur , quid id sit , quod hic de pecunia tantum notatur : cum alioqui obligatio definiatur juris vinculum , quo necessitate adstringimur *alicujus solvenda rei* , non tantum pecuniæ . Hic id narro solum , quod propterea nulla sit obligatio sub hac conditione *SI VO- L A M* , quia pro non dicto est , quod dare , nisi velis , cogi non possis , *l. 8. ff. de oblig. nulla fit obligatio* , inquit J. C. Quid in illa ? *ne invito solvam* . Et hic nihil in obligatione esse videtur , *l. ult. ff. de pact. dot.* Potest tamen aliqua esse differentia , quia & absisse magis illud lex dicit , quam istud . Et sorte in eo est , quod prior species nullam habeat obligationem ne heredis quidem , quia personæ juncta conditio sit , *l. 69. ff. de cond. & dem.* in posteriori tentari possit , heredem cogi ad solvendum ; nam & J. C. ait , *nihil ab eo* ( promissore ) *exigendum* puto ; est autem pactio non ipsi obligationi adiecta , sed executioni : itaque poterit hujusmodi debitor velle exigi , nec alii , puta , creditores habebunt , quod conquérantur . Ita scio , quia nec suspensa obligatio

tio

tio est in ea formula, *Decem cum petiero*, petitionem ad heredem transire, l. 48. ff. de V. O. Ergo & hic, ubi exactionis tantum lex adjecta, nihil de obligatione mutabitur. Cogitemus etiam, quod non minus est debitor, qui propter inopiam exigere nequit, l. 4. ff. de her. vel act. ven. nam obligatio manet, etsi exigere pecunia non possit, & ipsa obligatio dispungi; item & hi omnes sunt obligati, quibus est beneficium, ne exigantur, nisi quatenus facere possunt; ut scripsi disp. 8. & hos tamen posse beneficio renunciare, verum est, & sponte solvere, & exactionem pati, dic & donatorem etiam re alieno nec deducto; adeoque in creditorum incommodum, adde & que nota ad l. 125. est siquidem ratio, ut possit donator eo beneficio deducendi res alienum frui, ne liberalitate sua inops fieri periclitetur, l. 49. ff. de re jud. nullus est alius respectus. Ergo suo ipsius renunciet. Hæc si ita sunt, extat & illa utilitas, quod si jubet testator debita dissolvere, promissum ex priori formula non dissolvitur; dissolvitur promissum ex posteriori, cum id genus aliis. ADD. Debitor est & qui opponit exceptionem compensationis: quia compensare est solvere; igitur si omnis exceptio verita, præter solutionis, opponi compensatio potest. Ang. Alex. conf. 12. num. 12. vol. 2. Sic dicitur ab eo invito extorqueri, l. si debitor. qui pot. in pign. l. Julianus, de cond. & dem. Alex. 2. Creditor conditionalis solum dicitur creditor habito respectu ad etymologiam vocabuli, quia credidit contrahendo; & ita capitur l. is cui sub conditione, D. de obl. & act. Creditor, & debitor in diem, etiam quod ad essentiam dicitur, quia & obligatio & actio nata secundum veras & communes conclus. Butrig. in l. 1. si cer. pet. Alex. conf. 2. Vol. 4.

## CIX. Idem libro quinto Pandectarum:

*Bonæ fidei emptor esse videtur, qui ignoravit eam rem alienam esse: aut putavit eum, qui vendidit, ius vendendi habere, puta procuratorem, aut tutorem esse.*

## A L B E R I C U S.

Magni refert, quis sit bonæ fidei emptor: ut hic omnes no-  
Tom. II. Qq tant:

tant : & sit bonæ fidei possessor. Bonæ fidei emptor est , qui ignorat rem , quam emit , vendentis non esse , sed alienam : vel scit etiam esse alienam , vendentem tamen jus vendendi habere credit. Ait , *qui ignoravit* . In iure erravit , an in facto ? etsi enim aliud est ignorantia , aliud error , quod qui ignorat , potest non errare , qui autem errat , is & ignoret semper : hic tamen ignorasse est errasse , & putasse rem vendentis esse , quæ erat alterius . Et non dubium de ignorantia facti : non tamen de supina . Ecquid enim si non intelligit , quod intelligunt omnes ; hoc latæ est culpæ ; adeoque crassæ , & supinæ ignorantæ . Ecquid si sciunt omnes , domum illam Sempronii esse , quam Cajus a Titio , cuius & putet esse , emit ? Putet esse Titii , adque eum testamentum pervenisse Lucii , cum & sciant omnes , & proster etiam publice incisum testamentum , in quo legatumque domus Sempronio factum ? Sed nec iuris error emptioni patrocinatur *l. 32. ff. de usus.* quamquam malæ fidei emptorem , qui sciens contra legum interdicta mercatur , alibi dicat lex *l. quemadmodum in fin. C. de agr. & cons. & Dynus in. c. 2. de reg. ju.* Sed sciens dicitur quis emere contra legum interdicta , quia lex in aperto posita , & quam ignorare nemo potest *l. 9. C. de legi.* Sed vel per se scire quisque debet , vel per alium ; ut de aliis scribit Alciatus recte *reg. 3. pref. 10. & docet l. 10. ff. de bo. poss. l. 2. in fin. ff. quis or. in bo. po. se.* Hæc & supina ignorantia foret . Puta igitur , emerit ab eo , qui missus in possessionem est legati servandi causa , quia putet rem ejus jam esse factam : is non est bonæ fidei emptor , qui in iure errat , & quidem manifesto ; nam in jureque controverso probabilis ignorantia : atque in eo erranti ita succurritur , ut erranti in facto ; quod a Socino acceptum tradit Alciatus *ad l. 122. hoc sit.* Et ratio videri potest , quod iniustus esse assensus non possit erga magnos duces , etsi & alii æque magni repugnent ; adi ad tradita per nostrates *in l. 1. ff. si cert. per.* Quamquam ecquid rudis & expers litterarum cognoscet , quique Jurisconsultum adeat , si ius certum est , vel controversum ? At imputet sibi hoc , quod vel parum doctum , vel parum probum adierit . Illud tamen observes quod Alciatus scribit , & Rebuffus , quod etsi bona fides non adit , non ideo tamen mala inest : nam injusta etiam opinatio malam fidem excludit , & dolum , *l. igitur §. 2. ff. de lib. ca.*

ea. quod satis lucrandis fructibus, longissimæ præscriptioni, eique possessioni, de qua summarie litis instruendæ causa solet tractari. Sequitur, *aut putavit eum, qui &c.* ) Si est procurator ad vendendum, utique ab eo, qui emit, non putat, sed scit, jus vendendi habere; videt enim certum mandatum, ex quo novit scilicet procuratorem aut numquid putat, nec scit procuratorem? Ego supinam hanc ignorantiam crediderim, quando peti valet, ut mandatum ostendatur. Sed si est procurator ad litigandum, hunc non recte credimus habere jus vendendi; ut per interpretes *ad l. 5. ff. de pact.* Ego de procuratore ad universa; qui & tutiori probe iungitur. Censeo ita dicendum, ut emptor hoc putet, venditorem esse procuratorem talem, qui vendere possit; item tutorem esse, qui vendit *l. 13. ff. de Pub.* etenim potest iusta opinio huius rei esse, quia illi se pro talibus gesserint, & ab aliis habentur. Accipe vero omnia, si & in reliquis bona fides versetur; quoniam non est satis emere, id est iustum titulum obtinere; & ab eo emere, qui jus habere videtur distrahendi; nisi & cetera accedant, quæ distractione rerum pupillarium requiruntur: Sed de his nihil notatum in lege ista, quæ tantum voluit de personis exposuisse, alia omnia apta adsumendo; igitur nec dolo induxerit ad vendendum; nam is non bonæ, sed malæ fidei emptor, ut per Dynum in *d. c. 2.* Item nec a colludente emat *l. qui fundum §. procurator. ff. pro emp.* Item nec emat si denunciatus sit ab alio, qui se dominum asserit, *l. si fundum Codic. de rei vind.* Ast hæc plura sunt; vide *Inst. qui. ali. lic.* Sequitur exemplum, *puta procuratorem &c.* ] Est siquidem & magister honorum: de quo supra *ad l. 57.* Item & iudex, de quo in *l. a diuo Pio ff. de re jud.* & a quo bona fide emitur *l. 137. Dig. de reg. jur.* Is bonæ fidei emptor, & inde etiam possessor. Sed potest tamen bonæ fidei possessor esse etiam sine titulo: qui scilicet rem possessam ad se pertinere opinetur, hoc ipso quod eam possidet; nam titulus pro possessore non est titulus. Vide Bartolum in *l. Celsus Digest. de usuc.*



## CX. Idem libro sexto Pandectarum.

*Sequester dicitur, apud quem plures eandem rem, de qua controversia est, deposuerunt: dictus ab eo, quod occurrenti, aut quasi sequenti eos, qui contendunt, committitur.*

## A L B E R I C U S.

Sequestri etymologie & alie a Grammaticis adferuntur, quas & alii hic recitant. Festus habet quam hic IC. Et advertendum quod in priori etymologia non est secutus sonum, sed rationem rei; id scilicet, quod dixi ad l. 57. Et vero sequester, ut occurratur periculis; ego servabo quasi sequestro detis; neutri reddibo, domicum res judicata eris hac. Plaut. in Vidul. relatus Prisciano lib. 6. & apud Petronium, Jam sequestri placebant. Noto quod est in Rudente. Sic restituendus igitur ille titulus, quem & Scalliger ridet; in posteriori sonum sequitur Ictus quasi sequenti eos, &c. & Isid. libro decimo sequester, qui certantibus medius intervenit, a sequendo: nam ejus, qui electus est, utraque pars fidem sequitur, aut quod ipse sequetur sequester: Sequitur enim sequester quod definitum litigantibus erit, & id perpetuo verum. Hæc ad etymologiam; ad definitionem illud primum, quod si sequester non est, nisi is, apud quem res controversa deponitur a pluribus, videri sequester nequit ille, apud quem quid depositum sponsonis gratia est, ut in l. si rem in fin. Digest. de pref. ver. ut hic bene Alciatus. Sed nec is erit sequester, cui a iudice deposita res licet controversa; quia non a pluribus; is igitur unus erit, cui partium litigantium consensu deponitur: sive etiam extra judicium contendendum, ita apud Petro, & satis latum controversiæ nomen; actio igitur sequestraria hoc uno casu, primo præscriptis verbis, secundo quæ sequestraria: quoniam immo sequester: nam auctoritate judicis quidem habet, sed jubentis partes deponere, & depositum apud illum habere; atque ita cum a pluribus & hic fiat sequestratio, fit verum Baldi documentum, ne iudex alteri litigatori deponat, quia alter tantum, atque adeo unus deponeret. Depositum a sequestro differt: quod depositum & ab uno fit: item fit nec de re controversa, tam

men est & pro sequestro depositi sequestraria actio : nam & est sequestrum depositum, ut hic dicitur, l. 5. 6. 12. ff. depo. quæ sequestraria tum demum datur, cum impleta conditio depositionis est ; alias ad præscriptis verbis eundum, vid. l. 9. §. i. ff. de dol. Est autem titulus in Cod. proprius de proh. seq. pe. quem ut Cujacius capiat de sola quantitate, non probō ; quando ratio generalis ad omnia notatur ; nec res ulla, quæ functionem recipiat, interverti magis potest, quam pecunia. Quod vocabulum illic adsumptum nec movet : si latissimum est.

ADD. Ad fidem sequestrandam. Tert. de resurr. car. pro certificanda, & ibid. *Sequestratoriorum locus* ; ubi *deposita servantur. Patientie sequester Deus. Si iniuriam deponimus penes eum, ultor est.* Tert. de pat. *Hic sequester Dei atque hominum appellatus ex utriusque partis deposito commissus sibi.* Tert. de res. car. item, *corpora monumentis sequestrantur processura inde.* 2. Depo- nitur in sequestri. Sequestres sunt, apud quos pecunia deponi- tur. Interpretes, per quos inducitur pactio. Ascon.

#### CXI. JAVOLENUS libro sexto ex Cassio.

*Censere est constituere, & præcipere. Unde etiam di- cere solemus, Censeo hoc facias. Et semet aliquid censuisse. Inde censoris nomen videtur esse tractum.*

#### A L B E R I C U S.

Quod primum ponitur, *censeo hoc facias*, referetur ad po- steriorem significationem præcipiendi : & sit, præcipio hoc fa- cias ; quod secundo, & *semet aliquid censuisse*, referetur ad prio- rem constituendi, & sit, semet constituisse ; de hoc Fornerius plura in adsertionem vulgatæ scripturæ ; & *Senatum aliquid cen- sisse.* Isidorus lib. 9. censere judicare est. Sed quod utilius est, notemus, quod si testator dicat, *censeo illi dari decem*, Legatum debetur ; est enim constituo, & præcipio ; forte etiam lega- tum & erit illic, *Ejus fundi proprietatem censeo te consecuturum, si non contenderis cum herede meo* ; quod non est, si dixisset, *puto se consecuturum* &c. l. generali, ff. de usufr. leg. tamen est ibi,

communia litora maris dicuntur, quia & mare commune. Sed quid si partim privatus, partim publicus lacus sit? is erit, qui reipublicæ quidem est, sed locari privatis solet, *ut per Bart. & Alciat.* hic; qui ajunt, & naturam privati hunc sequi; sed videtur definitio ex his verbis legis nostræ non adprobari: quæ in toto privato diversum a publico constituunt. Quod si lacus sit partim publicus, quia ab altera parte ager publicus est, vel quia respublica cum privato habeat communem, litus etiamnum erit publicum, ut potentior causa vincat. Ita videtur. Sed puto tamen litus sequi naturam lacus: & exceptionem hanc negare litus publicum, si lacus sit totus privatus. Sed si sit partim publicus, nihil dicere. Sic ergo litus privati lacus privatum: neque qua maxime fluctus exæluat, sed qua statutum a dominis, & conventum est, *ut per Alci.* Diversum & in ripis fluminum; *ut per Forner.* sunt enim ripæ privatorum, §. *riparum. Instit. de rer. divis.* Verum quare non sunt ripæ publicæ, ut litus? ad usum quidem ius non diversum, sed ad proprietatem, *ad §. riparum, dico lib. 2. l. 1.*

CXIII. Idem libro quartodecimo ex Cassio.

*Morbus fonticus est, qui cuique rei nocet.*

A L B E R I C U S.

Recita l. 60. *de re judic.*; ubi scilicet species apta: sed & definitio morbi fontici eadem, *Fonticus existimandus est, qui cuiusque rei agenda impedimento est*; & quod levissima febris in sano alias ac robusto, aut ea vetus quartana, per quam quis possit negotiis omnibus superesse, non sit morbus fonticus, nec eo ipso tempore, quo febrem ille habet, quominus teneatur & tum iudicio adesse, aliis negotiis interesse. Et notes Jurisconsulti Juliani prudentiam, qui levissimam febrem ita demum negat morbum fonticum, si eam habeat vir alias sanus & robustus; nam in male sano & infirmo contrarium foret; quod addendum definitioni Ulpiani in l. 4. in fin. ff. *de ad. ed.* negantis quantumlibet febriculam ad illud edictum pertinere; pertinebit enim, si alias mancipium nec sanum, nec robustum; tantum quippe in

cor-

corpore male affecto levis morbus, quantum in recte constituto magnus. At fonticus morbus ab eodem Cassio definitur, qui perpetuus est, nec tempore finitur. Sed & qui inciderit in hominem, postquam is natus sit, *l. ult. ff. eod.* Ceterum dic, quod in eo edicto non est eadem ratio habita morbi fontici, quia non de re agitur illic, cui morbus obstat agendæ, *d. l. 4.* Sed de mancipio ipso morboſo, non respectu certæ rei; igitur non fonticus, qui non perpetuus; nec perpetuus, qui nec a nativitate. Sic morbus fonticus non consideratur eo edicto, quia rei alicui agendæ obstat, sed quia gravis sit ex altera fontici definitione apud Gellium, & qua perpetuus; atque ita peneas recte adjectum ab Alciato legi nostræ de re, de qua agitur *per d. l. 4.* quicquid Rebuff. dissentiat. Adde quod alias omnis morbus esset fonticus, quia omnis morbus nocens. Verum fonticus morbus in 12. certus cum iusta causa: ut Ælius Stilo apud Festum interpretatur; quod ego non intelligo, nec isti, qui in Festum nunc scribunt, declarant: sed habent satis, si alias, atque alias significationes excussis omnibus glossariis, asserunt. Quod fonticus pro sacro alii exposuerint, id est, quia de Herculeo cum Plinio acceperunt, qui sacer vel quod execrabilis, per quem comitia solvebantur: unde & comitalis: vel quod sacra hominis pars cerebrum eo afficitur. Quod pro iusto capiatur, id & perspicuum, quoniam iustam habet excusationem. ADD. *βουλκτον νόσον*, morbum fonticum. *βουλκτον πάθος* fonticam causam. Sonticum iussurp, apud Festum. Sonticus verax apud Isid. fonticus, *ἀληθής*, glossæ Græcorum. *Scal. in Tibul.*

#### CXIV. Idem libro quintodecimo ex Cassio.

*Solvendo est nemo intelligitur, nisi qui solidum potest solvere.*

#### A L B E R I C U S.

Plura sunt jura de his, qui solvendo sunt; qui solvere æs alienum nequit, bonis cedere potest; manumittere servum non potest. Si solvendo est, habet fullo furti actionem: & solvendo

do is esse intelligitur, qui solidum potest solvere, l. itaque & l. si quis uxori §. si servus tuus ff. de sum. & hac lege nostra, & sexcenta alia. Atque ratio hujus regulæ videtur, quia obligatio est juris vinculum, ad quod verbum solutionis refertur: ut dixi ad l. 47. quodque individuum est. Sed quid est solidum? utique non rei debitæ tantum, id est, sortis & usurarum, l. ergo §. adjici, & seq. ff. de fid. lib. sed & temporis. Nam minus solvit, qui tardius solvit; & aliarum omnium qualitarum, ut scripsi ad l. 12. §. minus. Est hujus definitionis illa quoque ratio, quod grave censetur, a pluribus exigere. Ergo si plures sint obligati, vel reus & fidejussor, & fidejussoris fidejussor, omnium facultates aggregabuntur, l. 27. ff. de fidejuss. neque ad fidejussorem illico venit, atque reus solidum solvere non potest, auct. præfente. C. de fidejuss. Solvere ] quod verbum non de numerorum solutione solum capietur, verum & de cunctis alia satisfactione, ut notari ad l. 47. ADD. Vid. cuncta Mag. 2. Miscell. c. 7.

## CXV. Idem libro quarto epistolarum.

Quæstio est, fundus a possessione, vel agro, vel prædio quid distet. Fundus est omne quidquid solo tenetur. Ager est si species fundi ad usum hominis comparatur. Possessio ab agro juris proprietate distat; quidquid enim adprehendimus, cuius proprietatem ad nos non pertinet, aut nec potest pertinere, hoc possessionem appellamus. Possessio ergo usus: ager proprietatem loci est, prædium utriusque supra scriptæ generale nomen est: nam & ager, & possessio hujus appellationis species sunt.

## ALBERICUS.

\*Ager quid sit, vidimus ad l. 27. Fundus quid, ad l. 60. & de possessione scripsimus plura ad l. 78. De prædio igitur hic: sed & aliquid adhuc de possessione. Possessio est rei usus, dixit Ælius Gallus: ut apud Festum est; quod raptum de Platone est, qui eum possidere dicit, qui utitur, non cum, qui detinet, quod & de Cornelio Frontone recitat Alciatus; atque ita Cujacius male, qui usum pro detentione interpretatur. Sic distat ab agro possessio juris proprietate, quia usum agri qui habet.

Tom. II.

Rr

bet.

bet, non habet agrum: nam habere agrum est habere proprietatem, *l. recte dicimus*; quia ager est ipse, non quod extra ipsum. Sed quid illud, *aut nec potest pertinere?* male de reb. sacris quidam: quarum nec proprietas, nec possessio esse potest. Igitur de rebus nec mancipi, *Possessiones*, ait Festus, *agri, qui non mancipatione, sed usu tenebantur*; latepatentes, prout ab initio quisque occupasset, & possedisset. *Isid. lib. 15.* sic opponitur semper usui mancipium, & Lucret.

*Vitaque mancipio nulli datur, omnibus usu.*

Et notes quod ait, *agri*; nam neque hic in lege nostra possessio explicatur prout capitur in titulo de adq. poss. pro jure detinendi, sed pro quodam genere prædii ( hoc ego vocabulo utar ) quod nostrum non est proprietate; alias & pro fundo omni capitur; *ut vidimus ad d. l. 78.* Ergo Gallus, & noster Javolenus usum dum dicunt, de eo, quod usu tenetur, intelligendi; alioqui nec ager possessio, nec prædii species, at jus in prædio.

*Prædium utriusque* ] sed quid distat a fundo? nam esse prædium quidquid solo tenetur, forte quis dixerit argumento titulorum de servi. urb. præd. de serv. rust. præd. nam & promiscue usurpantur hæc nomina. Item ager dicitur hic & fundi species, & prædii. Sed ager dicitur fundi species, quoniam fundus est omnis usus; ager tantum humani; itaque si de usu animalium sit, additur nomen, quo id significetur: ut dicitur, puta, pascuus; at prædii species dicitur, quia agri nomen ad proprietatem refertur, prædii etiam ad possessionem. Itaque non eodem modo est species utriusque: quod nec posset, nisi utrumque idem esset. Tamen ego differentiam non video inter fundum & prædium: quia & de fundo dici postrema legis nostræ possunt; nisi prædium etiam statuamus, quod mobile, ut hordeum: aut negemus minutula gleba concludi posse; quod de fundo dixerunt. Et profecto cum nullam hic differentiam notet Jureconsultus inter hæc duo, nec esse dices. ADD. Latepatentes, prout ab initio quisque occupasset, & possedisset. *Isidorus lib. 25.*

## CXVI. Idem libro septimo Epistolarum.

QUISQUIS MIHI ALIUS FILII FILIUSVE HERES SIT, *Labeo non videri filiam contineri: Proculus contra; mihi Labeo videtur verborum figuram sequi, Proculus mentem respondentis; respondis, non dubito, quin Labconis sententia vera non sit.*

## A L B E R I C U S.

Puto de substitutione pupillari apte hic speciem poni: ut filio impuberi fuerit ita substitutum. *Quisquis mihi alius filii; filiusve heres sit*, iidem, vel idem filio impuberi heres esto; hæc scilicet formula pupillaris, l. 8. ff. de vulg. Sed & aptari aliis etiam causis potest, l. 3. ff. de leg. 1. cum similibus. In proposita questione Labeo, qui in verbis scilicet multus erat, verborum figuram secutus, apertis nitebatur virilis generis appellationibus *alius, filii, filius*. Sed Proculus unde mentem conjectabat? & qui dicit fratres, is & de sorore intelligit, l. tres, ff. de pass. in communi scilicet sexus nobilior erat nominandus. Sed conjectura voluntatis inde fuit procul dubio, quod cum & filias instituerit, non fuit verisimile, ut noluerit easdem substituere; nam & easdem partes capient in substitutione, quas in institutione. Ergo Alciati speciem non stat probo, quoniam nec video conjecturam, quare tum femine vocarentur. In legato dato ita, *Quisquis mihi alius, Sec. Titio dare damnas esto centum*. Etiam filia heres instituta dare gravata erit, quia verisimile sit, ut quam pariter honorarit, eandem & gravare voluerit; nam & pro partibus hereditariis gravati heredes censentur. Nec dubito, quin aliqua hujusmodi species proposita Javoleno fuerit; certe Alciateam non puto; nec in omni specie definitio ista obtinere potest, sed ubi mens eam suadet; atque hoc voluerit significare compilatores tantum: ut ne quidquam obstantibus verbis apertissimis, mentem sequeremur semper; nam quid his apertius? prepositus virilis sexus, & subiectus, ne quid de medio verbo dicam, qui de medio dum excipitur, ostenderat & medium ejusdem esse naturæ; l. 122. ubi vide que noto. Ecquid si

filia una sit? hæc non est *mius*, non est *filius*? et si cum masculo esset, ipsa masculusque dici filii possent; d. l. tres. Potest tamen & Alciatus species procedere, ea conjectura, ne pater vel extraneos vocasse magis videatur, vel liberis præteritis irrito testamento decedat. Quæ nec malæ sunt conjecturæ. Dicamus igitur veram definitionem ad verba quod attinet semper; ceterum contrariis conjecturis non item: nam, ut docte Alciatus, in præsumptionum conflictu illi potius adhæremus, quæ verborum proprietate defenditur. Contrarias conjecturas hic per Alciatum. ADD. Verborum figuram: exteriorem sonum, qui masculinus. Decian. *conf. l. Vol. 1.* Ubi in ardua illa questione, an conditio, si sine liberis, etiam in una filia? & concludit affirmative.

### CXVII. Idem libro nono Epistolarum.

*Non potest videri minus solvisse is, in quem amplioris summa actio non competit.*

### A L B E R I C U S.

Obligatio est juris vinculum, quo necessitate adstringimur alicujus solvendæ rei. Et itaque si quid non jure obligationis debetur, quod nec solvatur, non dicitur minus solutum, quia nec debitum, unde nec actio pro eo. Ergo si quid officio judicis debetur, quod nec solvatur, non dicitur minus solutum, quia solutionis verbum respicit obligationem, & vinculum. Sic hujus legis definitio verbum solvendi respicit, & illud ad obligationem refertur; *adde l. 123.* Si quid ergo non jure actionis peti potest, id minus solutum dici non debet, ut hic per omnes. Et cape quod Alciatus declarat, de actione etiam quæ patitur exceptionem in executione, non in se; exemplum in ea, quæ datur personis quibusdam, ne conveniantur, nisi in quantum facere possunt; nam si fidejussor acceptus sit, ut quanto minus ab eo solutum erit, ipse solvat, tenebitur in solidum ultra quam facere reus possit. Jam & limita cum Accursio, ut ad retentionem satis sit exceptionem competere, ut minus solvisse dicamus. Ecce debeo tibi nudo pacto centum, tu mihi quinquaginta ex contractu: quæ retinebis, & me petentem centum repelles ex-



ceptione, quod minus solverim, etsi actio in me non competat. Vide Rebuffum. Atque ita ex hac lege notes, quod §. ult. l. 12. capietur in eo, quod jure obligationis debetur.

CXVIII. Pomponius libro secundo ad Quintum Mutium.

*Hostes hi sunt, qui nobis, aut quibus nos publice bellum decrevimus; ceteri latrones, aut prædones sunt.*

A L B E R I C U S.

Multa juris gentium Pomponius tractavit ad Q. Mutium: quæ si extarent, nos in ignoratione illius juris non ita versaremur: neque ipsi nos primi ex tenebris eruissemus, ut fecimus jus legationum, & jus hoc belli. *Vide nostras commentationes de jure belli.* Hic illud dico, definitionem Pomponii ad Romanos referri: nam hostes erant, qui Alexandro, aut quibus Alexander publice bellum decrevit; & sic de singulis principibus summis, aut rebuspublicis: nam hi publice decernere bellum possunt, qui & publicam appellationem merentur. Sed publice decernere, est publice indicare, denunciare; ita enim & sumitur verbum *decerno*; l. injuriarum, §. si quis ff. de injur. item est & publice deliberare; hinc lege bellum decernebatur comitiis; populi vellent, juberent bellum esse, &c. hinc & a Carthaginensibus petiit, si Annibal publico consilio bellum Saguntinis intulerit. Vide c. 11. lib. 1. de legatio.

CXIX. Idem libro tertio ad Quintum Mutium.

*Hereditatis appellatio sine dubio continet etiam damnosam hereditatem; juris enim nomen est, sicuti bonorum possessio.*

A L B E R I C U S.

Non est lex aliqua de re explorata, sed interpretatio certa est aliqua; & potuit tamen dubitari, si hereditatis nomine quid

damnosum potuit contineri, cum in lucri causas hereditas deferatur, *C. de impo. lucr. descrip.* Ceterum est hereditas lucrum, non quia damnum non habeat, nulla enim hereditas fere, quæ aliquod damnum non habeat; sed quia non precium, non merx, non res contra datur pro ea, quæ ab una liberalitate testatoris est: quæque nec desinit lucrum esse, etsi nihil nisi damnum habeat, quoniam ipsa immo hereditas non est damnum, quæ est jus succedendi; etsi damnum in ipsa sit, in ipsa successione. *Juris enim nomen est.*] quæ juris sunt non mutantur factorum qualitate; & itaque hereditas nomen a jure datum successioni in locum defuncti: ut ubi ea successio sit, ibi nomen juris habeamus, lucrum adferat, vel damnum. Si nomen facti esset, vel ex parte, tum facti ratio haberetur. Et ita in peculio, doteque Alciatus hic docet: quod aliquid in peculio sit, & dote oportet, ut nomina illa consistent; id quod in hereditate non requiritur; l. hereditas, ff. de pet. hered. Sed nec in bonorum possessione; nam bonorum appellatio, sicut hereditatis, jus successionis demonstrat. l. 208. Et ita nec mirum ut bonorum possessio significet & possessionem malorum, hoc est damni; cum interim dictum sit, bona dici non posse, quæ plus incommodi, quam commodi adferunt, etenim bonorum nomen, quod beant. Sed ea significatio in rebus facti obtinet: quamquam neque hoc nomen non beat, auctat, quicquid damnosum dicitur, quia consequentia damnoosa sunt. Porro ex hac definitione sunt, quæ alii adnotarunt, commoda; nempe heredem non teneri vendita hereditate, etsi nihil in hereditate sit; cum similibus. ADD. adde l. 117. de reg. jur. & ad illam l. 2. de bon. poss. l. in conditionibus §. patronus de cond. l. si quis mihi §. sed si mandavis de adq. hered. l. 1. C. und. lib. sic libellus, qui de herede loquitur, salvatur in bon. possessore, etiam in statuto, sed non in materia odiosa. Dec. ad d. l. 117. imo & in odiosa. Alc. in l. hered. appellat. Jaf. Moslin. Dec.

## CXX. Idem libro quinto ad Quintum Mutium.

*Verbis legis duodecim tabularum his, UTI LEGASSIT, SUÆ REI ITA JUS ESTO, latissima potestas tributa videtur & heredis instituendi, & legata, & libertates dandi, tutelæ quoque constituendi. Sed id interpretatione coangustatum est vel legum vel auctoritate jura constituentium.*

## A L B E R I C U S.

Verba illa legis XII. tab. ita interpuncta non egent emendatione, aut interpretatione contortiori: quæ Contius & Vaconius tractat *decl. 55.* Opus vero fuit, ut lege potestas tribueretur ultimæ condendæ voluntatis, quia in id tempus de bonis deliberamus, quo bonorum domini non sumus; bona quidem ut nostra sunt occupatione, ita definunt esse nostra, quando non tenentur a nobis; atque ita publici juris, non privati est testamenti factio, l. 3. ff. *qui testam. fac. pos.* quia non ea facultate privata, qua viventes de rebus nostris disponimus, sed facultate nobis donata jure facimus testamentum, ut Accursius docuit, & probat Castrensis in d. l. 3. Et itaque olim calatis comitiis opus, quibus testamenta sancirentur; & quia comitia non semper præsto, inventum testamentum per æs & libram, ut quasi per venditionem, actum viventis, ea dispositio consisteret. Sic & cum lege sancirentur testamenta, & cum postea lex dicta ipsius testantis voluntas, dispositio ultima publici juris. Alii tamen aliter. *Latissima potestas;* tum in eo, ut possemus hæc facere, quod dixi: tum ut possemus quomodo vellemus: quod mox apparebit; nam exornanda lex ea est prius ex Solone Plutarchi, & Platonis 11. *de legi.* Ait Plutarchus, legem, qua eam libertatem testatoribus dedit Solon, in honore præ ceteris suis legibus maxime fuisse: quum non licuisset antea relinquere extra familiam bona. At Plato legis istius latores molles appellat, & legem vituperat: quoniam via facta dolis, & illecebris ex ipsa sit. Scribit, delirare animo nos, & fracto jacere animo mortuos; quare necesse sit, singulos multa, & inter se diversa, & legibus, & viventium moribus, & suis ipsorum majoribus contra-

traria constituturos. Atque vera loquitur vir divinus: cui & ad stipulatur Justinianus, *in Novell. 1. & IC. in l. Paulus ff. ad Trebell.* Hieronymus etiam narrat *ep. 2. tom. 2.* revocatam tempore suo, *l. 1. C. de sacr. eccl.* quod odiose clerici morientium hereditates captarent. Quid de morientium prodigalitate dixerim? notavit Aristoteles, atque nobis Laetius retulit. Sed & tamquam de re manifesta loquitur Tacitus, dum lib. 2. hist. de Othone scribit, *pecunias distribuit parce, nec ut periturus; aptea vero, difficilius est temperare, qua te non putes diu usurum.* Verum testamentorum jura firmitus & Soloni, & nostris constituta sunt, quam ut hisce reprehensionibus vel mutant quidem. Fecit liberam voluntatem Solon, nostrique faciunt, si filii testatori non sint; id quod & Sparte olim obtinuit, priusquam Ephorus quidam filio insensus rogationem tulisset, ne quis cogeretur filiis hereditatem relinquere, sed liceret dare omnibus pro libitu, ut apud Plutarchum *in Agide*; minus scilicet perire, ut filios omnes idem attingeret incommodum, quos eadem cum Ephori filio causa non attigisset. Sapientius in causa libertorum Claudius, ne pari constringerentur poena, qui pariter non deliquissent; ut libro 13. ann. videre apud Tacitum est; & in proposito Legislatores nostri egregie, qui ob multorum ingratitudinem filiorum, non eas, quas Ephorus, laxarunt contra omnes filios constrictæ voluntatis habenas, sed causas posuere, propter quas filii exheredes fieri valeant. Ast a Solone non abeo longius; si morbo ingravescente, medicamentorum vi impellente, vinculis, cruciaturæ coactus, aut conjugis suasionibus, & blanditiis quis inductus testamentum condiderit, ratum hoc non habebat Solon. Recte (ut ait Plutarchus) & sapienter; quia præter deus aliquid suadere, nihil a vi & necessitate differat; & in eodem cum necessitate fraudem, in quo dolorem cum voluptate conjungendum censebat. Quæ omnia a mente, & ratione distraherent pariter. Et hæc eadem nostris animadversa *l. 4. ff. de inof. test. C. §. sive igitur in Auth. ut cum de app. co.* Ita non obloquitur Soloni, nostrisve hoc tempore Plato: nam & nostris coangustata magis illa potestas est: nisi si in eo non est, quod blanditiis nos aditum non præcludimus; *l. ultim. ff. si quis ali. te. pro.* Verum hæc non illecebræ erunt Platoni, Solonique invise; malitiosas officiorum blanditias (ex Cic. lib. 3. de off.) & il-

& illi vituperant, nec nos probamus; *d. l. 4. & §. prohibemus. Nov. 1.* quod & bene explicat Doctissimus Pistorius *q. 29. lib. 1.* Recte igitur tributa ea potestas; atque per verbum *legandi* tanta fuit, ut & *heredes instituendi*, &c. legare enim est decernere, ut hic per interpretes, & in *leg. 1. de leg. 1.* non tamen aut heres hoc verbo instituebatur, aut tutela dabatur, quinimmo nec libertas; ut notavi *lib. 2. lectio. tutelas quoque, &c. l. 1. l. 20. ff. de test. tu. Sed id interpretatione coangustatum est.* ] Interpretatio est Jurisconsultorum; ipsi effusum legis sermonem coangustarunt interpretatione sua: nam quod ait, UTI LEGASSIT, nec personam excipit, id ad sanos mente, puberes coegerunt: item & ad dispositiones honestas, puta in *casu l. pen. ff. de condit. instit. l. 113. §. ult. de leg. 1.* cum id genus aliis, quamquam hic objici potest, coangustatum non videri quod dicitur ex interpretatione esse; nam interpretatio nihil mutat, sed quid in re sit, declarat; verum quia de latitudine verbi mutat, cogitque ex ratione, habet interpretatio coangustationem. Vel legum auctoritate, quæ multæ infecutæ sunt eam facultatem coangustantes, Falcidia, Furia, Voconia, Caninia, Aelia Sentia, aliæ: quæ & contra verba legis XII. nec ex mente sunt; vel auctoritate jura constituentium, id proprie respicit Cæsarum constitutiones; §. sed & quod principi. Institut. de ju. nat. ADD. Vid. *Alex. 9. conf. 8.* Vid. *l. 1. ad L. Falcid.* ea tamen libertas non erat in præjudicium alterius; quod nec militi concessum; *l. cum filius l. miles ita §. mulier & sequent. de test. mil. l. si quando. C. de inoff. test.* Sic neque legitimam filiiis, per hanc legem in XII. Tabul. tollere poterant. *Alexand. conf. 134. lib. 6.* non obstat *l. testamentum, & l. ult. C. de inoff.* quia consulitur filio per manum regiam. 2. Quilibet potest omnem suam substantiam alienare in quemcumque, *l. dudum, C. de cont. empt. l. 1. Cod. com. diu. l. falso C. de comm. rer. al. lex* tamen municipalis vel consuetudo contrarium distans valet: *c. constitutus: de restitut. in int. Alexand. conf. 173 lib. 6.* 3. Lego filiam in omnibus meis bonis heredem universalem; non est titulo institutionis; quia fideicommissaria per verbum, Lego, etiam ad universitatem relatum, *Alex. conf. 76. vol. 3.*

## CXXI. Idem libro sexto ad Quintum Mutium.

*Usura pecunie, quam percipimus, in fructu non est : quia non ex ipso corpore, sed ex alia causa est, id est nova obligatione.*

## A L B E R I C U S.

Quid sit fructus, vidimus supra ad l. 26. Usura igitur fructuum nomine non continetur; itaque titulus conceptus, *de usuris, & fructibus*, &c. Et ratio hic dicitur, quia non ex ipso corpore est; fructus autem ex ipso est corpore, l. item §. 1. ff. de usufr. l. 7. §. 10. ff. sol. matr. poterat tamen dubitari, quoniam pensiones dicuntur fructus; l. 25. l. 29. ff. de per. hered. nec tamen esse magis ex corpore videntur, quam usura. Sed immo illæ ex corpore: manet enim corpus; usura ex corpore, quod non est: perit enim pecunia sceneratori, quam dat: & ex ea tamen: usuram capit. Quæ fuit una rationum, cur usura improbaretur. *Sed ex alia causa est, id est, nova obligatione.* ] Usura vel debetur consequenter ex alio contractu, vel principaliter. Exempla.. Si vendo, tradoque prædium, nec tu mihi pretium solvas, usuram debes; id est ex alio contractu, id est perspicue ex alia causa, ex nova obligatione, etiamsi stipulatus usuras sim in illum casum. Sed si pecuniam sub scenore mutuo: quæ alia causa? quæ nova obligatio? Immo; nam præcedit semper contractus mutui, sequitur nova obligatio, ut usuræ præstentur; nec enim est ullus contractus usuræ, sed hæc ex alio contractu semper est. Non ita, puta, in pensionibus: nam hæc debentur non ex alia causa, & nova obligatione, sed formam contractus locationis ipsæ faciunt. Ceterum ut in fructu usura non sit, vicem tamen fructuum obtinet, & merito non debet a fructibus separari, l. 34. ff. de usur. quia scilicet & utimur, fruimur hoc commodum pecuniæ non secus, quam aliis aliarum rerum emolumentis. Itaque ut de fructibus, ita & de usura judicari plerumque solet; ut hic per Fornerium, quod est accipiendum de licitis usuris, & præsertim non de scenobri pecunia: nam hæc minus comparabitur fructibus, ut hic. Sed de alia, quæ & interesse magis appellatur. Notes quod ex mora pænæ non

non accedunt usuræ, l. i. C. de ff. usur.

CXXII. Idem libro octavo ad Quintum Mutium.

*Servius ait, si ita scriptum sit, FILIO, FILIISQUE MEIS HOSCE TUTORES DO, masculis duntaxat tutores datos: quoniam singulari casu hoc filio ad pluralem videtur transisse, continentem eundem sexum, quem singularis prior positus habuisset; sed hoc facti, non iuris habet questionem: potest enim fieri, ut singulari casu de filio senserit, deinde plenius omnibus liberis prospexisse in tutore dando voluerit; quod magis rationabile esse videtur.*

A L B E R I C U S.

Sed quid in re dubia cum nulla superest conjectura, qua hanc facti questionem explicemus? nunquid Servium sequimur? quid est, quod lex nostra dicit magis rationabile? utique ut voluerit liberis omnibus prospexisse; itaque nec in re dubia Servium sequimur, sed contrariam opinionem. Sed audiamus singula; *ad pluralem videtur transisse continentem eundem sexum*; nunquid quia pluralis esset & ipse masculini sexus; an quia ex singulari masculino præposito pluralis sequens, qui communis sit, masculine tantum foret accipiendus? pluralis dici ipse masculinus potest: nam scæmininus *filiab.* institutus a Iurisconsultis ambiguitatis discernendæ gratia, ut ait Charisius libro primo. Sed & usurpatas ab aliis, etiam veteres dixerint *filiis* eodem genere; ut apud Priscianum libro septimo. Ratio igitur Servii ea erat, quod a singulari masculino ad pluralem itidem masculinum processit, itaque de masculis & cogitasse semper videtur, hoc est, quod ait, *ad pluralem videtur transisse continentem eundem sexum*; nam si dixisse tantum, *filius meis hosce tutores do*; minus fuisset dubitandum, quin & scæminis dati censerentur, quia filiorum appellatione & filiarum contineantur; l. 16. ff. de test. tute. Sed hic magis dubium, quia bis masculino vocabulo usus. Tamen nec quidquam obstante gemina-

tionem, & hic idem responsum est, & rejecta Servii sententia: quoniam alia probabilior adsumi conjectura potest, nempe quod voluerit pater plenius, &c. At quare hoc probabilius? nempe ob liberorum favorem: quo fit, ut omnibus datis tutor censeatur & cum dictum est, *filio tutorem do*, dict. leg. 16. §. 1. quia etiam si de masculis tantum sensisset, facile fuit adjungere, nec relinquere ut interim in sexu masculino fœmininus quoque intelligeretur. Vide quæ notavi ad l. 116. *Sed hoc facti, non juris habes questionem*. Hic bene expressum habes, quid sit facti quæstio. Est in qua de sententia, & voluntate tractatur; utrum quis quid senserit, voluerit est in qua quæritur, factum quid, nec ne sit; nam & ita voluntas, & animus facti dicitur; contra quæstio juris est, cum de facto constat & convenit, & in eo quæritur, quid juris; ut declarat Angelus in l. eum quem. §. 1. ff. de judi. & plene Duarenus capis. 41. lib. 1. disp. Or in suo Scævola ad l. qui Romæ §. Augerius ff. de ver. obligat. Non respondet ad quæstiones facti Jurisconsultus. Et Scævola hoc servat maxime, dicereque solet, *Non de jure queritur*; alii tamen non abstinent, *Et ex his apparet hujusmodi voluntatis questionem Sabinum interpretatum*, l. filiosam. ff. de leg. 3. cum id genus pluribus, & hic in lege nostra; alias & de facto supponunt, & mox de jure respondent, l. 52. in princip. ff. pro soc. omnibus liberis. ] primi scilicet gradus, ut ait Alciatus: nam qui filiis tutores dat, non videtur dedisse nepotibus, l. 6. ff. de testament. ius. neque vero subtili illi differentiæ attendit Jurisconsultus hic, ubi aliud quærebatur; nam ego aliter de illa lege censeo, ut scribo ad l. 220. Sed an qui filio dat, is & filiabus dare videtur? filiis dare videtur, dict. leg. 16. Et Cœpola negat, Brechæus adfirmat; pro Cœpola est, ne & sexus, & numeri fiat extensio. Item quia transitio in lege nostra ad numerum pluralem ipsa pleniorum prospectum ad fœminas includendas inducere videtur. Cogito.



## CXXIII. Idem libro viceſimo ſexto ad Quintum Mutium.

*Verbum ERIT, interdum etiam præteritum, nec ſolum futurum tempus demonſtrat, quod eſt nobis neceſſarium ſcire, & cum codicilli ita confirmati teſtamento fuerint, QUOD IN CODICILLIS SCRIPTVM ERIT, utrumne futuri temporis demonſtratio fiat, an etiam præteriti, ſi ante ſcriptos codicillos quis relinquat; quod quidem ex voluntate ſcribentis interpretandum eſt. Quemadmodum autem hoc verbum EST non ſolum præſens, ſed & præteritum tempus ſignificat: ita & hoc verbum ERIT non ſolum futurum, ſed interdum etiam præteritum tempus demonſtrat; nam cum dicimus, LUCIUS TITIUS SOLUTUS EST AB OBLIGATIONE, & præteritum & præſens ſignificamus, ſicut hoc, LUCIUS TITIUS ALLIGATUS EST. Et idem fit cum ita loquimur, TROJA CAPTA EST; non enim ad præſentis facti demonſtrationem refertur iſ ſermo, ſed ad præteritum.*

## A L B E R I G U S.

Recito L. Plotiana. 18. de ju. cod. & quæ ex l. 91. de cond. & dem. l. 2. de reg. Cato. l. 7. C. de inſt. & ſubſt. ſi nupſerit filio meo; & vivo & mortuo teſtatore, d. l. 91. ſi nupta erit; ſufficere ſi mortis tempore nupta inveniatur, licet teſtamenti facti tempore fuerit impubes, d. l. 2. omni veterum dubitatione exploſa, quandocunque impleta, ſive vivo, ſive mortis tempore, ſive poſt, &c. ne dum nimia utimur circa hujusmodi ſenſus ſubtilitate judicia teſtantium defraudentur, d. l. 7. Similis tractatio, ſed breviffima, de verbo *oportebis* ſupra ad l. 7. & videmus utrobique tempus pro tempore adſumi; futurum *oportebis* pro præſenti; & futurum *eris* pro præterito; & præſens *eſt* pro præterito. Quæ nobis Græcorum exemplo pro ſummario iſtarum legum. Ceterum regula erit, ut ex proprietate ſermonis verbum unius temporis pro alio non capiatur; quod eſt certe, & exploratæ rationis. Itaque quod hic, alibique diverſum fiat, id ex adjuncto fiat; quod Nigidius dixit, ut apud Gell. lib. 7. c. 17.

in his ipsis, EST, ERIT, ut per se posita tempus suum servant, contra si junguntur alia tempora significantibus. Ergo præsens non pertinet ad futurum, l. 76. *si stipulatus*, §. 2. l. 89. *si a co-  
lono*, l. 125. *cum stipulamur*, ff. de verb. obligat.; quæ leges de  
stipulatione loquuntur: Sed idem in legatis, l. 46. *si ita* ff. de  
leg. 2. At hæc tamen regula in accessionibus non obtinet, l. ult.  
§. ult. ff. de lib. leg. ubi est & secunda limitatio, si de re sub-  
stituta agitur; tertio fallit in verbo *potest*: quod extensivum est,  
l. 51. *si ita*, in pr. ff. de leg. 2. ut per Bart. in l. *si ita esset*, ff.  
de aur. & arg. leg. tamen ex adjunctis id potius probat, & in  
d. l. 51. natura testamentaria illud magis operatur, & formula  
illa illic adjuncta. Vera igitur limitatio ex Nigidii observatio-  
ne, & l. nostra, & l. 33. *tutoribus*, ff. de testa. tut. ratione ad-  
juncti, ut præsens & ad futurum, & ad præteritum trahatur.  
Quarto fallit, ubi de modico agitur præjudicio, l. ult. C. *qua  
res pig. oblig. pos.* ut per Bart. in d. l. *si ita*; quod nec probat,  
sed cum Alciato aliam rationem statuo, quam is ponit in d. l. 7.  
& quartam hanc jungo primæ. Et quarta fuerit, siue etiam ter-  
tia in legibus; quam omnes tenent; lex ad futura producitur  
etiam conceptæ per verbum præsens; ad præteritum vix potest  
expresse referri: ut scripsi lib. 2. *disput.* sed nec ad futurum por-  
rigitur, si dolus induceretur, aut delictis indulgeretur. Gram-  
matici illud observarunt, indicandi modum pro alio quovis sæ-  
pe capi; & illa ratio est, quia is modus vix est., sed est præ-  
teriti, & futuri pars. Sed de præsentī hætenus. Præteritum nec  
pertinet ad præsens, nisi ratione adjuncti; ut in l. nostra, nec ad  
futurum, l. 33. §. 1. ff. de leg. 3. nisi vulgaris clausula adesset:  
nam tum & ad præsens, & ad futurum, l. talis §. ult. & l. seq.  
ff. de leg. 1. Bartolus tamen dicit id esse in illa lege, quod to-  
tum ex voluntate defuncti pendebat. Hætenus & de præterito.  
Futurum nec pertinet ad præsens, nec ad præteritum; fallit si  
dispositio tractum habet, l. novissima ff. jud. sol. & Alciatus  
declarat in d. l. 7. vereor tamen ne non ferat l. 7. §. 4. ff. de  
pact. fallit certe ex adjuncto, ut hic: ubi tamen voluntas ap-  
pellatur; quod quidem ex voluntate scribentis interpretandum est;  
adfectio est, ut ita interpretemur voluntatem. Et si alibi hoc  
facere cogimur, ex voluntate generalis limitatio ad omnia; &  
altera generalis ex subiecta materia: ut scribit Alciatus. Et hæc  
de

de certis, & sinceris temporibus nam futurum subjunctivi habet aliquid ex præterito; itaque & præteritum tenet, l. Plotiana ff. de ju. cod. & ejusdem præteritum aliquid ex futuro. Jaf. in l. Stichum qui. num. 8. ff. de leg. 1. igitur futurumquæ tenet, l. qui Romæ, §. Augerius, ff. de V.O. quæ scilicet vera sint, si nec possunt in proprio tempore accipi, l. cum stipulamur; & ibi Bartol. eod. tit. atque is in testamentis, sicut in legibus, verbum hoc præteriti de futuro in ambiguo accipit. Sed Bartolo contradicit Imola, & late id ab interpretibus disceptatur; atque ego sequor verbi proprietatem, quæ est, ut ad præteritum magis referatur. Ex conjecturis alia, atque aliud. Verbum *esset*, quod est præsentis, & præteriti imperfecti, l. scribis §. ult. ff. de aur. & arg. leg. trahitur & ad futurum, l. si ita quis ff. de leg. 2. Dec. conf. 86. Viso. Atque tantum de verbis significantibus; nam quæ tempus non significant, ut nomina, secundum quod tempus sint accipienda, alia tractatio est, quam & Alciatus hic ponit, & plenam Bartolus in d. l. si ita ff. de aur. & arg. leg. ubi quod in dubio semper intelligitur tempus præsens; id quod contra Alciatum scripsi in fin. Com. 1. de ju. bel. ADD. Vid. omn. Socin. in l. 9. n. 9. de jurisdic. 2. Lego suppellectilem, quæ ibi est; non venit commodata; etsi ibi esse solebat. Contra, si, quæ ibi erit, vel, esset. Alex. conf. 216. lib. ult. 3. Vid. Rebuff. ad l. verbum, oportebit hoc sis. 4. Tingendis lanis ita colorem alligans, ut elui postea non possit. Plin. lib. 32. c. 6. Muscus recens ex aqua obligatur, donec inarescat. Id. cap. 9. lib. 26. Prometheus obligatus aliti. Horat. od. ult. Epod.

## CXXIV. PROCULUS libro secundo epistolarum.

*Hæc verba, ILLE AUT ILLE non solum disjunctiva, sed etiam subdisjunctiva orationis sunt; disjunctivum est, veluti cum dicimus, AUT DIES AUT NOX EST; quorum posito altero, necesse est tolli alterum: item sublato altero poni alterum; ita simili figuratione verbum potest esse subdisjunctivum. Subdisjunctivi autem genera sunt duo: unum cum ex propositis finibus ita non potest uterque esse, ut possit neuter esse; veluti cum dicimus, AUT SEDET AUT AMBULAT; nam ut nemo potest utrumque simul facere, ita ali-*  
quis

*quis potest neutrum, veluti is, qui accumbit. Alterius generis est, cum ex propositis finibus ita non potest neuter esse, ut possit utrumque esse; veluti cum dicimus, OMNE ANIMAL AUT FACIT AUT PATITUR; nullum est enim quod nec faciat, nec patiatur; at potest simul & facere & pati.*

### A L B E R I C U S.

Vide quæ scripsi ad l. 28. §. 1. & ad l. 53. hic etiamnum ista. Disjunctiva inter ea ponitur, quæ simul stare non possunt; quæ contrarie opposita dicuntur Dialecticis, vel etiam privative, ut in exemplo subiecto, *Aut dies, aut nox est*; atque ex ista regula est illud, *Contrariorum contraria dispositio*: ut, *Lucet die, ergo nocte tenebrat*; quod vides procedere ubi de vi inherente agitur; nam si de vi apprehendente, immo eadem ratio contrariorum: Inst. de his, qui su. &c. item & si de causa efficienti: sed & potest non esse eadem. Et eadem causa efficit contraria pro contrariis subiectis, ut *Sol durat lutum, liquat nives*. Quæ Muretus lib. 8. var. lect. c. 7. *Subdisjunctivi genera duo*, &c. subdisjunctivum est diversorum, ut disjunctivum contrariorum; id est, subdisjunctivum inter ea, quorum datur medium: disjunctivum, quorum nullum medium; minuit articulus *Sub* ut in *submoleste, suborno* &c. itaque subdisjunctivum minus disjunctivum; quod patet, nam cum ejus duo sint genera, neutrum plene concludit, ut disjunctivum facit. Ceterum cum & disjunctivorum non unum sit genus, sed immo plura duobus, contraria, privativa, relativa, contradictoria, cur non habita ipsorum mentio, ut duplicis subdisjunctivi? quia in definitione conveniunt omnia; ut stare nulla simul possint: & jurisconsulti ex diversis formulis non constituerunt differentias: quorum, ut Inquit Baldus, est realiter, non verbaliter disputare. In subdisjunctivis est duplex natura, & potestas; & propterea duplicis generis mentio facta subdisjunctiva Priscianus partitur in copulativa, & discernentia; copulans illud, *Alex. five Paris*, id est, *Paris*; quod resolvi nos dicimus in copulativam: neque huc spectat: sed alibi tractavimus; discernens hoc, *Aut legis, aut cogitat toto die*; & hoc noster hic Ictus subdistinguit, & plene declarat; in eo tamen quod ait, *at potest simul* &c. videtur ali-

quid

quid inesse difficultatis, quia immo omne quod agit eodem puncto etiam, agendo patitur, ut Physici docent; verum nos ad eas subtilitates dilabimur, sed quod extra agentem est, & extrinsecus venit, id hic consideratur; puta verberat, & verberatur. Ex duplici hac subdisjunctivi natura recte cognita declaratur; quæ omnes torquet, l. 3. ff. de reb. dub. nam subdisjunctivum prioris generis non exigit utramque partem, quia non potest utraque esse. Sic, *Si omnes puberes, aut omnes impuberes decesserint*, non exigit, ut omnes puberes, & omnes impuberes decesserint; nam impossibile; ita non potest uterque esse, & potest neuterque, quia possunt partim puberes, partim impuberes decedere. Subdisjunctivum posterius exigit utrumque, quia & simul utrumque esse potest. Sic; *Si illud aut illud factum non erit, dabis*? utrumque fieri exigit, ne detur; contraria scilicet hic sunt; illic pugnantia & contradicentia. Et hæc simul vera esse non possunt, illa possunt. Sic, *Si quid eorum factum non erit*, quod est, *si nihil eorum factum erit*, Similis illi, *Si omnes puberes, aut* &c. nam utraque universalis; nec utra patiens exceptionis, quin tota subvertatur; nec utramque partem exigit. Videndum igitur inter quæ positum subdisjunctivum; inter pugnantia, unum satis; inter alia, unum non satis. Et attende differentiam inter pugnantia disjunctivorum, & subdisjunctivorum; illa non habent medium; itaque non potest esse, ut partim sit dies, partim nox; ista habent; & ita esse potest, ut partim puberes, partim impuberes decesserint. Ceterum nulla est vi ipsa differentia inter pugnantia utriusque: nam utrobique alterum satis. Quod vero pares factæ illæ formulæ sint, *Si hominem aut fundum non dederis*. *Si quid eorum factum non erit*: in §. 2. mox differentia ponatur in §. 3. id sic dissolvitur, ut dicamus, primo. 2. Promitto Stichum & Pamphilum: Si Stichum, aut Pamphilum non do, centum dabo; uterque dandus; nam promissio copulata; at si promissio alternativa, Promitto Stichum aut Pamphilum: quod si Stichum non do, aut Pamphilum, centum dabo. Satis unum dedisse; nam stipulatio pœnalis regitur secundum præcedentem, cui adjicitur, l. si is qui cc. Alex. conf. 110. circa primum, Vol. 3. 3. Cum ita stipulationem concipimus, Si hominem & fundum non dederis. Sic pro, Aut, restituit Hotom. lib. 3. obs. c. 1. nam alternativa satis in uno; item sequentia id ostendere

Tom. II.

T t

vi-

videantur; idemque est cum propositis specialiter. Quod sequitur, Utrum ita concipias stipulationem, &c. locus eruditissimis quibusque obscurus videtur; præmittit Hotom. principalem alternativam, ut ego ex Alexan. ait Hotom. quod dubitatio ex sono verborum, quia verum est, Stichum aut Pamphilum non datum; decisionis ratio ex sententia; quam tu ex Alexan. habes. Julianus illam. Quia significatio cum non ex universo &c. Si quid eorum factum non erit, centum: referendum ad conjunctivam illam, Stichum, Damam, Erotem, te siturum spondes? nam cum ita concipio, Si illud aut illud &c. at Sup. aperte contra; & id vel tacente vel reclamante Juliano res ipsa & Dialecticæ ratio & sensus communis clamat, ut vera esse disjunctiva probetur, & quæ sequuntur. Hot. ib. contra Cujac. lib. 5. obs. c. 3.

### CXXXV. Idem libro quinto Epistolarum.

*Nepos Proculo suo salutem; ab eo, qui ita dotem promissit, CUM COMMODUM ERIT, DOTIS FILIÆ MEÆ TIBI ERUNT AUREI CENTUM, putasne protinus nuptiis factis dotem perire posse? quid si ita promississet, CUM POTUERO DOTI ERUNT? quod si aliquam vim habeat posterior obligatio, POSSIT verbum quomodo interpretaris? utrum ære alieno deducto, an extante? Proculus: cum dotem quis ita promissit, CUM POTUERO DOTI TIBI ERUNT CENTUM: existimo ad id, quod actum est, interpretationem redigendam esse; nam qui ambigue loquitur, id loquitur, quod ex his, quæ significantur sensist; propius est tamen, ut hoc cum sensisse existimem: deducto ære alieno potero; potest etiam illa accipi significatio, cum salva dignitate mea potero; quæ interpretatio eo magis accipienda est, si ita promissum est, CUM COMMODUM ERIT; hoc est, cum sine incommodo mea potero.*

### A L B E R I C U S.

Avus & nepos Jurisconsulti querit nepos, respondit Sempronius Proculus avus, adi. *l. 47. ff. de leg. 2. l. 67. ff. de ju. dot.* verbum suo adponi videtur, ubi ad majorem scribebatur. Sed hæc mitto. Una & altera conditio explicatur in lege nostra.

*fra. Cum potuero; cum commodum erit. Et prior expleri videtur ex sola potentia; contrarium tamen dicitur in l. 3. §. si quis sic. ff. de statul. si quis sic acceperit libertatem, CUM DECEM DARE POTERIT LIBER ESTO: Trebatius ait, licet habueris decem, vel idoneus fuerit ad acquirendum, & conseruandam peculium; tamen non alias ad libertatem peruenturum, nisi decem dederit; aut per eum non stet, quominus des. Et ratio est, quia illi testator consultum vult, cui dari vult: & id per solam potentiam dare debentis non contingit; quod si ille respectus non sit, utique nec a verbi proprietate discedemus; atque ideo, quod hic antiquis Collegiorum legibus cavetur, ut qui certam annuam summam expendere potest, is in collegio non habeatur, de sola expendendi potentia recte capitur. Item istam conditionem, cum nubere potueris, nubilibus annis impleri volumus; nec obstat l. 24. C. de nupt. quæ de ipsis nuptiis, atque ita de actu, non de potentia nubendi loquitur. Ceterum videndum est, ne & nostra conditio ipsum etiam factum requirat; quid enim si maturre virgini, masculoque puberi adjecta sit? utique ætatem non significabit, nisi si illam ignoret testator; quid etiam si res ipsa actum requirat? sige ita dictum, Cum nubere filia mea potueris; doti illi erunt centum; certe si non nubat, legatum non debebitur, quia non est dos sine matrimonio. Implebitur facultate sola etiam hæc, cum res suas administrare potueris: & legitima ætate adveniente, aut alio impedimento cessante, quod jus administrandi impediēbat, & de quo actum existimabitur, conditio expleta erit; quod Glossarius etiam notat in l. ult. ff. de cond. & dem. & Castrensis pulcre; atque legitima ætas erit annorum viginti quinque: nam et si ( inquit Castrensis ) post pupillarem ætatem administrare possit, & contrahere; quia tamen restitui potest, non dicitur cum effectu posse administrare. Item nec dicitur juxta conditionem res suas administrare posse, qui ætatis veniam impetravit: quia de ista ista ætate cogitasse non creditur testator, l. ult. C. de bis, qui ven. æt. impetr. & Glossarius, & Castrensis eodem loco tradunt. Sed quid ad nostram legis nostræ? cum potuero doti erunt; & ait Proculus, deducto ære alieno potero; quia in re scribit Alciatus, contrarium statuendum fuisse, quia nec beneficium, ut in id tantum, quod facere locer potest, ex dotis promissione conveniatur, eo se extendit, ut æris etiam alieni*

ni deductionem habeat; *l. sunt ff. de re judi.* Sed nos ex vulgato jure respondemus, fortius sibi suum, quam legis auxilium cuique prodesse solere. Movet alterum argumentum Alciatus, quia in dubiis pro dote; quam & solvi integram, publice interest. Ceterum & hoc tollitur, si consideratur, quod æs qua se alienum profert, ea vix dici nostrum aliquid valet cum extorqueri illud a nobis possit totum; itaque nec dicemur posse, nisi de eo, quod ære alieno deducto superest. Et vero quod ambiguum eam orationem Proculus notet, id non est, quia significare palam nihil hujusmodi queat, sed quod & hoc de ære alieno, & alia significare apta sit; nam alieno cum ære qui posse intelligemur? etiam mortem consciscere sibi aliqui possunt æris pudore alieni *l. in fraudem §. 2. ff. de ju. fi.* Interim dotis favore huc ducta est ambigui interpretatio, ut de uno tantum ære alieno conditio accipiat, quæ & de aliis pluribus, majoribusque accipi etiam potest. Hoc contra Alciatum, & pro sententia Jurisconsulti dico, non esse in illis verbis ambiguum, aut dubium, num quid quæsitum promittenti per ea sit; sed ambigi, quid, posse, quale, quantum. Et miror sane Alciatum non libenter in sententiam reliquorum interpretum transire, qui istam conditionem sic explicatam a Jurisconsulto credunt, ut æs alienum deduci debeat; nam verba legis perspicua sunt: & contrariæ ipsius rationes nihil valent. In eo ipsi adsentior, quod par ista conditio non sit illi, *Cum commodum erit*; & ipse Proculus hoc ostendit, *Potest etiam illa accipi significatio, cum salva dignitate mea potero, quæ interpretatio eo magis accipienda est, si ita promissum est, CUM COMMODUM ERIT; hoc est, cum sine incommodo meo potero.* Inquit, *potest accipi.* Sed an debeat, an propius sit, ut accipiat, id non dicit: aut immo negat, qui dixerit, propius esse, ut deducto ære alieno accipiat. Et id propius dicit, ut altera hæc interpretatio magis in altera conditione adsumatur; itaque prior alteri par non existat. Et quidem de priori licet sententiam, ultra æris alieni deductionem nihil aliud per ipsam in proposita specie dotis significari; ita aliquid præterea significari alias posse, ex verbis legis adfirmo: & alteram, *cum commodum erit*, significare, & hoc ipsum, quod de salva dignitate notatum est. Atque in hac posteriori plus esse, quilibet, opinor, sentit: cum & possit, quod incommode potest: & omnino ali-

quid



quid addit verbum *commodum*. Sed an & plus aliquid erit, si dicitur, *Cum commodissimum eris*? Atejus scripsit, Servium respondisse, cum primum sine turpitudine, & infamia dari possit, deberi; l. avus 79. ff. de ju. dot. Nihil igitur amplius esse in ista superlative videtur: nam & secunda collatio sic accipitur, *cum salva dignitate mea potero*; & id est, quia non etiam expectare commodum debitor debet, dum debitum præstat; hoc enim contra naturam solvendi debitum; itaque satis, si salva dignitate, si sine turpitudine, infamia, incommodo: non quoque ut cum commodo; sic accipienda ultima verba illa, *hoc est, cum sine incommodo meo potero*; non sola est penuria excludenda: nam (ut ait Dec. conf. 555.) non illico dicitur commode fieri, quod absque penuria fit; atque ita cum de incommodo excludendo hac exceptione actum tantum credatur: & illud probe excludat ea formula, *cum commodum eris*: superlatio addere omnino nihil potest; in commodo omnia sunt; itaque perfectio nihil perfectius. Sic exactissimum est exactum diligentissimum diligens; quæ notat Fornerius ad l. 5. §. 1. *Cum commodum, id est, sine turpitudine* d. l. avus. Sed Terentii illud, *Dabitur a me argentum, dum eris commodum*: nam meretrici dare, quando est commodum? Asconius interpretatur, ac si dictum fuerit, *dum libebit*. Ceterum meretrici dare, sæpius imò libet: sed numquam sine turpitudine datur, & infamia profert tamen in suam interpretationem, quod veteresque pro *cum libebit* dixerint *cum eris commodum*; puto & si opera est, ut apud Plaut. in Aul. & in Merca. forte quia commodum dici nequit, quod invito extorquetur; itaque incommodum; quod involuntarium; gl. & Bar. ad l. Paulus, ff. de solut. quo & pertinet l. ult. ff. de us. & bab. Et de hoc quidem incommodo volunt incommodi nomen accipi, si aliud notatum non sit; puta si de incommodo, quod damnatum sit; oratio non habetur; damnatum enim cum sit diminutio patrimonii: & patrimonium non propterea diminuatur, quod ab invito aliquid fiat: sequitur, incommodi nomen nunc late adeo capi non oportere. Sed nec potuit lata hæc significatio obtinere in supradictis speciebus l. nostræ & l. avus; quia quod est necessitatis, & officii, ad voluntatem hoc sermone devocare non decet. Est autem necessitatis, & officii dotare filias, neptes. Verum & in omni alio, qui dotem dixerit, idem censeo;

seo; quoniam inanis alioqui promissio in voluntatem promittentis collata; ut dixi ad l. 108. Ergo & in omni promissione idem. Et sane cum oratio hæc ambigua sit, sic fieri debet interpretatio, ut aliqua obligatio existat; cum sit id de natura contractus; & actus non nullus habetur, & tenetur regula l. veteribus ff. de pact. Unum restat nunc; solutum esse æs alienum oportet; quando istud est? non est cogendus promissor ad rerum distractionem, l. divortio ff. de neg. gest. & per Accur. hic. Non imputandum, si pro commodatibus rei suæ administrandæ æs alienum tardius exsoluerit, l. Tbaïs. 41. §. 1. ff. de fid. lib. Et si de testatoris facto agitur, fiet ex suis facultatibus judicium: nec juvabit quidquam, quod hæres vir locupletissimus fuerit institutus, l. Siichum 39. §. 1. ff. de statul. nec enim ex persona heredis afficitur hereditas, l. 10. ff. de except. nec defunctus, l. 11. ff. de dim. & tem. pres. Quædam repetas ex principio disput. 8. decad. 1.

ADD. Sic secundum intentionem loquentis ambigua capi, & contra eum, pro quo facta promissio; nam sibi imputet, si non curavit clarius &c. sic l. in ambiguo. Alex. conf. 19. Viso. Vol. 2. qui ita accipit illam definitionem, ut secundum intentionem &c. in ambiguis, & obscuris; non in generalibus, quæ scilicet ab obscuris & ambiguis alia sunt. Odofo. in l. veteribus; de obscuritate hic capit Alex. quæ ex æquivocatione, ut quia vocabulum potest accipi pluribus modis; l. quoties in stipulation. D. de reg. jur. Alex. alias ambigua contra proferentem; ita regula l. veteribus. 2. Qui tenetur quid facere, sic videtur teneri, cum primum commodum erit. Bar. l. stipulat. non divid. qu. 5. de V. O. Cepb. conf. 613. Obligatur Prælati, qui promittit providere, cum poterit; id non est tamen cum vacabit; c. 14. de concess. preb. In conditionibus pacis quam rex Hugonortis dedit, & hæc fuit, ut ipse rex summam quamdam solveret, sed non nisi quo breviori tempore posset. Natal. Com. lib. 19. Arbitrium boni viri, Cum potero. Bar. Alex. conf. 58. Habita. Vol. 3.

## CXXVI. Idem libro sexto epistolarum.

*Si cum fundum tibi darem, legem ita dixi, UTI OPTIMUS MAXIMUSQUE ESSET, & adieci, jus fundi deterius factum non esse per dominum, prastabitur; amplius eo prastabitur nihil, etiam si prior pars, qua scriptum est, UTI OPTIMUS MAXIMUSQUE SIT, liberum esse significat; cogne si posterior pars adjecta non esset, liberum prastare deberem; tamen inferiore parte satis me liberatum, puto, quod ad jura attinet, ne quid aliud prastare debeam, quam jus fundi per dominum deterius factum non esse.*

## ALBERICUS.

De hac clausula actum ad l. 90. Hic traditur, eam propter subiecta verba immutari. Ergo & serviens tradi fundus potest: modo dominus servum non fecerit; nam de domini facto procurator (procurator hic promittere dando videtur) tantum pollicetur. Poterat vero dubitari, ne & liberum prastare deberem, quia formula premissa id exigit: nec adjecta verba mutare quicquam videri poterant; nam videri poterant vel adserere formulam, quasi fundus optimus, & quo minus sit talis, nihil factum per dominum: vel, ut si quid prater suam ipsius libertatem fundi esset, (quæ comprehensa per formulam erat) putata, ipsi servitus debebatur, (quod formula non continebatur) illud per dominum non fuisse deterius factum. Contrarium respondet Proculus, quoniam frustra sit adjectio, si non cogit formulam; dum enim promissus est fundus optimus, hoc sive fiat, quia nec per alium, sive quia nec per dominum factum contra est, nihil refert: ut frustra sit adjectio, si hoc dicit, & quominus sit talis, nihil factum per dominum. Item quia verba adjecta formulam respectant; non enim extrinsecum quid subauditur, tempus extra quam quo dominus is habuit, aut aliud quid: atque formula cum polliceatur liberum fundum, adjectio hoc cavet quoad domini factum scilicet. Sic est exceptio. Sic excipit de regula, de generali promissione. Alciatus aliter, & aliter Fornerius; mihi ita videtur. *Quod ad jura attinet*; nam jus deterius

rius factum non esse, promissum est. Sed quæ fundi jura? Diximus ad l. 86. Sed quæ extra jura? quæ tangi possunt, plantæ, reliqua corpora, & in urbanis dic rura, cæla, & notata in l. pen. in his præstari fundus deterior potest, quia in oculis sunt, & videri ab emptore possunt: neque de ipsis cautum est.

CXXVII. Callistratus libro quarto de cognitionibus.

*Vestis appellatione tam virilis, quam muliebris, & scenica, etiam si tragica, aut citharædica sit, continetur.*

ALBERICUS.

Quid si Titius vestem legat Sempronio; & domi habeat præmortuæ uxoris vestem: an & hæc legato continetur, non tantum Titii sua? vestis nomine venit & muliebris; nec nocet quod secundum legatarii personam, quam dedecet vestis muliebris, accipere legatum debeamus; l. plenum §. equitii ff. de us. & hab. nam id verum foret si de vestiando Sempronio ageretur; l. 15. §. 2. ff. de usufr. sed agitur de ditando. Ita aliqua hujusmodi species constituenda; nam quis dubitet, & muliebrem vestem esse? Quod si Sempronio vestis legetur, & legetur Semproniz vestis, prope est, ut virilis viro, muliebris mulieri legata videatur. Verum cur de tragica, & citharædica expressum, non de comica? omnino quia comica non alia a communi: nam & comœdia vulgarium personarum actio; at tragica, & citharædica extraordinaria, & quam non videas nisi in ludis; tragicam describit Lucianus in Saturnalibus; & in lib. de saltatione; item Seneca ep. 77. quia tamen & ea est vestis, nihil movebit quod non sit communis: nam itaque utetur legatarius atque usus testator est, locabit, distrahet; nam quid si legatarius uti veste nequit testatoris ipse non potest, an ideo minus erit in legato, & vestis non erit vestis? Si vetitæ sunt omnino, non hæc debebuntur; ut per Bart. in l. 1. C. non lie. in fra. Vide hic Rebuffum. Sed vestis appellatio latior est, nec solum continet, quæ induuntur, sed & quæ præcinguntur, amiciuntur, insertuntur, injiciuntur, quibusque incubamus; l. 23. ff. de

*ff. de aur. & argent. leg.* Quod in hac lingua obtineat, non in Italica. ADD. *Tragœdiam ab habitu consemplumur, homo longitudo deformi, altis calceamentis, caput minaci larva obductum.* &c. Lucian. lib. de saltat. *Tragici latis, & altis subnixi calceamentis, aureis saniis, per vestem variegati; larvis indusi, ridiculis, & magnum biantibus.* Idem in Anacharsi.

*Risit Amor pallamque meam, pictosque coturnos,*

*Sceptraque privata tam cito sumptu manu.*

Ovid. 2. Eleg. 18. de se, qui tragœdiam scribere adgressus: *Ex barbarico ornatu insolentissima quaque & prope dixerim tragica.* Plut. de virt. Alex. lib. 1. Omne quod induitur, venit appellatione vestis; ergo caputium. *Alexand. consil. 5. Vol. 1.*

### CXXVIII. ULPIANUS ad legem Juliam & Papiam.

*Spadonum generalis appellatio est; quo nomine tam hi, qui natura spadones sunt, item thlibia, thlatia: sed & si quid aliud genus spadonum est, continetur.*

### ALBERICUS.

Spadonum generalis appellatio est, & cum ad castratos, tum ad non castratos pertinet; l. 39. *ff. de ju. do.* ubi quod cum spadone non castrato matrimonium est, cum castrato non est. Et castrati etiam Eunuchi appellari videntur; ut hic per Rebuffum, & Cujacium ad l. 6. *ff. de lib. & post.* in qua eadem generalitas adferitur spadonis castrati, & non castrati: hic & dicitur potis postumum heredem instituere, non ille. Theophilus tamen eunuchi generale nomen, speciale spadonis facit ejus, qui ob morbum, vel frigiditatem res operari Veneris nequit; quam significationem audis illic, *qui natura spadones sunt.* Ergo Ant. Augustinus lib. 3. Emend. c. 5. paria hæc nomina facit, & spadonem, & eunuchum; verum esse ipsis & speciales supradictas significationes; generalem vero adsumendam utrique nisi verba aliud significant, aut diversa alia constitutio; itaque generaliter capit in l. 15. *ff. de excus.* nam nec ratio cur alii aliis magis ad tutelam obligentur, ut hæc nostra fieri monet. Specialiter in l. 1. & in l. 40. *ff. de adopt.* per distinctionem scilicet d. l. 6. *ff. de*

Tom. II.

V v

de

*de lib. & post.* est si quidem ratio diversa, quod nulla supersit spes redeundi a privatione ad habitum; at non castratus non est privatus, sed impeditus: cessare autem impedimentum potest; ita pro non castrato; contra pro castrato *in l. 4. §. idem divus ff. de sic.* quod verba ipsa indicant. Sic & eunuchi generale nomen, nam & a custodia cubiculorum nomen habent; & ita quos spadones Paulus *libr. 3. sent. tit. 4.* eos eunuchos Imperator *in l. 5. C. qui test. fac. poss.* & vero cur dubitatum, si Eunuchus facere testamentum posset, rationem dicit Ant. Augustinus; & cur permissum agenti annum decimum octavum; & nunc cur jus par: Eunuchis tributum, ratio est, quia annis nunc constitutam rem habemus, non corporis habitu. Et de Eunuchis, qui sibi sponte ceciderint genitalia, aut aliter inutiliter fecerint, ego non acciperem tamen *d. l. 5.* crimen enim magnum; *d. l. 4. & l. 5. ff. de scar.* ubi quod medicoque statuitur capitale, qui castraverit, an & invitum teneat, tu videris: nam Ægineta sæpe etiam invitos se cogi ad hoc a potentibus ait. Ita de hoc hominum genere varia jura; entorres ab utroque sexu dixit quidam; nec viros nec mulieres Mamercus consul, qui & prætoriam jurisdictionem abrogavit, censens tribunalium iniquamentum talem prætorem. Val. *lib. 7. c. 7.* de eo tamen loquitur, qui sibi sponte amputavit virilia. Vide hic Fornerium tractantem causas, ob quas castrarentur. Item thlibiz, thlasizque duplicem castrationis speciem dicit Ægineta *lib. 6. c. 68.* alteram per collisionem, alteram per exsectionem; ut per eum late; & per Fornerium hic; thlibiz, thlasizque ad priorem speciem utrique pertinent. Sed & si quod aliud genus; &c. ]. Sunt ectomiz, quibus abscissi testes: qui proprie spadones dici merebantur, ( unde puto nec mentio facta eorum hic, & castratorum est, tamquam de re certiori ) quoniam spadones sunt convulsi; ut hic per Forn. thlasiz, thlibizque non videbantur spadones esse, quia ipsi collisos habent, non convulsos. Sed convulla vis gignendi & his, & frigidis; atque ad vim istam nomen referetur; vel quia contortio ea omnibus, quæ & habeat convulsionem; & ita bagoi, quibus meatus penis intortus; quod Brechæus ex Plinio. Restat quod unum dicam; morbosos visos servos, qui penitus spadones erant, quia nec generare poterant *l. 7. & l. 38. §. 3. ff. de ad. ed.* non minimum autem illud lucrum ex servis, quod

quod captabatur; ADD. Theodosius vetuit, ne quis Eunuchus Patrius fieret: Suid.

CXXIX. PAULUS libro primo ad legem Julianam & Papiam.

*Qui mortui nascuntur, neque nati, neque procreati videntur: quia nunquam liberi appellari potuerunt.*

ALBERICUS.

Forte legendum *quare nunquam liberi*. Sed retine receptam scripturam: & dic, quod liberi appellari nati mortui non possunt, quia mortui non sunt, nam carent anima, per quam sunt; filius hominis homo non cadaver; & in utero dum sunt, etsi eos vivos censeas, nec liberi appellabuntur, quia censentur nunquam fuisse in utero; ut per Ias. in l. si filius beres nu. 27. ff. de lib. & post. per l. Neratius ff. de ma. test. Quod itaque liberi appellari non possint, certe nec sunt; appellarentur enim, si essent: Sed quid si in nascendo moriuntur? hi non videntur mortui nati, qui in nascendo mortui. Ceterum idem de his est, & nasei est; vivus ad lucem perducitur; ut per Castr. in l. quod dicitur; ff. de lib. & post. Sed quid si momento vivat? hic natus censetur; l. uxoris abortu. C. de po. ber. inst. & hic alii docent. Sed quid si vivere non potest? tractant de nato in octavo mense; concludunt magis communiter, nec istum natum censi; tu dic ut ego late docui *disput.* 1. Sed quid si non integrum vivum nascitur animal? si cum spiritu nascitur, satis; d. l. quod dicitur. Sed quid ad matrem? an satis ei, si edat mortuum? finge aliquid ei datum, si pepererit. Et satis Alcianus dicit, item & Rebuffus: quando satis, si & menstruum edat. l. queres. hoc tit. Fornerius contra disputat; sed levis rationes ejus. ADD. Quando liquido mortuus natus est, nullus juris effectus; de eo, qui vivere non potest, semestri, octimestri, etiam si vixerit ad aliquod tempus, nullus effectus; ita bis judicatum Neapoli; ita tenet Eugen. *conf.* 27. lib. 1. Quid si nascendo moritur? casus potest per naturam rerum contingere. Sed a nostris JC. aut DD. non habitus in consideratione, quia difficillimum

cognoscere, & impossibile, ut testes deponant. Eug. eo; ubi videris, quomodo probetur natum vivum. Ille articulus moriendi instantaneus, nec comprehensibilis. Id. In dubio præsumi natum vivum. lb. Si aliqua pars palpitet, cetero mortuus non natus vivus: quia ea palpitatio status quidam residui, conclusi, necdum exhalati: Brechæus hic. Semimortuus habetur pro mortuo; l. qui duos. De man. test. Rol. conf. 37.

CXXX. ULPIANUS libro secundo ad legem  
Juliam & Papiam.

*Lege obvenire hereditatem, non improprie quis dixerit & eam, quæ ex testamento defertur: quia lege duodecim tabul. testamentaria hereditates confirmantur.*

ALBERICUS.

Quam legem vidimus ad l. 120. De ea, quæ ab intestato defertur, nemo dubitat, quin dicatur lege obvenire; protinus quippe a lege defertur; hinc Terent. in Hecy. *ad hos redibus lege hereditas*; & Donatus illic: *verbo juris usus est, ea enim legitima est hereditas, quæ familie debebatur*. Sed & eam, quæ ex testamento defertur, non improprie &c. hoc non est proprie; quod hic docet Alciatus, & pulcre Bellonus lib. 4. supp. c. 14. & Fornerius hic; & Cujacius similia de nolle & non nolle lib. 5. observ. c. 39. Sic inter displicere & placere est quoddam medium; l. 1. §. 12. *qui navem*; de exerc. l. 1. §. *scientiam*; de tribut. Bart. in l. *geris*. de adq. hered. ubi quod non sequitur, Non displicet, Ergo placet; ubi scilicet requiritur quod placeat non satis, quod non displiceat, alias satis si non displicet. l. *cum antea in princ.* C. de orb. eo. Est quid medium inter proprium, & improprium; proprium male reliqui faciunt; nec porro proprie lege obvenit, quia non simpliciter, & immediate a lege, sed & a testatore; nec item improprie a lege, sed immo non improprie, quia lex confirmat; & confirmat, quod alias invalidum foret. l. 3. ff. de test. ut docui ad d. l. 120. & Rebus hic dum aliter docet, hæret misere; in eo huic contra Alciatum late disputanti assentior, ut legitima hereditas non dicatur, quæ ex testamento defertur:



ea sola ratione, quia hoc nomen datum ei, quæ ab intestato; unde statuo differentiam inter legitimam, & lege obvenientem: licet conjugatorum ratio repugnare videatur; at aliquid docuimus in proposito de credito & creditore *ad l. 12.* atque ita contra eundem Alciatum sum a partibus Alexandri: quem & sequitur Bellonus *lib. 3. supp. c. 7.* Sed quid dicimus de iusta hereditate? legitima hæc est. *l. 3. ff. pro soc. & Alciatus, & alii hic.* Tamen ego non video, cur non & testamentaria dicatur iusta, si testamentum iusta sententia; an igitur iusta a jure, sicut legitima a lege? vel itaque non improprie iusta. Sed & Varro *lib. 2. de re rustica* iustam hereditatem censet, quam & nos, dum ait, *in emptionibus dominium legitimum seu fere res perficiunt: si hereditatem iustam adiit*, &c. quod si in illo societatis argumento non ita statuitur, id fuerit, ne ad inopinabilia mense paciscentium latius porrigatur. Atque hic pulchra suboritur questio, an legitima, vel iusta dicatur hereditas; si quæ legitima, & iusta est, eadem & testamento deferatur; & affirmatur communiter. Sed Imola, Aretinus, Bexutius, & Jason contra; ut per hunc *ad l. 3. ff. de legat. 1.* Et ego etiam cum his sum: quia dum lex concedit facultatem testati, omnino & concedit faciendi testamentariam ex legitima. ADD. Vide omnia. Cephal. *conf. 59. num. 21.*

CXXXI. Idem libro tertio ad legem Juliam  
& Papiam.

*Aliud fraus est, aliud pœna: fraus enim sine pœna esse potest, pœna sine fraude esse non potest; pœna est noxæ vindicta: fraus & ipsa noxa dicitur, & quasi pœna quædam præparatio.*

A L B E R I C U S.

Fraudem pro pœna ponere solebant veteres, *l. 23. ff. de ad. ed.* ubi exponitur, quod in edicto scriptum fuit, *Si quod municipium capitalem fraudem admiserit*: id est, tale aliquid deliquerit, propter quod capite puniendus sit. Ceterum ut ita fraudem pro pœna ponerent, tamen aliud fraus est, aliud pœna: fraus enim sine pœna esse potest: Si quidem fraus & ipsa noxa dicitur, & qua-

*¶* quasi pœnæ quedam preparatio : pœna sine fraude esse non potest : ] quoniam scilicet non sit pœna ubi non est delictum , quando pœna est noxa vindicta ; ] pœna proprie dicitur læsio ; quæ punit , & vindicat commissa , c. 4. 33. q. 3. Merito igitur ait Jurisconsultus , fraudem poni pro pœna solidam ; non ait pœnam esse . Et poni solet ac potest ; nam fraus est damnumquo , & fraudari damno affici , *ut ff. de his , quæ in fraud. itaque fraudem admittere damnum contrahere , quod ex secutura pœna erit , ad quam se obligare per juris dispositionem videtur qui delinquit : etsi sæpe tamen nec puniatur , quod nec delictum innoteat ; quod est , fraus sine pœna esse potest . Sequitur tractatio differentiarum inter pœnam & multam .*

*Inter multam autem & pœnam multum interest : cum pœna generale sit nomen , omnium delictorum coercitio ; multa specialis peccati ; cujus animadversio hodie pecuniaria est : pœna autem non tantum pecuniaria , verum capitis , & existimationis irrogari solet . Et multa quidem ex arbitrio ejus venit , qui multam dicit : pœna non irrogatur , nisi quæ quaque lege , vel quo alio jure specialiter huic delicto imposita est : quinimo multa ibi dicitur , ubi specialis pœna non est imposita ; item multam is dicere potest , cui judicatio data est ; magistratus solos , & præfides provinciarum posse multam dicere , mandatis permissum est : pœnam autem unusquisque irrogare potest , cui hujus criminis , sive delicti executio competit .*

Quinque hic differentiæ notantur inter pœnam & multam . Multam non Latinum , sed Sabinum vocabulum dixit Varro *lib. 19. re. bu.* Oscum alii omnes . Sabini an oscæ locuti sint , nescio : Samnites oscæ loquebantur ; quod de Livio cognoscet *lib. 10.* Sed Samnites a Sabinis ortos , idem Varro dicit ; adi Gell. *lib. 11. c. 1.* Dicitur idem ineptire Varro *lib. 4. de ling. Lat.* in hujus vocabuli explicatione ; qui tamen videndus est omnino ; item & quod Festus Pauli refert , multam expositam pœnam quandam pecuniariam a Varrone subtiliter *lib. 1. ep. quasi.* Multare , ait Scaliger , est numerare ; hinc multa , quia numerando æstimabatur , *adi ad dict. lib. 4. Varr. & in suis nymal. Sed &*

in

in Catullum. Rurfus contendit Lambinus late, mulcare, non multare, ubique legendum; adi ad Mostell. Plaut. Prima, autem differentia hic notata est; quod *pœna geminale nomen est, omnium delictorum coercitio: multa specialis peccati.*] hoc est, quorundam peccatorum, quorum coercitio (ut mox videbimus) arbitrium judicis est, non est definita; quæ tamen & pœna dicitur; quia pœna est omnis coercitio delictorum. Sic igitur notes, quod ubi pœnæ mentio est, ibi & multa locum habeat; at si mentio multæ, ibi sola pœna indefinita intelligatur. Secunda differentia est, quod multa animadversio hodie pecuniaria; *hodie*; nam antiquarum legum multa pecore consistere, ait Plinius *lib. 33. c. 1.* ea erat summa duarum ovium, & triginta boum; ut per Festum, Gellium, Alciatum, & alios hic; inepte: adi Bodinum *lib. 3. de republ. cap. 3.* qui late, & optime. Sed & a principio pecuniaria fuit; quod Dionysius explicat *lib. 9.* atque ita reditum hodie ad jus pristinum. Id ergo notes, quod ubi potestas multandi datur alicui magistratui, is tantum in pecunia punire potest. Quæri autem potest, si rationem excedere certam possit: an sequi debeat rationem taxatam secundo tempore, cum pecuniaria non esset multa. Ego censeo, non esse certam rationem hodie, ut nec a principio fuit; & est a multa provocatio, l. 224. *capitis, & exilimationis*; vide notata ad l. 103. itaque mihi falli videntur Canonistæ, qui pœnæ nomen de corporali accipi regulariter nolunt, in c. cum inter alia, de imm. eccles. Tertia differentia, quod multa ex arbitrio est: pœna non irrogatur, nisi quæ quæque lege &c. Non quod est ex arbitrio, illico est multa, sed si sit etiam pecuniaria: nam alia non est multa, sed pœna; quod & hic Alciatus. Quarta differentia; quod multa ibi dicitur, ubi specialis pœna non est imposita. ] & ita ex arbitrio imponitur; nam illic versatur, & adsumitur magistratus arbitrium, ubi quid certe definitum a lege non est. Sed quando hoc est? an cum lex delictum statuit, & nihil præterea de pœna dicit? an cum & de pœna dictum, sed non taxatum? an & cum usurpatum pœnæ nomen est? Primo casu videndum, si imponere pœnam oportet, adeoque, si lex imperfecta hæc perfecta reddi a iudice possit. Et posse videtur, quia delicta impunita remanere non debent. Et sic quod fieri prohibetur, factum inutile esse generaliter sancit l. non dubium, C. de

*C. de legi.* cave tamen ut de delicto accipias, in quo sit culpa; nam aliud non punitur: puta quod fortuito commissum est; quod est & delictum, *l. respiciendum*, §. *delinquent*, *ff. de pœna*. *l. si fortuito*, *ff. de inc. ru. nau.* & docuit Baldus ad *l. d. pœna*, *C. qui acc. non poss.* Altero vero casu videndum est, si pœna pecuniaria tantum habere locum potest, & de ea accipietur, itaque & de multa. Sed si etiam alia intelligi valet; difficilis questio est, quia pœnæ nomen generale; nec ratio est, cur ad speciem magis referatur, quæ & in aliud nomen transit; magis tamen est, ut accipiamus de multa, quia lex nostra ait; *quinimo multa ibi dicitur*, &c. Quinta differentia restat: *multam is dicere potest*, cui *judicatio data est*, &c.] hi sunt Romæ magistratus, & præfides provinciarum; quod & de proconsulibus; & prætoribus, & legatis Cæsaris capies; nam præfidis nomen generale est, *l. i. ff. de offic. presid.* nec ratio est, cur aliis non hoc detur, quibus & vis imperii est, ut loquitur *l. 12. ff. de judic.* propter quam imperii vim capio de magistratibus Romanis, non de aliis; & illi per excellentiam ita nominari videntur; præterea in provinciis præfides soli nominati hic. Et ratio hujus est discriminis, quod multam imponere est quasi legem facere: nam hoc legis est. Alias differentias observabimus in *d. l. 244.* ADD. Si quid postea fraudis aut vitii evenisset. Cicero de univ. 2. ad §. *inter multum*: late explicat Harmenopul. Alber. in *l. quicumque*, num. 12. *C. de serv. fugis.* Ἀγρὰ ἀδικησάσα, facinora, quorum pœna legibus non est definita; ut vulnus, verbera. Sed qui actionem intendebat, quanti æstimabat injuriam scribebat, iudex moderabatur. Suidas.

CXXXII. PAULUS libro tertio ad legem Juliam  
& Papiam.

*Anniculus amittitur, qui extremo anni die moritur, & consuetudo loquendi id ita esse declarat: ANTE DIEM DECIMUM KALENDARUM, POST DIEM DECIMUM KALENDARUM; neque utro enim sermone undecim dies significantur.*

## A L B E R I C U S.

Ut quis sit anniculus, satis est, si attigerit extremum anni diem, non etiam exegerit; id, quod dicitur in l. 134. ubi & ratione civili adfertur stat, quæ hic ex loquendi consuetudine, *Ante diem &c.*] hæc enim est consuetudo, quæ supradictam definitionem probat: nec aliunde querenda est: quod Alciat. facit: aut quo referetur articulus rationis enim? *Ante diem sextum Kalendarum Novembr.* (ait Priscianus lib. ult.) *pro ante diem sextum, qui futurus est ante Kalendas;* non est igitur idem, ante diem decimum Kalendarum, & decimo Kalendas; quod tamen Cujacius dicit ad l. 13. ff. de verb. obligat. Nec movet, quod *qui ante Kalendas proximas stipulatur similis est ei, qui Kalendis stipulatur*, d. l. 13. immo nihil refert, l. 56. eod. tit. nam id est, quia ante Kalendas accipi finitas stipulatio potest: & accipienda contra stipulatorem est, l. veteribus ff. de pact. alioqui non potest proprie idem esse in utrisque verbis; *neque utro enim sermone;*] id est neutro. Sic & Lucretius lib. 4. *nec utro*, id est, neutro in l. 1. §. 4. ff. de it. ac. priv. *undecim dies significantur;*] undecimus Kalendarum utroque sermone significatur; liquido enim undecimus Kalendarum est, qui est ante decimum, & qui est post decimum; & *ante diem decimum Kalendarum*] est ante diem, qui decimus est ante diem Kalendarum: & *post diem decimum Kalendarum*] est post diem, qui decimus est a die Kalendarum; hæc differentia tradita in l. 41. ff. de ma. te. Quod si vero malles exponere, post diem, qui decimus est ante diem Kalendarum; tum neque undecim dies hoc sermone, neque undecimus Kalendarum, sed nonus significatur. Sed jam apto hujus sermonis consuetudinem inducti. Quemadmodum neuter horum sermonum significat dies undecim; cum tamen uterque si-

Tom. II. X x gni-

gnificet , immo exprimat undecimum : ita vocabulum hoc anniculus non significabit dies anni , etsi significet , exprimatque annum ; adeoque ut in illis non designatur finis undecimi , sed undecimus ipse : ita in isto nec designetur finis trecentissimi sexagesimi quinti , sed ipse trecentissimus sexagesimus quintus . Ita nulli hic gryphes , quos Budæus somniavit , & Alciatus , & reliqui ; ita mihi videtur ; ita adprobatum & tibi Conrade Paulle . Sequitur in lege aliud caput .

*Falsum est, eam peperisse, cui mortuæ filius exsecutus est.* Parere verbum enitentiæ mulieris actum significat , quapropter si exsecuto utero infans ei detrahatur , peperisse non videtur . Hincque est , quod si Titio legaverim , si Aretusa pepererit , cum conditio voluntaria sit , exsecuto utero non eveniet : si necessaria , secus est : ut cum quis , si uxor sua pepererit filium instituit , & si decesserit Titium ; non enim respexisse modum videtur , quo filius in lucem prodeat , sed quomodocumque natus sit , illi consuluisset . Et ideo ex conjectura mentis sit interpretatio , etiam si conditionis verba omnino non quadrent . Et ita Baldo , Salycetoque visum est ; quod & nos contra Jasonis sententiam probavimus . **ALCIATUS** . Et quidem ad posteriorem partem accedunt omnes , quia nihil est , quod imputari filio jam extracto possit . Verum quod de voluntaria conditione Alciatus ait , id non probat Rebuffus , quia nulla sit differentia ; & quia Bartolus , qui in illam adsertionem ab Alciato producitur , nullum verbum . Ego ab Alciato non discedo : nam Bartolus , & reliqui docent illam differentiam inter necessariam , & voluntariam conditionem , ut hæc ad proprietatem verborum impleri debeat , illa admittat aliquam improprietatem ; quod & nos alibi exposuimus . Sic Bald. in l. 52. pro soc. in ista conditione , *Si pareres illa* , & hic dicit esse natum ad literam . Cetera hujus argumenti ad l. 141. ADD. Instituo Sejum , si uxor mea masculum pepererit ; hac mortua in puerperio , & extracto masculo de ventre , nullus locus instituto , aut substituto ; ut hunc §. sic notat Jacobus de Sancto Gem. ad l. reprehendenda , C. de instit. & subst. sed pro voluntate contra scriptum vide casum Decian. consil. 1. lib. 1. num. 103. Nascitur , quod de utero decedit , Agratius .

Exi-

*Exiliis partus misere de vulnere matris.*

*O Lucina serox ! hoc peperisse suis ?* Mart. lib. 1.

CXXXIII. ULPIANUS libro quarto ad legem  
Juliam & Papiam.

*Si quis sic dixerit, ut intra diem mortis ejus aliquid fiat:  
ipse quoque dies, quo quis mortuus est, numeratur.*

# A L B E R I C U S.

Videri contrarium poterat, quasi non sit intra terminos, quod ipse est terminus: quasque contentum a continenti aliud esse debeat. Verum quia intra nihil est, nisi productum *in*, ut hic Alciatus notat, & intra diem nihil est, nisi in diem, merito & ipse dies continetur. Finis porro, qui rei pars, in re utique continetur, non minus quam principium, & medium; claudit rem, & est in re, quia rei pars. Continens tum est a contento diversum, quando non est pars contenti: ut corpus loco continetur, nec est pars loci, nec non differt tamquam contentum a continenti. Atque ita responsi hujus argumento tradunt, quod si quid de ædificiis dicitur intra suburbia, & ea continebuntur, quæ postrema sunt suburbiorum. Sed an & continentia? hæc non putem, quæ ad suburbia sunt, non in suburbiis. Ita & si de ædificiis intra Urbem dicitur, utique de suburbiis non accipiam, se de his solis, quæ muro tenentur, & quæ in urbe esse dicuntur. Sed an differentia nulla sive dicamus *intra diem*, sive *in diem*. Et non video, quando utraque præpositio adjicitur casui quarto; at si dicitur *in die*, utique erit differentia; nam *intra diem* continet non diem tantum dictum, sed omnem, qui citra est; quod non fit alias, l. 41. ff. de ma. te. & ubique verum est; ut *hic per Forn.* & ita qui nondum est anniculus, dicitur intra annum, l. inde Neratius, §. 5. ff. ad leg. Aquil. Continet igitur & ipsum diem termini, & quod præcedit. Dies termini computatur in termino. *Rebuffus*, & *Fornarius hic*, qui loquuntur de fine termini. Sed quid de initio? ait judex, jubeo te adeste intra decem dies; ipso decimo si adsit satis. Sed unde numerare incipimus? an ipse dies numerabitur primus; quo judex jussit? vide l. 46. si in diem ff. de cond. & dem.

*dem.* Hæc definitio limitatur, ut non fiat terminorum inclusio, si quid absurdi; quod de Gorneo Rebuffus hic. Dicitio *inter medium* significare ostendit *l. ult. ff. de ju. fi.* non longe tamen abesse & a significatione articuli *infra l. 4. §. 3. ff. vi bon. rapt.* Idem vero de dictione *ultra*, ut includat, & *circa* notare Rebuffus videtur. Sed ego contrarium putarem, certe in articulo *nivra*.

CXXXIV. PAULUS libro secundo ad legem  
Juliam & Papiam.

*Annulus non statim ut natus est, sed trecentesimo sexagesimo quinto die dicitur incipiente plane, non exacto die; quia annum civiliter, non ad momenta temporum, sed ad dies numeramus.*

A L B E R I C U S.

Vide notata ad l. 132. Hic primum dicas, quod illico natus videri annulus poterat, quia tempus cœptum haberi pro absoluto solet, & annus cœptus pro completo; item quod ab hora conceptionis numerari annus videri potuit *arg. l. 153.* Diversum hic respondetur: quod non est satis, initium anni factum; & ratio adjungitur. Sed & illa est, quia annulus ab anno dicitur, neque annus est nisi trecentorum sexaginta quinque dierum. *incipiente plane, non exacto die*] id est, statim atque albescit dies trecentessimus sexagesimus quintus, non etiam præterit; non requiritur ut is dies exactus sit; nam & hoc die exacto est annulus, ut hic per omnes; & major annulo est, ergo & annulus, *l. cum quis ff. de jurejur.* Sed quid in hac specie? pro anniculis solvatur unum, pro bimulis duo, pro trimulis tria, pro quadrimulis quatuor, pro quinquennibus &c. quomodo hic anniculum accipiemus? quomodo bimulum? num erit annulus usque ad diem septingentesimum vigesimum nonum, & exinde bimulus ad ultimum tertii anni diem? ita videtur ex hac lege. Ego tamen cogito; & fortassis annulus in ista specie dicitur, qui intra annum est; bimulus, qui intra

bien-



biennium; quod & ex subiecto argumento cognosci potest; *quia annum civiliter* ] id est, prout usus communis solet, pinguius; quæ ratio est perpetua juris civilis. *non ad momenta temporum.* ] quod subtiliores artifices faciunt, astronomi, qui minutias, & harum minutias attendunt in definiendo cuiusque astri ambitu; ut notavi lib. 1. de diu. te. app. *Sed ad dies numeramus* ] quid hoc? Si annum, quod usus communis facit, ad dies numeramus, an propterea incipiente ultimo die anni est anniculus? utique: nam est dies trecentessimus sexagesimus quintus, qui ultimus anni, etsi non ultimum anni in ejus diei initio; nam ultimum momentum est ultimum anni; sed momenta non sectamur; quæ si sectaremur, ut in ultimo momento non exacto esset ultimum anni, ita in die ultimo, quando dies sectamur, ultimum & anni fuerit; & annus dicitur tum completus, licet non exactus, *l. 5. ff. de testa.* tamen illud de momento dici vix potest, quia momentum est, cui pars nulla est. Quæritur porro apte, quando tempus cœptum haberi debeat pro completo. Hic annus cœptus non habetur pro completo, sed jam jam complendus; ad quæstionem responderi solet, ut si de odio inchoando, aut beneficio finiendi agitur, completum tempus esse oporteat: at si de beneficio inchoando, cœptum pro completo accipi; ita Bald. *ad d. l. 5. ff. de testam.* alii in favorabilibus dicunt haberi pro completo. Ego illud prius, aliud esse completum, aliud exactum, *d. l. 5. tum cum Brechæo*, statui in universum nihil posse, sed casus legibus definitos tenendos in reliquis ad eorum exemplum procedendum; & ex conjecturis; definitos colligit Fornerius, & Rebuffus; rursus putem de exacto non intelligendum in dubio, nam addi hoc explicando solitum, *l. 2. ff. de excus. tut. l. 3. ff. de mi. l. 4. ff. de rit. nupt. l. 6. ff. de oblig. §. 1. Inst. qui. mod. tut. fin.* adde & ex lege nostra, quia tempus civiliter, non ad momenta numeramus, itaque incipiens, hoc est completum, non exactum exigimus. Sed quando nec completum tempus, at inchoatum tantum exigimus? vide *l. 8. ff. de mun. & hon. l. 5. l. 22. ff. de ann. leg. l. 12. ff. quand. di. leg. ced.* in dubio, non est satis inchoatum. *l. 74. ff. ad Treb. l. 48. ff. de cond. & dem.* Et hac lege nostra, *non statim ut natus est*] diversæ leges habent specialem rationem in alimentis, ut *hic per Fornerium & in honoribus, ut in d. l. 8.* Sed tamen & inchoatum sufficit,

ficit, si pars significatur. *l. 41. ff. de man. testam. Videris. ADD.*  
 Novus fructus cum neotino pendet. *Plin. lib. 16. c. 26.*

CXXXV. ULPIANUS libro quarto ad legem  
 Juliam & Papiam.

*Quæret aliquis, si portentosum, vel monstrosum, vel debilem mulier ediderit, vel qualem visu, vel vagitu novum, non humanæ figuræ, sed alterius magis animalis, quam hominis partum: an quia enixa est, prodesse ei debeat; & magis est, ut hæc quoque parentibus prosint; nec enim est, ut quod eis imputeretur, quæ qualiter potuerunt, statutis obtemperaverunt; neque id, quod fataliter accessit, matri damnum injungere debet.*

A L B E R I C U S.

De portentis & monstris supra ad l. 38. Debilem hic accipio non integrum; quod dicitur in *l. 12. ff. de lib. & post. & debilem pro manco & comminuto accipi pluries, verum est, immo sæpius. Seneca ep. 67. ut magis diligas integrum omnibus membris, & illesum, quam debilem, aut luscum; & ep. 75. non tantum velocitas peris poplitibus incisit, sed debilitas pro illa subit. Debilitatem dicit Solinus cap. 14. de oculo amisso; & idem Seneca lib. 1. de ira; portentosos fœtus extinguimus, licteros quoque si debiles monstrosque edidi sunt, abigimus; & Hieronymus, *Evi-vas, & eterna debilitate fit castus*. Sic debilitatem dicit Quintilianus castrati, *lib. 5. c. 12. & decl. 2. totius corporis debilitatem oculos perdidisse*. Sic in *l. 3. C. de serv. fug. pede amputato debilitari fugitivum*. Sic is dicitur filium debilitasse in *l. 4. §. cum qui. ff. de re mil. qui pollicem filio præcidit, quod est Gallico nomine murcum fecit; unde Dea Murcia Dea segnium, Arnob. lib. 4. Apologes. Augustinus Venerem dicit a myrto; hoc enim solitum ne militaretur. Ammian. lib. 15. Plutarchus in *Lys. Elian. lib. 2. Cicer. lib. 3. de officiis*. Sed debilis est & fractus, *l. 27. §. ult. ff. ad legem Aquil. & solutus membris, qui nequit incedere. Cicero lib. 1. de divin. Debilem factum seu stulto in curiam delatum; & Tuscum 3. ægritudine afflictus; debili***

*litatusque jâens; & Cato de re rustica, pueros pusillos si laveris eo lotio, nunquam debiles fiunt; debiles, quibus curator, advocatus datur, extra furiosos & minores, sunt surdi, muti; l. 19. & s. q. ff. de verb. aut. ju. poss. l. 9. §. ult. ff. de offic. procons. & vero debilitatum definiunt nostrates membrum, quod suam perfectam operationem non habet, sed imminutam. Ang. ad l. non solum, ff. ne rei vind. qui & Bartolum citat ad l. 1. §. is autem, ff. de quid in flum. pub. debilis, ait Isidorus lib. 10. quod propter bilem factus sit fragilis. Atque ita his omnibus modis accipietur in l. 84. §. 3. l. 107. §. 9. ff. de leg. 1. l. 17. ff. ad exhib. Socinus debilem interpretabatur editum eo mense, quo vivere partus non solet, octavo, sexto; quod & alii hic. Sed ego non probavi in disp. de nat. te. vel qualem visu, vel vagitu novum. ] omnino monstruosus partus talis, qualis nunquam visus, sed visu novus, vagitu novus. Quid somniat Alciatus? quid male torquetur Fornerius? exempla utriusque abunde, & passim apud Livium; & novum dic etiam si semel aut bis visum.*

*Non humana figure, &c.* ] neque enim est homo, qui ex homine nascitur, sed is, cujus formam refert; ut Plato in Cratylo; *parentibus profint.* ] id est, matribus; immo nec matribus, si ipsæ causâ fuerit, ut quia concubuerint cum belluis; ut Pasiphae. gloss. hic, & Bald. l. 52. pro soc. ex his, quæ sequuntur; aliis igitur non proderunt; & ita cape Paulum lib. 4. *sentent. tit. 9.* & hoc omnes volunt; quod tu accipe caute; nam debilis & sibi proderit, & aliis; idem & de eo, qui membrorum officia ampliavit; etsi Paulus de matre tantum dicit; aliorum ratio non habetur, nisi ad matrem. Cujacius *ad d. tit. 9.* adhuc limitat, ut prosit matri, ne poenam ferat orbitatis, non etiam ad lucrum, ut filio succedat huic ex Senatusconsulto Tertulliano; quod & Fornerius hic tradit; & mihi placet; nam tum non matri solum prodesset is, sed & sibi, qui interim haberet id, in quod mater est successura; itaque eodem relabimur; de hoc vide *ad l. 231.* quando de utrius, vel alterius commodum agatur.

**ADD.** Non sine errore Ulpianus hic opinatur, monstra facta fieri; nam fati commentum multorum scriptis sublatum est: etiam quia Aristoteles casu fieri monstra ait, lib. 2. *Physic. Mag. lib. 1. Miscell. c. 20.* 2. Matribus; imo nec matribus, si ipsæ cau-

causa fuere: ut quia obbrutuerint, ut Paliphae, *gloss. hic. Bald. in l. 52. pro soc.* Partus monstrosus non rumpit testamentum; mulieri prodest, si non conceperit ex bestia: licet non rumpat testamentum, *vide Menoch. conf. 284. Jul. Clar. §. testam. q. 45.* Quibusdam debilitas sterilitatem, non necem avertit, ut si quis pino cacumen auferat, vel palmæ. *Plin. lib. 17. cap. 24.* Debilis, & Debilitas apud Latinos auctores significat alicujus membri privationem, vel imbecillitatem. 2. Hanc L. agnoscit Cujacius *in sis. D. de cad. toll. factam* ad excludendam odiosam L. Papiam.

CXXXVI. Idem libro quinto ad legem Juliam  
& Papiam.

*Generi appellatione O neptis, O proneptis, tam ex filio, quam ex filia editorum, ceterarumque maritos contineri, manifestum est.*

A L B E R I C U S.

Vide notata ad l. 50. editorum; neutrum foeminino adjungi potuit. Plaut. in capt. *ex miseriis plurimis me exemerunt, quæ adhuc te carens dum hic fui sustentabam, l. 100. §. 2. ff. de legat. 3.* vel hic respexit nomen liberorum; quod commune, l. 4. ff. de parricid. *liberorum sponso;* hæc autem est generis illa frequens mutatio: quæ tantum probatur, cum alterum non expressum, & ad quod, mox respicitur, occurrere statim, aut non difficile possit. Sic Varro lib. 1. de re rust. *Sin cogare secundum flumen edificare, curandum ne adversus eum pomas &c.* hic statim succurrit fluvius. Sic in l. 11. ff. de leg. 3. idem Ulpianus, *fideicommissa quocumque sermone relinqui possunt: non solum Latina, vel Græca, &c.* ubi lingua statim occurrit. Sic & alia aliis notata: politissimo Giphanio ad Lucr. & ita hic occurrit illico nomen liberorum, quod aptum editis ex filio, & filia. Hæc ad istam legem; adde & notata ad l. 146. & illud quod Justinus lib. 18. nove generum dixit maritum fororis; ut Alciatus etiam observavit lib. 4. *Parerg. c. 5.* & Cujacius lib. 6. *observ. c. 17.* An quia frater dum locat sororem, patris vice ponitur? vide Plautum

tum in fin. Curcul. itaque genat ( unde generi nomen ) generum istum, sicut pater; gener quod adificatur ad augendum genus; qui filiam duxit. Isidorus lib. 9. & sorte adoptabatur soror a fratre, ut hic eam tradere, despondere posset. Lolliam Paulinam duxit Cajus coacto marito, ut eam sibi desponderet, ne in leges committeret, scilicet si eam sine sponsalibus duxisset. Zonara. Tamen ego ita nunquam acciperem hoc vocabulum, ita, quod legamus, acceptum semel. Fratrem uxoris, qui levir, consobrinum dixit Aufonius. Quod Scaliger miratur.

CXXXVII. PAULUS libro secundo ad legem  
Juliam & Papiam.

*Ter enixa videtur etiam, quæ trigeminos pepererit.*

A L B E R I C U S.

Vere enim ter enixa; & neque uno impetu, & nixu tres una edi possunt, l. 15. ff. de sta. bo. ad quam aptare speciem hic potes. Sed quid est, quod ait Paulus lib. 2. sentent. tit. 9. *Quæ semel uno partu tres filios edidit, jus liberorum non consequitur; non enim ter peperisse, sed semel partum sudisso videtur, nisi forte per intervalla pariat; quæ hæc intervalla? an ex superfœtatione? non puto illuc respexisse Paulum, etsi & casus infrequentissimus excipiendo non male consideretur; an igitur excludit partum illum, quo Esau & Supplantator nati sunt? hoc malim; & tamen frequentius fit, ut per intervalla partus edantur: sed forte horarum, non dierum, nisi raro. Et ita de his intervallis horariis, & brevioribus Paulum accipio; satis scilicet, ut non uno nixu, sed pluribus pariat. Et eam ego sententiam non teneo hodie, quando non relata in leges, & non satis firmam rationem ipsius video, vel ne mater lucrum faciat, quam distinctionem alibi probavi, & posui ad l. 134. fateor interim esse ex verbi proprietate, ut non dicatur ter enixa, ter peperisse, nisi per intervalla; atque ita non exacta hic notatur verbi significatio; quod Alciatus tamen existimavit; nam enixa si dicitur fœmina ( auctore Nonio ) nitendi hoc est; conandi labore perfuncta: qui enixa dicetur ter, nisi ter perfuncta? Et hæc quod-*

*Tom. II.*

*Y y*

*modo*

modo nisi ter pepererit? & ter peperisse quomodo quæ semel peperit, imo fudit? Porro lex eo spectat, quod Latina ex S. C. quo S. C.? quæ sit ter enixa ius Quiritium consequeretur, Ulp. tit. 3.

CXXXVIII. Idem libro quarto ad legem Juliam  
& Papiam.

*Hereditatis appellatione bonorum quoque possessio continetur.*

A L B E R I C U S.

Et itaque conditio, si beres eris, etiam in bonorum possessore impletur, l. 19. §. 2. ff. de cond. O dem. & mandatum de addenda hereditate impletur per bonorum possessionem, l. 25. §. 4. ff. de adq. hered. ut is etiam, qui in iudicio dicit, se hereditatem adire, bonorum possessionem petiisse videri potest; quod Fulgosius tradidit, & hic scribit Fornerius. Alia porro in hanc eandem sententiam proferri solent; sed & alia in contrarium; ex quibus conficit Brechæus, Jurisconsultum hic ex imperio intellexisse, quod extulit. Et Alciatus etiam tradit, bonorum possessorem proprie heredem non esse. Ego cum aliis putem, proprie stare quod hic scribitur, quia bonorum possessioni prorsus competit definitio hereditatis.

*Est successio in universum ius.* ] Jam vero ista universalis successio aut manet in suo nomine, aut in hoc transit bonorum possessionis; id, quod non facit, ne sit hereditas: ut nec minus pactum est emptio, quia a nomine generis in aliud transit. Illud verum est, quod cum ex usu bonorum possessionis usurpari soleat quando de prætoria successione agitur, videtur quodammodo effectum, ne hæc successio nomine generis nominata censeatur; quod & in nominatis pactis contingit; tenet hanc opinionem & Vacopius decl. 48. Respondeas autem his, quæ in contrarium adferuntur, quod usum illum respiciunt; & ita vice heredum haberi dicuntur bonorum possessores, l. 2. ff. de bon. poss. & veluti heredes, l. 1. de poss. hered. pet. quod scilicet heredis nomen

nomen non de prætorio usurpari soleat, sed de civili: cui quidem similis prætorius, non est cum illo idem. Itaque in omni materia definitio legis nostræ obtinebit, odiosa, pœna li; ut Alciatus hic contra Socinum docet; etenim & effectû æquiparatur heredi bonorum possessor; & nomine; si quidem de finitio: ne æquiparatur, quæ nomen est diffusius, ut nomen est contractior definitio. ADD. Bon. possessor, heres, effectû tantum, l. 19. de cond. l. 1. §. bonorum ubi Bart. ad Trebell. Alex. consil. 2. vol. 1. improprie, & largissime; l. 2. de bon. poss. §. quos autem. Inst. co Jaf. ad l. Gaius §. institutus; de lib. & post.

CXXXIX. ULPIANUS libro septimo ad legem  
Juliam & Papiam.

*Ædificia Romæ fieri etiam ea videntur, quæ in continentibus Romæ ædificiis fiant.*

A L B E R I C U S.

In proposito videris notata ad l. 2. & ad l. 87. His adde, quod Romani diligentissime incubuerunt urbis amplificationi; itaque invitarunt externos, ut illuc se conferrent privilegiis multis: atque unum illud, ut Latini jus Quiritium consequerentur, si Romæ ædificiû facerent; ita enim puto Ulpianum tradidisse sit. 3. fragm. hujus etenim partis de ædificio, sed & de pistrino deest explicatio; dubitandum tamen non videtur, quin & id datum, quia pistrinis multis habendis pariter incubuerint: ut ex Pub. Victore liquet. Illud ego quero, quibus legibus ea data Latinis sint propter ædificia, & reliqua, quæ Ulpianus commemoravit. Sequitur in lege

*Perfecisse ædificiû is videtur, qui ita consummavit, ut jam in usu esse possit* ]. Recte, & apte ad proximam definitionem, neque enim par erat, ut pro imperfecto ædificio; id est statim inchoato. l. 80. ff. ad leg. Falcid. jus Quiritium consequeretur homo Latinus; nam qui ædificiû dixit, opus intellexit: & hoc est perfectum, l. 5. §. 1. supra. Sed qui is usus? Alciatus capit de destinato ab ædificante: quoniam in aliquo usu ædificiû quodlibet, imperfectumque, esse potest. Atque ego ita

istam destinationem ex forma instituti operis capio; ut quod scilicet formatum est, ut esset ad inhabitandum, id perfectum non dicatur, etsi aptum ad horreum puta, aut stabulum. Vel rectius ad leges proxime notatas de civitate Latinis danda, non de qualibet casa, aut quolibet ædificio capies, etsi id perfectum sit, ut est destinatum, sed de certo aliquo, ut de navi exposuit Ulpianus, quod non propter omnem navem Latinus consequetur Quiritium jus, sed propter eam, quæ non minor esset, quam decem millium modiorum. Ego tamen in eam opinionem adducor, ut credam, ædificium de domicilio acceptum: quia & lex fuit, ut civitas daretur his, qui in Italia domicilium haberent. Sic & qui Romæ non esset inquilinus, sed domicilium ipse ædificasset, is jura Quiritium obtineret. Sic a personæ qualitate judicabitur, si perfectum ædificium est; nam aliter angusti, aliter augusti habitant; atque ita hac qualitate attendenda perfectam, cui nihil addi potest, *l. jurisperitos, ff. de excusat. tut.* Quod aptarique generaliter potest & rei, quæ est quæ sita, & reliquis; *Ad. Vide Alber. l. leges Favis de manum. Cum. l. 1. §. 1. n. 3. de op. nov. nunc.*

CXL. PAULUS libro sexto ad legem Juliam  
& Papiam.

*Cepisse quis intelligitur, quamvis alii acquisiit.*

A L B E R I C U S.

Quod videtur his contradicere, quæ sunt in l. 71. *non videtur quis capere, quod erit restitutus.* Sed hæc dissimilia dicit Alciatus; nam qui capit, ut restituat, vice ministri fungitur: neque ipse acquirit illi, sed quæsitum eidem, restituit; is qui restituere hereditatem debet; at qui ipse quærit, cepisse dicitur, ut filius qui patri incontinenti quærit. Sic opus est, ut capax filius totius sit, quod quærere patri debet: at qui restituere gravatur, capax ut sit non oportet.

Jam vero quod momento duret capio, id nihil facit, quominus cepisse intelligatur. Et recte Rebuffius docet, propriam hic adnotari definitionem; nam quod alias non videatur factum quod



quod non durat, id perspicua ratione contingit certis in casibus, l. 10. §. 3. ff. de in rem vers. nam quod verum idem & divesum, non solum verum, & l. 2. in fi. Digest. qui ex ca. in poss. ea. nam defensio non est in uno principio defendendi; quæ non attingunt verbum cepisse, quod momento stat. Verum si nec momento stet, non satis quod peti possit; l. 13. l. 115. Digest. de reg. jur. ubi quod satis tamen, ut liberatio contigerit; aut quod huiusmodi, l. 2. ff. de calum.

ADD. Sic non videtur custodia tradita marito rerum extra dotem, etsi dixerit in instrumento, quod maritus cepit; *Alexan. consil. 42. super. Vol. 1.*

**CXLI. ULPIANUS** libro octavo ad Legem Juliam  
& Papiam.

*Etiam ea mulier cum moreretur, creditur filium habere, quæ exciso utero edere possit; nec non etiam alio casu mulier potest habere filium, quem mortis tempore non habuit; ut puta eum, qui ab hostibus remeavit.*

**A L B E R I C U S.**

De mortua, cui infans prodierit. Valerius Max. lib. 1. c. 8. Hic notes quod potest quis habere filium, etsi non pariat. Ergo cui exciso utero filius est; quæ non dicitur peperisse, l. 132. §. 1. supra; parere est viventis: ut illic dixi. An vero hæc definitio ex proprietate sit, queritur; & negat Baldus, Alciatus, Fornerius. Rebuffus contra: quem ego sequor. Et Fornerii rationes ridiculæ sunt; atque ad alteram definitionem cur non censæ proprie locutum Jurisconsultum? quia (ait Fornerius.) fictione legis Corneliz mortuus ille censetur dum capitur; at quia illud fingitur, patet esse improprium. Ergo proprium & contrario; & hoc quidem proprium resumitur sublato illo fictionis velamento ex eo, quod remeavit. Ut vero propria definitio posterior, certe & prior huic juncta. Adde quod de mortuis natis dicitur, quod filii appellari nunquam potuerunt, l. 129. Ergo vivi nati potuerunt; quod cape & cum in utero sunt. Si de his, quæ non natura, sed jure civili stant, ageretur, puta

patria potestate ; utique per improprietatem dicerem esse , quod de reverso ab hostibus hic traditur ; & proprie quod dicitur in §. *interdum . Instit. de hered. quas ab intest. defer.* at ubi de natura agitur , non de filiosam. sed de filio , diversum est , *leg. jura sanguinis , titulo 1. & Institutio. de serv. cognat.*

ADD. Hæc mulier tamen non dicitur proprie habere postumum ; *not. ad Rubr. de liber. & post.* Et itaque in l. *placet. eod.* dicitur , omnem masculum : non quia femina eo jure non potuerit postumam instituere , aut quia suum non haberet ; nam habebat suam generationem , si non potestate : sed quia proprie non potest habere , nisi exsecuto ventre : qui non proprie. *Jas. ad l. placet , 2.* De mortua , cui infans prodierit , *Val. Max. lib. 1. c. 8.* Primum caput apud Harmenop. qui ait , *Infantem ediderit . Cæsones ,* qui ex mortuis matribus exsecuti ; in Epit. denomin. ad Val. Max.

CXLII. Paulus libro sexto ad Legem Juliam  
& Papiam.

*Triplici modo conjunctio intelligitur : aut enim re per se conjunctio contingit , aut re & verbis , aut verbis tantum ; nec dubium est , quin conjuncti sint , quos & nomen & rei complexus jungit : veluti , TITIVS ET MÆVIUS EX PARTE DIMIDIA HEREDES SVNTO ; vel ita , TITIVS , MÆVIUSQVE HEREDES SVNTO ; vel , TITIVS CVM MÆVIO EX PARTE DIMIDIA HEREDES SVNTO . Videamus autem , ne etiam si hos articulos detrahas ET , QVE , CVM , interdum tamen conjunctos accipi oporteat : veluti LUCIVS TITIVS , PVBIVS MÆVIUS EX PARTE DIMIDIA HEREDES SVNTO ; vel ita ; PVBIVS MÆVIUS , LUCIVS TITIVS HEREDES SVNTO . SEMPRONIUS EX PARTE DIMIDIA HERES ESTO ; ut Titius & Mævius veniant in partem dimidiam , & re & verbis conjuncti videantur . LUCIVS TITIVS EX PARTE DIMIDIA HERES ESTO . SEJUS EX PARTE , QUÆ LUCIUM TITIVM HEREDEM INSTITUI , HERES ESTO . SEMPRONIUS EX PARTE DIMIDIA HERES ESTO . Julianus dubitari posse , res semisses facti sint , an Titius in eundem semissem*

*sem cum Cajo Sejo infirmus sit ; sed eo quod Sempronius quoque in parte dimidia scriptus est , verisimilius esse , in eundem semissem duos coactos , & conjunctim heredes scriptos esse .*

## A L B E R I C U S .

Latum & subtile conjunctionis argumentum tractatum ab interpretibus *ad l. re conjuncti*, ff. de leg. 3. ubi etiam triplex conjunctio docetur ab eodem hoc Jurisconsulto , & duæ explicantur , quum hic de una tantum exponatur rei & nominum . Nominum conjunctio quæ sit interpretibus , in promptu noscere . Ego eos ita conjunctos arbitrabar , qui eadem oratione vocati sic sunt , quod si eorum aliquis submoveretur , verba inepta relinquerentur , & oratio vitiosa tota ; quam definitionem colligebam ab exemplo posito in *l. re conjuncti* ; ex quo si alterum nominatorum amoveo , insulsam hanc relinquo orationem , *Tisio fundum aquis partibus lego* . Et vero cum re conjunctorum *Paulus* definitionem tradiderit , verbis conjunctorum exemplum recensuerit solum ; dicere voluisse videtur , exemplum illud alterius conjunctionis referre definitionem posse . Hæc ego & proponebam multis abhinc annis Clarissimo Donello : qui & probavit per litteras ; mea autem impressa prostat Epistola . Notes tamen quod eadem oratio requiritur adhuc ; nam si dicas , *Tisio fundum lego* , & *eundem lego Cajo aquis portionibus* , non facio verbis conjunctos , sed nec re , quia hæc verba dividunt ; ut hic per *Rebussum* . Triplex itaque conjunctio ; quæ nominum & rei sit , hic exponitur ; quasi , ut ait Alciatus , cognito , quod mixtum est , simplicium natura cognoscatur ; quæ sit tantum rei , dicitur in *l. re conjuncti* ; quæ nominum tantum , a nobis expositum est primum , sed ex dict. *l. re conjuncti* ; ubi de simplicibus exponitur , quasi cognitis simplicibus cognoscatur & mixtum . *Triplici modo conjunctio intelligitur ;* ] quæ scilicet effectum juris habeat ; nam si dictum est , *Tisio & Sejo singulos servos lego* , conjunctionem etiam habemus , sed sine effectui : itaque nec conjunctionem habere dicimur , *l. 84. §. pen. ff. de leg. 1.* Effectus est jus accrescendi ; quod non est nisi inter eos , qui conjuncti aliquo ex tribus modo sunt . Aut enim re per se conjunctio con-

zin.

*tingit*; ] dum scilicet una res pluribus datur, qui non oratione testatoris conjuncti sunt, sed re ipsa; & ita incidenter conjuncti dicti Besuxio; quod & probatur hic verbo *contingit*; itaque & separati dicuntur Jurisconsultis, disiuncti Imperatoribus, ut monet Jaf. num. 1. comparative scilicet ad conjunctos verbi; ut scribit Duar. lib. 1. de jur. accres. c. 6. atque ut sint re conjuncti hæc omnia requiruntur; primum, ut res eadem sit, d. 6. pen. Eadem vero res & dicitur, si eadem sit qualitas, l. Titia, de leg. 1. Item dicitur vero res eadem, si uni fundus, alteri ejus fundi usufructus legetur; nam in usufructu conjuncti. Immo si non ejus fundi, sed generaliter omnium; etsi Bald. contra; nam Bart. Castr. Alexan. Jaf. id nu. 54. & seqq. Item conjuncti, si uni pars rei, alteri postea tota; nam e diverso pars adempta videbitur. Jaf. numer. 57. Secundum, ut sit species: nam si genus, aut quod in genere functionem recipit, non est conjunctio; itaque qui Sempronio fundum legat, & Sejo fundum non facit conjunctos. Item nec facit, qui Sempronio & Sejo decem legat: ut hic per Alciatum: Et ratio prioris definitionis est, quia alius atque alius fundus; posterioris vero, quia divisio protinus ex se, neque concursus expectatur, aut factum creditorum. Ceterum Bartolus, & alii re conjunctionem immo agnoscunt in decem eadem oratione legatis per l. 89. Dig. de leg. 1. nam si diversis orationibus, decem singulis deberi volunt, lego Jafon. numer. octavo & 47. Hallucinantur vero, ut per Ant. Aug. lib. 3. Emend. c. 1. sed constituto quod tantum decem debeantur, hæc quaestio præsens, si adsit conjunctio realis. Ego cum Alciato. Tertium requiritur, ut diversis orationibus ea data res sit, d. l. de conjuncti. Quartum, ut simpliciter data res sit, non in solidum, aut divisim: quoniam si in solidum, tum unus rem habet, alter æstimationem; itaque non est re conjunctio: ut per Jafon. ad dict. leg. re conjuncti, numer. 48. Si divisim, jam alia & alia res, ut per eundem numer. 63. Simpliciter porro cape; ut tamen expresse dictum sit de eadem; quæ est communis opinio, & confirmatur a Jafone num. 50. & seqq. magna tamen est difficultas, qui legando mox secundo non adimatur primo: Est tamen communis opinio, ne fiat ademptio, sive legatum fiat sub commemoratione primi, sive non; nam hanc distinctionem obtrudebant quidam; & sive in legato sumus, si-

ve in hæreditate : quod & alii, *ut per Jaf. num. 19. & seqq.* & attende tamen, quod non videtur vera communis sententia, quæ & dictionem videtur requirere illam conjunctionem *idem*, ne censeatur adeptio facta : nam in fine hujus nostræ legis dicitur, *Sejus ex parte, qua Lucium &c.* non dicitur *ex eadem parte*, & nec est adeptio, sed conjunctio. Quam difficultatem etiam Jason tractat *numer. 21. & seqq.* Dic cum Alciato *libr. 7. Pæverg. cap. 8.* quod pronomen *Id* adimit, *l. sicut. Dig. de adim. leg.* Dic quod hic subintelligitur *ex eadem parte ex qua*, ne adeptio inducatur. Quintum, porro quod requiritur, est ut eodem testamento detur, sive testamento patris & impuberis filii, nam pro uno est ; etenim si Sejus Cajo leget fundum Cornelianum, & eundem leget Sempronio Titius, nulla est legatariorum conjunctio, quia non potest jus esse adcrefcendi inter hos, quos unus testator non beavit ; adi *Jaf. num. 18. & Forn. hic.*

Sextum, ut ab eodem hærede ; nam si a diversis, dabit æstimationem alter, *l. 34. §. 1. ff. de leg. 1. aut re aut verbis* ; cujus conjunctionis exempla sequuntur. De eo exemplo valde disceptatur, si sit hæc conjunctio, *Ticio & Scio fundum lego* ; de eo consentiunt omnes, quod sit, *Ticio fundum Cornelianum, & eundem Sejo lego.* Sed communiter idem & in priori dicunt ; adi Jasonem, qui latissime a nu. 70. ad 85. & Fornerius hic, *aut verbis tantum* ; ] ut verbis tantum conjuncti sint, ea omnia requiruntur, quæ ad conjunctionem realem diximus, uno tantum variato legandi modo ; nam hæc clausula *aquis partibus* hic legatur, aut æquivalenti, ut fit in collectivis. Est tamen de collectivis quæstio ; quoniam nisi adjecta illis sit clausula supradicta plenam immo conjunctionem fieri, Jason contendit *numer. 84.* Et mihi sane ita videtur, *nec dubium est*, &c. ] comparative minus dubium de ista conjunctione : nam & dubium esse potuit, ut ait Alciatus. Ego autem noto, quod dum fit ex simplicibus mixta conjunctio, perit de reali pluralitas orationum, manet rei identitas, quia hinc vere realis essentia : & pluralitas orationum tantum ad excludendam verbalem ; item de verbali perit distributio partium, manet unitas orationis, quia hæc vere verbalis essentia : illa clausula *aquis partibus* tantum ad excludendam realem ; quando igitur verbalis excludi non debet, nec realis, ea non adjiciuntur, sed servatis constituentibus utraque mi-

Tom. II.

Z z

fla

ita fit, five plena. Et de ista conjunctione, si conjunctionis mentio fiat, verba capienda Rebuffus censet. Jason & alii etiam de verbali volunt; non putant de reali, quia illi disjuncti, separari dicuntur. *Videamus autem;* ] nota diffidentis, & in id tamen se magis inclinare demonstrantis; ut ait Cujacius *lib. 2. obs. c. 25.* adfirmantis ait in *l. 2. ff. de V. O.* Vix, aut difficile significat, aut non. Donat. in Eunu. quod vix fit, fieri tamen dubium non existit, *c. 2. de cogn. spi. in 6.* Sunt alia ejusmodi alibi, quæ hic non tracto. *Lucius Titius ex parte dimidia &c.* Est exemplum realis conjunctionis. *Sed eo quod Sempronius quoque &c.* Hinc declaratur vexata species *l. Mævio, ff. de leg. 2.* ut enim hic coacti in unum semissem Titius & Cajus, quod Sempronius quoque ex parte dimidia scriptus est; ita illic non erunt coacti in unam dimidiam Mævius & Sejus, quia Titio totus legatus est fundus; & ita ait, *partes fundi.* Titius porro, cum non possit totum de partibus demere, cum partes habentibus concurrat; sic re conjunctus cum illis est; & illi sunt re conjuncti, quia effectu imo in dimidiam coguntur; nec sunt verbis conjuncti, quia verba partes immo exprimunt; atque non obstat, quod non duobus verbis, sed uno concluditur utriusque nomen, nam id non satis, nisi clausula habeatur *aquis partibus*, & res eadem detur; cum aliis, quæ ad Donellum scripsi, qui rescribens, non longe a nostris abiit, & docet postremo, quæ Castrensis adnotavit. Inverecunde vero Jacobus Cujacius in proposito *lib. 24. obs. c. 35.* dum in antiquos interpretes debacchatur, & adfert tandem ad eam legem, quod docuit Petr. de Besuxio: *ut per Jaf. num. 17.* non quidem ad eandem legem, sed ad similem *l. 66. ff. de hered. instit.* præterea & falsa docet: nam in proposito conjunctionis non attenditur verbum quod subintellegitur; quod & Alciatus hic recitat. Cetera de jure adcrefendi, & quis conjunctorum potior, hic tractare, alienius duco. Elegans est illa species apud Alexandrum *consil. 175. lib. 6.* Instituo Titium filium, & Sejum nepotem meum, item Cajum ex parte, quæ videbitur Titio filio. Cajo dimidia debetur; quia cum portio nepotis acquiratur patri Titio, una ejus & nepotis paris erit. Una, vel quia hic ordo successionis, vel quia profectitium quæritur patri: contra, adventitium; ex constitutionibus usufructu tantum & legitima administratione ad patrem per-

pertinet, l. 1. *Or pass. C. de bon. mat. Or tit. seq. C. de bon. qua liber.*

CXLIII. ULPIANUS libro nono ad Legem  
Juliam, & Papiam.

*Id apud se quis habere videtur, de quo habet actionem;  
habetur enim quod peti potest.*

### ALBERICUS.

Lege notata ad l. 14. §. ult. & ad l. 49. & adde hic quod omnes volunt, fitione juris istam definitionem obtinere; itaque in privilegiis, edictis, correctoriis, id genus aliis non procedere, Alciatus docet, & Rebuffus. Si tamen apud me esse dicitur; quod qualiter qualiter a me tenetur, l. 63. forte & vere dicitur apud me esse id, de quo habeo actionem, quia qualiter qualiter illud teneo consequendi fiducia d. l. 49. Sed nocet, quod minus sit habere actionem, l. minus tit. seq. itaque aliud sit rem habere; & si rem habere est vere habere; utique fiste habere erit habere actionem. Sic ergo propter hanc veritatem non relevatur a satisfando qui actionem habet ad rem immobilem, quia rem non habet, l. sciendum, §. si fundus, ff. qui satisf. cog. cum id genus aliis, quæ hic interpretes. Ego vero quero si de actione etiam reali hic definiat Jurisconsultus; nam de personali actio dici videtur; item personalis est, quæ non dicitur propria; ut per Bald. in rubr. C. de V. S. & facit l. Quintus, §. argento, ff. de aur. & arg. leg. ubi Bart. præterea si rem habere est ejus dominus esse, l. 2. §. 1. ff. de relig. l. 1. §. potestatis, ff. de pecul. Or dico ad l. 188. certe qui realem actionem habet, is dominium habet. Ergo quod traditum est, ex fitione esse legis nostræ definitionem, id in reali actione non obtinet, sed in alia. Et hoc est, quod legitur in d. §. si fundus; de petitione personali; in eo tamen edicto, quo possessor tantum relevatur, idem & in petitione reali erit; vide ibi interpretes.

## CXLV. ULPIANUS libro decimo.

*Virilis appellatione interdum etiam totam hereditatem contineri, dicendum est.*

## A L B E R I C U S.

Ut scilicet & nomine reliquorum universi continentur; l. 95. & 160. quanquam non apta prorsus similitudo; quia verum mihi videtur, quod Rebuffus ait in hac specie, *Titium & Cajum in viriles instituo*, si Titius decedat, totum habiturum Cajum non vi verbi *virilis*, sed per jus adcrescendi; at si dicitur, *Titium in decem uncias, Cajum in reliquas instituo*, Cajus vi verbi habiturus videtur d. l. 160. vim verbi intelligo tamen nec propriam in d. l. 95. ut multo minus propria hic sit significatio, *virilis*, & certe regulariter alia est propria significatio. Sed & quum ita sumitur, improprie sumitur: ut tradit Alciatus. Est liquidem virilis in capita, l. *virilis*, ff. de leg. pref. portio caputum: ut ait Baldus ad auth. defuncto. C. ad Tertull. itaque totum nisi improprie non est; atque de toto accipere nomen virilis in l. 38. §. 2. ff. de leg. 1. quod Accursius, & alii, & Rebuffus & Fornecius hic faciunt, ineptum est; & merito ab Alciato refutatur: nam rectius dixisset Scævola totum *persinere*, quam *virilem partem*; & sane potuerit de toto intelligere. nomine virilis, quid addidisset & partem? Sic igitur heres viva ipsa habere debuit ædificium; nam de mortua agitur: & fideicommissum illie dicitur; ipsa vetita est de nomine alienare; vernæ vetiti non sunt; sed ad eos libere transit. Ergo pro virili ad eum qui super est, quia herede defuncta desit prohibitio, l. 72. Contra rei appellatione pars etiam continetur.



CXLVI. TERENCEUS CLEMENS libro secundo  
Id legem Juliam & Papiam.

*Soceri, socrus appellatione avum quoque, & aviam uxoris, vel mariti contineri, responderetur.*

A L B E R I C U S.

Qui tum magnus socer, & quæ magna socrus dicitur. Sed & proavum & proaviam & ultra; nam ita de nuru, & genero, in l. 36. & in l. 50. qui major socer, & quæ major socrus; item & sponsæ, vel sponsi &c. l. 5. ff. de vesti. Atque ita Latini non distinguunt nominibus patrem uxoris, & patrem viri, item nec matrem: cum Græci distinguant; vide l. 4. §. 4. ff. de gradi. Querunt porro interpretes, an idem de propatruo sit, ut patrui nomine contineatur. Et magna est controversia; receptius tamen ait Alciatus, quod & ipse tenet, ut in materia favorabilis contineatur: non in odiosa, aut correctoria; hinc ubi admittitur successio in locum parentum, ut patruo succedatur, id non tenet, ut patruo magno, quod pulcre Dec. conf. 1. Sed an idem in nomine nepotis, quem vulgo dicimus pro fratris filio? Et videtur ex his, quæ Rebuffus recitat; contrarium consuluit Cujacius, atque ne legatum factum istis nepotibus, debeatur pronepotibus; consult. 42. movetur, quia ut filii nomine non continetur nepos, nec nepotis pronepos continebitur. At falsum ego doceo, quod de filii nomine ad l. 220. Et ut verum sit, latius tamen patet nepotis nomen quam filii, disertissime Romuli nepotum. Forte recensebat numerum, clarosque nepotes. Et major adfinitas nepotis & pronepotis: nam articulo tantum distinguuntur non lato discrimine unius præpositionis, l. 3. ff. de posul. Adsit aliam rationem Cujacius, quod sequens gradus in usu pronepotum nomen sibi vendicaverit nunquam; id quod ego nescio, si verum est.

## CXLVII. Idem libro tertio ad legem Juliam &amp; Papiam.

*Qui in continentibus urbis nati sunt, Romæ nati intelligentur.*

## A L B E R I C U S.

Roma enim non muro tenus, sed continentibus ædificiis finitur, l. 2. hinc & l. 139. vide notata utrobique; & ad l. 87. Hic illud addamus, quod Romæ nati liberi tres patri proderant; §. 1. *Inst. de excus. tut.* Idem v. & de natis in vico definiunt interpretes; sed id non ex proprietate, at ex interpretatione: ut per *Alciatum*. Idem & de eo, qui casu natus extra Romam est; quod & per interpretationem stat. An & qui nati in continentibus continentium, eodem loco habendi sint, vide *Castrensem in l. insula ff. de judic.* Cetera, quæ de adoptatis *Fornerius*, longe a proposito abeunt.

## CXLVIII. Gajus libro octavo ad legem Juliam &amp; Papiam.

*Non est sine liberis, cui vel unus filius, unave filia est: hæc enim enuntiatio, HABET LIBEROS, NON HABET LIBEROS, semper plurativo numero profertur. Sicut & pugillares, & codicilli.*

## A L B E R I C U S.

Ait, semper plurativo; sunt scilicet quædam semper singulari numero, quædam plurali semper; atque id vel usu contingit, vel natura. Titius natura dicitur singulari numero, ubi de uno; pulvis usu dicitur: nam & pulveres dici potuit. Et contra, natura gemini dicuntur plurativo signum cæleste; usu arma, mœnia; ut hæc docet *Priscianus lib. 5.* Notat vero etiam *Nonius* istiusmodi, & *Gellius libro 19. capit. 8.* & *Diomedes lib. 1.* qui deque hoc nomine liberorum; verum tamen non videtur, proferri ipsum plurativo nomine semper; nam extulit singulari *Quintilianus decl. 2. liberi ac parentis is est affectus*; & *Ovidius* li.

libro 1. Metam. *quoque magis doleas genetrix an ego liber ille ferox taci.* Sed & alii, ut per fratrem in Originibus; nam quos locos præterea notant Alciatus, & Cotta, ii in libris Florentinis non habentur. Ceterum ut Cajum hic tueamur, vel ditimus cum eo *semper*, quia non aliter apud receptæ auctoritatis auctores, licet ( ut solet Nonius loqui ) doctos reperiatur, vel *semper*, quod vix umquam aliter, ut libro tertio Lælio. Idem & de pugillaribus, & codicillis; siquidem & Catullus dixit *pugillar.* quod Charisius observavit lib. 1. codicillum vero etiam Marcellus dixit in l. *penultim. ff. de ju. Codic.* & Paulus in l. 38. *ff. de conditio. & demonstrat.* Sed & hi post Cajum vixerunt. Sed & ad poetas quod attinet, referri potest in licentiam poeticam: quo & veteres glossæ referunt scilicet, quod Persius Quiritem dixerit. Porto illud notandum videtur, quod plurativo numero pugillaria & codicilli dicuntur natura; at liberi usu videntur. Sunt codicilli a caudicibus arborum: etenim plures lingue tabellæ conjunctæ; pugillaria codicilli, id est, hæ tabulæ cera illitæ, in quibus pangendo stilum scribitur; adi Aldum Manutium de *quest. per epist.* & Plinium de *codicillis libro 13. cap. 11.* & sequent. Cetera in lege proxima.

ADDIT. Pluralitas de suo proprio significato non verificatur in uno; fallit tamen si identitas ejusdem effectus & rationis aliud inducat; & nisi gratia contrarietatis, vel absurdi sensus vitandi. Sic statutum puniens producentem falsos testes, etiam in eo qui produxit unum; & est hæc etiam materia pœnalis; item ll. quæ indiciis præcedentibus, etiamsi unum præcedat, &c. alia ex aliis Jason *ad l. Gallus §. quid si is.* Sine liberis, verificari in uno, quia non habemus singulare, eodem, stantibus filiis masculis non succedant, etiamsi unus sit masculus; ita servatur; refert tamen Maria Soc. vidisse consultum contrarium; sed quod ipse noluit ei consilio subscribere: recte Jason eod. provideatur de beneficio Sejo, spectante ad collationem quamcumque non providebitur de eo, quod spectet ad collationem unius; Bald. *consil. 242. factum tale est; quidam B. habuit, &c. Volumin. 3.* non puto verum. Jason. *eodem.* Quando eadem ratio est unius quoad unum, quæ plurium ad plures, pluralitas in singularitatem resolvitur; l. Lucius §. *Cajo ad Trebell.* Bald. in l. 1. *Codic. de conditio. infer. add. ad Jason. ibidem Felyn. late in cap. bu*

*humanum genus.* 1. *distinct.* 2. Nepos ex filia, censetur de natis, seu procreatis ex corpore avi. Cephal. *consil.* 615. *num.* 69. qui magis communem dicit. Idem in conditione *si sine filiis*, etiamsi *una filia*. Alexand. *consil.* 178. libro 5. Si tamen filias exclusisset testator, & filiis substituisset si sine filiis superviventem, varie consultatum, an supervivens excludatur a filia filii. Alexand. *consil.* 252. *lib.* 6. *de eo dubio*, *consil.* 38. *eadem*. Mol. qui ait, excludi a nepte, etiamsi varii varia. Si sine filiis substituit Ecclesiam, filia non excludit filiam. *Anch. Jason.* sed male, & contra comm. qua dicitur, quod in testamentis masculinum concipit foemininum nam l. cum avus, etiam cum substituta est Ecclesia, obtinet. Dec. *ad l.* 2. *de reg. jur.* 3. Quando filii extant ex primo matrimonio, non possit frater relinquere his, qui ex secundo, plusquam uni ex illis; etiamsi unus sit ex primo, satis. Alexand. *consil.* 6. *lib.* ult. 4. Si quis pręgnantem uxorem reliquit, non videtur sine liberis decessisse, l. 147. *tit. seq. l.* 1. §. *dies ibi agulus*, & ibi, *satius*, de vent. inspic. itaque etsi parvus nascitur secto ventre, excludi substitutum: licet ipsa nondicatur peperisse: non tamen ante nativitatem dicitur conditio liberorum impleta; quia ante non dicitur homo. Vide Decium *ad dict. legem* 147. 5. Unane filia est; etiam nepos ex filia: nisi tamen dictum si sine filiis masculis; tunc enim nepos ex filia non veniret. Alexand. *consil.* 37. *lib.* 6.

CXLIX. Idem libro decimo ad legem Juliam  
& Papiam.

*Nam quem sine liberis esse, dicere non possumus, hunc  
neceesse est dicamus liberos habere.*

A L B E R I C U S.

Altera ratio definitionis positę lege proxima. Et recte ait *neceffe*; nam disjunctiva prorsus ratio est hæc, *Aut non habet, aut habet liberos*: itaque illo sublato, necesse est, poni alterum, l. 124. igitur uno filio impletur oratio, quia qui unum habet, dici non potest, quod non habeat; nam & indefinita satis si in

Tom. II.

A a a

uno

uno vera est, ut ex aliis, & ad ipsam hanc legem scribit Hermann. *consil.* 7. Nec etiam repugnat nomen *liberorum*, quia numero unitatis non effertur. Est tamen idem & si dictum est, *si sine filiis*; & *si sine descendantibus* &c. ut de aliis hic bene docet Rebuffius. His autem duabus rationibus adjungatur Papiniani tertia; ait, *Ita fideicommissio dato, VOLO RESTITUAS SI SINE LIBERIS DECEDAS: conditio deficit ex voluntate vel uno filio superstite relicto.* l. 101. §. 1. Digest. de conditio. & demonstr. Neque vero pugnat, quod hæc ratio voluntatem, superiores vim verborum urgent; nam ut aliquando scriptum cum voluntate pugnet, sæpius tamen voluntas talis, qualem verba indicant. Porro ita tradunt & interpretes omnes, ut hic Jurisconsultus unum filium satis; quod videre est in multis Decii responsis; qui habet & limitationem, ne idem teneamus in odiosis, & fideicommissis, *consil.* 287. 361. 362. quæ adprobari videtur ex supradicta Papiniani sententia, quasi significante, in fideicommissis non aliter obtinere generalem definitionem, quam si voluntas acceperit. Tu cogita; nam Molinæus Decio contradicit; & definitionem etiam in casu legis municipalis, Quod stantibus masculis filiis non succedant feminae, tenet idem Dec. *consil.* 484. & 627. refutatque contradicentes; quod & Alciatus. Idem etsi lex dicat, Quod stantibus fratribus. Receptius tamen videtur, ne ea lex odiosa censeatur; quamquam & de fideicommissis idem contendant quidam, at de hoc satis. Etiam una filia satis, maxime ad excludendum fideicommissum: ut idem ait *consil.* 270. & *consil.* 318. Atque enunciatum usus auctorum probat notatus Gellio, Grammaticisque; & quod ut singulari numero, ita etiam feminino genere hoc vocabulum caret, itaque Seneca de consol. ad matr. ait, *Scipionis liberi in dotem ac grave acceperunt.* Liberorum sponso dixit Marcianus in leg. 4. Digest. de parricid. & Varro libro 7. de lin. Lat. ut distingueret, dixit, *mares liberos* &c. Etiam in contractu adjecta conditio *Si sine liberis*, deficit vel una filia extante; Alexand. *consil.* 31. *Ponderatis.* Volum. 3. ut post alios idem Decius tradit *consil.* 414. & 570. Contrarium in nomine filiorum interpretes dixerint ne feminae veniant in contrahibus, in quibus stricta interpretatio: ut in emphyteutico, ut per eundem *consil.* 171. & 202. 236. item nec in statutis, *consil.* 353. & 372. item nec in testamentis ex qui-

quibusdam conjecturis *consil.* 15. 236. 270. 299. puta si propter ea testatoris excluderetur filia; vide calum difficilem *consil.* 360. & ubique adverfantem Molinæum. Verum & non modo filia una facit id, sed & nepos ex filia, *l. 1. C. de condit. insert.* quem scilicet & inter liberos contineri Divus Pius rescriptis, *l. ult. ff. de pollicit.* Item pronepos, *l. jubemus C. ad Trebell.* & quisque descendens *l. 220.* ubi dicam. Et quod de nepote diximus, illud verum vel si additum *ex se natis*: ut Baldus & Corneus existimant, & Zasius tenet *consil.* 1. num. 36. & Alciatus, qui receptumque testatur, licet Guido Papæ reclamet; ait autem Baldus, immediate dici quidquid per rerum naturam conjunctive est unum & idem, *in dict. leg. 1. de conditio. insert.* Quod autem de filia exposuimus, non procedit, si scriptum esset, *si sine liberis masculis*; ut omnes prope docent, & Decius *consil.* 155. Sed nec stante in municipio lege, ut masculis existentibus fœminæ non succedant; Dec. *cons.* 270. 499. 545. quoniam ut secundum personæ conditionem verba accipiuntur, ita & secundum conditionem loci accipi debent: cum aliis, quæ late tractat. Molinæus tamen acriter notat, & contendit consilium pessime; sicut & improbat in altera specie hæc, si alias masculorum mentio facta in testamento sit, & prælati filiabus filii sint, masculique magis dilecti appareant: in qua Decius concludit, filias filiorum non facere deficere conditionem, *dict. consil.* 545. & *consil.* 15. ubi quod nec obstat, *l. cum avus, ff. de condit. & demonstr. l. cum acutissimi, Codic. de fideicom.* quia illæ loquantur, si nulla sit inter masculos & fœminas differentia, quæ hic sit, quoniam & propriæ testatoris filiæ exclusæ sunt. Et quidem, si is, qui conditionem extitisse dicit, ex testatoris est descendentibus, indubitanter has partes tenet: ut & ego facio, alias quæstio difficilis: quod videre apud Decium est: neque nisi multis ex facto adsumptis definiri valet; quod si partem aliquam sequendum est, libens sane in diversam a Deciana discedo: quoniam ea stet ratio immobilis, ne testator successiones alienas propriis anteponeere videatur.

ADD. Sic ubi unus forte non faceret deficere conditionem, si cum liberis decesserit, facit in ista, *si sine liberis*, nam negativa magis negat, ut post alios, Decian. *cons.* 12. Vol. 1. & *cons.* 1. Vol. 2. ubi & de donatione, quod ejus nomine affirmative

prolato non veniret donatio causa mortis, negative, veniret; *gl. in l. alienatum §. ult. b. tit. 2.* Filiorum nomine etiam non veniunt feminae in contractibus: tamen veniunt nomine liberorum; *Bald. Ansb. Alexand. & Dec. ad l. 2. de reg. jur.*

CL. Idem libro nono ad legem Juliam & Papiam.

*Si a te ita stipulatus fuero, QUANTO MINUS A TITIO CONSECUTUS FUERO, TANTUM DARE SPONDES? non solet dubitari, quin si nihil a Titio fuero consecutus, totum debeas, quod Titius debueris.*

### A L B E R I C U S.

Vide notata ad l. 32. & l. 82. Hic notemus cum Alciato, & aliis, fideiussorem non esse eum, qui ita promisit, *quanto minus a Titio consecutus fueris, spondeo.* Sed promissorem indemnitate, qua in observatione non levis, nec unus effectus est; ecce enim fideiussore convento reus non liberatur, *l. ultim. C. de fideiuss.* quemadmodum nec convento mandatore, *l. 23. eod.* nec convento constituyente, *l. 18. ff. de pec. constitut.* aut altero ex duobus reis, *dist. leg. ultim.* at convento hoc promissore indemnitate reus etiam invitatus liberatur, *l. ult. ff. si cert. pet.* ibi, *Sed si cum Sejo*, quam hic Fornerius profert unam ad hanc adferendam definitionem; ratio autem differentiae est, quod fideiussores, & mandatores ut obligati alieno nomine sunt, ita & conveniuntur: ergo aliud illud nomen non liberatur, quod & jam convenitur conventis fideiussoribus, & mandatoribus. Item quia natura constituti haec est, ut maneat simul utraque obligatio, merito non tollitur altera convento constituyente; idque duobus etiam reis contingit. Ceterum iste promissor aliam obligationem sub conditione contrahit: conditio autem si advenit, jam non resumetur, quia haec conditionis natura: & resumeretur, si agi posset contra reum principalem, quasi consequi ab eo possis, cum impletam dixeris conditionem contra me promissorem agendo, quasi consequi ab eo non potueris. Alium effectum Fornerius notat, quem ego non percipio, ut fideiussores habeant beneficium divisionis, promissor pro altero promissore non teneatur.

tur. Si ergo interroger, an promissoribus his idem jus sit, quod fidejussoribus, adfirmarem *ex l. ult. ff. rem pup. sal. fer.* si enim speciali ratione, quæ ibi scribitur; utique in aliis promissoribus contra erit; & vero isti promissores affines fidejussoribus sunt, & fidejussores nominantur; nam & per verbum *fidejubes*; l. 6. ff. de novat. ubi illudque docetur, novationem non fieri; item & effectu fidejussores dici possunt: ut de aliis Rebuffus, quem videris; etsi non sint proprie fidejussores; non enim fidejudent, quod ille solvet, sed quod ipse solvet. In excussionis beneficio omnino hic promissor ex natura obligationis quolibet fidejussore potior, ut licet renunciarit auth. præ sente; adhuc illud obtineat; quod de aliis Rebuffus hic.

CLI. Terentius Clemens libro quinto ad Legem Juliam. & Papiam.

*Delata hereditas intelligitur, quam quis possit adeundo consequi.*

# A L B E R I C U S.

Itaque conditionalis non est delata; & multo minus, testatore nondum defuncto. Sed quando adiri hereditas potest? late disceptatur *ad d. is potest, ff. de adq. hered. & ad l. illud, ff. si pa. hered. pet.* quæ Biturigenfis cornicula induit in suo Africano; & hic interpretes tradunt; si sit aliquod impedimentum ex parte heredis, quia ignoret forte se heredem scriptum, aut lege factum, vel sit furiosus, vel infans, adire non potest, adeoque nec adeundo consequi hereditatem; adeoque nec dicitur delata hereditas. Et ita tenuit Matthesilanus, & cum eo omnes Italiæ Doctores idem responderunt, & ita etiam tenet Jafon *in d. l. is potest, num. 58. & sequent.* additque l. 1. §. furiosi, ff. de succ. ed. Ceterum plerique contra: quibus Alciatus, & Rebuffus, & Bellonus, quem vide *lib. 2. c. 15.* accedit, eo fundamento, quod ignorans potest adeundo consequi, l. Pannoni-  
nus 86. ff. de adq. hered. & infanti, furioso alii adeunt; itaque  
quia sit hereditas delata, non videndum de persona heredis, sed  
tan-



tantum de impedimento respectu hereditatis. Et ego sum cum Alciato. Qui adire vult, is scire debet sibi delatam. Ergo delata sit oportet antequam delata sciatur. Ergo est delata ei, qui ignorat; *quam quis possit adeundo consequi.* ] Scientia mox requiritur, dum adeundum est. Ergo delata, quam cum hoc resciero, potero adire, & consequi; hic sensus. Ergo quam adire non possum, etsi sciam mihi delatam, vere delatam non dicam; finge me incapacem heredem scriptum; non est hereditas delata etsi immo detulerit eam mihi, qui me scripsit heredem. Hoc impedimentum ex parte ipsius heredis nocet. Sed ex parte testatoris, si intestabilis, si irritum fecit testamentum, si hoc falsum sit. Delatam hereditatem esse oportet, ut adire eam possum; sed non id tamen satis; nam scire debeo, si testato, vel ab intestato: & quo jure ab intestato, agnationis puta, vel patronatus: & quo jure ex testamento, institutione, vel substitutione; item & credere verum debeo fundamentum aditionis, quod & verum sit, nam si putem falsum, jam non puto mihi hereditatem delatam, quæ tamen vere delata est: itaque nec adeundo consequor; idem si dubitem; igitur scire debeo si pure sim institutus, vel sub conditione, & quod conditio extiterit; quam partem exsequor *libro 2. de conditio.* item scire debeo, ex qua parte delata mihi sit hereditas, & ex ea mihi adeundum est: alioquin non consequor adeundo quod delatum est, si adeam latiore, totamque hereditatem, sive minorem partem ejus. Hæc omnia interpretes supradicti; qui eadem & de petitione bonorum possessionis, gestione pro herede, mixtionem docent. Additur porro huic legi nostræ in fine, in quibusdam libris, *vel repudiando amittere*; quod Alciatus, Forneriusque probant, & inde alia tractant.

CLII. GAJUS libro decimo ad legem Juliam  
& Papiam.

*Hominis appellatione tam fœminam, quam masculum  
contineri non dubitatur.*

A L B E R I C U S.

Idque proprie etiam si articulus quis præponatur; ut voluit  
Bar.

Bartolus. Ceterum adjecto articulo, non probat Alciatus hic; & ego illum articulum feci masculini generis in leg. 1. sed nec sine articulo ea est nominis proprietas, quæ hic signatur; an enim dicimus, *est pulchra homo est*, cum de fœmina loquimur, ut dicimus, *is pulcher homo est*, cum de masculo loquimur? Et cur Jurisconsultus in l. 38. §. 5. de pœn. *mulier, aut homo*, &c. Sed Alciatus libro septimo Parerg. capit. 7. idem quod nos hic, & dissolvit, quod profertur ex epistola Servii ad Cic. libro 4. *quoniam homo nata erat*; cujus generis & illud Juvenalis est Satyr. 6. *homo sum nata ut peccem*. Disputari tamen in contrarium potest, quia ut ab omni Græco sermone pendet Latina loquela: ut ait Diomedes libro primo, & nos alibi scripsimus: ita & hoc. Græce autem communis generis *ἄνθρωπος*. Ergo & Latine homo; quod & Priscianus scribit libro quinto, & Diomedes libro 1. item dixit Plautus in Amph. act. secund. scen. Sati. *quid hoc est hominis?* & de muliere loquebatur. Et Terentius in Andria, *quid hominis uxorem habes?* item quod notat in Eunuchio Donatus, ut opportune hominem dixerit Terentius de Eunuchio, tanquam incerti sexus; item Tertullianus in libro de carne Christi, Mariam hominem, & matrem hominem dicit; at id idem cum illo Servii perspicue. Sed & quod de Plauto. Donati autem subtilitatem non agnosco; atque ut deus originem hujus vocabuli eam fuisse, usus tamen aliter observavit; itaque quod hic traditur, recipiat eandem expositionem, quam l. 1. & verbum *si quis*.

ADDIT: Hominem te jungemus homini: sorores Psychæ. Apul. Metam. 5. Commune, ut hic, & hæc homo: Diomedes libro primo. Homo masculini generis, teste Phoca grammatico; nusquam enim legitur cum adjectivo fœminino; neque de muliere separatim quicquam dixerit homo. Sed ubi generaliter refertur ad naturam humani generis, ibi sub masculino fœmininum intelligitur. Utrique generi commune, homo; *Capella libro tertio*. Viri nomine non venit fœmina; ita in l. *scripturas Codic. qui pot. in pigno. habeant*. Baldus dicit excludi fœminas. Idem tamen in l. *licet de testi.* non excludi mulieres censet; ut dicunt Moder. in cap. *quoniam de testi.* & dict. capit. *licet*; quod de viris dictum non ratione aliqua speciali in dict. l. *scripturas*; sed propter majorem frequentiam. Sic in l. 1. ubi gloss. de rap.

*rap. virg. Dec. ad l. 2. num. 32. de reg. jur. & contra Bald. in dict. leg. scripturas; videtur concludere: Jafon in l. 1. de leg. sed Baldi opin. comm. ait Cuchal. ad Dec. sed Molin. ait, verum dictum Baldi solum ad effectum & finem; de l. non alias.*

CLIII. TERENTIUS CLEMENS libro undecimo  
ad Legem Juliam & Papiam.

*Intelligendus est mortis tempore fuisse, qui in utero relictus est.*

A L B E R I C U S.

Itaque ea mulier dicitur filium habere, cui mortuæ inventus in utero est. l. 141. sed & patris dicitur fuisse filius, quem in utero uxoris moriens reliquit. Non dicit de filio, aut alio lex, sed generaliter, quia de omni, de quo queritur, id est respondendum; nam & filium nominari audiemus ad l. 164. Et cape non de maturo & perfecto foetu tantum, sed & de concepto, §. *Or licet. Institut. de here. quæ ab int. defer.* quod si nec conceptus sit, tum omnino fuisse non dicetur, §. *plane, eodem;* & hinc illæ species ibi de admittendo vel excludendo nepote, qui velit ad avitam hereditatem ex sua, non patris persona venire; ut venire quidem possit, si vel conceptus vivente avo est; quod contingere dupliciter potest; primam si filius deliberet, & genat interim, moriaturque. Secundum si filius sit exheredatus, & instituto deliberante genat; moriaturque, & institutus mox repudiet; potest quidem nepos succedere jure suitatis transmissio ex persona patris; ut est communis opinio: sed id incommodum nepoti esse potest; itaque ex sua persona velit. Ceterum non potest, tempore mortis avi non fuit in utero. Non sunt hi liberi quantum ad hereditatem. §. hi autem eod. nam in dignitatibus, patronatu, aliis sunt; quæ docuerunt & alii, & Gomefius var. resol. tom. 1. c. 1. Porro tamen hæc legis nostræ definitio declaranda est ex l. 161. & rursus ex l. 231. ubi alia & ad istam legem apta notabimus. Hic illud, quod definitio præfens recte concepta est per verbum *fuisse*; neque enim esse intelligitur, qui est in utero: itaque nec testamentum rumpit, nec

nec alia facit, quæ Alciatus, Fornerius, & alii observarunt. Sed si nascitur, tum demum retro fuisse intelligitur; fuisse filius, nepos, homo, pupillus, aliquis certus; aut is, de cujus ætate quæritur, ut per Alciatum; nam foetus est: cui & alimenta debentur, & propter quem differtur matris supplicium. Cetera per Alciatum, & ad notatas leges sequentes.

CLIV. Macer libro primo ad legem vicesimam.

*Mille passus non a miliario urbis, sed a continentibus ædificiis numerandi sunt.*

# A L B E R I C U S.

Miliarium columna aurea Romæ erat in capite fori sub Saturni ædem, in quo viæ omnes Italiæ incisæ terminabantur, posita ab Augusto, magistro olim viarum, quæ ad urbem ducerent; quæ Dio. lib. 54. Plutarchus in Galba, Suetonius in Othone, Tacitus lib. 1. hist. recensent. Milion in constitutione Zenonis de nov. oper. & Dio. etiam milion dicit; ut ridiculi sint, qui miliarum apud Zenonem cogitarunt Græcis reponere, quod ita Latini scribant. Sed ut ridet Lucianus in lib. de scribenda historia eos, qui propria nomina Romanorum ad Græcam rationem notabant & Cronon pro Saturnino, Phrontin pro Frontone dicebant; & e diverso appellativa Romana pontem, fossam retinebant Græce scribentes: ita nos hic eos, qui miliarium Græcis reponunt. Sed pergo. Tiberius quoque Gracchus dimenso viarum spatio, singulis mille passibus columnas lapideas posuit spatii signa præferentes; ut Plutarchus scribit; & illi lapides etiam miliaria dicebantur, non solum aurea illa in urbe, l. 1. §. 1. ff. de offic. præf. urb. vide monumenta hujus antiquitatis apud Aldum in caruleis, & in Hadrianus, & in Reginum; Sic lapis pro spatio mille passuum in d. l. 1. ff. de offic. præf. urb. in l. 21. ff. de excus. tut. intra quintum & sextum lapidem. Sic enim miliaria designabantur. Strab. lib. 5. Miliarium præterea Catoni, & nostris alibi valis genus.

*Mille passus a continentibus ædificiis.* ] id videri iniquum potest, adeoque æquius, ut a miliario: nam continentia ædificia  
Tom. II. Bbb mi

mirum quam porrigebantur. Quid ergo si Oriculum puta proficisci debet, qui in continentibus habitat ad oppositam partem? Igitur hæc apte capienda sunt; finge igitur in specie *d. l. 21. ff. de excus. & d. l. 1. §. 1. ff. de off. pref. urb.* licet de urbe illic dicitur, quæ immo muro finitur; quia non stricte ita accipitur. Ita cogere; cogito tamen, nam personis omnibus lex commoda esse non debet.

ADD. Milion. C. P. locus. Sæpe in Niceta. Suidas Zonaras; milion mensura terræ, mille passus. Etiam in India singulis denis stadiis lapides positos, quibus diverticula, & distantia indicarentur, ait Strabo lib. XV. In via Latina ad quartum miliarium. Val. Max. lib. 1. c. 8.

CLV. LICINNIUS Rufinus libro septimo regularum.

*Proximi appellatione etiam ille continetur, qui solus est.*

A L B E R I C U S.

Vide notata ad l. 92. & infra ad l. 161. Hic adde, quod si proximus, qui solus, utique & primus, qui itidem solus. Ergo si præmium constituitur primo, qui metam attigerit currentum, feret, qui unus cucurrerit; quod & Panormitanus docuit, & hic tradit Brechæus; at ego non admiserim facile, quia de victoria hic agitur, quæ non est, ubi non est pugna; ut docuit Bartolus ad l. Claudius, ff. qui pot. in pig. bab. Excipio duos casus; primus, si conventum inter plures sit, ut, qui primus attigerit, is ferat præmium: nam si reliqui nolent currere, is feret, qui volet: ut exposui lib. 2. de condit. Secundus, si non in ministro ludi, sed in domino sumus: is enim potest prælibitu dare præmium: dedisset Æneas Dareti. In ministro secus est: nam mens legis, aut ludum constituentis ea est, ut certetur. ADD. Et tamen proximus ex pluribus dicitur proprie, l. 1. §. proximus Und. cogn. Sic verbum, *Continetur*, non significat proprietatem, sed potius contra comm. Eugen. Conf. 100. Vol. 1.

CLVI.

## CLVI. Idem libro decimo regularum.

*Major parte anni possedisse quis intellegitur, etiamsi duobus mensibus possederit: si modo adversarius ejus aut paucioribus diebus, aut nullis possederit.*

## A L B E R I C U S.

Nota quod de nullis dieit: quod est comparativum *major*, nec est ad quod comparetur. Sed quid si nec duobus mensibus; nec uno possederit? Anni partes sunt menses, ut uncia libræ; & mensis quidem unus pars: Ceterum suspicor de duobus non sine ratione aliqua Jurisconsultum scripsisse; atque cum inter omnes constet, spectare istam declarationem ad interdictum UTROBI, quod scilicet, non ut alterum UTI POSSIDETIS, satis habebat quantulo temporis momento. Inst. de interd. in eo major anni pars fuerit duorum mensium, & simpliciter sit ubicunque non collative ad partem, sed ad partem adversarii quæritur; nam collective ad partem omnino major erit sex mensium & ultra; quod & sensus ostendit, & Rebuffus hic docuit de Romano, qui ita capiebat l. 18. §. *Sabinus*, ff. de instr. Or instr. lega. Tamen posset de sex mensibus capi lex, & ita etiam definitio constitui: nam apta similitudo libræ & anni, mensium & unciarum: de libra autem & unciis in proposito Fannius:

*Post hac semissis solidi pars maxima fertur:*

*Nam quod dimidium superat pars esse negatur.*

quod & expono ad l. 164. in §. portionis; ad partem vero adversarii collata pars dicitur major ut hic duorum mensium, quia major pars quæritur parte: hæc autem non minor mense, quia infra non est anni pars: ergo illa major duorum mensium. Ita mihi videtur. Alia ad rem videris lib. 1. de legis. sem. cap. 10. Item quod pars pro subjecta materia aliter, atque aliter constituitur: ut hic notant & interpretes.

CLVII. ÆLIUS GALLUS libro primo de verborum, quæ ad jus pertinent, significatione.

*Paries est, five murus, five maceria est; item via est, five semita, five iter est.*

# A L B E R I C U S.

Unum hoc fragmentum ex illis Ælii libris, qui tamen idem argumentum habebant, quod iste titulus. Varro in libris de lingua Latina sumit de eo plura, etymologiam cæli, terræ, particularum, Diisidii, vulpis, novissimi, aliorum; ait lib. 6. *C. Ælii hominis in primis in litteris Latinis exercitati*, &c. sed hunc puto non Gallum nostrum, at Stilonem, cujus & sæpe meminit; quemque & Varronis præceptorem volunt: ut apud Turnebum legeris; tamen non Cajum, sed Lucium Ælium Stilonem Turnebus scribit. Varro Cajum lib. 4. Ceterum de libris Ælii Galli & apud Festum fragmenta, necessariorum, nex, novalis, postliminii, legis, rogationis, rei, reciperationis, remancipatæ, relegati, religiosi, sobrini, saltus, sacri, stirpis, senatusconsulti, municipis, petra, perfugæ; hos vero libros modo ita nominat, *libro primo significationum, quæ ad jus pertinent*; idem de libro secundo; modo, *libro secundo significationum verborum, quæ ad jus pertinent*; modo, in XII. Signifi. Est hujus & in libris nostris mentio in l. 19. ff. de usur. puto & in l. 77. hoc titulo; nam alibi, ubi Galli mentio, puto de Aquilio quisque capiet. At hæc jam nimis multa, sed memoriz Ælii vix viventi data; adde & quæ diximus ad rubricam: Lex ait, *paries est*, &c. Paries nomen generale ad murem, & maceriam; est maceria paries sine calce, aliave compactione; ergo murus compactus. Et maceria ex omni materia videtur: nam maceria calamina in veteri lapide apud Aldum in *monumentum*, an non a calamis? & monumenta maceris circumdari solita, leges in eo opere pluries. Isidorus maceris longos parietes, quibus vineæ claudantur, dicit lib. 15. Sed quis componet ea Donati in Adelphis? *maceris dicitur paries nunc alicujus de macerata*. Illud utilius quæritur, si quis edificare parietem tenetur, ædificando maceriam liberetur; & definienda quæstio ex constituto pretio est;

est; quod de Accursio hic Rebuffus docet. Item ex loci qualitate; nam iussus hortum, pariete claudere, facilius est, ut de maceria intelligamus: nisi consuetudo regionis aliud indicet; quam & intueri oportet. Quod si omnibus conjecturis circumscriptis respondendum est, utique parietem dat, qui maceriam dat. Apud nos & in muro eadem quaestio esse potest: nam maceriam dicimus nos murum, sed mortuum tamen; quare de maceria non capiemus vocabulum muri, quia maceria non dicitur murus sine adjuncto. Item *via est*, &c. de corpore, non de iure live servitute quaeritur; neque enim est semita in servitutibus, sed iter: & iter aliud est a via in eo argumento, ut explicavi *lib. 2. Lession*. Iter est latior via; semita est angustior via, &, ut ajunt, semiter; iter est latior semita, semita est iter angustius. Ergo retuleris hæc rectius ad interdicta de itineribus publicis, de via publica, de itinere privato; & sane parietum tractatio juncta tractationi de via *l. un. ff. de vi. pub.* Rursus definitionem cape de via, generaliter sumpto vocabulo: nam via specialiter dicitur ex lege XII. tab. cujus latitudo in porrectum octo pedes habet, in anfractum sedecim, *l. 8. ff. de serv. rust. prad.* aut tot certe, quot possit vehiculum ire, alioqui iter foret. *l. 23. eod.* Josephus Scaliger in appendicibus ad Varronem mordet eam legem in XII. quia quod est in porrectum octo, id sit in anfractum vigintiquatuor & septima una: Si quidem ambitus tres dimetientes complectitur & septimam unam. Sed alius est verborum legis sensus; dicit enim, quod viz latitudo octo pedum esse debet, ubi recta itur; at ubi flectitur, sedecim sit; idque propter circumactionem plaustrorum, quæ majorem latitudinem exigit; non tamen tantam, quantam regula geometrica postulat; neque hujusmodi anfractum cogitavit Cajus, anfractum ejus latitudinis, sed anfractum aptum illi flexioni; & ita etiam Paulus rem istam expendit *in d. l. 23.* Ne futor supra crepidam, Scaliger. Si via debeatur, aut viz mentio aliter fiat, in dubio adludemus de ea, quæ specialiter via est; nam verba in specie.

*Sive semita.*] minus quam via. Sic Cic. lib. 1. de div. qui sibi semitam non sapiunt, alteri monstrant viam. ADD. Maceria si ex calce & cæmentis, vel silice ædificetur. Cat. de R.R. *glirarium maceria locus sepitur*; tota leni lapide, aut testorio intrin-



trinsecus incrustatur. Var. lib. 3. de R. R. qui terreus murus vocatur. Idem lib. 4. de L. L. Maceria, paries ex lapidibus sine calce. Lamb. in Trucul. 2. Via iter, quod vehendo teritur; actus, iter in agris, quod agendo teritur. Ambitus, quod circumcumeundo teritur. Var. 4. de L. L. Actus in quo boves agerentur, cum aratur uno impetu iusto. Plin. 18. c. 3.

#### CLVIII. CELSUS libro vicefimo quinto Digestorum.

*In usu juris frequenter uti nos, Cascellius ait, singulari appellatione, cum plura generis ejusdem significare vellemus: nam & multum hominem venisse Romam, & piscem vilem esse dicimus. Item in stipulando satis habemus de herede cavere, Si ea res secundum me heredemve meum judicata erit. Et rursus, Quod ob eam rem te heredemve tuum; nempe æque si plures heredes sint, continentur stipulatione.*

#### ALBERICUS.

Velim videas quæ notavi ad l. 148. *multum hominem*, non memini, legere, sed similia, innumerum militem, multum amictum, id genus alia: cum plura generis ejusdem significantur. Est vero homo genus nostris, l. 37. ff. de Leg. 1. l. 66. § 1 ff. de Leg. 2. Ceterum plures hic significantur vi adjuncti; alibi sine adjuncto, & in altero exemplo *vilem piscem*; cujus ratio ponitur in universon a Prisciano libro quinto quod quæ pondere, vel mensura constant, ea singularia dicantur, aurum, lac, triticum; quæ & latius Varro lib. 7. de lin. Lat. atque ita piscis, quia ita venit; cætur piscis. Priscian. lib. ult. *Item in stipulatione, &c.*] mallet, ita in stipulatione, &c. ut primo proposuerit de frequenti illo usu juris. Secundo notet exempla alibi similia; tertio propositum illum usum ostendat; & vero frequens in subjecto exemplo est; cujus rationem Alciatus de Bartolo recitat, quia unus non est heres in solidum, itaque de uno non plene dicitur, quam non examino diligentius, etsi sciã, ab herede uno non minus defunctum referri, (ut tradunt) quam  
ab

ab una imaguncularum; quæ fracto in speculo me referrent. Sic ergo & si heres dare iussus est, omnes dabunt; & alienare prohibitus, nullus alienabit; et si pax ab herede impetranda est, ab omnibus impetrabitur, cum aliis, quæ hic interpretes tradunt. Et videtur non dubitandum, quin in omni materia verum sit. Idem vero & de aliis quibusdam ipsi illi interpretes observant. Sed & contra, quod pluralis singularem tenet, l. 3. ff. de neg. gest. l. 2. §. ceterum, ff. vi bon. rapt. l. 33. §. ult. ff. de cond. & dem. & Angelus generaliter tradit, quod ubi pluralitas respicit diversos effectus, ibi resolvi potest in singularitates. Interdum singulare plures significat, quam plurale: Veluti si dicas, ibi est piscis; plus est, quam si diceres, ibi sunt pisces; ut docet eruditissimus amicus noster Joh. Drufius *Miscell. cent. 2. c. 48. V. Menoch. conf. 329. n. 2. 26.*

## CLIX. ULPIANUS libro primo ad Sabinum.

*Etiā aureos nummos æs dicimus.*

## A L B E R I C U S.

Etiā scilicet post usum aureæ, & argentæ pecuniæ dicimus æs appellatione antiqua, cum aureus tantum nummus haberetur, immo æs tantum grave; ut hic Alciatus, & alii exponunt, & Hotomanus in *lib. de re numm.* qui tamen *numos* hic legit, non *nummos*; atque inter hæc differentiam tradit, quod numus commune nomen, nummus argentorum proprium; & ita pecuniam numeratam non a numero, sed a numo deducit; sic pecunia numerata in l. 178. sic numerata dicta antequam soleret numerari, sed appendi; sic argentum numeratum factum, & infecto opponitur Liv. *lib. 36.* dos numerata, quæ non in prædiis, sed in numis posita est, Ciceroñi; sic pretium sine numerata pecunia, hoc est numata, ad numos translata, non consistere, §. item pretium. Inst. de empt. nam sine numeratione consistit pretium, l. 9. C. cod. at pecunia non de numis tantum dicitur, l. 178. sic sine numis non est venditio, l. 1. §. sed an sine, ff. de contr. empt. & est sine numeratione l. 2. cod. cum id genus aliis, quæ ingeniosissime aperuit Hotomanus; qui additque, ad exactam

Etiam rationem hæc esse; alioqui persæpe pecunia numerata ad certum numerum redacta; & numeratum pretium; & non numeratæ pecuniæ exceptio. Quod vero de ære hic, idem de argenti vocabulo in Gallia dixerit: ut & Alciatus monet. Ergo loquentes intuebimur, & regiones; a frequentiori argenteorum nummorum usu non dubito, quin & argentarii, & nummularii dicti sint; nummularii à nummis, genere argentariorum; aureos numos. ] aureus numus, qui & solidus dicitur: quod de auro purissimo est: nec auro quicquam est solidius. *Lamprid. in Alex. adi ad rem Hotom. disp. de auro Justiniano.*

ADD. Æs alienum debere dicitur, & qui aureos debet, & qui corium forma publica percussum, quale apud Lacedæm: fuit, quod usum numeratæ pecuniæ præstat. Sen. lib. 5. de Benef. Et sic quoque æs alienum nunc etiam appellatur. Plin. c. x. lib. 33.

#### CLX. Idem libro secundo ad Sabinum.

*Ceterorum, & reliquorum appellatione etiam omnes continentur, ut Marcellus dixit circa eum, cui optio servi legata est, ceteri Sempronio; nam temptat, si non optet, omnes ad Sempronium pertinere.*

#### A L B E R I C U S.

Vide notata ad l. 95. & quod idem de vocabulo *superflui* est, ut ex facto consultus respondit Comensis, & hic recitat Alciatus, cui *optio*. ] optio idem & electio; & ineptus Cujacius, qui diversum somniat in tit. de opt. leg. *temptat*. adfirmantis, sed verecunde: ut alibi notavi; *omnes ad Sempronium, &c.* ] per jus accrescendi, inquit Fornerius; per vim verborum, ut Romanus, & Alciatus censent rectius; quod scripsi ad l. 95. & l. 155. Qua in re utilitas vertitur non levissima: siquidem quod per jus accrescendi habetur, id cum onere accrescit, non quod habetur per verborum proprietatem, sive vim; quæ omnes tradunt *ad l. re conjuncti ff. de leg. 3.* Tractant porro interpretes hic de notis illis notariorum ETC. quæ & in Pandectis est aliquando, in editione Rovillii in l. 5. de naut. *scen. l. Gallus, §. videndum de lib. & post.* quæ utraque Scævola; mirum tamen si & in

& in archetypo Florentino, aut non videtur ille liber sub Justiniano scriptus, qui sigla hæc iussit abesse. Tractant interpretes, quomodo explicandæ sint notæ, & a quo; refert vero brevem Rebuffus interpretum sententiam in priori quæstione, ut possit clausula incepta explicari, non alia; exemplum. *Titius sponse*, &c. explicabit, non *coactus*; rursus, *fatetur*, *debere se Cajo aureos centum*, quos *mutuo ab eo sumpserit*, prout &c. explicabit, *ipse Titius fassus est*; novam clausulam non addet; atque hæc explicatio petetur etiam a consuetudine; item quod expresse ponendum fuit, id non explicabitur, quia eo involucri non tenetur. Item nec explicatio ulla admittitur in his, quæ in scriptis celebrantur: nam scripta non sunt, quæ ita explicarentur, quia legi non possunt; cum id genus aliis, quæ illi docent. In posteriori quæstione concludunt, alium notarium explicare non posse, sive vivo, sive mortuo eo, qui scripsit, nisi mandatum iudicis accedat; item nec ipse scriptor potest, postquam exemplum parti tradidit. Verum hæc satis: nam sunt aliena. ADD. Residui nomine venit totum quod restat; l. 1. *Cod. de her. inst.* l. *unum in pr. D. de Leg. 3.* cum residuo curtis veniunt etiam duæ curtes; quia indefinita in singulari prolata sive circa res, sive circa personas æquipollet universali. V. *Alex. conf. 26. vol. 4.* Qui ait, se recepisse pro residuo, fatetur totum solutum; l. 2. *C. de her. inst. Alex. conf. 35. vol. 2.* Lego illa 400. restantia ex mille, quæ habet frater; legavit 600. frater non habebat nisi 400. non debebuntur nisi 200. l. si servus legatus, §. qui quinque, de leg. 1. nam falsa demonstratio circa substantiam vitiat; non fiet detractio de aliis, quia voluit de residuo. Sic qui ait Titium sibi debere centum, non ait, non debere plus; contra, qui ait debere pro residuo centum. *Alex. conf. 206. ubi & Natta lib. ult.*

## CLXI. Idem libro septimo ad Sabinum.

*Non est pupillus, qui in utero est.*

## A L B E R I C U S.

Pars enim viscerum est, ut ait Alciatus; potius, quia jura pupillis scripta, huic apta non sunt; nam partem viscerum non esse, docui lib. 1. Lætion. *Pupillus est, qui cum impubes est, desit in patris potestate esse aut morte, aut emancipatione*, l. 239. Sed qui in utero est, nunquam fuit in patris potestate, l. pen. ff. de adf. lib. l. ult. ff. de collat. Nec homo est, l. 9. ff. ad Leg. Falc. ut nec possit esse pupillus. Inde vero quod homo non sit, qui in utero est, probatur mihi Alciati, & eorum sententia magis, qui homicidium negant abortum. Sed in non formato, nec animato; ut late tractat Augustinus cap. 8. & seq. 32. q. 2. vide & not. ad l. 231. nam qui conceptum in utero per abortum delevit, homicida diserte dicitur; c. 20. 2. q. 5. si nondum vivificatus conceptus, non est homicida, c. 20. de homicid. Hæc ita se habent: sed si nascitur, utique fuisse dicitur & retro l. 129. & l. 153. & ita datus tutor postumo, si is non nascitur, nec tutor est, nec actione tutelæ tenetur pro administratione, sed negotiorum gestorum; tutelæ, si nascitur, etiam retro gestorum, l. 29. ff. de neg. gest. Atque ita interpretabimur l. 2. ff. de vulg. ubi, quod postumis sit pupillaris substitutio: & quod sit tantum tamen his, qui sunt in potestate: ut hoc posterius accipiamus, vel qui futuri essent in potestate, si vivo testatori nascerentur; nam ut retro fuisse, ita fuisse & in potestate censentur: & illud prius, quod ita demum succedatur, & pupillaris locum habeat, si patus filius sit; quod verissimum ex verbis est, non ex mente tamen: ut Crassus ipse fatetur, qui substitutum defendebat contra Scævola in nobili illa causa Curiana: cujus meminit Cicero lib. 2. de orat. alibique, & alii. Ergo judicatum licet pro substituto fuerit, ut testatur Cicero in oratione pro Cæcinnâ: & in eandem definitionem disputet, & decurrat Decius conf. 227. in casu; tamen quod ex verbis non est, id quod & Alciatus ait lib. 3. de verb. sign. nec descenden-

tes

res testatoris excludentur, ut probat Decius; nec mater, ut per interpretes *ad l. precibus, C. de imp. & aliis subst.* Reliqua huius argumenti videbimus *ad l. 231.*

## CLXII. POMPONIUS libro secundo ad Sabinum.

*In vulgari substitutione, qua ei, qui supremus morietur, heres substituitur, recte substitutus etiam unico intelligitur: exemplo duodecim tabularum, ex quibus proximus agnatus & solus habetur.*

## A L B E R I C U S.

Lege quæ scripti ad l. 92. & 155. ubi habes scilicet explicatum, quod hic de exemplo ex duodecim tabulis disputatur. Modo videndum tantum, qui vulgaris substitutio esse possit cum his verbis, *Ei, qui supremus morietur, substituo Casum.* Accursius vulgari exponit, id est pupillari: nam in pupillari ita substituitur, si ante pubertatem morietur. Et pluribus institutis, ei, qui ante pubertatem supremus morietur; atque hic instituti plures nascituri sint, sed unus tantum natus sit: vel plures quidem nati; sed unus tantum ante pubertatem sit mortuus; utrobique locum dari substituto, quoniam supremus & de uno dicatur, dubium faciebat, quod dictum esset, *qui supremus morientium in pubertate*; neque hic nisi unus ita moreretur. Hunc intellectum non probant alii: nam dixisset J.C. *in pupillari*; nec nocet quod & vulgaris tacita insit pupillari, adeoque propter tacitam illam dicere vulgarem hic potuerit J.C. nam ratio cogit, ut aliter tamen, & de certa, vera, expressa, propria vulgari intelligamus; qua ratione convellitur & alterum argumentum, quod vulgaris item dicatur, quia substitui quilibet potest. At vero si ita de pupillari non interpretamur, qui de vulgari capiemus, quæ sit, si *beres non eris*, vel etiam, *si antequam beres sis morietur*? alii, & Alciatus retinent supradictum casum, de uno tantum nato, & ex vulgari admittunt substitutum, si unicus is ante aditam hereditatem decedit. Ceterum recte Rebuffus tacitam vulgarem & hic ait; in eo inepte, quod speciem ipse ineptissimam ponit. Novitū forte emendarent, & *pupillari* reponerent, tanquam facilis

lappus in vocem & rem valde affinem. Nos illud tutius, quod in verbis obiter, & ad aliud propositum usurpatis requirere exactam diligentiam non debemus; tamen aliter extrico; dico scilicet institutos plures, sed & invicem substitutos, si morerentur, & heredes non fuerint, & ei, qui supremus morietur, adeoque si nullus heres extiterit, substitutum Sempronium. Hic frequentissimus casus substituendi. Jam dicas non natum nisi unum, & hunc mortuum antequam heres fieret; & habes quod quæras a Jurisconsulto, quodque responsum sit. Ita lucidior species; est tamen & altera recta, quam Alciatus recitat: nam pura immo vulgaris est, cum ita scribitur, *Titium, & qui nascetur omnes instituo*, & ei, *qui supremus morietur antequam heres sit, substituo Cajum*; uni enim voluerit Cajum substitutum supremo morientis, vel quod hujus unius tantum partem datam Cajo voluerit, vel quod tacitam substitutionem habere locum inter institutos prius, voluerit, aut etiam hos sine ullo hujusmodi onere instituere. In summa, est & hic vulgaris.

Sequitur in lege alia tractatio.

*Si quis ita in testamento scripserit, Si quid filio meo acciderit, Damas servus meus liber esto, mortuo filio Damas liber erit, licet enim accidant & vivis; sed vulgi sermone etiam mors significatur.*

Hic vulgi usus multis librorum nostrorum, aliorumque auctorum probe constat; quos multos collegit Fornerius; & ego addere plures possum; ulum vero cape & doctorum, non solum imperitorum, ut Alciatus existimavit; & non est hic vulgi nomen quasi vulgarium hominum, sed communiter loquentium. Sic in *l. cum servus, §. scio. Digest. de leg. 1. l. 20. Digest. mand. l. si postumus, §. quod vulgo. Digest. de liber. & post. & alibi pluries*. Ejus autem usus ratio, quod veteres mortis mentionem valde vitarent; ut notatum ab aliis est, & a nobis quadraginta amplius in locis Codicis observatum. Si igitur verba, qua ex usu, congruunt interpretationi, & mens loquentis adhæret, non potest non bona esse Jurisconsulti interpretatio. Et vero mens adesse debet, quoniam verba non magis ad mortem, quam ad vitam referuntur;

tur; *etiam* mors, inquit, significatur; & vita igitur: nam & vivis accidit; & ita, *irritum sit testamentum, quoties ipsi testatori aliquid contigerit*, l. 6. §. 4. ff. de injust. test. *interea aliquid boni acciderit*. Terent. in Andr. & mortem quidem patris significat, ut ait Donatus, sed & is addit, *nota ACCIDERIT etiam pro bono & ab hoc, & apud veteres frequentatum*. Sic usus pro malo. Quod si quis me præcepta de ea mente dispicienda roget; dico, facti quæstionem proponi; in lege hac mors significatur, quia aliter conditio non esset, cum alias aliquid accidere necesse sit. Vel quod ita vulgi sermone usurpatum sit hac ipsa in specie: ut exempla ostendunt, quæ proferuntur. Ait Alciatus, de morte verba intelligi, quod propter generalitatem nullius alioqui momenti essent: & quis esset ille casus, explicari non posset; omnia accidere possunt: ut ait Seneca epist. 89. & verum est. Sed an & mors civilis sufficit? Baldus, de ea non sentire contrahentes, arbitratur; quid alios? mortis nomine an etiam civilis veniat, late interpretes tractant ad l. Gallus, §. *Quid si tantum*, ff. de lib. & post. traduntque non aliter de civili intelligi, quam si hæc per omnia in eo, de quo agitur, naturali adsimuletur: præsentem hanc conditionem, *si quid acciderit* nec in contractibus, nec in testamentis de alia, quam de naturali morte acciperem: quoniam vulgi sermo, quo hæc nititur interpretatio, naturalem tantum spectare videtur; quod tamen ex his, quæ gesta sunt, non verum esse aliquando potest; & verba, & occasiones, & tractatus, & personæ, & in summa negotium totum, quod est præ manibus, & ejus adjuncta omnia considerare diligentissime docet. ADD. Si quid humanitus mihi contigerit. Si Deus aliud fecerit de filio meo: mortem significant. Salic. in l. Publ. 26. Depos. Si quid humanitus advenerit; c. 24. Dist. 86.



## XLXIII. PAULUS libro secundo ad Sabinum.

*Ula verba Optimus Maximusque, vel in eum cadere possunt, qui solus est; sic & circa editum pratoris supreme tabulae habentur & sola.*

## A L B E R I C U S.

Adi ad notata ad l. præced. in prin. Adde vero quod solæ, quæ sunt, dicuntur supremæ, sive aliæ nullæ scriptæ sint, sive invalidæ, vel expugnatae sint; & ita de ultimo testamento dicit Quintilianus decl. 308. ubi & quod primum rectius dicitur, quam ultimum. Prætor autem bonorum possessionem secundum tabulas dat, sed, ut legitur in l. 1. ff. de bon. poss. sec. tab. non omnes tabulas prætor sequitur, sed supremas; hoc est, eas, quæ novissimæ ita factæ sunt, post quas nullæ factæ sunt, adde tu vel invalidæ sunt; supremæ enim hæ sunt, non quæ sub ipso mortis tempore factæ sunt, sed post quas nullæ factæ sunt; licet hæ veteres sint.

Sequitur in lege nostra.

*Pueri appellatione etiam puella significatur; nam & feminas puerperas appellant recentes ex partu, & Græce ταιδιον communiter appellatur.*

Latini veteres dixerunt & pueram genere sæminino, ut observat Nonius de ho. & no. ve. di. Priscianus lib. 3. 6. 10. 11. Simul ut pueras has nocte suspirare crevi, id est, vidi ex Titinio. Donatus in Andria. *Properate vivere puera.* Varro; sed & puerum pro puella, ut hic docet JC. mea puer. Sancta puer. Proserpina puer; ut de Livio Andronico, & Nævio referunt Charisius lib. 1. & Priscianus lib. 6. itaque vindicatus JC. a calumnia Alciati, qui Latinorum neminem protulisse puerum sæminino genere, scribit; & admittunt Fornerius, & alii; nam & feminas puerperas. ] hæc altera probatio; puerpera a puer & pario; parit autem tam sæminas, quam masculos: ergo puer tam de sæmina, quam

quam de masculo; ita pro Jurisconsulto. Sed Alciatus a puera, quali puera pariens; unde nihil pro Jurisconsulto; & non hoc est nugari, ut censet Fornerius: nam quasi ratio compositionis hoc postulat: & vetus commentator Juvenalis puerperam interpretatur eam, quæ primitus parit; & Ifid. lib. 11. puerperæ quæ annis puerilibus pariunt, vel quod primo partu gravantur, vel quod primum puerum pariant; quæ hæc puera est. Sed & Priscianus a puera ducit. Sed Donatus in Andria omnis, quæ peperit, puerpera; & non quod puerum, sed quod filium peperit, puerpera dicta est; & apud veteres puer puellus, puera puella. Atque ita cum Icto cui & nos stemus; etenim propius ad componentia accedimus, si puerperam dicimus quasi puer pariens. Sed JC. & aliam profert probationem, & *Græcæ* &c. ita & Donatus alio loco in Andria: *pueros pro quolibet sexu: ut Græci pueros παῖδας* &c. habet exempla, sed & de Horatio producit, *Dicam Alcidem, puerosque Læda*; item Charisius, *puer in feminino sexu antiqui, ut Græci*. De hujus vocabuli significatione plura ad l. 204.

CLXIV. ULPIANUS libro quintodecimo ad Sabinum.

*Nomen filiarum & in postumam cadere, questionis non est: quamvis postumæ non cadere in eam, quæ in rebus humanis sit, certum sit.*

A L B E R I C U S.

Nomine filiarum venit postuma; & videbatur contrarium, quia nunquam videntur potuisse appellari filiarum; non cum sunt in utero, aut nondum etiam conceptæ; quia quis ita appellat existentes in utero? & quæ nullo modo sunt, quomodo filiarum appellabuntur? Natæ vero a quo appellabuntur? Sicut ergo qui mortui nascuntur, nunquam appellari potuerunt filii: ita & qui mortui nascuntur, *arg. l. 129*. Adde, quod qui filiabus legat, de postuma tum sensisse demum videtur, si mentionem aliqua parte testandi postumæ fecit, *l. 17 ff. de leg. 1*. Contrarium respondet JC. & nec questionis esse dicit; & certe, qui filiabus tutores dat, etiam postumæ dedisse

videtur, quia filiarum appellatione etiam postuma continetur, l. 5. ff. de test. tu. Idem in stipulatione operarum sibi & liberis, l. 5. ff. de op. lib. Idem in conditione si sine liberis, l. Neratius, ff. de man. te. cum aliis, quæ hic Rebuffus, & alii recitant; & ratio est, quia qui vivi nascuntur, retro fuisse censentur; ut vidimus ad l. 153. & definitio legis nostræ obtinet solum, si non ad præsentis liberos respectus habitus sit, sed & ad futuros. Hæc dissolvit ratio rationem contrariam. Et nec nocet d. l. 17. vel quia loquitur secundum ipsius Ulpiani tempora, in quibus patri nihil erat necesse, personas sæminini sexus nominatim exheredare, adeoque nisi postumæ mentio fieret oblivioni data videbatur; ut Alciatus exponit lib. 8. Parerg. c. 13. itaque in testamentis ea lex solum obtineat; & hoc super sit ex jure veteri discrimen filiorum, & filiarum; ut Fornerius, Alciati mentione non facta, tradit. Quæ tamen solutio non placet. Et quod in legatis etiam filiarum nomine veniant postumæ, consuluit Socin. conf. 301. Alii igitur dicunt, quod in legatis non venit postuma, quæ hæc dentur propter merita; adit Alciatus hic, & quia hæreditatem onerant. Quæ solutio efficit, ut in nomine filiorum & filiis postumis idem esset. Rebuffus negat argumentum a contrario sensu illic sumendum, quia contraria legibus lex foret; vel quod etsi non veniat ex testamenti dispositione, veniat postuma tamen ex legis. Ego probo quod hic Alciatus scribit, ut quia non fecerit ullibi mentionem postumæ, nec videtur illi legasse, cujus nec videtur meminisse. Et idem in postumo.

Nec obstant nostra, & aliæ leges; nam exceptio non pugnat cum regula; regulam habet nostra, & aliæ; exceptio in legatis, quia onerant; atque ita male consuluit Socin. & contra d. l. 17. Male etiam consuluit Baldus, & reprehenditur a Rebuffo, quod datus tutor filiabus, quæ tutore indigent, postumis datus non videretur: quoniam verbum præsentis temporis *indigent*; tu contra eundem addas, quod secundum naturam testamenti rectius capitur de futuro tamen. Sit igitur una etiam limitatio ad legem nostram in legatis; alia ne in odiosis obtineat; puta in obligatione ad pacem servandam pro se & filiis; ne postumi veniant, secundum Bald. in c. inquisitioni. de app. nam etsi favorabile immo servare pacem, odiosum tamen respectu se obligantis ad rem tantam; ut hic ait Rebuffus. Verum ergo

ergo non probo hanc Baldi opinionem : quia immo tanta res non est, pacem servare; nec jure cautum, ut tanto quanto natura obligationum & verborum mutantur. Exemplum itaque sit in specie l. 5. C. ad leg. Jul. mai. & similibus. Tandem non obtinet nostra lex, si diversa ratio intercedat; exemplum, ne postumus possit exheredari, quia nullum crimen. Et contra, si quid propter meritum detur, non id postumis, etsi infantibus dari possit, qui voluptati fuerint, Æneæ parvuli. *Quamvis postuma non cadere*, &c. ] postumus enim vel qui natus post mortem, vel post testamentum; at hic *jam* in rebus humanis est. Et postuma proles Virgilio, de qua contendunt Grammatici, ultima, post suum illum Ascanium; quæ alia est postumi significatio: & certa, nam a *post* fit postumus; ut exposuit Cujacius lib. 3. obs. c. 4.

Sequitur in lege :

*Partitionis nomen non semper dimidium significat, sed prout est adjectum : potest enim juberi aliquis & maximam partiri posse & vicesimam, & tertiam, & prout libuerit. Sed si non fuerit portio adjecta, dimidia pars debetur.*

Finge Titio legatum fundum a tali ad tale locum, Sejo eundem ab altero ad alterum locum, mox jussos esse fundum illum partiri, partiarios scilicet legatarios; partitionis nomen hic utique non significabit dimidium, quia expressa ratio partitionis subscripta: a qua propter id verbi recessum non est. Sed si non fuisset portio adjecta, dimidiam uterque caperet; in dubio scilicet partis nomine dimidia; nam dimidia est justa pars totius; ut scripsit Baldus, & hic alii recitant; item certa est pars, unde si dicitur de certa parte solvenda, de dimidia intelligi volunt: & refert Rebuffus, vidisse judicari de dimidia in eo testamento, quo jussus executor est, certam bonorum partem pauperibus dare; quod Alciatus tenere non videtur, qui id vocabuli jungit cum vocabulis illis, *aliqua, quantacunque*; & mihi id quoque probatur; nam certa est aliqua, l. 44. ff. de pact. Sed retine aliam opinionem; itaque de ea; item pars quasi par, & æqualis: ut alii volunt. Atque ita male Alciatus, de qualibet parte dici, credit. Hinc vero plurimæ definitiones, quas Rebuffus colligit;

Tom. II.

D d d

& quod

& quod in pœnis tenet hæc regula, in libellis, in testimoniis, in statutis, consuetudinibus, aliis; sed aliquando tamen nec tenet; ut hic, si pars expressa. Item si subiecta materia aliud suaderet: puta in materia legitimæ filiis debitæ versamur: ea portio alia atque alia erit, nec, nisi quinque filii sint, est dimidia. Sic si de herede dicitur, qui pro quarta, puta, sit heres, & dicitur quod quid possit pro parte; utique de sua quarta intelligemus. Item si ratio idem evinceret & in omni alia parte; ut exemplum Alciatus in emphyteusi, & jure protimiseos recitat. Item si additum aliquod verbum sit, quo & minor significari possit; puta dictum de aliqua sit, quantacunque, similibus: & si dictum est de particula, portiuncula, ut hic per interpretes. Illud valde notandum est, quod si de hereditate agitur, & de una parte, aut duabus, aut pluribus dicatur, de tot unciiis intelligetur, quia unica una pars, duæ uncix partes duæ, &c. sic enim dividitur hereditas; & sexta pars erunt duæ uncix; sex partes semissis erit. Item & illud, quod si pars non simpliciter dicatur, sed certa aliqua, & ea, quæ sit, non inveniatur, non pars, sed totum intelligatur, *l. uxori. in prin. ff. de leg. 3.* ut actus valeat scilicet; quod alii alibi, & Rebuffus hic; per quem & alia videris ad hunc §. Sequitur vero:

*Habere, sicut & pervenire, cum effectu accipiendum est. ]*

Adi ad notata in l. 71. Et regula generalis est, ut verba cum effectu accipiantur, *l. 1. ff. quod quis. ju. l. 1. ff. ne quis cum, qui in jus vo.* Effectus porro non verbo tenus, sed nec momento facti finitur, verum longius excurrit; *pervenisse proprie illud dicitur, quod est remansurum;* d. l. 71. etsi ambiguum alias hoc verbum dicatur esse, solumne hoc contineat, quod prima ratione fuerit, an vero & id, quod durat, *l. 23. ff. de pet. hered.* verbum scilicet in factum sonat, & id venitionem, non etiam durationem significat, & mansionem. Atque ita sane dicitur, ne duratio requiratur, sed momentum sufficiat, *l. 127. ff. de reg. jur.* Verum id doli odio dicitur: ut actio in non possidentem detur, tanquam in possidentem; doli odio; idem & odio metus, *l. 17. & seq. ff. quod met. cau.* rursus durationem tandem exigit d. l. 23. quia de possessione conveniri debet, qui hereditatem cepit: in cujus re aliqua distrahenda cum bona fide, si ne dolo versatus sit, pro ea non potest tanquam possessor con-

ve.

veniri . Sic igitur vindicatione exclusa , *pervenire* dicitur , quod perventum nec duret : Sed si tamen non pervenit ita , ut abire debeat ; ita non dicitur pervenisse , quod est restituendum , nec quod in legata præstatur , l. 2. §. *illud* , ff. de *hered. vel act. ven.* quod evinci potest pulcre , l. 82. in *prin.* ff. de *leg. 1.* at vero si libere perventum , illico abdicetur , alienetur , pervenisse omnino dicitur ; immo & quod necdum pervenit dicitur pervenisse , licet minus plene , si actio pervenit ad illud consequendum , d. §. *illud* , & l. 64. §. 1. ff. *sol. matr.* Vide notata ad l. 143. nam actio dicitur vere pervenisse , non ipsum id , de quo est actio ; nam & nec vere habetur id , de quo actio est . Illud notes , quod secundum subjectam materiam capientur verba hæc aliter , atque aliter ; ut belle Ulpianus docet ad stipulationem *habere licere* , *possidere licere* , in l. 88. §. 5. & §. 6. ff. de *V. O.* ut in persona servi , vel filiiſam . de naturali possessione intelligatur , licet sonet verba juris alias ; idque contra Rebuffum dictum a me sit ; contra quem & illud , quod male notat Alciatum , quasi scripserit , non haberi a patre , quod ad eum per filium pervenit ; nam Alciatus dum scribit ; id haberi , quod ex persona sua habetur , non acquisitiones excludit , sed precarias possessiones . Et habet pater ex sua persona , id est ex jure suo , licet per filii personam . Et dicitur sane ad patrem pervenisse , quod per filium ad eum pervenit . Vide ad l. 171. & l. prox. seq. ADD. ad §. Partitionis . Partiariorum sententiæ eorum &c. ita dimidiam agnoscunt . Tert. de *resurr. car.* Res in dubio dividitur in XII. partes , sicut Hereditas , ita & fundus . Igitur qui duas partes fundi petit , censetur duas de XII. petere . *Bar.* in l. *interdum* , §. *paterſ.* de *her. inst.* Tertiæ , quartæ partis nomine modus partiendæ rei significatur : nisi dictum sit & de prima , secundaque ; quia tunc illis numeris magis scripturæ ordo significatur ; d. l. *interdum* , §. *ult.* & l. *seq. ubi Bar.* 2. Ad §. *Habere* . Si statutum dicit de habente , accipiente &c. intellige cum effectu : non igitur , si a sententia , qua adjudicatur , est appellatum : *Alex. conf.* 36. *Vol.* 4.

## CLXV. POMPONIUS libro quinto.

*Venisse ad heredem nihil intelligitur, nisi deducto ære alieno.*

## A L B E R I C U S.

Nihil scilicet addit articulus *per*: atque ita idem cum verbo *pervenisse*, de quo proxime scriptum: & cum verbo *pertinere*, de quo *in l. 26. in prin. ff. de leg. 1.* Et non de solo ære alieno id est, sed de omni, quod ejus hereditatis nomine præstandum est; pulcre Dec. *conf. 69. Visis, per l. 29. §. 2. ff. de leg. 3.* quod & totum æs alienum hereditatis dicitur scilicet, heredisque, licet non testatoris: cui æs alienum non sunt legata, aliaque, quæ testamento dat ipse; & deductis oneribus, palam ait *l. cogit, §. 1. ff. ad Treb.* Sed nota, quod non semper consideratur, quod impenditur, nam quod conditionis implendæ causa datur, id non facit videri, minus pervenisse, ut propterea contribuat de legato, puta, in Falcidiam, *l. 40. ff. ad leg. Falc.* ut hic notat Alciatus. Idemque dicerem ego, si ita institutus sit, *si decem dederis*; ut non dicatur, minus propter hæc data ad eum ex hereditate pervenisse; nam hæc extra causam testamenti sunt, quæ ita capiuntur, ita dantur. Simpliciter itaque hæc non venisse dici possunt, sed non venisse ex legato, ex hereditate, dici non possunt: alia nec ex legato, nec ex hereditate. Rursus eum eodem Alciato notes, quod tum effectus attendetur, cum non modus perspicitur. Itaque si vestigal pro litis qualitate solvendum ab auctore est, quod petetur, non quod obtineri potest, inspicimus; idem & in jurisdictionis argumento putem, juxta speciem *l. 11. ff. de jurid. ADD.* Verbum, Pervenisse, ambiguum est; continet quod prima fronte fuit, & id quod durat, *l. utrum, de pet. hered.*

## CLXVI. Idem libro sexto ad Sabinum .

*Urbana familia & rustica non loco , sed genere distinguitur ; potest enim aliquis dispensator non esse servorum urbanorum numero : veluti is , qui rusticarum rerum rationes dispenset , ibique habitet , non multum abest a villico . Insularius autem urbanorum numero est ; videndum tamen est , ipse dominus quorum loco quemque habuerit : quod ex numero familiae , & vicariis apparebit .*

## A L B E R I C U S .

Quod de familia , ut genere distinguatur , non loco , idem & de prædiis in l. 198. Sed quid est genus ? an de nato ex urbanis ? juxta l. 210. & hoc , ut ibi videbimus , & genus serviendi , ut patet ex sequentibus ; genus utendi , l. 12. ff. de sup. leg. ubi idem de penu , & supellestile ; opus dixit Paulus in l. 99. ff. de leg. 3. ubi quod ait , *quidam* , Pomponium hunc auctorem legis nostræ intelligere potest , & Labeonem d. l. 12. Et hæc recepta Jurisconsultis sententia est , ut locus non distinguat urbanum a rustico ; unus Neratius de stabulo contra dicit ; quod videbimus ad d. l. 198. nam de familia hic : neque ulla controversia de ea , nisi ex verbo , quod hic est , *ibique* ; quam ut solvat Cujacius , substituit *ubique* ; & id interpretatur ubicunque in prioribus not. ad tit. Inst. de servit. quod & Fornerio , & aliis probatum videtur : sed non Contio . Fornerius etiam , optima ratione defendi utramque scripturam posse , ait . Sed utinam receptam defendisset ! Ego suspicor , quod frequens contingit , ut taxativa intelligi debeat in ista enunciatione , *urbanum non loco , sed genere distinguitur* , & exponi , *Urbanum non tantum loco* , &c. & ita minor erit pugna aliis Jurisconsultis cum Neratio . Vel in dispensatore , aliisque , qui urbani sunt , accipiat hoc , quod subjicitur : nam cum urbani servi sint , ( ut hic per Brechæum ) ad qualitatem immutandam non satis dispensatio rerum rusticarum , nisi & ruri habitet : quia habitatio in urbe fit pars ministerii urbani , quo quantulo retineatur urbani servi titulus . In aliis , qui non magis urbani , quam rustici servi sunt , procedat , ut



ut non loco, sed genere distinguantur: *non multum abest a villico*: de villici, & vilicæ munere Cato de R. R. fundo, & familiæ præpositus est. Colum. lib. 11. is igitur dispensator non multum abest a villico, nam multam partem tenet muneris illius; villicus villæ gubernator. Isid. lib. 9. sed aliquando dicitur villicus qui est dispensator universæ domus, possessionum, & villarum; secundum Tullium; eodem auctore, *Insularius*.] & tamen insula ruri frequentior; quam in urbe: si insula est domus, quæ suo ambitu tenetur; sed tamen vocabulum datum his, quæ tales in urbe sunt: nam quæ ruri sunt ædificia villæ dictæ, l. 211. est insula & pars domus, sed ita tamen a reliqua domo separata, l. prædiis, §. ult. ff. de leg. 3. l. si finita, §. ex hoc edit. ff. de dam. inf. & fingi ita separata insula potest in l. quidam ff. de serv. urb. præ. nam paries ille communis erit, qui pomerium quasi, & ambitum insulæ claudat; vel ad porticum spectarit, quo frontes insularum claudabantur, ut apud Tacit. lib. 15. vel insula appelletur, quæ fuit insula, l. 56. in fi. ff. de adq. rer. dom. vel insulæ demum appellatæ omnes ædes, ut vult Connanus lib. 2. comm. ju. civ. c. 2. Et ita Suet. in Cæs. c. 41. sed & pluries in Pandectis forte quia insulæ in urbe longe plurimæ, scilicet quadraginta quatuor mille, septingentæ & triginta sex: domus aliæ mille, octingentæ, triginta: ut P. Victor nobis enumerat; *ex numero*.] ex ordine, exponit Alciatus; probo: nam & verbo adnumerandi utitur in proposito d. l. 99. de leg. 3. & hic dictum est, insularium haberi numero urbanorum: quod est numerari inter urbanos. *Ex Vicariis*. Cujacius, *ex cibariis*; & ex *sibariis* in d. l. 99. Ego ad aliam conjecturam, qua jus ditetur, retineo *vicariis*; & ajo, quod si hi omnes rustici, & ordinarius rusticus videbitur; si urbani; contra; si mixti, & ille mixtus; neque enim dubito, quin talis esse servus possit.

Sequitur in lege:

*Pernoctare extra urbem intelligendus est, qui nulla parte noctis in urbe est. PER enim totam noctem significat.*

Idem in verbo *abnoctare*, l. 15. ff. de off. præf. & notat Sci-

Scipio lib. 1. *Parerg. c. 32.* aliique omnes hiç. Sic Tertullianus de anima, *Celtas apud virorum fortium busta abnoctare*. Item lib. 2. ad uxor. item de cor. mil. sic, Jovem adulterum, & abnoctantem, Seneca de vi. bea. Illud ego recito, quod Rebuffus de Joanne Andreæ, perfectionem actus hoc verbo significari, sed & continuationem; quod & noster Jurisconsultus dicit, dum dicit *totam noctem*; nulla parte noctis. Ergo si quid detur perficienti aliquid, is totum id facere & perficere debet. ADD. Quisque, quoque, quaque, pro quicunque, quocunque, quandocunque. Prisc. lib. 17. 2. *Pervigilare*; totam noctem vigilare. Pl. Trucul.

CLXVII. ULPIANUS libro vicefimo quinto ad Sabinum.

*Carbonum appellatione materiam non contineri. Sed an lignorum? & fortassis quis dicet, nec lignorum: non enim lignorum gratia habuit. Sed & ritiones, & alia ligna cocta, ne fumum faciant, utrum ligno, an carboni, an suo generi adnumerabimus? Et magis est, ut proprium genus habeatur; sulphurata quoque de ligno æque eandem habebunt definitionem; ad facies quoque parata non erunt lignorum appellatione comprehensa, nisi hæc fuit voluntas, idem & de nucleis olivarum, sed & de balanis est, vel si qui alii nuclei; de pinu autem integri strobili ligni appellatione continebuntur.*

A L B E R I C U S.

Tota hæc lex, & sequens est de l. ligni, ff. de leg. 3. ubi & plenius præsens argumentum tractatur; *materia.*] ex qua scilicet fiunt carbones; nam hæc est materia, ex qua quid fit; ut de Aristotile recitat Seneca epist. 66. lignum igitur; non igitur res apta ad aliquid faciendum venit nomine rei factæ. Sic non veniunt chartæ librorum nomine, non calx venit nomine lapidum, l. librorum, ff. de leg. 3. materiam definit aliter Jurisconsultus in dict. l. ligni; *materia est, qua ad edificandum, fulciendum necessaria est*; de qua minus dubitandum, quod non conti-

tineatur appellatione carbonum, non enim nec apta secundum naturam suam huic factio; igitur, ut explicavi, de alia, quæ etiam appellatur materia: & ad quam respexit hic Jurisconsultus; nam & ad istam *in fin. d. l. ligni*; unde verba huc omnia delata; *nec lignorum: non enim lignorum gratia habuit*; quia ligna sunt, quæ parata sunt, ut comburantur, quod non est carbonem fieri, esseve, nec ligna veniunt, quæ parata sunt ad carbonem quoquendas (vetulle scriptum: unde festivum illud Ciceronis in coquum, Et tu quoque aderas) & conficiendas. *Es magis est*, &c.] nam habent nomen speciale; sic pacti nomine non venit contractus nominatus; quæ scilicet exiti communem appellationem, ea non facile continetur; & hæc ratio ponitur *in d. l. ligni*. Item quia nec simpliciter ligna, sed cocta, sulphurata, &c. item quia non ordinaria ad comburendum, quod requiritur, ut ligna dicantur; sulphurata ad incendendum, faces ad lucendum. Eadem vero ratio ad sequentia vocabula. Ceterum quæ differentia inter nucleos, & strobilos? & strobili cur continentur appellatione lignorum, quibus speciale nomen est? vereor; ne transposita verba sint, & ita restituenda putarem, *nisi hæc fuit voluntas; de pinu autem &c. idem & de nucleis &c.* retenta vero communi littera, differentie ratio sit inter nucleos & strobilos, quod nuclei non uni tantum rei, ut comburantur, strobili huic uni; quæ ratio & in eadem lege scribitur; & ego melius ab interpunctionibus illam partem sic scribo, cui ligna legata sunt, ad eum ligna pertinere, quæ alio nomine non appellantur (veluti virgæ, carbones, nuclei olivarum) quibus ad nullam aliam rem, nisi ad comburendum possit uti. Sed & balani, vel si qui alii nuclei; quos scilicet junges nucleis olivarum, & aliis, quæ proprium nomen, & alium usum. Et strobili a sulphuratis præterea, aliisque discernitur, quod illa facta talia arte, & ab homine: itaque videri potest voluisse ea eximere a communi appellatione, dum exemit a communi sorte; alia ligna, quæ a natura habent illam ardendi qualitatem, ut ipsa ligna de pinu, non exhibunt lignorum appellationem, nisi seposita sint, adeoque facto aliquo de voluntate diversum constituyente conjici possit. Hæc summa, ut quidquid comburendi causa paratum est, id sit lignum, & ita editum boum paratum volu: nam & alii usui alias; vel quod ad aliam rem nullam aptum;

aptum: nam tum a natura paratum est. Sed quid est, quod parata ad carbonem non sunt carbonum nomine; parata ad ligna sunt ligna? d. l. ligni, & hac nostra; ratio est, quoniam nulla alteratio in lignis faciendis, ut in faciendis carbonibus est; hinc sylva non cedit legato lignorum etiam destinata lignis faciendis, quia alteratio.

ADD. de lignis carbonem coquito. Cat. de R. R. neque fumosa erant, & bene ardebant. Id. Stipula crassa ut utantur vice ligni. Plin. lib. 17. cap. 4. Palmæ nucleis pro carbonibus fabri utuntur. Strabo lib. 16. Materie causa reliquas arbores natura genuit. Plin. lib. 16. capit. 13. Materie omne lignum, quod aliquid ex ea efficiatur. Isido. lib. 19. Hinc materia apud Cæl. & alios.

#### CLXVIII. PAULUS libro quarto ad Sabinum.

*Palis & perticæ in numerum materie redigendi sunt; & ideo lignorum appellatione non continentur.*

#### A L B E R I C U S.

Cape materiam, ut definitur apta ædificando, fulciendo; quod recitavi in lege præcedenti; atque, palos, perticasque probe vides in numerum materie redigendos: & nec ligna esse: quia nec paratos ad comburendum. Sed quid triti verustate? hi adhuc nomen retinent, sed quoniam ad nullam rem præterea boni, quam ad comburendum, lignorum nomine venient, ut strobili.

#### CLXIX. Idem libro quinto ad Sabinum.

*Non tantum in traditionibus, sed & in emptionibus, & stipulationibus, & testamentis adjecto hæc, UTI OPTIMUS MAXIMUSQUE EST, hoc significat: ut liberum præstetur prædium, non ut etiam servitutes ei debeantur.*

#### A L B E R I C U S.

De hac hujus clausulæ vi diximus ad l. 90. l. 126. Hic illud noto, quod in traditionibus certior ea vis tenebatur, quam  
*Tom. II. Ecc in*

in reliquis; & ratio esse potuit, quoniam traditio sit executio præcedentis contractus: itaque quod contractu comprehensum non fuerit, id nec executione comprehendatur; hoc enim est, quod dicitur, verba adjecta in executoriis non mutare obligationis substantiam. Dec. *consil.* 305. & 470. in emptionibus, & stipulationibus potuit contrarium credi; quia, servitutes non deberi, id est citra istam adjectionem videbatur: ut dixi ad d. l. 90. in testamentis, per quæ res omnino traditur, qualis est, operabatur adjectio satis, ut immo libera traderetur; nisi illud dixeris, latiore fieri interpretationem in testamentis, quam in contractibus; adeoque debere amplius aliquid, quod & verba ferant. Et hinc est, quod usufructu legato, & aditus debetur, & quicquid alterius servitutis, sine quo uti frui legatarius nequit. l. 1. ff. *si usufr. per.* usque adeo, ut nec valeat, si contrarium ipse testator mandarit; eodem id, quod in contractibus non fit. Quod ergo de testamentis hic scribitur, id in non necessariis servitutibus intelligitur: de contractibus accipietur in omnibus; aut quid est? nunquid est singularis in usufructu? id videtur: quoniam hoc est uti frui, posse ad rem pertingere, aliaque habere, sine quibus uti frui re non possumus, in qua usufructus constitutus est. Sed Siculus Flaccus, relatus Fornerio, his verbis, *ita ut optimus sit*, & iter, & ductum aquæ comprehendit, dicit; quod ego non satis extrico, nec extricavit Fornerius. Ergo tu cogites. ADD. Vide Brisson lib. 6. Formular. p. 502.

CLXX. ULPIANUS libro trigesimo tertio ad Sabinum.

*Heredis appellatione omnes significari successores, credendum est, etsi verbis non sint expressi.*

A L B E R I C U S.

De eodem argumento expositum supra ad l. 65. & ad l. 70. *Successores.* ] id est bonorum possessores, item fideicommissarii, non solum qui heredes dicuntur; nam bonorum possessores venire nomine heredis, dictum est ad l. 138. & fideicommissarii esse.

effectu heredes, l. 5. ff. *quod cum eo*, l. 44. ff. *ad Treb.* quod exponitur, & verum est, si eadem tamen ratio in fideicommissario sit; item alii, qui titulo universalis succedunt: ut scripsi ad d. l. 65. Vel etiam secundus, tertius, & deinceps ceteri heredes, sive heredes heredum, sive substituti testatori, omnes heredes appellantur: eod. Cape. vero in materia indifferenti & de extraneis. In quo reprehensus est Speculator, qui descendentes tantum admittit in testamentis: ut per Dec. *conf.* 294. in *testamento*. Sed Speculatoris opinionem tamen alii tenent, si dictum de masculino herede: ut hic per Brechæum. Et verissima est, si absurdum vitabitur etiam; ut alii, & idem Brechæus. Sed quid de his, qui nec ex testamento, nec ab intestato sunt heredes? qui bona adierunt libertatum servandarum gratia. Bald. in l. 2. C. *de testam. ma.* Item fiscus, sive ex successorio edicto, sive ex confiscatione. Nov. 1. Et quidni isti etiam significantur? de successore singulari vide ad l. 219. & quæ jam tradidimus ad *dist.* l. 70. *vide l. id tempus*, §. *fin.* & l. *quadam*, §. *nihil de usuc.* per quas ill. quod impropriissime legatarius veniat nomine heredis, ait Alexand. *conf.* 9. *Vitis. num.* 10. Vol. 2. Alii; & Jaf. ad l. 1. *de leg.* 1. sed non est impropriissima; nam quæ est impropria? item impropriissima quæ sit, docet Alciat. *lib. de V.S.* heredis nomine non venit institutus in re certa; verior opinio, quam sum solitus sequi. Alex. *conf.* 6. vol. 5. hæc est veritas. Molibi. Et hæc scilicet lata verbi significatio, nec non propria; tamen pro subiecto argumento variabitur; nam quandoque pro liberis tantum l. *ex facto* §. *ult. ff. ad Treb.* quandoque pro filiis & nepotibus §. *emphyteusis in Auth. de non alien.* quandoque pro filiis; l. *si quis Titio ff. de usufr. accr.* §. *nos igitur in Auth. de rest. fid.* quandoque pro filio masculino, §. *pen. de alien. feud.* quandoque pro scripto, d. l. 70. ubi & duæ aliæ limitationes. Item in l. 227. ubi de hoc postremo videbimus; & quidquid erit nobis reliqui in hoc argumento.

ADD. Heredibus, & successoribus; illi de jure civili, hi de prætorio, Alex. *conf.* 27. *lib.* 5. Ad quoscunque heredes, si in materia transmissibili ad quoscunque: etiam si dictum sit, suis heredibus, l. *stipulatio ista*, §. *si quis ita de V.O.* alii: Alex. *conf.* 9. Vol. 2.

## CLXXI. POMPONIUS libro sexto decimo ad Sabinum.

*Pervenisse ad te recte dicitur, quod per te ad alium pervenerit; ut in hereditate a liberto per patronum filium familias patri ejus adoptivo adquisita responsum est.*

## A L B E R I C U S.

Et tamen illud proprie dicitur pervenisse, quod est remansurum, l. 71. at dissolutus obex est ad l. 140. Vide in idem argumentum notata ad l. 164. in fi. & ad l. 165. Nunc exponamus, quod hic proponitur. Nec per momentum filios. acquiruntur: nam statim patri acquiruntur, l. 79. ff. de adq. hered. quomodo igitur dicitur ad filium pervenisse? an igitur idem & de servo, ut ad servum pervenisse dicatur, quod domino adquisivit? Idem de utroque, videtur, statui oportere; tamen ego aliud puto, quia persona servi nulla, & domini persona est, quæ attenditur, si sibi queri per servum possit, & si capax servus est acquisitionis; quod in filiosam. non est. Sed nec in filiosam. est; quando aliter de voluntate constare videtur: puta, jussus est pater filio restituere, ita ut ad eum perveniat; nam restituet filio suæ potestatis facto l. 19. ff. ad Trebell. luforius alioqui actus.

## CLXXII. ULPIANUS libro trigesimo octavo ad Sabinum.

*Liberti appellatione etiam libertam contineri placuit.*

## A L B E R I C U S.

Item patronam appellatione patroni, l. 52. & servi nomine ancillam, l. 40. §. 1. Hæc porro definitio tum obtinet, cum verum est, masculino fœmininum contineri; qua de re dico ad l. 195. Et ad libertam quod attinet, vera utique definitio est in materia indifferenti, puta bonorum successione, & præstatione earum operarum, quæ fœminis communes & viris. Si enim  
agi-

agitur de operibus virilibus eo tractatu procul dubio non continebitur liberta nomine liberti. Præterea & secundum antiquum jus erat aliqua differentia etiam in his, quæ sunt indifferentia, ut hic observat Fornerius, & declarat Cujacius emendatis verbis Ulpiani tit. ult. fragm.

CLXXXIII. Idem libro trigesimo nono ad Sabinum.

*Collegarum appellatione hi continentur, qui sunt ejusdem potestatis.*

### A L B E R I C U S.

Vide notata ad l. 85. Hic notes cum Fornerio, quod Jurisconsultus generali *potestatis* appellatione usus est, neque de magistratuum potestate sola cogitavit; sed de omni eorum, qui lecti sunt simul; & hæc enim nominis collegarum significatio; sic tutores collegæ, l. 1. ff. de mag. conv. sic provinciarum præsidēs collegæ, l. 7. ff. de cust. & exhib. reor. quia lecti scilicet ad parem potestatem; & hoc enim simul dicitur, non quod eodem tempore: alioqui collegæ forent præses, & miles, si eodem tempore legerentur; & non nocet, quod diversisque provinciis præsent, nam idem imperii corpus tamen; sic etiamnum dicerem tutores collegas, etsi unus Italicas, alter Provinciales res curet; quod si & diversa imperia forent, non dicerentur collegæ; pone in præsidibus provinciarum Galliæ, & Angliæ. Verum si *ejusdem potestatis* sunt collegæ; & qui sunt tales, non est alterius in alterum potestas; quomodo consul apud collegam manumittit? ff. de offi. consul. hæc manumissio sic procedit in consule, quod alternatim fasces, hoc est potestatem habeant, aut etiam exercebant; quod non facit esse non ejusdem potestatis: siquidem non plus habebat unus, quam alter; alias apud eum, cui par imperium, non manumittitur; l. 14. ff. de manumiss. nec prætor apud collegam; l. 18. ff. de ma. vind. Vel non prohibetur causæ adprobatio apud collegam; immo fieri sic debeat: manumissio prohibeatur; quod vult Cujacius lib. 7. obs. c. 17. ubi & rationem scribit, cur dari tutor collega a collega possit, l. 19. ff. de tut. & cur. dat. &c. Sed inepte omnia; ait,

ma-



manumissionem esse jurisdictionis, non dationem tutoris; tu die in magistratu municipali tantum procedere, ut dari tutor possit a collega, nam a præsidente datus videtur; vide notata ad l. 57. Item nec facit non ejusdem potestatis diversitas ordinis; sic l. 6. ff. de decur. l. 9. C. eod. l. 7. Codic. de prez. sacr. scrip. Alias collegæ, qui iisdem creati auspiciis; & ita prætores collegæ consulum Ciceroni, Plinio, ut per Cujac. in Nov. 13. Sequitur in lege nostra:

*Qui extra continentia urbis est, abest; ceterum usque ad continentia non abesse videbitur.* Ratio exposita in l. 2. l. 87. l. 139. & l. 147. Sed is unde non abest? utique a Roma; ab urbe abest; sic Pompejus ab urbe aberat, tamen in sub-urbis erat, & abesse, dicitur a Cæsare lib. 1. de bel. civ. Sic igitur ex eo, quod adponitur, quæstionem intelligimus: nam aliqui absens generaliter definitur, qui non est ibi, ubi petitur; quod videbimus ad l. 199. Refert vero hanc legem Cujacius ad tutelæ, lib. 8. obs. c. 24. Ego generaliter apto omnibus, quibus potest. Sed quid ni etiam & magistratibus, qui ab urbe nequibant abesse? l. illud ff. de off. pref. Neta vero, quod articulus usque; capitur inclusive, & sic oppositum est extra.

CLXXIV. Idem libro quadragesimo secundo ad Sabinum.

*Aliud est promittere, furem non esse, aliud furto, noxae solutum; qui enim dicit, furem non esse, de hominis proposito loquitur; qui, furtis, noxae solutum, nemini esse furti obligatum promittit.*

### ALBERICUS.

Erronem non esse, fugitivum non esse, furtis, noxae solutum venditor servi promittere solebat; quod tabellis emptio- nis, sive auctoritatis comprehendebatur; ut de Seneca cognoscere decl. 6. lib. 7. & furem non esse: ut hic indicat Jurisconsultus; & sanum (id in herede non tenet, l. 45. §. 1. ff. de leg. 1.) esse: ut apud Varronem lib. 2. de R. R. in fi. quæ & notata in l. 31. & seq. ff. de evict. ubi pulchra illa quæstio, quod inutilis earum

earum rerum stipulatio videri potuit, quia vel impossibilis promissio, si res aliter se haberent, vel frustra, si haberent se ita; utilis tamen promissio adseritur, quia in id, quod interest, exponitur; quod & præstandum fuerit, etiam si promissum non sit præstari; ne scilicet inutilem promissionem dicamus, quod notes; item & quod de impossibili dictum est: nam & ita solvitur argumentum eorum, qui promissionem casus fortuiti inutilem dicunt, quoniam rei impossibilis sit promissio, quando fieri non possit, ne ille casus contingat, aut fortuitus non est, hoc vis majoris; neque enim id promittitur ne contingat, sed si contingat, quod non allegabitur, quominus contractus, & pacta servantur; adi. Jaf. *ad l. 3. ff. si quis caut.* Videndum tamen est, quomodo promittatur, quod per naturam fieri non potest; nam si promittitur ipsum unum, promissio non valet, l. 35. ff. de verbor. obligat. itaque si nec in venditione servi, sed ipsum hoc unum promittitur, *furem non esse*, & sit, inutilis promissio videri possit. Tu cogita; nam rectius opinor distingues, ut naturaliter impossibilia nec obligent vel in venditione promissa, l. 8. C. de contr. stip. De noxa cavebatur etiam in animalium venditionibus, boum, juvencorum, asinorum, equorum, porcorum, canum: ut apud Varronem, qui in ovium & caprarum non meminit noxæ; tamen in arietum tenendum est, l. 1. §. 1. ff. de noxa. act. & cujuscunque animalis juncta l. pen. ff. si quad. pau. sec. dic. quod noceat: nam a nocendo noxa; quam a pauperie ita distingo, quod noxa sit sine commodo nocentis, & in hominem, vel animal; injuria hominis est propria damnum generale nomen. Ast redeo ad formulas. Ex interponebantur cum mancipio dabatur, quod vendebatur: alias dupli cavebatur, aut, si libebat, simpli. Varro eod. Erant res quædam, quæ mancipio dabantur, ut servi, boves, equi, muli, asini: quædam, quæ non mancipabantur, quæ aut non domabantur dorso, collo, ve, aut etiam domabantur, sed bestiarum, non pecudes erant, ut cameli, elephanti. Ulpian. *fragm. tit. 19.* ut canes, qui nec domantur, l. 2. §. 1. ff. ad Leg. Aquil. dic. & porcos, etsi hi pecudes, quia non domantur tamen. Sed etsi viderim ego canes ita domitos Antuerpiæ, ut onera gestent, & trahant, tamen, quia bestiarum sunt, non magis sunt mancipi, quam elephantum, item leones; qui & eo ducuntur. Ait ibidem Varro, peculium ac-

accedere solere venditionibus fervorum ; quod est contra *l. 3. ff. de evict.* quæ nec fert , ut in rebus Mancipi , dupli non caveatur , sed in aliis . Ceterum hoc posterius sic exponetur , ut res Mancipi dari possint Mancipio , ut ab eo qui Mancipio habet ; & nec Mancipio , ut ab aliis prius non extrico , nam scio Varonem illic depravatum . *De hominis proposito loquitur .* ] Sed hoc est , quod furtum non fecerit , *l. 31. §. 1. ff. de æd. ed.* quæ non satis explicat , an & de futuro obligetur promissor ; & videtur , non obligari , quia si fecit , id sciri potuit ; at si faciet , quis noverit ? tamen quod de proposito lex ait , putes , & de futuris obligabitur ; & putant etiam alii . Cogita : nam fugitivus actu aliquo adsumptus : quod videbimus ad *l. 225.* itaque & fur ; præterea dixit , *furem non esse* , nec adjecit , *neque futurum* ; vide ad *l. 69.* Item dum promittitur , *sanum esse* , non est de futuro promissio . Sic ait , *comperisset quod non esset sanus* , *l. 31. ff. de evict.* ergo idem de aliis , quæ eadem formula comprehendere solent ; & videtur lex nostra differentiam facere inter non obligatum , & obligatum . Illud probe interpretes , quod quominus fur censeatur , non efficiet venditor , qui sibi furtum fecisse contendat se volente ; adeoque nec furtum , nec furem esse : quia propositum servi furari volentis hic attenditur , non domini excusantis ; id faciet solutum . Et hæc posterior stipulatio in futurum certe non obligat , *l. 3. ff. de evict.* Sed alia hujus argumenti ad *l. 200.*

CLXXV. POMPONIUS libro vigesimo secundo  
ad Sabinum .

*Faciendi verbo reddendi etiam caussa continetur .*

ALBERICUS .

Omnisque omnino faciendi : ut audiemus ad *l. 218.* Sed hic exemplum præterea , in quo potuit & præterea dubitari , quoniam ut faciat : quia dat ; non id tamen est reddere ; & hinc dubitatum , si verbo simplici significetur & compositum , ad rubr. ff. sol. matr. & si composito simplex ; vide ad *l. 94.* hic & compositum simplici continetur , quod simplex nec expressum est , sed ipsumque continetur . Et vero videri potuit , contra quam est defi-

definitum : nam & diversæ species stipulationum dandi , & faciendi ; l. 2. ff. de V. O. Attamen generaliter sumpto vocabulo id est , quod hic dicitur , & ea generalitas proprietatem habet , nam habet veritatem , siquidem vere facit , qui reddit .

CLXXVI. ULPIANUS libro quadragesimo quinto  
ad Sabinum .

*Solutionis verbo satisfactionem quoque omnem accipien-  
dam placet ; solvere dicimus eum , qui fecit , quod facere  
promisit .*

A L B E R I C U S .

Scribe *placET solvere* pro *placet* , & *solvere* . Adi ad nota-  
ta in l. 47. ubi cognosces , quod propterea hic dicitur *quoque* ,  
quia videbatur verbum ad numerum solutionem referri . Ex hac  
legis nostræ definitione sunt illa , quod licet strictè cautum sit ,  
ne alia exceptio quam solutionis opponatur ; cuiuscunque tamen  
liberationis exceptio opponi valebit . Item si quis se solvisse di-  
cat , & probet se acceptilatione liberatum , rectè dicit , l. 16. ff.  
de accept. utque consuluit Baldus conf. 437. *Factum* ; lib 4. & se-  
quitur Ripa , & Rebuffus , apud quem & alia . Ego in lingua La-  
tina probo , sed & in nostra Italica admitto , & in articulis :  
super quibus interrogatur pars verbis vulgaribus & in proposito  
*se ha pagato* ; quod verbum ad nummorum solutionem non ma-  
gis refertur , quam solutionis : siquidem ad satisfactionem refer-  
tur ; hinc , *io son pago* , mihi satis est factum . Latam porro  
hanc verbi vim ita quidam accipiunt , & defendi eorum opinio-  
nem posse Alciatus contendit , ut & procurator ad solutionem  
recipiendam datus possit confessione de recepto reum liberare ;  
quod ego refutavi ad l. 47. & sane si hac confessione continetur  
donatio cum de solutione non appareat , id mandasse dominus  
non videbitur : quia donare est perdere . Alciatus minus acute ,  
quod immo hic non perditur , ubi contra procuratorem actio est :  
quam si ejusdem inopiâ inanem facit , id mino imputetur re-  
ctius , qui talem elegit procuratorem , non debitori , qui bo-  
nam fidem secutus satisfecit . Nam aut potestas donandi conti-

Tom. II.

Fff

ne.

netur mandato, aut non continetur: Ergo non recte ita factis fit, continetur? Ergo quæ actio superest contra procuratorem? Ecquid præterea imputetur domino, non debitori, qui non procuratori solvit: non enim in eo est procurator, in quo non est mandatum. Quod vero subdit, fieri duriores debitoris conditionem, si veram solutionem probare debet: id & inane est; nam & in aliis fit deterior conditio ejus, qui cum procuratore tractat: & tamen ex necessitate hoc munusstat; cum præterea cavere sibi debitor optime possit cancellatione instrumenti, redditione apochæ, vera solutione coram Notario facta, quid optet valere confessionem sibi, quam non melius probare poterit, quam numerationem? *Solvere*, &c.] qui acceptilatione liberatur, solvit, quia Aquiliana stipulatione promissio stat. At solvere proprie quod est ligatum. Ergo si aliud, id nolente creditore, nec est proprie solvere; itaque nec id poterit procurator. ADD. Solutionis verbum largissimum cogi adjecto nomine pecuniæ, ad pecuniam; nec tum referri ad alium actum liberationis vel fidei solutionis, ut novatio est, delegatio, &c. Alex. conf. 95. Vol. 3. & Barb. conf. præced. cessio in solutum vim solutionis habet, si scilicet recipitur, quod debebatur. Qui habet potestatem recipiendi solutionem, non potest novare, recipere delegationem. Alexan. eod. 2. Confessio de recepto post dies 30. æquiparatur veræ solutioni. Alexan. conf. 9. Vol. 3. Alciat. hic; & alii, quos colligit Tiraq. Vide plura d. consil. 90. & ibi Molin.

CLXXVII. Idem libro quadragesimo septimo ad Sabinum.

*Natura cavillationis, quam Græci ~~ovpitur~~ (id est acervalem syllogismum) appellaverunt, hæc est, ut ab evidentibus veris per brevissimas mutationes disputatio ad ea, quæ evidentibus falsa sunt, perducatur.*

A L B E R I C U S.

Eadem in l. 6. de reg. ju. quod reprehensum a Cujacio est. Sed si ea est natura cavillationis, utique est cavillatio, quia natura rei res; & hic igitur definitio forit; nec definitiones

ab hoc titulo alienæ; *vide notata ad l. 24.* Sorites est cavillatio, quæ ab evidenter veris per brevissimas mutationes ad evidenter falsa perducit disputationem. *Natura cavillationis ejus quam Sc.*] non omnis cavillationis: nam non omnis cavillatio dicitur sorites, quia cavillatio est omnis falsa argumentatio. Sic l. 233. docet, & nos videbimus. *Græci aspirant.*] acervalem Latini. Cic. in *Lucullo*, & lib. 2. de div. captiosum genus uno addito grano, inquit. Soritas cumuli accessibus aggerans. Capella lib. 2. Ubi incipit beneficium stare, si patri do, & matri, & avo, & avunculo &c. loquitur Seneca lib. 5. de benef. de beneficio dato filio, ut non propterea dicatur datum patri &c. quia ipse filius capax beneficii; & pater contingatur, non obligetur; pergit. Sorites enim ille inexplicabilis lubeat, cui difficile est modum imponere, quia paulatim subrepat, & non desinit serpere; exemplum in jure, & in hoc titulo. Unus non facit familiam, nec duo, an nec tres? Item, Unus, non facit collegium, nec duo, an nec tres? hic acervalis; vide alia ad l. 85. Fornerius aliarum cavillationum exempla congerit. Alciatus sophisma pro sorite legit, & sophismatis exemplum profert. Brechtæus itidem legit sophisma & reprehendit. Jurisconsultum, quia sophisma non sit tale, quale hic describitur. Est ergo sorites; & sorites legitur in Florentino. ADD. Utides & soritæ sunt cavillationes quædam. Suidas, qui de Utide Homericò scripsit sine ulla juris cavillatione; l. 85. de cond. & dem. Cavillatio jocosa calumniatio. Fest. cavillantur, jocantur. Cic. lib. 3. de na. Non. Sophismata apertissime Cicero vocat cavillationes; multi tentaverunt illis nomen imponere, nullum hæsit. Sen. ep. 109. Cavilla, id est, Sophismata, apud Capell. lib. 18. Pellex Soritas cumque sensum congeras; & Chrysippus cumulat, proprium consummat acervum.

## CLXXVIII. Idem libro quadragesimo nono ad Sabinum.

*Pecunia verbum non solum numeratam pecuniam complectitur, verum omnem omnino pecuniam, hoc est omnia corpora; nam corpora quoque pecunia appellatione contineri, nemo est, qui ambiget.*

## A L B E R I C U S.

Vide notata ad l. 5. non solum numeratam pecuniam, id est, non solum numos: ut bene exponit Hotom. & ego retuli ad l. 159. & sic pecunia numerata numi soli in l. 95. ff. de leg. 3. pecunia nummaria, in l. 11. §. 2. ff. de arbi. a numi specie, quæ nummus; ut exposui; omnem omnino &c. ] ratio dicta est, quod pecore omnis veterum substantia staret; quare notes, usum subrogasse huic vocabulo, ut fecit aliisque, telo, tabernæ; quod frater Scipio in libro Originum scripsit; & ego dicam ad l. 183. nam corpora quoque &c. ] immo & jura quoque quod videbimus ad l. 222. & quicquid reliqui hujus argumenti.

Sequitur in lege.

*Hæreditas juris nomen est, quod & accessionem, & decessionem in se recipit. Hæreditas autem vel maxime fructibus augetur.*

[*Juris nomen.*] Sic hæredes juris successores; l. quosiens, §. hæredes, ff. de hæred. inst. Sic non proprie pars hæreditatis in una re intelligitur, l. 14. ff. si quis om. ca. test. Sic dicitur sine ullo corpore juris intellectum habere, l. 50. ff. de hæred. pet. etsi nihil corporale est in hæreditate, l. 3. §. 1. ff. de bon. poss. & hæreditas rerum est, quæ in jure consistunt; ut declarat l. 1. ff. de divis. re. & hinc non est actio contra venditorem hæreditatis, si nihil in hæreditate est, l. 1. C. de evict. l. 2. ff. de hæred. vend. & de nihilo dicit etiam Alciatus ad l. 119. & idem alicubi Angelus. Et notes, quod sunt & alia quædam nomina juris, ut  
dos,

dos, peculium, quæ tamen sine corpore aliquo, aut certe actione non sunt; quod acute observat Alciatus ad l. 119. ubi & recensui; illuc adi; *vel maxime fructibus augetur.*] nam & partus ancillarum augent: qui non sunt in fructu, l. 27. ff. de pet. hæred. verum & causæ augent, l. 26. eod. quanquam fructuum nomine hic utitur forte JC. in stricto significato, quo usuræ non continentur, mercedes, pensiones, vecturæ. Vide ad l. 23. & l. 26. aut dicas, *vel maxime fructibus* augeri hæreditatem, quoniam ipsi de hæreditate prodeunt: at usuræ de alia causa, l. 121. causæ sunt propter hæreditatem, d. l. 23. augetur vero his omnibus hæreditas dum est hæreditas, id est jacet; & itaque qui restituere hæreditatem debet, quæ post aditam accesserunt, non restituet, l. 57. nisi dilatio adjecta in favorem fideicommissarii fuerit, l. 78. aut mora commissa in restituendo sit, l. 27. ubi tractatur, ff. ad Treb. in eo, a quo vindicatur hæreditas, aut qui vendidit hæreditatem, etiam post percepti. augent, ff. de pet. hæred. l. 2. §. 4. ff. de her. vend. Ut vero hæc augent hæreditatem, ita minuunt, mortes, furta, rapinæ, incendia, minæ, naufragia, & id genus alia notata in l. 30. ff. ad Leg. Falcid.

Sequitur in lege nostra.

*Actionis verbum & speciale est, & generale: nam omnis actio dicitur, sive in personam, sive in rem sit petitio. Sed plerumque actiones personales solemus dicere; petitionis autem verbo in rem actiones significari videntur; persecutionis verbo extraordinarias persecutiones puto contineri: ut puta fideicommissorum, & si quæ alie sunt, quæ non habent juris ordinarii executionem.*

Actionis nomine non continetur exceptio, l. 8. §. 1. continetur persecutio, l. 34. & videris utrobique. *Sed plerumque &c.*] an quia tum agitur adversarius in judicium? vide ad l. 28. ff. de oblig. quæ hanc eandem habet distinctionem; & ita etiam capies in dubio, non quod proprie genus non prædicetur de singulis speciebus, sed quoniam quod plerumque fit, id & factum creditur per locum a communiter accidentibus; idem de adoptione forsitan dicemus, ut in specie nomen accipiat; *petitionis*



*nis autem verbo* &c. ] hæc alio nomine vindicatio, sicut illa condictio dicitur, §. appellamus. Inst. de actio; *persecutionis verbo extraordinarias*, &c. ] recipiunt scilicet nomen ab eo, quod est genus actionis: quod est jus persequendi; vix enim dignæ nomine actionis, quia vix debetur, quod per eas petitur: & itaque extraordinariæ sunt, id est, non habent juris ordinarii executionem; quod fortius est; *ut puta fideicommissorum*. Jolim enim, sed tamen ante Jurisconsultum istum, nullo juris vinculo petebantur; §. ult. Inst. de sing. reb. per fid. relic. tamen nec postea ullæ formulæ constitutæ. *Ulp. fragm. ii. 25.* id est, nullæ actiones; nam actio formula est: ut ibi explicat Cujacius. Cognitio de eis erat judicis tota; nunc, quando æque ac pro legatis est pro fideicommissis actio, retineatur tamen persecutionis nomen ex antiquo; nec verendum a *l. i. ff. de leg. i.* quia nominum exæquatio non est facta. *Et si quæ aliæ* &c. ] quæ leguntur in tit. Digest. de va. & extr. cog. Actionis nomine etiam accusatio privata, *l. i. ff. de cri. stell.* & publica, *l. pen. ff. si ex nox. ca. ag.* Sed quid veniat, ex subiecto argumento videndum; ipsum vocabulum aptum ubique.

Restat in lege nostra.

*Hoc verbum Debit omnem omnino actionem comprehendere intelligitur, siue civilis, siue honoraria, siue fideicommissi fuit persecutio.*

Cum hæc ita sint, & geminatio illa habeatur, *omnem omnino*: miror præsertim Hotom. qui addere velit definitioni actionis traditæ in Institutionibus: quasi inepta sit continere aliam præter personalem ex hoc verbo *debetur*. *Civilis, siue honoraria*] civilis, quæ a lege; honoraria, quæ a prætore, §. sed istæ. Inst. de act. alias civilis, quæ ad exemplum civilium introducta: ut quæ est ex contractu, Do ut des: qui similis emptioni; ut explicat Cujac. ad *l. juris gentium*, ff. de pact. & non est dubium, quin & hic debeatur, *l. 5. ff. de præf. verb. Siue fideicommissi fuit persecutio*. ] Omnis actio continetur verbo debendi, atque etiam ea divisione civilis & honorariæ; adjicitur de persecutione fideicommissi, de qua valde potuit dubitari: ut explicavi §. prox.

prox. idem & de omni persecutione, ut ibi scripsi. Et hæc recte dicentur honorariæ, sed a prætore vivente. Cetera per alios; quod debetur, quod officio judicis debetur; quod fidejussor accedit; quod debitum dicitur, sive actum jam, sive spe debeatur, debitum iri tamen contestatione litis, *l. si Titius, ff. de V. O. l. 1. ff. de popu. act.* fidejussor etiam accipi in hæc futura potest, *l. quaro, ff. loca.*

ADD. Qui potest conveniri actione reali, non dicitur stricte obligatus, dicitur tamen large; & dicitur debitor; nam debitoris nomen largius quam obligati; ut per Bald. in *l. 1. C. de obl. Alex. conf. 64. Vol. 3.* Generali liberatione non contineri, quæ possunt vindicari, *L. Aurelius, §. Marcia de lib. leg. l. & uno §. 1. de acceptil. Bar. Bald. Alexan. conf. 46. Vol. 1.* Male Alciat. hic contra.

CLXXIX. Idem libro quinquagesimo primo  
ad Sabinum.

*Inter hæc verba, Quanti ea res erit, vel Quanti eam rem esse paret, nihil interest: in utraque enim clausula placet, veram rei æstimationem fieri.*

A L B E R I C U S.

Ratio dubitandi fuerat, quia aliud potest parere, & non esse: & contra; itaque non videantur idem; contrarium dicitur nam veritas quæritur; & verbum *paret* usurpatum, ut alia in judiciis, testimoniis, alibi, verecundiora, non debiliora: quod videris apud Cicer. pro Font. Sed quæ hic est veritas? an excluso interesse, & attenta alia sola ipsius rei æstimatione? ita videtur per *l. 123. ubi videbimus; & ita omnes accipiunt; quia interesse excedit plerumque verum pretium rei; interesse scilicet, quod paret: hoc est singulare, & affectionis; nam commune id est, quod communis æstimatio rei, adeoque vera; ut hic per Brechæum. Sic non ad petitam, quæ paret, quantitatem, sed ad veram quantitatem refertur clausula hæc fidejussore accepto iudicio fisci tanti, quanti res erit, *l. 2. in fi. ff. qui far. cog.* ut idem sit & in accepto tanti, quanti res esse paret. Nec est  
con-*

contraria *l. ult. ff. si quis eum, qui in jus*; quæ in id, quod interest, obligat fidejussorem: nam illud est, quia simpliciter acceptus est, non cum clausula; aut est interesse commune, id est vera quantitas; potest probari prior solutio, quia verba illa, *santi quanti ea res erit*, conjunxeris promissioni recte. Vera autem quantitas est & sive in duplum, sive in triplum, sive in quadruplum sit actio, *l. 3. qui fac. cog.* vere enim debitum, non propter interesse: nam etsi nihil intersit, manent illæ actiones; neque tamen has dico, quæ intententur, sed quæ vere competant; etsi alii contra, quos nec Alciatus probat, & refutat d. *l. 2.* ubi vera quantitas est veritas, non quantitas, petita scilicet. Et non repetiit nomen veritatis J. C. quoniam voluit explicare & quid esset veritas, & dixit veram quantitatem. Alciatus in promissione doli referri clausulam ad pœnam putat *per l. novissima, ff. jud. sol.* Ego puto, illic de dolo extranei definire voluisse Jurisconsultum, non de pœna: ait enim, *Or ob extranei* &c. notes articulum *Et*; pœnam, nisi adjectam, venire non credo; illic adjectam intelligo, & subjectam hanc clausulam, quæ ita pœnam intelligat. Reliqua cognoscemus ad d. *l. 193.*

CLXXX. POMPONIUS libro trigesimo ad Sabinum.

*Tugurii appellatione omne ædificium, quod rusticæ magis custodiæ convenit, quam urbanis ædibus, significatur. Ofilius ait, tugurium a tecto, tanquam regularium esse dictum, ut toga, quod ea tegamur.*

A L B E R I C U S .

Quid tugurium sit, & unde dicatur: omne ædificium, sed quod rusticæ magis custodiæ convenit, quam urbanis ædibus; recte igitur Alciatus, & alii Rebuffo excepto, non de quacunque domo rustica, sed de casula capiunt; nunquid enim tugurium domus amplior, & lapide fabricata? Festus, *tuguria domicilia for. dida rusticorum, quod rusticæ custodiæ*. Unde scilicet contra fures custodimus fructus; & hæc gurgustiola in Italia frequentia in vineis. Itaque Isidorus lib. 15. tugurium casulæ custodum vinearum;

rum; capannam vocant, quod unum tantum capiat. Ergo nec intelligerem casae ampliores, ubi vel rustica instrumenta custodiuntur, vel fructus conduntur: nam habent hæc alia nomina: Et neque sunt ut tegant, sed ut servant; tugurium vero a *tege*; & ita etiam Festus, *tuguria a tecto appellantur*. Scipio meus in Originibus reponit a *segula*, sive a *tege*. Priscianusque lib. 1. a *togo*, ait, *tugurium: & transit E in V. tanquam segularium*; ut ab Ulpiano *injuriæ, quasi non juriam*: quod scripsit Scipio; *Ut toga, &c. toga a tegendo*. Varro lib. 4. de lin. Lat. nam & dictum *togo, togor*. Priscian. lib. 8. ADD. *Casula in cucumerario; custodiarium in cucumerario*. Tertull. adv. Jud. *custod. est specula*.

## CLXXXI. Idem libro trigesimo quinto ad Sabinum.

*Verbum illud, pertinere, latissime patet; nam & eis rebus perendis aptum est, quæ domini nostri sunt, & eis, quas jure aliquo possideamus, quamvis non sint nostri domini; pertinere ad nos etiam ea dicimus, quæ in nulla eorum causâ sint, sed esse possint.*

## A L B E R I C U S.

Possidere, aut tenere speramus. Harmenop. Vide notata ad l. 49. & l. 91. Ait hic, *latissime patere*: & tres tamen significationes tantum recenset, domini, possessionis, spei alterutrius. Ceterum quod de dominio dicit, proferas tu ad quasque dominium, id est ad id, quod juris est, non corporis; ita de jurisdictione; l. 1. ff. de off. præf. urb. de patronatu: nam dicitur meus, & qui non est servus, sed libertus; l. 51. in fi. ff. de hered. inst. & Baldus, & alii notant. Sed & ad ea, quæ sunt utilis domini, ut emphyteusis, alia: de quibus & hic tradunt. Item & quod de possessione, idem etiam de quasi possessione, & omnium rerum, quas *jure aliquo possidemus*; ut procul dubio sunt, pignora, deposita, commodata, alia, de quibus magis exponitur, ne possideantur. Sed expositio simplex est, non si queritur, an jure aliquo. *Pertinere ad nos etiam, &c.*] hoc est *speramus*: ut de Græcis ait Fornerius. Et tu de spe fundata capies;

Tom. II.

Ggg

pies;

pies; puta in eo, quod debetur, etiam in diem, vel sub conditione: nam id omnino est, quod esse potest, ut nostrum fiat, vel in nostra possessione: alia non esse possunt, sed erunt; tamen de illis multo magis, si de his, & de illis vide ad l. 6. §. 4. ff. de ed. & limita ex l. 70. §. ult. supr. De his etiam dicat Fornerius, tamen fallum est, l. 45. §. 1. ff. de leg. 2. ita nec nisi aliquando pertinere ad filium dicitur substantia patris; ut ajunt; supr. ad l. 54. nec obstat quod conditionales dici creditores possunt, & aliquis sit effectus ejus obligationis: quia non ideo pertinere dicitur, id est in bonis computari. Pertinere dicitur, quod peti jam & adquiri potest; ut Bartolus, & Connanus declararunt; atque recitat Brechæus: ut sit Cujacius compiler lib. 22. obs. c. 1. Est præterea latissima significatio hujus verbi non solum in modo, sed & in jure: nam sive jure communi, sive singulari, sive consuetudine, sive præscriptione pertinet, pertinere dicitur; ut de aliis Alciatus, Rebuffus; qui & ad illa verba spectare, competere idem pariter exscribit. Atque ita levissima causa sustinet hoc verbum; ita & articuli pertinentes, qui modice faciant ad causam: impertinentes, qui nihil. Cum vero adeo pateat late hoc verbum, quaesitum est, si in accusatione tamen, vel inquisitione admittitur propter ejus incertitudinem. Et Socinus, & Marsilius non admittunt. Alciatus, & Rebuffus contra. Ego sum cum prioribus: quoniam reus nequeat fateri, vel negare, cum quid proponatur non videat, & l. 66. ff. de judi. obtinebit, si facienda declaratio est, non si rejicienda intentio: Sunt vero & alie significationes verbi pertinere, sed tamen aliter capitur; quæ Rebuffus. ADD. Pertinere. In libello aptum est comprehendere petitorium & possessorium; gl. in l. si quis intentione; de jud. ubi ita illam l. exemplificat Alex. conf. 43. lib. 4. Idem, fundum pervinere, etiam de possessorio dicere, conf. 98. lib. 3. secundum subjectam materiam dicitur; sic ad jus collectandi, exigere collectas. Alex. conf. 3. lib. 4. Verbum, Pertinere, comprehendit omne jus corporale, incorporale, quomodocunque competens, & quod spe competere potest. Vid. Decian. conf. 123. n. 27. Or seq. Vol. 3.

CLXXXII. ULPIANVS libro vicefimo feptimo  
ad Edictum.

*Paterfamilias liber peculium non poteft habere, quemadmodum nec feruus bona.*

## A L B E R I C U S.

Alias fcribitur ita, *paterfamilias liber* &c. alias fine voce liber, *paterfamilias non poteft*; &c. Florentina eft, quam ego pofui: nifi me fallit, quod dicitur, his II II notis inclufum, non effe in Pandectis Florentinis; vox autem *paterfamilias* inclufa exhibetur. Fornerius, qui & hanc habet; dicit otiofam vocem *liber*, etfi non abfurdam; fed id male; nam Jurifconfultus non opponit patremfamilias fervo: nec opponeret recte: quoniam filiofam opponitur; fed liberum fervo opponit; adiectum tamen & de patref. quia liber, filiusfamilias qui liber fcilicet eft, peculium habet. Si retines Florentinam, dicas liberum ab omni potestate, non folum dominica; & ita junguntur ferui, & filii tit. ff. de his, qui fui funt, &c. forte & potestate tutoria; atque ita capi poteft, quod fcribitur; pupillum habere peculium, l. 7. §. 2. ff. de pecul. Sed an verum eft, quod liber habere peculium non poffit? certe de patrefamilias loquitur l. 16. ff. ad Treb. fed peculium forma diminutiva a pecunia, hoc eft patrimonio, itaque parvum patrimonium, l. 5. ff. de pecul. ut paupertatem alius dixit de pauperi patrimonio in l. 78. §. 10. cod. & licet non de liberi patrimonio tantum, vel ita fumpto vocabulo, dicatur: tamen magis proprie ita dicitur: & hic de peculio in vulgari fignificatione, quod eft pecunia rationibus ejus feparata, qui fub potestate eft; alii male definiunt; noftra hæc omne genus peculii tenet; non reprehendo Jurifconfultos, qui nec cogitarunt omnia comprehendere, fed magiftros: hos definitionum nuperos, & plagarios. Gloffæ veteres, quod mihi Scipio refert in Originibus, peculium definiunt etiam recte, poffeffionem ejus, qui in aliena potestate eft; & vere poffeffio eft, non enim dominium eft. Item nec capietur peculium hic pro eo, quod præfidii caufa reponeretur: ut in eo dicto capitur,

Ggg 2

pe-

*pecuniam sine peculio fragilem esse* ; l. 79. ff. de leg. 3. Peculium in l. 9. ff. de ju. dor. proprie, id est vulgari modo accipi, notat doctissimus Contius : quoniam uxores sub viri potestate in Gallia, nihil habere nisi peculii titulo poterant ; tamen & de Romanis dici idem posset, quæ in viri manum conveniebant, & in potestatem, l. 215. itaque libentius ego quasi separatum a dote, sibi repositum, & receptum uxori, quod paraphernorum nomine portatur. Ergo liber peculium habere non potest, quia illud eorum proprie, qui sub potestate ; *nec servus bona* ] quia hæc a beando, nec vero beant servum, qui habet nihil ; quod & Rebuffus dixit. Filiusfamilias bona habere dicitur hodie, non olim. Quod vero Alciatus ait, jure gentium immo habere bona servum posse : nam habuerit apud Hebræos, & Aristoteles dixerit, opulentiores eligi quoque ad munera publica : vapæ rationes sunt ; nam jus gentium non est illico ; atque quid est jus Hebræorum ; aut Atheniensium, aut aliorum quorundam ? Jure gentium servus bona non habet, quia ipse habetur ab alio ; hoc est, jus gentium ; ratio naturalis intellectus. Quæ porro de variis peculiorum generibus interpretes tractant, ea vulgaria sunt : nisi illud unum, quod mulierque habere peculium quasi castrense potest, si sibi princeps donaverit, l. cum multa, C. de bon. que lib. si tamen non ex inhonesta causa donaverit : nam delictum caret privilegio, l. 1. C. ubi senat. & hic ait Rebuffus.

CLXXXIII. Idem libro vicefimo octavo ad  
Editum.

*Taberna appellatio declarat omne utile ad habitandum ædificium, non ex eo, quod tabulis cluditur.*

A L B E R I C U S.

Ergo quæ non est utilis taberna ad habitandum, nec taberna quidem est ; non igitur taberna vinaria ; cæcaria, ferraria, olearia, penuaria, cauponia, argentaria, purpuraria ; pellefcuina, aliæ, quarum mentio Varroni, aliis, & libris nostris, tabernæ nomine continebuntur ; quæ scilicet & cum adjuncto proferuntur, & propriis etiam nominibus appellantur, & diversis etiam

a taberna; nam, verbi gratia, dicitur caupona, caecale; item cella vinaria, olearia. Ceterum quæ passim tabernæ appellantur, eas ego tabernas non negaverim; nec obstat, quod de ædificio utili, apto ad habitandum hic traditur, nam utile ad habendum dixeris, sed pro tabernæ usus natura, quæ est ad merces distraendas, l. 19. §. 2. ff. de judi. l. 7. l. 15. ff. de instr. & instr. leg. & l. 185. infr. an enim appellaveris domum angustam nomine tabernæ? & quæ tamen ea est utilis magis ad habitandum? ædium nomine venire tabernas, scribit Varro lib. 4. de l. l. nam ædes ab aditu; igitur & villæ, & tabernæ ædes. Non obstat, quod cum adjuncto dicantur, nam hoc propter distinctionem. Non obstat, quod & cellæ appellentur omnes, & cauponæ, in quibus caupones agunt: quoniam diversa nomina non vincunt unum improprium; non ex eo, quod tabulis clauditur; & Festus, tabernæ, quod ex tabulis olim fierent, dictæ sunt, non, ut quidam putant, quod tabulis claudantur; quæ abscessum Jurisconsulti dicendi genus declarant. Sed Donatus in Adelphis, taberna, quasi trabena a validioribus dicta trabibus, quia superiora suspensa sunt. Et itaque tabernæ loci inferiores. Et Isidorus lib. 15. tabernæ ædiculæ olim plebejorum, dictæ quod ex tabulis ligneis erant constructæ. Nunc taberna pro ea, in qua vinum venditur; ut testatur Alciatus, & Rebuffus. Et Isidorus, qui subdit: nunc etsi non speciem, nomen tamen præstinum retinent; quod usque a tempore Nonii, qui ait in lib. de doct. indag. tabernas non vinarias solum, ut nunc dicimus, sed omnes, quæ sunt popularis usus. Et ex his postremis verbis tabernam cognoscimus etiamnum plenius: quo videlicet plebs divertit passim. Et Scipio de Diomede ad rem istam, tabernariæ fabulæ humilium, & de Codicis libris tabernariæ personæ humiles ac sordidæ; recte. Sed non hæc tamen taberna sola; at, quod diximus, alia omnis, ubi merces distrahuntur; in vulgari horumque temporum significatione, certe non in latiori, quam habeat Nonius, videtur & Petronius tabernæ nomen accepisse, dum ait, Socrates gloriari solebat, quod nunquam neque in tabernam conspexerat, nec ullius turba frequentioris concilio oculos suos crediderat.



## CLXXXIV. PAULUS libro trigésimo ad Edictum;

*Inde tabernacula, & contubernaes dicti sunt.*

## ALBERICUS.

Et Festus, tabernacula a similitudine tabernarum; & Pauli Festus, adtubernalis habitator continua tabernæ; quod genus domicilii antiquissimum Romanis fuisse, testimonio sunt externæ gentes, quæ adhuc tabularis habitant ædificiis; unde etiam tecta castrensia, quamvis pellibus contegantur, tabernacula tamen dicuntur; quæ tentoria, quia funibus tendebantur; ut apud Isid. lib. 15. Contubernaes, qui in eodem contubernio, sub eodem tabernaculo. Adtubernaes, qui junctis, & contiguis tabernaculis. Ait vero Festus, testimonio Sc. nam ut gentes illæ, culturæ minus, habitant, ita & Romanos olim incultos habitasse, verisimile est, junctæ & a nomine tabernæ conjectura, quod a tabulis est. Subdit, unde etiam tecta castrensia Sc. quid an non hæc pellibus semper contegi solita? l. 7. ff. de sup. leg. Quod ait JC. id vero est; hæc scilicet tecta quoniam utilia ad habitandum, tabernacula dicuntur, ut tabernæ ædificia omnia utilia ad habitandum, etsi tabulis hæ non fiant; & tabernacula quasi minores tabernæ. Notes vero cum Alciato, & Fornerio, quomodo nomen maneat, ratione nominis immutata. Sedulitas Mutii & Bruti; in studio etymologiarum. Varr. libro quarto de ling. Lat.

## CLXXXV. ULPIANUS libro viceésimo octavo ad Edictum.

*Instructam autem tabernam sic accipiemus, quæ & rebus, & hominibus ad negotiationem paratis constat.*

## ALBERICUS.

Qui tabernam vendit, vel etiam legat, de loco ipso intellexisse videtur, non de instrumento, vel mercibus; qui vero pignerat, etiam merces pignerasse intelligitur, l. 34. ff. de pign. nullum enim detrimentum debitori affertur, cum non ideo plus de.

debeat. Alciatus. Sed hoc posterius, exceptum licet & Fornerio, falsum est; nam merces intelliguntur *in d. l. 34.* quia actum alias nihil; forte quia & tabernam ipsam debebat; vel pignori res sola non detur; vel taberna non erat debitoris, *l. 32. ff. de contr. empt.* vel quid hujusmodi; nihil enim refert, quid cogitemus, cur nihil actum alias videretur, nisi merces in pignus venirent. Ergo in pignore nihil diversum; nam idem hoc casu in venditione. Ratio porro Alciati nihili, nam gravius obligatur debitor, & cum incommodo, ne alteri possit eandem merces obligare. Idem nec merces venient, etsi dictum sit, taberna olearia, alia nominata: nam causa demonstrationis adjecta fuerit nominatio; ut ait Bartolus, & recitat Alciatus. Sed forte melius dicetur, si ex quantitate pretii, aliisque conjecturis, & num de alia posset taberna accipi, adeoque additum id nominis, ne erraretur, questio aliter atque aliter definiretur. Hic Jurisconsultus declarat, quid sit taberna instructa; & *hominibus*. Si de taberna cum instrumento dictum foret; homines non continerentur; ita Alciatus & alii, *per l. 13. ff. de instr. & instr. leg.* ubi sic distinguit Paulus, ut si de instrumento cauponæ cavetur, etiam homines veniant; idem si de instrumento cauponario, *l. seq. idem* si quæ tabernarum exercendarum, instruendarum, *l. 15.* contra, ut retulimus, si de instrumento tabernæ cauponæ: tum enim ea tantum veniunt, quæ loci sunt, dolia, vasa, &c. adde *l. 20. §. 2.* Aristoteles instrumenta facit, sed vina, servos *lib. 1. Politicor.* item & Varro *lib. 1. de R. R.* quod procul dubio & Neratius sensit: quem Paulus circumscribit: dixit & Alfenus, nihil animarum esse instrumenti; quod & notatum est, *l. 12. §. 2.* Porro non veniunt homines cum taberna, quia nomen loci taberna; veniunt cum caupona, quia hoc nomen negotiationis; ut scripsit Rebuffus; veniunt cum taberna instructa, quia homines instruunt. His contradicere videtur, quod mulier villæ custos legato continetur fundi cum instrumento, *d. l. 15.* at loquitur de perpetua custode, quæ videtur tanquam affixa, adeoque loci esse. *C. de agr. & cens.* vel dixerim sane ex rejecta Neratii sententia de instrumento dictum, sed illico ex recepta additum de instructo, quo nomine continetur mulier: aut de instrumentis fundi agi; quibus scilicet servi accedunt, *l. 8. & seqq.* & ratio differentie inter fundum, & tabernam, domum, familia, quod fundus non

non tam loci nomen, quam rei fundentis quasi, & ut caupona. Et ita instrumentum fundi æquiparatur balneario, l. 17. Percurramus ea breviter, quæ in instructo veniunt, non in instrumento; sed facit Jurisconsultus in d. l. 12. §. 15. quod itaque dicitur a Labeone in l. 5. nihil interesse, quomodo leges, fundum cum instrumento, an fundum instructum: & id non reprehendatur a Paulo, nisi in uno, quod non tangit res, quæ veniant; totum in questione illa procedit, non generaliter; quod patet, quia & in illa questione sola notat Paulus, notaturus in aliis, si generalis fuisset Labeonis enuntiatio, quemadmodum & notat alibi; quanquam & generaliter potuit Labeo illud sentire; nam quod differrent instructum & instrumentum sententia fuit, quæ increbuit, & invaluit, non sola fuit, d. §. 15. Dissolvenda & alia est antinomia; ait l. 15. §. 1. domo instructa legata non contineri vina; contra in d. §. 15. & pugna ex ratione est, quoniam domus vinis instructa intelligi non potest; solve quod nec instructa domus vinis dicitur in d. l. 15. ut supellectile, similibusque, quæ proprie instruunt domum, sed usu & voluntate. Rursus ad eundem titulum nota, quod etiamnum confundi videntur nomina instructi & instrumenti, l. 17. §. 6. *¶* l. p. n. vel ergo necdum ita invaluit sententia distinguendum, ut religiose servaretur etiam inter loquendum; vel reponere oportet instructo pro instrumento bis, & instructi semel pro instrumenti; vel instrumentum & de instructo ducatur. Definitio porro instrumenti est in l. 12. in prin. instructi in d. §. 15. Restat in lege nostra, ad negotiationem parata; quæ qualia sint, ex genere negotiationis, quod exerceri illic solet, constare debet, l. 23. alia quippe aliorum instrumenta, & instruenda; ut illo toto titulo. Et si quæ ad negotiationem, non ergo ipsæ merces; quæ & pignora junguntur, & an veniant instructi nomine, ex conjecturis voluntatis, ait Papinianus, colligendum. Itaque non veniunt ex verbis; nam tum aperte venirent; & in claris non est opus conjecturis. Vide d. l. 12. §. 24.

## CLXXXVI. Idem libro trigesimo ad Edictum.

*Commendare nihil aliud est, quam deponere.*

## A L B E R I C U S.

De Papiniano magistro accepta verba, *l. 24. ff. depos.* Sed quid hoc est? commendare significat longe plurima, in eo titulo Depositum potuit ea definitio recta esse, quia juxta argumentum subjectum; at in titulo hoc generali qui potuit? Alii aliter. Ego dico, id verbi, qua juris proprium, nihil aliud significare, quam deponere. Significat & alia, sed singulari significatione, quam sibi exceptit jus, & fecit propriam, nihil aliud; & de significationibus juris lex, & titulus loquitur. Et ita depositum esse non potest, ibi ex hoc verbo nullus juris effectus, sed tantum vulgaris. Sic non inducitur fideicommissum, *l. 11. ff. de leg. 3.* adeoque alia verba adjunguntur, ut inducatur, *l. 5. ff. de alim. leg.* non mandatum, *l. 12. ff. mand.* cum id genus aliis, quæ hic notant interpretes. Cum depositum esse potest, depositum est: nam qui deponit, utique commendat rem, quam deponit; quod ipse eam adservare non possit commode. Dubitatum fuit, an esset mutuum, vel commodatum. Sed mutuum non est, quoniam nemo rem alienam commendat domino ejus: & qui mutuo dat, facit rei datæ alium dominum: ergo eam non commendat. Non est commodatum, in quo potest tamen, soletque commendatio intervenire, quia hæc non est ipse contractus: nam commodatam, vel etiam commodandam rem commendamus. Sed quod de mutuo diximus, sic cape, etsi nec terminos depositi teneas prorsus, ingrediariisque terminos mutui, *d. l. 24.* tanta vis est in ipsa essentia commendandi, & beneficii exhibendi, dum res commendata suscipitur. ADD. Commendare. Hæc definitio per nomen notius. V. Boet. *lib. 3. Top. Cis.*

CLXXXVII. Idem libro trigesimo secundo ad Edictum :

*Verbum EXACTÆ PECUNIÆ non solum ad solutionem referendum est, verum etiam ad delegationem.*

## A L B E R I C U S .

Exigere est ab invito; ut notant ad l. 108. & hic Alcianus latius tractat. Sed non hoc spectatur hic: at quod exigere pecuniam aliud sit, & aliud recipere, unde exigas, quod est in delegatione; & ita sane procurator datus ad exigendum, non recipiet delegationem; ut hic probe notat Rebuffus & uxor usufructuaria, donec dotem exegerit, non cadit ab usufructu, quod actionem exigendi delegavit; quod Bartolus, & alii, ut per eundem Rebuffum. Diversum his hic traditur. Simile autem, quod de fidejussore, qui debitorem suum delegavit, ut illico possit contra reum agere, quasi ipse exactus sit, l. 18. ff. de fidejuss. ubi quod dat pecuniam qui delegat; & solvit qui delegat, l. 8. §. 3. ff. ad Vellejan. & est ratio, quia adest jam pecunia deleganti; pulvere l. 26. §. 2. ff. mand. Solutio hujus controversiæ petatur ex notis ad l. 47. & l. 176. Cum scilicet delegatione satis creditor fiat, cui scilicet volenti sit: & ad debitorem quod attinet, exacta pecunia est; quid obstat, quo minus exacta dicatur? Quod de procuratore opponitur, illud est, quia non ea voluntas domini. Sed hic quæramus, si dominus non ratam habet delegationem procuratori factam, quid delegato fiet? is utique liberatus videbitur, l. 4. ff. de novat. ut enim delegatio debitoris usufructus, qui est tamen indelegabilis, delegatum liberat; ita & delegatio hæc inanis liberet. Sed contra est, quoniam delegare est dare creditori, l. 11. eod. at hic non datur, in quod non est creditoris consensus. Sit consensus, & nihil refert, an utiliter, d. l. 4. ubi obiter ( si nemo monuit ) pro *meam* lege *eam*: nam hoc postulat ea species: & sit recte per Florentinam scripturam. Quod porro de uxore tradunt, ego in vera delegatione non probō, sed, ut loqui videntur, cum delegatus nondum assensus est; quod si assensus sit, novatio jam inducta est, & nihil uxori superest, quod exigat: itaque exacta dos sit.

CLXXXVIII.

## CLXXXVIII. PAULUS libro trigesimo tertio ad edictum.

*Habere duobus modis dicitur: altero jure dominii, altero obtinere sine interpellatione id, quod quis emerit.*

## A L B E R I C U S.

• Alia de hoc verbo ad l. 154. fi. Sed huc spectant magis, quæ tradita sunt ad l. 49. Ait porro Ulpianus in l. 38. §. 7. ff. de V. O. *Habere dupliciter accipitur; nam & eum habere dicimus, qui rei dominus est: & eum, qui dominus quidem non est, sed tenet; denique habere rem, apud nos depositam, solemus dicere; idem in l. 1. §. 21. ff. de vi & vi arm. & l. 2. §. 23. ff. ne quid in loc. pub. latius explicat. Igitur habere est esse dominus, possessor, detentor: nam depositarius non possidet, sed tenet; sine interpellatione. ) an ergo sola interpellatio facit, quominus quis habere dicatur? misere torquet Rebuffus hæc; an sola pacifica possessio est habere hoc secundo modo? Ita: nam aliter non est justa, adeoque nec vera, & propterea nec propria possessio: quoniam usucapioni non proficit; quæ est altera pars in venditione, de qua hic agitur; nam venditor aut dominium transferet, aut usucapiendi conditionem; ut alibi interpretes explicarunt; solum de hac possessione censet Alciatus per l. 20. ff. de contr. empt. & non habet, qui quid imminutum habet; vide d. l. 38. §. 2. Videtur tamen contradicere, l. 57. ff. de evict. ubi, quod habere licere dicatur is, quem viceritque emptorem in evictione alius. Sed responde, & nota illum casum, quod illud ibi, quia qui vicit, is sine successore omnino decedit, nec rem addixit; itaque & evictio, & interpellatio prorsus sine effectu declaratur; quod quis emerit. ) quid si alio titulo habuerit, puta, donationis? Et semper verum est, non habere hoc modo, quia non est plena possessio; est tamen possessio in reliquis; dic in edicto, ut qui habet immobilia, is non caveat &c. Atque ita lata, variaque cum sit verbi habendi significatio, quaeretur recte, quæ sit propria, ut eam in dubio sequi possimus. Illud certum est, quod pro subiecto argumento aliam atque aliam sequemur. Sed in dubio *habere* videtur referri ad dominii jus :..*

H h h 2

nam

nam ita distinguitur a *possidere*, l. 38. §. 5. ff. de leg. 3. l. 18. ff. de accept. & ita legatum per vindicationem hoc verbo concipitur; ut apud Ulpian. frag. tit. 24. ita est. Sed quod Cuiacius in d. l. 38. Frontonis verba relata Alciato hic depravata pronunciat, & emendat: id facit, quia oscitanter ea legit, nec attendit articulo *etiam*; ait Fronto, *habere potest etiam fur*; ea scilicet est ejus verbi latitudo, ut pertingat ad furem *etiam* quod potest prælare comprobari ex d. §. 23. & pulcre Demosthenes Phil. 2. In fure non est tamen usus, sed onus propter actiones, quas ideo subit; usus in possidente est, nam possessio usus est: ut supra exposui ad l. 115. Sequitur in lege nostra.

*Cautum intelligitur sive personis, sive rebus cautum sit.*) sive prædiis, sive prædiis, dixit Cicero; aut cautionis nomine nudam promissionem significari, non fidejussoris dationem, ait, sive sancit Justinianus in l. 3. C. de V.S. quod tamen potest esse de usurpato in testamento: siquidem titulus ille interjectus tractatui testamentorum, & omnes illius leges de usurpatis in testamento sunt. Et ratio singularis huius juris fuerit, ut testator minus onerare heredem, aut alium videatur successorem; atque id voluerit solum, non ex quasi contractu cum teneri tantum, sed ex sua etiam promissione expressa. Quæ in aliis dispositionibus non obtinet. Fornerius legem nostram accipit, quasi loquatur de idonea, recta, utili cautione: altera de simplici. Sed unde somnium hoc? Alciato aliter distinguit: ut hæc lex nostra in jam debitore procedat; altera in eo, qui nunc promittit. Sed refutat Rebuffus, qui ab eo qui nondum est debitor, non petitur caveri. Alii accipiunt legem Codicis, si testator (quod & monebamus nos) aut lex jussit caveri; quod nec probat Rebuffus. Ipse ineptissime in casu dandi accipit verba nostræ, *personis, rebus*; & stultissime adferit hanc latitudinem verbi cavendi etiam per d. l. 3. quasi ea illic verba, *nisi generaliter de satisfactione sit nominatum*, hoc dicant, quod cautionis nomine venit nuda promissio, nisi illud generaliter proferatur; ut hoc scilicet sit, cautionis nomen speciale esse, & de nuda promissione capi; item generale, & de fidejussore, prioribus intelligi. At sensus eorum verborum est, ut nuda promissio veniat nomine cautionis, nisi adjectum generale nomen satisfactionis est, quæ vel fidejussorem scilicet, vel pignora exigit: ut exposui ad l. 61. vel speciale fidejussionis. Ad pro-

propositam antinomiali quod attinet, ego sic statuerem, ut dict. l. 3. regulam immo poneret: nostra autem generalem limitationem, quæ specificetur alibi. Et illa est una species, si generale nomen satisfationis, aut speciale fidejussionis adjectum est, puta dictum sit caveat satisfatione, vel fidejussione; ita d. l. 3. item excipiendæ cautiones prætoriz sunt, quæ fidejussorem admittunt solum, l. 7. ff. de præ. stip. nisi paucæ quædam, quæ contentæ nuda repromissione, l. 1. eod. Item excipiendum cum cavet adrogator juxta §. cum autem. Inst. de adopt. nam etsi Glossarius illic, cautionem sine fidejussoribus intelligit: idque per d. l. 3. Hotomanus tamen, & Matthæus Wesembeccius fidejussores exigunt: nam satisfatio exigitur, l. 17. in fi. & seqq. ff. eod. quæ est cum fidejussoribus, l. 1. qui sat. cog. & his ego si accedo, dicerem cautionem hanc manare, ut prætoriz; item non esse contentam nuda repromissione, quia non hæc sit causa testamenti. Sed quid si de utili, aut idonea cautione dicitur? videtur addi per istos articulos nihil, l. T. b. is, §. pen. l. 18. ff. de fid. lib. l. 8. l. antep. ff. de ma. re. l. 21. ff. de statul. ubi illæ dictiones idoneæ, diligenter, bene nihil præterea operantur; at hoc ideo in illis speciebus, quia idem & sine illis articulis: itaque hi operari nec possunt; at hic si adjicerentur, ubi nuda alias satis repromissio, tum hoc operabuntur, ne sint frustra adjectæ, ut satisfatio immo præstari debeat. Sic dispositio de idoneæ probando excludit juramentum suppletorium; ut ait Jas. ad l. admonendi; item qui alias levem culpam in ratione reddenda teneretur, si is obligatus sit cum aliquo hujusmodi adjecto, etiam de levissima tenebitur: consulente Dec. conf. 274. refragatur tamen Molinæus, & verba ex subiecta materia accipi oportere contendit. Et de aliis quicquid sit, de cautione id est, ut si adjectum de idonea fuerit, tum fidejussores, vel pignora exigantur, l. 59. §. ult. ma. l. 4. §. 6. ff. de fid. lib. & ita interpretes hic; & ita utilis cauti. Inst. de usufr. & recte caveri, l. 1. §. 7. ff. de col. lat. Sive personis. ] arque his idoneis, l. 3. ff. de fidejuss. l. 2. ff. qui sat. cog. ubi, & qui idonei; adde vero quod non est idoneus, qui res soli non possidet; nec qui alienum sortitur forum; ut de aliis Brechæus. Et si semel accepti sint, non idonei postea non dicentur, nisi causa superveniat, l. 3. & l. 4. ff. ut in poss. leg. 2. Sed personæ istæ an sunt aliæ præter fidejussores? puta



ta adpromissores, l. 5. §. 2. ff. de Verb. Obl. expromissores, l. 4. §. 1. ff. de re jud. promissores indemnitis, de quibus supra ad l. 150. Et puto de omnibus his intelligi posse, qui re ipsa sunt fidejussores, & alienæ obligationi accedunt, & cautum faciunt creditorem. ADD. Satisfecit etiam is, qui depositum fecit loco satisfactionis. Item sola cautio cum generali hypotheca bonorum ei satis, qui tenetur satisfacere per statutum, antequam officium ineat, si idoneus sit. V. Alex. conf. 37. lib. 2. Alc. in l. satisfationis: sed cc. Alex. in l. divorzio, §. interdum sol. mat. quod est verius. Molin.

CLXXXIX. Idem libro trigesimo quarto ad Edictum.

*Facere oportere & hanc significationem habet, ut abstineat quis ab eo facto, quod contra conventionem fieret, & curaret, ne fiat.*

### A L B E R I C U S.

Hæc videtur fuisse stipulatio facti jam debiti, vel pœnalis, *Quod facere oportet, spondes, aut tantum dabis?* l. 29. §. 1. ff. de V.O. & hæc stipulatio eam habet significationem, ut faciat promissor; sed & hanc, ut abstineat quis; ipse idem scilicet promissor, ab eo facto, quod contra conventionem fieret; promisit, tibi habere, possidere, tenere licere; subjecta dein stipulatio est, *Quod facere oportet spondes?* si te de aliquo jure interpellat, jam committit in stipulatione: nam hoc interpellationis factum quodcunque contra conventionem fit; l. 38. §. 2. de V.O. & dixi supra ad l. præc. in prin. & curaret, ne fiat. ] a quoquam: nam impersonale verbum est, l. 5. §. pen. & ultim. ff. quod vi aut clam. Qua in definitione non de omnibus tamen intelligas, sed de his, qui prohiberi possunt, dd. §§. & l. 33. ff. loca; ubi notes quod & pro aliis, etiam casibus fortuitis tenetur promissor, sed ad restituendum quod accepit, sed non ad interesse, quod in hac obligatione facti quaeritur. Idem vero in l. 24. §. 5. ff. de dam. inf. l. 66. §. ult. ff. de fur. de procuratore est aliqua quaestio: nam Bartolus & de generali procuratore ait, quod faciat stipulationem committere, si quid facit, quod contra conven-

ventionem est, in *l. in illa. ff. de V.O.* quod Rebuffus limitat, si tamen dominus procuratoris factum ratum habuerit. Jafon. nec in speciali admittit; nisi conventus ostenderet stipulationem. Ego aliis adsentior, non Jafoni; de herede nec dubium, nec sine certa ratione, quia eadem persona cum defuncto: & de eo cautum semper intelligitur, *l. 9. ff. de probat.* de aliis, quoniam qui potest prohibere, nec prohibet, crimen facti patitur, *l. 109. ff. de reg. jur.* hujus omnino, quod ne fieret; obligatus censetur. Atque ita non hic cadit ea difficultas, quæ est de promissione alieni facti; nam hæc valebit, quia & præstari alienum factum potest; id est, curari, prohiberi, diligentiam eam præstare, quæ culpam excludat, quam natura contractus rejicit, de quo agitur, *l. 23. ff. de reg. jur.* vide casum in *l. quotiens, ubi Bartol. C. de fideicom.* Illud videndum quidem, si alienum factum promissum, nec ne sit; quod tamen subiecta hac stipulatione factum semper videbitur; itaque quod tradit Bartolus & alii in *l. in illa, ff. de verb. oblig.* non teneri me curare, ne fiat, si promisi, te non verberare, & satis esse, ne mandem, vel aliter consentiam: id nescio si recte procedit; nam si stipulatio hæc nostra est impersonalis. Cogita. Quemadmodum vero promissione faciendi aliquid & id venit, ne aliud contra fiat: ita & promissione non faciendi venit, ut fiat, *d. l. in illa 50.* quod tractant interpretes ad *l. 2. ejusdem tituli*; & Alciatus hic & Fornerius exempla recitat, quibus non factum facti appellatione contineri ostendit. Atque illud probe notandum est, quod in *d. l. 50.* subintelligi articulus *santum*, quod sæpe fit, debet; *non hoc tantum significatur*, &c.

CXC. ULPIANUS libro trigesimo quarto  
ad Edictum.

*Provinciales eos accipere debemus, qui in provincia domicilium habent, non eos, qui ex provincia oriundi sunt.*

A L B E R I C U S.

Qui origine & incolatu ex provincia est, is omnino absque ulla dubitatione provincialis est. Alciatus; si de utraque origi-  
ne

ne, paterna & propria dicit, bene; at quid si tantum de paterna? qui ex provincia oriundi sunt, non sunt provinciales; quid si de sua tantum? an Romanus non est, qui de Romanis nascitur in provincia? Anglus non est, qui nascitur extra Angliam: nec Belga, qui extra Belgium: ut audio; in Romano aliud puto, nam de loco non reticisset lex de civibus Romanis, si locus conferret. Item nec id incommodi tacuisset, ubi uxorem non ducendam in provinciam lex monet; l. 1. ff. de off. proc. Itaque nihil facere videtur alterutra origo. Sed an facit cum incolatu? facit solus incolatus; ut hic definitur; nam is est incola, qui domicilium habet, l. 239. §. 2. An tamen ita sit, quod incolatus solus sit latis, questio est, & negant aliqui. Ergo si origo cum incolatu concurrat, ea litem dirimet, & veriorum abique ulla dubitatione adferet contrariam opinionem: quam & Alciatus probat; atque id est, quod is dixit. Et de hoc articulo attingemus in d. §. 2. *non eos*, &c. Accursius, Forneriusque addunt, quod & saepe fit alias, *tantum*; sic legant, sive subaudiunt, *non eos tantum*, &c. rationem adferunt, quia orti in provincia immo sunt provinciales; nulla quod probat lex. Alciatus hanc sententiam cum antiquis tenet, ne minus natiuitas, quam domicilium possit; quæ nec satis firma ratio est, quoniam incola mutat patriam: ut de Apolonio ipse recitat Alciatus: & nos videbimus ad illum §. 2. Secundum quem nostra nec lex facit, quo minus dicatur principalis ex solo ortu in provincia: nam de oriundis, non de ortis loquitur; at nec male fornerius, qui istam differentiam tollere conatur: eam licet & Cujacius probavit *lib. 24. Obs. cap. 33.* qui ait, oriundi nomine in jure nostro semper originem paternam, non propriam & natale solum, notari; nam hoc perspicue falsum est, ex his, quæ fornerius laudat. V. Ceph. conf. 451. n. 160. & plane dicitur in l. 7. §. 6. ff. de int. & releg. quod quis *oriri*, oriundus esse potest *ex diversis provinciis propter conditionem vel suam, vel parentis, vel patronorum*. Ergo oriri, & adeoque oriundus quis dicitur ex provincia propter suam conditionem; quod nihil aliud est, quam ortus, & natale solum; itaque & orti, & oriundi dicentur provinciales; & mihi ita videtur; memineris vero, originem istam non ulterius, quam a patre requirere, d. §. 6. & l. 1. ff. ad municip. Item quod moribus regionum non ita est: qui

qui enim de parentibus Angli in Gallia, alibi nascitur non est Anglus; is Gallus est Gallis; item qui ex Gallis in Anglia, alibi nascitur, non est Gallus; is Anglis Anglus est. Reliqua per Fornerium, & alios. ADD. Incolæ veniunt civium appellatione; ut consulti Bart. per h. L. Alex. conf. 20. Vol. 2.

CXCI. PAULUS libro trigesimo quinto ad Edictum.

*Inter divortium & repudium hoc interest, quod repudiari etiam futurum matrimonium potest; non recte autem sponsa divortisse dicitur: quod divortium ex eo dictum est, quod in diversas partes eunt, qui discedunt.*

A L B E R I C U S.

Vide notata ad l. 101. §. 1. etiam futurum matrimonium; at hoc solum videbatur posse repudiari, quia repudiatio est futurorum, ut ibi dixi; & in hanc sententiam ibidem, repudium nec in uxoris personam absurde cadit. Ergo articulus etiam non exprimit semper magis dubia; quod & de articulo tam vidimus ad l. 1. Securiore harum observationum Grammaticarum sunt nostri aut quid si legis? & jam factum. Porro sunt exempla in hanc primam adfectionem plura, quam ut recitari debeant. Altera est; non recte autem sponsa divortisse dicitur; non proprie sed pinguiori tamen Minerva dicitur: ut differat Alciatus; divortii certe nomen usurpatur, ubi de nuptiis factis inter eos agitur, quorum alter justam ætatem non habeat, dissolutisque, l. 8. ff. de cond. ca. da. Capē vero de sponsa juxta definitionem juris civilis, quæ est promissa ad futuras nuptias; nam sordes juris Canonici hos libros non attingunt: in quibus Pontificii docuerunt distinctionem sponsaliorum futurorum, & presentium; nam hæc præsentia sunt matrimonium: & divortii nomen in eis recte usurpabitur; quod vero de sponsa ait, id est, quia ipsa mulier est, quæ divertit, abít a marito, ab mariti domo; ut de Titinnio & Apulejo notare potes apud Cujac. ff. de divor. Sed & de aliis; & de Juvenale lib. 8. Obs. c. 26. Quod divortium ex eo dictum est, &c.] Et hanc etymologiam notat Cajus in l. 2. ff. de divor. & illam, a diversitate mentium; ut enim consensus nu-

prias facit, ita dissensus solvit : & dissensus est diversitas hæc : quæ est & a divertendo ; formulis igitur insuper habitis quomodo docurque de diversitate hac constet ; ego divortium factum interpretarer ; *qui discedunt* . ] sicut divertere alter ab altero dicitur, qui discedunt, ita & mariti, qui discedunt, dicuntur divertere ; & si dicuntur discedere, certe simul erant ; quod de sponsis non intelligitur, qui non sunt, sed futuri sunt, semel ; atque non dicor ego discedere a Titio nunc, quocum non sum nunc, cum discedo, sed pollicitus eram, me futurum . ADDIT. Vid. omnino Mag. 2. *Miscell. capit. 15.*

CXCII. ULPIANUS libro trigesimo septimo  
ad Edictum .

*Hæc adjectio PLURISVE non infinitam pecuniam continet, sed modicam ; ut taxatio hæc, SOLIDOS DECEM PLURISVE ad minutulam summam referatur.*

A. L. B. E. R. I. C. U. S.

Idem in similibus illis, ULtra, CIRCiter, aliis, ut hic per Alciat. Videbatur tamen contrarium, quoniam verbum *amplius* & verbum *minus* ad totum referuntur sup. l. 82. Sed non sunt hæc similia ; nam in unam eandem summam revolvitur interpretatio ibi : hic de augenda tractatur ; idem ergo cum Alciato dicam, si tractetur de minuenda. Exemplum in venditione, *Hæc tibi res duodecim emptæ solidis esto, plurisve, minorisve, ut taxabit Titius*. Is poterit de summa dicti pretii modicum detrahere, eidem poterit modicum addere. Rationem dicit Fornerius, quia in ambiguis, quod est minimum ; tu potius ; quod in modico tantum videri potest dissensio superesse. Item quod nec facile arbitrium datum videri in infinitum debet ; aut se obligare immodice. Brechæus. Sed quæ erit modica pecunia, minutula summa ? arbitrio judicis relinquunt, qui pro qualitate personæ, & causæ judicabit. Ego & hic probarim, quæ scripsi c. 10. *lib. 1. de legi. tem.* utique modica summa esset sexta totius. Sic scilicet modicum tempus in anno duo menses ; cum aliis, quæ ibi notavi. Ergo in supradicta specie Titius ad duo usque arbitrari pot-

poterit, quia duo sexta in duodecim : proferreque ad quatuordecim, vel ad decem redigere. Ceterum hic variaz recitantur definitiones ab aliis, quos legeris. Hanc vero legis nostrae definitionem & in ea specie sumit cum Bartolo Alciatus, qua venditor quod pluris valet fundus, quem pro centum vendit, se donare dicit: ut non intelligatur donasse, nisi cum aliquid modicum plus valet. Quam interpretum sententiam nititur Fornerius improbare. Sed frustra disputat, qui contra neminem, itaque disputat, ut si ultro, citraque captionem animum donandi habuerit venditor iste, donatio etiam in multo valeat, quæ & in toto valuisset; at si ignarus valoris rei venditæ ea verba adjiciat, tum recte interpretes docuisse; adde, quod in dubio, cum donatio non intelligatur, fiet horum verborum & in dubio interpretatio, ut ad modicum intelligatur. Verum quod hoc modicum erit? Si quod excedit justum pretium: frustra donatio adjecta videtur, quia nec revocatur venditio, etsi deceptus venditor ad dimidiam usque justii pretii. Sed est, quod excedit justum pretium: nam utilis donatio ad forum conscientiae, & ad alia; quæ notant interpretes ad l. 2. C. de resc. vendi: quæque contingunt, etsi venditio ipsa non revocetur. Et si donationem hanc proferres ad dimidiam justii pretii & modicum ultra; jam donationem multi haberes, non modici: quia non modicum tantum, quod excedit dimidiam, sed & hæc verbis donationis continerentur: nam donatum est, quod pluris valet; modicum ergo donationi factæ imputabitur, reliquum petetur pro supplemento justii pretii, aut res restituetur, quoniam donatio modici non debet esse, ut juvet etiam læsionem, & sit donatio totius. Ita ego extrico; alii aliter, & Rebuffus: qui idem adserit in praxi servatum, etsi effusus is sermo sit, *omne & quicquid plus valet, dono*: licet Alexander, & Calderinus contra. Limitant vero legem nostram in Principe, ut ad modicum donatio ejus non cogatur. Sed quid, ubi de liberalitate non agitur? putem eum pari jure cum privatis censi. Illud non probo, quod de testatore recitat Rebuffus, qui iussit ducenta pauperibus & plus distribui, ut ad iridem ducenta productum verbum sit arresto magnæ Cameræ; nam id contra hanc legem. Item recte limitant interpretes in testibus ut incerta adjectio sit, & vitiosa. Sed id tamen quando incertum non sufficit; item quod tamen rursum

sum audiri hi testes possunt, qui id explicent; ut hic per Rebuffum.

ADD. Hæc dictio *Plus*, prolata a lege vel statuto, arbitrio boni viri pro qualitate rei. *Alex. conf. 70. Vol. 2. 2. Verba, Et quantumcunque*, non alterant. Sic dictio *plus minusve*; confiteor me tibi debitorem in X. plus minusve hæc verba nihil operantur, nisi probetur &c. *l. Publia, ubi Bart. Depos. Alex. consil. 8. Vol. 4.* Obscura dictio, *Plus*; ideo testes non probant qui dicunt, quod res valebat decem & plus, ad rescindendum &c. *ex l. 2. C. de resc. vend. Alex. conf. 109. Vol. 4.* sed si de sufficienti palam deponunt, hoc quod addunt, *Et plus*, non nocet: si tamen concludunt solide & de hoc incerto; etsi Pontan. dubitet: Judex tamen arbitrabitur ad supplementum, quanti sit hoc, *Et plus*; & in dubio de modico; nam contra probantem interpretatio; sed si de hoc incerto nihil concludunt, tum nihil operatur testatio, & succumbet actor; recte itaque *Alex.* nec sibi contrarius est; quicquid dicat *Jas. in l. cum fursi, ff. de in lit. jur.*

CXCIII. Idem libro trigesimo octavo  
ad Edictum.

*Hæc verba, QUANTI EAM REM PARET ESSE, non ad quod interest, sed ad rei affirmationem referuntur.*

ALBERICUS.

Adi ad notata in l. 179. Hic additur, quod non ad interesse respiciunt hæc verba; ibi paria dicuntur cum illis, *quanti ea res erit*. Sed huic nostræ legi contraria videtur l. ult. ff. de præst. stipul. in ejusmodi stipulationibus, quæ quanti res est, promissionem habens, commodius est, certam summam comprehendere: quoniam plerumque difficilis probatio est, quanti cujusque intersit, & ad exiguam summam deducitur. Rebuffus hic in nostra subaudit solemnem taxativam, non ad quod interest tantum, sed &c. ] Ego malim juxta titulum, in quo ea lex ultima, accipere illic in prætoriiis stipulationibus: quæ & alia habent singularia, & hoc habebit, quoniam æquitas prætoria id velit, ne quis in damno

damno sit sua culpa ipsius prætoris : itaque velit interesse præstari. Et ita accipi forte (nam de prætoria communi loquitur) potest, *l. ult. ff. si quis in ejus vocat.* quo & desineatur facile, *l. 2. in fin. ff. qui sat. cog.* nam illic factum definitur, ut in *d. l. ult. ff. de præst. stip.* super faciendo tractatur. Et tractatur, quod melius est, certam summam comprehendere; ita ut in *d. l. 2.* traditur, quod certam quantitatem, pro qua fidejussor accessit, sequimur; item tractatur, quod alias venit interesse. Ergo & hoc verisimile est, dictum esse in *d. l. 2.* ut alias veniat interesse. Non obstat, quod ait, *ut in veram quantitatem*; nam forte quod præcedit, *an vero quantitatem*, legendum est, *an veram quantitatem*, ut respondeat sequentibus; vel vera quantitas, quæ illic tenetur, est petita quantitas: sic scilicet veritas, vera quantitas, certa quantitas ibi distinguuntur; & veritas est id, quod vere debetur; vera quantitas, quod vere petitur; certa quantitas, pro qua accessit fidejussor, quæ non est vera, quia in plus, vel in minus, quam petebatur accessit, prout interest, & voluntas partium exegit. Hæc mihi magis probantur, quam quæ dixi ad *d. l. 179.* quæ tamen si tenes, sic potesque exponere *d. l. ult. de præst. stip.* quasi non de omni prætoria loquatur, sed de judiciali, & cautionali, aut de alia judiciali, non etiam de communi; nam non loquitur de omnibus ut expresse *l. 3. §. 6.* sed ait, *in ejusmodi*, id est, *in prætoris*, ut titulus postulat, *ejusmodi*, &c. nam non omnes habent promissionem illam, sed communes, *d. l. ult. si quis in jus voc. & d. l. 2. qui sat. cog.* Possumus & alio modo hanc materiam componere: ut leges hæc duæ hujus tituli, & concordantes procedant, ubi homo in contractu sibi ita cavit; diversæ respiciant judicia omnes, & jurisdictiones. Sic & *l. 4. §. 5. ff. de dam. infect.* & aliæ supradictæ. Non noceret tamen hæc *l. 4.* proxime dictis; quia habet speciale in negligentem magistratum definitio ejus. Ratio porro differentie inter factum partis, & ejus, quod agitur in jure, est, quod durius agendum sit cum contumacibus. Cogita; ego nolui semel disceptasse. Reliqua vide per Rebussum ad *d. l. 179.*



CXCIV. ULPIANUS libro quadragesimo tertio  
ad Edictum.

*Inter donum, & munus hoc interest, quod inter genus & speciem; nam genus esse donum, Labeo a donando dictum, munus speciem; nam munus esse donum cum causa, utputa natalitium, nuptaticium.*

A L B E R I C U S.

Lege notata ad l. 18. genus esse donum a donando dictum; donum dantis a dando; munus accipientis a muniendo, monendo. Agretius & antiqui dano, danis, danunt. Ego. Sed illic donum species muneris dicitur; idem & in l. 214. At dicas, ubi de donando agitur, ibi donum genus est, ut quod refert, unde donum dictum est, adeoque refert genus, quia latissimum unde quid dicitur; munus species est; quia in significatione donandi non est omne donum, sed id tantum, quod cum causa; ita hæc stat lex. Et si tamen doni nomen non tam late sumis, quam origo expressa in eo dicitur, sed proprie; neque enim latitudo originis semper habet propriam æque patentem significationem: tum donum species etiam est, ut munus, & jta d. l. 214. in princ. Species autem doni latius sumpto vocabulo, ut est a donando. Quod si non de donando tantum, sed latius agitur: tum muneris nomen est genus, doni species. Sic munus continet dona, onera, officia, d. l. 18. & quod donum, id & munus, non contra, quoniam munus genus est, atque ut quod est homo, id & animal, non contra, d. l. 214. in fin. ita ego nomen hunc extrico, in quo Valla illaqueatos tenere visus, sed sibi, est Jurisconsultos; quem & Alciatus solvit lib. 4. de verb. sig. & ad dict. leg. 214. a donando; alius de donatione, donatio dicta est a dono, quasi dono datum; l. 35. §. 1. Digest. de mort. ea. donat. nam donum est quod datur, donatio ipse actus dandi; aptius igitur, quasi doni datio; & in hac lege nostra legem Labeoni pro Labeo; quæ tamen nihili. At num non est primitivum vocabulum donum? munus esse donum cum causa &c.] officii causa, ait Fronto; qui donumque ad Deos refert, Diis dona-

nata: sed & ad id, quod potentes pauperibus largiuntur; donæ superum, munera inferorum. Servius; hæc Alciatus fufc. recitat, & Fornerius; de nuptalicio recte capiendum est. Est enim quod vel sponfo, vel sponsæ ab amicis donatur tempore nuptiarum; ut Fornerius; quod more fit, *id. l. 214.* Sic non est donatio propter nuptias: quæ nec munus appellatur; est tamen ea cum causa. Ceterum puto adverti oportere, quod causa hic aliter consideratur, nempe pro ea, quæ cogit sive more, sive aliter: at in donatione propter nuptias nulla talis causa, sed finis; ut scilicet in tuto magis sit dos; qua in re differt a sponsalitia largitate, quæ cum causa certa dicitur; donatio propter nuptias sponte est; adi notata ad l. 67. §. 1.

CXCV. Idem libro quadragesimo sexto  
ad Edictum.

*Pronuntiatio sermonis in sexu masculino ad utrumque sexum plerumque porrigitur.*

A L B E R I C U S.

Et in l. 62. ff. de leg. 3. *semper sexus masculinus foemininum continet.* Sic l. 40. §. 1. l. 52. l. 101. in fi. l. 116. l. 122. l. 152. l. 172. *sup.* Quæ tamen cum ita sint, non ex proprietate id esse, Alciatus ait, & communem interpretum opinionem dicit Rebuffus ad l. 1. monet is tamen docte, quæstionem hanc nihil; quia & leges volunt, & omnes interpretes admittunt, in omni materia obtinere istam definitionem; sive id sit quia dignius genus masculinum, ut cum eo contineatur & alterum minus dignum, adeoque sit per extensionem; id quod agnoscit & Donatus in Eunuchis; sive ratione affectionis, adeoque sit conjectura: sive propter eandem rationem, adeoque sit expositio; quæ de Barbatia idem recitat. Ita igitur & in statutis regula obtinet: etsi plurimi contradicunt, & in privilegiis, & in contrahibus ut Alexander, Decius, Gozadinus, Alciatus, & Rebuffus rectius tradunt, quam reliqui communiter; & in scriptis, in consuetudinibus, in pœnis: etsi has minui aliquatenus deceat propter sexus fragilitatem; item in odiosis: non his tamen ir-  
ra-

rationalibus, l. 1. §. 2. ff. de ven. in poss. ml. ubi postumus sine causa exheredatur; & itaque exheredatus si sit cum causa, tum regula legis nostræ imo stat, & postuma etiam dicitur exheredata; ut de aliis, & hoc, & reliqua supradicta Rebuffus docet ad dist. leg. 1. atque ratio est, quia hæc interpretatio legis, & generalis; quæ & cum aliis limitat primum in materia non apta fœminis, ut sunt exposita l. 2. ff. de reg. jur. & regulariter seu da; & jura primogenituræ, quæ regulariter in mulieres non cadunt. Baldus tamen in propolitoque tenet regulam legis nostræ, & consulendo Romanus, Fulgosiusque. Item limitat & ubi diversa ratio. Sic si sine consilio propinquorum non potest quis contrahere, is sine propinquarum consilio contrahet, quia debile fœminarum consilium. Item limitat ex mente, & verisimilibus conjecturis; quæ & certa sunt omnia. Item & cum separatim actum de masculo, & de fœmina, l. si ita, ff. de lib. & post. Item si non includendo fœminas, testator conveniret cum lege puta illa, Ut stantibus masculis fœminæ non succedunt. Cum id genus aliis, quæ Alciatus ad d. l. Contra vero pronuntiatio sermonis in sexu fœminino ad masculinum non porrigitur, l. 45. ff. de leg. 2. quod recipit vulgatam limitationem, si in sexu fœminino dictum foret ad id, quod frequentius est; puta de capris cautum, id deque hircis intelligitur; quod idem Rebuffus recitat.

### Sequitur in lege nostra.

*Familia appellatio qualiter accipiat, videamus & quidem varie accepta est: nam & in res, & in personas deducitur; in res, utputa in lege duodecim tabularum his verbis, AGNATUS PROXIMUS FAMILIAM HABETO; ad personas autem refertur familie significatio ita cum de patrono, & liberto loquitur lex, EX EA FAMILIA, inquit, IN EAM FAMILIAM; & hic de singularibus personis legem loqui constat. Familia appellatio refertur & ad corporis cujusdam significationem, quod aut jure proprio ipsorum, aut communi universæ cognationis continetur; jure proprio familiam dicimus plures personas, quæ sunt sub unius potestate, aut natura, aut jure subjectæ; utputa patremfamilias, matrem-*

*patremfamilias, filiumfamilias, filiamfamilias* quique deinceps. Pater autem *familias* appellatur, qui in domo dominium habet; recteque hoc nomine appellatur, quamvis filium non habeat; non enim solam personam ejus, sed & jus demonstramus; denique & pupillum *patremfamilias* appellamus: & cum *paterfamilias* moritur, quotquot capita ei subiecta fuerint, singulas *familias* incipiunt habere: singuli enim *patrumfamiliarum* nomen suberunt; idemque eveniet & in eo, qui emancipatus est: nam & hic sui juris effectus propriam familiam habet. Communi jure familiam dicimus omnium agnatorum; nam etsi *paterfamilias* mortuo singuli singulas *familias* habent: tamen omnes, qui sub unius potestate fuerunt, recte ejusdem familiae appellabuntur, qui ex eadem gente, & domo proditi sunt. Servitutum quoque solemus appellare *familias*, ut in edicto praetoris ostendimus sub titulo de furtis, ubi praetor loquitur de familia publicanorum. Sed ibi non omnes servi, sed corpus quoddam servorum demonstratur hujus rei causa paratum; hoc est vestigialis causa; alia autem parte edicti omnes servi continentur, ut de hominibus coactis, & vi bonorum raptorum: item redhibitoria si deterior res reddatur emptoris opera, aut familiae ejus & interdicto unde vi familiae appellatio omnes servos comprehendit. Sed & filii continentur. Item appellatur familia plurium personarum, quae ab ejusdem ultimi genitoris sanguine proficiuntur; sicuti dicimus familiam Juliam, quasi a fonte quodam memoriae. Mulier autem familiae suae & caput, & finis est.

Sex significationes hujus vocabuli *familiae* explicat Ulpianus. Prima est, ut res significet. Substantiam dixit Justinianus, qui eandem tractat in l. ult. C. de verb. sig. & ita qui familiam rogat restitui, par ei est, qui substantiam, rem, hereditatem, &c. l. 14. ff. ad Trebell. & ita familiae certiscundae titulus, aliaque & lex in XII. agnatus proximus familiam habeto. Ceterum is agnatus utique & servos habebit; ergo ad res non refertur haec appellatio. Sed servi tanquam res veniunt, d. l. ult. & gloss. 1. in l. cum aliquis C. de ju. del. b. quam elegantem dicit Zasius ad §. praediciales, num. 5. Inst. de act. At quomodo aptum re-

Tom. II.

Kkk

bus

bus hoc vocabulum, quare. Certe de rebus accipietur, quando dispositio de ipsa familia est, nisi diversum significetur; putandum est, ut familia alatur, degat apud matrem, &c. Item cum hæc significatio ( quod monuit Alciatus ) hodie non sit in usu, verendum est, ut possit umquam locum habere. Sed qui familiam Titio relinquit, si is habeat, quos sub tutela, vel cura, vel commendatione relinquit; hoc potius reliquisse videbitur; & ita in eo, qui Titio filium vivum & mortuum reliquit, traditum est, vivum sub tutela relictum; ut per Alciat. lib. 2. de V. S. mortuo Titium substitutum; aut si hoc non contingat, putem ego, in familiæ nomen potius cooptatum: nam & hæc retinetur significatio frequens, & frequens fieri hujusmodi adoptiones solent, solebantque; vide Cujac. lib. 7. Obs. c. 7. *Ad personas autem* &c. ] ad personas relatum vocabulum capi quintupliciter solet: nam capitur de singularibus personis, ut in lege, quæ de patrono & liberto ait, *ex ea familia in eam familiam*: utinam & nobis hoc constaret, ut Ulpiano, & reliquis ejus temporis, quibus integra juris volumina. Ceterum id, quod puto, est, ut libertus ex familia patroni sit, in familiam patroni transeat: id est, ne alterius persona contingatur: non sit familia junctus filiis patroni: non sint filii liberti patrono juncti; hoc puto adjectum ( nam & edictum lex est nominatum aliquod ) *tanquam ex familia*, de quo Inst. de bon. poss. quo scilicet patronus tanquam ex familia veniret, non tanquam patronus: quod sequenti fiebat. Et ita libertus proprie patroni, non filiorum, aut parentum patroni, vide l. 58. §. 1. ita liberti & patroni tantumque meminit d. lex ult. C. eodem. Nec ferendus est Cujacius, qui in dict. tit. Institut. emendat, *sum quem ex familia*; & idem facit Fornerius ad l. 227. cum Theophilus habeat, *tanquam*; quem dum aitque in depravatos codices incidisse, ineptit: adi ad notam, ad leg. 201. & disp. 1. decad. 1. quamquam non vereantur hoc nostri Critici scribere, obrigisse exemplaria depravata his, qui ante annos mille vixerunt tamen. Sic Festus in depravatos Livii Andronicæ, in vitiatos Titinii codices Scaligero incidit; *jure proprio*. ] prima significatio rerum, secunda particularis personæ, tertia hæc corporis jure proprio *ipsum*, qui scilicet in eo corpore sunt; *que sunt sub unius potestate*. ] at patrem familias recenset hic, qui non est, sed habet tamen sub potestate. Verum & ipse Princeps familiæ continetur familiæ nomine, l. seq. neque id, quia

Sub

sub potestate, sed quia caput venit nomine corporis; & paterfamilias hic nominatus, ut cognosceretur & quis esset ille unus, sub cuius potestate reliqui sunt; *aut natura, ut liberi*: Siquidem patria potestas a natura, licet *talem* alii nulli homines habeant in liberos potestatem *qualem* Romani habere se adferebant. Inst. de patr. pot. & Dionys. late lib. 2. *aut jure*.] puta adrogatos, adoptatos ab adscendente; item & uxorem, quæ in manum viri convenire dicebatur; Ulp. tit. ult. frag. in prin. & alii. vide notata *ad l. 45. §. 1. & Arist. lib. 1. Politic.* & ita aliena materfamilias pro aliena uxore *in l. 225.* materfamilias viro loco filiz erat; conveniebat in viri manum per coemptionem hæc certis solemnitatibus sese in coemendo invicem interrogabant, an illa vellet sibi esse materfamilias; an ille sibi paterfamilias; quam solemnitatem in suis Institutis Ulp. exponit. quæ usu uxor aut confarreatione non materfamilias. Boet. ad Top. Ciceron. Item & servos. *d. l. ult. C. de V. S. Bald. Alex. cons. 177. lib. 6.* de omnibus domesticis. *l. cum scimus. C. de agr. & cons.* hi enim & sub potestate, & in familia, quæ corpus dicitur sub unius potestate. De aliis uxoribus, quæ in inanim non conveniebant, quæri potuit: Sed idem tamen de ea, quæ trinoctio usucapta: de tertia non item; at quid hodie? Certe cum in familia viri esse dicatur *d. l. ult.* in dispositione ultimæ voluntatis uxor venit nomine familie, *d. l. ult. Alex. d. cons. 177. lib. 6.* materfamilias, quia in familiam transit viri. Isid. lib. 9. omnino sit sub unius capite. Et hæc est lex nostra, ut uxor sit viro subdita, quem & caput habeat. *1. Corinth. 11.* Ita ego opinor & in odiosis id obtinere, cum in hac significatione versamur: etsi Oldradus, & Albericus, & Alciatus contra. Vide quæ scripsi *decade secunda disput. 1.* Et si *materfamilias* hic nominatam caperemus inter alios unius corporis, quod fieri debere videtur, habemus hic textum expressum pro hac opinione: nam *matremfamilias* caperem pro omni uxore, ex recepta significatione *in d. l. 58. §. 1.* Quod si de capite familie intelligis, id erit, cum sine viro quæritur: nam & mulier potest dominium in domo habere, itaque & materfamilias dicitur rectissime; & ita caput appellatur in fi. *Et deinceps.* ] etiam ultra quartum gradum, ut Alciatus observat. Sed quis ultra quartum gradum liberos vidit? ultra quartum est adnepos, quem

qui videt, eum oportet natum esse annos amplius centum. Est tamen & atnepos in familia, & qui vivo parente est. Ego vero ex ista ratione puto in odiosa fideicommissi, & prohibitz alienationis argumento potuisse familie nomen cogi ad gradum quartum. Nov. de rest. fid. Et ita eodem modo in linea transversa ad gradum septimum profertur successio, quia ultra rerum natura non patitur facile cognatorum vitam consistere, *l. 4. ff. de grad.* quod est, ut abnepoti abnepos succedat, qui est in octavo gradu; ut pronepos abnepoti succederet, vel contra, ea successio in septimo gradu transversali, & ejusdem rationis cum quarto in recta linea; ut scilicet non ultra abnepotem succedit per vitam pronepos, ita nec proavus. Papinianus ex facto videtur & de cognato octavi gradus respondisse *in l. pri. ff. und. cog.* Ita igitur ad gradum septimum profertur nomen familie, si de cognatis agitur. Quod si de familia simpliciter, cui relictum quid sit, etiam ad decimum, & id Alciatus ait. Rursus si non jus sanguinis, sed nominis tantum consideratum est, etiam ultra decimum gradum fiet successio, & hoc familie nomen profertur, eodem relatore. *Pater autem familias* &c. ] paterfamilias pro domino familie; & ita Brutus de officiis, ut est apud Prisc. lib. 6. *patresfamilie domini sumus*, & Lactantius lib. 4. c. 3. *Dominum eundem esse, qui sit pater etiam juris civilis ratio demonstrat; quis enim poterit filios educare, nisi habeat in eos dominii potestatem; nec in herito paterfamilias dicitur, licet non filios habeat; videlicet nomen patris complectitur etiam servus, quia familia sequitur: & nomen familie complectitur etiam filios, quia pater antecedit; denique & filius manumittitur tanquam servus, & servus liberatus patris nomen accipit tanquam filius; quotquot capita.* ] qui tamen nec sint recasuri in aliam potestatem. §. 1. *Inst. qui. mod. jus patr. pot. sol. Emancipatus.* ] tene significationem, de qua agitur nunc, quando sub unius potestate corpus hoc constituitur; & semper hodieque verum, ne iste nomine familie paternæ censeatur; & miror tricas Alciati, quas & Rebuffus notat; in alia significatione ille recte, contraque Decium. *commun. jure*, &c. ] Hæc quarta significatio: quæ communi jure dicitur, quod pluribus singularibus familiis sit communis hæc appellatio, *adgnatorum*. ] non cognatorum; neque enim hoc unquam lectum, ut cognati eandem familiam habeant; itaque miror

for rufus Alciatum; qui & de cognatis accipit *per d. l. ult. C. de V. S.* ubi de genere tantum & nuru, qui nec cognati sunt, sed affines; & non in hac significatione veriamur, quæ præ manibus est. *Servitutum*] hæc quinta significatio; quæ abusiva non propria dicitur ab Isid. li. 9. quia familia a femore dicatur. Sed mihi sit propria: nam a *famul* verbo Osco, quod servus; hinc familiaritque pro servo apud Plaut. in Amph. & in Epid. & Seneca ita epist. 47. *quam omnem invidiam majores nostri dominis, omnem contumeliam servis detraxerunt; dominum patremfamilias appellaverunt; servos, quod etiam in minimis adhuc durat, familiares; & Tertull. in apolog. gratius nomen pietatis, quam potestatis; etiam familie magis patres, quam domini vocantur; & scilicet filii, ita & servis pater esse debet; Isid. lib. 9. quod familiaris nomen frequentius in liberis hominibus usurpatum, item & familie ad eisdem prolatum, famuli non productum extra servum; quod factum videtur, quia famulus nihil quam productum famul: Sic scilicet Osco extrema amputabant: itaque dixit Ennius *do pro domo, & cel pro celum*, alia; mutari vero significatio vocabuli in ipsa origine vix potuisset: quod nec posset esse recipi, ut familiaris. Quæ noto, ut firmem magis, quod de credito & creditore dixi ad l. 12. pro Bartolo contra alios quosdam. Fronto tamen familiare de liberis hominibus, familiarium de servis dici refert. *Sed ibi non omnes.*] nec jus, ut edicto illo asperiori teneatur publicanus de publica re nisi pro his, quos publice eidem rei præfecit; quando etiam de familia publicanorum agitur, l. 1. ff. de publica; nec alii sunt famuli publicano, nisi qui in eo, quod est publicanus, servant; alias servi sunt Titio; *hoc est vectigalis*; vide l. 16. *alia autem parte edicti*, perpetui, in quo edicta omnia continebantur per titulos, qui hic partes; & pars alia de hominibus coactis, de qua in ti. de vi & vi arm. & Cic. pro Cæcin. & Duar. li. 1. disp. c. 20. alia de vi bonorum raptorum: aut una etiam; ut videbis in l. 2. in prin. ff. de vi bon. raptitatem pars alia redhibitorie: de qua in l. 1. ff. de ad. ed. item alia de interdicto unde vi: de quo tit. 4. lib. Codic. 8. & ff. quod vi aut clam; *omnes servos comprehendit.*] quælibet supradictarum pars; neque enim, ut in edicto de publicanis, est, cur de quibusdam intelligatur; & omnes, sive plures, sive unus; vide ad l. 40. §. ult. *Sed & filii conti-**

nen-



*mentur.* ] hac significatione, & his partibus; etiam qui sui juris sunt, ut Alciatus ait; & filios dixit, non filiosfamilias; item & alii, qui bona fide serviunt, itemque mercenarii; ut hic per Fornerium; nam etsi servi hi non sint, in servitute tamen esse videri possunt, certe servire: adeoque & servitus eorundem videri quædam potest. *Item appellatur, &c.* ] Sexta hæc familiæ significatio, quæ non singulares modo familias ut communis, sed & communes continet. Et videtur sane gens magis dici: nam gens hujusmodi plures familias continet; & ita *Ilid. lib. 9.* gens multitudo ab uno principio orta propter generationem familiarum. Ecce vero tibi gens Cornelia, ea habebat familias Lentulorum, Scipionum, aliorum plurium; familia Scipionum communis porro singularibus familiis Cnei & Publii. Item gens Julia habuit Mentonum familiam, & Cæsarum, & aliorum; rursus Cæsarum communis familia singularibus Lucii & Sexti. Familia hac latissima significatione dictam, abusive Festo notat Scaliger; & Paterculus familiam Porciam, Juliam; & Tacitus, qui familiam Juliam dixit, de Julia Cæsarum (ut ego puto) intellexit, non qua a fonte illo memoriæ Julo Æneæ filio; a quo Julii rivi omnes & Mentones, & Cæsares, & alii defluxisse dicuntur. Sic gens Claudia partita in Marcellos, & Neronos, & Pulcros tanquam in familias: cumque de liberti cujusdam filii bonis ageretur, Marcelli stirpe, quia manumissus a Marcello, Claudii gente omnes petebant; quam notat quæstionem Cicero *lib. 1. de Orat.* Et ego sic expono: nam Claudius haud dubie nominabatur: quare & ad Claudios omnes pertinere ejus bona videbantur; cum nec de liberti ipso tractaretur, patronoque. Et qua ex nomine quæstio: atque illud æque omnibus tribuit; idque, ut puto, est, quod supra ad secundam significationem commentabamur. Turnebus vero ad libros Cic. de legi. ait, tria cognationis genera, agnationem, gentem, stirpem: Sed hanc omne cognationis genus esse agnationem, quæ per virilis sexus gentem inter nobiles tantum: nam plebei gentem habere negabantur. Sic plebei Marcelli stirpem, Claudii nobiles gentem urgebant. Sed hæc male; adi. Sign. de no. Ro. *Mulier, &c.* ] Quæ de communi jure, & fonte memoriæ dicta sunt, ea ad mulierem non pertinent: nusquam enim lectum, ut a femina nomen familia ulla sumpserit; ut ut alia multa a feminis nomina-

na-

nata sint. Est igitur caput & finis ut in aliis significationibus, si id excipis, quod est de filiisfamilias; nam foeminae filios habere in potestate non possunt, §. foeminae. Inst. de adopt. ubi licet concedi possit foeminis jus adoptandi; non tamen intelligas etiam & jus potestatis. Ulu etiam vulgi latius dicitur familiae caput mulier; ut Bald. & Rebuffus. Vide lib. 1. *Leff.* Vide & legem sequentem. ADD. Vide late Decium ad l. 2. de reg. jur. an & quando masculinum referatur vel porrigatur ad utrumque sexum; adde Alex. *conf.* 29. & ibi Molin. lib. 3. Si testator in princ. de filio dixerit, & postea dixit de filio masculino, censetur semper de masculino sensisse. Abb. *conf.* 37. vol. 1. per regulam l. si servus plurium de Leg. 1. & non invenies istam decisionem in multis locis. Jas. ad l. Centurio, n. 59. 2. de vulg. pup. subst. 2. ad §. Familia. Adi Roman. in l. 1. per tot. D. ad Silan. Pater clementia, dominus disciplina; pater potestate, blanda, dominus severa. Tert. lib. 2. adv. Marc. Materfam. vocatur, licet virgo, & paterfam. licet investis. Tert. de virg. vel. 4. Si si legatur Familiae Titii; valet quod agitur etiam Titio mortuo. Alex. *conf.* 20. Vol. 2. Mater, & Uxor non videntur omnino esse extra familiam, cum & nurus numeretur in familia, l. ult. C. de verb. sign. Cujac. ad Nov. 159. soluta adfinitate nihil manet, nisi ad matrimonium; tamen in d. l. ult. in dispositione mere favorabili nec fiat caducum &c. & quoad succedendum mortuo, quae jura succedendi mortuis non solvuntur morte, sed caussantur ex morte; secus igitur in actu viventium; tempore testamenti satis est, si sit conjunctus &c. ib. etsi tempore executionis legati non sit. Alex. *conf.* 207. lib. 6. Uxor affectui nostro subiecta, l. 1. §. 2. ff. de injur. 3. Pater filiosfamilias agnatus, emancipato cognatus est; mater, quae convenerit in manum viri, filio agnata, alia cognata. Cujac. ad Nov. 118. 5. Famuli dicuntur de familia, l. 2. D. de us. & hab. & sic pro defendendo famulo licet occidere &c. per l. 1. §. item divus, ad L. Corn. de sicar. Alexan. *conf.* 140. Vol. 2. Familiaris pro servo. Plaut. Amphitr. familiarum, pro ancillarum, ibid. & familiaris fides, de servo Val. Max. lib. 5. c. 7. & familiaris vestis, eod. 6. Orationem habuit plenam veris decoribus Scipio non communiter modo Corneliae gentis, sed proprie familiae suae: Liv. lib. 38. 7. columnae familiarum sunt filii masculi. Eurip. Iphig.

in

in Tauris. Mulier egressa paternis ædibus. Non amplius est parentum sed conjugis: Masculum vero genus perpetuo manet in ædibus. Deorum paternorum, & sepulcorum limitem honorat. •Ib. Vid. Covarruviam *ad c. Raynutius ad fin. prin. de Testam.* 8. Fratris nomine soror venit in lege, in hominis dicto. Sed in statuto magna quæstio est; non in exorbitanti; etenim sunt & diversa nomina, non ut filius, & filia: ita quidam. Sed si eadem ratio subsit, aliter dicendum. Sic & nomine avunculi matertera venit. Corn. Dec. *ad l. 2. D. de reg. jur.* 9. Famul a verbo Ofco. Non omnis origo est nostræ linguæ ex vernaculis verbis. Varr. *lib. 4. de L. L.*

CXCVI. GAJUS libro sextodecimo ad Edictum provinciale.

*Familia appellatione & ipse Princeps familia continetur. Fæminarum liberos in familia earum non esse, palam est: quia qui nascuntur, patris, non matris, familiam sequuntur.*

ALBERICUS.

Ad primam partem diximus lege præcedente, ibi, *quæ sunt sub unius*. Ait autem Bodinus lib. 1. de rep. c. 2. Hebræos rectius familiæ nomen ab ipso principe ac domino confinxisse, quam Græcos, & Latinos a famulis; at Latinæ rationis rationem exponit Alciatus, quod corporum nomina tenent & caput; nam corpus nihil est aliud, quam quid ex omnibus membris aggregatum, quod verum esse videtur; etiamsi de capite nominatum expressum sit. Exemplum. Legatum est priori datum, item aliud capitulo; in hoc capituli partem & prior habebit. Item definitionem accipias legis nostræ in omni significatione familiæ; alias autem quando in una, quandove in alia accipi debeat significatione, regula certa non tradit; de cognatis nunquam accipies, quicquid Alexander & Rebuffus velint, & Alciatus in l. præced. nam, ut ibi dixi, non est cognatorum familia. Itaque nec propinqui censentur cognati *in d. l. ult. C. de V. S.* Qui familiam alere Caii tenetur, is familiam alet in significatione *tertia,*

tia, quæ proprio jure; & ita alii, & Rebuffius. Ratio est, quia id videtur deductum, quod ipse Cajus debet, qui nihil, nisi hoc, debet. Et ita ex conjecturis reliqua omnia. *Fœminarum liberos.* ] Vide ad finem superioris; *quia qui nascuntur.* ] sunt quidam, qui origine materna censentur, l. 1. ff. ad municip. sed illud tamen quoad patriam; non quoad familiam; & ratio diversi juris, quod justius sit ad familiam sequi originem paternam, quoniam fœminæ incapaces potestatis, adeoque habendi filios in familia. Ceterum ut illud de patria ex privilegio sit, ita & de familia fieri poterit, & factum sæpe, non dubito; & in vulgo quæsitum certum est, d. l. 1. l. 19. ff. de sta. hom. ADD. Aut Caput electum ab Universitate est & de corpore ipsius, & legibus ipsius universitatis regitur, & venit nomine universitatis, ut Abbas monasterii. Aut quid separatum nec electum ab ipsa Universitate; nec venit: ut Episcopus collegii &c. & potest esse episcopus sine collegio. V. Decian. conf. 19. vol. 3. Episcopus potest esse nullius Ecclesiæ, c. 2. de transf. 2. Non quia filius sit de familia matris in l. cum pater, §. cum inter de Leg. 2. sed quia in filio cessare videtur odium prohibitionis; vel quia ille de numero libertorum, saltem large, aut nihil speciale in filio; nam idem in quovis ab intestato &c. late Alex. conf. 59. Vol. 3.

CXCVII. ULPIANUS libro quinquagesimo ad  
Edictum.

*Indicasse est detulisse, arguisse, accusasse, & convicisse.*

A L B E R I C U S.

Ita Florentiæ excusum, atque tenet Alciatus. Brechzus autem, & Fornerius, qui ex Græcis, ita, *Indicasse est detulisse: Arguisse accusasse, & convicisse.* Et quidem liberum interpuncti jus relictum per Florentinum archetypum est. Et licet sustineri utraque interpunctio potest, Alciati tamen videtur probabilior; sic scilicet & *invenisse* est exhibuisse in l. 13. C. de fidejuss. item verba cum effectu accipere oportet; nec effectus est in nuda nunciatione. Item quia de verbo *arguisse* minus dubium, an significet convicisse: nam est probasse: itaque lex ac-  
Tom. II. LII ci.

eipienda tota de verbo indicasse; *arg. l. 3. ff. de Carbo. l. 1. in fin. ff. ad munic.* item indicare pro accusare & convincere, *l. 5. in fin. ff. de injur.* Jam processum hunc totum vide apud Alciatum. Hæc igitur omnia præstabit, qui indicare tenetur, quique hoc verbi profiteri velit. Sed ita omnia, si capax omnium est is, de quo queritur; servus enim indicare tenetur occisorem domini; at hoc tantum est deferre, nunciare, non etiam accusare; cum servus non sit in judicio; quod & Fornerius. Sed & arguere potest, *l. 3. §. 8. ff. de SC. Syllan.* Nec tamen muto verbum vindicandi alibi servis positum, ut Augustinus, & Fornerius volunt: nam vindicta servis immo committitur: quæ erit, qua servus potest, ut & indicatio hæc. Ea proba distinctio apud Fornerium, quod si appelletur a reo convicto, adeoque damnato, persequi appellationem oportebit; ipse, qui indicavit, si vincitur, appellare non tenetur, *l. 21. in fin. ff. de SC. Syllan. l. 6. Cod. eod.* Sed quero, si hæc omnia præstanda sunt, an sufficiat convicisse; puto sufficere, si illud esse potest; nam & media non curantur, & ordo ille judiciorum penitus corrui. ADD. Statutum dans præmium accusanti, intelligitur & probanti accusationem. *Alex. conf. 72. Vol. 3.* Ubi jura concedunt aliquid alleganti factum, intelliguntur non de allegatione sola, sed & de probatione. *Id. conf. 28. lib. 5.* Arguere non videtur, nisi & convincat. *Alb. l. 6. §. fi. de cust. re. per h. l. indicasse, &c.* Arguere, ostendere, & patefacere; unde argumenta, quæ causam ostendunt. *Agrætius. Obduxero adulteros, pro convicero. Tert. de car. Christ. & resur. carn.*

CXCVIII. Idem libro secundo de omnibus tribunalibus.

*Urbana prædia omnia ædificia accipimus, non solum ea, quæ sunt in oppidis, sed etsi forte stabula sunt, vel alia meritoria in villis, & in vicis, vel si prætoria voluptuarii tantum deseruientia: quia urbanum prædium non locus facit, sed materia; proinde horti quoque, si qui sunt in ædificiis constituti, dicendum sit, urbanorum appellatione contineri; plane si plurimum horti in reditu sunt, vinearii forte, vel etiam olitorii, magis hæc non sunt urbana.*

# A L B E R I C U S.

Vide quæ diximus de urbana familia ad l. 166. Ait nostra, omnia ædificia; quæ scilicet dicuntur de his, quæ intra continentia sunt; nam ita l. 1. §. 14. ff. de aq. plu. si noceat loco, qui est intra continentia, hoc est ædificio; tamen ædificii nomen latius videtur. Sic tugurium ædificium, quod rusticæ custodiæ, non urbanis ædibus l. 180. sic urbana ædificia, ædes, rustica villæ, l. 221. hoc tit. Sed ut hæc sit veritas, usus tamen ædificia de urbanis accepisse videtur, quemadmodum & ædes: quas nihilominus & tabernas, & villas dici, scribit Varro libro quarto de lin. Lat. & pro orani ædificio sumi, alibi Jurisconsultus ut videbimus ad dict. l. 211. *Quæ sunt in oppidis.* ] sive urbibus, sive castellis; nam eadem ratio omnium est; & omnibus aptum est oppidi vocabulum; quod dicam ad l. 239. §. 7. Sed & si quæ in continentibus, dict. l. 1. §. 14. de aq. plu. *Sed etsi forte stabula &c.* ] de stabulis, quæ non sint in continentibus ædificiis, Neratius contra, & sine dubio esse, dicit in l. 4. ff. in qui. ca. pi. atque is Jurisconsultus videtur sane recessisse ab hac orbita communi, constituendi urbanum & rusticum non a loco, sed a materia: locum enim ipse considerat hic, item in alia definitione, l. 2. ff. de serv. rust. pred. Verum hoc postremum explico lib. 2. Lectio. primum autem, quod spectat legem nostram, sic discutitur: de stabulis Neratium loqui, quæ pecorum stationes, & cum a ceteris ædificiis separata sint; nam dixerat: *stabula, quæ non sunt in continentibus ædificiis, quorum prædiorum ea, numero habenda sint, dubitari potest; mox, & quidem ur-*

*banorum sine dubio non sunt* ; sine dubio dicit id , de quo dicebat posse dubitari : & dicit etiam *quidem* ; nempe quia quod in definitione ponit pars est ejus , quod posuit in quaestione , non totum : & ait , *cum a ceteris* &c. id est , cum non solum non sunt in continentibus , sed *cum a ceteris* , non a suburbii tantum , & continentium , sed & *cum a ceteris aedificiis separata sint* . Cum est quando ; nam subtilis ea differentia inter *cum* & *quum* non servata librario Florentino . Ergo hæc stabula separata a ceteris aedificiis sunt prædia rustica ; dict. leg. 4. at si in villis & vicis sunt , & sint diverforia , ut mox dico , ea urbana sunt ; hac lege ; illæ pecorum stationes non separatæ ab aedificiis ceteris , ab urbanis prædiis , urbanæ esse possunt , ut unum sit prædium : & quia sint usui urbano , equis habendis , &c. quam rem nec definit Neratius , sed oportet tamen ita definire ; *in villis* ; villæ sunt rustica aedificia ; dict. leg. 211. unde igitur stabula in villis sunt urbana ? Sed stabula capies hic pro diverforiis : nam & sequitur , *vel alia meritoria* : & stabuli nomen frequentius ita capitur ; quod alii non notarunt . Hæc vix poterant urbana videri : quoniam villæ pars videri poterant . Sed sunt tamen , quia usibus hominum destinata , non villaticis ; & usus est , qui distinguit ; ut scripsi ad dict. leg. 166. *vel alia meritoria* . ] tabernæ ; vide ad l. 183. & *in vicis* . ] Vicus extra oppida e pluribus casis dicitur , nulla munitione septus ; quod testatur Cic. *Epist. 1. lib. 14.* in urbe ædium continuata series , non ipsa via , quæ suo nomine appellatur ; sic Cic. lib. 3. de off. *omnibus vicis statuæ adfixæ* ; ut hæc explicat Aldus in epistolicis ; hic de vicis extra oppida ; qui Italice hodie ville , Gallice village ; *vel si prætoria voluptati tantum deservientia* : ] non solum prætoria , quæ habitationi sunt domini rure , sed voluptati etiam servientia tantum ; nam & hic usus urbanus , homini ; *non locus , sed materia* ] adi ad dict. l. 166. hic adde , quod ut in urbanis sit hortus tamen , eum in aedificiis requirit iste Jurisconsultus , qui non loco , sed materia distinguit urbanum a rustico . Sed id est , quod ibi scripsi de dispensatore ; ut quædam & locum exigant , quia natura propria magis averfatur , quam ut usu mutari in diversam speciem possint . Sic dispensator . Sic in præsentia hortus , qui natura non minus rusticum prædium , quam ager , sylva , pratum ; *plane si* &c. ]

non

non enim jam usibus urbanis, delectationi scilicet, & usibus familiarum, sed eidem usui, cui prædia rustica. Nota vero, quod ab eo nominatio, quod plurimum; sic l. 10. ff. de sta. bom. sic & molendinum, quia plurimum in reditu, rusticum prædium, secundum Cæp. & Rebuff. horreum is idem dicit urbanum per l. 3. ff. in qui. ca. pi. Sed ego non puto, nam ejusdem rationis videtur, cujus villa, quod eo fructus vehantur. Et ita teneo, si hujusmodi horreum est; nec nocet d. l. 3. quia potest tacita pignoris causa obtinere, & tamen non est urbanum prædium; l. seq. Casa, sive etiam tugurium habitationi hominis, urbanum prædium; Alciatus. Navis urbano similior. Baldus, & Rebuffus, ADD. Late Hotom. 8. obs. 12. Sunt arborum quedam omnino silvestres, quedam urbaniores: quas hic placet nominibus distinguere; ergo mites, quæ fructu aut aliqua dote umbræ officio humanius juvant non improbe dicuntur urbanæ. Plin. 16. cap. 19. *Inter arbores feras*. Id. 18. c. 20.

CXCIX. Idem libro octavo de omnibus tribunalibus.

*Absentem accipere debemus eum, qui non est eo loci, in quo loco petitur; non enim trans mare absentem desideramus; & si forte extra continentia urbis sit, abest. Ceterum usque ad continentia, non abesse videbitur, si non latitet. Abesse non videtur, qui ab hostibus captus est: sed qui a latronibus detinetur.*

A L B E R I C U S.

Bene autem & perspicue generalis definitio, *qui non est eo loci, &c.* ] Sic abest in stipulationibus, qui longius, quam ut possit audire rogantem, l. 1. ff. de verb. obligat. in nuptiis, qui a domo, ubi nuptiæ, l. 6. ff. de ritu nupt. in judiciariis, qui a tribunali, aut longius quam continentia, l. 51. §. 3. ff. de fid. lib. l. 4. ff. de dam. infect. l. 1. in fin. & seqq. ff. de procur. Hæc legis nostræ exponi ita generaliter posse videntur; nam si cum Fornerio, & Cujacio prius ad l. 8. ff. de ex. us. exponimus de tutoribus, facilius id cadet; ut dari citra excusationem tutor possit, qui trans mare abest; tamen rationis, non enim, nem-

xum



zum non video; nec probo id genus coangustantium interpretationum.

*Si non latitet.* ] hic enim in contumaciæ poenam pro præsentente ducitur, nec excusatur excusationibus absentium, l. 7. ff. qui ex ca. in po. ea; vel etiam, quia ignoratur, ubi sit; & is absens censetur, l. 10. ff. de rit. nupt. Rursus non abest, qui est in territorio jus dicentis, l. 28. & l. 19. ff. de judi. & ita reus, antequam fidejussor, convenietur, & discutietur; ut de Bart. Rebuffus hic. Sed nec is abest in usucapionibus, qui est in ea provincia, in qua res est, l. ult. C. de præf. lo. te. videtur scilicet provincia corpus unum, ut ignorantia non facile admittatur eorum, quæ ibi sunt, in his, quæ ibi sunt. *Abesse non videtur*, &c. ] nam habetur pro mortuo, qui nisi figurate, abesse non dicitur: quicquid velit Alciatus. Obstat tamen, quod abesse traditum est, quod in rebus humanis non est, l. 13. ubi scripsi. *Sed qui a latronibus.* ] nam is non est, qui petitur & desideratur. Fornerius subaudit articulum tantum, & articulum etiam, & ita legit, *abesse non tantum videtur*, &c. *Sed etiam qui* &c. quod ego non probo; nam etsi convenient isti in quibusdam, at in multis differunt; & in hoc de absentia, licet non semper. ADD. Non desideramus eum ultra mare esse, quem definiamus absentem; adde apud Virg. Æneid. abesse agnos lupis, qui circum ovile.

#### CC. JULIANUS libro secundo Digestorum.

*Hec stipulatio, NOXIS SOLUTUM PRÆSTARI, non existimatur ad eas noxas pertinere, quæ publicam exercitationem, & coercionem capitalem habent.*

#### A L B E R I C U S.

Vide notata ad l. 174. & quod idem, atque hic, traditur in l. 17. §. 15. ff. de æd. ed. noxas accipere debemus privatas; hoc est eas, quæcunque committuntur ex delictis, non publicis criminibus; delicti nomen spectat delicta privata: criminis publica. Sed & illud notes, quod noxa non est ipsum delictum, at delicti admissum, ut & fraus dicitur in l. 131. & mox in d. §. 15. Sed

Sed quare ad publica non spectat ea stipulatio? quia *specialiter cavetur de capitalibus fraudibus*, d. §. 13. atque itidem videntur & contrahentes cogitasse, ut ait. Aleiatus, & Rebuffus. Sed in d. §. videtur & altera ratio dici, quod judiciis noxalibus agitur ex privatis noxiis; igitur & ad privatas noxas respexerit, qui noxis solutum promisit. Si quidem obligatus noxiis non videtur alius, qui criminibus est obligatus; adde aliam rationem, quod causa furti fuerit regulariter privata; ergo & ad privatam noxæ respexerit stipulatio, quæ eas junxit simul; atque ita limitatur regula l. 238. in fin. quod noxiæ appellatione omne delictum continetur; quanquam & de omni, id est privato, capi posset: ut dictum est: Notes vero quod etsi promissor pro criminibus publicis non teneatur ex ista stipulatione, tamen edicto ædilium aliter obligatur, l. 1. in princ. l. 23. §. 2. ubi postrema legis nostræ pars declaratur, ff. de æd. ed. Capitalis fraus propter quam capite puniendus quis sit: admittam dolo malo, & nequitia; adde ex l. 103. supr. publica exercitio quando agitur non ad privatum, sed ad publicum commodum; ut est receptissima sententia.

CGI. Idem libro octuagesimo primo Digestorum.

*Iusta interpretatione recipiendum est, ut appellatione filii, sicuti filiamfamilias contineri sæpe respondebimus, ita & nepos videatur comprehendi: & patris nomine quousque demonstrari intelligatur.*

# A L B E R I C U S.

Græci, quod recitat, & probat Fornerius, verterunt *sicuti & filiorumfamilias*; quod mihi vehementer probatur; nam aptius ad gradus argumentatur Jurisconsultus ex definitione in casu graduum, quam ex definitione in casu generum; etenim quod hoc argumentum? *genere masculino continetur femininum*. Ergo & nomine *primum gradum significantem comprehenduntur etiam ulteriores*; scio & alios istam argumentationem, & Decium referre *consil. 353. in casu*; at ex

ea lege, & recepta littera. Et vero si a casu generum ducere similitudinem voluit, quid non *filiam* sed *filiamsfamilias* dixit? *familias* quid hic facit? sequamur igitur Græcos: quando prope nulla mutatio videtur; erit autem verborum structura hæc, iusta interpretatione recipiendum est, ut appellatione filii ita & nepos videatur comprehendi, sicuti filiorumfamilias contineri sæpe respondemus. Non dubito, quin ista emendatio & constructio vera sit; nam filiusfamilias proprie dicitur de omnibus liberis, l. 195. §. 1. supr. neque enim dicitur neposfamilias, proneposfamilias, &c. Græcis vero credere ego maxime possum non interpretantibus verbi sensum, sed verbum Latinum sua lingua referentibus. Sic non credidissim ipsis, si supra in l. 84. verbum Latinum *liberos* pro ingenuis accepissent, quod quidam fecerunt: nam sensum tractassent; hic credo, ubi de verbo tantum repomendo agitur, an *filiamsfamilias* legi, vel *filiorumfamilias* debeat; certum quippe est, librorum nostrorum exemplaria illis emendatissima obtigisse. Eruditionem, aut iudicium interpretandi illis non do. *Iusta interpretatione*] non ex sermonis proprietate, ut Alciatus ait, & receptum communiter; atque fatetur etiam Rebuffus, ex vocabuli natura hanc interpretationem non esse. Brechæus legitimam exponit, id est, quam in legibus interpretandis adsumere debeamus, etsi alia vulgaris usus & consuetudinis; & ita propriam, & exactiorem nominat; quod & Rebuffus. Mihi autem Alciati sententia non placet: quia iustum, quod undique bonum; ut hic alii, & ipse Alciatus ad l. 1. in fin. ff. de ju. & sa. ignor. quam non ex verborum vi: ut ipse docet Alciat. lib. 2. de verb. sign. Cujus & ratio, quam hic notat, ut non ex proprietate censeatur definitio legis nostræ, refutatur, immo retorquetur contra a Græcorum supradicta versione, & emendatione nobis probata; non enim a casu generum argumentatur Jurisconsultus, ut quemadmodum foret improprium in illo, ita & in isto esset graduum. Sed nec nobis obstat, quod legatum filiis & descendantibus factum, filiis primum debeat, mox nepotibus, qui nomine descendantium magis contineantur; nam si gradus designati sint, nec ego dubito, quin recedere a definitione oporteat nostræ legis: item etsi aliz conjecturæ idem suadent. *Et patris nomine avus.*] & nomine matris eodem modo avia. Id vero quale sit, vidimus ad l. 51. non est propria signi.

significatio vocabuli, sed propria vocabuli interpretatio; vocabula ut distincta patris & avi, ita & significationes vocabulorum: ceterum ut continuatio patrutionis avum patrem facit, ita iusta interpretatione patris nomine avusque continebitur. Sic etsi dictum sit, soli patri quid dari, in dubio propius esse creditur, ne avus excludatur; ut Alciatus recenset. Sic de avo nihil sensum in quibusdam capitibus legis Juliae, de patre loquentibus admonere voluerunt juris interpretes: *l. 44. ff. de ritu nupt. l. 21. ff. de adult.* quia scilicet videri aliud poterat ex hac nostra lege. **ADD.** Vide Mantic. 8. *de conject. ult. volunt.* 8. Filiorum nomine proprie etiam filia, quando negative facta filiorum mentio; secus, si affirmative: tum non proprie: *Vide Cephal. conf. 45. & 46. 2.* Legatum sub conditione filii Titii datum deberi nepoti ex filio, hoc defuncto ante eventum conditionis: & ille nepos cum patruis concurret. Sic in materia favorabili testamentaria filiorum nomine & nepotes, *b. l. Alc. in l. liberorum. Gabriel de V. S. concl. 1.* & procedit in legatis, non solum in institutionibus: *Vide Cephal. conf. 692. 2.* Filii nomine in Statuto contra jus commune non venit filia, quia masculinum non proprie concipit foeminiuum. Statutum, quod filiusfam. minor 30. ann. adire hereditatem adventitiam, obligare se nequeat sine consensu patris, Alex. consuluit *conf. 234.* quod filiafamilias possit: vide ibi & rationes: de quibus amplius cogitandum. 3. Et patris nomine avus: *Vide omn. Oddum conf. 37. n. 27. & seqq. usque ad 55.* ubi difficilem quaestionem tractat. 4. *Iusta.* Sed quia iusta est, praevalet proprietati. *Vid. omn. Cephal. conf. 692.*

## CCII. ALFENUS Varus libro secundo Digestorum:

*Cum in testamento scriptum esset, ut heres in funere, aut in monumento duntaxat aureos centum consumeret: non licet minus consumere: si amplius vellet, licet: neque ob eam rem contra testamentum facere videtur.*

## A L B E R I C U S.

Videtur enim taxatio addita, ut ei, qui gravatus esset, confunderetur; quod Alciatus scribit; qui additque, hodie forte aliter observandum, plerumque accidit, ut hæc statuatur testatores propter avaritiam sacerdotum, ex his funeribus pecunias cogentium. Late id Alciatus. Sed vix obtineri posset: ut Rebuffus observat. Similis vero quæstio a Cuneo definitur, & refertur ab Angelo in *l. nulla juris ff. de legi. ut si uxori domum legem*; & si ea ducentos non valet, heredem jubeo ad eam summum addere, ita ut habeat tanti pretii legatum; valeat vero domus pluris, quod eam plene habebit; arg. *d. l. nulla juris ut heres.*] alius si quis iussus sit hoc facere, faciat vero supra modum taxationis, ab herede non repetet, *l. 31. §. 4. ff. de negot. gest.* etsi si quid minus insumpserit, id heredis commodo cedat, *l. 88. §. 1. ff. de leg. 2.* quæque Alciatus notavit de Alberico, & Dyno. Et mihi ea videtur ratio, quod non licebat huic ministro minus consumere: itaque nec ipsi debeatur commodum ex injustitia sua; illis alia commentantur. Sed quod de herede traditur, idem & de his executoribus, qui vice heredum funguntur: quales in Anglia sunt, & nominantur, qui hereditatem ipsam capiunt tamen; *non licet minus consumere.*] quid si ultra modum facultatis suæ jusserit quis sumptum fieri? & hanc voluntatem non esse sequendam recepti juris est. Alciat. vide *l. 12. §. 3. l. 14. §. 1. & 9. ff. de relig. & sumpt. fu. l. 113. §. ult. ff. de leg. 1.* & quod ad rem, Plat. *lib. 4. de legib.* pulcherrima sepulturæ forma, quæ moderatissima. *Si amplius vellet, licet.*] Sed ne tamen res fraudi cuiquam sit, puta nec legatariis: quibus scilicet hæc causa funeraria antestat. *l. 24. 25. 26. 45. ff. de relig.* item si iusta causa videatur, cur testator & heredem

am.

amplius expendere prohibuerit : forte minus prudentem ; arg. *l. 71. ff. de cond. & demon.* vel quia voluerit bona in familia servari ; arg. *l. filiusfamilias, §. divi, ff. de leg. 1.* Addit Rebuffus, non licere amplius consumere, si & jusserit testator, ne plus consumatur ; forte quia de enixa testatoris voluntate jam paret magis : & quod hic dicitur, sit quoniam non jussus, sed consilium sit testatoris. Item addit, nec licere plus consumere, si negative sint verba concepta : quasi hæc negent fortius, & affirmative demonstrationis causam magis habeant. Item addit, quod nec licet ad æmulationem consumere amplius. Addit Fornerius, nec in contractibus hoc licitum. Sed ego naturam, & rationem contractus intuerer, & mentem contrahentium ; immo enim licet & mandatum uberius explere : ut qui sub usuris accipere jussus est, is accipere sine usuris magis possit, *l. si quis mihi §. aliter ; ubi Bald. ff. de adq. hered. Jas. in l. puberem, C. de ju. delib.* Ergo si convenerit ut tu mihi quid præstes, & ego tantum in funere tuæ curationis expendam ; si expendam amplius, dabis quod pollicitus es haud dubie ; neque ob eam rem &c.] itaque nec quidquam perdet ex testamento, si id caverit testator, cum ille contra testamentum fecerit ; neque judicis officio multabitur alias, *l. Lucius, 78. §. 1. ubi Bart. ff. ad Trebell. l. Quintus ; in fin. ff. de ann. leg. nam tanquam indigno omnino non auferetur, l. 5. C. de his, qui ut indig. ADD. Vid. omn. Jas. in l. 9. §. 1. num. 2. D. si cer. pet. Bart. in l. 1. §. de impensa, nu. 3. ad leg. Falc. 2. de sumptibus funerum vid. Nov. 59. 3. Si in fraudem modicum constituit mortuarium ; si contra antiquam & rationabilem consuetudinem, de corpore suo sepeliendo mandavit, viribus caret, *c. 14. de testa. c. 3. de sepult.**

## CCIII. Idem libro septimo Digestorum.

*In lege censoria portus Siciliae ira scriptum erat, SERVOS, QUOS DOMO QUIS DUCE SUO USU, PRO HIS PORTORIUM NE DATO; querebatur, si quis a Sicilia servos Romanam mitteret fundi instruendi causa, utrum pro his hominis portorium dare deberet, nec ne; respondit, duas esse in hac scriptura quaestiones: primam, quid esset, domum ducere: alteram quid esset, suo usu ducere. Igitur quaeri soleret, utrum ubi quisque habitaret, sive in provincia, sive in Italia, an duntaxat in sua cujusque patria domus esse recte diceretur. Sed de ea re constitutum esse, eam domum unicuique nostrum debere existimari, ubi quisque sedes, & tabulas haberet, suarumque rerum constitutionem fecisset. Quid autem esset, usu suo, magnam habuisse dubitationem; & magis placet, quod victus, cui causa paratum est, tantum contineri. Itemque de servis eadem ratione quaeri, qui eorum usus sui causa parati essent: utrum dispensatores, insularii, villici, arrienses, textores, operarii quoque rustici, qui agrorum colendorum causa haberentur, ex quibus agris paterfamilias fructus caperet, quibus se roleraret; omnes denique servos, quos quisque emisset, ut ipse haberet, atque eis ad aliquam rem uteretur, neque ideo emisset, ut venderet. Et sibi videri eos demum usus sui causa patremfamilias habere, qui ad ejus corpus tuendum, atque ipsius cultum praepositi, destinatique essent; quo in genere junctores, cubicularii, coci, ministratores, atque alii, qui ad ejusmodi usum parati essent numerarentur.*

## A L B E R I C U S.

Longa, itaque nec obscura lex. Censorum munus fuit censere, & constituere de redditibus populi Romani. Sic vestigalia, & id genus alia locabant: certasque condiciones dictabant conductoribus, secundum quas exigi vestigal oporteret; hae conditiones dicuntur leges censoriae. Cicero lib. 3. de nat. Deor. nam & quorumlibet pactiones in contrahendo leges contractus appel-

lantur, l. 39. ff. de pact. & pacta leges dicit Aristoteles de rebus particularibus lib. 1. Rhet. ad fin. Hic lex censoria portus Siciliæ proponitur explicanda, *Servos, quos domo*; at mox ait *domum*: & de servis, qui exportantur de portu, adeoque domum lex loquitur; igitur solemnī more prisco præcisum *m de domo*: nam & hoc ita efferebant; *portorium*, adi ad notata ad l. 17. §. 1. *Romani*] hoc scilicet censorium privilegium videri potuit urbem tantum spectasse. *Sive in Provincia, sive in Italia*; erant loci & in Italia, qui jure provinciali regebantur, ut omnes præfecturæ; sed Italia non dicta provincia, quia nec procul victa, nec nisi foederibus venit universa in societatem Romanam. *Constitutum*; non ab Imperatoribus, qui vivo Alferio vix erant; sed ab ipsis auctoribus juris civilis. *Eam domum* &c.] nihil enim facit, quod quis diutissime alias alicubi habitet: nam immo dicitur semper momenti causa habitare, l. 5. §. 2. ff. de injur. & exposui lib. 1. de legi. te. cap. 7. domum vero capies sive propriam, sive conductam, sive aliter habitatam; item & quodvis ædificii genus: ut hic per Fornerium, qui & illud narrat de l. 6. §. 1. 27. ff. ad munic. quod & si quis duobus in locis domicilium habuerit, pro utroque stabit hoc legis censoriæ privilegium. Sed quid si tribus, aut pluribus? visum difficile est, ut duobus quis in locis domicilium haberet. Itaque de pluribus videri nobis impossibile potest; eadem tamen ratio de pluribus; & ita est l. 5. ff. ad municip. Notes vero quod hic non patria, id est origo, spectatur, sed domicilium: quoniam illa juncta usu suo, quæ non apta absenti. Et quid esset usu suo, *magnam* &c. Et ratio dubitationis esse poterat, quia usus nomen latissimum est: ergo primum dubitari valuit, si ad eam latitudinem lex porrigi censoria debuit: rursus, ad quantum ejus latitudinis debeat. Et quidem quod debuisset latius accipi, quam hic proponitur accepta, suaderi poterat, quia & sine ista lege nec portorium deberetur pro his, quæ victus causa, tuitionis, & cultus corporis exportarentur, l. universi. C. de vectig. At his nequidquam obstantibus, alia tradita definitio est; nihil dico de emptis, ut vendantur: nam ista non usus causa, sed mercis. Sed libri studioso, arma militi, alia, quæ victus nomine non continentur, quæque cognoscas de notatis ad l. 43. & seq. cur non portorio immunia sunt? usui sunt. Certe, ait Alciatus, negari non potest,



est, quin adversus proprietatem verbi ex hac interpretatione fiat restrictio. Puto ego a consuetudine inductam interpretationem, quæ est, ut contra proprietatem dicamus usum earum rerum, quæ nos non ad aliud referendæ per se ipsas delectant, & juvant; quemadmodum fructum earum, quas propter aliud quærimus; ut hæc scribit Augustinus *lib. 11. de civit. Dei. c. 25.* cum ergo alia, præter quam quæ ad victum, nos non juvent per se, ea nec u sui nostro esse censentur. Addit his Alciatus, restrictionem fieri ex eo, quod de domo scriptum in lege est, quasi usui in domo non sit, nisi quod ad victum sit; quod ego non probo; mihi probabitur magis, si ut servitus usus incredibiliter cogitur, ita & hæc, quæ de usu sunt, cogantur; nam & causam vestigalium, in quibus nervi Reipub. sunt, favorabilem non immerito, & juvandam dixerimus. Et non nocet, quod scripsimus de l. universi. quia in lege censoria non scriptum nisi de servis, pro quibus immo portorium solvebatur, l. ult. §. quotiens, ff. de publica. de aliis rebus nec dictum, nec quaesitum; at Jurisconsultus apponit, ut ex definitione illa generali definiret & id, quod de servis specialiter dictum, & quaesitum est; *dispensatores, insularii, atrienses.*] adi ad l. 166. & hic alii notant; adde quod sunt atrienses immo inter honestiores, quod hic Alciatus scribit: itaque Giphanius in collect. Lucr. male expungit atrienses de Cic. 4. Parad. tanquam non ex honestioribus; & sequutus Accursium Giphanius est, apud quem legit, atriensem qui purgat atrium; *junctores.*] Victorius *var. lect. lib. 37. c. 1.* auctores legendum docet, & Taurello emendationem hanc probatam narrat. Possunt tamen junctores esse lecticarii, qui lecticæ gestandæ sint juncti. Jam duo notes, primum, quod ad hos tantum servos hic enumeratos definitio non est togenda: ut tradit Fornerius, & ipse ait Jurisconsultus. Alterum, quod nullus prius nominatorum in hoc numero esse videtur reponendus, neque dispensator, neque insularius, neque villicus, neque atriensis, neque textor, neque operarius: quia non hi ad corpus domini, sed ad alia appositi. ADD. Vide Roman. l. 2. volum. ult. de eo per quem fact. er. 2. Quid si emit quidem pro usu suo, sed mox discessurus vendit, quod non licebat? Impune; nam attenditur destinatio. Alex. cons. 1. vol. 3. Or. consil. 7. cod. Quid si pro suo, & alieno? certe in statutis, quæ hoc concederent, non ob-

ti-

tineret definitio; nam in statutis casus mixtus non venit. Alex. conf. 82. volum. 3.

#### CCIV. PAULUS libro secundo epitomarum Alfeni.

*Pueri appellatio tres significationes habet: unam, cum omnes servos pueros appellavimus: alteram, cum puerum contrario nomine puellæ diceremus: tertiam, cum ætatem puerilem demonstravimus.*

#### A L B E R I C U S.

Utriusque sexus, ut vidimus ad l. 163. §. 1. eadem Isidor. lib. 11. Puer tribus modis dicitur; pro nativitate, (quod est pro sexu) pro ætate, pro obsequio; *cum omnes servos.*] qui puer, olim por: unde Marcipor, Publipor, &c. pro servus Marci, Publii. Varr. lib. 4. de ling. Lat. sed & de hominibus liberis capies, qui operam alicui præstant; adi ad l. 195. §. 1. & ita de stipatoribus principum dictum memini, a Prudentio in A. pothef.

*Alteram &c.*] Prima significatio conditionem respicit, hæc sexum; & hæc hodie evaluit, quicquid vetustiores commune nomen utrique sexui haberent; *tertiam &c.*] hæc respicit ætatem, & impuberem notat, quando autem hæc finiatur ætas, dico lib. 2. de legit. temp. & scribit Alciatus & Rebuffus hic, quod communiter ad duodecimum annum in sœminis, decimumquartum in masculis: nam aliquando ad decimum octavum: & aliquando aliter. Hæc noster Jurisconsultus. Sed dicitur tamen puer & quarto modo pro filio: quomodo ego caperem illud Virgilii in Culice: *Sancte puer*, quia a Divo Julio adoptatus Octavianus, adeoque & ipse sanctus. Ceterum id non tangit noster, quoniam de verborum, quæ ad jus pertinent, significatione, non de omni tractat; nam & puer dictus Imperator Romanus ad difcrimen Romani avi. Zonara. ADD. Puellam Lucretiam dicit Ovid. lib. 2. Fast. & Helenam lib. 2. de Arte.

Et

*Et dixit, semper fac puer esse velis;  
Ille fidem jussis dedit, Et si mentiar, inquit,  
Ultima, qua fallam, sit nemus illa mibi.*

libr. 4. Fastor. de Atti. & Berecinthia:

*Fallit & in nympba Sagaratide definit esse;  
Quod fuit.*

Idem ad Augustum Eleg. 8. lib. 2. de Ponto:

*Parce puer jaculi decus admirabile nostri:*

cum ante dixisset, *Parce vir. Heus pueri.* Apul. 3. Afin. ad suos  
commilitones latrones. At in illa lege 12. tabular. SI PAREN-  
TES PUER VERBERIT. AST OLOE FLORASINT. PARENTES.  
PUER. DIVIS. PARENTUM SACER EST. de filio intelligetur  
Cujac. G. de ingr. lib.

CCV. Idem libro quarto epitomarum Alfeni.

*Qui fundum vendidit, pomum recepit; nuces, & ficos, & uvas duntaxat duracinas, & purpureas, & quæ ejus generis essent, quas non vini causa haberemus, quas Græci τροφιμα, id est, comestibiles appellarent, recepta videri.*

# A L B E R I C U S.

Latissimam esse pomorum appellationem ostendit Plinius lib. 15. hic pomo recepto, id est excepto, ne veniret in venditionem, audimus nuces, & ficos, & uvas qualdam contineri. Et de ficibus, uvisque non miror: nam ea poma dici videntur, quæ cute clauduntur: nuces autem clauduntur putamine, ut castaneæ corio, glandes crusta. Plin. eod. lib. c. 25. atque si glandes inter poma numerari non possunt, ut apud eundem cap. 24. quomodo nuces numerabuntur? Et si castaneæ dicuntur etiam nuces; illæ tamen accommodatiores glandium generi censentur ab eodem c. 23. qui aliæ nuces eandem censuram non ferunt? an etiam glandes receptas credemus? an etiam castaneas? Fornerius ait, elevatam Grammaticorum differentiam; quod non satis mihi facit; dicerem potius poma, quæ esui hominum sint; itaque castaneas in pomis pono; quæque nuces dicuntur; glandes propterea non pono, & nec posuit forte Plinius; nuces pono etiam durissimas illas pineas: ut ex Martiali & Rebuffus tradit: etsi Cascellius Jurisconsultus aliter sentire videtur apud Macrobiū lib. 2. Sat. cap. 6. aut aliter quoque sentiendum est pro subjecto argumento; quod protinus credo. *Uvas duracinas.*] nam & vites inter arbores numerabantur apud præscos. Plin. lib. 14. c. 1. & duracinæ sunt, quæ servabiles in vite, tanta est earum contra frigora, æstus, tempestatesque firmitas; c. 3. *quæ ejus generis essent,*] non ad vinum, sed ad comedendum, & servandum, *quas Græci edules appellarent.* Sed quid de malis & piris? de his utique nihil dixit Jurisconsultus, quod dubitari de his nec poterat, præsertim cum de nucibus, ficibus, & uvis ita responsum est. Sed quid de oleis? certe distinguendum ut de uvis: quæ scilicet in hoc sunt, non ut ex ipsis oleum fiat,  
*Tom. II.* N n n      fed

sed ut comedantur ; hæ in istam receptionem venient . Et vero est hoc olearum genus , quod ineptum unde oleum exprimatur . Verum quia & de omnibus olivis ; item uvis omnibus quid in istam causam adservatur , ut comedantur , an & hoc receptum censetur ? & non putem in contractu venditionis per ea , quæ Alciatus tradit , ne & veniat uva , de qua disceptari potest , si est duracina . In testamentis , & similibus dispositionibus aliud forte verum est , ut quas , quantasve in duracinis testator habuerit , eæ pomorum appellatione continerentur . Postremum nota , quod de pomo singulariter scriptum est , & non de singulo cavillamur cum Æsopi lente . Sed nec illud reticendum est , quod lingua nostra Italica , & in Italica-Latina , qualis esse notariorum solet , pomorum nomen neque ad ficus , neque ad nuces porrigitur . Quædam paris argumenti vide ad l. 77. ADD. Ex eadem oliva differunt succi : primum omnium e cruda atque nondum inchoatæ maturitatis : hoc sapore præstantissimum &c. Plin. lib. 15. c. 1. Panancea genus pomorum . Plin. eod. c. 14. Poma alia siliquis gignuntur , alia baccis ; ibi. c. 28. Adeo teneræ , ut gestatum non tolerant , 15. c. 25.

#### CCVI. JULIANUS libro sexto ex Minicio.

*Vinarja vasa proprie vasa torcularia esse placet ; dolia autem , & serias tamdiu in ea causa esse , quamdiu vinum haberent ; cum sine vino esse desinerent , in eo numero non esse : quoniam ad alium usum transferri possent ; veluti si frumentum in his addatur ; eandem causam amphorarum esse : ut cum vinum habeant , tum in vasis vinariis : cum inanes sint , tum extra numerum vinariorum sint : quia aliud in his addi possit .*

#### A L B E R I C U S .

Proprium dicitur quod uni & soli & semper convenit , ut recte definitum a Dialecticis est . Ergo vasa vinaria proprie , quæ uni soli vino semper conveniunt , nec ad alium usum transferri possunt ; talia sunt torcularia , id est ipsum torcular , & torculari conjuncta , ut Alciatus ait ; vino scilicet exprimendo , &

co-

cogendo facta ; quæ recitat de Varrone Fornerius . Verum ego hic dubito , si quæ hujusmodi sunt vasa , quæ ad alium usum transferri non possint : nam ipsum torcular oleo itidem exprimendo aptum esse potest ; tamen si nihil mutetur , forte nec aptum esse potest ; quod alii viderint : mihi enim jam ista exciderunt dudum ab Italia absenti .

*Tamdiu in ea causa esse &c.* ] Ergo quæ talia esse possunt , & talia esse non possunt , talia judicantur ex præsentis usu . Item si paterfamilias vini solum causa semper est usus , vinaria sunt ; vel si in hunc tantum usum comparasse dicetur ; ut de aliis sic scribit Alciatus , sed & interpretationem ex mente descendentem , non ex verbis , ait . Quod si usus varius proponitur , per eandem interpretationem juxta frequentiore fiet judicium : in sermo enim ita responsum , qui plura artificia sciat , l. 65. §. 2. ff. de legat. 3. nisi & hic constet scilicet , cui usui vasa dominus potius destinavit : hæc enim attendetur destinatio semper , l. 12. ff. de su. instr. Et si nihil horum conjecturam ullam præstet , tum regionis mos controversiam dicet , d. l. 65. §. ult. ADD. Sed jam & Kalend. Januarii defectu vasorum vindemiantes vidi , piscinisque musta condi , aut vina effundi priora , ut dubia reciperebantur . Plin. 18. c. 31.

#### CCVII. AFRICANUS libro tertio quæstionum.

*Mercis appellatione homines non contineri , Mela ait ; & ob eam rem mangones , non mercatores , sed venaliciarios appellari ait ; & recte .*

#### ALBERICUS.

Mercis nomine res mobiles ; adi ad l. 66. Ratio autem , cur homines non contineantur nomine isto , videtur fuisse , non quod qui hoc negotium vendendorum mancipiorum exercent mercatores non dicantur : id enim male Fornerius facit rationem , quod est illatio : sed quod sit absurdum , ut de fructu dicitur in l. 28. hominem in merce esse . Tamen captivos mercem appellare Jurisconsultus videtur in l. 1. ff. de contrab. empt.

ubi utrinque merx in permutatione, & ex altera captivi ponuntur. Item & in l. 73. mercis loco servos venales ait. Ait Glossarius, proprie mercem non esse; quod omnes probant. Ego ad speciem d. l. 73. quæro, quid si alii merces legasset? & forte excluso eo, qui servos petebat, quia hi venales mercis potius loco; revolvitur mantellum contra alium, qui merces petat, quod homines non sint in merce. In actione tributoria porrigitur mercis appellatio & ad servos, l. 1. ff. de tribut. mangones. ] ita pueros mangonizavit Saphe obstetrix. Plin. lib. 32. c. 10. cutis teneritate mangonizat corpora. Plin. c. 1. lib. 23. mangones ista in apothecis excogitavere; eod. mangonicis venalitiis nota, cap. 26. lib. 21.

*Non mercatores.* ] mercator est, qui merces emit, ut vendat, exercendæ causæ negotiationis; non est negotiator, qui rem emit, ut inde operetur, non vendat integram; mercator, qui vendere vult, ut emit; c. 11. distinct. 88. non ergo mercatorem facit emptio una, venditioque; non venditio fructuum collectorum in agris suis; cum id genus aliis, quæ hic Alciatus notat, & popularis meus Stracca in tractat. de mercat. *Sed venaliciarios.* ] venaliciarii omnes dici possunt, qui res venales habent: itaque nomen hoc non male relictum mangonibus, quando mercatoris non conveniebat. Mangonis appellationem inde fluxisse volunt, quod manu agant venales servos, vel manum eumentium. Recitat Josephus Scaliger rationem totam servorum venalium distrahendorum in comm. in Propert. titulus cuique ex collo aptus, aut in venalitis scriptus; titulus autem qui significabat significanda, l. 1. ff. de ad. ed. Creta domini sigillo pedes signabantur. Saltabat, currebat circa circumstantes, dum præco eum venalem clamabat.

## CCVIII. Idem libro quarto quaestionum.

*Bonorum appellatio, sicut hereditatis, universalitatem quandam, ac jus successionis, & non singula* RES demonstrat.

## A L B E R I C U S.

De bonorum vocabulo tractatum ad l. 39. §. 1. l. 49. l. 83. de hereditatis ad l. 24. & ad l. 119. ubi æquiparatz hæ appellaciones bonorum possessionis, & hereditatis; & ad l. 138. ubi quod nomine hereditatis propterea & bonorum possessio significatur. Et vero quod hic de bonorum appellatione scribitur, id de bonorum possessione accipiendum est; & ita in omnibus tituli ejus argumentis, & passim; vel etiam capere potes in eo, qui bona sua cuiquam relinquit: nam heredem univerforum fecisse videbitur, l. 14. in fin. l. 15. l. 16. ff. ad Trebell.

*Universalitatem quandam.* ] Vide ad dict. l. 24. non singulares. ] & hinc patet, adjectum male a Cujacio definitioni hereditatis, in dominium singularum rerum. Jam declarantur ex hac lege multa in jure, quæ & Cujacius ad istam legem in suo Africano observavit; quod dicitur, partem hereditatis in re una non esse, l. quamvis, ff. si quis om. ca. test. quia non est successio singularium rerum. Sic opus interdicto, Quorum bonorum, Quorum legatorum: ut suis titulis leges. Hereditatem non usucapi: quia jus, adeoque quid incorporale, quod nec possidetur; nec usucapi solet: res singulæ ut ut possideantur. Non possideri pro diviso, l. 8. ff. de rei vind. quia jus individuum; & quod de possessione dici videtur pro indiviso, intelliges de quasi possessione: ne contraria enunciasse existimemur. Sic agit heres ad res suum defuncti, qui successit in jus, l. 9. ff. de pæ. hered. Sic non præstat evictionem, quoniam nec res vendit, sed jus; & id censetur de eo, quod habet, l. 2. ff. de her. vend. Quod vero augmentum recipit & deminutionem hereditas, l. 20. §. 3. ff. de pæ. hered. id est ex natura universalis, quod nullis terminis conclusum est; ut ab interpretibus traditum est ad rubric. Digest. solut. matrim. ADD. Ubi in aliqua dispositione fit mentio bonorum universaliter alicujus, idem judicatur de bonis, quod de he-



hereditate. Decian. *consil.* 113. *Volum.* 3. Jura & actiones eo nomine venire, l. bonorum, §. ult. hic.

CCIX. FLORENTINUS libro decimo  
Institutionum.

*Coram Titio aliquid facere jussus, non videtur presente eo fecisse, nisi is intelligat; itaque si furiosus, aut infans sit, aut dormiat, non videtur coram eo fecisse. Scire autem, non etiam velle is debet: nam & invito eo recte fit, quod jussum est.*

A L B E R I C U S.

Duo traduntur; unum, quod intelligentia requiritur ejus; coram quo quid fieri debet: alterum, quod non ejus tamen adprobatio requiritur. Atque ad primum quod attinet, verbum *coram* referri imo videtur ad corporis presentiam, non etiam exigere presentiam animi; & ita de Bartolo recitat Alciatus in teste, qui ait, coram Titio quid factum, ut nihil referat, si Titius factum non intellexit. Illud certum est, esse satis in teste testamentario, & in omni alio, qui ad solemnitatem adhibetur, non desiderari intelligentiam, qualiter quid agitur, at satis crassiores, & informiores, l. 20. in fin. ff. de testam. Verum ista contraria legi nostræ non sunt; nam quanta esse intelligentia debeat, lex nostra non explicat. Ergo qualis qualis in teste solemnium sufficit. In altero illo statutum illud a Bartolo, quoniam testis non nisi de sensu deponit: itaque is fecit satis, qui, num intellexerit Titius factum, nec ne, non judicavit. Est præterea præsumptio a communiter accidentibus, ut qui adest, is & intelligat. Lata hæc est tamen disceptatio inter nostrates; est vero communis opinio, ut si de se quis dicat, Se coram quid factum, includat intelligentiam: si de alio, non includat, nisi præsumptive; adi ad not. in l. 1. ff. si cert. pet. & Dec. *consil.* 630. in causa; ubi is tamen quod firmat & in verbis notarii, neque aliis, neque mihi probatur satis. Ceterum notes, quod non hæc tamen de teste dicuntur, quasi recte adfirmant, coram factum; sed nec falsi, & mendaces habeantur; nam semper verum est, non esse fa-

factum coram, nisi intelligatur: at si corpus adsit, excusatur tamen, qui ait factum coram, licet animus absit. Is est, qui audit, videt, cetera per corporea instrumenta aures, oculos, reliqua facit; ut hic per Alciat. & Fornerium, quibus adjungas ex Lucr. lib. 4.

— in rebus quoque apertis noscere possis,  
*Si non advertas animum, proinde esse, quasi omni  
 Tempore semotum fueris, longeque remotum.*

Et de Cic. lib. 1. Tusc. *Apertis atque integris & oculis, & auribus nec videmus, nec audimus, nisi id agat, & adsit animus: qui scilicet & videt, & audit.* & de Plauto in *Casina*, *rogitatio oportet, adsit ne animus &c.* atque hinc mos vellendi auriculam; ut per Alciat. *ad rubr. C. de in jus voc. & de eo nos supra ad l. 39. §. 2.* Et sane cum animo & corpore constet Titius, non potest coram Titio quid factu dici, nisi & animo & corpore presente; itaque si furiosus, aut insans &c. ] quid? an jussus facere coram Titio, si is est furiosus, vel insans, non facit jussui satis, si facit coram eo, coram quo est jussus? at verba capienda apte ad personam, de qua dicuntur, *l. plenum; §. equitii ff. de usu & hab. & de furioso ita in l. 77. §. 1. ff. ad Treb.* Dico, jussum facere coram Titio nondum furioso, non posse facere coram Titio jam furioso; ita nec restituitur jam furioso gladius, *l. bona fides, ff. de pos.* Præterea quid si jubens nesciat furiosum? Sic si nescit infantem, & si scit, voluerit vero ætatem aptam, & sanitatem expectari? *§. furiosus. Inst. qui te. tu. l. 10. §. pen. ff. de test. tu.* certe enim, si nihil horum sit, putem ego satis, si coram istis jussum fiat. Verum & ad limitationem hujus definitionis videndum est, quid id sit, de quo agitur: quædam enim infantes intelligunt; unde querere eos jocalium possessionem Doctores tradunt.

Hæc ita se habent; cenfeo tamen Titii nomen hic usurpatum non tanquam personæ certæ, sed tanquam incertæ: atque ita voluisse dicere Jurisconsultum coram aliqua persona, id est, non clam, coram uno saltem teste quid facere jussus, non faciet coram persona non intelligente, ut coram furioso, vel infante, vel dormiente. Dormiens non intelligit; adi Lucretium lib. 4. Sed simulant tamen quidam somnum, & delicta patrant, *§. 1. tit. 16. coll. 9.* & alibi tractant interpretes de his, quæ dormien-

mientes admittunt. Atque quod de his tribus notatur hic, idem de reliquis ejusdem generis, furdo, ebrio, similibus: ut hic per alios. Sed tu de furdo illud notes, quod traditum a Jubenio Celso, refert Justinianus in l. 10. C. *qui testam. fac. poss.* nullum esse, qui penitus non exaudiat, si quis supra cerebrum ejus loquatur; quod est ex eorum genere tamen, de quibus non multa est legis auctoritas. De ebrio & alii & Tiraquellus in *trac. de pr. le. moll.* notes extra pœnarum causam, quod non infrequentissime contingit, de juvene ebrio, qui matrimonium contraxit, Decii *conf. 112. in presenti*: ubi, quod qualitas ebrietatis attendenda & quod difficilis probationis ebrietas &c. De præsencia corporis sic statuendum, ut is dicatur præsens, qui est, ubi sentiat, quod agitur. D.D. in §. item verborum. Inst. de inut. stip. & Brechæus hic. *Scire autem* &c. Egregie hoc tractat Alciatus: & quod ex proprietate verbi hoc est; & quod ex conjecturis aliquando contra est; atque quasdam notat; item & Brechæus. V. omn. Rom. Rub. C. *qui adm. n. 5. 7.* Præsencia hic intelligentia accipitur; & ita in l. *ubi non voce 166. de reg. ju.* ubi Dec. scripturam notarii intellige de præsencia testium cum intelligentia. Bar. Alex. *conf. 43. Vol. 4.* Sic si testis neget se præsentem fuisse, non repellitur, quia potuit præsens fuisse, nec intellexisse. Alex. *conf. 183. lib. 6. & conf. 212.* Adde eundem, in l. 1. §. 1. D. *de auct. tut. in conf. 119. Vol. 3. & conf. 20. Vol. 4. & conf. 174. lib. 6.* quod qui de sua præsencia deponit, includit & intelligentiam: non qui de aliena.

#### CCX. MARCIANUS libro septimo Institutionum.

*Is, qui natus est ex mancipiis urbanis, & missus est in villam nutriendus, in urbanis servis constituitur.*

#### A L B E R I C U S.

Adi ad not. ad l. 166. & l. 198. non attenditur scilicet, quod ad tempus est; ut hic multis exemplis exponitur; & idem etsi non nomen urbani usurpatum sit, aut rustici, sed dictum, *qui ruri sunt, eos lego*: adhuc is non censebitur legatus: ut sententia est Castrensis & Alciati. Etsi dubitari de eo potuit, quia  
ut

ut non sit servus, qui est tamen in servitute, ita non sit rusticus, qui tamen ruri est. Verum recte illi, nam ut sit ruri, non tamen esse censetur; l. 78. §. ult. ff. de legat. 3. & ita etiam traditur de eo, qui est in servitute; ut nec in servitute esse existimetur, §. ult. Instit. de inge. Quod si dictum sit, *qui quoquo modo sunt*, vel, *qui nunc sunt*, tum & is continebitur; ut de Bartolo acceptum alii scribunt. Item si non nutriendus, vel aliter ad tempus missus sit, at perpetuo ut ibi sit, certe in urbanis non constituetur; arg. l. 17. §. 4. ff. de act. empt. & notant alii hic, & est verissimum: si tamen addis; & in usum rusticum missum; d. l. 166. usus enim totum facit. Ceterum hic notes, quod antequam de usu constitui valeat, censetur ex parentibus mancipium; & potuit contrarium credi, quia usus est, qui facit: interim vero ex loco censendus videretur, qui eum habet, quique aliquid facit in ista constitutione; ut quid enim in duobus id prævalebit, quod præterit, si utrumque nihil ad hanc facit constitutionem? *ex mancipiis urbanis.*] Quid si ex altero rustico? quid si ruri natus, ubi relictusque nutriendus? Sequitur filius familiam patris: forte igitur & in proposito servientium; contra quia servus ex matre est, ergo & ut sit talis servus. Cogita; in altera questione itidem cogita, si rusticus dici potest: nam natus Romæ Romanus; vide notata ad l. 190. In utraque ex lege nostra, quod dicit de mancipiis, non de mancipio: item quod missus.

## CCXI. FLORENTINUS libro octavo Institutionum.

*Fundi appellatione omne ædificium, & omnis ager continetur; sed in usu urbana ædificia ædes: rustica villæ dicuntur; locus vero sine ædificio in urbe area: rure autem ager appellatur; idemque ager cum ædificio fundus dicitur.*

## A L B E R I C U S.

Adi ad notata ad l. 60. & 115. *omne ædificium*]; item ædium appellatione omnis species ædificii continetur, l. qui ædes. ff. de incend. ru. naufr. Sed ædes ab aditu dictæ; ut per Varr. libr. 4. de L.L. non ergo ædificium, quod non faciat ædi.  
Tom. II. Ooo di

ditum ; an ergo non est ædificium piramis , columna struclilis , paries ? non videtur ; *omnis ager*. ] adi ad l. 27. in princ. *Sed in usu* &c. ) ecce tibi generalis eaque propria significatio fundi , & ecce specialis eaque ex usu pro agro cum ædificio . Itaque videndum est , si uni ædes , secundo villæ , tertio aræ , quarto agri , quinto fundi legentur , quomodo quintus is capiet legatum suum ; id est , an ex usu qui fundi dicuntur agri cum ædificio , an ex proprietate concurret cum omnibus in legatis omnibus . Et ex usu forte capiet , quia & altera regula videtur favere , ut verba in specie accipiantur . Verum quod fundum locum rure cum ædificio , agrum sine ædificio dicit , id videtur contrarium esse illis Plinii lib. 18. cap. 6. *Neque fundus villam querat , neque villa fundum ; villa Scævola fundus carebat*. In quibus fundus ab ædificio distinguitur ; in sequenti recte , *villa Luculli agro* . Sed dicendum est , generali appellatione usurpatum fundi nomen .

#### CCXII. ULPIANUS libro primo de adulteriis .

*Prævaricatores eos appellamus , qui causam adversariis suis donant , & ex parte actoris in partem rei concedunt ; a varicando enim prævaricatores dicti sunt* .

#### A L B E R I C U S .

Idem Jurisconsultus in l. 1. ff. de prævar. *prævaricator est quasi varicator , qui diversam partem adjuvat prodita causa sua ; quod nomen Labeo a varia certatione tractum ait ; nam qui prævaricatur , ex utraque parte constitit , imo ex altera ; ait Labeo , a varia certatione ; Cicero in Partitio. quod in contrariis causis varie positus ; ait Labeo , imo ex altera ; ait Cicero , esse videtur ; nam vere ex altera parte est scilicet . Ulpianus noster hic a varicando nomen ducit , quod est non recto pede , sed distorto procedere . Et sequitur Ulpianus sonum nominis , Labeo intellectum , item Cicero ; quod notes ad ea , quæ scripsi ad l. 57. Hactenus ad etymologiam , addas vero & quæ in Originibus frater meus docet . Prævaricatores eos &c. in l. 1. ff. de prævar. & in l. 4. ff. de his , qui not. inf. definitur prævaricator , qui di-*  
vra

*versam partem adiuvat prodita causa sua ; & forte in lege nostra non donans , sed prodinans , quod est produnt . Ceterum non hic ita accipitur verbum donandi , tanquam liberalitas requiratur , ut sit prævicator : sed quoquo modo concedatur ; ex parte actoris in partem rei , dum colludit cum eo , & translatione muneris accusandi defungitur : eo quod proprias probationes dissimulet , falsas vero excusationes admittat , l. 1. §. 3. ff. ad Turp. Et in princ. prævicator est vera crimina abscondere . An ergo non est prævicator , qui ex parte rei in partem actoris concedit ? is poena legis Corneliae de falsis magis tenetur , l. 1. in princ. ff. de fals. Sed cur procurator , non etiam advocatus actoris est prævicator ? l. 1. ff. de pravar. Sed Isidorus lib. 10. ait , Prævicator malae fidei advocatus ; corruptus gratia , pecunia ; quia advocatus non habet adversarios , sed procurator , qui aut est , aut futurus est dominus litis , & est qui accusat . Et prævicator quidem advocatus etiam privato iudicio , nec tamen proprie dicitur prævicator , nisi qui publico iudicio accusaverit , dict. l. 1. forte quia mandati iudicium in privato interveniet . Movetur vero a Bartolo quaestio , an si quis , postquam vidit , & novit iura partis , neget se causam ejus procuraturum , vel accusaturum adversarium , is sit prævicator accedendo in partes rei ? & negat ille recte : alioqui deterreri & arceri posset facile quis a procuratore causae adversarii , ostendendo ei iura nostra ; item ait lex , ex parte actoris concedunt : nec ii ex parte concedunt , in qua nunquam fuerunt . Item ait , causa sua : quae non est ejus , qui nunquam voluit suam esse ; item , adversariis suis ; item , in contrariis causis positus , quae de isto dici non valent . Nec itaque probo Alciatum , qui immo istum illaqueat falsi ; nam suscepta instrumenta prodit deposita ille in l. 1. §. 2. ff. de fals. hic nihil susceptum proponitur . ADD. Prævicator , si docuit adversus quem venit . Tertull. lib. 4. adv. Marc.*

## CCXIII. Idem libro primo regularum.

*Cedere diem significat incipere deberi pecuniam. Venire diem significat eum diem venisse, quo pecunia peti possit. Ubi pure quis stipulatus fuerit, & cessit, & venit dies; ubi in diem, cessit dies, sed nondum venit; ubi sub conditione, neque cessit, neque venit dies pendente adhuc conditione.*

## A L B E R I C U S.

Variam verbi cedendi significationem notant alii hic: ubi una illa frequens in obligationum contrahendarum, & distrahendarum tractatu ad tempus quod attinet explicatur, ut cedere sit incipere; dixit tamen J. C. *incipere cedere* in l. 4. §. 2. ff. rem pu. fa. fo. sed forte quoniam post excussum principalem fidejussor convenitur: adeoque non illico finita tutela cedat dies contra fidejussorem: quando nec dum constat, in quantum teneatur. Ergo probe, *incipere cedere*; id est, incipere obligationem obligari, prorsus contrahi: quia quatenus reus excutitur, ea fidejussor pergitur obligari.

*Ubi pure quis stipulatus &c.* ] suspenditur tamen actionis exercitium modico tempore pro judicis arbitrio, l. 105. ff. de solut. qua de re nos lib. 1. de legi. te. cap. 10. Sed est tamen aliquando certum tempus definitum ea lege: ut hic per Alciatum; item notes cum Fornerio, quod in pura obligatione hoc est; alias si stipuler hodie dari, nullum tempus expectabitur, l. 118. §. decem. ff. de verbor. oblig. ita & si præsentia stipuler. vide l. 30. ff. de leg. 1. Item non procedit quod de suspensione dicitur, quasi alias committatur in §. hodie. Instit. de action. Sed tantum ne efficaciter petatur: nam peti posse, immo ait lex nostra, statim ac dies venit; tempus illud reo debendi tantum prodest, ne exigatur: at non ad excludendam compensationem actori, alteramve exceptionem: sed nec ad morandam præscriptionem; ut hic per Alciat. qui hæc omnia communiter approbata scribit.

*Ubi in diem &c.* ] si dies nondum venit, & id est, nondum peti pecuniam posse, quid est, quod magis communiter  
re-

receptum est, ut actionem ortamque hic interpretes velint? nempe, quia dies adjecta censetur executioni, itaque non impedit obligationis substantiam. Verum actionem negamus nos substantiam obligationis; & cum sit obligatio, quæ actionem nunquam parit; sit & ista, quæ adhuc non pariat. At sequamur communem: quod fecimusque supra ad l. 10. Ex eo vero quod obligatio nata hic est, non est repetitio soluti ante diem venientem, l. 16. ff. de cond. ind. ad quam vide cap. 12. lib. 1. de leg. 22. Sed differentia huic definitioni cum præcedenti erit, quod hic si petatur ante diem, pœna statit d. §. *hodie*; item excludit hoc tempus compensationem, l. 7. l. 16. ff. de compens. item præscriptionem moratur; cum id genus aliis, quæ hic omnes adnotarunt; prout & illud notant omnes, in re non transitoria ad heredem immo nec actionem, nec obligationem ante diem venientem nasci l. 1. in fi. ff. quan. di. leg. us. ced. item quod in personalibus judiciis obtineat hæc legis nostræ definitio, non in realibus. l. Sempronius, ff. de usufr. leg. neque in ulla alia dispositione, in qua lex diem facit, aut subintelligit; quæ Alciatus exponit. *Ubi sub conditione* &c. aliquam obligationem contractam docui tamen supra ad l. 10. & cetera ad rem latissime lib. 2. de conditio. Sequitur in lege nostra:

*Æs alienum est, quod nos aliis debemus; æs suum est, quod alii nobis debent.* ] Ad i. ad l. 159. unde tibi ratio constabit, cur quod debetur, id æris nomine significatur sive alieni sive nostri. Et vero cur JG. non dixit, *æs nostrum est*, cum subiecturus esset, *quod alii nobis debent*; num hæc locutio illi par, *suum heredem habeo*? quam eleganter adseruit Hotomanus nescio quo in libello, docens, non relativum ad alium, sed ad se heredem; num facit quod dicitur, pro suo possideo? l. 1. ff. pro su. Co. gita. Notandum loquendi modum ait Alciatus. Sed ego scio, mutationes personarum huiusmodi non infrequentes in libris nostris, l. 1. §. 12. ff. de nov. op. nunc. l. 44. §. 1. ff. de dam. infect. Illud cum Rebuffo notes, quod si adjicitur *alienum* semper est æs, quod debemus, ita æs meum alienum, tuum alienum &c. quod ego, tu debes.

*Res urget me nulla: meo sum pauper in ære.*

Horat. ep. 2. lib. 2. *Æs alienum meum novi*; hoc equidem cum eo creditore contraxi. Seneca de rem. fort. quantum æris mei ( sic



(sic Lamb.) fit, quantumque alieni fiet. Plaut. in Curcul. Alia scriptura est, quantum aëris mihi sit. Restat:

*Lata culpa est nimia negligentia: id est, non intelligere, quod omnes intelligunt.* ] Adversus istam definitionem Doctores nostri novas argutias confinxerunt, ut & aliquid ipsi scire viderentur, quod Jurisconsultum latuisset, fiuntque hac ratione ex interpretibus accusatores, vel potius calumniatores. Ajunt primo, non in negligendo solum esse culpam, sed etiam in faciendo, cum id fit, quod fieri non debet: quasi negligere etiam ad factum non referatur, cum aliquam rem non adhibita cura, sed cum neglectu pertractamus. Ajunt iterum, dementem vel pupillum non intelligere, quod omnes intelligunt, & tamen in culpa ideo non esse. Sed hi non idcirco non intelligunt, quia negligentia eorum aliquid imputetur, sed quia in altero naturæ vitium, in altero ætatis defectus est; nam & cum lex aliquid non intelligenti imputat, de eo accipiendum videtur, qui, si voluisset, intelligere potuisset; unde & generalis est regula, Ejus est nolle, qui potest & velle. Argumentantur rursus, Medicus propter imperitiam, & latam culpam tenetur, & tamen non omnes medicinam intelligunt. Sed & hoc eadem ratione tollitur: non enim in aliis quam medicis ignorantia medicinæ negligentia imputatur; negligens enim dicitur in sua quisque conditione, & professione, non in aliena. Subdunt etiam errorem juris latæ culpæ assignari & tamen pauci jurisperiti sunt. Sed hoc in pœnam ignorantium constitutum est, cum omnes prudentes viri, quæ ipsi ignorant, ab aliis peritioribus scrutentur: qui igitur ipse nec scit, nec peritiores consulit, in lata est culpa. Ita non omnis imperitia latæ culpæ assignatur, sed si in eo quis errat, quod communiter omnes ejus conditionis intelligunt, est lata culpa: si in eo, quod soli excellentes, est levis: si in eo, quod non nisi rarissimus quisque sciebat, levissima videtur; ut plerique senserunt, nobis quid sit sententia, infra differemus. Alciatus.

CCXIV. MARCIANUS libro primo publicorum  
judiciorum.

*Munus proprie est, quod necessarie obimus lege, more, imperiove ejus, qui jubendi habet potestatem. Dona autem proprie sunt, quæ nulla necessitate juris, officii, sed sponte præstantur; quæ si non præstentur, nulla reprehensio est: & si præstentur, plerumque laus inest. Sed in summa in hoc ventum est, ut non quodcunque munus, id & donum accipiatur: ac quod donum fuerit, id munus recte dicatur.*

## ALBERICUS.

Adi ad notata ad l. 18. & l. 194. *Munus proprie*, &c. an igitur non proprie in dict. l. 18.? Si latius sumas muneris nomen, certe & illic proprie: ut si in donandi tantum significatione capis, tum hoc tantum proprie; ut exposui ad dict. l. 194: *quod necessaria obimus lege*; forte quæ liberti, clientes patronis dabant. Dionys. lib. 2. & magistratus plebi l. 36. ff. de cond. & dem. more. ] id est consuetudine recepta; nam mores sunt tacitus consensus populi longa consuetudine inveteratus. Ulp. tit. de leg. & mor. & hoc sane, ut mos sequatur, voluit Laëtantius, aliique contra ex moribus sequi consuetudinem censuit Varro, ut refertque Macr. lib. 3. cap. 8. quod & nostri secuti videntur, l. de quibus, ff. de legi. §. sine scripto. Inst. de ju. nat. promiscue capimus tamen utrumque vocabulum, ut per Alciat. libro quarto Parerg. cap. 21. Festus vero morem dicit institutum patriæ pertinens maxime ad religionem; & hæc munera potuit respexisse noster hic. Sed quæ hæc munera ex more, prosequitur Fornerius hic, & Alciatus ad d. l. 194.

*Imperiove ejus*, &c. ] nescio si & de privatorum jussibus hoc accipimus, patrum, dominorum. *Dona autem proprie sunt*, &c. juris. ] nec legis, nec consuetudinis, nec nulla alia parte juris; officii; vel ex magistratus, vel ex debito, puta erga patronum; nam hæc opponuntur illis, *quod necessarie obimus lege* &c. item cape nec de nuptalicio, natalitio, similibus: nam hæc si non præstantur, imo reprehensio est. Sed quid de remuneratoriis, an hæc in donis computabuntur? Ex officio quidem præstan-

stantur, sed non ex necessitate. Ergo dona videntur. Contra, si non præstantur, reprehensio est, & nota ingrati. Ergo sunt munera; facit, quod revocando dona, non censentur hæc revocata remuneratoria; ut docent ad l. si unquam; C. de revoc. don. cum id genus aliis. Cogito, plerumque nec enim semper; nam a virtute proficisci debet; & inofficiosa etiam revocantur.

*Sed in summa.* ] Id aptius collocari potuit ad fin. d. l. 18.

CCXV. PAULUS libro singulari ad legem Fufiam Caniniam.

*Potestatis verbo plura significantur; in persona magistratum imperium; in persona liberorum patria potestas; in persona servi dominium; at cum agimus de noxæ deditione cum eo, qui servum non defendit, præsentis corporis copiam, facultatemque significamus. In lege Atinia in potestatem domini rem furtivam venisse videri, & si ejus vindicandæ potestatem habuerit, Sabinus, & Cassius ajunt.*

ALBERICUS.

Quinque significationes dicuntur verbi *potestatis*; prima, ubi de magistratu loquimur, ibi potestas imperium est; & ita sæpe in auctoribus potestatem populi pro magistratu accipimus, & illic certissime, ubi dicitur, provocari ad populi potestatem; non enim est ad populum, sed ad magistratum: Siquidem ad populum provocari dicitur, dum de populo intelligimus; atque ut potestas de omni magistratu omniſque dicatur, præcipue tamen minor de minoribus usurpatur: nam de majoribus major imperium; & ita Sigonius lib. 3. de ju. prov. c. 5. Verum in hac postrema parte verear, ut ita sit, per l. 32. ff. de inju. nisi apud Jurisconsultum tu minores pro minimis capis, quibus certe nec potestas est, ff. si quis ju. non ob. Alciatus contrarium scribit prorsus, quod de majoribus capiatur. Ergo non mihi placet Alciatus, qui imperii verbum de mero hic exponit: immo enim ego & de mixto, & de jurisdictione accipiem: ut & Rebuffus facit bene; & potestas pro jurisdictione legitur omni.

mnino in l. 1. in fin. ff. ad Leg. Jul. ma. & alibi. Illud fateor, non pro omni jurisdictione capi tamen, sed pro facultate cogendi, & coercendi; hæc siquidem potestas est, & dicitur, non facultas jurisdictionis; quod & de Sigonio nosces, & d. l. 1. ff. si quis ju. non obt. *in persona liberorum*, ] & ita potestatis nomine simpliciter posito venit patria hæc potestas, ff. de adopt. & em. & aliis mo. qui. po. *in persona servi*. ] vide notata ad l. 195. *at cum agimus de noxa deditio*; dare, dedere noxæ est dare damno, pro damno; *qui servum non defendit*; id est, non præstitit pecuniam, quam pro damno dato solvendam iudex decernit, l. 9. ff. de jurisd. *copiam, facultatemque*, id est, ut tum demum dedere cogatur, quando habet præsentem servum, l. 21. ff. de noxa; non hic est dominium: nam etiam fugitivi dominium retinemus, *in lege Atinia*. ] de ea supra ad l. 13. §. 1. *etsi ejus vindicanda*, &c. ] Id negat satis Accursius, ut dicatur res rediisse in potestatem, sed & exigit, ut apprehenderit, vel æstimationem cœperit; quod contra verba legis nostræ dicit Alciatus: neque mihi probatur; nam ut furtum non committitur nisi domino invito, ita nec manere in argumento legis Atiniæ videatur, nisi eodem invito; is vero invitus jam dici potest, qui potestatem vindicandi habet, nec vindicat. Ita mihi videtur; nam Rebuffus, nescio, si se extricat. Porro illud notat Alciatus, noluisse Jurisconsultum plures significationes hujus vocabuli protulisse; etenim esse longe plures, quas & Rebuffus recenset.

CCXVI. ULPIANUS libro primo ad legem *Æliam*  
Sentiam.

*Verum est, eum, qui in carcere clusus est, non videri  
neque vinctum, neque in vinculis esse, nisi corpori ejus  
vincula sint adhibita.*

# A L B E R I C U S.

Et is tamen solutus non est, l. 48. ubi videris. *¶ l. 9. ff.  
ex quib. ca. ma.* atque ita notes, verum dici id, quod proprium;  
quod & Baldus ex altera parte, proprium quod verum, lege &  
notata ad l. 224. *neque vinctum, neque in vinculis esse;* vinctum  
puto, qui catenis, nervis, similibus obligatur; in vinculis eum,  
qui compedibus, id genus aliis tenetur obstrictus.

CCXVII. JAVOLENUS libro primo ex posterioribus  
Labeonis.

*Inter illam conditionem, Cum fari potuerit, & post-  
quam fari potuerit, multum interest; nam posteriorem scri-  
pturam uberiorem esse constat: at Cum fari potuerit; ar-  
ctiorem, & id tantummodo tempus significari, quo primum  
fari possit.*

# A L B E R I C U S.

Ait, multum interesse: sed tamen nemo cum Accursio  
non sentit, difficillimum esse, istam differentiam percipere; &  
aliter atque aliter exponitur. Non est differentia nisi in articu-  
lis *Cum & Post*. Præterea verbum *potuerit*, quod sui natura po-  
tentiam, non actum quoque significat, ut scripsi ad l. 125. hic  
an ita capiatur in priori, non etiam in posteriori, disceptatur:  
& licet Oldradus, & Albericus adserat, & Bartolus, & Forne-  
rius tenet: negatur ab Alciato tamen, & confutatur probe:  
item & a Rebuffo: non enim est differentia, ut dixi, nisi in  
articulis, qui istam differentiam non faciunt; item in latitudi-  
ne temporis dicit differentiam J.C. non ergo in potentia, &  
actu

actu. Itaque nec in minus expedita, & magis expedita eloquendi facultate: quod Brechæus voluit. Placet interpretatio Alciati, ut hæc *cum fari potuerit*, illico impleatur, atque loqui primum incipit. Sic est arctior, nam ad id tempus cogitur, non uberius extenditur; altera tempus uberius exigit; ego puto illud esse, cum recte loqui jam homo potest. Sic pueri cum recte loqui vix possint, unde & nec accurate facit eos loquentes Plautus, ut observat Lambinus in *Pænulo*; pueros eam implere conditionem crediderim *Cum fari potuerit*, alteram non implere *postquam fari potuerit*. Sequitur

*Item ita data conditione, Illud facito in diebus, si nihil praterea fuisset adjectum, in biduo conditionem impleri oportet.*

Aut decem dies. Harmenop. spectat constitutam, l. de constit. pec. Sic *post annos indistincte liber esse jussus*, *post biennium liber erit*: idque & favor libertatis exigit, & verba patiuntur: nisi aliud sensisse patrem, manifestissimis rationibus probetur, l. 17. §. ult. ff. de ma. te. Sed nota, quod in lege nostra censetur, verba id exigere; in altera tantum pati, exigere vero singulare jus libertatis. Et vere puto pluralem numerum duobus contentum, l. ubi numerus ff. de testib. Ceterum & de pluribus dici; cumque de omnibus æque proprie dicatur, vere favor induxerit libertatis de biennio, nec ad judicis arbitrium itum sit scilicet, cujus est regulariter tempus infinitum finire. Item generaliter de duobus respondeatur, quia hic primus numerus, in quo verba ejusmodi impleantur; nam de duali nihil cum Latinis, ut nec cum antiquis Græcis. Diomedes lib. 1. atque si ita non interpretaremur, quæ alia constare posset interpretatio? Ita IC. vinum vetus, quod est prioris anni, l. 11. ff. de tri. leg. Sic vere patiuntur verba, sic & exigitur ista interpretatio. Aliquando tamen nihil actum censetur, ut si ex errore ommissus certus numerus est; quod in odiosis adserere proprius est; ut hic per Alciatum. Item si adjectum sit, in diebus illis, docuit Castr. Imo. Rom. Rebuffus, tempus nunquam futurum significare, & nihil actum credi: quia scilicet Itali hoc communiter loquendo sentiant; tam ad duos & hic dies

cogunt sermonem gl. Bart. Iaf. in l. cum qui. ff. de ver. oblig. Et Alciatus recte in arbitrio iudicis facit, qui ex conjecturis colligat, qua mente promissio hæc facta sit. Illud certum est, secundum subjectam materiam aliter accipi: ut in eo, qui promittat in diebus Romam ire: nam quod possibile fiat juxta l. continuus, §. cum ita. ff. de ver. oblig. forte hoc actum tantum credetur, ne annos, aut menses ponat: nam cessat numeratio dierum, ubi advenit mensium. Cogita.

ADD. Per h. L. dicit Alexan. conf. 7. Homines talis loci renuntiarunt privilegio, non de universitate tantum, sed de duobus intelligi potest; sic mandatum Canonicorum &c. ergo addendum, capitulariter; item conf. 19. Vol. 3. quod si testis dicit bona Romæ, non probat de omnibus rebus, quæ Romæ, sed de duobus accipi potest; quia indefinita nec æquipollet in testibus.

. CCXVIII. PAPINIANUS libro vigesimo septimo  
questionum.

*Verbum Facere omnem omnino faciendi causam completur, dandi, solvendi, numerandi, judicandi, ambulandi.*

### A L B E R I C U S.

De verbo *facere* supra dicta non pauca ad l. 175. & ad l. 189. Verbum faciendi videbatur referendum ad opus aliquod; ut in l. 5. §. 1. supra & in l. 72. §. 1. ff. de ver. oblig. & passim. Sed contra est, & omnem omnino, ] hæc universalium aggestio omnem omnino exceptionem excludere videtur; & hic sane excludit: quoniam nihil sit, quod faciendi verbo non explicetur: & ipsum non factum explicatur; ut tradunt ad d. l. 189. eandem vim esse his universalibus probavi ad l. 178. §. ult. Sed an sit eadem in l. 6. ff. de confess. in l. 1. Dig. de bon. pos. ex se. mil. in l. 1. ff. que infra. cred. in l. 26. §. ult. ff. de fid. lib. l. 19. ff. de lib. ca. in l. 2. ff. de ju. cod. vbi Angelus notat, verba esse maximi effectus: quod & Decius conf. 64. 65. 73. an, inquam, eadem vis sit his verbis in his locis,  
nunc

nunc non excutio, sed dico, lib. 2. Lestio.

*Causam faciendi*, ] id est omnem modum, formam; *dandi*; ] & tamen obligationes dandi ab obligationibus faciendi specificantur, l. 2. ff. de verb. oblig. verum & actio specificatur a vindicatione, & persecutione; & generali tamen significatione utramque complectitur; ita & alia in jure nostro, jurisdictio, cognatio, adoptio; ita & verbum debendi, d. l. 178. Ergo in illa materia, in qua distinguitur inter factum & dationem, nostra hæc lex non obtinebit; puta, si tenetur quis dare, is tanquam obligatus ad factum non liberabitur præstando interesse, quia datio in proposito non est factio. Vide autem in exempla l. 1. & seqq. & l. 10. ff. que infra. cred. ubi scilicet editum illud, quod de gestis & factis in fraudem est, data etiam in fraudem notare traditur. *Solvendi*; ] nam *solvere dicimus eum qui fecit, quod facere promissit*, l. 176. Sup. & judicatum facit, qui solvit judicatum; &c. ut hic per alios, *numerandi*, ] quid enim aliud numerare, quam facere? Sic facere contractum re, & facere mutuum pecuniam, l. 10. §. 2. & 3. toto tit. ff. si cert. pet. *judicandi*,.] & ita illa verba complectetur Do, Dico, Addico.

*Ambulandi*.] Et non hæc solum, sed omnem omnino faciendi causam: atque plurima exempla adhuc congerunt Rebuffus & alii: quæ & ad dicta, scripta, consilia pertinere idem hoc nostrum verbum ostendunt; quicquid ista distincta a factis videantur in l. 16. ff. de pœ: sed non alia tamen ratione sunt distincta, quam & datio & factio in d. l. 2. ff. de verb. oblig. facti quidem delicti nomine omne delictum continetur, sive factio, sive dictio, sive scriptio, sive consilio patratum: verum in puniendo alia ratio erit patrati factio, & patrati consilio, adi l. 53. item patrati dictio; C. si quis imp. maled. item patrati scripto: nam capitale crimen famosi carminis, non ita alterius injuriæ, ff. de injur. & fam. li. ubi & exempla in id ipsum, quod facti nomine & dicta & scripta & consilia continentur; quare miror Bartolum, qui pœnam maleficiis constitutam neget stare & maledictis; nisi enim ea diversa ratio puniendi ostendatur, omnino contrarium dicas, quia maleficium dicitur & de maledicto; atque ita Alciatus docet recte.



Si non apparet, quid actum, tum ultima consuetudo contrahentis primum: deinde regionis contractus; generaliter quælibet dispositio recipit interpretationem a consuetudine. Dec. Ex uno actu dicitur quis solitus, *l. Mela. §. 1. de alim. leg.* & consuetum habetur pro pacto. Saray. quod tacite intelligitur, quod ex qualitate rei colligitur &c. actum quid esse videtur. V. Dec. ad d. l. 34.

### CCXX. CALLISTRATUS libro secundo quæstionum.

*Liberorum appellatione nepotes, & pronepotes, ceterique, qui ex his descendunt, continentur; hos enim omnes suorum appellatione lex duodecim tabularum comprehendit; totiens enim leges necessarium ducunt, cognationem singularum nominibus uti, veluti filii, nepotis, pronepotis, ceterorumque, qui ex his descendunt, quotiens non omnibus, qui post eos sunt, præstitum voluerint: sed solis his succurrent, quos nominatim enumerent; at ubi non personis certis, non quibusdam gradibus præstatur, sed omnibus, qui ex eodem genere orti sunt, liberorum appellatione comprehenduntur. Sed & Papirius Fronto libro tertio responsorum ait, prædio cum villico, & contubernali ejus; & filiis legato, nepotes quoque ex filiis contineri: nisi voluntas testatoris aliter habeat; filii enim appellatione sæpe & nepotes accipi, multifariam placere. Divus quoque Marcus rescripsit, non videri sine liberis defunctum, qui nepotem suum heredem reliquit; præter hæc omnia natura nos quoque docet parentes pios, qui liberorum procreandorum animo, & voto uxores ducunt, filiorum appellatione omnes, qui ex nobis descendunt, contineri; nec enim dulciore nomine possumus nepotes nostros, quam filii appellare; etenim idcirco filios, filiasve concepimus, atque edimus, ut ex prole eorum, earumque diuturnitatis nobis memoriam in ævum relinquamus.*

### A L B E R I C U S.

Ex hac lege constituunt interpretes differentiam inter nomen

men liberorum, & filiorum : ut illo non tantum primus gradus, sed ultiores significantur ; isto primus gradus tantum ; quæ sententia juvatur & l. 6. ff. de testa. su. & §. ult. Institut. eodem & pulcre l. 9. §. pen. ff. de pæn. Ceterum mihi non satis firma visa est semper, aut longa hæc Callistrati disceptatio apta parum comperiebatur ; immo audivimus, filii nomine omnes liberos contineri, l. 84. & de gradibus capienda ea enunciatio est, quicquid disceptari possit ; nam & præsens Callistrati commentatio hanc opinionem firmat, ut filiorum appellatio non minus pateat late, quam liberorum. Ecce enim his, quæ primum ponit, ut contradicere incipit, *Sed & Papius*, &c. quæ est distinctio adversans in facto, assimilans in jure ; & ne ex voluntate contra verba esse quis dicat Frontonis responsum, ait, *nisi voluntas* &c. Rursus, quod de Divo Marco profertur, huc facit ; ecurr enim allatum hoc rescriptum, nisi ut ostendatur utriusque nominis eadem definitio ? ineptum namque est, quod Doctores ajunt, allatum, ut definiatur, etiam in uno constare liberorum nomen ; qui enim nexus ? *Drusus quoque* &c. qua arte in disceptatione de gradibus miscere de numero ? adi ad l. 201. itaque allatum, ut lata illa significatio nominis filiorum rescripto etiam D. Marci comprobaretur ; nam ut comprobaretur lata nominis liberorum significatio, ridiculum, dum agitur de nomine filiorum, & postquam longe ultra nepotes producta ea erat statim in principio legis ; quando igitur ad asserendam significationem nominis filiorum profert Juriscons. quod rescriptum fuit de nomine liberorum, ostendit nominis utriusque potestatem parem. Nolim enim emendare, & pro *liberis* reponere *filiiis*. Et tandem ratio, quæ sequitur, evincit sententiam nostram veram esse : *præter hæc omnia*, &c. Neque & illud non juvat, quod observat Fornerius, veteres usos libentius nomine liberorum, quam filiorum ; id enim est ostendere discrimen nulum in potestate verborum ; & Cic. l. 3. de nat. Deor. Expectentur pœnæ a liberis, a nepotibus, a posteris. Quid igitur ? quod dixi ad l. 201. ut sit hæc interpretatio justa, non propria significatio vocabuli in nomine filiorum, in liberorum nomine propria significatio. Et ita stet principium, & subtilitas d. l. 6. de te. su. & l. 2. §. 1. ff. de excus. quam subtilitatem vulgo homines nec servare Baldus ait. Ergo in sermone Latino-  
rum

rum hæc retinenda, non nostrum etiam Latine loquentium. Ad ea autem, quæ posita in principio, *totiens*, &c. adde l. 1. §. 1. ff. de leg. præst. item ad speciem Frontonis, l. 41. §. 5. ff. de leg. 3.

*Multisariam.*) multis locis; sic non generaliter, ut nomen liberorum. Sed præcedit argumentando Jurisconsultus, *distantiatis nobis memoriam in ævum*: & hinc quidam docuerunt, nepotes a nobis amari magis, quia per eos nostra memoria diuturnior; integra autem sententia videtur illi similis, *Natura homines misera, quos nequit in individuis conservare, conservat per propagationem in specie*. Non ita Legis verba interpretati sumus: Alciatus doctè argumentum totum. Sed quod pene imprudentes omisimus, considera quæso quod in principio de liberis proponit, & probat de suis: nam quod diximus de filiis & liberis ad rescriptum Marci, id videtur & hic dicendum, par rem liberorum & suorum appellationem; sui tamen, qui in potestate, leg. 1. §. 2. Digest. de su. & legi. Sed alieni, qui non sunt ex liberis, l. 17. §. ult. ff. ad Treb.

ADD. Ardua, & pene inextricabilis quæstio, an appellatione filiorum, præcipue in fideicommissis veniant nepotes? Duo casus sunt: Unus odii an gravatis filiis censeantur & nepotes gravati? Negativam tenent omnes. Alter favoris, an vocatis filiis censeantur vocati & nepotes? affirmativa magis communis. Eugen. consil. 94. Volum. 1. & ex facto conjecturas notat pro hac parte. 2. Appellat. nepotum & pronepotes veniunt. l. cui eorum. §. 1. de lib. & postum. quo casu nomine filiorum veniunt nepotes, eo & nomine nepotum pronepotes, & proprie; comm. procedit, si nepotum simpliciter facta mentio, non si in enumeratione graduum; puta, filiis & nepotibus, h. l. nec verum, quod proprie, sed lata interpretatione: omnes: Eugen. consil. 1. lib. 1. Vid. Alex. consil. 37. lib. 6. n. 1. In d. consil. hæc habet in summa, ut in favorabilibus & in lata significatione veniat nepos, in testamentis etiam non ascendenti, in legis dispositione, in conditionibus, non in exorbitanti; ut in l. Gallus; non in odiosis, ut in tutela, quæ talis respectu tutoris, in prohibita alienatione, similibus, non in pœnalis, non si in tempus præsens prospectum quo filius exstabat, non si communis usus esset in contrarium, de quo com-

Tom. II.

Q 99

muni

muni usa esset probandum; nec enim de isto fidem facere voluit, l. *quod si nepotes*; de test. iur. §. *pen.* & ult. Inst. qui datur. pos. probandum de usu loci, & ipsius testat. &c. Hæc latissime ibi Alex. iur. cons. 37. ad partes hinc inde disputat argumentis quatuordecim. Filiorum nomine veniunt nepotes, si ad futurum respexit testator, quando verisimiliter esse potest, ne filii extant; item videtur respexisse futurum, si de pluribus ait, & nunc non sit, nisi unus: pulcra secundum Cyn. Accurs. &c. Alex. cons. 26. Vol. 3. Institutio facta de nepote non comprehendit pronepote, l. *Gallus*, §. *instituens*; secund. intell. gl. In dispositione legali nomine filiorum non venit nepos, l. *patri*. & seqq. ff. ad l. *Jul. de adult.* l. *Lege Julia*, §. *hoc capite*, de rit. nups. l. 2. §. *non solum, cum sequent.* de excus. iur. Sic si ex statuto pater tenetur solvere condemnationem pro filio, non tenetur pro nepote Alexand. consil. 56. lib. 5. ubi quod nec in testatoris dispositione; sed allegat quæ de tutelis. Prohibitum stare in civitate cum filiis, non prohibetur cum nepotibus; prohibitis filiis contra patris testamentum quid dicere, non prohibentur nepotes; quia in odiosis & pœnalibus non veniunt, ut supra dictum. Alexand. consil. 541. Volum. 6. In feudis appellatione filiorum veniunt descendentes in infinitum in linea masculina. Bald. Alexan. consil. 124. Volum. 4. quia scilicet materia est indifferens, quoad gradus: si enim sit differens, tum de priori gradu intelligitur; sic in feudis idem est dicere, sine filio masculino, & sine herede masculino; item feudum est beneficium, & in beneficiis veniunt nomine filii. Alexand. consil. 17. lib. 5. In contractibus nepotes non veniunt. Alexand. Mol. etsi Alciat. in l. *liberorum*; valde frivolo argumento falsum dicat. Mol. sic neque in emphyteusi veniunt. Alexand. d. consil. 17. & probat Mol. quia feudum in gratiam feudatarii, emphyteusis in gratiam domini, ut terræ meliorentur. Molin. saltem in concessa pro mercede correspondente fructibus. Alexand. quod mihi videtur contra rationem Molin. & pulcre l. 9. §. *pen. ff. de pren.* Appellatione nepotum veniunt pronepotes in casibus, in quibus nepotes veniunt nomine filiorum; non veniunt in contractibus; comm. Alex. consil. 125. lib. 5. ubi quod nec proavia nomine avæ; sed Alex. tamen argumentum hoc negat: quia pronepos proprie nepos, item proavia proprie & vere avia; præpositio enim, *Pro*, ostendit ordinem,

nem, quod sit secunda avia &c. Sed nepos non dicitur proprie filius; sic & in correctoriis nomine avia venit & proavia Alex. ib. videris. Quod filiorum nomine regulariter non veniant nepotes. V. Jaf. in l. Gallus, §. idem; ratio generalis ubique concludens redditur in l. quod si nepotes, de test. tut. §. pen. Inst. qui test. tu. licet in casu speciali loquatur. 2. quia si veniret nepos, non rumperet testamentum instituto filio; & tamen rum- pit, d. l. Gallus, §. instituens, 3. per l. sed & milites §. 1. de ex- cus. tut. 4. quia communi usu non continentur. 5. quia filio pro- hibito alienare, nepos non prohibetur; ut alia præteream. Vid. Jaf. in dict. §. Idem & in dict. §. instituens. Liberi aliquando dis- tinguuntur a nepotibus, ut in illo Cicer. 3. de nat. deor. repe- tentur pœne a liberis, a nepotibus; &c. cum alias omnes descen- dentes liberorum nomine veniant, b. l. & simil.

## CCXXI. PAULUS libro decimo responſorū.

*Paulus respondit, falsum tutorem eum vere dici, qui tutor non est, sive habenti tutor datus est, sive non; sicut falsum testamentum, quod testamentum non est; & modius iniquus, qui modius non est.*

## A L B E R I C U S.

Iustum pro vero, & contra Græci, Latinique Prisc. lib. ult. falsum est id, quod non est; Gal. lib. 5. Metb. Arist. in prædic. & c. ult. lib. 9. Metaphy. & contra, verum est id, quod est; e. cum humilitatis. 22. q. 2. & recitat Dec. cons. 189. eum ve- re dici. ] id est, proprie; ut monui ad l. 216. & ita ad rem, l. 2. §. 1. ff. test. quem. ap. testamentum autem proprie illud dici- tur, quod jure perfectum est. Sed abusive testamenta ea quoque ap- pellamus, quæ falsa sunt, &c. qui tutor. non est. ] & mentitus se tutorem est, vel non datus ab eo, qui jus dandi habuit; vel qui tutor esse non potuit; vel aliter non jure datus, puta fida- tus est habenti; nam habenti tutorem tutor non datur, §. inter- dum. Institus. de curato. Et ratio inter tutorem & curatorem illa videtur, quod individuum caput, cui tutor datur, bona dividua quibus datur curator.

*Et modius iniquus.* ] modius, quod sit suo modo perfectus : Isid. lib. 16. Alia vero exempla in hanc eandem definitionem alii adnotarunt; & de falso emptore est, *l. 4. §. 2. ff. de in di. add. de falso procuratore, l. 3. §. 1. ff. rem rat. hab. l. 80. §. 3. & 4. ff. de fur. de falso creditore, l. 43. eodem tit.* Porro ex ista definitione adstruit vulgatam regulam Alciatus; quod nullum est, nec actus nomen mereri: nec effectum ullum producere, ut Rebuffus exponit. Et vero licet actum nullum nomine validi appellemus aliquando, id vel enunciationis causa facimus, vel alia aliqua occasione: quod Alciatus notat: non ut si de actu aliquo verba fiant, hæc & de nullo capiantur unquam; ad effectum vero quod attinet, poenam quandoque inducit actus nullus; adi vero & *l. 6. ff. de fals. item sententia nulla absolvit jurisdictionem delegatam.* Item electio nulla mandatum eligendi; ut per interpretes *ad l. judex. Digest. de re judic.* item ex actu nullo voluntas declaratur, *l. 20. ff. de adim. leg.* ubi quod & operatur, ubi sola voluntas locum habet; cum aliis, quæ hic Rebuffus. Sic quod inducatur etiam consuetudo, quia consensusque appareat populi. Bald. in *l. de quibus, ff. de legi.*

ADD. Duo ludunt ad par impar; sit cumulus nummorum; unus ait Par, alter Impar; reperitur nummus falsus, qui si probus esset par vincit, qui dixit, impar; disputata questio ab Ub. Bobio; alii referunt, & Alexan. *conf. 104. Vol. 1.* falsus denarius non est denarius, gl. Alex. eo. Ego non probo istam subtilitatem, arg. *l. eleganter, §. qui reprobos, ff. de dol.*

## CCXXII. HERMOGENIANUS libro secundo juris Epitomarum.

*Pecunie nomine non solum numerata pecunia, sed omnes res, tam soli, quam mobiles, & tam corpora, quam jura continentur.*

## A L B E R I C U S.

Quæ tamen in patrimonio sint, *l. 5. sup.* nec spectent causam libertatis, *l. 55. §. 2. Digest. ad Trebell.* forte quod libertas res inæstimabilis; hic porro & exponitur, quod de corpore

poribus dicitur in l. 178. & addit præterea de juribus, hoc est rebus incorporalibus. Sic jussus pecuniam restituere bona omnia restituet, æque ac si hereditatem restituere juberetur, l. 14. in fin. ff. ad Trebell. & Cicero hereditatem pecuniam definiuit in Topic. & pro hereditate dixit Verr. 3. Sed & qui pecuniam tibi debitam a Sejo donat, etiam actionem donasse, tridit Bartolus, & refert Alciatus. Ita & in compromissis quoque accipitur, l. 11. §. 2. ff. de arb. proculdubio & ubique. Latissimæ autem istius significationis ratio, quod omnia antiqui in pecoribus; itaque subrogatum nomini ex eo, quod & alia, quæ in patrimonio esse cæperunt, pecuniæ nomine nuncupata. Accursus, quod redigi omnia in pecuniam possunt; cui favet l. 88. supra tamen refutat Alciatus; & sane ea lex non rem respicit, sed æstimationem. Verum hæc ego in Latinis hominibus capio, non in nostris, quibus pecunia est numerata. Interpretes tamen de hominibusque illiteratis dicunt tantum. Sed & eam distinctionem tradunt, ut in favorabilibus latissima hic notata significatio adhibeatur; in odiosis strictissima pro nummis tantum, l. 7. §. 2. ff. ad S. C. Maced. quamquam illic adjectum verbum *numerata*; itaque hoc ego non teneo: & ex ea lege contrarium indicatur, quasi si verbum illud non esset adjectum, etiam in odiosa materia non cogeretur pecuniæ significatio adnumeratam. Sed nec alteram partem satis probo, ut in legatis, aliisque, quæ nec favorem, nec odium habent, significatio cogatur ad ea, quæ pondere, numero constant, & mensura: quoniam non ea est interpretationis ratio in l. 30. Digest. de leg. 1. sed quod illa legata trinis præstationibus exsolvenda erant; quod in juribus, quæ individua sunt, item in corporibus, quæ facile divisionem non recipiunt, obtinere non poterat. Ergo regulariter capietur ubique in sua latissima significatione; & ita in edicto de calumniatoribus, l. 1. & sequent. Digest. de calum. contra pro numerata pecunia in l. 64. in fin. ff. sol. matrim. Sed & in latissima significatione: nam si eam, quam accepisset, tradere lex voluisset, dixisset, *quæ pecuniaria erit, eam dato*: aut certe non repetiisset nomen pecuniæ, sed repetendo videtur non eadem significatione accepisse nomen pecuniæ: nam alias satis dicere, *quanta pecunia erit, tantam dato*; cogita; forte & a verbo *quanta* fit restrictio: nam ad corpora non pertinere, certum est. Summa tum & ad corpus pertinet, l. 95. Digest. de leg. 3.

CCXXXII.

CCXXIII. PAULUS libro secundo  
sententiarum.

*Lata culpæ finis est, non intelligere id, quod omnes intelligunt.*

## A L B E R I C U S.

Vide ad l. 213. §. ult. Hic dico, quod distinguere interpretes culpam solent in latam, latissimam, levemque, levissimamque. Et de consultorum sensu rapta distinctio videtur. Sed eam tamen Corasius eo improbat argumento, quod per plus & minus facta sit; quodque vitiosum est; ut ipsique interpretes tradunt *per l. ult. ff. de instr. & instr.* Verum species pro partibus in hac distinctione ponere potuerunt: quod usitatissimum summis auctoribus est: & Plato etiam facetus alicubi videri voluit, dum Socratem cum Sophista quodam pangentem veluti foedus facit disputationis futuræ adhibito inter formam partemque discrimine, quod postea violentem inducit; aut etiam quod nec insolitum iisdem species ita constituere: siquidem in Alcibiade Plato sic species insipientiæ constituit: sic febrim (si recte memini) Galenus: sic Aristoteles in Politicis ipsas deflexiones a recta Reipubl. forma. Et itaque nostri non male, qui per qualitates sapius, non per differentias proprias dividunt; ut observavitque Baro ad l. 6. ff. de ju. & ju. sed & per qualitatem; sic flumen & rivum, l. 1. §. 1. ff. de flum. damnationem in metallum & in opus metalli, l. 8. §. 4. Digest. de pœn. dotem, ut pulcre per Alciat. libro 4. Parergon, capit. 8. furem & abigeum, l. 3. ff. de abig. cum aliis notatis ad l. 85. & certe ex modica, & levi differentia diversas species leges constituunt, l. 1. ff. de prat. sti. l. 2. §. deinde, vers. cum esset, ff. de orig. ju.

*Finis est, non intelligere, &c.*] In dict. §. ultimo leg. 213. simpliciter, est non intelligere; hic igitur signate magis: quasi ultra illum finem non sit lata culpa, sed aut latissima, aut dolus; nam dolus est intelligere & contra pravo animo facere; adi leg. prim. Digestor. de dol. ubi tamen nec omnis dolus, quod miror, si animadvertit nemo, definitus est: nam qui delinquendo



do committitur, non definitur. Culpa latissima fuerit, ut ego puto, intelligere & negligere, quod diligentius quaeram ad l. 2. 26.

Sequitur in lege nostra.

*Amicos appellare debemus non levi notitia conjunctos, sed quibus fuerint jura cum patrefamilias, honestis familiaritatis quaesita rationibus.* } Indulgentur quædam propter amicitiam: quæ hic late congerunt interpretes. Ego vero omnia in illa, quam hic definit Jurisconsultus, amicitia capio: non refero ad illam nunquam visam, auditam vix unquam. Et ita quod propter amicitiam demitur de fide testum, l. 2. l. 3. ff. de testi. Dec. consil. 105. quicquid Baldus contradicat, quod immo propter amicitiam minui nihil oportet, quia virtutis, & fidei nomen est. Et sane ab amico nihil nisi honestum expectare oportet; quod apud Ciceronem in Lælio legeris. Ceterum non ex his regulis jurisconsulti amicitiam nominant, sed ex communi acceptione vulgi; tamen non levi notitia conjunctos; quales ait Q. Cicero amicos in ambitu negotio lib. de pet. consul. Et quale publicum dicit verbum Seneca ep. 3. 8. 31. 34. Sic illo verbo quasi publico usus es, & sic illum amicum vocasti, quomodo omnes candidatos bonos viros dicimus, quomodo obvios, si nomen non succurrit, dominos salutamus. Polybius Africano præcepit, ne e foro unquam digrederetur, nisi prius aliquem sibi amicum fecisset. Amicum aut hic existimamus non presse, aut sophistice eum intelligendum, qui perpetuus sit & immutabilis, sed communiter benevolum; quomodo Dicæarchus unumquemque censebat dare operam debere, ut omnium benevolentiam sibi conciliaret, amicitiam autem cum bonis iniret; etenim amicitia multo tempore, & per virtutem paratur: benevolentiam usus, colloquium & ioci civilium virorum alliciunt. Plut. præm. 4. sympos. Sed quibus fuerint jura: } hospitii similia; cum patrefamilias. ] nam cum filiosfamilias ea jura vix esse possunt; & forte meliores philosophos sequitur Paulus noster, qui amicitiam inter juvenes negant, vel speciem hic apta ex l. 2. ff. qui pet. tur. ubi, pupillis tutores peti posse ab amicis parentum, Modestinus tradit; ut amicos intelligamus, quibus jura familiaritatis cum parentibus pupillorum quaesita fuerint honestatis rationibus  
nam

nam amicitia nec est, quæ inhonestis rationibus constat; nec his jura hæc amicorum tribuere decet.

ADDIT. Latæ culpæ facit Alexand. si Emphyteuta non intelligit se cecidisse a jure suo, quia rem alienavit domino irrequisito. *Consil. 9. numero decimo quinto. Volum. 2. nescire leges; eo. lata culpa, juris ignorantia, consil. 64. Volumine tertio. In criminalibus non æquiparatur culpa, licet lata, dolo; nam dolo est crimen, non lata culpa; ideo qui in libello dolum deduxit, succumbet, si culpam probet; contra si latam culpam deduxit, & dolum probet: quia probavit quod fortius est; late* *Jaf. l. 1. num. 28. Or seqq. de Leg. 1. V. Rip. conf. 5. Vol. 2.*

#### CCXXIV. VENULEJUS libro septimo stipulationum.

*Vinculorum appellatione vel privata, vel publica vincula significant; custodia vero tantum publicam custodiam.*

#### ALBERICUS.

Adi ad notata ad l. 48. & l. 216. *vel privata; nam domini servos vinciebant, in vinculis habere poterant: significant. ] qui scilicet loquuntur; usitata ratio dicendi; custodiæ vero &c. ]* ad emolliendum carceris nomen, ut ait Fornerius: vel quia non pœnæ causa, sed custodiæ in carcerem tradi liberi homines soliti, ut Alciatus scribit l. 8. §. 7. ff. de pœn. atque Augustinus lib. 21. de Civ. c. 6. recensendo genera pœnarum, pœnam vinculorum in servis dicit. Atque ita rescripto Adriani cautum, ne quis perpetuis vineulis damnaretur, l. 35. ff. eod. tit. de pœn. & incredibile est, quem damnatum, l. 6. Cod. eod. temporariis damnari posse videtur, l. 38. ff. de injur. l. 1. §. ult. ff. de aleat. l. 28. §. 1. ff. de pœn. quo in loco si & in perpetuum custodiæ homo mancipatur; istam ipse sibi adiscit indignationem singularem; vincula sempiterna ad singularem pœnam nefarii sceleris inventa, inquit Cic. in 4. Catil. ubi de sententia Cæsaris, qui conjuratos illos in carceribus habendos censuit; de qua & Sueton. in Cæs. cap. 14. apud quem & illud in Tiberio, quod hunc custodias recognoscentem quidam precatus pœnæ maturitatem, ei respon-

responderit, se in gratiam nondum rediisse cum eo; sic & ille apud Vulcatium, majus exemplum viventis miserabiliter criminosis, quam occisi; quod est & de l. 5. ff. ad leg. Jul. ma. jure canonico pœna carceris non ita interdicta, c. pen. de apostat., c. novimus; de ver. sign. *publicam custodiam*.] publicum carcerem; nam pœna habenti privatum carcerem. C. de priv. carc. & custodia forte de publica tantum dicitur, quod privata non tam sint ad custodiam vincula, quam ad pœnam; nam ita dominus habet servum ad pœnam. Lautumia dictus carcer Romæque triumviri carceris Lacomfarum, Liv. lib. 32. Syracusani puto carceris exemplo. Tullianum carceris pars: item & Robur: Quod si custodia liberaque dicitur; ea domus magistratus, aut alterius nobilis viri non carcer. Cœl. Rhodig. lib. 17. cap. 9. Sigonius lib. 2. de judi. cap. 3. ADD. In custodiam Ephesi tradidit; sed in publicam, vel in pistrinum, non satis intelleximus. Cic. ep. 2. lib. 1. ad Q. Fr. In compedibus servi opus rusticum faciebant; sic servi compediti. Colum. Scal. in Tib. & Val. Max. 19. cap. 1. publicis vinculis oneravit.

#### CCXXV. TRYPHONINUS libro primo DISPUTATIONUM.

*Fugitivus est non is, qui solum consilium fugiendi a domino suscepit, licet id se facturum jactaverit; sed qui ipso facto fugæ initium mente deduxerit; nam & furem, adulterum, aleatorem quamquam aliqua significatione ex animi propositione cujusque sola quis dicere posset, ut etiam is, qui nunquam alienam rem invito domino subtraxerit, nunquam alienam matremfamilias corruperit, si modo ejus mentis sit, ut occasione data id commissurus sit: tamen oportere eadem hæc crimina assumpto actu intelligi. Et ideo fugitivum quoque, & erronem non secundum propositionem solam, sed cum aliquo actu intelli constat.*

#### A L B E R I C U S.

Lata hæc disputatio admonere Cujacium potuit, ne scriberet, casus esse plerosque, in quibus voluntas punitur: c. 22. lib. 8. Obf. Sed & cogitationem male pro voluntate capit. *Cogitationis pœnam nemo subit*; lex generaliter ait in titulo generali de Tom. II.

Rrr

pæ.

pœnis; & in c. 20. 33. q. 3. *cogitatio non meretur pœnam lege civili, cum suis terminis contenta est*; nam est cogitatio scilicet interior illa animæ cum se ipsa allocutio: ut a Platone definitur in sophista, & in Theæteto. Ergo nihil contra generalem illam definitionem movet lex ulla, quæ de voluntate loquatur. Verum nec voluntas ullibi punitur; non in l. 5. Cod. ad leg. Jul. ma. quam de nuda cogitatione quosdam accipientes refutat Menoch. de arb. cas. 360. nam voluntas dicitur respectu effectus consummati: sed est aliquid omnino præter voluntatem, consilia scilicet, l. aut facta, in prin. ff. de pœn. & ita capiendi interpretes ad illam l. 5. non quemadmodum Bodinus de nuda cogitatione capit. lib. 2. de rep. cap. 5. & exemplum de eo profert, qui Franciscum primum Galliarum interficere cogitasse falsus sacrificulo, supplicio affectus est; nam hoc notatque idem lib. 4. c. 7. & præclare utique a Catone Rhodii defenduntur hoc jure, quod cogitatio, voluntasque peccandi puniri non debeat; adi Gell. lib. 7. c. 3. ubi Catonem tuetur contra ea, quæ Tiro Tullius objecerat, adde l. impuberem, §. 1. ff. de falsi. constitut. nulli puniri voluntatem, quæ solum voluntas sit; & quod ex Servio profert Cujacius Romanorum morem fuisse, etiam voluntatem punire, ego ad illud idem Virgilii,

*Ausi omnes immane nefas, ausi que potiss,*

Hæc Donati in Andriam recito. *Non perficere, sed conari velle aliquid ad scelus effectio est, etiamsi non potest fieri; hic enim voluntas, non factum damnatur*; quæ nobiscum faciunt, & conatum exigunt aliquem; sic quod dicitur, mentalem simoniam non obesse, exponit Decius in ea, quæ ad aliquem actum ducta non est, conf. 542. Quod si mens puniri alicubi dicitur, id legibus divinis aptum; & ita Apulejus lib. 4. vindicari scelera cogitata, non perfecta adhuc, mente cruenta, puta manu. Sed ista nos non movent juris Justinianzei interpretes. Illud non omitto, quod verbum voluntatis aliquando factum significat. l. ult. ff. de re div. neque enim cum glos. & Barone dicimus contra constantem famam, muros Remum non transcendisse; adde l. 58. ff. de leg. 2. l. 10. ff. de ann. leg. l. 9. §. 3. ff. de pi. act. & in l. 1. c. 6. rec. prov. potest esse terribilis, pro eo, quod sit terribilis, exposuimus; nec patimur abrogari, l. 38. ff. de vis. nups. quod malit Cujac. lib. 4. obs. cap. 31. nam metus potest esse ab omni ma-  
gi-

gistratu, non tamen a quoque præsumitur, l. 6. l. pen. C. de his, que vi, &c. adeoque cum non præsumatur, de actu, non de potentia capientur verba supradicta, l. 1. De fugitivo autem ad rem late l. 17. & l. 33. ff. de ad. ed. quas videris.

*A Domino.* ] fugitivus, qui dominum fugit, non puer, qui nutricem, aut scholam. lfid. lib. 10. De fure videnda quæ notavi ad l. 174. Sed hic tamen de eo; qui numquam furatus est, dum de proposito loquitur. Latro est etiam antequam manus inquinet, quia ad occidendum jam armatus est, & habet spoliandi atque interficiendi voluntatem. Seneca lib. 5. de benef. exercetur & aperitur opere nequitia, non incipit, eod. Omnia scelera & ante effectum operis quantum culpæ satis est, perfecta sunt; idem lib. 2. de tranq. vi. *matremfamilias.* ] aliena materfamilias est uxor aliena, vide ad l. 195. §. 1. nec materfamilias potest aliter esse aliena: etsi materfamilias possit esse non uxor; & vero adulterium proprie cum nupta, adi ad l. 101. *corruperit.* ] hoc generale verbum, non adulterii tantum; *erronem.* ] *erro est pupillus fugitivus; fugitivus est magnus erro*, d. l. 17. §. 12. de æd. ed. quæ sunt definitiones per commutationem: ut auctor ad Herennium ostendit; & sic de emanfore, & desertore in l. 1. §. *edicta*, ff. de re mil. de aliis alibi; proprie autem erro, qui non quidem fugit, sed frequenter sine causa vagatur, & temporibus in res nugatorias consumptis serius domum redit, d. §. 12. Ad id, quod in principio adjicitur, *licet se facturum jactaverit*, nota quod minæ illic operantur, ubi verba satis; sic qui comminatus tantum accusationem inofficiosi fuerit, querelam ad heredem transmittit, l. 7. ff. de inoff. test. ad animum enim revocasse injuriam contestatur, quam ideo prosequi heres potest; alias minæ lusoriæ non attenduntur, l. 4. ff. si cui plus quam per leg. *Falc.* nullæ ibi, ubi facta requiruntur; ut hic, nisi qui minatur, is solitus sit exequi: tum enim non quidem pro facto tenetur, si factum nondum est, sed cogitur ad aliquid, ad quod alius non cogeretur; ut alibi interpretes exponunt late. Item quod de initio dicitur, id notes cum reliquis, delictum nomen habere ex principio delinquendi, etiam non perfectum: arque satis ad pœnam in gravioribus; ut hic etiam Fornerius notat. Sed si tamen nec per delinquentem steterit, quominus perferret, quod habet de Oldrado Alciatus. Et præterea si effectum potuit

habere fuga; non si impossibilis tentata est; quod docte Angel. ad l. 17. §. idem Cælius. ADD. In quibusdam civitatibus impium votum sceleris vicem tenuit. Sen. lib. 6. de Benef.

CCXXVI. PAULUS libro primo Manualium.

*Magna negligentia culpa est; magna culpa dolus est.*

A L B E R I C U S.

Vide notata ad l. 213. & 223. Hic quæro primum, quæ culpa sit magna illa negligentia. Videamus, quid sit culpa. Et videtur mihi culpa esse, non intelligere quod debes, potesque; itaque per potentiæ gradus eundo, dicemus primo culpam levissimam, non intelligere quod potes summa adhibita diligentia, non quam tu potes, solesque; sed quam diligentissimus potest, soletque. Sic commodatarius custodiam, quam scilicet debet maximam, eam potuisse dicitur, si summa usus diligentia fuerit. *Inst. qui. mo. re contr. oblig.* Levis culpa erit non intelligere, quod tua summa adhibita diligentia potes; sic creditor in accepto pignore custodiendo obligatur, §. ult. *Inst. cod.* Levis culpa est non intelligere, quod diligentes intelligunt: certa hæc est gradatio; itaque levis culpa est negligentia; & de hac teneri ego puto tutorem, procuratorem, gestorem negotiorum; *per nos. ad l. contractus, ff. de neg. jur.* nam quod & commodatarius, & creditor his illic jungantur, nihil movet: nam in genere diligentia junguntur: nos vero speciebus discernimus, quoniam certum est commodatarium, qui sui tantum causa accipit, maximam debere diligentiam: creditorem debere non tantam, quia pignusque intervenit, ut debitori creditum sit; debere tamen majorem aliis supradictis, quia summa pignoris est, ut sibi debitori sit cautum. Alii porro debent diligentiam, quam & polliciti videntur: sed tamen pro conditione sua; ita & in locato, vendito, dote: quia utrinque spectata utilitas; quod si conductor artem pollicetur, is de levissima etiam tenetur, l. 9. §. 5. l. 13. §. 5. l. 25. §. 6. *ff. loca.*

Lata sequitur culpa, & hæc est non intelligere, quod omnes intelligunt; ut expositum est ad l. 213. ubi & dicitur  
ni-

nimia negligentia ; sed , hæc an sit , quæ magna negligentia dicitur hic , quæri potest . Et sane erit , quia si quo in vocabulo est excessus , est in vocabulo *nimia* : quando quid magnum esse potest , nec tamen nimium ; dicitur hæc eadem manifesta , l. 2. *C. arb. tut.* Latior culpa erit non intelligere per latam negligentiam ; quod contingit , cum quis ipse sentit , debere se attendere , nec attendit ; hæc est nimia securitas , l. 6. *ff. de ju. & fact. igno.* est desidia , quæ minor est tamen quam conniventia , l. 17. *ff. de erog. mil.* & in conniventia ego latissimam culpam ponoque , & dico esse , non intelligere per affectatam negligentiam ; hi enim sunt perspicue gradus . Et latissima fuerit , cum vel ultro admonere volenti quis non attendit , sed eum spernit . Hæc utique dolo proxima , hæc magna culpa , ut ego sentio : nam dolusque in eo est , quod affectat ignorantiam ; itaque & dolus est , ut hic dicitur , non tantum dolo comparatur , aut est proxima , ut de lata traditum est . Cetera petenda de latissimis interpretum commentariis *ad l. quod Nervus . Dig. depo.* mihi hæc dicta sufficiant ad legem nostram ; *magna negligentia culpa est* lata : nam negligentia quælibet est culpa ; *magna culpa dolus est* ; affectata scilicet ; nam in latiori , aut lata non est dolus , etsi quid dolo proximum .

ADD. Profecto potest dici illa magna culpa : de qua *in l. magna.* si quis non denunciatur mutationem consilii his , quorum interest . *Alexan. conf. 41. Vol. 3.* Culpæ nomine venit levis ; quia lata comprehenditur sub appellatione doli . *Alexan. conf. 45. Vol. 1. Jas. Dec. Mol. alii .* Secundum subjectam materiam , nunc de lata , nunc de levi , nunc de levissima . *Alexan. conf. 50.*

## CCXXVII. Idem libro secundo Manualium.

*Ex illa parte edicti, Tum quem ei heredem esse oportet, heredis heredibus bonorum possessio non defertur; item in substitutione his verbis, Quisquis mihi heres erit, proximus heres non tantum significatur; imo non tantum proximus heres, sed etiam scriptus.*

## A L B E R I C U S .

Adi ad notata ad l. 65. & l. 70. Hic noto primum, quod edicti pars hic dicitur non perpetui, sed unius edicti; adi ad notata ad l. 195. §. 1. unum autem hoc edictum est, quod de bonorum possessionibus scriptum erat, quibus darentur. Inst. de bon. pos. Et erat hæc tertia bonorum possessio; nam primum dabatur contra tabulas liberis præteritis: secunda secundum tabulas scriptis heredibus, §. *sunt autem*; eod. l. 2. ff. de bon. pos. sec. tab. tertia cum nullæ tabulæ extarent, quæ legitimis dabatur, l. 1. ff. un. legi. in qua heres heredis non continetur, quoniam de herede loquitur, quem tum esse oportet, l. 4. ff. eod. tum articulus definitum tempus habet, l. 4. ff. de cond. hic tamen cum quodam spatio, d. l. 1. un. legi. eum autem, cuius nomine aliter nunc esse vult heres, heredem nunc esse non dicemus, quando nec est, cum sit mortuus. Nec vero prætor admisit istam successionem; quia nec lex admittit in transversalibus. Sed quid in nepotibus, qui ita succedere ex parentis persona avo velint? etenim liberis dari etiam bonorum possessionem, Unde legitimi; constat, l. 2. ff. und. legi. Et per alterum edictum Unde liberi: non dubito, quin possint l. 5. ff. si tab. test. nul. ext. Sed credo etiam nec in edicto, Unde legitimi, tenere ad liberos quod attinet legem nostram: nam ita a prætore vocantur legitimi hic, ut a lege vocantur, l. 1. ff. ut ex legi. Sena. bo. po. de. & d. l. 1. unde legi. Cogita. Quod sequitur de substitutione, habet eam dubitationem; si de omni substitutione accipitur; nam & alibi habentur ea verba, l. 3. ff. de leg. 1. & habet pupillaris, l. 3. Digest. de vulg. l. 27. §. 2. l. 55. §. 3. ff. ad Treb. & cur non etiam fideicommissaria, Quisquis mihi heres erit, idem Titio restituat hereditatem: & ita in reliquis. Sed videtur lex nostra de pupillari tantum



capienda ; nam ea verba hujus propria videntur , *dd. ll. C. l. 8. l. 10. l. 31. Digest. de vulg. cum simil.* & ita de substitutione impuberis diserte dicitur ab eodem Paulo *in d. l. 70. ubi* & ratio redditur , quia heres heredis incertus est ; quod & declaravimus . Ut mirandum sit , Alciatum hic aliam hujus definitionis rationem attulisse , quæ nec ratio est , sed magis effectus ; non enim transmittitur spes pupillaris substitutionis , quia de herede heredis hic non intelligitur : non autem non intelligitur , quia non transmittitur . Quod porro heres heredis veniat ad bona impuberis per jus accrescendi , illud recte expositum ab eodem est . Jam in fideicommissaria non obtinet lex nostra , quia heres heredis non est hic heres . In vulgari nec obtinet , quia nec heres est . Sed dum legatum datur , *ut in d. l. 3. ff. de leg. 1. immo & heres heredis eo sermone continetur ;* nam neque dirigitur affectio in incognitum , sed onus ; quod in incognito magis est . *Sed etiam scriptus .* ] nec enim potest testamentum filio facere , nisi faciat sibi , *l. 2. §. 1. ff. de vulg.* quod tamen immo miles soli facit filio , & scriptus potest ab intestato adire , *d. §. 1.* hanc definitionem legis nostræ capias in regulam oportet ; nec dubito , ita esse , ut & de isto , qui venit ab intestato , capiantur hæc verba , *Quisquis mihi heres erit ;* nam & is certus , quique scriptus est ; de herede militis forte quæretur : nam intelliges *d. §. 1. in milite* , qui certum filio heredem scripserit ; ut *in d. l. 2. ad ff. §. substituitur. Inst. de pu. sub. & passim ;* & sane non ausim in milite limitare legem nostram ; tu cogita . Alciatus de servo , & filiosam. tractat , si his institutis dominus , paterve heres fieri impuberis possit ; & negat posse , quia nec dominus , nec pater scriptus . Ceterum non hæc apta ; quia nec dominus , nec pater heres foret heredis scripti servi aut filii . Ergo illud videndum , si dominus , paterve scripti sint . Et non esse scriptos , certum est ; sed scriptos videri puto tamen , quia dominum , patremve instituisse videtur , qui hos instituit , *l. 40. ff. de hered. inst.* itaque non tractabitur , an veniant tanquam heredes heredum , sed tanquam ipsi heredes . Ita mihi videtur .

ADD. Etsi heres heredis non sit scriptus , tamen quod heredi scripto datur , id & heredi heredis , *l. 1. ubi Bal. Cod. quor. leg.* ubi quod & exceptio ; quæ quotidie in palatiis , Tu

non

non es descriptus in instrumento, non nocet heredi. Bal. Alexan. conf. 126. lib. 6. 2. Heredibus infra scriptis &c. non venit heres heredis. Si tamen subest aliqua ratio particularis affectionis ad scriptos; alias & heres heredis venit. Corn. conf. 69. li. 4. & per istam distinctionem reduci possunt in concordiam omnia jura, quæ contra Bart. adducunt Aret. & moderni in l. qui liberis, §. hæc verba. de vulg. considerando in effectu, si est eadem ratio. Dec. ad l. 114. de reg. jur. 3. Ubi agitur de pœna, non venit heres heredis; prohibitio tamen alienationis tenet & heredem heredis: nisi heres proprio nomine nominatus sit; Dec. alii; ad d. l. Vid. & Alexan. conf. 141. lib. 6. Qui in libello dixit se heredem Titii, & probat se heredem per mediam personam: omnes, etiam Canonistæ. Jas. ad l. paterf. ff. de vulg. Heres heredis venit, si talis, qui veniat ex dispositione testatoris; dist. leg. & admitteretur, etiam si illa verba sint, Quisquis mihi heres eris: nam ex judicio defuncti; & ita limitatur l. qui liberis §. hæc verba. eod. Jas. ad d. l. paterf. Successorem alicujus quis recte dicit se, etiam si per multos gradus. Sic Innocentius dixit se Petri successorem. Jas. eo. 4. Et qui non titulo hereditario, sed alio tamen universali venit, dicitur heres testatoris, l. 1. ff. de castr. pec. Si dictum sit de heredibus infra scriptis, supra scriptis non venit heres heredis. V. late Jas. in l. ult. C. de her. inst. Alexan. conf. 173. lib. 5.

#### CCXXVIII. Idem libro singulari de cognitionibus.

*Municipes intelligendi sunt, & qui in eodem municipio nati sunt.*

#### A L B E R I C U S.

Idem Isidorus lib. 9. vide notata ad l. 18. municipem aut natiuitas facit, l. 1. ff. ad municip. Municeps, ut ait Aelius Gallus, qui in municipio liber natus est; ita Festus. Ergo, & liberi sint nati, necesse est; & quid ni, si municipes, quia munera civilia capiunt? d. l. 18. tamen non ita necessaria natiuitas, si modo liber sit factus; audi eundem Festum, aut nostrum potius Aelium. Item qui ex alio genere hominum munus fun-

*Hus est* ; & hic proprie municeps , *d. l. 1.* & vero puto municipem fieri citra aliam receptionem in civitatem : nam receptus hoc facto videtur , quia id municipis proprium . Sequitur *Ælius* : *Item qui in municipio ex servitute se liberavit a munice* ; sequitur & *d. l. 1.* aut manumissio , & *l. 27. cod.* Sed *Ælius* ait , a munice : nam originem patroni cum sequatur manumissus , *l. 6. §. ult. cod.* municipem esse oportet manumissorem . Sed si manumissor spectatur , quid facit in municipio facta manumissio ? Et si a pluribus manumissus omnium originem sequitur , *l. 7.* utique locus facere nihil videtur . Pergit *Ælius* , *Item municipes erant , qui ex aliis civitatibus Romam venissent , quibus non licebat magistratum capere , sed tantum muneris partem , & ( ita lego non at ) Servilius agebat , initio fuisse , qui ea condicione cives Romani fuissent , ut semper Rempub. separati a pop. Rom. haberent , Cumanos , Acerranos , Aellanos , qui æque ( forte equidem ) cives Romani erant , & in legione merebant , sed dignitates non capiebant . Erant scilicet municipes alii , qui jus tantum legionis habebant , id est ut in legione mererent ; quod honestius & commodius quam in auxiliis ; hi cives sine suffragio : & tantum muneris partem , id est honorem nominis civis Romani habebant . Et munus ita capitur ; ut merenti in legione conveniat , *dist. leg. 18.* Alii erant municipes , qui & jus suffragii , & reliqua omnia habebant ; qui & legibus propriis privabantur , & Romanas accipiebant . Ceterum si domicilium non habebant Romæ , nec in curiis erant , adeoque nec in curiatis comitiis jus ferendi suffragii tenebant . Ut hæc omnino apud Sigonium videris in lib. 2. de an. ju. Ita. c. 7. de quo & illud notes contra Gellium , quod & colonie , & federatæ civitates municipia aliquando recte dicta ; adi. c. 8. adi. & c. 6. Sed & Scaligerum adi. qui quædam in supradictis Festi emendat . Adde vero his omnibus , quod sicut nativitate , ita etiam adoptione quis fit municeps , *d. l. 1. & l. 15. §. ult. cod. tit.* cum id genus ceteris . Illud advertendum ad intellectum legis nostræ , quod in ea quæri videtur quasi ad iactatam illam ab interpretibus speciem , si municeps potest esse testis in causa municipii ; in qua prima occurrit definitio , qui sint municipes , quæ hic recitetur ; ut sint , & qui nati in eodem municipio sunt , de quo agitur , non solum alii . Et forte*

Tom. II.

S s s

de

de natis potuit magis dubitari , ne essent vel in ista questione municipes , quasi non tanta horum affectio , atque eorum , qui capiunt jam munera ; vel etiam , quod videri potuit originis jus mutatum : nam nec mutatum , doceri oportuit , *d. l. 15. §. ult.* Potest & ille intellectus esse legis nostræ , ut municipes sint , hoc est communicipes ( ut loquitur Alciatus ) & qui in eodem municipio nati sunt ; qui intellectus scilicet aptissimus verbis . Et ita municeps meus , id est communiceps , *dist. leg. 27.* ut & Valla concivem negat Latine dici , sed civem : ita nec nisi Latine municeps . Nec nocet , quod non sint immo municipes , qui in eodem municipio nati sunt , si & in eodem munera non capiunt , unde municipis scilicet nomen : nam ( ut dixi ) dubitari de natisque potuit magis tamen quia municipes diversa ratione dicuntur , & hoc recte . Vide & illud pro additamento , si emendanda *d. l. 6. in §. ult.* ne contradicat huic *l. 27. & l. 7.* & memineris tamen quod ipse manumissor municeps utrobique est . Et quod earundem civitatum municeps est manumissus , *d. l. 27.*

ADD. Qui ex aliis civitatibus Romam venissent , id est , qui civitate Rom. donati essent , Panui , *lib. de Imp. R. Tit. de Munic.*

#### CCXXIX. Idem libro singulari de tacitis fideicommissis.

*Transacta , finitave intelligere debemus non solum quibus controversia fuit , sed etiam quæ sine controversia sine possessa .*

#### A L B E R I C U S .

Nam hæc usu jam capta finem controversiæ , quæ fieri potuisset , omni adferunt ; ita & *l. seq.* & possessio sine controversia requiritur , quia controversia impedit usucapionem , *l. naturaliter* ; ubi notatur , *ff. de adq. poss.* Sed incipiamus a primis .

*Transacta , finitave ,* ) Tertylliani SC. similis clausula explicatur in *l. 1. in fi. ff. ad Tertyl.* Quod ait Senatus QUÆ JUDICATA , TRANSACTA , FINITAVE SUNT , RATA MANEANT .

*ita*

*ita intelligendum est, ut judicata accipere debeamus ab eo, cui judicandi jus fuit, transacta scilicet bona fide, ut valeat transactio, finita vel consensu, vel longo silentio sopita; atque de judicatis in l. seq. Hic illud in primis quero de transactione, si transacta dicuntur, quæ sine controversia sunt posita: quando transactio de re dubia, & lite incerta, neque finita est, l. 1. ff. de transact. Item quando stipulatione Aquiliana, vel pacto convento fiat, l. 2. eod. hic vero silentium intercedit sine controversia. Et interpretes ad controversiam quod attinet, aut hoc referunt ad verbum alterum *finita*; aut latius sumptam transactionem capiunt & de his, quæ controversiam non habebant. Tu dices, possessionem hic dici sine controversia, non etiam rem ipsam; sic itaque vel fuerit, vel esse potuerit (nam & hoc satis, ut sit transactio, l. 2. C. de transact. ubi interpretes,) controversia de re, sed hanc isto mox tempore possessionem sine controversia. Sed an hoc silentium sit transactio, id ego non puto, quia repugnet d. l. 2. ff. de transact. Et præterea non proponitur quicquam datum, aut retentum, aut promissum, l. 38. C. eo. si quid enim aliquid horum intervenisse proponeretur, forte disputari posset, transactionem tacitam esse. Ratio porro dubitandi ad hanc legem est, quoniam finiri dicuntur, quæ cœperunt; item transigere id videtur esse, quasi transactionem ire, ut alii adnotarunt; cum autem hic neque principium proponatur, neque actio; certe neque finitum, neque transactum dicendum videbatur: Ceterum finita, & transacta dicuntur recte respectu etiam potentiae, non tantum actus; finitum esse posse agi; transactum de potestate agendi est.*

CCXXX. Idem libro singulari ad SC. Orfitianum.

*Ut sunt iudicio terminata, transactione composita, longioris temporis silentio finita.*

#### A L B E R I C U S.

Priora exempla aptissima parti primæ legis præcedentis; iudicio terminata; de re judicata non dubium, quod finem con-

troverfiam facit, l. 1. ff. de re jud. & triginta rei judicate effectus hic Rebuffus recitat. Sed hic ego alienum duco exponere, quando res judicata dicatur, tantum abest, ut rei judicate effecta velim recensere. Illud vulgo notum, rem judicatam nondum dici, donec appellatio succedere potest; cum id genus reliquis, quæ postrates ad d. l. 1. illa autem diligenter videnda, quæ subtiliter traduntur a Jurisconsultis in tit. ff. de exce. re. judi. ne nobis agentibus judicatum opponatur, quod judicatum non est. Eadem persona, eadem petitio; eadem actio sit oportet, ut judicatum objici possit. Videris, *transfatione composita*, ] neque enim minor auctoritas transactionum est, quam rerum judicatarum l. 20. C. de transact. Et vero aliis pactis tantam a legib. firmitatem non datam merito agnoscimus, quando alia non de re dubia sunt nihil dato; vide vero interpretes ad d. l. 20. *longioris temporis silentio finita*; longum tempus ad usucapionem immobilium satis, hoc est decennium inter præsentis, vicennium inter absentes: item triennium satis ad mobilia, §. 1. Inst. de usucap. & non dubium, quod finita his temporibus omnibus dicentur. At dices, exemplum hic poni: itaque nec negari de aliis. Exemplum videtur de præscriptione triginta annorum, quod longius tempus est: etenim hæc sola negligentia non petentis, quod est silentium, stat. Quanquam longius tempus intelligi & de longo potest, quoniam secunda collatio, non infrequentissimam, ut pro prima accipiat, l. ult. in fi. ff. si cert. pet. & supr. l. 32. Et longum etiam de triennio dicitur: quippe quod aliud alibi longum. Vide quæ scripsi lib. 1. de legi. te. c. 10. ADD. Res judicate sunt, quæ inter eos, qui supra aliqua re ambigunt, sententia judicum fuerint constitutæ; quarum exemplo ceteræ quoque judicantur. Boet. ad Top. Cic.

CCXXXI. Idem libro singulari ad SC. Ter-  
tyllianum.

*Quod dicimus, eum, qui nasci speratur, pro supersti-  
te esse, tunc verum est, cum de ipsius jure quaritur; aliis  
autem non prodest nisi natus.*

## A L B E R I C U S.

Eadem prorsus idem I. C. in l. 7. & late exemplis ad  
priorem partem allatis Julianus in l. pen. ff. de sta. hom. *nasci  
speratur* non is, qui aliquando nasci potest; nec enim spes hu-  
jusmodi consideratur: *sed qui in utero est.* dict. l. 7. & l. pen.  
itaque qui post mortem avi conceptus est, is pro nato non ha-  
betur, nec ad avi veniet hereditatem, l. 6. ff. de su. & legi.  
vide not. ad l. 153. & quo tempore quis conceptus existime-  
tur, vide Alciatum hic. *pro superstite esse; in rebus humanis es-  
se*, d. l. 7. *in rerum natura*, d. l. pen. *pro nato*, l. 7. ff. de  
su. & legi. aliis superstes, qui supervivit alteri, vel alicui ca-  
sui; item testis. Et nota quod ait, *pro superstitis esse*; nam ve-  
re natus non est, quia nasci est in lucem exire; & ita in d.  
l. 7. *perinde ac si*, in d. l. pe. intelliguntur, & in d. l. 7. de  
su. & legi. *quodammodo esse existimatur; cum de ipsius jure qua-  
ritur; quociens de commodis ipsius partus quaritur*, d. l. 7. quod  
est, quod significavit Julianus per articulum *pene* in d. l. pen.  
ubi quinque exempla que adfert, *legitimæ hereditates his restituun-  
tur*; neque enim lex tribuit ventri hereditatem, ne frustra tri-  
buat, si nullus nascatur: sed in suspenso habet partem ejus,  
qui in utero est, l. 3. ff. si pars hered. pet. atque tamen nato  
cum dedisse usque a principio verum sit, restituere nunc recte  
dicitur, quia interimque habuit in suspenso; vel restitui dici-  
tur hereditas huic, nam interim ventris curator, aliisque tene-  
bat. Quod vero de legitima scribitur hereditate, id & de te-  
stamentaria verum est; adi ad not. 164. quæ & legitima ap-  
pellari potuit, l. 130. sequitur Julianus, *Et si prægnans mulier  
ab hostibus* &c. si captam prægnantem, itaque reversam propo-  
nis, qui ita apud suos nascitur, fuisse liber semper etiam in  
utero servæ matris censebitur: ut tracto lib. 1. Læcton. neque  
opus

opus habet postliminio, nec sane locus postliminio est in eo, qui nunquam servus fuit, l. 7. ff. de capt. sed huic postliminio opus est nato apud hostes: quod nec competit, nisi intelligatur jam natus apud suos. Sed an de concepto apud suos, suscepto apud hostes, an de concepto etiam apud hostes intelligimus l. 9. eod. & hoc ultimum vix puto. Pergit ille, item patris, vel matris conditionem sequitur; sequitur venter conditionem patris in eo, in quo natus eam conditionem sequitur: ita & matris; nam alternatio non est, quasi utriusque conditionem sequi non possit; nisi tu conditionem pro statu accipis stricte pro statu, ut in l. 33. §. 1. ff. de cond. & dem. nec enim ea conditio potest esse nisi una; nec potest quis ex parte patris esse liber, ex parte matris servus. Et hic sequitur conditionem matris, & utiliore, §. 1. Inst. de inge. semper qui nascitur deteriorem partem sumit; matrem sequitur, qui non ex legitimo est matrimonio, c. 15. 32. q. 4. Sed patris quando? succedit, Præterea si ancilla pragnans &c. adi ad not. ad l. 26. & tene quod tempus favorabile partus inspicimus, l. 5. eod. & Nov. 89. & nos lib. 1. Lectio. Ultimum exemplum in liberto, His consequens est &c. quod videtur spectare & cum de ipsius ventris jure non quæritur. Ceterum quia de liberto, non de libertino, loquitur, & de jure erga ipsum ventrem patronum accipere oportet: quem scilicet testamento debet honorare, aut si ille nascitur, æget contra idem testamentum. Hæc videtur sola differentia, quod qui est in utero, facit rem in suspensio, quam natus facit esse, l. 3. §. 2. ff. de inju. test. Aliis autem non prodest nisi natus, ] nec patri, l. 2. ff. de excus. tut. & in casu l. ult. C. de his, qui nu. lib. Doctores tradunt. Et ego nec teneo Alciati sententiam, ut si heres jubeatur restituere si sine liberis deceßerit, & decedat prægnante uxore, quod non teneatur restituere, qui hic de postumi commodum, atque locupletiores inveniat hereditatem. Teneo definitionem, quæ fuitque Aretini, sed non per hanc legem: at quia illa conditio & postumo deficit; lege not. ad l. 149. addere tamen pro Alciati sententia potes de controverso illo juris articulo, quod positus in conditione censetur vocatus; itaque ipseque venter vocatus sit, si natus: & natus ergo; quia ipsius commodum immediate; quod puto exigi, nec satis esse, si mediate per alium ha-



habeatur quicquid utilitatis; *aliis non prodest* tamquam natus, sed in quo potest prodesse ut est in utero, prodest. Sic matri, *l. pregnantis, ff. de pœn.* Sed an noceat? Dixi *ad l. 4. C. de maf. & matb.* Ergo in statutis non veniet nomine homicidæ, qui interficit, quod est in utero; sed jure communi puniatur, *l. 8. ff. de scar. l. 4. ff. de extr. crim. & d. l. 39.* notat. Castr. in *l. quod dicitur, ff. de lib. & post.* Sic & excusat maritum, si adulterum quidem interficit, non etiam uxorem prægnantem. *Quint. decl. 277. adde not. ad l. 161. & 236.* Sic quia ventri curator, vel bonis potius petitur, si mater prægnans non petat bonis curatorem; incidet in sententiam SC. *l. 2. §. 15. ff. ad Tertyl.* nam verba de tutore filiis petendo.

CCXXXII. GAJUS libro primo de verborum obligationibus.

*Hæc annunciatio, QUÆ SUNT PLURIS AUREORUM TRIGINTA, simul & quantitatis, & æstimationis significativa est.*

A L B E R I C U S.

Puto ego hunc esse sensum, ut significet scilicet quantitatem in eo, quod exprimit quantitatem triginta aureorum: simulque significet æstimationem, dum ait, *pluris*. Atque speciem pone hanc; peto, quæ mihi debes, quæ sunt pluris aureorum triginta; poterit iudex condemnare ex petitione te non ad quantitatem solam, quam mihi debeas, sed & ad interesse propter eam non solutam; nam si non petierim & interesse, ad illud iudex non condemnabit te ex petitione, & nova opus erit instantia. Ita si & dixero, debere te mihi pluris aureorum triginta, non mentiar, si superaddita æstimatione debeas pluris, quamquam quantitas promissa non ascendat supra illam summam. Æstimationem porro posse esse interesse, certum est, & patet ex *l. 179.* ubi vera æstimatio non est interesse. Et æstimatio nec est interesse in *l. 193.* quod opponitur interesse; hic vero est interesse, quia opponitur quantitati. Quod autem interesse hic significetur, non in illis *ll. 179. 193.* & tamen hic ver-

est. Calendas Januarias pagani colebant; c. si quis Calendas; &c. antepen. 26. q. ult. Sed & alibi passim hæc notata. Primo anni die dona afferebantur imperatori; Zonara. in Augusto. Et ad nota hæc quod attinet, bis suscipiebantur, prima in principiis, secunda in capitolio; ut apud Tertull. de coro. mil. Ergo hic definit Jurisconsultus, vota proprie quæ in templo, non in ædibus ipsius principis suscipiuntur. Et prima illa fuerint de mox suscipiendis detestatio principi facta, altera vere susceptio coram Diis, quibus & vota fiunt. Sic docemur, & ad titulum artissime, non præparatoriis, & principio, sed ætioni, & perfectioni nomen tribui acceptum. Neque enim cum gl. & aliis dixerō, facere legem hanc ad titulum nihil; quæ est Festi reprehensio in Verrium sæpius. Id mihi probatur; utinam & illud possem præstare, ne sine aliis libris & hoc dicerem. Aut forte quia primo die jurabatur, omnes habere rata, habiturosque præterita, & futura Imperatorum facta, Dio. lib. 57. non illam jurisjurandi præstationem vota esse ait hic. Restat.

*Telum vulgo quidem id appellatur, quod ab arcu mittitur. Sed punc omne significatur, quod mittitur manu. Ita sequitur ut & lapis, & lignum, & ferrum hoc nomine contineatur; dictumque ab eo, quod in longinquum mittitur: græca voce figuratum ἀπὸ τοῦ τεύχους id est, ab eo quod est longe, & hanc significationem invenire possumus & in Græco nomine: nam quod nos telum appellamus, illi βίβλος appellant; eoque nomine vulgo quidem id significatur, quod ab arcu mittitur: sed non minus omne significatur, quod cum mittitur manu ἀπὸ τοῦ βάλαντος; id est a jaciendo. Admonet nos Eurypod., id est Xenophon, nam ita scribit, καὶ τὰ βίβλα ἑρπύσσοι λίθων, καὶ ξύλων, σκευάσματα: πλείστοι δὲ καὶ λίθου; id est & tela simul ferebantur, hastæ, sagittæ, fundæ: plurimi item lapides. Et id, quod ab arcu mittitur, apud Græcos quidem proprio nomine, τὸ βέλος, id est sagitta, vocatur; apud nos autem communi nomine telum appellatur.*

Et ea dicitur lex in XII. fur manifesto furto prehensus, si se telo defenderis, & im. (eum) occisit (occiderit) aliquis, jure casus esto; ut apud Gell. Macrob. Fest. Cic. pro Milo. & Quintil. lib. 5. c. 14. & ex Augustino in c. 3. de homic. ubi & ra-

tio differentia, quia nocturnum furem non possumus discernere, an ad furandum venerit, vel occidendum; quod in diurno possumus; & *l. si pignori*, §. *furem*, ff. *de furt.* l. 7. ff. *quod met. ca.* quæ & Platoni accepto ferenda *lib. 9. de legi.* Erat & illa, *Si telum manu fugit*; quam laudat Cicero *lib. 3. de orat.* quod translatione brevitatis facta sit, & imprudentia teii emissi brevius uno verbo translato significata fuerit, quam potuerit propriis exprimi; arietem in actionibus Jurisconsultorum appellat in Topicis, puto quoniam ut aries moenia, ita hæc legis exceptio quasset actionem, qua quem feriisse accusamus: neque enim fortuita sic puniuntur, ut voluntaria. Usurpare & Augustinus videtur ejusdem legis quasi verba, dum ait, *Cui forte inviso, atque imprudenti telum manu fugit, non mihi videtur peccare, cum hominem occidit*; c. 41. 23. q. 5. Ceterum potest & hic exponi, quod traditur de eo, qui hominis occidendi causa cum telo ambulaverit, in *l. 1. ff. de sicar.* & ita ad legem hanc de sicariis aptatur hæc Cui interpretatio duodecim tabularum. *Inst. de pub. jud.* §. *item lex.* ἀπὸ τοῦ ὀνόματος a longinquo. Sic tela dici Lucretius *lib. 1.* & Isidorus *lib. 18.* ut hic, quicquid longe jaci potest; arma, quibus nos tuemur; tela, quæ emittrimus; gladius abusive telum.

*Sed nunc.*] puto non temporis, sed loci articulum: id est, sed hic, sed in hac lege. Sic & adverbium temporis pro adverbio loci in §. *servi.* *Inst. de libert.* in d. §. *item lex*; non habetur is articulus, at ita, *Sed & omne* &c. *& lapis*; ut apud Petronium, & alios observat Scipio in Originibus; aliquando tamen distincte, *l. 1. ff. ad leg. Jul. ma.*

*Et lignum.*] quod Fornerius illustrat de Martiano Capella; *tum mittitur manu.* Lege, cum manu mittitur; vel ita intellige scriptum quasi per tmetum; vel gemina verbum *mittitur*. Ceterum hæc, & quæ inde sunt, *coque nomine*, huc usque desenda, quidam volunt, quia superflua, & in principio dicta; ἀπὸ τοῦ ἀλλοῦ. Sic apud Aristophanem in Acharensibus act. 2. sc. 2. βάλλε, βάλλε, βάλλε; mitte, mitte, &c. Sed & hæc, & quæ sequuntur in lege nostra usque adeo, *& id, quod* &c. non esse in Florentino codice, signatum est; tamen relata in Institutionibus eum sint d. tit. ult. & ego descripsi; admonet nos *Ἰνστιτούτων* in *Inst. admonent nos Epigrammata in Xerolapbo urbis faustissime scri-*

*scripta*, *ut ad* &c. & de Xerolopho puto verius, qui locus Constantinopolij, & in quo epigrammata descripta: ut apud Priscia. lib. 1. & 6. quod si scripsit Xenophon, retineatur utraque scriptura. Illud ferri non potest, quod Cujacius in prioribus notis scribat, *indubitate*; legendum hoc loco Institutionum, ut in hac lege: &, quod est arrogantius, in secundis notis ita erat. Scio Theophilum, scio alibi ita: sed num ideo mutes receptam scripturam? quod si Theophilus metaphrastes esset, ego magis moverer: ut scribo ad 201.

*Apud Græcos quidem proprio nomine.* ] &c. videtur & proprium Latinis nomen sagitta: sed & communi appellatur: quod an fiat apud Græcos, negare mihi videtur Jurisconsultus. Habemus ergo, quod telum est omne quod manu mittitur. *Tela etiam lapides dici posse, auctoritas docuit, & omnia, que jaciuntur, Nomius.* Sed an non & quæ manu tenentur? non ex vi nominis, sed quidni tamen ex sententia? igitur de omni armorum genere: Sed tamen quo quisque nocere possit, l. pen. ff. de vi pub. aut quo saluti hominis noceri possit. Paul. lib. 5. sent. tit. 3. *Telorum autem appellatione omnia, ex quibus saluti hominis nocere possunt, accipiuntur;* unde emendandam censet Cujacius d. l. pen. ubi ex eodem Paulo scriptum, *Telorum autem appellatione omnia, ex quibus singuli homines nocere possunt, accipiuntur.* Sed forte immutatum, quia distinctum voluerit inter telum & tormentum; hoc enim & mittit, sed non videtur nisi plurium hominum opus; vel singulos dixerit pro quibuslibet: quod namque in manu infirmioris non est aptum nocere, id erit in robustioris; id telum non dicitur. Placet tamen Cujacii emendatio; nisi quod suspicor, de salute non temere addendum. Vide notata ad l. 41. ADD. Homer. Odyss. 1. de parte montis a Polyphemo jacta, *βαλὺν βίηος*.

CCXXXIV. Idem libro secundo ad legem duodecim tabularum.

*Quos nos hostes appellamus, eos veteres perduelles appellabant, per eam adjectionem indicantes, cum quibus bellum esset.*

### A L B E R I C U S.

Qui sunt hostes, definitum supra ad l. 118. hic perduelles eos olim dictos tradit Jurisconsultus; nam hostes tum peregrini appellabantur; ut hæc notavi. latius in prima commendatione de jure belli; in libris de feudis hostis est comes, & adjutor: & hostenditiæ adjutorium; quod Cujacius lib. 4. tit. 49. & lib. 1. tit. 3. unde in linguam Italicam derivatum, ut *hoste* pro exercitu. Sed nobis etiam caupo, quia peregrinos, hoc est hostes, suscipit hospitio; & forte antiquissima vox Italica, ut multæ aliæ; *per eam adjectionem* &c. utique *per*; nam duelles alias: & duelles dicit Arnobius lib. 1. adv. ge. at hæc adjectio indicat, cum quibus bellum esset; nam non simpliciter, sed pertinax bellum ita significatur, ut de Festo scribit Scipio in Originibus. Ceterum id non est cum omnibus sed quomodo; forte igitur primum *parduelles*, & a paritate duellantium: quam in bello exigi exposui. Perduellionis crimen aliud, l. ult. ff. ad leg. Jul. ma. & apud Cic. oratio pro Rabitio. Et hi enim hostes sunt, qui hostili animo in rempublicam quid admittunt; & sunt hostes omnium maximi; adi Plato. lib. 9. de legi. ubi progeniemque punit; & hostes utique appellantur pariter; & de his capienda, l. 8. §. *hostes*, ff. de pœn. nam Cujacius improbandus; qui de altero hoste somniavit lib. 15. obs. c. 34. & forte nec male dicitur, si, exuri istum hostem, dicitur: quod exusti Maximini, apud Capitolinum: Nicrinus, apud Ammianum lib. 21. jussi alii exuri quasi in factione deprehensi, apud Vulcatium in Cassio. & quia quique renunciant consilia hostibus, vivi exurantur, l. 38. §. 1. ff. de pœn. & ignem timuisse, dicit de perduella Latinus Pacatus in Panegy. Theod. hæc tamen non ordinaria pœna huic hosti, quemadmodum nec transfugæ, cui jungitur in d. §. *hostes*.  
nam

nam ordinariam recitat Suetonius in *Nerone cap. 49.* aliz erant & præter hanc ignis extraordinariæ; & hanc ignis extraordinariam transfugis stetit legimus in d. §. 1. Sed de hoc satis.

Sequitur in lege nostra.

*Locuples est, qui satis idonee habet pro magnitudine rei, quam actor restituendam esse petit.*

Si tamen in immobilibus habet: ut Alciatus ait, quia locuples, qui pleraque loca, hoc est, possessiones, & prædia possidet. Gell. lib. 10. c. 5. locupletes locorum pleni; ut apud Nonium, & Fornerium. Et is igitur locuples fidejussor; nam quod convenienti facilitas requiratur maxime in l. 2. ff. qui sat. cog. & fides, & probitas, l. 21. ff. de tut. & cur. da. cum id genus aliis: hæc tamen ea sunt, quæ non faciunt locupletem esse, sed ne qui locuples est, is tanquam non locuples censeatur; non sunt causæ constitutivæ, sed remotivæ impedimentorum. Et ita qui fori præscriptionem habet, non negatur idoneus, l. 7. ff. qui sat. cog. nam facultates proprie respicit id verbum; itaque qui non locuples dari fidejussor potest, quantum ad facultates intelligitur, non ad alia, d. l. 2. §. 3. Pariter & ipse reus conventus dicitur locuples; itaque nec satisfacere cogetur, l. pen. ff. eod. qui pro alio intervenit cogitur satisfacere, l. 110. §. 1. ff. de reg. ju. quia aliter non obligatur: itaque nec locuples censebitur, quia creditori non est; qui satis idonee habet pro magnitudine rei.] Id est, qui solidum potest solvere; supra l. 114. quam actor restituendam esse petit] vel dandum, vel quid aliud faciendum; constans enim ubique ratio eadem. Et ita locuples esse potest, qui minutulum fundum possidet, si nec putatur supra valorem ejus quid. Sed quid ubi de re non agitur pecuniaria, quæ pecunia censeatur? judicis profecto arbitrium erit; in argumento accusationis pauper dicitur, qui non habet quinquaginta in bonis, l. 10. ff. de accusat. Ceterum non de paupere quaerimus, at de locuplete; nec verum dicit Alciatus, eum pauperem esse, qui non est locuples: ut recte monet Rebuffus. Paupertas etiam aliter atque aliter consideratur. Et quidem pro qualitate personæ definitio variabitur; quod probe Alciatus de Baldo docet.

Re.

Reslat in lege nostra

*Verbum vivere quidam putant ad cibum pertinere. Sed Oflius ad Atticum ait, his verbis & vestimenta, & stramenta contineri: sine his enim vivere neminem posse.*

Adi ad notata supra l. 43. 44. Hic notes, quod Valla; quia imo sine vestibus vivere homines possint, & vivunt Æthiopes, ait falsam Iurisperiti definitionem; quam tueretur tamen Alciatus, quia non Æthiopum nostri, sed Romanorum leges interpretentur, qui absque vestibus non vivunt, & quasi qui in Italia victum amico legaverit, de ejusmodi victu sentiat, quo Æthiopes se tolerant; quo nihil absurdius dici potest, ita lib. 4. de ver. sign. At nos aliquid pro Grammatico. Zythi non semel mentio apud nostros, quo tamen Italos non putem usos; l. 9. ff. de vi. leg. ubi obiter, si libet, notes, quod prima syllaba verbi conficitur adjungenda est verbo præcedenti, quia ex pane non fiat Zythus ullibi, ut observat Cujacius, ex panace fieri, id ego vobis indico ex Plin. lib. 14. c. 16. Sarmatarum mores proferuntur, ut vestes pelliceasque intelligamus l. 25. ff. de au. & arg. leg. Scytharum, ut lenius adseramus puniendum, qui a stabulo abegerit domitum pecus, quam qui a silva, vel grege: nam quo major delinquendi facultas, eo majori quis in officio continendus est poena; & ita Græcis auctoribus Cujacius in l. 3. ff. de abig. pro plenius substituit lenius; lib. 6. obs. cap. 8. & in Parat. Hierapolitanorum, ut calidas aquas agris irrigandis necessarias admittamus; l. 1. §. 8. ff. de acq. cor. Ægyptiorum, ut papyrus ligni appellatione capiamus; l. 55. §. 3. ff. de leg. 3. eorundem & Alrorum, ut aquam in legato alimentorum venire apud eos homines iudicemus; l. 14. ff. de alim. lega. ipsorum, quos tantum non nominat, Æthiopum, ut nocte vianti prospectum sit; l. pen. ff. de his, qui deiecit. nam fieri illud apud has gentes propter diem ardorem, legi. Præterea cum late pateret Romanum imperium etiam ad Æthiopus, Phin. lib. 5. c. 1. 4. 5. lib. 26. Strabo lib. 16. quid non jura Romana pariter Æthiopiis interpretemur? Tandem illud mihi videtur non recte, quod concausam respicit definiendo. Jurisperitus, cum debuerit solam causam, quæ est cibus: hic enim facit nos vivere, per quem

quem vivimus; per vestes non vivimus, etsi sine ipsis non vivamus. Hæc pro Valla. Sed non desero Jurisconsultum. Quod ergo illæ gentes appellantur alias, id fit, cum aptaque nostris fecerunt quod haud dubie de vestibus pelliceis, aquisque, itinèrequè, Zythusque Romanis imò in usu, id est his, qui in orbe Romano, provinciis. Ægyptus, & Africa item provinciæ, itaque Romanique; & ad eas regiones responsum est; idem respondendum deque vestibus, quod Valla quærit, si ad Æthiopas responderetur, qui provinciales fuissent. Illud vero, quod de Scythis tractat Cujacius, sane quam ineptum est; nam pecus domitum longe pretiosius; quam qui errat in silva, vel grege. Sic fundi instrumenta boves domiti; *l. 8. ff. de instr. & istr. leg.* unde & privilegia illis, *l. executores C. qua res pi. obl. pos.* Sic Aristippus dixit, doctos ab indoctis differri, ut differt dominus ab indomito equo; quod recitat Laertius. Delictum pono ipsum gravius, dum a stabulo abigitur, *l. vulgaris §. qui furri ff. de fur. l. quod ais. §. 1. ff. de adult. l. prætor. in fin. ff. de inu.* Atque si etiam ex Scythis definire eam quæstionem oportet, rogo ego, an apud eos gravius sit, pecora ex silvis furari, quam ex tentoriis, leptisque pretiosiora? Ratio habeat ergo colorem aliquem, non argumentum hoc de Scythis sumptum: quam & exornes de Aristo, *probl. 14. sect. 29.* Item de Cic. pro Sexto Roscio quam hic non tracto, & alias refutavi, ne moveret receptam scripturam *dict. l. 3.* ADDIT. Multa verba aliud nunc ostendunt, aliud ante significabant, ut hostis, nam tum eo verbo Peregrinus. Varr. lib. 4. de LL. Dies status cum hoste, in XII. Tab. Cic. lib. 1. de offic. Plant. Curc. 2. Qui perduellem concitaverit, quive civem perduelli tradiderit, capite multator. Lex in XII. Tab.



CCXXXV. Idem libro tertio ad Legem duodecim tabularum.

*Ferri proprie dicimus quæ quis suo corpore bajulat : portari ea , quæ quis jumento secum ducit : agi ea , quæ animalia sunt .*

# A L B E R I C U S .

Et notes, quod proprietatem verborum hic tractat Jurisconsultus, alioqui vsurpantur verba ista promiscue, & subtilis hæc est Jurisconsulto tradita interpretatio; ut per Alciatum hic, & lib. 4. de verb. sign. ubi contra Vallam. Et potest lex utilis esse ut in casu quem noto ad l. prox. §. ult. item sicubi usus excluditur, & alia omnis ratio, sed proprietas tantum tenenda sit; quod non infrequentissime fieri potest: & factum legibus est Charondæ, ut apud Diod. lib. 12. tum enim vera imo eorum sententia esset, qui statuto prohibente frumentum portari, illum non teneri dixerunt; qui non jumentis portat: etsi ratio legis eadem in alioque eadem videri possit; nam fortasse nec est, quando copię annonariz detrahi non ita potest, dum humeris hominum exportamus omnino minorem copiam; contraque si vetitum sit, ferri, ille non tenebitur, qui potest: nam moveri statuentes valuerunt, vel quod difficillimum propter locorum asperitatem sit, jumentis ducere, ideoque nec voluerint considerare; comprehendereque casum talem: vel quod latere latio possit magis quam portatio; poenam autem censuerint portanti fati vel notam aliquam, quam lator latens cum non incurreret timore poenę visus sit coercendus. Et in summa cum ratio ignota statuendum nobis esse possit, quid notissima verba non sequimur, quæ omnem interpretationem excludunt? quid legem corrigimus, non interpretamur? Ita alias contra Alciatum respondi apud annonę præfectum in agro Piceno: & retuli in commentarium ad Edictum provinciale de annona; qui mihi periit cum aliis lucubracionibus ex Italia proficiscenti; ubi & illud, quod & gustus causa portans, eodem edicto, prohibitorio vinum portari, teneatur; contra quam docuit Salycetus, & Alciatus: nam alii melius, in quibus nunc & Rebuffum video esse; ubi (vindicanda

da sunt quædam ab interitu ) & illud , quod immo recte punitus est , qui vaginas portavit ad hostes , dum vetitum erat , arma portari , contra quam Menochius tenuit *de arbit. cas. 95.* si enim punitur recte , qui cotes portat , ut ille credit , quia his arma acciuntur . Ergo & qui vaginas , quibus arma ab injuriis defenduntur ; quæque & quasi partes armorum , licet impropriissime . *Quæ quis jumento ;* jumentum est oneri ferendo . Plin. ep. 17. libro 2. *utrinque excipis iter aliqua ex parte arenosum ; jumentis paulo gravius , & longius , equo breve & molle ;* equus , qui homini gerendo est , l. ult. ff. ad Leg. Aquil. l. 12. §. 2. *Digest. de instrum. lega.* Sed est jumentum & vectabulum , quod adjunctis pecoribus trahebatur , a jungendo ; atque ita in XII. tabulis , teste Gellio , cap. 1. lib. ult. & itaque boves jumenta , l. 81. ff. de Leg. 3. Ergo portari dicentur , & quæ vectabulo , non solum jumentis dorluariis : & vectabulo vel ab hominibus tracto , l. 49. *Digest. de leg. 3.* Immo & navibus : nam illinc & portus nomen ductum ; ut apud Alciatum *dict. lib. 4.* His adde , quæ scripsimus libro 2. *Lectio. ad tit. Inst. de servit. agi ea.* ] Sic jumentum agere , eodem tit. inde & abigere , ff. de abig. & numero abigeus a fure distinguitur , l. 3. cod. & retuli supra ad l. 85. hinc procul dubio & agaloni nomen . Festus Pauli , eadem vero significatio verbi *minandi* : quo vetus utitur sæpe lacrorum Bibliorum translatio ; & de quo idem Pauli Festus : nam si ipse Festus usus est , dubitat Ant. Augustinus ; & Pithœus verbum jungit his , quæ posteriori sæculo in usu ; in not. ad Juven. tamen cum usus Apulejus sit , ut recitat Cujacius ad lib. 1. Sent. Pauli tit. 17. credendum verbum vetustum est ; nam & Pithœus de numeratis a se , ait quædam , quibus usi antiquiores . Sed hæc nimis Grammatica . Ergo quod restat persequamur .

*Fabros ignarios dicimus non eos duntaxat , qui Digna dolarent , sed omnes , qui ædificerent .* Faber a faciendo ferum , ait Isido. lib. 19. mox ad alios derivatum . Sed hic de lignario ( ita enim restituere potes , quia sequatur de lignis , & sit aphæresis . Diomed. lib. 2. & primæ litteræ omisæ sæpe illo sæculo ; quod observavi in manuscripto Chrysostomo Græce ; aut quia ut lignum , quod accensum ignis , & lumen fiat : Isid. lib. 17. & 19. ita ignarii , quia ligna dolant ) quaeritur , non de omni fabro ; atque lignarius videbatur tamen , qui ligna dola-

Tom. II.

Vuu

ret;

ret; nam is facit ligna, id est apta; verum aliter respondit I. C. *non eas duntaxat, qui digna*. Si leges ligna, habes quod & dautia pro lautia dixerunt veteres, lingua pro lingua, lacrimas &c. & de specie rectius dictum coactive: quanquam verbum dolare cogit. Satis. Si leges tigna habes in his libris sæpissime T. pro D.<sup>o</sup> & contra. Et tum ratio hujus definitionis; nam relata ad legem XII. tabularum, quæ de tigno supra ad l. 72. itaque si tignum omne utile ad ædificandum; certe tignarius omnis, qui ædificat ] *dolarens*. Legibus Lacedæmonum; puto & in XII. vetitum, ne quid dolato majus adhiberetur ædificiis: non ascia, non leviori instrumento levigarentur, expolirentur, inciderentur ligna; dolare est dolabro, instrumento, quo primum aptantur ligna ruditer; num ergo faber lignarius, aut tignarius, & is, qui leviori ferro lignum tractat? & sane is videtur dignus nomine artificis elegantiori, non fabri, non lignarii: quia nec aptare ligna dicitur, sed sculpsit; sed fictor, non factor ligni; non est marmor statua; nec statuarius marmorarius.

ADD. Morus, laurus, hedera, & omnes, e quibus ignifera fiunt; exploratorum hoc usus in castris, pastorumque repetit, quoniam ad excudendum ignem non semper lapidis occasio est; teritur ergo lignum ligno &c. Plin. lib. 16. c. 40.

CCXXXVI. Idem libro quarto ad Legem duodecim tabularum.

*Qui venenum dicit, adjicere debet, utrum malum, an bonum; nam & medicamenta venena sunt: quia eo nomine omne continetur, quod adhibitum naturam ejus, cui adhibitum esset, mutat; cum id, quod nos venenum appellamus, Græci φάρμακον dicunt; apud illos quoque tam medicamenta, quam quæ nocent, hoc nomine continentur; unde adjunctione alterius nomine distinctio fit; admonet nos summus apud eos poetarum Homerus, nam sic ait:*

*φάρμακα τοῖα μὲν ἰσθλὰ μίγνυμινα, τοῖα δὲ λυγρὰ.*

id est: *Venena multa quidem, bona mixta, multa autem mala.*

Sic adjectum puto de aliqua lege in XII. & in lege Cornelia de sicariis: quod testatur lex tertia ff. de sicariis ita adjectum

Etiam a Jurisconsulto in *l. 6. ff. de parricid. l. 9. ff. ad Leg. Aquil.* Solinus de Annibale cap. 54. *veneni mali pocula animam expulit*; forte & alibi, & ab aliis. Ceterum olim desitum adjici, & venenum tantum de malo capi ceptum; quod putidam, illustrare exemplis; de medicamentis quod addit, id & usu receptum, ut de bonis intelligeremus. Sic Cic. pro Cluent. *ut medicamentum, non venenum Diogenes adferret*; itaque cum de malo intelligi volunt, & hoc exprimunt: ut Plinius c. 4. 5. lib. 29. c. 10. lib. 30. c. 5. lib. 32. Varro non expressit: ut nobis recitat Scipio in *Parerg.* lib. 2. c. 14. *quia eo nomine, medicamenti.* Sic Cicero in Hortensio, ut refert Nonius de doct. indag. *ut qui combibi purpuram volunt, sufficium prius lanam medicamentis* &c. Sic scilicet immutatur natura lanæ, & apta redditur purpuræ suscipiendæ. Quod porro de vocabulo pharmaci, id est ex 4. Odyss. Et videtur Græcis usus iste retentus: nam pluries cum adjecto Strabo libro 8. Sed & alii. Latinis & receptum in malum sine adjectione *toxicum*, quod prius *taxicum*. Plin. libro 16. capit. 10. Amatorium non esse venenum definit Quinctilianus libro 7. cap. 4. nec in venenum agnoscit J. C. in *dist. leg. 3. ff. de fidej. tamen punietur* utique, qui & hoc dederit, non minus quam qui medicamentum ad conceptionem dederit, ex quo mortua, quæ accepit: quia mali exempli res eodem; ubi ad conceptionem quomodo intelligam; non extrinsecus prorsus; nam si ad disperdendam ais, quod convenit, etsi sic dicitur res judicata usucapioni proficere in *l. 15. §. 4. Digest. de re judic.* id est, interrumpendæ, ut & hoc Accursius ponit; si ad juvandam, quod suadeturque, quia non malo animo factum dicitur, cur æque fere punita mulier, atque quæ procuravit abortum: *l. 39. ff. de pæn. cum reliquis.* Et rursus, cum malum exemplum censetur? an quod mulier dedit medicamentum? Sed obstetricibus jus etiam dicitur medicinam facientibus; *l. 1. Digest. de extr. cognit.* itaque nec propterea dicemus adstringi Lege Aquilia, ut audimus adstrictam *l. 10. Digest. ad Leg. Aquil.* Oninino igitur, non malo animo, sed, quod sit nimium sæpe, unde & Hippocrates solemne concepit iuramentum contra, ut fama mulieris illæsa contineretur, conceptu perditio; id tamen, quod exemplo malum, quia grave facinus, foetum extinguere. Sunt porro & alia vocabula media, quæ Fornerius notat. Vid.

Left. Virgil. & comm. ad Tjt. C. de mal. & ma.

Sequitur.

*Glandis appellatione omnis fructus continetur, ut Javolenus ait, exemplo Græci sermonis, apud quod omnes arborum species ἀξιδύρα, id est extremitates arborum, appellantur; ait præter, GLANDEM, QUÆ EX ILLIUS AGRO IN TUUM CADAT, TERTIO QVOQUE DIE LEGERE, FERRE LICEAT, VIM FIERT QUOMINUS ILLI VETO; glandis nomine omnes fructus continentur; ff. de glan. leg. cruenta tamen tegi glandes dixit Plinius, & a pomis, & nucibus, & castaneis distinxit lib. 15. atque hæc est sane significatio Italica, Gallique. Ceterum, in libris consultorum ea significatio tenebitur: itaque & in l. 9. §. 1. ff. ad exhib. & sicubi alibi: nam putem ita acceptum vocabulum in XII. quando multum Græcæ linguæ retinebatur; & derivatum ita ad interpretes; & ita Plinius cautum in XII. ait, ut glandem in alienum fundum procidentem liceret colligere; libro 16. cap. 3. adeoque prætor de hac lege transtulit edictum illud suum, moderatus fortasse tempus infinitum ad tertium quemque diem. Et ratio fuerit, quia corrumpi fructus possunt, si diutius jaceant. Sunt tamen, qui & horarii, & fugaces appellantur; ut cucurbitæ, pepones, (quamvis isti non ex arbore, itaque nec arborum species, nec glandes) persica, & reliqui, qui illis quadraginta diebus, in quorum medio exoritur canicula, aut jam deficiunt, aut maturescunt, aut maturi sunt; ut apud Galen. lib. 2. de alim. fac. hi fructus, quod illico corrumpantur, forte & licet semper colligere; quod utique grave est, & nimis contra juris regulam, quæ fundum alienum ingredi domino invito vetat, §. apium. Instit. de rer. divis. at hic fundi dominus utique præterit ea molestia & incommodo se liberare, vel incidendo (quod Cynus contra Baldum docuit) propria ramos dependentes in fundum suum auctoritate, vel agendo, ut incidantur, quia sibi que aer liber esse ad cælum usque debet. Vide l. 29. §. 1. Digest. ad Leg. Aquil. Non omitto de tempore, quod tertio quoque die mihi esse videretur alternis diebus; nam itaque tertiaria febris Medicis: & fructibus piscis, malis, aliis melius consulitur. Item notes, quod ferendi verbo usus est prætor, quod retinendum strictè puto, nec licere jumenta in agrum quoque inducere: nam id gravius; vide ad l. 235. Item quod agri nomen non debet ita*

ita stricte capi, ut si ceciderit glans in ædificium, lectio ejus non permittatur. Vide l. 27. 115. 211.

ADD. Vide Paulum de Castro ad l. qui servandarum, §. si glans ff. de Præscr. verb. ædificiorum, fructus arborei, quod e summis arboribus demantur. Taurell. J. C. Nuces vocamus & castaneas, quanquam accommodatiores glandium generi. Plin. lib. 15. c. 23. glandes inter poma numerari non possunt, c. 24. putamine clauduntur nuces, corio castaneæ, crusta glandes, cute uvæ. Id. c. 28.

CCXXXVII. Idem libro quinto ad Legem duodecim tabularum.

*Duobus negativis verbis quasi permittit lex magis quam prohibuit; idque etiam Servius animadvertit.*

A L B E R I C U S.

*Species solæcismi duodecima per geminationem abnuendi: ut si dicas, nihil nunquam peccavi, cum debet dici, nunquam peccavi: quia duæ abnegativæ unam confirmationem faciunt. Diomed. lib. 2. Donatus autem in Andr. duæ negativæ faciunt unam affirmativam; tres negativæ pro una affirmativa accipiuntur; puto, pro una negativa, l. 13. §. 4. ff. de jurejur. cum id genus aliis, quæ non recipio.*

Sed nunc exempla; nec quod Catullus, *negat negare*, pro adfirmat adfirmare; nec alia; illud tantum, de Græco hoc raptum videri; apud quos duæ negant negationes: Nostri quoque non solum Attici duplici abnegatione utuntur, pro simplici. *Prisc. lib. ult.* frequentissimum Plauto, ut per Muret. ad Catulli Fascium; quosque imitati sunt Romani veteres, ipsique adeo scriptores duodecim tabularum, ad quas hæc lex; apud Tibulum & Propertium duæ pro una; ut observat Scaliger; vel de subtilitatibus dialecticis, quibus plures negationes plus negant. Ait vero in Gallo Lucianus contra Stoicos, quod hæc illi doceant, duas negationes unicam efficere adfirmationem: & quod si dies sit, nox non sit; quod spectat l. 124. nam Stoicos valde sequuntur nostri auctores. Jam notes rationem hujus definitionis.

tionis, quod cum negativæ sit destruere quicquid invenit, etiam præcedentem destruet negativam : idque non facit, nisi faciat adfirmationem ; ut de Augustino Alciatus ; apud quem, & Rebuffum alia & quod non obtinet definitio quibusdam casibus : quos nec difficile censere. In imperito non considerabitur : itaque negasse rusticum responsum est, qui dixit, *nego me non debere* ; ut per alios & Bald. in l. 1. C. de serv. fug. ubi late hoc argumentum tractat, & in l. qui separatis, Codic. und. lib. item ubi sensus resuleret juri contrarius, ibi hanc definitionem non adhibemus. Item si adjiciuntur quædam, quæ vim habent includendi alterum verbum, adeoque faciendi alteram orationem : nam definitionem in oratione una veram, nemo dubitat. Sic ergo in l. fluminum. in princip. Digest. de dam. inf. *nemine nihil faciente*, est, *nemine, qui nihil facit* : ea enim participii natura ; & apud Varro. *volueris nemo accipere*, est, non voluerit, non homo quidem voluerit accipere ; ita in l. 32. ff. de conditio. & demonstr. *neminem numquam* ; & est hæc natura vocabuli *nemo*. Abundat vero una aliquando ; ut notat Turnebus lib. 25. adv. capite quarto, & Forner. hic per l. 36. §. qui pignoris. Digest. de acq. poss. nisi dicis frequentissime commutata, *nibilo magis* & *nibilo minus*.

*Lex magis.* ] nam veræ duplex negationes non adfirmant, at medium quasi constituunt. Sic *non nolle* ; *non improprie* ; ut ad leg. 130. & alia hujus generis.

ADDIT. V. omn. Anchar. cap. 2. num. 5. de constitut. in 6. Alb. in l. 1. Cod. de ser. fug. 2. Nostri quoque non solum Attici duplici abnegatione utuntur pro simplici. Prisc. libro ult. frequentissimum Plauto. Tres affirmant, l. 1. §. *sin ubi Bar. de hered. instit. id est ou pu yvrrai*. Matth. 24. 21. Triplex negatio emphaseos causa ; cum Latinis contra vel duplex negatio adfirmat. Be. *ibid.*

## CCXXXVIII. Idem libro sexto ad Legem duodecim tabularum.

*Plebs est ceteri cives sine senatoribus.*

## A L B E R I C U S.

Et patriciis; in quo differt a populo; nam is connumeratis patriciis & senatoribus, id est, tanquam species a genere. *Insunt. de ju. nav.* mallet Hotomanus, pars a toto: sed speciem & genus in hac significatione usurpari, frequens, & solemne. At cur de patriciis hic non additur? adjecit certe & Capito apud Gell. libro 10. cap. 20. at quia patricii a senatoribus descenderunt, forte veniuntque nomine senatorum, licet senatores non sint, nam & Suetonius in patribus patricos dixit, & Cicero ut apud Manu. ad libr. 9. ep. fam. ep. 21. Sed probo magis, quod scribit Sigonius cap. 5. libro 2. de ant. jur. civil. Roman. in plebis ordinem reponendos & eos patricos, qui nec senatores, nec equites essent; hic, qui senatores non essent; adeoque reponendos & equites. Conveniunt autem Cajus, & Capito: quia Cajus ordinem intuitus definierit; Capito nobilitatem. Justinianus vero si plebem definivisset, male omnino dixisset, sine patriciis: & senatoribus, quia illic in tractatu ordinum versatur.

*Plebs ceteri cives,* ] neque enim erat plebs peregrinorum multitudo, aliive, qui ius plenum civitatis non habebant, vide ad l. 218. plebs tamen aliquando pro hominibus civibus pauperimis; ut apud Livium ostendit Sigonius d. lib. 2. cap. 16. Sed popululusque quandoque pro sola plebe, ut illic S. P. Q. R. quod Scaliger lib. 3. Post. c. 121. sic populares in l. 1. §. pen. Digest. de offic. pref. urb. l. 28. §. 2. ff. de poen. nam & Ammianus lib. 22. *verecundis senatus officiis, & popularium consensu plan-* sibus, & ita populum Sueto. in Calig. cap. 49. alii que. Sed quid in illis, S. P. PL. Q. R. & apud Cic. in Mureniana, *populo, plebique Romana apud Livium lib. 29. populo, plebique Romanæ ut sua gesta Dii bene verruncant.* Populi Romani, triumque mentio aliquando fit: & id quid sit, explicat idem Sigonius lib. 3. de ant. ju. Ita. cap. 3. ut populi nomine plebs Romana, tribuum autem adscitus in civitatem populus, de quo & novæ



novæ tribus factæ; puto igitur populum esse tribus has novas; tribus rusticas, quæ dicebantur, quæque censebantur nobiliores: itaque multi ex urbanis in has transibunt: & de rustica in urbanam referri, ignominie pœna a Censoribus statuta. Sed hæc nimia. Sequitur

*Dereftatum est testatione denunciatum.* ] vide notata ad l. 40. & l. 39. §. 2. Hoc sane cogimur inculcatum fateri.

### Sequitur

*Pignus appellatum a pugno: quia res, quæ pignori dantur, manu traduntur, unde etiam videri potest verum esse quod quidam putant, pignus proprie rei mobilis constitui.* Bene Fornarius, tripliciter in jure usurpari pignoris nomen, ait: pro re obligata; pro jure, quod in ea re creditor habet: pro ipso contractu, & pignoris conventionem, dum vero pro re sumitur, itidem triplex acceptio est; nam stricta pro mobili quæ & propria, quia pignus a pugno. Latior pro re qualibet, sed tradita; in quo, ut per l. 5. lib. 5. differt ab hypotheca, leg. 9. §. 2. *Digest. de pigno. act.* ubi illa, cum non transit nec possessio, cape de possessione, quæ per constitutum, quæ civilis. Latissima pro nec tradita, nexa tamen; atque postrema hac significatione pignus ab hypotheca non differt nisi solo nominis sono leg. 5. in fin. *Digest. de pign.* Et hæc omnia declarat late Justinianus, *Institut. de act. §. item Serviana*. Secunda autem significatio habet & ipsa aliquam veritatem; quia & tetigisse totum videtur; qui tetigit partem: itaque pugno tenuisse totum, qui partem potuit. Tertia prorsus subrogata ex usu est. Sed quæ sint differentie aliæ inter pignus & hypothecam, vide interpretes ad proœ. ff. Ego hic unum adhuc noto, verum mihi non videri, quod de facto consultus dicitur Felynus; & excellens, nescio quis, alius Doctor respondisse, ut dato Judæis privilegio ut mutuari possent super pignoribus illi & super immobilibus poterunt; quia nomen pignoris & huc pertinet, & materia hæc est immobilibus æque ac mobilibus apta. Ego enim ad mobilia cogere, quia de his pignus proprie; quia sumus in privilegio; item in materia odiosissima usurarum; item in hominibus odiosissimis vel hoc nomine usurarum; item quia hi & sic solent sub

sub mobilibus mutuo dare; & sunt mobilia viliora; l. 47. ff. de acq. poss. pignora rerum, pignora filiorum, Aretinus. Jam quod restat in lege nostra.

*Noxia appellatione, omne delictum continetur.* ] privatum tamen; supra l. 200. & leve; ut ait Non. & delicti quidem nomen de privatis est, crimen de publicis; ut traditum est passim. Facit Justinianus differentiam inter noxam & noxiam; Inst. de nox. act. quam & Valla, & Hotomanus, alii valde stomachantur; & noxia participium, id est nocentia ait Nonius. Sed Alciatus tuetur, ostenditque noxam dici quidem & delictum, noxiam vero delictum non delinquentem; ut vero noxa dicitur & delinquens, ita scelus, carcer, senium, alia; & Fronto ait, Noxa poena, Noxia culpa. Sed quid diximus omne delictum? videtur probe tanquam a nocendo. Ceterum noxales actiones in jure nostro pro delictis servorum, & brutorum tantum; non ergo omne delictum omnium, sed omne servorum & brutorum; attamen brutorum dicitur noxalis de pauperie.

CCXXXIX. POMPONIUS libro singulari  
Enchiridii.

*Pupillus est, qui cum impubes est, desit in patris potestate esse aut morte aut emancipatione.*

A L B E R I C U S.

Vide notata ad l. 161. Hic notes, duo requiri, ut quis pupillus dicatur; primum, ut sit impubes; is est in tutelae finienda argumento, qui annum decimum quartum complevit. Et si de foemina quaeritur, quae complevit duodecimum. Sed & in aliis argumentis etiam; quod late expono lib. 2. de legi. temp. Additur vero si impubes est in l. 4. ff. de in li. jur. ne non tam de aetate, quam de persona dictum videri posset; ut de persona dicitur in l. 15. ff. de sponsal. Nec vero occultum cur pupillus de impubere, puero dicatur: nam pupillus puer pusillus; at cur desierit esse in potestate? Sed immo pupillus dicitur, & qui in potestate; l. 7. §. 2. ff. de pecul. Sed cur non capimus de eo im-

Tom. II.

X x x

pu-

pubere, qui in potestate tutoris? vide notata ad l. 182. tamen pro impubere capitur liquido in l. ult. §. 1. ff. de ver. oblig. At hæc inter loquendum habentur: verum si quid de pupillis sanciat, proprie & is, qui non est in potestate impubes: aut certe disquiritur, an sit, & in possessione sit libertatis, l. 3. §. 2. ff. de lib. exhib. nam & ita desit esse in potestate. Et id est alterum, quod in hac definitione requiritur; atque quod de morte scribitur, accipe & de civili, per quam perditur patria potestas, §. cum autem: §. pater §. si ab hostibus. Inst. qui. mo. jus pa. pot. sol. de aliis modis, quibus filii liberantur patria potestate, non est querendum; quia non spectant impuberes. Illud de aliis modis queritur apte ad tit. ff. de adopt. & Cujacius de his non præstitum, quod promittitur, ait. Sed potest tamen adferri, quod & de aliis dicitur; nam casus mortis notatur in l. 22. item dicitur de manumissione in l. 28. & l. 36. quæ non erat emancipatio, & si pater manumissor; l. 4. ff. quis or. in bon. pos. serv. l. 10. ff. de suis & leg. l. 3. ad Tert. alibi, & tit. si quis a pa. su. manu. ubi etiam confundantur; id tamen est, quia idem jus, sed non ideo desinunt modi esse (quod queritur) diversi; & puto modum eundem hic, qui in servis manumittendis. Cogita; nec enim tollit manumissionum circuitus Justinianus, l. 11. C. de adopt. l. ult. C. de emanc. Sed ut liceat expeditius docet; quanquam quid ad titulum Digestorum, si sublatum? Item cum adrogatus perdat potestatem, desinit utique & per adrogationem potestas: nec notatus iste modus est priori verbo adoptionis, quia illo potius modus querendi notatus. Sic & qui patitur, filium in adoptionem ire, aut ipse pater dat. Et ita forte conceptus simpliciter titulus, quibus potestas solvitur, non solum de eo modo, quo solvitur ad filium quod attinet, emancipatione, sed simpliciter solvitur. Sic & solvitur potestas ejus, qui beneficio principis venit in potestatem; l. ult. Atque ut male Cujacius contra illum titulum, ita & Hotomanus male contra tit. Inst. qui. mo. jus pa. pot. solv. quasi de patria non prænotandum, quia non prænotatum neque in Dig. & tractatum etiam de dominica est; quod ridiculum, quia tractatum de non tractando. Et titulus Digestorum non requirebat illud verbum; nam reliqua ostendunt, de patria agi: quod dici de titulo Institutionum nequit. Sed quam ego alia tracto?

So-

Sequitur in lege nostra

*Servorum appellatio ex eo fluxit, quod Imperatores nostri captivos vendere, ac per hoc servare, nec occidere solent.*

Eidem mancipia, quod ab hostibus manu capiuntur. Inst. de ju. pers. l. 4. ff. de sta. hom. servorum nomen aptari potest & his, qui serviunt, nec sunt mancipia, sed mercede conducti, aut etiam gratis: quibus utimur hodie passim; vide ad l. 195. §. 1. prantiriis, quos Angli vocant, certe nomen valde aptum. Quae porro Alciatus tractat ad rem bellicam; ea ego late Comment. 2. de jure belli. Vide huc Scipionem in Originibus.

Sequitur in lege nostra

*Incola est, qui aliqua regione domicilium suum contulit, quem Graeci πάροικος id est juxta habitantem, appellant, nec tantum hi, qui in oppido morantur, incolae sunt, sed etiam qui alicujus oppidi finibus is agrum habent, ut in eum se, quasi in aliquam sedem se recipiant.*

Extrita erit n, quia scripserit, quod in aliqua; alterum vero non semel factum ut non accusandi casus adjungeretur hujusmodi verbis. Sic, in provincia de Roma abire; ubi ire desiderat; alibi transferri; ubique sequi; cum similibus; & in l. 22. ff. ad mun. ubi domicilium tulerunt; qui visus tamen rusticus sermo Alciato lib. 2. Praeterea apud Apuleium, Ubi ducis asinum? domicilium, hoc est, ita se in aliquam regionem contulit, ut illic habitare non momenti causa velit; vide l. 5. §. 2. Digest. de injur. Sed quasi in aliquam sedem se receperit: ut mox scribitur in lege nostra; nec vero incolam facit quem possessio, l. 17. §. 3. in fine domus, §. 11. Digest. ad munic. Sed nec colonia, l. 27. §. 1. eod. tit. sed nec nuda contestatio, l. 20. eod. & factum requiritur, & voluntas, dist. leg. 5. relegatus tamen necessarium dicitur habere domicilium, ubi relegatus est, dist. leg. 22. §. 3. itaque & eo loci habet, unde arcetur, dist. l. 27. §. ult. ut ineptum sit, quod ait Cujacius, Incolae sunt municipes voluntarii; in par. ff. Sed nec municipes sunt vide ad l. 227. nisi quod muneribus adstringuntur, l. 22. §. 2. Et l. 29. Sed & illud perperam, quod

X x x 2

sub-

subdit, de adoptione, & manumissione: non enim, etsi hi domicilium sortiantur adoptatorum, & manumissorum; idcirco incolæ statim; l. 3. 4. etenim municipes sunt, l. 1. Item miles, ubi meret, domicilium habet: sed si nihil in patria possideat, l. 23. §. 1. atque ita notes, quod possessio facit retinere domicilium, etsi non faciat quærere. Conjecturas porro, quibus contractum domicilium, censeamus, tractat Alciatus hic, neque difficile est cognoscere ex supradictis. Vide quod de pluribus domiciliis scripsi ad l. 203. *quem Græci παῖς*. Latini etiam *colonus*: unde & *colonia*; d. l. 17. §. 8. & d. l. 27. §. 1. quam hic colonia a colendo, ut etiam in l. 24. §. 3. ff. loca. l. 2. §. 13. ff. *no quid in so. pub.* l. 13. C. de agr. & cens. alias coloni ab incolendo, unde coloniarum civitates, & ut Tyrii tenuere coloni, non a cultura, ut qui debent genitili solo conditionem propter culturam sub dominio possessorum; quæ sunt Aug. lib. 10. de civit. c. 1. & sunt postrema notanda ad d. tit. de agrico. & cens.

Nec tantum hi, qui in oppido &c. ] Sic & qui ex vico oriundus est, eam patriam intelligitur habere, cui Reipublica vicus ille respondet, l. 30. ff. ad mun. verum huic definitioni contraria notatur l. 35. eod. vide Fornerium: Sed tu dicas, jungendas has tres leges; l. 27. §. 1. l. 35. ad munic. & hunc §. atque ita colligendum, ut colonia non faciat incola, si alibi quis utitur omnibus præcipuis, at si utitur his in colonia, in quam scilicet se receperit tanquam in sedem aliquam; hoc enim præcipua illa complectitur, quæ specificantur in dist. leg. 27.

Sequitur in lege nostra.

*Munus publicum est officium privati hominis, ex quo commodum ad singulos, universosque cives, remque eorum imperio magistratus extraordinarium pervenit.*

De muneris nomine pluries; hic quid sit munus publicum definitur; nam est & munus privatum, l. 214. *munus publicum est officium*; ] definit officium Scaliger jus actionis ad quemcumque statum pertinens. Et ita species muneris officium *supra ad l. 18.* atque ita non munus generaliter definitur hic, sed publicum, quod est species, & est officium.

Pri-

*Privati hominis.* ] nam qui publicam dignitatem teneat, hi ad officium non vocantur; l. 10. ff. de mun. & hon. ubi in rubrica munus officium est, honor, quam dico, dignitas; ex quo commodum ad singulos. ] ut tutela, cura; l. 1. ff. de mun. universosque. ] defensio civitatis, & alia plura in d. l. 1. cives. ] Sed & captos ab hostibus propter spem postliminii; eod. in fi. Et notes, quod honor etiam ad peregrinos pertinet. Sic prætor peregrinus; officium non pertinet; puto peregrinis ipsis hoc datum ut officialem ipsi facerent sibi, qui fortasse est, quem principem peregrinorum, & vice principis peregrinorum in veteribus lapidibus legis apud Aldum; remque eorum; ] exempla in ea l. 1. aq. ductive viarum, alia; imperio magistratus. ] cum enim onus in his sit, coguntur sane, qui ad ea vocantur. Sic supra in l. 214. ubi quod præterea dicitur de lege & more, hoc est, quod imperio coguntur ad ea suscipienda, quæ lege, & more sunt iusta; extraordinarium. ] Alciatus, extra ordinem, vel extraordinario. Sed quid ni possit adverbium esse extraordinarium, ut recens, æternum, similia? extra ordinem porro hæc officia non minus indicuntur, quam quæ tractari extra ordinem dicuntur tit. ff. de extr. cognit. Sequitur in lege nostra.

*Advena est, quem Græci ἀνέμιον, id est domo profugum, colonum advenientem appellamus.* Advena domicilium non constituit; incola constituit; ille igitur, quem Græci ἀνέμιον; ] hoc domicilium, adjecta particula privativa α, & interjecta littera π: quod fit. Sed an viator advena est? Et non puto; nam viator forum nec fortitur contrahendo; l. 19. §. 2. ff. de judici. advena sortitur; eod. §. 2. Itaque advena, qui quidem advenit, sed non constituit tamen domicilium; ille erit colonus advena, de quo in l. 27. §. 1. ff. ad municip. in l. 5. §. 2. ff. de injur. viator erit, qui non advenit, id est, huc non venit quasi ad terminum itineris, sed transit, alio profecturus, discursurus. Quæ notes; item quod forum contrahat contrahendo advena, & quisque delinquendo; nam advena alias statutis loci non erit obnoxius; ut hæc interpretes ad l. omnes populi, ff. de just. & ju.

Sequitur in lege nostra:

De.

*Decuriones quidam dictos ajunt ex eo, quod initio cum colonia deducerentur, decima pars eorum, qui ducerentur, consilii publici gratia conscribi solita sit.*

Eadem forma & decuriones in castris, quod equitibus denis præessent; *decuries* decuriones interpretatur Festus Pauli; quod *initio*.] Et ita retinetur nomen, etsi ratio illa immutata sit; qua de re alibi; cum colonia deducerentur.] Coloniz Roma militæ, municipia extrinsecus in civitatem vocata, Sigon. lib. 2. de ant. ju. Ita. qui & quæ essent coloniz militares explicat.

*Consilii publici.*] Itaque senatores appellari posse, merito dicit Augustinus, in l. 21. Dig. de su. & cur. dat. l. 33. C. de decur. quia & senatus Romæ consilium dicitur. Sic in veteribus lapidibus apud Manutium, *decuriones & plebs coloniz Asculanorum*, quod S. P. Q. R. cujus consilii partes curare Rempublicam, Itaque & curiales dicuntur, l. 30. l. 31. & alibi. C. de decuria. nam & curia senatum significat; adi Cujacium ad tit. Dig. & Cod. de decur. & in parat. ad tit. Dig. de decr. ab ord. sac. idem enim ordo, quod decuriones: & ita l. 3. §. 1. & alibi. ff. de decur. & in V. M. ordo & *papulus Allifanorum*; quanquam ordo & de quoque collegio: sic in iisdem, decreto ordinis corporis *piæceptorum*, &c. ordinem video & synagogam appellatam in iisdem, *synagoga Brixianorum*. Duumviri his præerant decurionibus, & magistratus municipales erant; triumviri alicubi, alicubi plures erant: sic in iisdem V. M. *Ilvir Vetas, Ilvir Nepte*. Et quales consules Romæ: qualesque senatores, tales duumviri, & decuriones in coloniis, & municipiis; vide illa V. M. in *vetulis*, & Coraf. lib. 3. Misc. c. 6. & apud Sigo. lib. 2. de anti. ju. Ita. c. 4. nam & in municipiis decuriones, l. 1. ff. de al. scri. De duumviris quæ dicuntur in jure nostro, ea respiciunt non antiquum Italiz jus, sed quale sub potestatem redactæ: nam de liberis illis municipiis non dixissent leges Romanæ; sed idem & quæ dicuntur de magistratibus municipalibus: quoniam magistratus municipiorum antiquorum habebant longe plura, & majora. Item & notes, quod duumviri, sive triumviri, sive plures aliis atque aliis muneribus destinabantur, l. 2. ff. de orig. jur. habes & IV viros juri dicundo in iisdem V. M. quæ notes, nec in am-

bi.

bignitates se conciliet Alc. in l. 2. C. de priv. eo. qui in sacro. &c. Curator non erat duumvir, esse potuit & ita dici, sed qui procurator in l. 30. C. de decur. ubi Cujac. Procuratores Reipubl. & ita in V. M. cur. Reip. Afulan. At hæc satis. Vide Scipionem in Originibus.

Sequitur in lege nostra.

*Urbs ab urbo appellata est; urbare est aratro definire; & Varus ait, urbem appellari curvaturam aratri, quod in urbe condenda adhiberi solet.*

Vide notata ad l. 2. Hic eximenda Fornerio admiratio primum est, qui cum legerit urbem Romam olim muris cinctam, ab Aureliano primum cingi, quod scribit Zosimus, insolens ac mirum arbitratur. Sed de hac re ita scribit Vopiscus; *muros urbis sic ampliaris. Aurelianus, ut quinquaginta prope millia murorum ejus ambitus teneant; muro inclusit, quæ erat Roma, continentia ædificia; vide not. ad d. l. 2. ex Dionys. Pligii ætate ambitus iste xlii. pass. mill. & cc. adi lib. 3. c. 5. Sylla ultimus Romanorum protulit pomoerium, quod nunquam provinciali, sed Italico agro acquisito mos proferre apud antiquos fuit. Aventinum montem extra pomoerium fuisse propter alteram ex duabus causis, aut quod plebs eo secessisset, aut quod Remo auspicante illo loco aves non abduxissent; fista, mendacis similia. Senec. de brev. vi. De hoc vero condendæ urbis more Plutarchus in Romulo; & alii passim, & Scipio frater in Originibus: ubi quod de veteri Hebræorum more habet, id Josephus lib. 5. antiq. c. 11. item Judic. c. 9. *curvaturam aratri*; hanc temonem inter boves protensum, quæm & buram, & burim, & curam appellari, tradit Turnebus in adversa. Videris.*

Sequitur in lege nostra aliud.

*Opidum ab ope dicitur, quod ejus rei causa mœnia sint constructa.*] quas ineptias Stoicorum appellat Cicero, ab hac igitur causa opidorum nomen aptum etiam urbibus; quod Varro notat lib. 4. de L. L. & Scipio exempla notat in Originibus, & ego monui supra ad l. 2. alia de etymologia hac latius Fornerius; qui Isidorum distinxisse tamen opidum a vico, castello, & pago refert mœnibus & magnitudine. Sed Alciatus opidum pro-



proprie dici asserit & vicum & pagum cinctum mœnibus. At si hi cincti mœnibus sunt, jam non sunt pagi, aut vici, verum opida. Castrum live castellum locus arte, vel natura munitus, ambitus exigui, ad similitudinem castrorum militarium: nisi si hæc potius ab illis; quia civilia videntur castra fuisse, quam militaria; sunt tamen & quædam non munita; unde opida, castellaque immunita Liv. lib. 22. quo ex loco patet, castellum ab opido differre; quod & Cæsar. lib. 2. bell. civ. sed & Plinius non semel. Pagus est plurium vicorum; regio scilicet nullo mœnium ambitu septa, sed dispersis per vicos accolis. Vicus extra urbem e pluribus casis nulla munitione septus; in urbe ædium continuata series, non ipsa via. Sic Plinius lib. 3. cap. 5. *per vicos omnium viarum*. Villa ruri domus, ut dixi alibi: nunc lingua Italica qui vicus extra urbem; Gallica urbs ipsa, opidum. Hæc Aldus lib. 2. *epistolæ*. 7. quæ certissima: & tradita etiam Sigonio lib. 2. *de anti. ju. Ital.*

Sequitur:

*Territorium est universitas agrorum intrafines cujusque civitatis; quod ab eo dictum quidam ajunt, quod magistratus ejus loci intra eos fines terrendi, id est summovendi jus habet.*

Ait, *est universitas*. Quod est corpus quoddam juris intellectu, tantum re unitum; ait, *agrorum*; quod verbum non capies stricte, quasi silvarum, vinearum, sed & lacuum, & fluminum, imo & vicorum, & opidorum non sit uni alicui civitati subjectorum, & in ditione ejus positorum; cape igitur agros, & in agris contenta; nam & ager pro territorio: ut monui ad l. 27. *intra fines*. } differunt fines a territorio: nam fines territorii extrema; quæ tamen sunt etiam territorii, quia dictio *intra* includit, l. 233. Ceterum contingere videtur, ut intra fines quid sit, nec sit territorii: siquidem in alieno agro, id est regione, videmus inclusa, quæ jure territorii, hoc est terrendi, ad alios spectant. Sic Isauria clusa agris Romanæ ditionis, non erat tamen Romani territorii. Sexcenta hæc sunt. Et sic est aliquid intra fines, quod non est territorii, quoniam non est jus terrendi; item est aliquid extra fines, quod est territorium, quod est scilicet: jus ter.

terrendi . Verum , hæc non esse extra fines *civitatis* , non intra fines alterius civitatis , rectius credimus ; nam Jurisconsultus non dixit , *urbis* , aut *opidi* , sed *civitatis* , quæ homines spectat , & eorum jus ; adeoque cum sint homines , & jus eorum in agris illis separatis , clusis alia regione , utique & agri illi de territorio civitatis censentur . Est quippe universitas , hoc est collectio quedam juris intellectu , non tam unio corporum , agrorum .

*Civitatis* } cum homines verbum respiciat , utique & opidi , & pagi , & vici , si hæc alteri civitati non subsunt , territorium est . At quid si civitas dici nequeat , & sit tamen , jus terrendi ? finge non esse familiarum collectionem , ut per *Aristot. lib. 1. Polit.* sed castellum nobilis alicujus . Et si intra fines agrorum istius sint & subditi , civitas erit ; quod si non sint subditi , adhuc est territorium , jus terrendi , submovendi , tamen non est neque civitas , neque magistratus . Cogita nam forte nec est territorium . Hic opportune queritur , an municipii leges externos in territorio degentes , & cives extra degentes obliget . Sed est argumentum l. ult. ff. de jurisd. & tractatum ab interpretibus ad l. omnes populi , ff. de ju. & ju. vide & hic *Fern.* Territorium quod maxime teritur ; a tera , quæ ita dicta quod teratur ; & in augurum libris cum R uno ; inde territorium locus communis proprie opidum . Var. lib. 4. de li. Lat. Reliqua de etymologia per alios , & Scipionem in Originibus . Restat in lege unum :

*Verbum suum ambiguum est , utrum de toto , an de parte significet ; & ideo qui juret suum non esse , adjicere debet , neque sibi communem esse . }*

Vide notata ad l. 96. §. 1. Hic illud maxime videndum ; si perius est , qui jurat , suum non esse , & sit commune ; & sententiam veriorum adfirmantium , scribit *Alciatus* ; quod tamen limitari non uno modo potest : ut per interpretes ad l. 1. §. si stipulanti , ff. de verb. obl. & *Rebuffum* hic ; & illa est una , si juramentum relatum ad interrogationem , non intelligatur de re communi , quia scilicet rogatum de re , an sit tota sua . Ita & limitari potest , quod de testibus tradunt : nam horum hoc verbum ambiguum declaratur ex articulis , quibus responsum

*Tom. II.*

Yyy

est ,

est, & testimonia non erunt ambigua, at probabunt; item & quod de sententia scribunt, qua dicatur, rem suam Titii non esse: ut immo non censeatur negata communis, si Titius egerit libello suo tanquam ad totam suam; nam sententia ad libellum refertur. Et hoc casu non putem procedere *l. 7. ff. de except. re ju.* & solum illic interpretor; non quia totum dictum, sed quia simpliciter res petita. Cogita. Postremo illud nota in hoc argumento, quod quidem & affirmative suum dicitur etiam de parte, & negative etiam de parte negatur: alioqui non esset; qui neget, paucius. ADD. ad §. Territorium. Vid. Decian. *conf. 123. vol. 3.* ubi concesso territorio quid veniat, latissime: Vid. & Anchar. *in c. 2. n. 20. de conslit. lib. 6. 2.* Districtum jus cogendi ad cautiones, ne illicita fiant. Jurisdictio, cognitio causarum. Honor varie dicitur, obedire nunciis, salarium præstare, donare, remunerari. Vid. Alex. *conf. ult. lib. ult.* Territorium a Tera, quæ ita dicta quod teratur; ut in Augurum libris cum R uno. Inde territorium locus communis prope opidum. Var. *lib. 4. de L. L.* Ad §. Urbs. Vide omn. Mag. *lib. 3. Miscellan. c. 13.* & quæ ad L. II. notata.

Ad §. Incola *versio*. Inquilinus, seu incola, qui in alia urbe natus; in alia habitat, neque ad breve tempus ibi versatur, ut hospes, aut peregrinus, &c. Suidas ex Aristoph. Advenæ, vel Incolæ, adventitii permanentes, ab incolendo. Isid. *lib. 11.* Et articulus vel, sit nota correctionis; nam advena non habet domicilium. §. *advena*. Forensis dicitur varie secundum subjectam materiam; ille proprie, qui nec originem, nec domicilium habet, nec factus est civis. Eugen. *conf. 18. lib. 1.*

CCXL. PAULUS ex libris sex libro primo Imperialium sententiarum in cognitionibus prolatarum.

*Cum querebatur, an verbum SOLVTO MATRIMONIO DOTEM REDDI, non tantum divorcium, sed & mortem contineret, hoc est, an de hoc quoque casu contrahentes sentiant: & multi putabant, hoc sensisse; & quibusdam aliis contra videbatur. Secundum hoc morus imperator pronuntiavit, id actum eo pacto, ut nullo casu remaneret dos apud maritum.*

A L B E R I C U S.

Verbum dicitur, quia de uno illo verbo *solutum* est questio, non de tota formula proposita. Et ratio videbatur, ne ad mortem spectaret, quod matrimonium solvi crederetur eodem modo, quo contrahitur, l. 35. ff. de reg. ju. Ergo dissensu: nam contrahitur consensu; in morte autem non est dissensus. Et ita stat omnibus probata differentia, quod si quid tribuitur, donec revocetur, id morte non sit revocatum; at si donec volet, qui tribuit, morte ejusdem finiatur; quia morte desinit velle, sed non ita revocat; nam revocatio est, quando contraria voluntas ponitur, quæ in morte non est; adi. Dec. ad l. ejus est nolle, ff. de reg. jur. Et itaque uxor vidua dicitur adhuc in matrimonio: cum id genus aliis; ita & matrimonium retinetur utroque furente, l. 8. ff. de his, qui sui sunt; adde quod sicut non intelligitur donatio causa mortis, ubi est dictum, *Solutum matrimonio quocunque modo dono*; ut docet Alex. ad l. que dotis. sol. matr. quia casus mortis in genere comprehenditur, non in specie: ita hic, Item adde, quod morte soluto matrimonio minus reddebatur dos. Ulp. tit. 6. Ergo qui stipulatur reddi, in casum, contra se, capi sinet stipulationem, l. veteribus, ff. de pact. Atque omnis sane ratio facit, ut viva uxore restituatur dos magis, quam ea mortua. Et ita controversia magna esse poterit ad istam speciem; itaque aditus imperator, qui cognosceret; is respondit contrarium. Ratio fuerit, quia mors omnia solvit, & solvit illam voluntatem, quo matrimonium, quasi vinculo, stat

Y y 2

bat propter cujus voluntatis reliquias constat etiamnum matrimonium inter furiosos; at nullæ reliquæ in mortua. Item passim dicitur solum matrimonium morte; itaque non ambigue loquitur, qui loquitur secundum quod receptum est. Et his, aliisque rationibus ita pronunciare potuit imperator, de sententia contrahentium; nam & voluntatem interpretatur idem, *l. Cajo §. 1. ff. de alim. leg.* sed & alibi, & jurisconsulti etiam aliquando, quicquid unus Scævola non credat hæc spectare ad horum officium; *nullo casu*;] nec mortis civilis, *l. 56. ff. sol. matr.* Sed quid jure Canonico in tori separatione? ea non est solutio matrimonii. Item quæro, cum soluto matrimonio dos reddatur & sine hoc pacto, pactum hoc cui bono? & tota reddetur, & statim; adi Alciatum *lib. 1. de verbor. signific.*

CCXLI. Quintus MUCIUS Scævola libro  
singulari *épúr.*

*In rutis cæsis ea sunt, quæ terra non tenentur, quæque opere structili, tectoriove non continentur.*

A L B E R I C U S.

Solens pactio in ædium venditionibus ruta cæsa excipere itaque recte definitur, quæ hæc sint; *quæ terra non tenentur.*] nam quæ terra non tenent, ea ædium sunt; & hæc distinguuntur a rutis, cæsis, *l. 17. in princ. l. 38. §. ult. ff. de act. empt. l. 66. in fi. ff. de contr. empt.* Et in his legibus notes, quod vinea, fixa, adfixa, inserta, inclusa ædificio non sunt ruta cæsa; & inclusa ædificio intelliges, quæ quid in ædificio faciunt; nam vasa vinaria, torcularia defossa sunt, ædificio coherent, nec tamen sunt ædificii, *d. l. 17.* nam nec ita inædificata, ut partes ædificii esse videantur, *l. 21. ff. de instr. & instr.* Sed si dolia sunt in instrumento, *l. 8. eod.* quomodo sunt ædium? Cogita. Granaria ex tabulis, si stipites eorum in terra defossi sunt, ædium sunt: quod si supra terram sunt, rutis & cæsis cedunt, *l. 18. ff. de act. empt.* Item notes de *d. l. 17.* quod multa nec erunt in receptis rutis cæsis, quæ tamen adfixa non sunt ædibus, nam multa ædium sunt hujusmodi, seræ, claves, claustra, specularia,  
peg-

pegmata, l. 12. §. 14. ff. de instr. & instr.

*Quaque opere structili;*] vide ad l. pen. in princ. *teſtoriorum*; quod parietes ſpectat; hinc *teſtoria* inducere, à regendo; nam parietes ita exornabantur; adi Tertull. de idola. & Vitru. ut per Alc. Sed ad totam definitionem notes, quod quæ omnia non tenentur terra, aut opere structuli, vel *teſtorio*, ſunt ruta caſa. Etiam *inſtrumenta*, ſupellex? an hæc putamus nominari ruta caſa poſſe? Et puto d. l. 17. §. 3. ubi pulcre; & pulcre quod fruſtra recipiuntur ruta caſa, quia nec venirent alias. Sed & fruſtra adjectum adhuc, poſtquam recepta ſunt ruta caſa, *ædium*, *fundive non ſunt*: nam ruta caſa qui recepit, & hæc recepit, quia ruta caſa ſunt, quæ neque *ædium*, neque *fundi ſunt*, d. l. 66. Ergo ruta caſa immo & ſupellex, & *inſtrumenta*; ut dixi. Alia ad hoc argumentum vide in l. ſeq. §. 2. & ult. item in l. pen. Briff. 6. Form. Cruſta lapidis, aut ligni, aut geli: Servius.

CCXLII. JAVOLENUS libro ſecundo ex  
poſterioribus Labeonis.

*Malum navis eſſe partem, artemonem autem non eſſe, Labeo ait: quia pleraque navæ ſine malo inutilæ eſſent, ideoque pars navis habetur; artemo autem magis adjectamentum, quam pars navis.*

A L B E R I C U S.

Alexander ab Alexandro lib. 1. Gen. c. 25. *artemonem* trochileam interpretatur inepte; qui de Jurifconſultis adeo ubique triumphat in his argumentis; quo cum & Fornerius eſſe videtur; *artemo* eſt velum additiſſimum dirigendæ navis cauſſa; ut per Iſido. lib. 19. & hic per Alciat. & Cottam in memorat. & Rebuſſum; malus eſt arbor, cui velum ſuſpēditur; nam itaque diſtincta ponuntur malus & velum in l. 44. ff. de evict. ubi notes quod navi conjuncta dicuntur, quæ quali membra navis ſunt, & (ut hic dicitur) partes; veluti gubernacula, malus, *antenna*, *velum*; malus, arbor, qua vela ſuſtinentur. Iſido. eod. *artemonem* hæc non referes, quia nec navi conjunctum dicere poteſ, id eſt, qua-

quasi inclusum ; vide l. præced. Et ex his apparet , quæ veniant navi vendita , ut Alciatus monet . Vendito lembulo , item triremi , venient proculdubio . & remi , quia sine hijs inutilis . Scapha non veniet ; navi cum instrumento data , l. ult. de instr. leg. sed artemon veniet ; ut per Aciat. Sed an veniet scapha , si instructa detur navis ? Et hic negat per d. l. ult. quæ de instrumento loquitur . Ergo ego scapham venire putem . Vide not. ad l. 185. Sequitur in hac lege .

*Inter projectum & immisum hoc interesse , ait Labeo , quod projectum esset id , quod ita proverberetur , ut nusquam requiesceret : qualia mæniana , & suggrunda essent : immisum autem , quod ita fieret , ut aliquo loco requiesceret : veluti tigna , trabes , quæ immitterentur . ]*

Non modicam juris diversitatem esse , Alciatus docet , sive quæ projecta , sive quæ immissa sint : apud quem videris ; mæniana , quæ hæc sint , late Fornerius tractat , & alii ; suggrunda , prominentes tecti partes secundum Alciat. stillicidium ergo . Cujacius suggrunda de Palladio , & Vitruvio tabulas prominentes a summis ædificiis , quæ tuerentur hæc ab injuria imbrium . Et possunt hæc stillicidia dici , & grunda Italici stillicidia . Projectum porro a protecto differt , nam hoc ( secundum Cujacium ) prominens tectum , adeoque projecti species , & de protectionibus in rubr. de dam. inf. item de suggrundis . Sed de suggrundis nihil tamen in titulo tractatur ; quod notat Cujacius ad tit. de feri. Sed sic exponit ad ipsum tit. de dam. inf. quasi voluerint compilatores dicere , quod quæ omnia de damno infecto dicuntur , ea & ad suggrunda , & protecta pertineant . Et fuit hoc documentum subtilissimi Aretini ex tit. ( quem & notat Cujacius ) de vet. & mil. succ. in quo nihil de veteranis exprimitur , sed rubrica expressum velit idem , quod de militibus ; quod notes contra interpretes reliquos , qui rubricis his imperfectis , id est , quæ definitionem non habent , nihil probari contendunt ad l. 1. ff. si cert. pet. Et opus fuerit de his admoneri in rubr. quod alias non portigi ad ea , quæ de damno infecto , quasi hæc natura ipsorum ; quod & de veteranis ad alium titulum propter veteranorum privilegia ; de suggrundis & protectis

tamen forte est l. 24. §. 3. & l. 40. §. 2. & l. 43. in prin. At ad alia pergamus.

*Plumbum, quod tegulis poneretur, ædificii esse, ait Labeo. Sed id, quod hypætholi tegendi causa poneretur, contra esse. ]*

Et pali tamen, qui vineæ caussa parati sunt, antequam collocentur, surdi non sunt; & tegulæ, quæ nondum ædificiis impositæ sunt, quamvis tegendi gratia allatæ sunt, ædificii non sunt; nec alia, quæ parata sunt, ut imponantur: etsi contra in paratis, ut reponantur, l. 17. §. pe. & ult. & l. seq. ff. de act. empt. atque ita hic cape igitur tegulis positum jam, non paratum.

*Sed id, quod hypætholi, &c. ] hypæthrii recte. Et est hypæthrium solarium, ut hic per Alc. & alios; quod plumbo tegi solebat in hyeme, ne corrumperetur, in æstate velis, l. 12. §. de velis, ff. de instr. leg. Sed quare hæc non sunt ædificii? Vide ad §. ult. Nunc quod de vidua.*

*Viduam non solum eam, quæ aliquando nupta fuisset, sed eam quoque mulierem, quæ virum non habuisset, appellari ait Labeo; quia vidua sic dicta est, quasi vecors, vefanus, qui sine corde, aut sanitate esset. Similiter viduam dictam esse quasi sine duitate.*

Etiam Scipio frater meus in Originibus hanc legem exponit, & contra Alciatum tuetur, quod facit & Rebuffus. Vide & Cottam in duitas, nupta fuisset; & mortuum maritum habet, vel repudiata est; adi Scipionem; quæ virum non habuisset, cur non dixit virginem? an sentit de nupta viro impotenti, qui non vir dicitur, sed quasi vir? l. 5. C. de spons. & hæc sane vidua dicitur; adi gl. Alc. & Cottam in vidua, item de ea, quæ cognita a viro non est, non in cubiculum viri ducta est; l. 6. ff. de vir. nupt. quam viduam & Alciatus censet contra Marianum Socinum. Si de hujusmodi capis, recte convenit, & quod de divisione hic dicunt; item privilegia viduis data, & huic stabunt. At si de virgine intelligis, quod faciendum videtur, & fieri pot-



potest, quia viduas de virginibus alii dixerunt, adnotante Scipione, tum reliqua non ita apta. Et hic latior nominis significatio explicata erit, & probe ab etymologia. *Vecors*, &c.] *Isid.* lib. 10. *vecors mali cordis; vesanus non probe sanus; quasi sine duitate*; vidua, quod sola sit. *Isid.* lib. 9.

*Straturam loci alicujus ex tabulis factis, quæ æstate tollerentur, & hyeme ponerentur, ædium esse, ais Labeo: quoniam perpetui usus paratæ essent; neque ad rem pertinere, quod interim tollerentur.]*

Stratura proculdubio quod sternitur, & hæc ex tabulis, quæque hyeme poneretur, utique aduersus frigus composita. Sed hic ego quaero, cur stratura hæc ædium est; plumbum quod hypæthrii tegendi causa ponitur, non est ædium, §. *plumbum*; hac l. Et putem rationem differentie esse, quod illud plumbum non erat factum, ut factum est, quod tegulis ponebatur; item & hæc stratura proponitur *ex tabulis factis*; quod si tabulæ factæ, id est dolatæ, aptatæ loco, non proponerentur, tum hæc ea stratura esset ædium. Et ratio adhuc ex voluntate utentis, qui dum non aptat loco, videtur omnino, nec velle facere loci. Et contra, si plumbum illud aptatum hypæthrio foret, hypæthrii esse, adeoque ædium diceretur; nisi maiorem factionem in plumbo adhuc requirimus, quoniam tabulæ aliis rebus non facile postea aptantur, ut plumbum; quod puto, & velim formam immutatam rudium laminarum. Cogita. ADD. Artemon, id est, trochlea, quam Græci *ἰσόγυρα* vocant. *Mag.* lib. 2. *Miscell.* 10. Artemo, velum navis maximum, sive quod additur maximo, sive summum antemnæ, sive potius trochlea, ut docet *Vitruvius lib. x. c. 5. Lamb. ad ep. 23. lib. 8. ad Arist.* Malus, arbor, quæ vela sustinentur.

Ad §. *Vidua.* *Apul.* 4. *Af.* Psyche virgo, vidua domi residens. Vidua ex divortio: *Plaut. Menech.* quin potius vidua vivam, quam tuos mores perferam. Dum tamen hæc fient (parentalia) viduæ cessatæ puellæ. *Ovid.* 2. *Fast.* sunt nubiles igitur.

CCXLIII. SCÆVOLA libro decimoctavo  
Digestorum.

*Scævola respondit, semper acceptum est, ut libertorum appellatione etiam hi contineri intelligantur, qui eodem testamento, vel posteriore loco manumisterentur, nisi manifeste is a quo peterentur, contra defuncti voluntatem doceret peri.*

## A L B E R I C U S.

Finge libertos assignatos, finge libertis quid legatum: postea alios libertos factos; ait Jurisconsultus, *semper* &c. at quomodo incognitorum dispositio? ad incognitos ordinatio? cur hic tempus præsens non intelligimus? id suadet l. 7. ff. de au. & arg. leg. at ait Scævola, *qui eodem testamento*; & tum ratio est, quod in conjunctis non est ordinis ratio, l. 4. ff. de pecul. leg. Sed quid si codicillis postea liberi facti? idem omnes respondent, quoniam codicilli pars testamenti. Sed ego dubito, nam idem testamentum non dicitur nisi per interpretationem; & quod scribit Scævola *vel posteriore loco* de eodem testamento accipiendum est: & *vel* est etiam, ut alibi sæpe; & quod de posteriore loco addit, id sit, quod habuerit majorem dubitationem. Sed & de liberatis priori loco dubitari quoque potuerit, quia liberti non sunt futuri nisi post mortem testatoris, adeoque tum liberti non sint, cum hæc verba pronunciantur *Libertis meis lego*; vel, *libertos meos assigno*; quia tamen tum sunt, cum legatum est præstandum, assignatio habenda, verum sit Scævolæ responsum in his, de quibus cogitasse videri potest testator; nam quid si non codicillis, sed inter vivos fecerit libertos post testamentum?

CCXLIV. LABEO libro quarto pithanon a  
Paulo Epitomatorum.

*Si qua pœna est multa est. Si qua multa est pœna est. Paulus : utrumque eorum falsum est ; namque harum rerum dissimilitudo ex hoc quoque apparet , quod de pœna provocatio non est : simul enim atque victus quis est ejus malefici , cujus pœna est statuta , statim ea debetur ; at multæ provocatio est : nec ante debetur , quam aut non est provocatum , aut provocator victus est ; nec aliter , quam si is dixit , cui dicere licet . Ex hoc quoque earum rerum dissimilitudo apparere poterit , quia pœnæ certæ singulorum peccatorum sunt : multæ contra , quia ejus judicis potestas est , quantam dicat , nisi cum lege est constitutum , quantam dicat .*

## A L B E R I C U S .

Eadem tractatio supra ad l. 131. §. 1. ubi relatæque differentie quinque inter multam & pœnam ; hic tres recensentur . Sed harum tamen postremæ duæ notatæ & titulis quinque . *Si quis pœna est , &c.* ] Labeo inter multam & pœnam nihil interesse existimavit ; quod improbat Paulus differentiis allatis ; quas , ut puto , ignorare cum non potuerit Labeo , videndum est , si potest ab hujus calumnia liberari . Et quidem certum est , significatione idem esse pœnam & multam ; quia multare est punire : ut docuimus . Præterea usu est idem ; nam his vocabulis promiscue utimur : ut alii ostendunt ; & sic *multare morte* , *verberibus* , dixerunt ; ut non teneatur differentia , quæ de pecuniaria animadversione scriptum est . Item pœnam de arbitraria dici sæpius audimus , quam ut exemplis indigeamus ; quo tollitur alia observata differentia , de arbitrio . Sed & quæ sequitur , quod multa imponitur , ubi specialis pœna non est imposita . Sed & illa sublata est de latiori nominis pœnæ significatione ex eo , quod dicebamus , significatione idem esse . Et illa tandem de iudice nihil hic facit ; quia non facit nominum differentiam , sed ostendit , juris sanctionem ; ut & quæ notatur , hic de provocatione . Ergo defendi Labeo potuit , subtili facta examinatione . Sed Paulus recte tamen , qui docet , quomodo ipsi Jurisconsulti de

de his sentiant . Ergo neque pœna est multa , neque multa est pœna ; nisi ut homo est animal , & animal est homo ; quod fortasse potuit & sensisse Labeo .

*De pœna provocatio non est , &c. ]* de pœna certa cape , & *statuta* ; adeoque cape nomen pœnæ non in genere , quando & multam continet , sed in specie . Et ratio hujus discriminis est , quod qui a certa & statuta pœna provocaret , a lege provocaret : quod non licet ; at qui a multa provocat , ab homine provocat , *Statim ea debetur* ; nam hæc legis potestas est , ut etiamsi nihil de pœna subjectum condemnatione est , ea tamen a lege accipitur ; adi l. i. §. 1. ff. ad S. C. Turp. *statim* est ipso jure : ut alibi sapissime ; & loquitur de obligatione , non de exactione : possunt enim tempora esse statuta exactioni ; *nec ante debetur* , &c. ] Sic sententia non obligat , sed res judicata ; etenim sententia videtur illam conditionem habere in proposito , si non provocabitur , aut si provocabitur & non obtinebitur . Ergo obligationem certam non producit . Reliqua exposita ad d. l. 131. Addunt vero interpretes & alia discrimina ; nempe multam fisco semper deberi , l. pen. C. de mo. mult. Item pœnam aliquando infamare , multam non nisi pro crimine famoso impositam ; l. i. C. cod. Rursus revocare multam , qui dixit ; pœnam esse ; nam hæc legis est , l. *illicitas* , in *fin. Digest.* de off. pref. Sed Cujacius idem de multa ad *titul. Cod. de mo. mult.* Præterea multæ præscribi anni spatio , nec declarari , aut imponi postea eam posse ; ut hæc , & alia Rebuffus hic , & ad d. l. 131. Illud tu notes , quod in l. eos , C. de mo. mult. *trina* condemnatio spectat unum & idem peccatum , quod daret , *continuatio peccati* ; nam *tres* condemnationes , si tria peccata , &c. V. Socin. l. 9. num. 27. de *Jurisd.*

CCXLV. POMPONIIUS libro decimo  
Epistolarum.

*Statue adfixæ basibus struclilibus, aut tabulæ relegatæ catenis, aut erga parietem adfixæ, aut si similiter cohererent lychni, non sunt ædium: ornatus enim ædium causa parantur, non quo ædes perficiantur. Idem Labeo ait, prothyrum, quod in ædibus iterum qui fieri solet, ædium est.*

## A L B E R I C U S.

Bases strucliles, quæ opere struclili erant; & hoc quod struclis lapidibus constat. Esse autem lapis struclilis minutor videtur; l. 6. §. pen. ff. si serv. vind. statux autem hæ basibus struclilibus adfixæ, dupliæ ratione videbantur ædium esse, nam adfixæ, & hujusmodi basibus, quæ sunt ædium. Sed contra I.C. & idem in l. 12. §. 12. ff. de instr. leg. attamen statuas adfixas portionem domus, ait in §. 13. forte igitur eas, quæ non sunt causa ornatus, sed quo ædes perficerentur, ut sigilla, & personæ sunt ex quorum rostris aqua salire solet, l. 17. §. 5. ff. de act. empt. & in hoc sane argumento versari ex sequenti videtur d. §. 13. *Lychni*, quibus lucernæ sustinentur; *prothyrum*, quod in ædibus, & in d. §. 13. *prothyrum domus, si velamen est, instrumento domus continetur*: itaque non est ædium; hoc igitur in lege nostra non est velamen. Et *prothyrum* est, quod floribus objicitur, ut per Alciat. Ergo aliud foribus objectum, posterula ex tabulis; illud velamen est quod vulgo in Italia dicimus *portiera*; hoc ex tabulis *buffola*; hoc est ædium, ut stratura; *iterumqui*, est iterum iterumque; nam hoc usitatum, ut *qui pro quo*, quod monet Aldus in orthogr. & Scalig. in Catul. & significat sæpius atque sæpius, l. 7. ff. de ed.; & idem est, quod de stratura: quæ ædium, quia non semel ponitur, sed omni hyeme. Lipsius abstineret manus a libris nostris cum sua critica. ADD. Vid. ad hanc l. Cephal. conf. 92.

## CCXLVI. Idem libro decimosexto Epistolarum.

*Apud Labeonem Pirhanon ita scriptum est : Exhibet ; qui præstat ejus, de quo agitur præsentiam ; nam etiam qui sistit, præstat ejus, de quo agitur, præsentiam, nec tamen eum exhibet ; Qui mutum, aut furiosum, aut infantem exhibet, non potest videri ejus præstare præsentiam : nemo enim ex eo genere præsens satis apte appellari potest.*

## A L B E R I C U S.

De significatione verbi exhibendi vidimus supra ad l. 22: Hic notemus, quod a Pomponio volunt Labeonis definitionem reprehendi ; duplici argumento ; primum, quia definitio non convertitur : nam qui omnis præstat præsentiam, non exhibet, ut qui sistit : quandoquidem aliud est sistere, aliud exhibere ; iterum, quia definitum non convertitur : nam qui exhibet omnis, is non etiam præstat præsentiam : ut qui exhibet furiosum, cuius non est præsentia. Sed Alciatus Labeonem iuctur ; cum adiciat :

*Restituit non tantum qui solum corpus, sed etiam qui omnem rem, conditionemque reddita causa præstet ; Et tota restitutio juris est interpretatio ;* adi ad not. ad l. 23. Hic notes, quod & is restituit, qui solum corpus restituit : aliquando enim, & frequentius hoc fit, ut nec fructus, nec quid præstituitur. Vide quod aliquando undecuplum restituitur, & cum poena pecuniaria, & cum corporali, c. 7. 8. 10. 11. 12. q. 2.

*Et tota restitutio juris, &c.)* jus exponit quid restituendum sit : itaque is restituisse dicitur, qui restituat, quod jus docuit. ADD. Navem sine carina, sine prora, sine puppi, sine compaginis totius incolumitate, procella dissipatam, carie solutam, redactis & recuratis omnibus membris eandem sæpe conspeximus etiam titulo restitutoris gloriantem. *Tertull. de resurg. carn. 2.* Restituere videtur non solum, qui corpus, de quo controversia est,

est, sed & omnem eius causam, conditionemque præstat; tota  
siquidem rellatutio non corporis tantum est, sed etiam juris,  
*Harmonop.*

Op. d. 2. 2.



# I N D E X

## R E R U M E T V E R B O R U M

551

Quæ in hoc Commentario D. Alberici  
Gentilis J. C. De Verb. significa-  
tione continentur, memoratu  
digniorum.

### A

**A** Bactorum numerus distinguit  
ab abigeo furem 253  
Abigeus a fure numero distingui-  
tur 321  
Actio bona auget 272  
Actio quid sit 33 & 120  
Actionis verbo exceptio contineri  
non potest 33  
Actionis nomine veniunt etiam in-  
terdicta 34  
Actiones eisi non pariant obliga-  
tiones juris gentium, valent ta-  
men ad recipiendum, compen-  
sandum, retinendum, & alia id  
generis 40  
Actiones in factum quædam ha-  
bent executionem ordinariam 37  
Actiones possideri non possunt, &  
cur 271  
Actus nomen aliquando distingui-  
tur ab eo, quod verbis fit 69  
Actus nomine, & verbo agendi  
continetur omnis actus sive quid  
verbis, sive quid re agatur,  
actumve fit *ibid.*  
Adoptivus filius excludit matrem a  
legitima successione 247  
Adoptivi filiorum nomine veniunt  
ad excludendum fîcum 246  
Adsignandi verbum plures habet si-

gnificationes, & quas 302 & *seq.*  
Advena domicilium non constituit,  
incola constituit 533  
Alius Gallus 1  
Æquitas naturalis consideranda ma-  
xime in Principum actionibus  
est 75  
Ager unde dictus 96 quid signifi-  
cet *ibid. & seq.*  
Alienari quod prohibetur, id nec  
delicto perditur 102  
Attentio quid sit 100  
Alimentorum appellations quæ ve-  
niant 150  
Ambigua capiuntur secundum in-  
tentionem loquentis, & contra-  
eum, pro quo facta promissio 334  
Ambigue non loquitur, qui lo-  
quitur secundum quod receptum  
est 540  
Annulo signatorio quas ad res usi  
fuerint veteres 127  
Annulus signatorius ornamenti ap-  
pellatione non continetur *ibid.*  
Antistius Labeo cognitione verbo-  
rum celebris 1  
Appellatio urbis Romæ æque con-  
tinentibus finitur, & nomen Ro-  
mæ prævalet 6  
Appellatione filiorum, præcipue in  
fideicommissis, an veniant ne-  
potes 489  
Ap-



# I N D E X

Appellatione fructuum rerum mobilium, etiam fructus rerum moven-  
tium veniunt 278

Appellatione nepotum & pronepo-  
tes veniunt 489

Appellatione nepotum veniunt pro-  
nepotes in casibus, in quibus  
nepotes veniunt nomine filiorum,  
non veniunt in contractibus 490

Arbitrari in servum non cadit 216

Arbitrorum arbitria redacta sunt  
ad instar iudiciorum ibid.

Arma unde dicta 141

Armentorum appellatio aequa ju-  
mentis ac bobus apta est 260

Ars juris non solum aequi & ini-  
qui disceptatione, sed verborum  
quoque interpretatione perficitur a  
Artemon quid 544

Auri appellatione anuli aurei con-  
tinentur 228

## B

**B**ona civili significatione dicun-  
tur etiam, quae & plus in-  
commodi, & nihil commodi ha-  
bent 244

Bona civitatum distinguantur a bo-  
nis populi Romani 56

Bona unde dicantur 244

Bonae fidei emptor quis sit 305 & seq.

In Bonis quae esse dicantur 164

Bonis quod debetur, non potest in  
bonis proprie videri 18

Bonorum appellatione venit pecu-  
nia ibid.

Bonorum possessor proprie heres non  
est 354

## C

**C**alumniator quis & unde di-  
catur 512

Censuram munus quod fuerit 460  
*& seq.*

Cibariorum appellatione quid con-  
tineatur. 351

Coangustatum non videtur, quod  
dicitur ex interpretatione esse 321

Collega unde dicatur 252 & seq.

Conceptus post mortem avi, pro  
nato non habetur, nec ad avi  
venit hereditatem, & cur 509

Consuetudo longa quid sit 80 & seq.

Contractus sunt stricti juris 144

Contractus verborum stricti sunt  
juris 24

Contrariorum contraria est disposi-  
tio 323

Culpa lata quid sit 478

Culpa in lata quis esse dicatur ibid.

Creditorum conditionales qui dicantur  
tur 175 & seq.

## D

**D**anno de naturali teneri non  
solemus, sed de eo quod nos  
dedimus 35

Damnium unde dictum 242

Damnium & periculum quid differant  
tur 223 & seq.

Delicta etiam coepta impunita esse  
non debent 20

Delicti nomen spectat privata: cri-  
minis publica 454

Demetrius Phalerus citatur 4

Differentia inter fundum, tabernam,  
domum, & similia 423 & seq.

Differentia inter nomen liberorum  
& filiorum 487 & seq.

Differentia inter verbum fructus &  
reditus 91 & seq.

Dictio haec plus, prolata a lege  
vel statuto, arbitrio boni viri  
pro qualitate rei intelligitur 436

Dies coemptus pro completo est Ju-  
ris. 10 & 11

Discrimen inter legumina & fru-  
menta secundum Galenum 234

Disjuncta oratio saepe pro conjun-  
cta accipitur 172

Dispositio de idonee probando ex-  
clu-

# RERUM ET VERBORUM

cludit iuramentum suppletorium  
429

Divortium & repudium quid differant  
293 & seq.

Doli promissione quid contineatur  
217

Dolus præsumptus venit in omni dispositione, æque ac verus  
218

Dominium & possessio rei corporalis dicitur jus  
256

Dominium exprimitur nomine rei  
85 quid sit  
87 & 101

Donum complectitur munus  
121

Donum & munus quid differant  
438 & seq.

Dos non est sine matrimonio  
331.

## E

Esedarii coguntur regiam & mediam adire viam, in qua sæpe est multrum moræ  
12

Error juris emptioni non patrocinatur.  
306

Exempla licet non restringant definitionem: ostendunt tamen, quomodo accipere definitionem oporteat  
69. & seq.

## F

Facta non præsumuntur nisi probentur.  
269

Fideicommissa nuda dantur.  
72

Filii nomine in statuto contra jus commune non venit filia fam. & cur.  
457

Filii sunt, quos nuptiæ demonstrant.  
245.

Filiorum appellatione venit proprie etiam filia, quando negative facta filiorum mentio, secus, si affirmative: tum non proprie  
457

Filiorum appellatione & filiarum continentur  
323

Filiorum nomine veniunt nepotes, si ad suum respexit testator, quando verisimiliter esse potest, ne filii essent  
490

Finis in re utique continetur, non minus quam principium & medium  
345

Fructus quid sit  
91

Frugis etymologia  
231. ejus nomine quæ contineantur  
ibid. & seq.

Fuges quid  
232

Fundus vnde dictus  
197

## H

Hebræi rectius familiarum nomen ab ipso principe ac domino confixerunt, quam Græci & Latini a famulis  
448

Heredis nomine plerumque primus duntaxat intelligitur  
221

Hereditas datur liberis etiam per actum inter vivos  
74. Hereditas ex persona heredis non afficitur  
234

Hereditas defunctum non refert in his, in quibus de substantiali essentia requiritur actus & operæ personæ  
83

Hereditas fungitur vice personæ  
76.

Hereditas quid  
84

Hereditas per contractum non datur  
74

Hereditas personam heredis quo respectu sustinere debeat  
81

Hereditas viventis non est  
82

Hereditatis nomine etiam onera veniunt  
133

Hereditati furtum non fit  
83

Heres ex peccato defuncti non convenitur, nec in vitia defuncti succedit  
ibid.

Heres tenetur de administratione defuncti reddere rationem  
266

Homo in fructu hominis esse non potest  
91

Horarum appellatio varia apud Romanos  
8

Hosiles qui dicantur  
317

Hypæthrium quid  
543

A a a a

IM-



# RERUM ET VERBORUM

335

Litteris quid sit & unde dicatur 281

& seq.

Locus a fundo quid differat 191 & seq.

M

Magistri qui sint, & unde dicti 181 & seq.

Majores qui dicantur 166

Malefium dicitur etiam de male dicto 485

Materfamilias quæ dicatur 155 & seq.

Matrona quæ dicatur 355

Medici quinque monstrorum genera faciunt, & quæ 129

Mercis appellatio ad res mobiles tantum pertinet 207. & seq.

Mens legis est ipsa lex, & anima legis 25

Miles ubi meret domicilium habet 532.

Mobilia veniunt appellatione moventium 277.

Mobilium nomine veniunt etiam se moventia, & contra Ibid.

Modus indicandi pro alio quovis sæpe capitur, & quare 326

Molendinum est rusticum prædium, & cur 453

Monstra fato non sunt 351

Morbus fonticus quis dicatur 311. & seq.

Mores quid sint 479

Mulier a mollitie dicta 44

Mulieris nomine etiam virgo comprehenditur 45

Multa & pœna quid differant 546

Munus publicum quid sit 532

N

Negationes duæ unicam efficiunt affirmationem 525

Nepotes proprie natorum nomine veniunt, non veniunt tamen natorum numero 299. & seq.

Nomen debitoris dicitur ipsa actio, quam habeo contra debitorem,

vel ipsum jus

20

Nomen familiaræ profertur ad gradum septimum, si de cognatis agitur 434.

Nomen qui legat, rem legat, quæ nomine continetur 46

Nominis appellatio, quæ obligationem significat, non uni certæ obligationis speciei propria manet, sed omnes obligationes & contractus complectitur 20

Nomine angustiori continetur quod est latius, iuxta interpretationem 246

Novale quid 110 & seq.

Novalis ager ut sit, tria requiruntur Jure Canonico 111. 112

Noxa & noxia quid differant 529

Nullum quod est, nec actus nomen meretur, nec effectum ullum producit 492

Numeratio dierum cessat, ubi advenit mensium 484

O

Obligatio quid sit 304

Obligationis vocabulum multo patet latius quam contractus 21

Omne quod agit, eodem puncto etiam agendo patitur, secundum Physicos 329

Operam qui debet, eam præstare integram debet 19

Oppidi appellatio muris, Oxonii autem continentibus ædificiis finitur 7

Oratio in verba & res dividitur 3

Ostentum quid sit 128

P

Paria sunt, secundum verba & sententiam, & secundum sententiam tantum 25

Parentum & liberorum nomine, si in provisionibus ordinatis a natura, vel quasi versetur, veniunt naturales 250

Aaaa 2

Pars

Pars quintupliciter dicitur, & quomodo 86. & seq.  
 Partes juris intellectu considerantur 89. & seq.  
 Partes semper continentur appellatione rei 214  
 Partus an sit pars matris 92. & seq.  
 Partus inuitrosus non rumpit testamentum 352  
 Patroni appellatione & patrona continentur 168  
 Pauper in argumento accusationis, quis dicatur 57  
 Personæ quot requirantur, ut familiam faciant 140  
 Procurator non fit litis dominus nisi contestatæ & cur 126  
 Proprietas verbi melius cognosci non potest quam per definitionem 80  
 Pedes equi cedere de via debet, & cur 12  
 Pedibus quo contendere potest, mari illuc ire non oportet 12. & 13  
 Permutare quid sit 229  
 Pignus unde dicatur 228  
 Pignoris nomen tripliciter in iure usurpatur ibid.  
 Pignoris capio quid sit 222  
 Plus cautionis est in re, quam in personam 42. & 56  
 Prædium a fundo quid differat 314  
 Prælati non ita diligenter exigere rationes debent, ut veri domini exigunt 268  
 Præmia virtutum merentibus tribuenda sunt 273  
 Præsens non pertinet ad futurum 226  
 Præsumitur quisque talis in mente, qualem dispositio ostendit 23  
 Præteritum quid sit, & unde dictum 115  
 Princeps bona concedendo videtur etiam obligationes concedere 74  
 Princeps bona concedendo non videtur obligationes concedere, quia

hæ bona non sunt ibid.  
 Princeps familiarum continetur familiarum nomine 412  
 Principium plus est dimidio 29  
 Probum & opprobrium quid differant 143. & seq.  
 Procurator, quod per errorem aut injuriam iudicis consecutus est, id reddere tenetur 264  
 Projectum & immissum quid differant 542  
 Pronunciatio sermonis in sexu feminino ad masculinum non porrigitur 440  
 Prothyrum quid 548  
 Provincialis quis dicatur 431. & seq.  
 Proximus quis dicatur 272. & 69.  
 Publicanus non in tantum dicitur, qui vectigal publicum & qui tributum, sed omnes, qui quid a fisco conductum habent 60  
 Puer tribus modis dicitur 463  
 Pupillus ut quis dicatur, duo requiruntur & quæ 529. & seq.

**Q**ui tenetur quid facere, si videtur teneri, cum primum commodum erit 334

Quilibet potest omnem suam substantiam alienare in quemcumque 321.

**R**editus annui inter immobilia computantur 279

Regula non essentiam solam, verum sæpissime etiam vires, progressionem, & id genus reliqua colligit 80

Rei nomen generalius est, & latius 20

Rei nomine etiam personæ continentur 18

Repromissio quid 196

Res esse duorum nequit 284

Res iudicata finem controversiarum facit

# RERUM ET VERBORUM

facit 507. & seq.  
 Res judicatae quae dicantur 508  
 Res meas si lego, non intelligitur  
 de debitis mihi ex contractu 21  
 Res quomodo indicantur quidam 3  
 Res significant ac docent, quomodo  
 capi verba oporteat ibid.  
 Restituere videtur non solum qui  
 corpus, de quo controversia est,  
 sed & omnem ejus causam con-  
 ditionemque praestat 549  
 Reus omnis appellatur, qui quid  
 debet, a re scilicet, de qua est  
 obnoxius 21  
 Ruta caesa quae sint 540  
 S  
 Sacra publici nomine veniunt 61  
 Salices harundo in arboribus ca-  
 dui ligni principatum obrinunt 108  
 Scapha non venit, navi cum in-  
 strumento data 543  
 Seneca citatur 3  
 Sententia verbis antestat 25  
 Separatio tori non est solutio ma-  
 trimonii 540  
 Sequester quid & unde dicatur 508. a  
 sequestro quid differat ibid.  
 Sermo in dubio unus & idem pe-  
 ritorum & imperitorum 257  
 Servus tenetur indicare occisorem  
 domini 450  
 Servus unde dicatur 531  
 Significatio verbum quomodo acci-  
 piendum 3  
 Silva si caedua sit, aut alia, &  
 pascua, an passui destinata dicen-  
 da est, & pascua 114  
 Solvendo is esse intelligitur, qui so-  
 lidum solvere potest 312 & seq.  
 Sorores fratrum nomine veniunt,  
 & cur 315  
 Sparta muris caruit 7  
 Species diei duae, civilis & naturalis 8  
 Species ponitur sublato genere; po-  
 sito genere etiam species 121

Sponsio quid 26  
 Sponsionis vocabulum etiam pro-  
 missioni convenit 27  
 Statio quid 190. a portu quid dif-  
 ferat ibid.  
 Statutum dans praemium accusanti,  
 intelligitur & probanti accusa-  
 tionem 450  
 Stipendium unde dicatur 98 & seq.  
 Stipendium & tributum quid diffe-  
 rant 99  
 Suburbia Romana urbanis nexu per-  
 petuo cohaerebant 6  
 Subsignatio an idem operetur quod  
 subscriptio, & contra 131  
 Superficies quid sit 163

## T

Tabula cedit picturae 50  
 Telorum appellatione quae  
 veniant 515  
 Tempus ceptum quando pro com-  
 plecto haberi debeat 349  
 Tempus in dubio semper intelli-  
 gitur praesens 327  
 Tempus modicum in anno duo  
 menses 434  
 Territorium quid & unde dicatur  
536. & seq.  
 Testator si in principio de filio di-  
 xerit, & postea dixit de filio ma-  
 sculo, censetur semper de ma-  
 sculo sensisse 447  
 Tignum unde dictum 197  
 Transactionum non minor est aucto-  
 ritas quam rerum judicarum 508

## V

Varro, Latinorum doctissimus,  
 judicio D. Augustini 1  
 Vassallus vassalli mei vassallus meus  
 non est 301  
 Venenum vocabulum medium est  
 ideoque adjici debet utrum ma-  
 lum, an bonum 522 & seq.  
 Venetiae muris carent 2  
 Ven-

# 558 INDEX RER UM ET VERBORUM

Venter sequitur conditionem patris in eo, in quo natus eam conditionem sequitur	510	Verbum præsens quando trahatur ad futurum	29
Verba ex subiecta materia accipiendi sunt	265	Verbum <i>quisquam</i> de utroque sexu capitur	5
Verba multa aliud nunc ostendunt, aliud ante significabant	519	Verbum <i>redeundi</i> , aliquando significat venire	280
Verba serviunt intentioni	155	Vestis venit nomine victus	149
Verba cum effectu accipere oportet	449	Vetitus possessiones acquirere, nec mobilia poterit	235
Verba hæc statuti, <i>qui habet jus aliquod</i> , intelliguntur etiam de condicionali propter verbum aliquod	36	Viator non est advena	533
Verbum <i>si quis</i> tam masculos quam feminas complectitur	4	Victus nomen ad homines refertur, non ad equos	151
Verba significant, res significantur	3	Vineta, fixa, adfixa, inserta, inclusa ædificio non sunt ruta cæta	540
Verbi cedere significatus	476	Vocabula rerum sunt immutabilia	138
Verbi palam significationes	120	Vocabuli <i>causæ</i> significatio multiplex	79
Verbi <i>potestatis</i> quinque significationes	420 & seq.	Vocabuli <i>familia</i> sex significationes	341 & seq.
Verbis non solum sed etiam signis res nonnulli indicant	3	Voluntatum ultimarum ea est natura, ut de herede minus onerando curare debeamus	148
Verborum appellatione in hoc tit. de V. S. quid veniat	2 & 3	Vrbs unde dicatur 6. an sine muris esse debeat	ibid.
Verbum <i>amplius</i> & verbum <i>minus</i> ad totum referuntur	434	Vrbare quid sit	6 & 535
Verbum <i>amplius</i> est quantitatis regulatier, sed & causæ aliquando	244	Vrbis appellatio muris cur finiatur	6
Verbum contractus non pertinet ad testamenta, ad delicta, ad sententias, alia, ex quibus obligationes sunt, non solum ex contractibus	20	Vrbum quid	ibid.
Verbum futurum refertur ad præsens ratione alterius adjuncti verbi	32	Vsucapio quid	222
Verbum <i>labere</i> in dubio refertur ad dominii jus	427	Vsufuctuarius sequitur consuetudinem domini	108
Verbum <i>potest</i> est extensivum	326	Vsura fructuum nomine non continetur	322
Verbum <i>potuerit</i> , sui natura potentiam, non actum quoque significat	482	Vsura quamvis in fructu non sit, vicem tamen fructuum obrinet, & merito non debet a fructibus separari	ibid.
Verbum sentiendi commune est omnium sensuum	78	Vsura ex mora poenæ non accedunt	ibid. & seq.
		Vsuræ veniant etiam in nomine	22
		Vsus nomine interdum proprietas venit	235
		Vxor in dispositione ultimæ voluntatis venit nomine familie	443

F F N I S.

575960







